

Copy

1574



















# EX DECRETO CONCILII

TRIDENTINI,  
AD PAROCHOS,

Pij V. Pont. Max. iussu editus.

*Cum Privilegijs.*



ROMAE,  
In ædibus Populi Romani;

M D LXXIIII.

*Alexander Graham*



EX LIBRIS

COMITAT

TRIEN

AD RATIONE

LIBRARI

LIBRARI

In atheniensi Romani



PII V. PONT. MAX.  
P R I V I L E G I V M.



**M**OTU proprio &c. Pastorali officio cupientes quam diligentissime possumus diuina adiuuante gratia fungi, & ea, quæ sacro Tridentino Concilio statuta, & decreta fuerunt, exequi, curauimus, vt a delectis aliquot Theologis in hac alma Vrbe componeretur Catechismus: quo Christi fideles de eis rebus, quas eos nosse, profiteri, & seruare oporteret, Parochorum suorum diligentia edocerentur. qui liber cum, Deo iuuante, perfectus, in lucem edendus sit; prouidendum duximus, vt quam diligentissime, & fidelissime imprimatur. itaq; in hac alma Vrbe eum potissimum imprimi volumus dilecti filij Pauli Manutij diligentia, qui alios ecclesiasticos libros hic imprimere solet. Quia vero, si alibi imprimeretur, euenire posset, vt non pari fide, ac diligentia talis argumenti liber imprimeretur: ob hanc causam, & quia etiam indemnitati, vt æquum est, consultū volumus ipsius Manutij, qui in eo imprimendo magnos sumptus fecit, & multum laboris suscepit; Vniuersis, & singulis librorum impressoribus, & bibliopolis tam extra, quam intra Italiam, sub excommunicationis latæ sententiæ pœna, nostris vero, & S. R. E. temporali ditioni immediate, mediateue subiectis, etiam sub pœna quingentorum ducatorum auri, fisco nostro applicandorum, & amissionis librorum, ipso facto etiam sine declaratione cuiusquam Iudicis incurrenda, inhibemus, & interdicimus ne quis prædictum Catechismum latinum, aut in vulgarem



*Sermonem translatum, intra quinquennium proximum  
possit imprimere, vel ab alijs impressum vendere, ac  
ne post quinquennium quidem absque licentia nostra,  
& Sedis Apostolicæ: Mandantes dilectis filiis nostris  
Camerario, & Vicario Urbis, necnon Gubernatori,  
Senatori, Camera Apostolicæ causarum Auditori, &  
alijs Urbis ordinarijs Iudicibus, Legatisque, Vicele-  
gatis, Gubernatoribus, & Potestatibus terrarum  
S. R. E. Baricellisq. earundem, ac venerabilibus fra-  
tribus singularum extra terras prædictas ciuitatum  
Archiepiscopis, & Episcopis, eorumq. Vicarijs, ut,  
quoties ipsius Pauli nomine requisiti fuerint, ei effi-  
cacia defensionis præsidio assistentes præmissa omnia,  
& singula contra inobedientes, & contrauenientes  
ad executionem censurarum, & pœnarum prædicta-  
rum, omni, & quacunque appellatione remota, pro-  
cedant, & quilibet eorum procedat, inuocato etiam,  
si opus fuerit, auxilio brachij secularis. Quia vero  
difficile esset hanc nostram cedulam originale ad sin-  
gula loca deferri: volumus quod de eius tenore, quod  
ad prohibitionem nostram huiusmodi attinet, credi de-  
beat exemplis in ipsis libris imprimendis, quodque  
presentis nostri Motus proprii, etiam absq. illius re-  
gistratura, sola signatura sufficiat, & vbique fidem  
faciat in iudicio & extra, quacunque regula, siue  
constitutione Apostolica contraria non obstante: Nō  
obstantibus constitutionibus, & ordinationibus Apo-  
stolicis, priuilegijs quoque, indultis quibuscumq. alijs  
in contrarium sortasse facientibus.*

Placet Motu proprio. M.

Dat. Romæ, apud Sanctum Marcum, septimo  
Kalend. Octobr. anno primo.

PHI-

# PHILIPPVS

DEI GRATIA REX CASTELLAE,  
Aragonum, vtriusque Siciliae, Hierusalem,  
Vngariae, Dalmatiae, Croatiaeq. &c.



NON PERAFANNVS de Ribera,  
Dux de Alcala, & in hoc regno præ  
dictæ Maiestatis Vicerex, Locum-  
tenens, et Capitaneus generalis &c.  
Magnifico viro Paulo Manutio re-  
gio fideli dilecto gratiam regiam & bonam volunta-  
tem. Cum per suam Sanctitatem, vt fuit nobis ex-  
positum, tibi commissum & iniunctum fuerit, ut, ex-  
pensis Populi Romani, Catechismum, nouum Breui-  
arium, seu Missale, & alios libros nouos imprimi cu-  
res: supplicatumque propterea nobis fuerit pro tui  
parte, quatenus regiae & catholicae Maiestatis nomi-  
ne tibi concederemus, per aliquod temporis spatium,  
videlicet per annos quindecim libros prædictos, &  
quoscumque alios nouos, necnon complures in melius  
redactos, aut cum nouis commentarijs, declarationi-  
bus, seu postillis, vel traductos in latinum seu vulga-  
re eloquium, seu in quamcumque linguam, impressos  
tamen in Vrbe sub nomine Populi Romani, in præsen-  
ti Regno imprimi non posse, nec extra Urbem impres-  
sos in Regnum immitti, nec alio modo exemplari, &  
quouis modo imprimi facere, & in Regno prædicto  
vendi, vel quouis modo contractari, nisi tantummo-  
do per te, vel tuos heredes & successores ac alios tui,  
vel tuorum heredum prædictorum parte, dicto tem-  
pore annorum quindecim perdurante. Nos autem  
attenta causa prædicta, & quod super hac concessio-  
ne



ne fuimus sue Sanctitatis nomine requisiti, ea propter  
tenore presentium de certa nostra scientia, delibe-  
rate, & consulto, ac ex gratia specialis predicta Ma-  
iestatis nomine, cum deliberatione & assistentia regij  
Collateralis Consilij, statuimus, & decernimus, quod  
per annos quindecim a die Dat. presentium in antea  
numerandos, nemini liceat in hoc Regno libros iam  
dictos imprimere, aut exemplari, & imprimi facere,  
nec extra dictam Urbem impressos in hoc predictum  
Regnum immittere, aut aliquo pacto contractare,  
absque specialis permissione predicti Pauli Manutij,  
vel dictorum suorum heredum, & successorum dicto  
tempore annorum quindecim perdurante: Volentes  
& decernentes expresse, quod si quis contra predictam  
nostram ordinationem attentare presumpserit, ipso  
facto incurrat in pœnam ducatorum trecentorum, ti-  
bi, & tuis predictis heredibus & successoribus pro  
tertia parte applicandorum, & pro alia tertia parte  
Regio fisco, & pro reliqua alia accusatori, ac libri  
operum predictorum in hoc Regno, aut per exemplum  
in quouis alio loco extra dictam Urbem impressi, &  
in Regnum ipsum immisisti, deuoluantur, & sint tui,  
vel dictorum tuorum heredum, & successorum. Man-  
dantes propterea per has easdem omnibus & singulis  
officialibus, & subditis Regijs maioribus, & minori-  
bus, quocumque nomine nuncupatis, titulo, officio,  
auctoritate, potestate, & iurisdictione fungentibus,  
presentibus & futuris, ad quos, seu quem spectabit,  
& presentes peruenerint, seu fuerint quomodolibet  
presentata, unicuique in sua iurisdictione, quatenus  
tibi, seu alteri legitimæ personæ pro tui parte, pre-  
stent, & prestari faciant omne auxilium, consilium,  
& fauorem opportunum & necessarium super con-  
fiscatione

fiscatione dictæ pænæ & executione dictorum librorū  
in casibus premisſis tibi deuolutorum, adeo quòd pro  
predictis ad nos recurſum habere tibi neceſſe non ſit,  
& ſi ſecus factum fuerit, ſtatim incurrat iram & in-  
dignationem Regiam, & pœnam ducatorum auri mil-  
le, preſentibus regio ſigillo a tergo impreſſis, preſen-  
tanti ſingulis vicibus remanſuris.

Datum Neapoli, die vltimo menſis Maij.

M. D. L X V I.



**H**ILIPPVS Hispaniarum Rex  
&c. Noſtri ſemper inſtituti ſunt,  
ijs fauere, qui religioni, ac rei litte-  
rarię promouendę labore, ſumptuq.  
ſuo incumbunt, quorum in numero  
doctum, ac fidelem dilectum noſtrū

Paulum Manutium eſſe accepimus. is cum ſignifica-  
ri nobis curauerit, ſe Catechiſmum latina, italicaque  
lingua conſcriptum, & ſuos in M. Tulij Ciceronis epi-  
ſtolas, quas familiares appellant, commentarios in ſo-  
cietate P. R. typis ſuis ad communem omnium pio-  
rum, & ſtudioſorum utilitatem edere ſe paratum eſſe:  
at vereri ne alij poſtea, ſumpto inde exemplo, alibi  
eos edentes, & vendentes laboris ac ſumptus, dili-  
gentieque ſuę fructum intercipient: dignus nobis vi-  
ſus eſt, cui nos, pro noſtra virili, proſpicere, ac conſu-  
lere debeamus. Itaque his litteris noſtris ſancimus,  
& iubemus; vt ne quis Typographus, Bibliopola,  
Librarius, aut alius quiuis Catechiſmum & commen-  
tarios antedictos Romę in ſocietate P. R. ab ipſo Ma-  
nutio editos, & impreſſos a die impreſſionis ad an-



nos sex, in vniuersa Mediolanensi ditione nostra, ea  
inuito, imprimere, aut alibi impressos clam, palam ue  
in eam inferre, & vendere audeat. Si quis contra,  
quam his litteris nostris sanctum, iussum ue est, fece-  
rit; illum continuo pœnam scutorum aureorum ter-  
centum, ac amissionis librorum omnium subire volu-  
mus: quos cum eius pecunię tertia parte Manutio,  
reliquę vero dimidiam partem fisco nostro, alteram  
accusatori assignari & attribui mandamus per eum  
magistratum, cuius potestati subiectus fuerit is, qui  
contra fecisse reperietur. In quorum &c.

Dat. Mediolani, M. D. LXVI. mense Octob.





EX DECRETO CONCILII  
TRIDENTINI,

AD PARROCHOS,

Sanctiss. D. N. Pij Quinti iussu editus.



**E**ST humanæ mentis, & intelligentiæ ratio, ut, cum alia multa, quæ ad diuinarum rerum cognitionem pertinent, ipsa per se, magno adhibito labore, & diligentia, inuestigauerit, ac cognouerit; maximam tamen illorum partem, quibus æterna salus comparatur, cuius rei in primis causa homo cõditus, atque ad imaginem & similitudinem Dei creatus est, naturæ lumine illustrata cognoscere, aut cernere nunquam potuerit. Inuisibilia quidem Dei, ut docet Apostolus, a creatura mundi per ea, quæ facta sunt, intellecta, conspiciuntur; sempiterna quoque eius uirtus, & diuinitas: uerum mysterium illud, quod absconditum est a sæculis, & generationibus, ita humanam intelligentiam superat, ut, nisi manifestatũ fuisset sanctis, quibus uoluit Deus fidei munere notas facere diuitias gloriæ sacramenti huius in gentibus, quod est Christus, nullo studio homini ad eam sapientiam aspirare licuisset. Cum autem fides

Rom. 1

Ad Col. 1

Rom. 10

A ex au-



ex auditu concipiatur, perspicuum est, quam necessaria semper fuerit ad æternam salutem consequendam, doctoris legitimi fidelis opera, ac ministeriū :

- Rom. 10* siquidem dictum est; Quo modo audient sine prædicante? quo modo uero prædicabunt, nisi mittantur? & quidem ab ipsius mundi origine, clementissimus ac benignissimus Deus suis numquam defuit, *Hebr. 1* sed multifarie, multisque modis locutus est Patribus in prophetis, eisque pro temporum condicione ad cælestem beatitudinem certum, ac directum iter *Psal. 49* monstrauit. Sed quoniam prædixerat, daturum se *Hebr. 1* doctorem iustitiæ in lucem gentium, ut esset salus eius usque ad extremum terræ, nouissime locutus *1. Pet. 1* est nobis in Filio, quem etiam, uoce e cælo delapsa a magnifica gloria, iussit ut omnes audirent, eiusque præceptis obtemperarent. Deinde uero Filius *Eph. 4* alios dedit Apostolos, alios Prophetas, alios Pastores, & Doctores, qui uerbum uitæ annuntiarent, ne circumferremur tamquam paruuli, fluctuantes omni uento doctrine, sed, firmo fidei fundamento adhærentes, coædificaremur in habitaculum Dei, in spiritu sancto.

*Verba Pastorum Ecclesia tamquam Dei uerba recipienda*

*Luc. 10*

Ac ne quis uerbum auditus Dei ab Ecclesiæ ministris, tamquam uerbum hominum, sed, sicut uere est, uerbum Christi acciperet, ille ipse Saluator noster tantam auctoritatem eorum magisterio tribuendam esse statuit, ut diceret: Qui uos audit, me audit; & qui uos spernit, me spernit. quod quidem non de ijs tantum, quibuscum sermo habebatur, intelligi uoluit, uerum de omnibus etiam, qui legitima successione docēdi munus obirent, quibus se omnibus diebus usque ad consummationem sæculi affu-

turum

turum esse pollicitus est. At uero, cum hæc diuini uerbi prædicatio numquam intermitteri in Ecclesia debeat; tum certe hoc tempore maiori studio, & pietate elaborandum est, ut sana, & incorrupta doctrina, tamquam pabulo uitæ, fideles nutriantur, & confirmentur. exierunt enim falsi prophetæ in mundum, de quibus dixit Dominus: Non mittebam prophetas, & ipsi currebant: non loquebar ad eos, & ipsi prophetabant, ut uarijs doctrinis, & peregrinis, Christianorum animos deprauarent. Quare illorum impietas, omnibus Satanæ artibus instructa, tam longe progressa est, ut nullis fere certis finibus contineri posse uideatur. ac, nisi Saluatoris nostri præclara illa promissione niteremur, qui se adeo stabile Ecclesiæ suæ fundamentum posuisse affirmavit, ut portæ Inferi aduersus eam præualere numquam possint: maxime uerendum esset, ne hoc tempore, tot undique hostibus obfessa, tot machinis tentata, & oppugnata, concideret.

Matth. 23

1. Ican. 4

Hier. 23

Matth. 16

Nam, ut omitamus nobilissimas prouincias, quæ olim ueram, & catholicam religionem, quam a maioribus acceperant, pie, & sancte retinebant, nunc autem derelinqnentes uiam rectam, errauerunt, atque in eo se maxime pietatem colere palam profitentur, quod a patrum suorum doctrina quam longissime recesserunt; nulla tam remota regio, aut tam munitus locus, nullus Christianæ reipub. angulus inueniri potest, quo hæc pestis occulte irreperere non tentarit. Qui enim fidelium mentes corrumpere sibi proposuerunt, cum fieri nullo modo posse intelligerent, ut cum omnibus coram colloquerentur, & in eorum aures uenenatas uoces infunderent,

*Quo astu  
heretici sint  
usi ad im-  
pia dogma-  
ta infun-  
denda.*



idem alia ratione aggressi, multo facilius, ac latius impietatis errores disseminarunt. Nam, præter illa ingentia uolumina, quibus catholicam fidem euertere conati sunt, a quibus tamen cauere, cum apertam hæresim continerent, non magni fortasse laboris, ac diligentiae fuit, infinitos etiam libellos conscripserunt: qui cum pietatis speciem præferrent, incredibile est, quam facile incautos simplicium animos deceperint. Quamobrem Patres œcumenicæ Tridentinæ Synodi, cum tanto, & tam pernicioso huic malo salutare aliquam medicinam adhibere maxime cuperent, non satis esse putarunt, grauiora catholicæ doctrinæ capita cōtra nostri temporis hæreses decernere; sed illud præterea sibi faciendum censuerunt, ut certam aliquam formulam & rationem Christiani populi ab ipsis fidei rudimentis instituendi, traderent, quam in omnibus ecclesijs illi sequerentur, quibus legitimi Pastoris, & doctoris munus obeundum esset. Multi quidem adhuc in hoc scriptionis genere cum magna pietatis & doctrinæ laude uersati sunt: sed tamen Patribus uisum est maxime referre, si liber sanctæ Synodi auctoritate ederetur, ex quo Parochi, uel omnes alij, quibus docendi munus impositum est, certa præcepta petere, atque depromere ad fidelium ædificationem possint; ut quemadmodum unus est Dominus, una fides, ita etiam una sit tradendæ fidei, ad omniaque pietatis officia populum Christianum erudiendi, communis regula, atque præscriptio.

*Catechismus cur editus.*

Ergo, cum multa sint, quæ ad hanc rationem pertinere uideantur, nemo existimet, illud sanctæ Synodo propositum fuisse, ut omnia Christianæ fidei

dei

dei dogmata, uno libro comprehensa, subtiliter explicarentur: quod ab ijs fieri solet, qui se profitentur uniuersæ religionis institutionem, & doctrinam tradere: id enim & infiniti pene operis fuisset, & instituto minus conuenire perspicuum est: sed quoniã Parochos, sacerdotesque, animarum curatores: earum rerum cognitione instruendos suscepit, quæ pastoralis muneris maxime propriæ sunt, & ad fidelium captum accommodatæ; ea tantum in medium afferri uoluit, quæ hac in re pium Pastorum studium, si in difficilioribus diuinarum rerum disputationibus non ita uersati fuerint, adiuuare possent. Quæ cum ita sint, ante quam ad ea singillatim tractanda accedamus, quibus huius doctrinæ summa continetur, institutæ rei ordo postulat, ut pauca quædam exponantur, quæ Pastores considerare, sibi que ante oculos proponere in primis debent; ut sciant, quoniam, ueluti ad finem, omnia eorum consilia, labores, studia referenda sint, quoue pacto id, quod uolunt, facilius consequi, & efficere possint. Illud igitur primum uidetur esse, ut semper meminerint, omnem Christiani hominis scientiam hoc capite comprehendendi, uel potius, quemadmodum Saluator noster ait, Hæc est uita æterna, ut cognoscant te solū 1. Ioan. 17 uerum Deum, &, quem misisti, Iesum Christum. Quamobrem in eo præcipue ecclesiastici doctoris opera uersabitur, ut fideles scire ex animo cupiant Iesum Christum, & hunc crucifixum: sibi que certo 1. Cor. 2 persuadeant, atque intima cordis pietate & religionē credant, aliud nomen non esse datum hominibus sub cælo, in quo oporteat nos saluos fieri: siquidem ipse propitiatio est pro peccatis nostris. At ue- Act. 4 1. Ioan. 3



ro quia in hoc scimus, quoniam cognouimus eum,  
*1. Ioan. 2* si mandata eius obseruemus; proximum est, & cū  
 eo, quod diximus, maxime coniunctum, ut simul  
*1. Ioan. 2* etiam ostendat, uitam a fidelibus non in otio & de-  
 sidia degendam esse: uerum oportere, ut, quemad-  
*Ad Tit. 2* modum ipse ambulauit, ita & nos ambulemus, se-  
 cteturque omni studio iustitiam, pietatem, fidem,  
 charitatem, mansuetudinem: dedit enim semet  
 ipsum pro nobis, ut nos redimeret ab omni iniqui-  
 tate, & mundaret sibi populum acceptabilem, se-  
*Matth. 22* ctatorem bonorum operum, quæ Apostolus Pasto-  
 ribus præcipit, ut loquantur, & exhortentur. Cum  
 autem Dominus, ac Saluator noster non solum di-  
 xerit, sed etiam exemplo suo demonstrarit, legem,  
*1. Tim 1* & prophetas ex dilectione pendere; Apostolus dein  
*Rem. 13* de confirmarit, charitatem esse finem præcepti, ac  
 legis plenitudinem; dubitare nemo potest, hoc tã-  
 quam præcipuum munus, omni diligentia curandū  
 esse, ut fidelis populus ad immensam Dei erga nos  
 bonitatem amandam excitetur, ac diuino quodam  
 ardore incensus, ad summum illud & perfectissimū  
 bonum rapiatur; cui adherere, solidam, & ueram  
 felicitatem esse is plane sentiet, qui illud Prophetæ  
*Psal. 72* dicere poterit: Quid enim mihi est in cælo, & a te  
*1. Cor. 12* quid uolui super terram? Hæc nimirum est uia illa  
*1. Cor. 13* excellentior, quam idem Apostolus demonstrauit,  
 cum omnem doctrinæ, & institutionis suæ rationē  
 ad charitatem, quæ numquam excidit, dirigeret. Si-  
 ue enim credendum, siue sperandum, siue agendū  
 aliquid proponatur; ita in eo semper charitas Domi-  
 ni nostri commendari debet, ut quiuis perspiciat,  
 omnia perfecte Christianæ uirtutis opera nō aliun-  
 de,

de , quam a dilectione , ortum habere ; neque ad alium finem , quam ad dilectionem , referenda esse .

Cum autem in omni re tradenda plurimum in-

*Catechismi  
doctrina ad  
captum cu-  
iusque ac-  
comodata .*

terfit , utrum hoc , an illo modo aliquid doceas : tum

uero hoc in Christiani populi institutione maximi

*1. Cor. 9*

momenti existimandum est . Obseruanda est enim

*1. Cor. 4*

audientium ætas , ingenium , mores , condicio ; ut

qui docendi munus exercet , omnia omnibus efficia-

*Matth. 25*

tur ; ut & omnes Christo lucrifaciat , & se ipsum

fidelem ministrum , & dispensatorem probare pos-

sit , ac ueluti seruus bonus , & fidelis , dignus sit ,

qui super multa constituatur a Domino . Neque

uero unius tantum generis homines fidei suæ com-

missos esse arbitretur , ut præscripta quadam , &

*1. Petr. 2*

certa docendi formula erudire , atque ad ueram pie-

*1. Cor. 3*

tatem instituere æque omnes fideles possit : sed cum

*Hebr. 5*

alij , ueluti modo geniti , infantes sint , alij in Chri-

*Eph. 4*

sto adolescere incipiant , nonnulli uero quodam mo-

do confirmata sint etate ; necesse est diligenter consi-

derare quibus lacte , quibus solidiore cibo opus sit ,

*Rom. 1*

ac singulis ea doctrine alimenta præbere , quæ spiri-

tum augeant , donec occurramus omnes in unita-

tem fidei , & agnitionis filij Dei in uirum perfectum ,

in mensuram ætatis plenitudinis Christi . Id uero

Apostolus in se ipso omnibus obseruandum iudica-

uit , cum dixit , se Græcis , & barbaris , sapienti-

bus , & insipientibus debitorem esse ; ut uidelicet in-

*2. Th. 4*

telligerent , qui ad hoc ministerium uocati sunt , ita

in tradendis fidei mysterijs , ac uitæ præceptis , do-

ctrinam ad audientium sensum , atque intelligentiâ

accommodari oportere ; ut , cum eorum animos , qui

exercitados sensus habet , spirituali cibo expleuerint ,



ne interim paruulos fame perire pariantur , ut qui panem petant, & non sit qui frangat eis . Neque uero cuiusquam studium in docendo retardari debet , propterea quod interdum necesse sit auditorem earum rerum præceptis instrui, quæ leuiiores , & humiliores uidentur , nec sine molestia ab ijs potissimum tractari solent, quorum animus in sublimium rerum contemplatione uersatur , ac conquiescit. Nā si ipsa æterni patris sapientia in terras descendit , ut in carnis nostræ humilitate cælestis uitæ præcepta nobis traderet; quem non compellat charitas Christi , ut paruulus fiat in medio fratrum suorum , & tamquam nutrix fouens filios suos ita cupide proximorum salutem desideret , ut , quod de se ipso

1. Thess. 2. Apostolus testatur , eis uelit non solum euangelium Dei , sed etiam animam tradere?

*Doctrina si  
d. i. h. a. t. e. l. i. c. a  
c. o. n. t. i. n. e. t. u. r  
s. c. r. i. p. t. u. r. a  
& t. r. a. d. i. t. i. o. n. i. b. u. s.  
t. u. s. d. e. s. y. m. b. o. l. o.  
s. a. c. r. a. m. e. n. t. i. s.  
D. e. c. a. l. o. g. i.  
o. r. a. t. i. o. n. i. s.  
D. o. m. i. n. i. c. a. s.*

Omnis autem doctrinæ ratio , quæ fidelibus tradenda sit , uerbo Dei continetur , quod in scripturam , traditionesque distributum est . itaque in harum rerum meditatione Pastores dies , noctesq; uersabuntur , memores illius D. Pauli admonitionis , quam ad Timotheum scriptam , omnes , quicumq; animarum curæ præpositi sunt , ad se pertinere existimabunt . est autem hæc admonitio in hunc modum . Attende lectioni , exhortationi , & doctrinæ : est enim omnis scriptura diuinitus inspirata utilis ad docendū , ad arguendum , ad corripiendum , ad erudiendum in iustitia , ut perfectus sit homo Dei , ad omne opus bonum instructus . Sed quoniam , quæ diuinitus tradita fuerunt , multa sunt , & uaria , ut nec ita facile aut animo comprehendere , aut etiam mente comprehensa , memoria teneri possint , ut , cum se obtulerit

2. Tim. 3.

1. Tim. 4.

obtulerit docendi occasio, eorum parata sit & prōpta explicatio; sapientissime maiores nostri totam hanc uim, & rationem salutaris doctrine, in quattuor hec capita redactā, distribuerunt, apostolorū Symbolum, Sacramenta, Decalogum, Dominicā orationem. nam omnia, quę Christianę fidei disciplina tenenda sunt, siue ad Dei cognitionē, siue ad mundi creationem & gubernationem, siue ad humani generis redemptionem spectent, siue ad bonorum prēmia, & malorū pœnas pertineant, Symboli doctrina continentur. Quę autem signa sunt, & tamquā instrumenta ad diuinam grātiā consequendam, hæc septem sacramentorum doctrina complectitur. Iam uero quę ad leges referuntur, quorum finis est charitas, Decalogo descripta sunt. 1. Tim. 1

Quidquid deniq; ab hominibus optari, sperari, ac salutariter peti possit, id Dominica precatione comprehenditur. Quare sequitur, ut, explanatis quattuor his quasi cōmunibus sacrę scripturę locis, nihil fere ad eorum intelligentiam, quę Christiano homini discenda sunt, desiderari possit. Itaque uisum est monere Parochos, ut, quoties usu uenerit, ut aliquem interpretentur Euangelij, uel quemuis aliū diuinę scripturę locum, intelligant, eius loci, quicumque is fuerit, sententiam cadere sub unum aliquod quattuor illorum capitum, quę diximus, quo, tamquam ad eius doctrinę fontem, quod explicandum sit, confugient. exempli causa, si explanandum sit illud euangelium primę dominicę Auentus: Erunt signa in sole & luna &c. Luc. 21 quę ad eam rationem pertinent, tradita sunt illo Symboli articulo, Venturus est iudicare uiuos, & mortuos;



mortuos: quibus inde assumptis, Pastor una eademque opera fidelem populum & Symbolum, & Euangelium docebit. Quare in omni docendi, & interpretandi munere, hanc consuetudinem tenebit dirigendi omnia ad prima illa quattuor genera, ad quæ referri uniuersam diuinæ scripturæ uim, atque doctrinam diximus.

Docendi autem ordinem cum adhibebit, qui & personis, & tempori accommodatus uidebitur: nos Patrum auctoritatem secuti, qui initiandis Christo domino, & in eius disciplina instituendis hominibus, a fidei doctrina initium fecerunt, opere pretiū duximus, quæ ad fidem pertinent, prius explicare. Sed quoniam in diuinis litteris multiplex est fidei significatio; hic de ea loquimur, cuius ui omnino assentimur ijs, quæ tradita sunt diuinitus. Hanc autem ad salutem consequendam esse necessariam, nemo iure dubitabit, præsertim cum scriptum sit:

*Hebr. 1* Sine fide impossibile est placere Deo. Cum enim finis, qui ad beatitudinem homini propositus est, altior sit, quam ut humanæ mentis acie perspicui possit, necesse ei erat, ipsius a Deo cognitionē accipere. Hæc uero cognitio nihil aliud est, nisi fides: cuius uirtus efficit, ut id ratum habeamus, quod a Deo traditum esse sanctissimæ matris Ecclesiæ auctoritas comprobarit. nulla enim fidelibus potest accidere dubitatio in ijs, quorum Deus auctor est, qui est ipsa ueritas. ex quo intelligimus, quantum inter hanc fidem, quam Deo habemus, intersit; & illam, quam humanæ historiæ scriptoribus adhibemus. Fides autem, quamquam late pateat, & magnitudine, ac dignitate differat, (est enim  
sic in

fic in sacris litteris ; Modice fidei, quare dubitasti?  
 &, Magna est fides tua : &, Adauge nobis fidem : *Matth. 14*  
 item, Fides sine operibus mortua : &, Fides, quæ *Luc. 17*  
 per charitatem operatur ) tamen est idem genere, *Matth. 15*  
 & diuersis fidei gradibus eadem definitionis uis, *Gal. 5*  
 & ratio conuenit. Quam uero fructuosa sit, & *Iacobi 2*  
 quantam ex ea utilitatem capiamus, in articulo-  
 rum explicatione dicetur. Quæ igitur primum  
 Christiani homines tenere debent, illa sunt, quæ  
 fidei duces doctoresque sancti apostoli, diuino spi-  
 ritu afflati, duodecim Symboli articulis distinxe-  
 runt. nam, cum mandatum a Domino accepissent,  
 ut pro ipso legatione fungentes, in uniuersum mun-  
 dum proficiscerentur, atque omni creaturæ euan-  
 gelium prædicarent, Christianæ fidei formulam  
 componendam censuerunt, ut scilicet id ipsum om- *1. Cor. 1*  
 nes sentirent, ac dicerent; neque ulla essent inter eos  
 schismata, quos ad fidei unitatem uocassent; sed  
 essent perfecti in eodem sensu, & in eadē sententia.  
 Hanc autem Christianæ fidei, & spei professionem  
 a se compositam, apostoli Symbolum appellarunt;  
 siue quia ex uarijs sententijs, quas singuli in com-  
 mune contulerunt, conflata est; siue quia ea ueluti  
 nota, & tessera quadam uterentur, qua desertores, &  
 subintroductos falsos fratres, qui euangelium adul-  
 terabant, ab ijs, qui uere Christi militiæ sacramen-  
 to se obligarent, facile possent internoscere.

CREDO IN DEVM. Cum multa in Christia-  
 na religione fidelibus proponantur, quorū singilla-  
 tim, uel uniuerse, certam, & firmam fidem habere  
 oportet; tum uero illud primo, ac necessario omni-  
 bus credendum est, quod ueluti ueritatis fundamen-  
 tum

tum ac summa de diuinę essentię unitate, & trium personarum distinctione, earumq; actionibus, quę precipua quadam ratione illis attribuuntur, Deus ipse nos docuit. Huius mysterij doctrinam breuiter in Symbolo apostolorum comprehensam esse, Parochus docebit. Nam ut maiores nostri, qui in hoc argumento pie, & accurate uerati sunt, obseruauerunt, in tres potissimum partes ita distributum uidetur, ut in una, diuinę naturę prima persona, & mirum creationis opus describatur; in altera, secunda persona, & humane redemptionis mysterium; in tertia, tertia item persona, caput, & fons sanctitatis nostrę, uarijs, & aptissimis sententijs concludatur. Eas autem sententias, similitudine quadam a Patribus nostris frequenter usurpata, articulos appellamus. Vt enim corporis membra articulis distinguuntur, ita etiã in hac fidei confessione quidquid distincte, & separatim ab alio nobis credendum est, recte, & apposite articulum dicimus.

C R E D O   I N   D E U M   P A T R E M  
O M N I P O T E N T E M ,   C R E A -  
T O R E M   C A E L I ,   E T   T E R R A E .

His uerbis ea sententia subiecta est: certo credo, ac sine ulla dubitatione profiteor Deum patrem, primam scilicet Trinitatis personam, qui sua omnipotenti uirtute celum ipsum, & terram, & omnia, quę celi, & terrę ambitu continentur, ex nihilo condidit, & condita tuetur, ac regit: neque solum eum corde credo, & ore confiteor, uerum summo studio, ac pietate ad illum, ueluti summum, & perfectissimum bonum, contendo. Hęc igitur sit breuis quędam primi huius articuli comprehensio.



prehensio . Sed quoniam magna mysteria in singulis fere uerbis latent , ea nunc diligentius Parocho perpendenda sunt: ut, quantum Dominus permiserit, ad eius maiestatis gloriam contemplandā cum timore , & tremore fidelis populus accedat.

Igitur credendi uox hoc loco , putare, existimare, opinari, non significat; sed, ut docent sacrę litterę, certissimę assensionis uim habet, qua mens Deo sua mysteria aperienti, firme , constanterque assentitur. Quamobrem is credit, ( quod ad huius loci explicationem attinet) cui aliquid sine ulla hesitatione certum , & persuasum est. Neque uero existimare quisquam debet, fidei notitiam minus certam esse, quod ea non cernantur, quę nobis credenda fides proponit. etenim diuinum lumen, quo ea percipimus, tametsi rebus perspicuitatem nō afferat, nos tamen de his dubitare non finit. Deus enim, qui dixit de tenebris lucem splendescere, ipse illuxit in cordibus nostris, ut nō sit nobis opertum euangelium , sicut ijs, qui pereunt. Iam uero , ex ijs , quę dicta sunt, consequitur, eum , qui celesti hac fidei cognitione pręditus est, inquirendi curiositate liberum esse. Deus enim cum iussit nos credere, non diuina iudicia scrutanda, eorumq; rationem , & causam perquirendam nobis proposuit, sed immutabilem fidem pręcepit, quę efficit, ut animus in eterne ueritatis notitia conquiescat. Ac profecto cum Apostolus testetur: Deus uerax est, Rom. 3 omnis autem homo mendax; si arrogantis, & impudentis hominis est, graui, ac sapienti uiro aliquid affirmanti fidem non habere, sed pręterea urgere, ut, quod dixerit, rationibus, aut testibus probetur:

*Verbi huius, credo, in materia fidei euangelica acceptio, & professio.*

*2. Cor. 4*

betur : cuius temeritatis , atque adeo stultitiæ fuerit , Dei uoces audientem , cælestis , ac salutaris doctrinæ rationes requirere ? fides itaque , seclusa omni non solum ambiguitate , sed etiam demonstrandi studio , tenenda est . Verum illud præterea doceat Parochus , eum , qui dicit CREDO , præterquam quod intimum mentis suæ assensum declarat , qui interior fidei actus est , debere id , quod animo inclusum habet , aperta fidei professione præferre , summaque alacritate palam fateri , ac prædicare . Oportet enim fideles eum spiritum habere , quo fretus Propheta dixit ; Credidi propter quod locutus sum : imitari apostolos , qui ad principes populi responderunt ; Non possumus , quæ uidimus , & audiuius , non loqui : diui Pauli præclara illa uoce excitari ; Non erubescō euāgelium : uirtus enim Dei est in salutē omni credenti . Item quo maxime huius sententiæ ueritas confirmatur : Corde creditur ad iustitiam , ore autem confessio fit ad salutem .

IN DEVM . Hinc iam Christianæ sapientiæ dignitatem , & præstantiam , ex eaque , quantum diuinæ bonitati debeamus , cognoscere licet , quibus datum est , statim ad rei præstantissimæ , maximeque expetendæ cognitionem quasi fidei gradibus ascendere . In hoc enim multum inter se differunt Christiana philosophia , & huius sæculi sapientia , quod hæc quidem naturalis tantum luminis ductu ab effectibus , & ab ijs , quæ sensibus percipiuntur , paulatim progressa , non nisi post longos labores uix tandem inuisibilia Dei contemplatur , primamque omnium rerum causam & auctorem agnoscit , atque

que intelligit: contra uero illa humane mentis acie  
ita exacuit, ut in cælum nullo labore penetrare  
possit, atque diuino splendore collustrata, primū  
quidem æternū ipsum luminis fontem, deinde quę  
infra ipsum posita sunt, intueri; ut nos uocatos esse  
de tenebris in admirabile lumē, quod est apud apo *1. Petr. 2*  
stolorum Principem, cum summa animi iucundi-  
tate experiamur, & credentes exulemus lætitia ine-  
narrabili. Recte igitur fideles primo se in Deum  
credere profitentur, cuius maiestatem ex Hieremie *Hiere. 32*  
sententia incomprehensibilem esse dicimus: Lucē  
enim, ut ait Apostolus, inhabitat inaccessibilem, *1. Tim. 6*  
quem nullus hominū uidit, sed nec uidere potest.  
cū enim ad Moysen loqueretur, Non uidebit me, *Exod. 33*  
inquit, homo, & uiuet. Nam ut mens nostra ad  
Deum, quo nihil est sublimius, perueniat, necesse  
est eam omnino a sensibus abstractā esse: cuius rei  
facultatem in hac uita naturaliter non habemus.  
Sed quamuis hæc ita sint, non reliquit tamen Deus,  
ut inquit Apostolus, semetipsum sine testimonio *Act. 14*  
bene faciens, de cælo dans pluuias, & tempora fru-  
ctifera, implens cibo, & lætitia corda hominum.  
Quę causa fuit philosophis nihil abiectum de Deo  
sentiendi, & quidquid corporeum, quidquid con-  
crētum, & admistum est, ab eo longissime remo-  
uendi; cui etiā bonorum omnium perfectam uim,  
& copiam tribuerunt, ut ab eo, tamquam a per-  
petuo quodam, & inexhausto fonte bonitatis, ac  
benignitatis, omnia ad omnes creatas res, atque  
naturas perfectā bona dimanent; quem sapientem,  
ueritatis auctorem, & amantem, iustum, benefi-  
centissimum, & alijs nominibus appellauerunt,  
quibus



quibus summa, & absoluta perfectio continetur; cuius immensam, & infinitam uirtutem, omnem complementem locum, & per omnia pertinentem esse dixerunt. Hoc ex diuinis litteris longe melius constat, & illustrius, ut illo loco, Spiritus est Deus: item, Estote uos perfecti, sicut & Pater uester celestis perfectus est: tum, Omnia nuda, & aperta sunt oculis eius: & illud, O altitudo diuitiarum sapientiæ, & scientiæ Dei: deinde, Deus uerax est: & , Ego sum uia, & ueritas, & uita: præterea, Iustitia plena est dextera tua: denique, Aperis tu manum tuam, & imples omne animal benedictione: postremo, Quo ibo a spiritu tuo, & quo a facie tua fugiam? & , Si ascendero in cælum, tu illic es; si descendero in infernum, ades: si sumpsero penas meas diluculo, & habitauero in extremis maris &c. & , Numquid non cælum, & terram ego impleo, dicit Dominus? Magna, & præclara hæc sunt, quæ de Dei natura sacrorum librorum auctoritate consentanea, & consequentia ex rerum effectuum inuestigatione philosophi cognouerunt. quàmquam in eo etiam celestis doctrine necessitatem cognoscimus, si animaduertamus, fidem non solum hoc præstare, quemadmodum supra dictum est; ut, quæ uiri tantum sapientes longo studio consecuti sunt, ea rudibus quoque, & imperitis hominibus statim pateant, atque in promptu sint; uerum ut rerum notitia, quæ fidei disciplina comparatur, multo certior, atque ab omni errore purior in mentibus nostris infideat, quàm si eas ipsas res, humanæ scientiæ rationibus comprehensas, animus intelligeret. Sed quâto præstantior diuini numinis cognitio censenda

Ioan. 4

Matth. 5

Ad Heb. 4

Rom. 11

Rom. 3

Ioan. 14

Psal. 47

Psal. 144

Psal. 138

Hier. 23

senda est, ad quam non communiter omnibus nature contemplatio, sed proprie credentibus fidei lumen aditum patefecit? hæc autem Symboli articulis continetur, qui nobis diuinę essentię unitatem, & trium personarum distinctionem, tum uero ipsū Deum esse ultimum hominis finem aperiunt, a quo celestis, eterneque beatitudinis possessio expectanda sit: siquidem a diuo Paulo didicimus, Deum inquirentibus se remuneratorem esse. Hæc quanta sint, & an eius generis sint bona, ad quę humana cognitio aspirare potuerit, multo ante eundē Apostolum Isaias propheta his uerbis ostendit: A sxculo non audierunt, neque auribus perceperunt: oculus non uidit, Deus, absque te, quę preparasti expectantibus te. Heb. 12

Sed ex ijs, quę diximus, unum etiam Deum esse, non plures Deos, confitendum est. nam cum Deo summam bonitatem, & perfectionem tribuamus; fieri non potest, ut id, quod summum, atque absolutissimum est, inueniatur in pluribus. Quod si cui aliquid ad summum deest, eo ipso imperfectus est; quare nec Dei natura illi conuenit. hoc autem multis sacrarum litterarum locis comprobatur. scriptum est enim: Audi Israël: Dominus Deus noster, Deus unus est. Præterea est Domini iussium: Non habebis Deos alienos coram me. deinde per Prophetam sepe admonet: Ego primus, & ego nouissimus, & absque me non est Deus. Apostolus etiam palam testatur: Unus Dominus, una fides, unum baptisma. Neque uero nos moueat, quod interdum sacrę litterę Dei nomen creatis etiam naturis imponunt. Nam quod prophetas, Vnum solum Deum esse, non plures.

B & iu-

& iudices deos appellarunt, non gentium more factum est, quę sibi plures deos stulte, & impie finxerunt; sed quadam loquendi consuetudine significare uoluerunt excellentem aliquam uirtutem, uel functionem, quę Dei munere illis concessa sit. Deum igitur natura, substantia, essentia unum, quemadmodum ad cōfirmandā ueritatem in Symbolo Niceni Concilij dictum est, Christiana fides credit, & profitetur; sed altius etiam ascendens ita unum intelligit, ut unitatem in trinitate, & trinitatem in unitate ueneretur: de quo nobis mysterio nunc dicere incipiendum est. sequitur enim in Symbolo, P A T R E M. sed quoniam Patris uox non una ratione Deo tribuitur, illud prius declarandū erit, quę sit magis propria huius loci significatio. Deum nonnulli etiam, quorum tenebris fides lucem non attulit, eternam substantiā esse intellexerunt, a qua res ortę essent, & cuius prouidentia omnia gubernarentur, suumq; ordinem, & statum cōseruarent. Ex humanis igitur rebus ducta similitudine, quemadmodum cum, a quo familia propagata est, cuiusque consilio, & imperio regitur, patrem uocabant: ita hac ratione factum est, ut Deum, quem omnium rerum opificem, & rectorem agnoscebant, Patrem appellari uoluerint. eodem nomine sacre etiam litterę usę sunt, cum de Deo loquentes uniuersorum creationem, potestatem, admirabilemque prouidentiam ei tribuendam indicarent. legimus enim: Numquid non ipse est pater tuus, qui possedit te, & fecit, & creauit te? *Deuter. 32* & alibi: Numquid non pater unus omnium nostrum? Numquid non Deus unus creauit nos? At uero



uero multo frequentius, & peculiari quodam nomine, presertim in noui testamenti libris, Deus pater Christianorum dicitur, qui non acceperunt spiritum seruitutis in timore, sed acceperunt spiritum adoptionis filiorum Dei, in quo clamant, Abba pater: eam enim charitatem dedit nobis pater, ut filij Dei nominemur, & simus: quod si filij, & heredes, heredes quidem Dei, coheredes autem Christi, qui est primogenitus in multis fratribus, nec confunditur uocare nos fratres. Siue igitur communem creationis, & prouidentiae, siue praecipuam spiritualis adoptionis causam spectes, merito fideles Deum patrem se credere profitentur.

Verum praeter eas notiones, quas explicauimus, Patris nomine audito, ad altiora mysteria mentem erigendam esse Parochus docebit. Quod enim in luce illa inaccessibili, quam inhabitat Deus, magis reconditum, & abstrusum est, quodque humana ratio, & intelligentia non consequi, aut ne suspicari quidem poterat, id Patris uocabulo diuina oracula nobis aperire incipiunt. Indicat autem hoc nomen, in una diuinitatis essentia non unam tantum personam, sed personarum distinctionem credendam esse. Tres enim sunt in una diuinitate personae, Patris, qui a nullo genitus est; Filij, qui ante omnia secula a patre genitus est; Spiritus sancti, qui itidem ab aeterno ex patre, & filio procedit. Atqui pater est in una diuinitatis substantia, prima persona, qui cum unigenito filio suo & spiritu sancto unus est Deus, unus est Dominus, non in unius singularitate personae, sed in unius Trinitate substantiae. Iam uero haec tres personae, cum

*Pia meditatio circa nomen Pater in diuinis: & de personarum proprietatibus.*

in ijs quidquam dissimile, aut dispar cogitare ne-  
 cessas sit, suis tantummodo proprietatibus distincte  
 intelliguntur. Pater siquidem ingenitus est: Filius  
 a patre genitus: Spiritus sanctus ab utroque pro-  
 cedit. Atque ita trium personarum eandem essen-  
 tiam, eandem substantiam confitemur; ut in con-  
 fessione uere, sempiternęq; deitatis, & in personis  
 proprietate, & in essentia unitatem, & in Trinitate  
 equalitatem pie, & sancte colendam credamus.  
 Nam quod patris primam esse personam dicimus,  
 hoc non ita accipiendū est, perinde ac si aliquid in  
 Trinitate prius aut posterius, maius aut minus co-  
 gitemus. absit enim hęc a fideiū mentibus impie-  
 tas, cū eandem æternitatem, eandē glorię maiesta-  
 tem in tribus personis Christiana religio prædicet.  
 Sed patrem propterea quod ipse sit principiū sine  
 principio, primam esse personam, uere, & sine ulla  
 dubitatione affirmamus; quæ quidē uti patris pro-  
 prietate distincta est, ita in unā illam præcipue hoc  
 conuenit, quod filium ab æterno genuerit: semper  
 enim Deum simul & patrem fuisse, nobis significa-  
 tur, cum Dei, & patris nomina coniuncta in hac  
 confessione pronunciamus. Verum, quoniā in nul-  
 lius rei, quā huius omniū altissimæ, ac difficillimæ  
 notitia, atque explicatione, aut periculosius uersa-  
 ri, aut grauius errare possumus; doceat Parochus,  
 religiosè retinenda esse essentię, & personæ propria  
 uocabula, quibus hoc mysterium significatur, &  
 sciant fideles unitatem esse in essentia, distinctionē  
 autem in personis. Sed hęc subtilius exquirere nihil  
 oportet, cum meminerimus illius uocis: Qui scru-  
 tator est maiestatis, opprimetur a gloria: satis enim  
 uide-

uideri debet, quod fide certum, & exploratum habeamus, nos a Deo (cuius oraculis non assentiri, extrêmæ stultitiæ, atque miseriæ est) ita edoctos esse. Docete, inquit, omnes gentes, baptizantes eos in nomine Patris, & Filij, & Spiritus sancti. rursus, tres sunt, qui testimonium dant in celo, pater, uerbum, & spiritus sanctus, & hi tres unum sunt. Oret tamen assidue, ac precetur Deum, & patrem, qui uniuerfa ex nihilo condidit, disponitque omnia suauiter, qui dedit nobis potestatem filios Dei fieri, qui Trinitatis mysterium humanæ menti patefecit: oret, inquam, sine intermissione, qui diuino beneficio hæc credit, ut aliquando in æterna tabernacula receptus dignus sit, qui uideat, quæ tanta sit Dei patris fecunditas, ut se ipsum intuens, atque intelligens, patrem & æqualem sibi filium gignat; quoque modo duorum idem plane & par charitatis amor, qui spiritus sanctus est, a patre & filio procedens, genitorem, & genitum æterno, atque indissolubili uinculo inter se connectat; atque ita diuinæ Trinitatis una sit essentia, & trium personarum perfecta distinctio.

OMNIPOTENTEM. Solent sacræ litteræ multis nominibus Dei summam uim, & immensam maiestatem explicare, ut ostendat quanta religione & pietate illius sanctissimum numen colendum sit: sed in primis doceat Parochus, illi omnipotentem uim frequentissime tribui. Ipse enim de se dicit, Ego dñs omnipotens. & rursus Iacob, cum filios ad Ioseph mitteret, ita illis precatus est: Deus autem meus omnipotens faciat uobis eum placabilem. deinde uero in Apocalypsi scriptum est, Dominus Deus, qui est, & qui

Marth. 28

1. Ioan. 5


Gen. 17

Gen. 43

Apo. 1

B 3

&amp; qui





*Luci* & qui erat . & qui uenturus est omnipotens . & ali-  
*Num. 11* bi , Dies magnus Dei omnipotentis appellatur .  
 Nonnumquam etiam pluribus uerbis illud idem si-  
 gnificari solet . Atque huc pertinet , quod dicitur :  
 Non erit impossibile apud Deum omne uerbum .

*Sap. 12* Numquid manus Domini inualida est ? item , Sub-  
 est tibi , cum uolueris , posse . & alia generis eiusdem .  
 ex quibus uarijs dicendi formis id percipitur , quod  
 uno omnipotentis uerbo comprehendi perspicuū  
 est . Intelligimus autem hoc nomine , nihil esse , ni-  
 hil animo , & cogitatione fingi posse , quod Deus ef-  
 ficere nequeat . etenim non solum hæc , quæ tametsi  
 maxima sunt , aliquo tamen modo in cogitationem  
 nostram cadunt , efficiendi potestatem habet , nimi-  
 rum , ut omnia ad nihilum recidant , atq; ut plures  
 mundi ex nihilo repete existant , uerum etiam mul-  
 ta maiora in illius potestate sita sunt , quæ humane  
 menti , & intelligentiæ suspicari non licet . Neq; ue-  
 ro , cum omnia Deus possit , mentiri tamen , aut fal-  
 lere , aut falli , aut peccare , aut interire , aut igno-  
 rare aliquid potest . hæc enim in eam naturam ca-  
 dunt , cuius imperfecta actio est : Deus uero , cuius  
 perfectissima semper est actio , ideo hæc non posse  
 dicitur , quia , posse ea , infirmitatis est , non sum-  
 mæ , & infinitæ omnium rerum potestatis , quam  
 ille habet . Ita igitur Deum omnipotentem esse cre-  
 dimus , ut ab eo tamen longe omnia abesse cogi-  
 temus , quæ perfecte eius essentie maxime coniun-  
 cta , & conuenientia non sunt .

*Fides de o-  
 mnipoten-  
 tia Dei quæ  
 necessaria  
 & utilis .*

Recte autem , sapienterque factum Parochus  
 ostendat , ut , prætermisiss alijs nominibus , quæ de  
 Deo dicuntur , hoc unū nobis credendum in Sym-  
 bolo

hilo proponeretur. Nam cum Deum omnipotentem agnoscimus, simul etiam fateamur necesse est, cum omnium rerum scientiam habere, omnia ite eius ditioni, & imperio subiecta esse. Cum uero, omnia ab eo fieri posse non dubitemus: cōsequens omnino est, ut cetera etiam explorata de illo habeamus; quę si desint, quo modo omnipotens sit, prorsus intelligere non possumus. Præterea nulla res tam ad fidem & spem nostram confirmandam ualeat, quam si fixum in animis nostris teneamus, nihil nō fieri a Deo posse. quidquid enim deinceps credere oporteat, quamuis magnum, & admirabile sit, rerumque ordinem, ac modum superet, illi tamen facile humana ratio, postquam Dei omnipotentis notitiam perceperit, sine ulla hēsitatione assentitur: quin potius, quo maiora sint, quę diuina oracula doceant, eo libentius fidem eis habendam esse existimat. Quod si boni etiam aliquid expectandum sit, numquam animus rei magnitudine, quam exoptat, frangitur; sed erigit sese, atque confirmat, sepe illud cogitans, nihil esse, quod ab omnipotenti Deo effici non possit. Quare hac fide præcipue munitos nos esse oportet, uel cum admiranda aliqua opera ad proximorum usum, & utilitatem edere cogimur, uel cum a Deo precibus impetrare aliquid uolumus. Alterum enim ipse Dominus docuit, cum apostolis incredulitatem obijciens diceret: Si habueritis fidem, sicut gra-

Matth 17

Iacob. 2

stulet in fide nihil hēsitans. qui enim hēsitat, similis

est fluctui maris, qui a uento mduetur, & circumfertur. non ergo estimer homo ille, quod accipiat aliquid a Domino. Multa præterea hæc fides com-  
moda, arque utilitates nobis præbet, in primis ue-  
ro ad omnem animi modestiam, & humilitatem  
nos instituit: sic enim inquit Princeps apostolorum:

*1. Pet. 5* Humiliamini sub potenti manu Dei. Monet etiam  
non esse trepidandum, ubi non sit timor, sed unum  
Deum timendum esse, in cuius potestate nos ipsi,  
nostraque omnia posita sint. ait enim Saluator no-  
*Luc. 12* ster: Ostendam uobis, quem timeatis, Timete  
eum, qui postquam occiderit, habet potestatem  
mittere in gehennam.

Vtimur deinde hac fide ad immensa erga nos  
Dei beneficia cognoscenda, & celebranda. Nam  
qui Deum omnipotentem cogitat, tam ingrato  
*Luc. 1* animo esse non potest, quin sæpius exclamet: Fe-  
cit mihi magna, qui potens est. Sed quod patrem  
omnipotentem in hoc articulo uocamus, nemi-  
nem eo errore duci oportet, ut arbitretur ita illi  
hoc nomen tributum esse, ut filio etiam, & spiri-  
tui sancto commune non sit. Nam quemadmo-  
dum Deum patrem, Deum filium, Deum spiri-  
tum sanctum, neque tamen tres Deos, sed unum  
Deum esse dicimus: ita eque patrem, ac filium, &  
spiritum sanctum omnipotentem; neque tamen  
tres omnipotentes, sed unum omnipotentem esse  
confitemur. At uero, præcipua quadam ratione, pa-  
trém, quia omnis originis fons est, hoc nomine uo-  
camus, uti etiam filio, qui æternum patris uerbum  
est, sapientiam; & spiritui sancto, quia utriusque  
amor est, bonitatem tribuimus; quamuis hæc,  
& alia



& alia huiusmodi nomina cōmuniter in tribus personis, ex catholicæ fidei regula, dicantur.

CREATOREM CAELI, ET TERRAE.

Quam necessarium fuerit, omnipotentis Dei cognitionem paulo ante fidelibus tradi, ex ijs quæ nunc de uniuersorum creatione explicanda erunt, perspicui potest. Tanti enim operis miraculum facilius creditur, quod nullus de immensa creatoris potestate dubitandi locus relinquitur. Deus enim non ex materia aliqua mundum fabricatus est, sed ex nihilo creauit, idque nulla ui, aut necessitate coactus, sed sua sponte, & uoluntate instituit. Neque uero ulla alia fuit causa, quæ illum ad opus creationis impelleret, nisi ut rebus, quæ ab ipso effectæ essent, bonitatem suam impertiretur. nam Dei natura, ipsa per se beatissima, nullius rei indigens est, ut inquit Dauid: Dixi domino, Deus meus es tu, *Psal. 117* quoniam bonorum meorum non eges. Quemadmodum autem sua bonitate adductus, quæcumque uoluit, fecit: ita non exemplum aliquod, aut formam; quæ extra se posita esset, cum uniuersa consideret, secutus est; uerum quia rerum omnium exemplar diuina intelligentia continetur, id summus artifex in se ipso intuens, ac ueluti imitatus, summa sapientia, & infinita uirtute, quæ ipsius propria est, rerum uniuersitatem initio procreauit: Ipse *Psal. 148* enim dixit, & facta sunt: ipse mandauit, & creata sunt. Verum cæli, & terre nomine, quidquid cælum, & terra complectitur, intelligendum est. Nam præter cælos, quos opera digitorum eius Prophetæ appellauit, solis etiam splendorem, lunæque & ceterorum siderum ornatum addidit, atque,

ut essent in signa, & tempora & dies, & annos, ita celorum orbes certo, & constanti cursu temperavit, ut nihil perpetua eorum conuersione mobilius, nihil mobilitate illa certius uideri possit.

*De creatione Angelorum, mundi uisibilis, & ipsius hominis.* Præterea spiritualem naturam, innumerabilesque angelos, qui Deo ministrarent, atque adfisterent, ipse ex nihilo creauit, quos deinde admirabili gratiæ suæ, & potestatis munere auxit, atque ornauit. Nam cum illud sit in diuinis lit-

*Ioan. 8*

*Augustinus lib. 12. de Cuit. Dei cap. 9*

teris, Diabolum in ueritate non stetisse: perspicuum est, eum, reliquosque desertores angelos ab ortus sui initio gratia præditos fuisse. de quo ita est apud sanctum Augustinum: Cum bona uoluntate; idest, cum amore casto, quo illi adherent, angelos creauit, simul in eis & condens naturam, & largiens gratiâ. Vnde sine bona uoluntate, hoc est Dei amore, numquam sanctos angelos fuisse credendum est. Quod autem ad scientiam attinet, extat il-

*2. Reg. 14*

lud sacrarum litterarum testimonium: Tu domine mi rex sapiens es, sicut habet sapientiam angelus Dei, ut intelligas omnia super terram. Potestatem denique eis tribuit diuinus Dauid illis uerbis:

*Psal 102*

Potentes uirtute, facientes uerbum illius. atque ob eam rem sæpe in sacris litteris uirtutes, & exercitus Domini appellantur. Sed quamuis omnes in caelestibus donis ornati fuerint: plurimi tamen, qui a Deo parente, & creatore suo defecerunt, ex altissimis illis sedibus deturbati, atque in obscurissimum terræ carcerem inclusi, eternas superbiæ suæ pœnas luunt: de quibus Princeps apostolorum scribit in hunc modum: Angelis peccantibus non percutit, sed rudentibus Inferni detractos in Tartarum

*2. Pet. 1*

rum

rum tradidit cruciandos, in iudicium reservari.

At uero terram etiam super stabilitatem suam *Psal. 103*  
fundatam Deus uerbo suo iussit in media mundi  
parte consistere, effecitque ut ascenderent montes,  
& descenderent campi in locum, quem fundauit  
eis: ac, ne aquarum uis illam inundaret, terminum  
posuit, quem non transgredientur, neque conuer-  
tentur operire terram. Deinde non solum arbori-  
bus, omnique herbarum, & florum uarietate con-  
uestiuit, atque ornauit, sed innumerabilibus etiam  
animantiū generibus, quemadmodū antea aquas,  
& aera, ita etiam terras compleuit. Postremo, ex  
limo terræ hominem sic corpore affectum, & con-  
stitutum effinxit, ut non quidem naturæ ipsius ui,  
sed diuino beneficio immortalis esset, & impassibi-  
lis. Quod autē ad animam pertinet, eum ad imagi-  
nem, & similitudinem suam formauit, liberumq;  
ei arbitriū tribuit: omnes præterea motus animi,  
atque appetitiones ita in eo tēperauit, ut rationis  
imperio numquam non parerent. Tum originalis  
iustitię admirabile donum addidit, ac deinde cete-  
ris animantibus præesse uoluit: quę quidem facile  
erit Parochis ad fideliū institutionem ex sacra Ge-  
nesis historia cognoscere. Hęc igitur de uniuerso-  
rum creatione, cæli, & terræ, uerbis intelligenda  
sunt: quæ omnia breuiter quidem Propheta com-  
plexus est illis uerbis: Tui sunt cæli, & tua est terra: *Psal. 81*  
orbem terræ, & plenitudinem eius tu fundasti: sed  
multo etiam breuius Patres Niceni Concilij, ad-  
ditis in Symbolo duobus illis uerbis, uisibilium, &  
inuisibilium significauerunt. Quæcumque enim  
rerum uniuersitate comprehenduntur, atque a Deo  
crea-



creata esse confitemur, ea uel sub sensum cadunt; & uisibilia dicuntur; uel mente, & intelligentia præcipi a nobis possunt, quæ inuisibilium nomine significantur. Nec uero ita Deum creatorem; atque effectorem omnium credere oportet, ut existimemus, perfecto, absolutoque opere, ea, quæ ab ipso effecta sunt, deinceps sine infinita eius uirtute constare potuisse. Nam quemadmodum, omnia ut essent, creatoris summa potestate, sapientia, & bonitate effectum est; ita etiam, nisi conditis rebus perpetua eius prouidentia adesset; atque eadem ui, qua ab initio constitutæ sunt, illas conseruaret, statim ad nihilum reciderent. atque id scrip-  
*Sap. 11* ptura declarat, cum inquit: Quo modo posset aliquid permanere, nisi tu uoluisses, aut, quod a te uocatum non esset, conseruaretur? Non solum autem Deus uniuersa, quæ sunt, prouidentia sua tuetur, atque administrat; uerum etiam, quæ mouentur, & agunt aliquid; intima uirtute ad motum, aque actionem ita impellit, ut quamuis secundarum causarum efficientiam non impediat, præueniat tamen, cum eius occultissima uis ad singula pertineat, & quemadmodum Sapiens testa-  
*Sap. 8* tur: Attingat a fine usque ad finem fortiter, & disponat omnia suauiter. Quare ab Apostolo dictum est, cum apud Athenienses annuntiaret Deum, quem ignorantes colebant: Non longe est ab unoquoque nostrum. in ipso enim uiuimus, & mouemur, & sumus. Atque hæc de primi articuli explanatione satis fuerint; si tamen illud etiam admonuerimus, creationis opus omnibus sanctæ & indiuiduæ Trinitatis personis commune esse. Nā hoc  
 loco,

loco; ex apostolorum doctrina, patrem creatore  
 cæli, & terræ confitemur: in scripturis sacris legi-  
 mus de filio; Omnia per ipsum facta sunt: & de Spi- *Ioan. 1*  
 ritu sancto, Spiritus Domini ferebatur super aquas: *Gen. 1*  
 & alibi, Verbo Domini cæli firmati sunt, & spiri *Psal. 32*  
 tu oris eius omnis uirtus eorum.

ET IN IESVM CHRISTVM, FILIVM  
 EIVS VNICVM, DOMINVM NOSTRVM.

Mirificam, & uberrimam esse utilitatem, quæ ex  
 huius articuli fide, & confessione confluit ad hu-  
 manum genus, & illud sancti Ioannis testimoniū  
 ostendit: Quisquis confessus fuerit, quoniā Iesus *1. Ioan. 4*  
 est filius Dei, Deus in eo manet, & ipse in Deo: &  
 beatitudinis præconium declarat, quod a Christo  
 domino tributū est Principi apostolorum. Beatus *Matth. 16*  
 es Simon Bariona, quia caro, & sanguis nō reuela-  
 uit tibi, sed pater meus, qui in cælis est. Hoc enim  
 fundamentum firmissimum est nostræ salutis, ac  
 redemptionis. Sed quoniam admirabilis huius uti-  
 litatis fructus maxime ex felicissimi illius status  
 ruina intelligitur, in quo Deus primos homines  
 collocarat; incumbat in hanc curā Parochus, ut fi-  
 deles communium miseriarum, & ærumnarum  
 causam cognoscant. Cū enim a Dei obedientia de-  
 sciuiſſet Adam, interdictumque niolasset illud, Ex *Gen. 2*  
 omni ligno paradisi comede; de ligno autem sciē-  
 tiæ boni, & mali ne comedas: in quocumque enim  
 die comederis ex eo, morte morieris: in summam  
 illam incidit calamitatem, ut sanctitatem, & iusti-  
 tiam, in qua constitutus fuerat, amitteret, & reli-  
 qua subiret mala, quæ sancta Tridentina Synodus *Conc. Trid. ses.*  
 uberius explicauit. Propterea uero peccatum, &  
 pec- *V. deueni de  
 penam Originali  
 ex 1. et 2. de In-  
 defensione.*

peccati pœnam in uno Adam non constituisse commemorabunt, sed ex eo, tamquam ex semine, & causa, ad omnem posteritatem iure permanasse. Cum igitur ex altissimo dignitatis gradu cœcidisset nostrum genus, subleuari inde, & in pristinum locum restitui nullo modo poterat hominum aut angelorum uiribus: quare reliquum erat illud ruine, & malorum subsidium, ut Dei filij infinita uirtus, assumpta carnis nostræ imbecillitate, infinitam tolleret peccati uim, & nos reconciliaret Deo in sanguine suo. Huius autem redemptionis fides, & cōfessio hominibus ad salutem consequendā necessaria est, semperque fuit, quam Deus initio præmonstrauit. nam in illa damnatione humani generis, quæ statim peccatum consecuta est, ostensa etiam spes redemptionis est illis uerbis, quibus propriū Diabolo damnum, quod ex liberatione hominū facturus erat, denunciavit: Inimicitias ponam inter te, & mulierem, semen tuum, & semen illius: ipsa conteret caput tuum, & tu insidiaberis calcaneo eius. Et deinceps eandem promissionem sæpe cōfirmavit, maioremque sui consilij significationem ijs præsertim hominibus dedit, quibus uoluit singularem beneuolentiam præstare. Inter ceteros uero, cum patriarchæ Abraham sæpenumero hoc mysterium significasset, tum eo tempore apertius declarauit, cum ille Dei iussis obediens, filium suū unicū Isaac immolare uoluit: ait enim: Quia fecisti hanc rem, & non pepereisti filio tuo unigenito, benedicam tibi, & multiplicabo semen tuum sicut stellas cæli, & uelut arenam, quæ est in littore maris. possidebit semen tuum portas inimicorū tuorum,

Gen. 22



um, & benedicentur in semine tuo omnes gentes terræ, quia obedisti uoci meæ. Ex quibus uerbis facile colligi poterat, ex progenie Abraham futurum, qui omnibus ab immanissima Satane tyrannide libertatis salutem afferret. illum autem Dei filium, natum ex semine Abraham, secundum carnem fore necesse erat. Non ita multo post Dominus, ut eiusdem promissionis memoria conseruaretur, idem fœdus cum Iacob Abraham nepote fanciuit. nam cum ille in somnis uidit scalam stantem super terram, & cacumen illius tangens celos, angelos quoque Dei ascendentes & descendentes per eam, ut testatur scriptura; audiuit etiam Dominum innixum scale dicentem sibi: Ego sum dominus Deus Abraham patris tui, & Deus Isaac. terram, in qua dormis, tibi dabo, & semini tuo; eritque semen tuum quasi pulvis terre. Dilataberis ad orientem, & occidentem, & septentrionem, & meridiem, & benedicentur in te, & in semine tuo cuncte tribus terre. Neque postea destitit Deus, eadem sui promissi memoria renouanda, & generi Abraham, & multis præterea hominibus Saluatoris expectationem commouere: siquidem Iudæorum república, & religione constituta, notior populo suo fieri cepit. nam & multe res significarunt, & homines prædixerunt, quæ, & quanta nobis bona saluator ille, & redemptor noster Christus Iesus allaturus esset. Ac prophete quidem, quorum mens cælesti lumine illustrata fuit, filij Dei ortum, admirabilia opera, quæ homo natus efficit, doctrinam, mores, consuetudinem, mortem, resurrectionem, ceteraque eius mysteria, hæc omnia, quasi tum adessent,

Gen. 28

Gen. 28

sent, palam docentes, populo prænunciarunt; ita ut, si futuri, & præteriti temporis tollatur diuersitas, nihil iam inter prophetarum prædicta, & apostolorum predicationem, nihil inter ueterum patriarcharum fidem, & nostram interesse uideamus. Sed iam de singulis articuli partibus dicendum uidetur.

**I E S V S**, proprium est nomen eius, qui Deus, & homo est, quod saluatorem significat, non quidem fortuito, aut hominum iudicio, & uoluntate, sed Dei consilio, & præcepto illi impositum, *Luc. 1* Angelus enim Mariæ matris ita annunciauit: Ecce concipies in utero, & paries filium, & uocabis nomen eius Iesum. Ac deinde Ioseph uirginis sponso non solum, ut eo nomine puerum appellaret, præcepit; sed etiam, cur ita nominandus esset, *Matth. 1* declarauit; ait enim: Ioseph, filij David, noli timere accipere Mariam coniungem tuam: quod enim in ea natum est, de spiritu sancto est: pariet autem filium, & uocabis nomen eius Iesum: ipse enim saluum faciet populum suum a peccatis eorum. Ac multi quidem hoc nomine fuerunt in diuinis litteris. nam idem nomen Naue filio fuit, qui Moyse successit, & populum a Moyse ex Aegypto liberatum, in terram promissionis, quod illi negatum fuerat, deduxit. Eodem etiam nomine Iosedec, sacerdotis filius appellatus est. Sed quanto uerius saluatorem nostrum hoc nomine appellandum existimabimus; qui non uni alicui populo, sed uniuersis omnium ætatum hominibus, non quidem fame, aut Aegyptiaco, uel Babylonico dominatu oppressis, sed in umbra mortis sedentibus; & durissi-

si mis peccati, & Diaboli uinculis obstrictis, lum-  
 inem, libertatem, & salutem dederit: qui eis cæle-  
 stis regni ius, & hereditatem acquisiuerit; qui eos  
 Deo patri reconciliauerit. in illis Christum domi-  
 num adumbratum uidemus, a quo ijs beneficijs;  
 quæ diximus, cumulatæ sunt genus humanum:  
 Quæ præterea nomina prædicta sunt Dei filio diui-  
 nitus imponenda, ad unum hoc Iesus nomen referun-  
 tur: cum enim cetera salutem, quæ nobis daturus  
 erat, aliqua ex parte attingerent, hoc ipsum uniuersæ  
 salutis humanæ uim, rationemq; complexum est.

Iesus nomini Christi etiam nomen additum est, *Iesus Chris-*  
 quod unctum significat, & honoris, & officij nomen *stus rex, sa-*  
 est, nec unius rei proprium, sed commune multorum. *cerdos, &*  
 nam ueteres illi Patres nostri Christos appellabāt *propheta su-*  
 sacerdotes, & reges, quos Deus propter muneris *premius.*  
 dignitatem ungi præceperat. Sacerdotes enim ijs  
 sunt, qui populum assidujs precibus Deo commen-  
 dant, qui sacrificia Deo faciunt, qui pro populo de-  
 precantur. Regibus autem populorum gubernatio  
 commissæ est, ad eosque pertinet maxime, le-  
 gum auctoritatem, innocentium uitam tueri, & no-  
 centium audaciam ulcisci. Quoniã igitur utraq;e  
 harum functionum Dei maiestatem referre in ter-  
 ris uidetur; ideo qui uel ad regium, uel ad sacerdo-  
 tale munus obeundum delecti erant, unguento unge-  
 bantur. Prophetas etiã ungendi mos fuit, qui Dei  
 immortalis interpretes, & internuncij celestia ar-  
 cana nobis aperuerunt, atque ad emendandos mo-  
 res salutaribus præceptis, & futurorum prædictio-  
 ne hortati sunt. At uero cum Iesus Christus Salua-  
 tor noster in mundum uenit, trium personarum

C

partes,



partes, & officia suscepit, propheta, sacerdotis, ac regis, atque ob eas causas Christus dictus est, & vnctus ad illorum munerum functionem, nō quidem alicuius mortalis opera, sed cælestis patris virtute, non terreno vnguento, sed spiritali oleo; quippe cum in sanctissimam eius animam spiritus sancti plenitudo, gratiaque, & omnium donorum vberior copia effusa sit, quam vlla alia creata natura capere potuerit. atque id præclare Propheta ostendit, cum redemptorem ipsum affatus diceret:

*Psal. 44* Dilexisti iustitiam, & odisti iniquitatem: propterea vnxit te Deus Deus tuus oleo latitiæ præ confortibus tuis. Idem etiam, ac multo apertius Isaias

*Isa. 61* ijs. verbis demonstravit: Spiritus Domini super me, eo quod vnxit Dominus me, ad annūciandū mansuetis misit me. Itaque Iesus Christus summus propheta, & magister fuit, qui nos Dei voluntatem docuit, & a cuius doctrina orbis terrarum patris cælestis cognitionem accepit: quod ei nomē præclarior, ac præstantius conuenit, quod omnes quicumque prophetæ nomine dignati sunt, eius discipuli fuerunt, atque ob illam præcipue causā missi, vt prophetam hunc, qui ad saluādos omnes venturus erat, prænunciarent. Christus item sacerdos fuit, non quidem ex ordine, ex quo in veteri lege leuiticę tribus sacerdotes extiterunt; verum ex illo, de quo Dauid propheta cecinit: Tu es sacerdos in æternum secundum ordinem Melchisedech.

*Hebr. 5.7* Cuius rei argumentum Apostolus ad Hebręos scribens, accurate persecutus est. sed Christum, non solum vt Deus, verum vt homo, ac nostrę naturę particeps est, regem etiam agnoscimus; de quo angelus

gelus testatus est: Regnabit in domo Iacob in æternum, & regni eius non erit finis. Quod quidem Christi regnum spirituale est, atque æternum, in terrisque inchoatur, in cælo perficitur. Ac regis quidem officia admirabili providentia suæ præstat Ecclesiæ: ipse eam regit, ipse ab hostium impetu, atque insidijs tuetur: ipse ei leges præscribit: ipse non solum sanctitatem, iustitiam largitur, verum etiam ad perseverandum facultatem, & vires præbet. quamquam autem huius regni finibus tam boni, quam mali contineantur, atque adeo omnes homines iure ad illud pertineant: ij tamen præ ceteris summam regis nostri bonitatem, & beneficentiam experiuntur, qui ex eius præceptis integram, atque innocentem vitam degunt. neque vero hoc illi regnū hereditario aut humano iure obtigit, tametsi genus a clarissimis regibus duceret; sed rex fuit, propterea quod Deus in illū hominē contulit quidquid potestatis, amplitudinis, dignitatis hominis natura capere posset. Illi igitur totius mundi regnum tradidit, eique omnia, quod iā fieri cœptū est, plene, perfecteque in die iudicii subiicietur.

FILIUM EIVS VNICVM. His verbis altiora mysteria de Iesu credenda, & contemplanda, fidelibus proponuntur, nimirum filium Dei esse, & verum Deum, sicuti pater est, qui cum ab æterno genuit. præterea illum diuinę Trinitatis secundam personam alijs duabus omnino æqualem confitemur. nihil enim impar, & dissimile in diuinis personis aut esse, aut fingi animo debet, cum vnam omnium essentiam, voluntatem, potestatem agnoscamus. quod cum multis pateat diuinę scripturę

oraculis, tum præclarissime illud ostendit sancti

*Ioa. 1* Ioannis testimoniū: In principio erat uerbum, & uerbum erat apud Deum, & Deus erat uerbum. Sed cum Iesum filiū Dei esse audimus, nihil terrenum, aut mortale de eius ortu cogitandum est; uerum ortum illum, quo ab omni æternitate pater filium genuit, quem ratione percipere atque perfecte intelligere nullo modo possumus, cōstanter credere, & summa animi pietate colere debemus, ac ueluti mysterij admiratione obstupefacti, illud cum

*Isa. 53* Propheta dicere, Generationem eius quis enarrabit? Hoc igitur credendum est, filium eiusdem esse nature, eiusdem potestatis, & sapientiæ cum patre, ut in Symbolo Nicæno explicatius confitemur: ait enim: Et in Iesum Christum, filium eius unigenitum, & ex patre natum ante omnia sæcula, Deum de Deo, lumen de lumine, Deum uerum de Deo uero, genitum non factum, consubstantiali patri, per quem omnia facta sunt. Ex omnibus autē, quæ ad indicandum modum, rationemque æternæ generationis similitudines afferuntur, illa propius ad rem uidetur accedere, quæ ab animi nostri cogi-

*I Ioan. 1* ratione sumitur. quamobrem sanctus Ioannes filium eius Verbum appellat. Ut enim mens nostra, se ipsam quodam modo intelligēs, sui effingit imaginem, quam Verbum Theologi dixerūt: ita Deus, quantum tamen diuinis humana conferri possunt, se ipsum intelligens, Verbum æternum generat. etsi præstat contemplari, quod fides proponit, & sincera mente Iesum Christum uerum Deum, & uerum hominem credere, & confiteri, genitū quidem, ut Deum, ante omnium sæculorum ætates,



ex patre; ut hominem uero, natum in tempore ex matre Maria uirgine . & quamquam duplicem eius natiuitatem agnoscamus, unum tamen filium esse credimus . Vna enim persona est, in quam diuina , & humana natura conuenit. Et quod ad diuinam generationem attinet, nullos aut fratres, aut coheredes habet, cum ipse patris unicus filius, nos uero homines figmentum, & opus manuum eius simus . At si humanum ortum consideremus, multos ille non solum fratrum nomine appellat, sed fratrum etiam loco habet, ut una cum eo paternę hereditatis gloriam adipiscantur . ij sunt, qui fide Christum dominum receperunt, & fidem, quam nomine profitentur, re ipsa, & charitatis officijs præstant. quare primogenitus in multis fratribus *Rom. 8* ab Apostolo uocatur .

DOMINVM NOSTRVM. Multa sunt, quæ de Salvatore nostro in sacris litteris dicuntur: quorum alia, ut Deus est, alia ut homo, ipsi conuenire perspicuum est, quoniam a diuersis naturis diuersas earum proprietates accepit . Igitur uere dicimus Christum esse omnipotentem, æternum, immensum: quod a diuina natura habet . rursus de illo dicimus, passum, mortuum esse, resurrexisse: quæ naturę hominum conuenire nemo dubitat. Verum præter hæc, quædam alia utrique naturæ congruunt; ut hoc loco, cum Dominum nostrum dicimus. Igitur si ad utramque naturam hoc nomen referatur, merito Dominus noster prædicandus est , Nam quemadmodum ipse æternus Deus est, uti pater; ita omnium rerum æque dominus est, ac pater, & quemadmodum ipse & pater non est alius, atque

alius Deus, sed idem plane Deus; ita etiā ipse, & pater non est alius, atque alius dominus. Sed recte etiam multis rationibus, ut homo est, Dominus noster appellatur. Ac primum quidem, quoniam ipse redemptor noster fuit, atque a peccatis nos liberauit, iure hanc potestatem accepit, ut uere Dominus noster esset, ac diceretur. ita enim Apo-

*Philip. 2* stolus docet: Humiliauit semetipsum, factus obediens usque ad mortem, mortem autem crucis: propter quod & Deus exaltauit illum, & donauit illi nomen, quod est super omne nomē, ut in nomine **I E S U** omne genu flectatur, cælestium, terrestrium, & infernorum; & omnis lingua confiteatur, quia dominus Iesus Christus in gloria est Dei

*Matth. 28* patris. Atque ipse de se post resurrectionem, Data est, inquit, mihi omnis potestas in cælo, & in terra. ob eam quoque rem Dominus dicitur, quod in una persona duæ naturæ, diuina, & humana, coniunctæ sint. hac enim admirabili coniunctione meruit, ut quamuis pro nobis mortuus non esset, tamē dominus constitueretur cōmuniter quidem omniū rerum, quæ conditæ sunt, præcipue autem fidelium, qui illi parent, atq; summo animi studio inseruiunt.

*Quantū ho  
mo Christia  
nus Christo  
debeat.*

Quod igitur reliquum est, Parochus fidelem populum ad eam rationē cohortabitur, ut sciat equissimum esse, præ ceteris hominibus nos, qui ab eo nomē inuenimus, Christianique uocamur, & quāta ille in nos beneficia cōtulerit, ignorare non possumus, ob id maxime, quod eius munere hæc omnia fide intelligimus; æquum esse, inquam, nos ipsos, nō secus ac mancipia, redemptori nostro, & domino in perpetuum addicere, & consecrare. Et quidē;

cum

cum baptismo initiaremur; ante ecclesię forēs id professi sumus. declarauimus enim, nos Satanę, & mundo renunciare, & Iesu Christo totos nos tradere. Quod si, ut Christianę militię adscriberemur, tum sancta, & sollempni professione nos ipsos Domino nostro deuouimus: quo supplicio digni erimus, si, postquam ecclesiam ingressi sumus, Dei uoluntatem, & leges cognouimus; postquam sacramentorum gratiam percepimus; ex mundi, & diaboli præceptis, ac legibus uixerimus; perinde ac si, cum baptismo abluti sumus, mundo, & Diabolo, nõ Christo domino, ac redemptori, nomen dedissemus? Sed cuius animum amoris facibus non incendat tanti domini tam benigna, & propensa in nos uolũtas, qui, tametsi nos in potestate sua, & dominatu ueluti seruos sanguine suo redemptos habeat; ea tamen charitate complectitur, ut non seruos uocet, sed amicos, sed fratres? Hęc profecto iu

Ioan 15

stissima causa est, atque haud scio an omnium sit maxima, cur cum perpetuo debeamus dominum nostrum agnoscere, uenerari, & colere.

QVI CONCEPTVS EST DE SPIRITV  
SANCTO, NATVS EX MARIA VIRGINE.  
Maximo quidem & singulari beneficio humanum genus a Deo affectum esse, qui nos e durissimi tyranni seruitute in libertatem uindicarit; ex ijs, quę superiori articulo declarata sunt, intelligere fideles possunt. At uero si consilium etiam, & rationē, qua potissimũ id efficere uoluit, nobis ante oculos ponamus; profecto nihil diuina in nos beneficentia, ac bonitate illustrius, nihil magnificentius esse uidebitur. Eius igitur mysterij magnitudinem, quod



nobis tamquam salutis nostrę præcipuū caput sacre litterę considerandum sæpissime proponunt; Parochus a tertij articuli explicatione ostendere incipiet: cuius hanc esse sententiam docebit, nos credere, & confiteri, eum ipsum Iesum Christum, unicum dominum nostrum, Dei filium, cum pro nobis humanā carnem suscepit in utero uirginis, non ex uirili semine, ut alij homines, sed supra omnem naturę ordinem spiritus sancti uirtute conceptū esse, ita ut eadem persona Deus permanens, quod ex æternitate erat, homo fieret, quod ante nō erat. Ea autem uerba ita accipienda esse, ex sacri Concilij Constantinopolitani confessione plane perspicitur. ait enim: Qui propter nos homines, & propter nostram salutem descendit de cælis, & incarnatus est de spiritu sancto ex Maria uirgine, & homo factus est. Atque id etiam sanctus Ioannes Euangelista explicauit, ut qui ex ipsius Domini Saluatoris pectore altissimi huius mysterij cognitionem hausisset. nam cum diuini uerbi naturam declarasset illis uerbis: In principio erat uerbum, & uerbum erat apud Deum, & Deus erat uerbum; ad extremum conclusit: Et uerbum caro factum est, & habitauit in nobis. Verbum enim, quod diuinę naturę hypostasis est, ita humanam naturam assumpsit, ut una, & eadem esset diuinę, & humanę naturę hypostasis, ac persona: quo factū est, ut tam admirabilis coniunctio utriusque naturę actiones, & proprietates conseruaret, atque, ut

*Ioan 1* est apud sanctum Leonem magnum illum Pontificem, Nec inferiorem consumeret glorificatio, nec superiorem minueret assumptio.

*S. Leo PP.*

Sed

Sed quoniam prætermittenda nō est uerborum explanatio, doceat Parochus, cū dicimus, Dei filiū spiritus sancti uirtute conceptum esse, unā hanc diuinę Trinitatis personam incarnationis mysteriū non confecisse. Quamuis enim unus filius humanā naturam assumpserit; tamen omnes diuinę Trinitatis persone, Pater, Filius, & Spiritus sanctus, huius mysterij auctores fuerunt. siquidē illa Christianę fidei regula tenēda est: Omnia quę Deus extra se in rebus creatis agit, tribus personis cōmunia esse, neque unā magis quam aliā, aut unam sine alia agere. Quod autē una persona ab alia procedat, hoc unū omnibus cōmune esse non potest. nā filius a patre tantū generatur, spiritus sãctus a patre, & filio procedit. quidquid uero extra illas ab ipsis proficiscitur, tres persone sine ullo discrimine agūt, atque ex hoc genere filij Dei incarnatio censenda est. Quāquam uero hec ita se habeant, solent tamen sacrę litterę earū rerum, quę omnibus personis cōmunes sunt, aliam alijs tribuere; quemadmodum summā omnium rerum potestatem patri, sapientiam filio, spiritui sancto amorem adscribunt. Et quoniā diuinę incarnationis mysterium singularem, atque immēsam Dei erga nos benignitatem declarat, ob eam rem peculiari quadā ratione hoc opus spiritui sancto tribuitur. In hoc mysterio quēdam supra naturę ordinem, quādam naturę ui effecta esse animaduertimus. Nam, quod ex purissimo uirginis matris sanguine Christi corpus formatum credimus, in eo naturam humanam agnoscimus: cum illud omniū hominum corporibus cōmune sit, ut ex matris sanguine formentur. Quod uero & nature

turæ ordinem, & humanam intelligentiam superat, illud est, simul atque beata uirgo angeli uerbis assentiens dixit: Ecce ancilla Domini, fiat mihi secundum uerbum tuum: statim sanctissimum Christi corpus formatum, eique anima rationis compos coniuncta est; atque ita in ipso temporis articulo perfectus Deus, & perfectus homo fuit. Hoc autem nouum fuisse, atque admirabile spiritus sancti opus, nemo dubitare potest, cum, seruatō naturæ ordine, nullum corpus, nisi intra præscriptum temporis spatium, hominis anima informari queat. Deinde uero illud accedit, maxima admiratione dignum, quod, ut primum cum corpore anima coniuncta fuit, ipsa etiam diuinitas cum corpore, & anima copulata est, quare simul corpus formatum, atque animatum est, corpori, & animæ diuinitas coniuncta. ex quo fit, ut eodem temporis puncto perfectus Deus, & perfectus homo esset, & uirgo sanctissima uere, & proprie mater Dei, & hominis diceretur, quod eodem momento Deum, & hominem concepisset. Hoc autem ab angelo ei significatum est, cum ait: Ecce concipies in utero, & paries filium, & uocabis nomen eius IESVM: hic erit magnus; & filius altissimi uocabitur. Et euentu comprobatum est, quod Isaias prædixit: Ecce uirgo concipiet, & pariet filium. Idem quoque Elisabeth, cum spiritu sancto repleta filij Dei conceptionem intellexisset, his uerbis declarauit: Vnde hoc mihi, ut ueniat mater Domini mei ad me? Sed quemadmodum Christi corpus ex purissimis integerrimæ uirginis sanguinibus sine ulla uiri opera, ut antea diximus, uerum sola spiritus sancti uirtute for-



te formatum est : ita etiam , ut primum conceptus est , illius anima uberrimam spiritus Dei copiam , atque omnem charismatum abundantiā accepit . neque enim , ut alijs hominibus , qui sanctitate , & gratia ornantur , ipsi ad mensuram , ut testatur sanctus Ioannes , dat Deus spiritum ; sed omnem gratiam tam affluenter in eius animam infudit , ut de plenitudine eius nos omnes acceperimus . Neque tamen filium Dei adoptivum appellare licet , quamvis spiritum illum habuerit , quo sancti homines filiorum Dei adoptionem consequuntur . nā cum natura filius Dei sit , adoptionis gratiam , aut nomen in eum conuenire nullo modo existimandum est . Hæc sunt , quæ de admirabili conceptionis mysterio explicanda uisa sunt . ex quibus ut salutari fructus ad nos redundare possit , illa in primis fideles memoria repetere , ac sæpius cogitare cū animis suis debent , Deum esse , qui humanam carnem assumpsit ; ea uero ratione hominem factum , quam mente nobis assequi non licet , nedum uerbis explicare ; ob eum denique finem hominem fieri uoluisse , ut nos homines filij Dei renasceremur . Hæc cum attente considerauerint , tū uero omnia mysteria , quæ hoc articulo continentur , humili ac fideli animo credant , & adorēt ; nec curiose , quod sine periculo uix umquam fieri potest , illa inuestigare , ac perscrutari uelint .

- NATVS EX MARIA VIRGINE . Hæc altera est huius articuli pars , in qua explicanda Parochus diligenter uersabitur , cum fidelibus credendum sit , Iesum dominum non solum conceptum spiritus sancti uirtute , sed etiam ex Maria uirgine natum ,

tum, & in lucem editum esse. cuius mysterij fides  
quanta cum lætitia, & iucunditate animi medi-  
tanda sit, angeli uox, qui primus felicissimum

*Luc. 2* nuncium mundo attulit, declarat. ait enim: Ec-  
ce euangelizo vobis gaudium magnum, quod erit

*Luc. 2* omni populo. Tum ex illius cælestis militiæ can-

*Luc. 2* tico; Gloria in altissimis Deo, & in terra pax ho-

minibus bonæ voluntatis; quod angeli cecinerunt,

facile est intelligere. Hinc etiam amplissimū illud

Dei promissum ad Abrahā impleri cœptū est, cui

*Gen. 22* dictum est, fore aliquādo, ut in eius semine omnes

gentes benedicerentur. Maria enim, quam uere

matrem Dei prædicamus, & colimus, quod eam

personam, quæ simul Deus, & homo erat, pepe-

rit, a Dauide rege originem duxit. Sed quemadmo-

dum conceptio ipsa naturæ ordinē prorsus uincit:

ita in ortu nihil nō diuinum licet contemplari. Præ-

terea, quo nihil admirabilius dici omnino, aut co-

gitari potest, nascitur ex matre sine ulla maternæ

uirginitatis diminutione. & quo modo postea ex se-

pulcro clauso, & obsignato egressus est, atque ad di-

*Ioan. 20* scipulos clausis ianuis introiuit; uel, ne a rebus etiā

quas natura quotidie fieri uidemus, discedatur, quo

modo solis radij concretā uitri substantiā penetrāt,

neque frangunt tamen, aut aliqua ex parte ledunt:

simili, inquam & infinitis partibus altiori modo

Iesus Christus ex materno aluo, sine ullo maternæ

uirginitatis detrimento, editus est. ipsius enim in-

corruptam, & perpetuam uirginitatem uerissimis

laudibus celebramus. Quod quidē spiritus sancti

uirtute effectum est, qui in filij conceptione, & par-

tu, matri ita affuit, ut ei & foecunditatem dederit,

& perpe-

& perpetuam uirginitatem conseruari. Solet interdum Apostolus Christum Iesum nouissimum Adam appellare, eumque primo Adam conferre. *1. ad Cor. rini. 15* nā ut in primo omnes homines moriuntur, ita in secundo omnes ad uitā reuocantur: atque ut Adā, quod ad naturalem condicionem pertinet, humani generis parens fuit, ita Christus gratiæ, & gloriæ auctor est. Ad eum modum nobis etiam licet uirginem matrem cum Eua ita conferre, ut priori Eux secunda Eua, quæ est Maria, respondeat, quemadmodum secundum Adam, hoc est Christum, primo Adam respondere ostendimus. Eua enim, quia serpenti fidem habuit, maledictum, & mortem in humanum genus inuexit: & Maria postquam angelo credidit, Dei bonitate effectum est, ut benedictio, & uita ad homines perueniret. Propter Euam nascimur filij iræ: a Maria Iesum Christum accepimus, per quem filij gratiæ regeneramur. Eux dictum est: In dolore paries filios. *Gen. 3* Maria hac lege soluta est, ut quæ, salua uirginalis pudicitæ integritate, sine ullo doloris sensu, ut antea dictum est, Iesum filium Dei peperit.

Cum igitur tanta, & tam multa sint admirandæ huius conceptionis, & natiuitatis sacramenta, *Prophetia & figura* diuinæ prouidentæ consentaneum fuit, ut ea multis figuris, & oraculis significarentur. Quare huc *conceptionis & natiuitatis Iesu Christi.* pertinere sancti Doctores intellexerunt multa, quæ in uarijs sacre scripture locis legimus, præcipue uero Portam illam sanctuarij, quam Ezechiel clausam uidit: item lapidem de monte sine manibus abscissum, ut est apud Danielelem, qui factus est magnus mons, & impleuit uniuersam terram, deinde *Ezech. 44 Dan. 2* Aaron



Num. 17

Exod. 3

Luc. 2

Rom. 15

Job 26

Luc. 2

Aaron uirgam, quę una inter uirgas principum  
 Israclis genuerunt : & rubum, quem Moyses uidit  
 ardere, & non comburi. Multis uerbis sanctus  
 Euangelista, Christi natiuitatis historiam descripsit.  
 qua de re nihil est quod plura a nobis dicantur, cū  
 ea lectio Parocho in promptu sit. Danda autem illi  
 est opera, ut hęc myſteria, quę ad doctrinam no-  
 ſtram ſcripta ſunt, infixæ animo, & mentibus fide-  
 lium hæreant; primum quidem, ut tanti benefici  
 cōmemoratione aliquam gratiā eius auctori Deo  
 referant; deinde ut eximium hoc, & ſingulare hu-  
 militatis exemplum eis ante oculos ad imitandum  
 proponat. Quid enim nobis utilius, atque ad ani-  
 morum noſtrorum ſuperbiam, & elationem com-  
 primendam accommodatius eſſe poteſt, quā ſepius  
 cogitare, Deum ita ſeſe humiliare, ut cū hominibus  
 gloriam ſuam communicet, & hominū infirmita-  
 tem, fragilitatemq; aſſumat; Deum hominē fieri,  
 ſummamq; illam, & infinitā maiestatem homini mi-  
 niſtrare, ad cuius nutū columnę cæli, ut inquit ſcri-  
 ptura, contremiſcunt, & pauent, eumq; in terra na-  
 ſci, quem in cælis angeli adorant? Quid igitur, cū  
 hęc Deus noſtra cauſa faciat, quid, inquam, nos,  
 ut illi obſequamur, facere oportet? quam libenti,  
 atq; alacri animo debemus omnia humilitatis offi-  
 cia amare, amplecti, præſtare? Videant fideles quā  
 ſalutari doctrina Chriſtus naſcens nos inſtituat, an-  
 tequam uocē aliquam emittere incipiat. Naſcitur  
 egenus: naſcitur ut peregrinus in diuerſorio: naſci-  
 tur in uili præſepio: naſcitur media hieme. ita enim  
 ſcribit ſanctus Lucas: Factum eſt, cum eſſent ibi,  
 impleti ſunt dies, ut pareret, & peperit filium ſuū  
 primoge-

primogenitum, & pannis cum inuoluit, & reclinauit eū in præsepio, quia nō erat ei locus in diuersorio. Potuit ne Euāgelista humilioribus verbis omnem celi, & terre maiestatem, & gloriam includere? Neque vero scribit, nō fuisse locum in diuersorio, sed ei non fuisse, qui dicit: Meus est orbis terræ, & *Psal. 49* plenitudo eius. Quod etiā alius Euāgelista testatus est: In propria venit, & sui eum non receperunt. *Ioan. 1*

Hæc cum fideles sibi ante oculos proposuerint; Incarnatio  
rum vero cogitēt, Deum carnis nostræ humilitatē, *nis filij Dei*  
& fragilitatem subire voluisse, vt humanum genus *mysterium*  
in altissimo dignitatis gradu collocaretur. Nam il- *quanto pie-*  
lud vnum satis declarat excellentē hominis digni- *tatis studio*  
tatem, & præstantiam, quæ illi diuino beneficio tri- *recolendu.*  
buta est, quod homo fuerit, qui idē verus, & perf-  
ectus Deus sit: vt iam gloriari nobis liceat, filium  
Dei os nostrum, & carnem nostram esse; quod  
beatissimis illis spiritibus non licet: nusquam e-  
nim, vt est apud Apostolum, angelos apprehendit, *Hebr. 2*  
sed semen Abraham apprehendit. Præterea cauē-  
dum est, ne maximo nostro malo eueniat, vt, quē  
admodū illi in diuersorio Bethlechem locus, vbi na-  
sceretur, defuit; ita etiam, quando iam in carne  
non nascitur, locū in cordibus nostris inuenire non  
possit, vbi in spiritu nascatur. hoc enim, cum salu-  
tis nostræ cupidissimus sit, vehementer optat. nam  
vt ille spiritus sancti virtute supra naturæ ordinem  
homo factus, & natus est, sanctusque, atque adeo  
sanctitas ipsa fuit: ita nos oportet, non ex sangui- *Ioan. 1*  
nibus, neque ex voluntate carnis, sed ex Deo na-  
sci, ac deinde veluti nouam creaturam in nouitate *Ad Rom.*  
spiritus ambulare, sanctitatem illam, ac mentis *nos 6.7*

integri

integritatem custodire, quæ homines spiritu Dei regeneratos maxime decet. hac enim ratione sanctæ huius filij Dei conceptionis, & natiuitatis imaginem aliquam in nobis ipsis exprimemus, quam  
*1. ad Cor. 2* fidei animo credimus, & credentes Dei sapientia in mysterio, quæ abscondita est, suspicimus, & adoramus.

P A S S V S S V B P O N T I O P I L A T O, C R U C I F I X V S, M O R T V V S, E T S E P V L T V S.

Quantâ habeat necessitatē huius articuli cognitio, & quam diligenter Parochus curare debeat, ut fideles dominicę passionis memoriā sæpissime animo repetāt, docet Apostolus, qui nihil aliud se scire  
*1. ad Cor. 2* testatus est, nisi Iesum Christum, & hunc crucifixum. Quare in hoc argumento omne studium, & opera adhibenda est, ut quammaxime illustretur, fidelesque tãti beneficij cõmemoratione excitati, totos se ad Dei erga nos amorem, & bonitatem suspicendiã conuertant. Fides itaque priore articuli parte (nam altera postea dicitur) illud nobis credendum proponit, Christum dominum, cum Pontius Pilatus Tiberij Cæsaris iussu Iudæam prouinciam administraret, cruci affixum esse. nam captus, irrisus, uarijs iniuriarum, & cruciatuum generibus affectus, demum in crucem sublatuS est. Nec uero cuiquam dubitandum est, eius animam, quod ad inferiorem partem attinet, ab ijs cruciatibus liberam non fuisse. nam quod humanam naturam uere assumpsit, necesse est fateri, animo etiam  
*Math 26* grauissimum dolorem sensisse. quare inquit: Tristis est anima mea usque ad mortem. Nam etsi per  
*Marc. 14* sonę diuinę humana natura coniuncta fuit, tamen  
 propter



propter eam coniunctionem nihilo minus passionis acerbiter sentit, quam si ea coniunctio facta non fuisset, cum in una Iesu Christi persona, utriusque nature, diuine, & humane, proprietates seruatae sint: atque idcirco, quod erat passibile & mortale, passibile & mortale permansit; rursus uero, quod impassibile, & immortale erat, qualem esse diuinam naturam intelligimus, suam proprietatem retinuit. Quod autem hoc loco tam diligenter obseruari uidemus, Iesum Christum eo tempore passum esse, quo Pontius Pilatus Iudeam prouinciam procuraret, id ea re factum esse docebit Parochus, quia tantæ rei, & tam necessariæ cognitio exploratior omnibus esse poterat, si rei gestæ certum, quod & ab Apostolo Paulo factum legimus, tempus describeretur: tum etiam, quia ijs uerbis declaratur, illam Saluatoris prædictionem exitu comprobata esse: Tradent, inquit, eum gentibus ad illudendum, & flagellandum, & crucifigendum.

1. ad Timoth. 6

Matth. 20

Sed quod potissimum in ligno crucis mortem perculit, hoc etiam diuino consilio tribuendum est, ut scilicet, unde mors oriebatur, inde uita resurgeret. serpens enim, qui in ligno primos parietes uicerat, uictus est a Christo in ligno crucis. Plures eius rei afferri rationes possunt, quas sancti Patres latius persecuti sunt, ut ostendamus consentaneum fuisse, redemptorem nostrum mortem crucis potissimum subire. Verum satis esse Parochus admoneat, si fideles credant illud genus mortis a Salvatore deletum esse, quod quidem ad humani generis redemptionem aptius, atque accommodatius uideretur, quemadmodum certe nullum turpius, atque indi-

Cur Christus in ligno mortem perpassus.

Deuter. 21  
Ad Gal. 3

gnius esse potuit. Non solum enim apud Gentiles crucis supplicium execrandum, & dedecoris, ignominieque plenissimum semper existimatum est; uerū etiam in lege Moysis maledictus homo appellatur, qui pendet in ligno. Neque uero Parochus huius articuli historiam prætermittet, quæ diligentissime a sanctis euāgelistis exposita est, ut saltē summa eius mysterij capita, quæ ad confirmandā fidei nostræ ueritatem magis necessaria uidentur, fideles cognita habeant. Hoc enim articulo, ueluti fundamento quodam, christiana religio, & fides nititur; eoque posito, reliqua omnia recte constituta sunt. Nam si quid aliud humanæ menti, & intelligentiæ difficultatem affert; certe crucis mysterium omnium difficillimum existimandū est, uixque percipi a nobis potest, salutem nostram ex cruce ipsa, & ex eo, qui pro nobis ligno illi affixus est, pendere. Sed in hoc, ut docet Apostolus, summā Dei prouidentia licet admirari. Nam quia in Dei sapientia non cognouit mūdus per sapientiam Deum, placuit Deo per stultitiā prædicationis saluos facere credentes. Quare mirandum non est, si prophete ante Christi aduentum, apostoli post eius mortem, & resurrectionem tantopere laborarunt, ut hominibus persuaderent, hunc esse mundi redemptorem, eosque in crucifixi potestatem, atque obedientiam redigerent. Quare Dominus, cum nihil tam ab humana ratione remotum esset, quam crucis mysterium, statim post peccatum numquam destitit tum figuris, tum prophetarum oraculis filij sui mortem significare. Atque ut de figuris pauca quædam attingamus, Abel primum, qui fratris inuidia occisus est,

Gen. 4

est, deinde Isaac sacrificium, præterea Agnus, quem Iudæi, cum e terra Aegypti egrederentur, immolarunt, tum serpens æneus, quem Moyses in deserto exaltauit, Christi domini passionis, ac mortis figuram præmonstrabant. Quod autem ad prophetas pertinet, quam multi extiterint, qui de ea uaticinati sunt; id uero multo notius est, quam ut explicari hoc loco oporteat. Sed præ ceteris, ut Dauidem omittamus, qui omnia præcipua redemptionis nostræ mysteria in psalmis complexus est, Isaïæ oracula tam aperta, & clara sunt, ut recte dici queat, eum potius rem gestam exposuisse, quam futuram prædixisse.

Gen. 22  
Exod. 12  
Num. 21  
Ioan 3

D. Hieron.

M O R T U V S, E T S E P U L T V S. His uerbis Parochus credendum explicabit, Iesum Christum, postquam crucifixus est, uere mortuum, ac sepultum esse. Neque uero sine causa hoc separatim fidelibus credendū proponitur, cum non defuerint, qui eum in cruce mortuum negarent. illi igitur errori hanc fidei doctrinā sancti apostoli merito opponendam censuerūt: de cuius articuli ueritate dubitādi nullus nobis locus relinquitur. nam omnes euangelistæ cōsentiunt, Iesum spiritū emisisse. Præterea, cum Christus, uerus, & perfectus homo fuerit, uere etiam mori potuit: moritur autem homo, cum anima separatur a corpore. Quare cū Iesum mortuum esse dicimus, id significamus, eius animam a corpore diuisam esse: neque tamen concedimus diuinitatem seiunctam a corpore: quin potius cōstāter credimus, & confitemur, anima eius a corpore diuisa, diuinitatem tum corpori in sepulcro, tum animæ apud inferos coniunctā semper fuisse.

Matth 27  
Marc. 15  
Luc. 23  
Ioan. 19



*Ad Hebr. 2* Decebat autem filium Dei mori, ut per mortē destrueret eum, qui habebat mortis imperium, idest Diabolum, & liberaret eos, qui timore mortis per totam uitam obnoxij erant seruituti. Sed illud in Christo domino singulare fuit, quod tunc mortuus est, cum ipse mori decreuit, & mortem non tam aliena uī illatam, quam uoluntariam obiit. Nec uero mortem solum, sed locum etiam, & tempus, in quo moreretur, ipse sibi cōstituit. ita enim *Isa. 53* scripsit: Oblatus est, quia ipse uoluit. Atque idem *Ioan. 10* Dominus de se ante passionē dixit: Ego pono animā meam, ut iterū sumam eam: nemo tollit eam a me, sed ego pono eā a me ipso: potestātē habeo ponendi eā, & potestatem habeo iterū sumendi eam. Quod autē ad tempus, & locū attinet, cum *Herodes* eius uitā insidiaretur, ipse inquit: Dicite uulpi illi, ecce eiicio dēmonia, & sanitates perficio hodie & cras, & tertia die consumor: uerūtamen oportet me hodie, & cras, & sequēti die ambulare: quia nō capit prophetam perire extra Hierusalē. Ille igitur, nihil inuitus, aut coactus fecit, sed ipse sese uolens obtulit, atque inimicis suis obuiā procedens dixit: *Ioan. 18* Ego sum; & spōte sua ea omnia supplicia pertulit, quibus illū iniuste, & crudeliter affecerūt. quo quidem nihil ad commouendos animi nostri sensus maiorem uim habere potest, cum poenas, tormentaue eius omnia cogitatione perpendimus. Nam si quispiam nostra causa omnes dolores patiatur, non quos ipse sua uoluntate suscipiat, sed quos uirare nequeat, hoc uero haud magni beneficij loco a nobis ponetur: uerum si nostro tantū nomine mortem, quam defugere poterat, libenter occumbat, pro-

profecto hoc beneficii genus tātum est, ut omnem non solum referendā, sed etiam habendę gratię facultatem uel gratissimo cuique eripiat. ex quo Iesu Christi summa, & eximia charitas, eiusque diuinum, & immensum in nos meritū perspicī potest.

Iam uero quod sepultum fuisse confitemur, hoc quidem ueluti articuli pars non constituitur, quod nouam aliquam difficultatem habeat, præter ea, quę iam de morte dicta sunt. Nam si Christū mortuum credimus; facile etiam nobis persuaderi potest, eum sepultum esse. Verum hoc additum est, primum, ut minus dubitare de morte liceat; cum maximo argumento sit, aliquem mortuum esse, si eius corpus sepultum probemus: deinde, ut resurrectionis miraculum magis declaretur, atque cluceat. neque uero hoc solum credimus, Christi corpus sepultum esse, sed illud præcipue his uerbis credendum proponitur, Deum sepultum esse: quemadmodum ex fidei catholicę regula uerissime etiā dicimus, Deum mortuum, & ex uirgine natum esse. nam cum diuinitas numquam diuisa fuerit a corpore, quod in sepulcro conditum est; recte confitemur Deum sepultum esse. Ac de genere quidem, & loco sepulturę illa Parocho satis erunt, quę a sanctis euāgelistis dicta sunt. Duo uero in primis obseruanda sunt, alterum, Christi corpus in sepulcro nulla ex parte corruptum esse; de quo Propheta ita uaticinatus erat: Non dabis sanctum tuum uidere corruptionem. Alterum est, quod ad omnes huius articuli partes attinet, sepulturam scilicet, passionem etiam, & mortem Christo Iesu, ut homini, nō ut Deo conuenire. nam pati, & mori, in humanam

*Sepultura  
Christi cur  
expessa mē  
tio, & quid  
de illius pas  
sione medita  
tandum.*

*Matth. 27  
Mar. 15  
Luc. 23*

*Ioan. 19  
Psal. 15  
Act. 2*

tantum naturam cadunt; quamuis Deo etiam hæc omnia tribuantur; quoniam de illa persona, quæ simul perfectus Deus, perfectus homo fuit, recte dici perspicuum est. His cognitis, ea de Christi passione, & morte Parochus explicabit, ex quibus tanti mysterij immensitatem si non comprehendere, contemplari saltem fideles possint. Ac primum quidem considerandum est, quis ille sit, qui hæc omnia patitur. Et quidem nullis uerbis eius dignitatem explicare, aut mente comprehendere possumus. Sanctus

*Ioan. 1* Ioannes uerbum esse dicit, quod erat apud Deum.

*Ad Heb. 1* Apostolus magnificis uerbis describit in hunc modum: Esse eum, quem Deus constituit heredem uniuersorum, per quem fecit & sæcula: qui est splendor gloriæ, & figura substantiæ eius, qui portat omnia uerbo uirtutis suæ. Hic igitur purgationem peccatorum faciens, sedet ad dexteram maiestatis in excelsis. Atque ut uno uerbo complectamur, patitur Iesus Christus, Deus & homo: patitur creator pro ijs, quos ipse condidit: patitur dominus pro seruis: patitur is, per quem angeli, homines, cæli, elementa facta sunt; ille inquam, in quo, per quem, & ex quo sunt omnia. Quare mirandum non est, si, eorum passionum tormentis commoto, totum etiam ædificium concussum est. nam, ut inquit scriptura, *Matth. 27* Terra mota est, & petraë scissæ sunt: tenebræ *Luc. 23* etiam factæ per uniuersam terram, & sol obscuratus est. Quod si mutæ etiam res, & sensu carentes creatoris sui passionem luxerunt: cogitent fideles quibus lacrymis ipsi, tamquam uiui lapides huius ædificij, dolorem suum declarare debeant.

*Passionis  
Christi*

Iam uero causæ etiā passionis exponendæ sunt,  
ut eo



*causa, &  
de gravita-  
te relaben-  
tium.*

ut eo magis diuinæ erga nos charitatis magnitudo, & uis appareat. Si quis igitur quærat, quæ causa fuerit cur filius Dei acerbissimam passionē subierit, hanc potissimum fuisse inueniet, præter hereditariam labem primorum parentum, uitia, & peccata, quæ homines a mundi origine usque ad hanc diem admiserunt, ac deinceps usque ad cōsummationē sæculi admissuri sunt. hoc enim in passione, & morte filius Dei saluator noster spectauit, ut omnium ætatum peccata redimeret, ac deleret, & pro eis patri abunde, cumulateque satisfaceret. Illud etiam accedit ad augendam rei dignitatem, quod non solum Christus pro peccatoribus passus est, sed etiam pœnarum omnium, quas pertulit, peccatores, & auctores, & ministri fuerunt: de quo Apostolus admonet, ita ad Hebræos scribens: Recogitate eum, qui talem sustinuit a peccatoribus aduersus semetipsum cōtradictionē, ut ne fatigemini animis uestris deficientes. Atque hac culpa omnes teneri iudicandum est, qui in peccata sæpius prolabantur. nam cum peccata nostra Christum dominum impulerint, ut crucis supplicium subiret; profecto qui flagitijs, & sceleribus uoluntantur, rursus, quod in ipsis est, crucifigunt in semetipsis filium Dei, & ostentui habēt. Quod quidem scelus eo grauius in nobis uideri potest, quam fuerit in Iudæis, quod illi, eodem Apostolo teste, Si cognouissent, numquam dominum gloriæ crucifixissent: nos autem & nosse eum profiteamur; & tamen, factis negantes, quodā modo uiolentas ei manus uidemur inferre. Sed, a patre etiam, & a semetipso Christum dominum traditum esse sacrę litterę testantur. ait

*Ad Heb.*

*Hebr. 6*

*1. ad Cor. 2*

*Isa. 53* enim apud Isaiam : Propter scelus populi percussus cum . Et paulo ante idem propheta, cum Dominū plagis , & uulneribus affectum, spiritu Dei plenus uideret , dixit : Omnes nos quasi oues errauimus : unusquisque in uiam suam declinauit , & posuit Dominus in eo iniquitatē omnium nostrū .

*Isa. 53* De filio autem scriptum est : Si posuerit pro peccato animam suam , uidebit semen longeuum. Sed eandem rem Apostolus grauioribus etiam uerbis expressit, cum tamen ex altera parte uellet ostendere, quātum nobis de immensa Dei misericordia

*Rom. 8* & bonitate sperare liceat. ait enim : Qui etiam proprio filio suo nō pepercit, sed pro nobis omnibus tradidit illum , quo modo non etiam cum illo omnia nobis donauit? Sequitur nunc , ut , quanta fuerit passionis acerbitas, Parochus doceat. quamquam si memoria teneamus , sudorem Domini factum ut guttas sanguinis decurrentis in terram ,

*Luc. 22* cum ille tormenta, & cruciatus animo perciperet , quibus paulo post afficiendus erat ; facile ex eo unusquisque intelliget, nihil ad illum dolorem addi potuisse. nam si malorum imminantium cogitatio tam acerba fuit , id quod sanguinis sudor declarauit; quid ipsam perpeffionem fuisse existimandum est? Sed tamen Christum dominum summis tum animi , tum corporis doloribus affectum esse constat. Ac primum quidem nulla fuit eius corporis pars, quæ grauissimas poenas non senserit. nam & pedes , & manus clauis cruci affixæ , caput spinis compunctum , & arundine percussum , facies sputis scedata, alapis cæsa, totum corpus flagellis uerberatum est. Preterea omnium & generum , & ordinum

dinum homines conuenerunt in unum aduersus  
 Dominum, & aduersus Christum eius. Gentes *Psal. 2*  
 enim & Iudæi passionis suasores, auctores, mini-  
 stri fuerunt: Iudas eum prodidit, Petrus negauit, *Matth. 26*  
 ceteri omnes deseruerunt. Iam uero in cruce ipsa *Marc. 14*  
 acerbiter ne, an ignominiam, an utrumque si- *Luc. 22*  
 mul queremur? Ac profecto nullum aut turpius  
 genus mortis, aut acerbius excogitari eo potuit,  
 quo affici non nisi nocentissimi, & sceleratissimi  
 homines consueuerunt, & in quo summi doloris,  
 & cruciatus sensum mortis diuturnitas uehementio-  
 rem efficiebat. Augebat autem pœnarum magnitu-  
 dinem ipsa Christi Iesu corporis constitutio, & ha-  
 bitus: quod quidem cum spiritus sancti uirtute for-  
 matum esset; multo perfectius, & temperatius fuit  
 quam aliorum hominum corpora esse possunt; atque  
 ideo acriorem quoque sentiendi uim habuit, & gra-  
 uius tormenta illa omnia perpeffum est. Quod ue-  
 ro ad intimum animi dolorem pertinet, nemo dubita-  
 re potest, quin summus in Christo fuerit. sanctis  
 enim hominibus, quicumque supplicia, & crucia-  
 tus pertulerunt, non defuit animæ solatium diui-  
 nitus datum, quo recreati, tormentorum uim equo-  
 animo ferre possent: immo uero in cruciatibus ple-  
 rique intima letitia efferebantur. ait enim Aposto-  
 lus: Gaudeo in passionibus pro uobis: & adimpleo *Ad Col. 1*  
 ea, quæ defunt passionum Christi in carne mea pro  
 corpore eius, quod est Ecclesia. & alibi: Repletus *2. ad Co-*  
 sum cōsolatione: superabundo gaudio in omni tri- *rint. 7*  
 bulatione nostra. Verum Christus dominus amarif-  
 simæ passionis calicem, quem bibit, nulla suauitate  
 permista temperauit: humanæ enim naturæ, quam  
 assumpserat,



assumpserat, sentire omnia tormenta permisit, nō secus, ac si homo, non etiam Deus fuisset.

Reliquum modo est, ut commoda etiam, & bona, quæ ex passione Domini percepimus, a Parocho accurate explicentur. Primum igitur Domini passio, peccati liberatio fuit. nam, ut est apud san-  
*Apoc. 1* ctum Ioannem, Dilexit nos, & lauit nos a peccatis nostris in sanguine suo. & Apostolus inquit: Cō-  
*Ad Col. 2* iuiuificauit uos, donans uobis omnia delicta, delens quod aduersum nos erat chirographum decreti, quod erat contrarium nobis, & ipsum tulit de medio, affigens illud cruci. Deinde a dæmonis tyrannide nos eripuit. ipse enim Dominus inquit;  
*Ioan. 12* Nunc iudicium est mundi: nunc princeps huius mundi eiicietur foras: & ego, si exaltatus fuero a terra, omnia traham ad me ipsum. Poenam præterea peccatis nostris debitam persoluit. Tum uero, quia nullum gratius, & acceptius Deo sacrificium afferri potuit, patri nos reconciliauit, eumque nobis placatum, & propitium reddidit. Postremo, quoniam peccata sustulit, cælorum etiam aditum, cōmuni humani generis peccato interclusum, nobis patefecit. Atque id Apostolus significauit illis uerbis: Habemus fiduciam in introitu sanctorum in sanguine Christi. Neque uero in ueteri lege huius mysterij figura, & imago quædam defuit. nam illi, quibus interdictum erat, ne in patriam ante  
*Heb. 10* summi sacerdotis mortem reuerterentur, hoc significabant, nemini, quamuis iuste, & pie uiuisset, aditum in cælestem patriam patere, antequam summus ille, atque æternus sacerdos Christus Iesus mortem obiret: qua quidem obita, statim cæli fores patuerunt

ruerunt ijs , qui sacramentis expiati , fideque , spe ,  
 & charitate præditi , passionis eius participes fiunt .  
 Hæc autem omnia maxima , & diuina bona Paro-  
 chus docebit ex Domini passione ad nos peruenisse ;  
 primū quidem , quia est integra , atque omnibus  
 numeris perfecta satisfactio , quā admirabili qua-  
 dā ratione Iesus Christus pro peccatis nostris Deo  
 patri persoluit . Neque uero pretium , quod pro no-  
 bis persoluit , debitis nostris par solum , & æquale  
 fuit , uerum ea longe superauit . Deinde sacrificiū  
 Deo acceptissimum fuit ; quod cum illi filius in  
 ara crucis obtulit , patris iram , atque indignatio-  
 nem prorsus mitigauit . atque hoc nomine Aposto-  
 lus usus est , cum inquit : Christus dilexit nos , & *Ad Eph. 5*  
 tradidit semetipsum pro nobis oblationem & ho-  
 stiam Deo in odorem suauitatis . Præterea redem-  
 ptio , de qua est apud Apostolorum Principem :  
 Non corruptibilibus auro , uel argento redempti *1. Petr. 1*  
 estis de uana uestra conuersatione paternæ traditio-  
 nis , sed pretioso sanguine quasi agni immaculati  
 Christi , & incontaminati . Et Apostolus docet :  
 Christus nos redemit de maledictō legis , factus *Ad Gal. 3*  
 pro nobis maledictum . Verum , præter hæc im-  
 mēsa beneficia , illud etiam uel maximū consecuti  
 sumus , ut in hac una passione , omnium uirtutū  
 clarissima exempla habeamus . nam & patientiā ,  
 & humilitatem , & eximiam charitatem , & man-  
 suetudinem , & obedientiam , & summam animi  
 constantiam non solum in perferendis propter ius-  
 titiam doloribus , sed etiam in morte oppetenda  
 ita ostendit , ut uere dicere possimus , saluatorem  
 nostrum , quæcumque uite præcepta toto prædica-  
 tionis

tionis suæ tēpore uerbis nos docuit, ea omnia uno passionis die in se ipso expressisse. Atque hæc breuiter de Christi domini saluberrima passione & morte dicta sunt. Utinam uero hæc mysteria in animis nostris assidue uersentur, & una cum Domino pati, & mori, & sepeliri discamus; ut deinde, abiecta omni sorde peccati, ad nouam uitam cum illo resurgentes, aliquando tandem, ipsius gratia, & misericordia, digni simus, qui cælestis regni, & gloriæ participes efficiamur.

DESCENDIT AD INFEROS, TERTIA DIE RESURREXIT A MORTUIS. Maxime quidem refert nosse gloriam sepulture domini nostri Iesu Christi, de qua proxime dictū est; sed plus interest fidelis populi, cognoscere illustres triumphos, quos ex deuicto Diabolo, & spoliatis inferorum sedibus deportauit: de quibus, simulque de resurrectione dicendum est. qui locus etsi separatim per se recte tractari possit; nos tamen, sanctorum patrum auctoritatem secuti, eum cum descensu ad inferos coniungendum putauimus. Eius igitur priori parte hoc nobis credendum proponitur, Christo iam mortuo, eius animam ad inferos descendisse, ibique tamdiu mansisse, quamdiu eiusdem corpus in sepulcro fuit. His autem uerbis simul etiam confitemur, eandem Christi personam eo tempore & apud inferos fuisse, & in sepulcro iacuisse. Quod quidem cum dicimus, nemini mirum uideri debet: propterea quod, ut sæpe iam docuimus, quamuis anima a corpore discesserit, numquam tamen diuinitas uel ab anima, uel a corpore separata est.



Sed quoniam articuli explanationi plurimum lucis asferre potest, si Parochus prius doceat, quid hoc loco inferorum uocabulo intelligendū sit, monere oportet, inferos hoc loco pro sepulcro non accipi, ut quidam non minus impie, quam imperite putauerunt. superiori enim articulo, Christum dominum sepultum esse, edocti sumus: nec nulla causa erat, cur in fide tradenda alio, & quidam obscuriori loquendi genere idem a sanctis apostolis repeteretur: uerum inferorum nomen abdita illa receptacula significat, in quibus animæ detinentur, quæ cælestē beatitudinem non sunt consecutæ. Ita uero sacræ litteræ hanc uocem multis in locis usurparunt. nam apud Apostolum legimus: In nomine Iesū omne genu flecti cælestium, terrestrium, & infernorum: & in Actis apostolorum diuus Petrus testatur: Christum dominum suscitatum solutis doloribus Inferni. Neque tamen ea receptacula unius, & eiusdem generis sunt omnia. est enim terribilissimus, & obscurissimus carcer, ubi perpetuo, & inextinguibili igne damnatorum animæ simul cum immundis spiritibus torquentur; qui etiam gehenna, abyssus, & propria significatione Infernus uocatur. Præterea est purgatorius ignis, quo piorum animæ ad definitum tempus cruciatæ expiantur, ut eis in æternam patriam ingressus patere possit, in quam nihil coinquinatum ingreditur. Ac de huius quidem doctrinæ ueritate, quam & scripturarum testimonijs, & apostolica traditione confirmatam esse sancta Concilia declarant, eo diligentius, & sæpius Parocho discerendum erit, quod in ea tempora incidimus,

*De multiplici Inferni, significatione: ubi et de Purgatorio agitur.*

*Ad Phil. 2.*

*Act. 2.*

*Apo. 21*

*mus,*

mus, quibus homines sanam doctrinam non sustinent. Tertium postremo receptaculi genus est, in quo animæ sanctorum ante Christi domini aduentum excipiebantur; ibique sine ullo doloris sensu, beata redemptionis spe sustentati, quieta habitatione fruebantur. Horū igitur piorum animas, qui in sinu Abrahamæ Saluatorem expectabant, Christus dominus ad inferos descendens liberauit. Nec uero existimandum est, eum sic ad inferos descendisse, ut eius tantummodo uis ac uirtus, non etiam anima, eo peruenerit: sed omnino credendum est, ipsam animam re, & præsentia ad inferos descendisse: de quo extat firmissimum illud Dauidis testimonium: *Nō derelinques animam meam in Inferno*. Verum etsi Christus ad inferos descendit, nihil de eius summa potestate detractum est: neque eius sanctitatis splendor macula aliqua aspersus: cum potius hoc facto uerissima esse omnia, quæ de illius sanctitate celebrata erant, eumque filium Dei esse, quemadmodum antea tot prodigijs declarauerat, apertissime comprobatum sit. id quod facile intelligemus, si causas, cur Christus, & alij homines in ea loca uenerint, inter se conferamus. Ceteri enim omnes captiui descenderant: ipse uero inter mortuos liber, & uictor, ad profligandos dæmones, a quibus illi ob noxam inclusi, & constricti tenebantur, descendit. Præterea alij omnes, qui descenderunt, partim, pœnis acerbissimis torquebantur, partim uero, ut alio doloris sensu carerent, tamen Dei aspectu priuati, & spe beatæ gloriæ, quam expectabant, suspensi torquebantur. At Christus dominus descendit, non ut aliquid pateretur,

teretur, uerum ut sanctos, & iustos homines ex misera illius custodiæ molestia liberaret, eisque passionis suæ fructum impertiret. Quod igitur ad inferos descendit, nulla prorsus de summa eius dignitate, & potestate diminutio facta est.

His expositis, docendum erit, propterea Christus dominum ad inferos descendisse, ut, ereptis *Quibus de causis Christus ad inferos descendit.* daemonum spolijs, sanctos illos patres, ceterosque pios e carcere liberatos secum adduceret in cælum. quod ab eo admirabiliter, summaque cum gloria perfectum est. statim enim illius aspectus clarissimam lucem captiuis attulit, eorumque animas im mensa lætitia, gaudioque impleuit: quibus etiam optatissimam beatitudinē, quæ in Dei uisione consistit, impertiuuit. quo facto, id comprobatum est, quod latroni promiserat illis uerbis: Hodie mecū *Luc. 23* eris in paradiso. Hanc uero piorum liberationem Oseas tanto ante prædixerat in hunc modum: Ero *Ose. 13* mors tua, o mors: morsus tuus ero inferne. Hoc etiam significauit Zacharias propheta, cum ait: Tu quoque in sanguine testamenti tui emisisti uin- *Zach. 9* ctos tuos de lacu, in quo non est aqua. Id ipsum denique expresit Apostolus illis uerbis: Expolians *Ad Col. 2* principatus, & potestates, traduxit confidenter palam triumphans illos in semetipso. Verum, ut huius mysterij uim melius intelligamus, sæpe illud memoria repetere debemus, pios homines non solum qui post aduentū Domini in lucem editi erāt, sed qui illud post Adam antecesserāt, uel qui usque ad finem sæculi futuri sunt, eius passionis beneficio salutem consecutos esse. Quamobrem ante quam ille moreretur, ac resurgeret, cæli portæ nemini umquam



umquam patuerunt: sed piorum anime, cum e ui-  
uis excessissent, uel in sinum Abrahamæ defereban-  
tur; uel, quod etiam nunc ijs contingit, quibus ali-  
quid diluendum, & persoluendum est, Purgatorij  
igne expiabantur. Est illa præterea causa, cur de-  
scenderit ad Inferos Christus dominus, ut ibi etiã,  
quemadmodum in cælo, & in terris, uim suam,  
potestatemque declararet, & omnino, ut in nomi-  
ne eius omne genu flecteretur cælestium, terre-  
strium, & infernorum. Quo loco quis summam  
Dei benignitatem in genus humanum non admi-  
retur, & obstupescat, qui nō modo pro nobis acer-  
bissimam mortem subire, sed infimas etiam terre  
partes penetrare uoluerit, ut sibi carissimas ani-  
mas, inde ereptas, ad beatitudinem traduceret?

Ad Phil. 2

De glorioso  
resurrectio-  
nis Christi  
mysterio.  
2. ad Ti-  
mot. 2

Sequitur altera articuli pars: in qua explican-  
da, quantum laborare Parochus debeat, decla-  
rant illa Apostoli uerba: Memor esto, dominum  
Iesum Christum resurrexisse a mortuis. Quod  
enim Timotheo præcipit, idem etiam reliquis ani-  
marum curatoribus præceptum esse dubitandum  
non est. Ea autem articuli est sententia: Postquam  
Christus dominus sexta feria, hora diei nona, in  
cruce spiritum emisit, & eadem die uespere se-  
pultus est ab eius discipulis, qui Pilati præsidis  
permisso corpus Domini e cruce depositum in  
propinqui horti monumētum nouum intulerunt;  
tertio a morte die, qui fuit dominicus, summo ma-  
ne illius anima corpori iterum coniuncta est: atque  
ita is, qui triduum illud mortuus fuerat, ad ui-  
tam, ex qua moriens discesserat, redijt, & surre-  
xit, Sed resurrectionis uoce non illud solum intel-  
ligendum

ligendum est, Christum a mortuis excitatum esse, quod multis alijs commune fuit, sed sua ui, ac uirtute resurrexisse; quod proprium in illo fuit, & singulare. Neque enim natura patitur, nec ulli homini concessum est, ut se ipsum possit uirtute sua a morte ad uitam reuocare. Hoc uero summæ Dei potestati tantummodo reseruatum est, ut ex illis Apostoli uerbis intelligimus: Et si crucifixus est 2. Cor. 13  
 ex infirmitate, sed uiuit ex uirtute Dei. quæ quoniam neque a Christi corpore in sepulcro, neque ab anima, cum ad inferos descendisset, seiuncta umquam fuit, diuina uis tum in corpore inerat, quæ animæ iterum coniungi, tum in anima, qua ad corpus denuo reuerti posset: qua & licuit sua uirtute reuiuiscere, atque a mortuis resurgere. Id uero Dauid spiritu Dei plenus prædixit his uerbis: Sal- Psal. 97  
 uauit sibi dextera eius, & brachium sanctum eius. Deinde ipse Dominus diuino oris sui testimonio confirmauit: Ego pono animam meam, ut iterum Ioan. 10  
 sumam eam; & potestatem habeo ponendi eam, & iterum sumendi eam. Iudæis etiam ad confirmandam doctrinæ ueritatem dixit: Soluite tem- Ioan. 2  
 plū hoc, & in tribus diebus excitabo illud. Quod quidem tamen de templo illo magnifice ex lapidibus structo intelligerent; ille tamen, ut scripturæ uerbis eodem in loco declaratum est, dicebat de templo corporis sui. Quamuis autem in scripturis interdum legamus, Christum dominum a Ioan. 2  
 patre suscitatum esse: hoc ad eum, ut ad hominem, referendum est: quemadmodum illa rursus ad eundem, ut Deum, spectant, quibus significatur, eum. sua uirtute resurrexisse.

Sed illud etiam præcipuum Christi fuit, quod ipse primus omnium hoc diuino resurrectionis beneficio affectus est: nam in scripturis & primogenitus ex mortuis, & primogenitus mortuorum uocatur. Atque, ut est apud Apostolum, Christus resurrexit a mortuis, primitiæ dormientiū: quoniam quidem per hominē mors, & per hominē resurrectio mortuorum: & sicut in Adā omnes moriuntur, ita & in Christo omnes uiuificabuntur. Vnusquisque autem in suo ordine, primitiæ Christus: deinde ij, qui sunt Christi. Quæ quidē uerba de perfecta resurrectione interpretanda sunt, qua ad immortalem uitam, omni prorsus moriendi necessitate sublata, exaltamur. Atque in eo genere Christus dominus primum locū obtinet. nam si de resurrectione loquimur, hoc est de reditu ad uitam, cui iterum moriendi necessitas adiuncta est; ante Christum multi alij a mortuis excitati sunt: qui omnes tamen ea cōditione remixerunt, ut eis iterum moriendum esset: at Christus dominus ita resurrexit morte subacta, & oppressa, ut mori amplius non posset: quod qui dem apertissimo illo testimonio cōfirmatur: Christus resurgens ex mortuis iam non moritur: mors illi ultra nō dominabitur. Quod uero articulo additur, TERTIA DIE, Parocho explanandū erit, ne fideles arbitrētur, totos ipsos tres dies Dominū in sepulcro fuisse. nam quod integrum naturalem diem, partemque tum antecedentis, tum consequentis diei in sepulcro conditus est, ob eam rem uerissime dicitur triduo in sepulcro iacuisse, ac tertia die a mortuis surrexisse. Ut autem diuinitatem suā declararet, resurrectionem ad finem sæculi differ-

re no-

re noluit. rursus uero, ut eum uere hominem, uereque mortuum esse crederemus, non statim post mortem, sed tertio die reuixit: quod temporis spatium ad ueram mortem comprobendam satis esse uidebatur.

Patres prime Constantinopolitane Synodi huic loco addiderunt, SECVNDVM SCRIPTVRAS.

Quod quidem ab Apostolo acceptum, in fidei Symbolum propterea transtulerunt, quod resurrectionis mysterium maxime necessariū esse, idem Apostolus docuerit his uerbis: Si Christus non resurrexit, *1. ad Cor. rint. 15*

inanis est ergo prædicatio nostra, inanis est & fides uestra; & si Christus non resurrexit, uana est fides uestra: adhuc enim estis in peccatis uestris;

Quare D. Augustinus, cum huius articuli fidem admiraretur, ita scripsit: Non magnum est credere, quia mortuus est Christus. hoc & Pagani, *S. August. Luc. 18*

& Iudæi, & omnes iniqui credunt: hoc omnes credunt, quia mortuus est: fides Christianorum resurrectionis Christi est: hoc promagno habemus, quia credimus eum resurrexisse. ex quo factum est, ut frequētissime Dominus de sua resurrectione locutus sit: ac nunquam fere de passione sua cum discipulis collocutus est, quin de resurrectione loqueretur.

quare eum dixisset; Filius hominis tradetur gentibus, & illudetur, & flagellabitur, & conspuetur, & postquam flagellauerint, occident eum: ad extremum addidit, Et tertia die resurget. & cum Iudæi ab eo peterent, ut aliquo signo, & miraculo doctrinam suam comprobaret, respondit;

nullum aliud signum eis datum iri, quam Iona propheta signum. sicut enim fuit Ionas in uentre ceti

tribus diebus & noctibus, ita fiet Filius hominis in uentre ceti tribus diebus & noctibus.



tribus diebus, & tribus noctibus; sic futurum affirmavit, filium hominis in corde terræ tribus diebus, & tribus noctibus.

*De necessitate, sine, & utilitate resurrectionis Iesu Christi.*

Verum, ut huius articuli uim, & sensum melius perspiciamus, tria nobis inuestiganda, & cognoscenda sunt. Primum quidem, quare necesse fuerit Christum resurgere: deinde, quæ resurrectio nis finis, & scopus sit, & quæ ab ea utilitates, & commoda in nos sint profecta. Quod igitur ad primum attinet, necesse fuit eum resurgere, ut Dei iustitia ostenderetur, a quo maxime decebat eum extolli, qui, ut illi obtemperaret, depressus, atque omni ignominia affectus erat. Hanc Apostolus

*Ad Phil. 2*

causam attulit, cum ad Philippenses inquit: Humiliauit semet ipsum factus obediens usque ad mortem, mortem autem crucis, propter quod & Deus exaltauit illum. Præterea, ut fides nostra confirmaretur, sine qua hominis iustitia constare non potest. illud enim maximo argumēto esse debet, Christum filium Dei fuisse, quod sua uirtute a mortuis resurrexit. Deinde ut spes nostra aleretur, atque sustentaretur. Cum enim Christus resurrexerit, certa spe nitimur fore, ut nos etiam resurgamus: siquidem membra capitis sui condicionē consequatur, necesse est.

2.

ita enim Apostolus argumentationē concludere uidetur, cū ad Corinthios, & Thessalonicenses scribit. & a Principe apostolorum Petro dictum est: Benedictus Deus, & pater domini nostri Iesu Christi, qui secundum misericordiam suam magna regenerauit nos in spem uiuam per resurrectionem Iesu Christi ex mortuis in hereditatem incorruptibilem. Postremo ob eam etiam rem Domini resur-

*1. Cor. 15*

*1. Thess. 4*

*1. Pet. 1*

rectio-

rectionem necessariam fuisse docendum est, ut salutaris, & redemptionis nostræ mysterium absolueretur. Christus enim morte sua nos a peccatis liberavit; resurgens uero præcipua nobis bona restituit, quæ peccando amiseramus. Quare est apud Apostolum dictum: Christus traditus est propter delicta nostra, & resurrexit propter iustificationem nostram. Ne quid igitur humani generis saluti deesset, quemadmodum illum mori, ita resurgere etiam oportuit. Ex ijs uero, quæ hæcenus dicta sunt, perspicere possumus, quantum utilitatis Christi domini resurrectio fidelibus attulerit. In resurrectione enim, Deum esse immortalem, plenum gloria, mortis & Diaboli uictorem, agnoscimus: quod de Christo Iesu sine ulla dubitatione credendum, & confitendum est. Deinde Christi resurrectio nobis etiam corporis resurrectionem peperit: tum quia eius mysterij efficiens causa fuit; tum quia ad Domini exemplum resurgere omnes debemus. Nam quod ad corporis resurrectionem attinet, Apostolus ita testatur. Per hominem mors, & per hominem resurrectio mortuorum. quæcumque enim Deus in redemptionis nostræ mysterio egit, ad omnia Christi humanitate, tamquam efficienti instrumento, usus est. Quare eius resurrectio instrumentum quoddam fuit ad resurrectionem nostram efficiendam. exemplar uero dici potest, quoniam Christi domini resurrectio omnium est perfectissima: ac quemadmodum Christi corpus resurgens ad immortalem gloriam immutatum est, ita nostra etiam corpora, quæ prius imbecilla, & mortalia fuerant, gloria, & immortalitate orna-

Ad Rom. 4

1. Cor. 15

*Ad Phil. 3* ta restituentur. Vt enim Apostolus docet, Saluatorem expectamus, dominum nostrum Iesum Christum, qui reformabit corpus humilitatis nostrae configuratum corpori claritatis suae. Hoc etiam de anima in peccatis mortua dici potest: cui quo pacto Christi resurrectio exemplar proponatur, idem

*Ad Rom. 6* Apostolus his uerbis ostendit. Quo modo Christus surrexit a mortuis per gloriam patris; ita & nos in nouitate uitae ambulemus, si enim complantati facti sumus similitudini mortis eius, simul & resurrectionis erimus. Et paucis interiectis, inquit: Scientes quod Christus resurgens ex mortuis, iam non moritur: mors illi ultra non dominabitur: quod enim mortuus est peccato, mortuus est semel; quod autem uiuit, uiuit Deo. Ita & uos existimate, uos mortuos quidem esse peccato, uiuentes autem Deo in Christo Iesu.

*Quae ex  
Christi resurrectione  
exempla sumenda.*

Duo igitur a Christi resurrectione exempla petere debemus. Alterum est, ut, postquam peccati maculas eluimus, nouum uitae genus instituamus, in quo morum integritas, innocentia, sanctitas, modestia, iustitia, beneficentia, humilitas eluceant. Alterum est, ut in eo uitae instituto ita perseueremus, ut, adiuuante Domino, a iustitiae uia, quam semel ingressi fuerimus, non excidamus. Neque uero Apostoli uerba id solum demonstrant, Christi resurrectionem ad resurrectionis exemplum nobis proponi; uerum etiam resurgendi uirtutem nobis praebere, uiresque, & spiritum largiri, quo in sanctitate, & iustitia permaneamus, ac Dei praecepta seruemus, declarant. nam quemadmodum ex eius morte non solum peccatis moriendi exemplum

plum capimus, sed uirtutem etiam haurimus, qua peccatis moriamur: ita eius resurrectio ad iustitiā consequendam nobis uires affert, ut deinde pie, & sancte Deū colentes, in nouitate uitę ambulemus, ad quam resurgimus. Hoc enim maxime resurrectione sua Dominus effecit, ut qui antea una cum illo peccatis, & huic sæculo mortui eramus, cum illo etiam ad nouam uitę institutionem, & disciplinam resurgeremus. Huius resurrectionis quæ potissimum signa obseruanda sint, Apostolus nos admonet. Nam cum inquit: Si consurrexistis cum Christo, quæ sursum sunt quærite, ubi Christus est in dextera Dei sedens: plane ostendit, eos, qui uitā, honores, otium, diuitias ibi maxime, ubi Christus est, habere cupiunt, uere cum Christo surrexisse. Cum uero addit: Quæ sursum sunt sapite, non quæ super terram: alteram etiam hanc ueluti notam apposuit, qua perspicere possimus, num uere cum Christo surrexerimus. ut enim corporis affectionē & ualitudinem gustus indicare solet: ita, si, quæcumque sunt uera, quæcumque pudica, quæcumque iusta, quæcumque sancta, alicui sapiant, isque cælestium rerum iucunditatem intimo mentis sensu percipiat, hoc maximo argumento esse potest, eum, qui ita affectus sit, ad nouam, & spiritualem uitam una cum Christo Iesu surrexisse.

Ad Col. 3

Ad Phil. 4

ASCENDIT AD CAELOS, SEDET AD DEXTERAM DEI PATRIS OMNIPOTENTIS. Dauid propheta, cum beatam, & gloriosam Domini ascensionē spiritu Dei plenus contemplaretur: omnes ad eum triumphum summa lætitia, & gaudio celebrandum illis uerbis

E 4 hortatur,



*Pfal.* 46 hortatur, cum inquit: Omnes gentes plaudite manibus, iubilare Deo in uoce exultationis: ascendit Deus in iubilatione. ex quo intelliget Parochus, maximo studio hoc mysterium explicandū esse, sibi que diligenter curandum, ut fideles illud non solum fide, & mente percipiant; sed, quoad eius fieri poterit, iuuante Domino, factis etiam, & uita exprimere studeant. Quod igitur ad sexti articuli explanationem attinet, in quo potissimum de diuino hoc mysterio agitur, a priori eius parte incipiendum est, & quæ eius sit uis, atque sententia, aperiendum. De Christo enim Iesu illud etiam fideles sine ulla dubitatione credere oportet, eum, perfecto iam & absoluto redemptionis nostræ mysterio, ut homo est, in cælum corpore, & anima ascendisse. nam, ut Deus est, numquam ab eo absuit, ut qui diuinitate sua loca omnia compleat. Ascendisse autem sua uirtute, doceat, non aliena ui sublatum, quemadmodum Elias, qui igneo curru in cælum euectus est: uel Habacuc propheta, uel Philippus diaconus, qui diuina uirtute per aërem delati, longinqua terrarum spatia permearūt. Neque uero solum, ut Deus, præpotenti diuinitatis uirtute in cælos ascendit, sed etiam, ut homo est. Quamuis enim naturali ui id fieri non poterit, tamen uirtus illa, qua beata Christi anima prædita erat, corpus, ut libuit, mouere potuit: corpus uero, quod iam gloriam adeptum erat, mouētis animæ imperio facile parebat. Atque hac ratione, ut Deus, & ut homo est, Christum in cælum sua uirtute ascendisse credimus. In altera articuli parte hæc sunt: Sedet ad dexteram patris. quo loco tro-

4. Reg. 2

Dan. 14

Acl. 8

eo tropum, idest uerbi immutationem licet animadu-  
 uertere, frequentem in diuinis litteris, cum hu-  
 manas affectiones, & membra, ad nostram intel-  
 ligentiã accommodantes, Deo tribuimus. neque  
 enim, cum spiritus sit, quidquam in eo corporeũ  
 cogitari potest. Sed quoniam in humanis rebus ei  
 maiorem honorem tribui existimamus, qui ad de-  
 xteram collocatus est; eandem rem ad cœlestia etiã  
 transferentes, ad explicandam Christi gloriam,  
 quam ut homo præ ceteris omnibus adeptus est,  
 cum in patris dextera esse confitemur. Sedere autẽ  
 hoc loco non situm, & figuram corporis signifi-  
 cat; sed eam regiã summæque potestatis, ac glo-  
 riæ firmam & stabilem possessionem, quam a pa-  
 tre accepit, declarat: de quo ait Apostolus: *Susci-* *Eph. 1*  
*tans illum a mortuis, & constituens ad dexteram*  
*suam in cœlestibus supra omnem principatum, &*  
*potestatem, & uirtutem, & dominationem, &*  
*omne nomen, quod nominatur non solum in hoc*  
*sæculo, sed etiam in futuro; & omnia subiecit sub*  
*pedibus eius. Ex quibus uerbis apparet, hanc glo-*  
*riam adeo propriam, & singularem Domini esse,*  
*ut nulli præterea conuenire possit. Quamobrem*  
*alio loco testatur: Ad quem autem angelorum di-* *Hebr. 1*  
*xit aliquando: Sede a dextris meis? Sed articuli*  
*sensum Parochus latius explanabit, ascensionis hi-*  
*storiam persequens, quam sanctus Lucas euange-* *Act. 1*  
*lista in Actis apostolorum admirabili ordine de-*  
*scripsit. In cuius explicatione illud primum obser-*  
*uare oportebit, cetera omnia mysteria ad ascensio-*  
*nem, tamquam ad finem, referri, in eoque omniũ*  
*perfectionem, & absolutionem contineri. nam, ut*  
 ab in-

ab incarnatione Domini omnia religionis nostræ mysteria initium habent; ita ascensione eius peregrinatio concluditur. Præterea, alia Symboli capita, quæ ad Christum dominum pertinent, summam eius humilitatem, & contemptionem ostendunt. neque enim abiectius, aut humilius quidquam cogitari potest, quàm quod filius Dei pro nobis humanam naturam, & imbecillitatem assumpserit, patique, & mori uoluerit. At uero, quod tum superiori articulo a mortuis surrexisset, nunc uero in cælum ascendisset, & ad Dei patris dexteram sedere confitemur, nihil ad eius summam gloriam, diuinamque maiestatem declarandam magnificentius dici, aut admirabilius potest.

*Christi in  
cælum ascen-  
sionis cau-  
sa, & quæ  
nobis inde  
beneficia.*

Iam his expositis accurate docendum est, cuius rei causa Christus dominus in cælos ascenderit.

Primum enim ascendit, propterea quod eius corpori, quod immortalitatis gloria in resurrectione donatum fuerat, non terrene huius, & obscuræ habitationis locus, sed altissimum, & splendidissimum cæli domicilium conueniret: nec uero solū ut eius gloriæ, & regni solum potiretur, quod sanguine meruerat, uerum etiam ut ea, quæ ad salutem nostram pertinebant, curaret: deinde, ut regnum suum non esse ex hoc mundo, re ipsa comprobaret. nam mundi regna, terrena, & fluxa sunt, magnisque opibus, & carnis potentia nituntur: Christi uero regnum non terrenum, quale Iudæi expectabant, sed spirituale, & æternum. itemque eius opes, & diuitias spirituales esse ipse ostendit, cum suam sedem in cælis collocauit. in quo quidē regno illi ditiores, & omnium bonorum copia af-

fluen-

*Ioan. 18*

fluentiores existimandi sunt, qui ea, quæ Dei sunt,  
 diligentius querunt. nam & sanctus Iacobus testa- *Iacob. 2*  
 tur, Deum elegisse pauperes in hoc mundo, diui-  
 tes in fide, & heredes regni, quod repromisit Deus  
 diligentibus se. Sed illud etiam Dominus noster  
 in cælum ascendens efficere uoluit, ut nos eum ascē-  
 dentem mente & desiderio prosequeremur. nam  
 quemadmodum mortē, & resurrectione sua mori-  
 endi, & resurgendi spiritu exemplum nobis reli-  
 querat; ita ascensu nos docet, atque instruit, ut in *Hebr. 11*  
 terris positi, in cælum nos cogitatione confera-  
 mus; confitentes nos peregrinos, & hospites esse *Eph. 2*  
 super terram, ac patriam inquirentes ciues esse san-  
 ctorum, & domesticos Dei. Nostra enim, ut idem *Philip. 3*  
 inquit Apostolus, conuersatio in cælis est. Iam ue-  
 ro uim, & magnitudinem inexplicabilium bono-  
 rum, quæ in nos Dei benignitas effundit, diuinus  
 Dauid, Apostolo interprete, multo ante cecinerat *Psal. 67*  
 illis uerbis: Ascendens in altum captiuam duxit ca- *Eph. 4*  
 ptiuitatem, dedit dona hominibus. Nā decimo die  
 spiritum sanctum dedit, cuius uirtute, atque uber-  
 tate compleuit præsentem illam fidelium multitu-  
 dinem; & uere tum magnifica illa promissa persol- *Act. 1*  
 uit: Expedit uobis, ut ego uadam. si enim non abie- *Ioan. 16*  
 ro, paracletus non ueniet ad uos: si autem abiero,  
 mittam eum ad uos. Ascendit etiam in cælum ex *Hebr. 9*  
 Apostoli sententia, ut appareat nunc uultui Dei  
 pro nobis, & apud patrem aduocati officio funga-  
 tur. Filioli mei, inquit sanctus Ioannes, hæc scribo *1. Ioan. 2*  
 uobis, ut non peccetis: sed &, si quis peccauerit,  
 aduocatum habemus apud patrem Iesum Chri-  
 stum iustum, & ipse est propitiatio pro peccatis no-  
 stris



stris . Nec uero quidquam est , unde fideles maiorem letitiam , & animi iucunditatē capere debeāt , quam Iesum Christum patronum salutis , ac deprecatorem salutis nostræ constitutum esse , cuius sit apud æternum patrem summa gratia , & auctoritas .

*Ioan. 14* Parauit denique nobis locum , quod etiam se facturum promiserat , atque omnium nostrum nomine caput ipse Iesus Christus uenit in cælestis gloriæ possessionem : nam in cælum abiens , portas , quæ Adami peccato interclusæ fuerant , patefecit , nobisque uiam muniuit , qua ad cælestem beatitudinem perueniremus ; quemadmodum ipse in cena discipulis futurum prædixerat . quod quidem ut rei etiam euentu aperte comprobaret , piorum animas , quas ab inferis eripuerat , secum in æternæ beatitudinis domicilium introduxit . Hanc cælestium munerum admirabilem copiam salutaris illa commodorum series consecuta est . primum enim fidei nostræ merito maximus cumulus accessit : nam fides earum rerum est , quæ sub aspectum non cadunt , atque ab hominum ratione , ac intelligentia remotæ sunt . Quaresi Dominus a nobis non discessisset , fidei nostræ meritum minueretur : siquidem a Christo domino beati prædicantur , qui non uiderunt , & crediderunt . Præterea Christi in cælum ascensus ad confirmandam spem in cordibus nostris magnum momentum habet . nam quoniam Christum hominem in celum ascendisse , & humanam naturam in dextera Dei patris collocasse credimus , magna in spe sumus , fore , ut nos etiam , eius membra , illuc ascendamus , atque ibi cū capite nostro coniungamur

mur

mur: quod ipse Dominus his uerbis testatus est: Pater, quos dedisti mihi, uolo, ut, ubi sum ego, & *Ioan. 17* illi sint mecum. Deinde hoc quoque uel maximū beneficiū consecuti sumus, quod amorem nostrum ad cælum rapuit, ac diuino spiritu inflammavit; nam uerissime dictum est, ibi cor nostrum esse, ubi *Math. 6* thesaurus noster est. Ac profectò, si Christus dominus in terris uersaretur, omnis nostra cogitatio in ipso hominis aspectu, & consuetudine defixa esset; & illum dumtaxat hominem spectaremus, qui nos tantis beneficijs afficeret, eumque terrena quadam beneuolentia prosequeremur: uerum in cælum ascendens, amorem nostrum spirituales reddidit, effecitque, ut quem nunc absentem cogitamus, cum, ut Deum, ueneremur, & diligamus. Id autē partim Apostolorum exemplo intelligimus, quibus dum præsens affuit Dominus, humano fere sensu de illo iudicare uidebantur; partim uero ipsius Domini testimonio confirmatum est, cum *Ioan. 16* inquit: Expedit uobis, ut ego uadam. Nam imperfectus ille amor, quo Christum Iesum præsentem diligebant, diuino amore perficiendus erat, idque spiritus sancti aduentu: quare statim addit: Si enim non abiit, paracletus non ueniet ad uos. Accedit etiam, quod in terris domum suam, idest Ecclesiam, amplificauit, quæ spiritus sancti uirtute, & ductu gubernaretur. eius uero uniuersa inter homines Pastorem, & summum antistitem Petrum, apostolorum principem, reliquit, tum uero dedit quosdam quidem *Eph. 4* apostolos, quosdam autem prophetas, alios uero euangelistas, alios autem pastores, & doctores. atque

atque ita ad dexteram patris sedens; alijs; atque alijs diuersa dona semper impertitur: nam testatur Apostolus, unicuique nostrum datam esse gratiam *Eph. 4* secundum mensuram donationis Christi. Ad extremum uero, quod antea de mortis, & resurrectionis mysterio docuimus; idem etiā de ascensu fidelibus cogitandum est. quamuis enim Christi passioni salutem, & redemptionem nostram debeamus; qui merito suo aditum iustis ad cælum aperuit: tamen eius ascensus non solū ueluti exemplar nobis propositum est, quo alte spectare; & spiritu in cælum ascendere discamus; sed diuinam etiam uirtutem, quæ id efficere posimus, largitas est. *IN DEUM VENIRE MIRABILE SIT, UT DYO ANTE VIVOS, ET MORTUOS.* Trias sunt domini nostri Iesu Christi ad suam Ecclesiam decorandam, & illustrandam insignia officia, & in quæ redemptionis, patrocinijs, & iudicij. cum autem superioribus articulis, ab eo genus humanum passione, & morte redemptum esse; ascensu etiam in cælum nostram causam, & patrociniū in perpetuum susceptum constet: sequitur, ut eius indigitiū hoc articulo declararetur: cuius articuli caput est; & ratio, summo illo die Christum dominū de universo hominum genere iudicaturum esse. Sacra enim litteræ duos filijs Dei aduentus esse testantur, alterum, cum; salutis nostræ causa, carnem assumpsit, & homo in uirginis aluo effectus est: alterum, cum in consummatione sæculi ad iudicandos omnes homines ueniet. hic aduentus in sacris litteris dies Domini appellatur: de quo Apostolus ait: *1. Theß. 5* Dies Domini, sicut fur in nocte, ita ueniet: & Saluator

uator ipse: De die autem illa, & hora nemo scit. *Matth. 24*  
 Ac de summo iudicio satis sit illa auctoritas Apo- *Mar. 13*  
 stoli: Omnes nos manifestari oportet ante tribunal *2. Cor. 5*  
 Christi, ut referat unusquisque propria corporis,  
 prout gessit, siue bonum, siue malum. Plena enim  
 est sacra scriptura testimoniorum, quæ passim Pa-  
 rochis occurrent, ad rem non solum comproban-  
 dam, sed etiam fidelium oculis subiiciendam; ut,  
 quemadmodum a mundi initio dies ille Domini,  
 quo humanam carnem induit, omnibus optatissi-  
 mus semper fuit, quod in eo mysterio liberationis  
 suæ spem positam haberent; ita deinceps post filij  
 Dei mortem, & ascensum in cælum, alterum diem  
 Domini uehementissimo studio desideremus, expe-  
 ctâtes beatam spem, & aduentû gloriæ magni Dei.

Sed duo tempora Parochis ad rei explicationem *De duplici*  
 obseruanda sunt, in quibus unicuique necesse est in *ad nos adue-*  
 conspectum domini uenire, & singularum cogita- *tu Domini*  
 tionum, actionum, uerborum denique omnium ra- *de neces-*  
 tionem reddere, demumque iudicis præsentem subi- *sitate gene-*  
 re sententiam. Primum est, cum unusquisque ho- *ralis iudicij.*  
 strum migrat e uita: nam statim ad Dei tribunal  
 sistitur, ibiq. de omnib<sup>9</sup> iustissima questio habetur,  
 quæcumque aut egerit, aut dixerit, aut cogitarit  
 umquam. atque hoc priuatim iudicium uocatur.  
 Alterum uero, cum uno die, atque uno in loco  
 omnes simul homines ad tribunal iudicis stabunt,  
 ut, omnibus omnium sæculorum hominibus inspe-  
 ctantibus, & audientibus, singuli, quid de ipsis de-  
 cretum, & iudicatum fuerit, cognoscant: cuius sen-  
 tentiæ pronuntiatio impijs, & scelestis hominibus  
 non minima futura est pœnarum, & suppliciorum  
 pars.



pars. Rursus uero pii, & iusti non paruum ex ea præmium fructumq. percepturi sunt, cum, qualis quisque in hac uita fuerit, apparebit. hoc autem generale iudiciũ appellatur: de quo illud necessario ostendendum est, quæ causa fuerit, cur, præter priuatum de singulis, alterum etiam de uniuersis hominibus iudicium exerceretur. nam cum uel ipsis hominibus mortuis interdum superstites sint filij parentum imitatores, reliqui sint libri, discipuli, exemplorum, orationum, actionum amatores, ac propugnatores, quibus rebus ipsorum mortuorum præmia, & pœnas augeri necesse est; cum hæc uel utilitas, uel calamitas ad plurimos pertinens, non prius finem habitura sit, quã extremus ueniat mundo dies; equum erat de uniuersa hac recte, aut perperam factorum, dictorumq. ratione perfectã quæstionẽ haberi: quod fieri non poterat, nisi facto cõmuni omnium hominum iudicio. Accedit etiam quod, cum piorum fama sæpe lædatur, impij uero innocentie laude commendentur, diuine iusticie ratio postulat, ut pii ereptam iniuria apud homines existimationem in publico uniuersorum hominũ conuentu, & iudicio recuperent. deinde uero boni, & mali homines, quæcumque in uita egerunt cum nõ sine corporibus egerint; omnino sequitur, ut bene facta, siue malefacta ad corpora etiã pertineant, quæ actionum ipsarum instrumentũ fuerunt. Maxime igitur conueniebat, corporibus una cum eorũ animis debita eternæ glorie præmia, aut supplicia impertiri: quod quidem neque sine omnium hominũ resurrectione, neque sine generali iudicio fieri poterat. Postremo, quoniam in aduersis, & secundis

dis hominum rebus, quę promiscue nonnūquam bonis & malis eueniunt, probandum erat, nihil nō infinita Dei sapientia, & iustitia geri, ac gubernari; par fuit, non solum bonis pręmia, improbis supplicia in futuro sęculo constitui, uerum etiam publico, ac generali iudicio decerni; quo omnibus notiora, & illustriora fierent, atque ut Deo iustitię, & prouidentię laus ab omnibus tribueretur, pro iniusta illa querela, qua sancti etiam uiri deplorare interdum, ut homines, solebant, cum improbos ualentes opibus, & honoribus florentes animaduernerent. nam Propheta, Mei, inquit, pene moti sunt *Psal. 72* pedes, pene effusi sunt gressus mei, quia zelauī super iniquos pacem peccatorum uidens. Et paulo post: Ecce ipsi peccatores, & abundantes in sęculo, obtinuerunt diuitias: & dixi: Ergo sine causa iustificauī cor meum: & laui inter innocentes manus meas: & fui flagellatus tota die: & castigatio mea in matutinis. Atque hęc frequens querela multorum fuit. Ergo necesse erat, ut generale iudicium exerceretur; ne forte homines dicerent, Deum circa *Iob 22* cardines cęli perambulantem non curare terrena. Hęc autem ueritatis formula, iure una ex duodecim fidei Christianę articulis constituta est, ut, si quorum animi in prouidentia & iustitia Dei nutarent, huius doctrinę ratione confirmarentur. Pręterea, proposito iudicio pios recreari, impios terreri oportebat; ut, cognita Dei iustitia, illi ne deficerent, hi a malis, eterni supplicij metu, atque expectatione, reuocarentur. Quare Dominus, & saluator noster, cum de extremo die loqueretur, declarauit futurum aliquan-

do generale iudicium; signaque aduentantis eius temporis descripsit; ut, cum illa uiderimus, finem sæculi prope esse intelligamus. Ac deinde in celum ascendens angelos misit, qui apostolos, eius absentia mærentes, his uerbis consolarentur: Hic Iesus, qui assumptus est a uobis in celum, sic ueniet, quæadmodum uidistis eum euntem in celum.

Act. 1

*Christus  
cur iudex  
omnium fu-  
turus: ac de  
precedenti-  
bus iudicij  
signis, deq.  
forma, sen-  
tentia, mo-  
do.  
Iean. 5*

Verum, Christo domino non solum ut Deo, sed etiam ut homini hoc iudicium datum esse, sacrę literę declarant. quamuis enim iudicandi potestas omnibus sanctę Trinitatis personis communis sit: præcipue tamen filio eam tribuimus; quod ipsi quoque sapientiam conuenire dicimus. Quod autem ut homo mundum iudicaturus sit, Domini testimonio confirmatur; qui inquit: Sicut pater habet uitã in semet ipso, sic dedit & filio habere uitã in semet ipso, & potestatem dedit ei iudicium facere, quia filius hominis est. Decebat autem maxime a Christo domino hoc iudicium exerceri, ut, cum de hominibus decernendum esset, illi corporeis oculis iudicẽ uidere, & auribus sententiam, quæ proferebatur, audire possent, & omnino iudicium illud sensibus percipere. Ac præterea equissimum erat, ut homo ille, qui iniquissimis hominum sententijs condemnatus fuerat, omnium deinde iudex sedere ab omnibus conspiceretur. Quamobrem apostolorum Princeps, cum in Cornelij domo summa Christianę religionis capita exposuisset, docuissetque Christum a Iudæis in ligno suspensum, atque occisum, tertia uero die ad uitam resurrexisse, subiunxit: Et præcepit nobis, prædicare populo, & testificari, quia ipse est, qui constitutus est a Deo iudex uiuorum.

Act. 10

uorum.

uorum, & mortuorum . Sed tria hæc præcipua signa iudicium antecessura esse, sacræ litteræ declarant, prædicationem euangelij per uniuersum orbem, discessionem, Antichristum. ait enim Dominus : Prædicabitur hoc euangelium regni in uniuerso orbe in testimonium omnibus gentibus, & tunc ueniet consummatio . & Apostolus nos admonet, ne ab aliquo seducamur, quasi instet dies Domini: quoniam, nisi uenerit discessio primum, & retelatus fuerit homo peccati, iudicium non fiet. Quæ autem iudicij forma, & ratio futura sit, Parochis ex Danielis oraculis, tum ex sanctorum euangeliorum, & Apostoli doctrina facile erit cognoscere . Præterea, sententia, quæ a iudice pronuntianda sit, diligentius hoc loco expendenda erit. Christus enim, saluator noster, lætis oculis pios a dextera stantes intuens, ita de illis iudicium summa cum benignitate pronuntiabit: Venite benedicti patris mei: possidete regnum, quod paratum est uobis a constitutione mundi . Quibus uerbis nihil iucundius audiri posse illi intelligent, qui ea cū impiorum damnatione contulerint, ac cum animo suo cogitauerint, ijs uerbis pios & iustos homines a laboribus ad quietem, a lacrymarum uale ad summum gaudium, a miserijs ad perpetuam beatitudinem, quam illi charitatis officijs promeriti fuerint, uocari . Deinde ad eos, qui a sinistra stabunt, conuersus, suam iustitiam in eos effundet his uerbis: Discedite a me maledicti in ignem eternum, qui paratus est Diabolo, & angelis eius. Prioribus illis uerbis, Discedite a me, maxima pœna significatur, qua impij plectendi erunt, cum a Dei

Matth. 24

2. Thess. 2

Matth. 25

Matth. 25



aspectu quam longissime eijciētur; neque ulla spes eos consolari poterit, fore aliquando, ut tanto bono perfruantur. atque hæc quidem a Theologis pœna damni appellata est, quod scilicet impij apud inferos diuinæ uisionis luce perpetuo carituri sint. Quod uero additur, Maledicti; mirum in modū auget illorum miseriam, & calamitatem. si enim, cū a diuina præsentia expellendi essent, aliqua saltem benedictione digni haberentur, hoc profecto magno eis solatio esse potuisset. at quoniam nihil eiufmodi ipsis expectandum est, quod calamitatē leuiorem faciat; iure optimo, cum expellentur, diuina iustitia eos omni maledictione persequetur.

*Math. 25* Sequitur deinde, In ignem æternum. quod quidem alterum pœnarum genus, pœnam sensus Theologi uocarunt: propterea quod sensu corporis percipiat, ut in uerberibus, & flagellis, alioque grauiore suppliciorum genere; inter quæ, dubitari nō potest, ignis tormenta summum doloris sensum efficere. cui malo cum accedat, ut perpetuum tempus duraturum sit; ex eo ostenditur, damnatorum pœnam omnibus supplicijs cumulandam esse. atque hoc magis declarāt uerba illa, quæ in extrema sententiæ parte posita sunt: Qui paratus est Diabolo, & angelis eius. Cum enim ita comparatum sit, ut omnes molestias leuius feramus, si calamitatis nostræ socium aliquem, & consortem habeamus, cuius prudentia, atque humanitate aliqua ex parte iuuari possimus: quæ tandem erit damnatorum miseria, quibus in tantis ærumnis a perditissimorum demonum societate diuelli nunquam licebit? Et hæc quidem sententia in impios iustis-

iustissime a domino Salvatore nostro feretur; ut, qui omnia uere pietatis opera neglexerint, & esurienti, ac sitienti nec cibum, nec potum ministrauerint, hospitem non exceperint, nudum non operuerint, aut in carcere inclusum, ægrumque non uisitarint. Hæc sunt, quæ Pastores fidelis populi auribus sæpissime inculcare debent. nam huius articuli ueritas fide concepta maximam uim habet ad frenandas prauas animi cupiditates, atque a peccatis homines abstrahendos. Quare in Ecclesia *Eccle. 7* dictum est: In omnibus operibus tuis memorare nouissima tua, & in æternum non peccabis. Ac profecto uix quisquam adeo præceptum in scelera feretur, quem illa cogitatio ad pietatis studium non reuocet, fore aliquando, ut ei apud iustissimum iudicem omnium non solum factorum, dictorumque, sed occultissimarum etiam cogitationum ratio reddenda, & pro meritis pœna persoluenda sit. Iustus uero ad colendam iustitiam magis ac magis incitetur, ac summa lætitia efferatur, necesse est, quamuis etiam in egestate, infamia, cruciatibus uitam degat, cum animum ad eum diē refert, quo post ærumnosæ huius uitæ certamina, uictor uniuersis hominibus audientibus declarabitur, & diuinis, atque illis quidem æternis honoribus, in cælestem patriam receptus, afficietur. Quod igitur reliquum est, hortari fideles oportet, ut optime uiuendi rationem comparent, ad omne pietatis studium se exerceant, quo possint aduentantem magnum illum diem Domini maiore cum securitate animi expectare, atque adeo, ut filios decet, cum summa cupiditate expetere.

## CREDO IN SPIRITUM SANCTUM.

Act. 19

Haecenus, quæ ad primam, & secundam sanctæ Trinitatis personam pertinebant; quantum propositi argumenti ratio postulare uidebatur, exposita sunt: sequitur nunc, ut illa etiam, quæ in Symbolo de tertia persona, hoc est de spiritu sancto traduntur, explicentur. Qua in re declaranda omne studium, & diligentiam Pastores adhibebunt, cum homini Christiano non magis liceat hanc partem ignorare, uel de ea minus recte sentire, quam de alijs superioribus articulis existimandum sit. Quare Apostolus non permisit Ephesios quosdam spiritus sancti personam ignorare: a quibus cum quesisset, an spiritum sanctum acceperissent, cum illi, ne si spiritus sanctus quidem esset, se scire respondissent; statim rogauit: In quo ergo baptizati estis? quibus uerbis significauit, distinctam huius articuli notitiam fidelibus maxime necessariam esse: ex qua eum precipue fructum capiunt, quod, cum attente cogitant, se, quidquid habent, spiritus sancti munere, & beneficio consecutos esse: tum uero de se ipsis modestius, & humiliter sentire, & in Dei præsidio omnem spem ponere incipiunt: qui primus homini Christiano gradus ad summam sapientiam, & felicitatem esse debet.

*De propria  
spiritus sancti  
significatione.*

Huius igitur articuli explanationem a ui, & notione, quæ hoc loco spiritus sancti uocabulo subiecta est, exordiri oportebit. nam cum illud eque de patre, & filio rectissime dicatur; (uterque enim spiritus est, & sanctus: si quidem Deum spiritum esse confitemur) deinde uero hæc uocæ angeli etiam & piorum animæ significantur; cauendum est, ne  
populus

populus uerbi ambiguitate in errorem inducatur. Quare docendum est in hoc articulo, spiritus sancti nomine tertiam Trinitatis personam intelligi: quo modo in sacris litteris tum ueteris. nonnumquam, tum noui testamenti frequenter accipitur. nam David precatur: Et spiritum sanctum tuum. *Psal. 50* ne auferas a me. In libro sapientie legimus: Sen- *Sap 9* sum tuum quis sciet, nisi tu dederis sapientiam, & miseris spiritum sanctum tuum de altissimis? & alibi: Ipse creauit illam in spiritu sancto. In nouo *Excl. 31* uero testamento iubemur baptizari in nomine pa- *Math. 28* tris, & filij, & spiritus sancti. Et sanctissimam *Math. 1* uirginem de spiritu sancto concepisse legimus. Tu *Luc. 1* uero a sancto Ioanne ad Christum mittimur: qui *Ioan. 1* nos spiritu sancto baptizat; ac plurimis preterea alijs in locis ea uox legentibus occurrit. Verum nemo mirari debet, tertie persone, quemadmodum prime, & secunde, proprium nomen tributum non esse. nam secunda persona ideo proprium nomen habet, & filius dicitur, quia eius eternus a patre ortus proprie generatio uocatur, ut in superioribus articulis explicatum est. Vt igitur ortus ille, generationis nomine significatur; ita personam, que emanat, proprie filium appellamus, & a qua emanat, patrem. Nunc cum tertie persone productioni proprium nomen impositum non sit, sed spiratio, & procesio appelletur, sequitur, ut etiam persona, que producit, suo nomine careat. Nullum autem proprium nomen eius emanatio habet: propterea quod nomina, que Deo tribuuntur, a rebus creatis mutuari cogimur: in quibus quoniam nullam aliam nature, & essentie communicande ra-



tionem, quam generandi uirtute agnoscimus, ob eam causam fit, ut rationem, qua se ipsum totum Deus ui amoris communicat, proprio uocabulo exprimere non possimus. Quare communi SPIRITVS SANCTI nomine tertia persona appellata est. quod quidem illi maxime conuenire ex eo intelligimus, quia spiritualem uitam in nos infundit, ac sine eius sanctissimi numinis afflatu nihil æterna uita dignum efficere possumus.

*Spiritum sã  
Etum om-  
nino: Patri  
& filio in  
omnibus æ-  
quale esse.*

Verum, explicata uocabuli significatione, docendus in primis erit populus, spiritum sanctum æque ac patrem & filium Deum esse, eidem æqualem; æque omnipotentem, æternum, & infinitæ perfectionis, summum bonum, ac sapientissimũ, eiusdemq. cum patre, & filio naturæ. Quod quidẽ illius uocis, IN, cum dicimus, Credo in spiritum sanctum, proprietas satis indicat, quæ, ad exprimendam fidei nostræ uim, singulis Trinitatis personis appositæ est. Atque id etiam aperta sacrarũ litterarum testimonia confirmant. nam cum sanctus Petrus in Actis apostolorum dixisset: Anania, cur tentauit Sathanas cor tuum, mentiri te spiritui sancto? mox inquit: Non es mentitus hominibus, sed Deo: quem prius spiritum sanctum appellauerat, eundem statim Deum uocat. Apostolus etiam ad Corinthios, quem Deum dixerat, spiritum sanctum esse interpretatur. Diuisiones, inquit, operationum sunt, idem uero Deus, qui operatur omnia in omnibus. Deinde subiungit: Hæc autem omnia operatur unus, atque idem spiritus, diuidens singulis prout uult. Præterea in Actis apostolorum, quod uni Deo prophetæ tri-  
buunt,

*Act. 5*

*1. Cor. 12*

buunt, ille spiritui sancto adscribit. dixerat enim  
Isaias: Audiui uocem Domini dicentis. Quem *Isa. 6*  
mittam? & dixit mihi: Vade, & dices populo huic:  
Excæca cor populi huius, & aures eius aggraua,  
& oculos eius claude: ne forte uideat oculis suis,  
& auribus suis audiat. Quæ uerba cum Aposto- *Act. 28*  
lus citaret, Bene, inquit, spiritus sanctus locutus  
est per Isaiam prophetam. Deinde uero cum scri-  
ptura spiritus sancti personam cum Patre & Filio  
coniungit, ut cum patris, & filij, & spiritus san-  
cti nomen in baptismo adhiberi præcipit, nullus  
nobis de huius mysterij ueritate dubitandi locus  
relinquitur. nam si pater Deus est, & filius Deus:  
omnino fateri cogimur, etiam spiritum sanctum,  
qui cum eis pari honoris gradu cōiungitur, Deum  
esse. Accedit autem, quod is, qui in nomine cu-  
iusuis rei creatæ baptizatur, nullum ex eo fructum  
consequi potest. Numquid in nomine Pauli, inquit, *1. Cor. 1*  
baptizati estis? ut ostenderet hoc eis nihil ad cōpa-  
randam salutem profuturum esse. Cum igitur ba-  
ptizemur in nomine spiritus sancti, eum esse Deū  
fateri oportet. Sed hunc eundem trium personarū  
ordinem, quo spiritu sancti diuinitas cōprobat, *1. Ioan. 5*  
licet animaduertere tum in epistola Ioannis: Tres  
sunt qui testimonium dant in cælo, pater, uerbum,  
& spiritus sanctus, & hi tres unum sunt: tum ex  
præclaro illo sanctæ Trinitatis elogio, quo diuine  
laudes & psalmi concluduntur, Gloria patri, &  
filio, & spiritui sancto. Postremo, quod ad eam  
ueritatem confirmandam maxime pertinet, quæ-  
cumque Dei propria esse credimus, ea spiritui san-  
cto conuenire sacræ litterę testantur. Quare illi  
tem-

1. Cor. 6  
2. Thess. 2  
1. Petr. 1  
Ioan 6  
2. Cor. 3  
1. Cor. 2

Math. 23

2. Cor. 13

1.

Hebr. 1

templorum honorem tribuunt, ut cum Apostolus ait: An nescitis, quoniam membra uestra templum sunt spiritus sancti? Item sanctificationem, & uiuificationem; & scrutari profunda Dei; & per prophetas loqui; & ubique esse: quæ omnia diuino tantum numini tribuenda sunt. Sed illud præterea fidelibus accurate explanandum est, spiritum sanctum ita Deum esse, ut eum tertiā personam in diuina natura a patre, & filio distinctam, & uoluntate productam confiteri oporteat. nam, ut alia scripturarum testimonia omittantur, baptisimi forma, quā Saluator noster docuit, apertissime ostendit spiritum sanctum tertiā esse personā, quæ in diuina natura per se cōstet, & ab alijs distincta sit. Quod etiā Apostoli uerba declarant, cū inquit: Gratia domini nostri Iesu Christi, & charitas Dei, & cōmunicatio sancti spiritus sit cum omnibus uobis, Amen. Idem uero multo apertius demonstrant, quæ Patres in Constantinopolitano primo Cōcilio hoc loco ad confutandam impiam Macedonij amentiam addiderunt, & in SPIRITVM SANCTVM DOMINVM, & uiuificantem, qui ex patre, filioque procedit; qui cum patre & filio simul adoratur, & conglorificatur; qui locutus est per prophetas. Quod igitur spiritum sanctum Dominum confitentur, in eo declarant, quantum angelis antecellat; qui tamen nobilissimi spiritus a Deo cōditi sunt. illos enim omnes sanctus Paulus testatur esse administratorios spiritus, in ministerium missos propter eos, qui hereditatem capiunt salutis. V I V I F I C A N T E M uero appellant, quod anima cum Deo coniuncta magis uiuit, quam corpus anime coniunctione alitur,

tur, ac sustinetur. Quoniam uero spiritui sancto sacrae litterae hanc animae cum Deo coniunctionē tribuunt, rectissime uiuificantem spiritum sanctum uocari perspicuum est. Iam uero quod sequitur, Qui ex patre, filioque procedit, docendi sunt fideles, spiritum sanctum a patre, & filio, tamquam ab uno principio, aeterna processione procedere, id enim ecclesiastica regula, a qua Christiano non licet aberrare, credendum nobis proponit, & diuinarum litterarum & Conciliorum auctoritate confirmatur. nam Christus dominus, cū de spiritu sancto loqueretur, dixit: Ille me clarificabit, quia de meo accipiet. Hoc idem ex eo colligitur, quod in scripturis sacris spiritus sanctus nonnumquā spiritus Christi, interdum spiritus patris appellatur: modo a patre, modo a filio mitti dicitur, ut aequae a patre, & filio procedere nō obscure significetur. Qui spiritum Christi non habet, inquit sanctus Paulus, hic non est eius. Et idem spiritum Christi uocat, cum ad Galatas inquit: Misit Deus spiritum filij sui in corda uestra, clamantem Abba pater. Apud sanctum Matthaeum spiritus patris appellatur: Non uos estis qui loquimini, sed spiritus patris uestri. Et Dominus in cena inquit: Paracletus, quem ego mittam uobis spiritum ueritatis, qui a patre procedit, ille testimonium perhibebit de me. Tum alibi eundem spiritum sanctum a patre mittendum affirmat his uerbis: Quem mittet pater in nomine meo. Ex quibus uerbis cum processionem spiritus sancti intelligamus, perspicuum est, eundem ab utroque procedere. Hæc sunt, quæ de spiritus sancti persona tradenda erunt.

Ioan. 16

Ioan. 14. 18

Rom. 8

Gal. 4

Matth. 10.

Ioan. 15

Ioan. 14.

Docere



*De admirā-  
dis spiritus  
sancti effe-  
ctibus &  
donis.*

Docere præterea oportebit, quosdam esse spiri-  
tus sancti admirabiles effectus, & amplissima quæ-  
dam munera, quæ ab ipso, tamquam a perenni bo-  
nitatis fonte, oriri, & manare dicuntur. Quam-  
uis enim sanctissime Trinitatis opera, quæ extrin-  
secus fiunt, tribus personis communia sunt: ex ijs  
tamen multa spiritui sancto propria tribuuntur, ut  
intelligamus illa in nos a Dei immensa charitate  
proficisci. nam cū spiritus sanctus a diuina uolun-  
tate, ueluti amore inflammata, procedat; perspic-  
i potest, eos effectus, qui proprie ad spiritum san-  
ctum referuntur, a summo erga nos Dei amore ori-  
ri. Quare ex eo consequitur, ut spiritus sanctus  
D O N V M appeletur. nam doni uocabulo signifi-  
catur id, quod benigne, & gratuito, nulla spe re-  
munerationis proposita, donatur. Ac proinde quæ  
cumque bona, & beneficia a Deo in nos collata  
sūt, (quid autē habemus, quod a Deo ut inquit Apo-  
stolus, non acceperimus?) ea nobis spiritus sancti  
concessu, & munere data esse, pio, & grato animo,  
agnoscere debemus. Eius autem plures effectus  
sunt. nam ut mundi creationem, creatarumque re-  
rum propagationem, & gubernationem omitta-  
mus, de quibus in primo articulo commemorau-  
mus; uiuificationem spiritui sancto proprie tribui,  
paulo ante demonstratum est, & Ezechielis testi-  
monio confirmatur: Dabo inquit, uobis spiritum,  
& uiuetis. Præcipuos tamen, & maxime pro-  
prios spiritus sancti effectus Propheta enumerat:  
Spiritum sapientiæ, & intellectus, spiritum consilij,  
& fortitudinis, spiritum scientiæ, & pietatis, &  
spiritum timoris Domini, quæ dona spiritus sancti  
uocantur.

1. Cor. 4

Ezech. 37

Isa. 11

uocantur . interdum autem spiritus sancti nomen eis tribuitur . Quare sapienter D. Augustinus monet, Animaduertendum esse, cum in sacris litteris huius uocis SPIRITVS SANCTI mētio fit, ut diiudicare possimus, tertiam ne Trinitatis personam, an eius effectus, atque operationes significet. nam hæc duo eodem interuallo distinguenda sunt, quo etiam creatorem a rebus creatis differre credimus. Atque hæc eo diligentius explicāda sunt, quod ex hisce spiritus sancti donis, Christianę uite præcepta haurimus, sentireque possumus, an spiritus sanctus in nobis sit. Verum, præ ceteris eius amplissimis muneribus, gratia illa prædicanda est, quę nos iustos facit, signatque spiritu promissionis sancto, qui est pignus hereditatis nostrę. hæc enim mentem nostram arctissimo amoris uinculo Deo iungit: ex quo fit, ut summo pietatis studio accensi, nouam uitam instituamus, ac naturę diuinę participes effecti, filij Dei nominemur, & uere simus. S. August. Ephe. 1. 1 Ioan. 3.

CREDO SANCTAM ECCLESIAM CATHOLICAM. Quanta diligentia curare Pastores debeant, ut huius noni articuli ueritatem fidelibus explicent, si duo potissimum considerātur, facile cognosci poterit. Primum enim, teste sancto Augustino, prophetę planius, & apertius de Ecclesia, quam de Christo, locuti sunt, cum in eo multo plures errare, ac decipi posse, quam in incarnationis sacramento, præuiderent. Neque enim de futuri erant impij, qui ad simię imitationem, quę se hominem esse fingit, solos se catholicos esse profiterentur, & catholicam Ecclesiam apud se tantum, non minus nefarie, quam superbe affirmarent. S. August.

rent. Deinde, si quis hanc ueritatem firmo animo conceptam habuerit, facile horrendum hæresis periculum effugiet. Non enim, ut quisque primum in fide peccarit, hæreticus dicendus est; sed qui, Ecclesiæ auctoritate neglecta, impias opiniones pertinaci animo tuetur. Cum igitur fieri non possit, ut aliquis se hæresis peste commaculet, si ijs fidem adhibeat, quæ in hoc articulo credenda proponantur; curent omni studio Pastores, ut fideles, cognito hoc mysterio, contra aduersarij artes muniti, in fidei ueritate perseuerent. Pendet autem hic articulus a superiori: quia cum iam demonstratum sit, spiritum sanctum omnis sanctitatis fontem, & largitorem esse, nunc ab eodem Ecclesiam sanctitate donatam confitemur.

*Quid proprie nomine  
Ecclesiæ  
Christianis  
intelligenti-  
um, et quæ  
mysteria co-  
tineat.*

Ac quoniam Ecclesiæ uocem Latini a Græcis mutuati, post diuulgatum euangelium ad res sacras transtulerunt; quam uim habeat hoc uocabulum, aperiendum est. Significat autem Ecclesia euocationem: uerum scriptores postea usurparunt pro concilio, & concione. Neque uero refert, utrū populus ille ueri Dei, an falsæ religionis cultor extiterit. in Actis enim de Ephesino populo scriptum est, cum scriba turbas sedasset, dixisse, Si quid alterius rei queritis, in legitima Ecclesia poterit absolui. Legitimam uocat Ecclesiam populum Ephesinum, Dianæ cultui addictum. Neque solum gentes, quæ Deum non nouerunt, sed etiam malorum, & impiorum hominum concilia interdum Ecclesia nominantur. Odiui, inquit Propheeta, Ecclesiam malignantium, & cum impijs non sedebo. Comuni uero deinde sacrarū scriptura-  
rum

*Act. 19*

*Psal. 25*

rum consuetudine hæc uox ad remp. Christianam, fideliumque tantum congregationes significandas usurpata est; qui scilicet ad lucem ueritatis, & Dei notitiam per fidem uocati sunt, ut, reiectis ignorantia, & errorum tenebris, Deum uerum, & uiuum pie, & sancte colant, illique ex toto corde inferuiant. Atque, ut unico uerbo hæc res tota absolueretur, Ecclesia, ut ait sanctus Augustinus, est populus fidelis per uniuersum orbem dispersus. Nec uero leuia mysteria in hoc uocabulo continentur. etenim in euocatione, quam Ecclesia significat, statim diuinę gratię benignitas, & splendor elucet, intelligimusque Ecclesiam ab alijs rebus publicis maxime differre. illę enim humana ratione, & prudentia nituntur: hæc autem Dei sapientia, & consilio constituta est. uocauit enim nos intimo quidem spiritus sancti afflatu, qui corda hominum aperit, extrinsecus autem Pastorum & prædicatorum opera, ac ministerio. Præterea, ex hac uocatione quis nobis finis propositus esse debeat, nimirum eternarum rerum cognitio, & possessio, is optime perspiciet, qui animaduernerit, cur olim fidelis populus sub lege positus, synagoga, idest congregatio diceretur. nam, ut docet sanctus Augustinus, hoc ei nomen impositum est, quia pecudum more, quibus magis congregari conuenit, terrena, & caduca tantum bona spectaret. quare merito Christianus populus, non synagoga, sed Ecclesia dicitur: quia, terrenis, & mortalibus rebus contemptis, celestes, & eternas tantummodo consecratur. Multa præterea nomina, quę plena sunt mysterijs, ad Christianam rempub. significandam traductæ



ducta sunt. nam & domus, & ædificium Dei ab Apostolo uocatur. Si tardauero, inquit ad Timotheum, ut scias quo modo oporteat te in domo Dei conuersari, quæ est ecclesia Dei uiui, columna, & firmamentum ueritatis. Domus autem Ecclesia idcirco appellatur, quia sit ueluti una familia, quâ unus paterfamilias moderatur, & in qua est bonorum omnium spiritualium cõmunio. Dicitur etiã grex ouium Christi, quarum ille ostium est, & Pastor. Vocatur sponsa Christi. Despondi uos uni uiro uirginem castam exhibere Christo, inquit Apostolus ad Corinthios. Idem ad Ephesios: Viri diligite uxores uestras, sicut & Christus dilexit Ecclesiam. Ac de matrimonio: Sacramentum hoc, inquit, magnum est, ego autem dico in Christo, & in Ecclesia. Dicitur denique Ecclesia corpus Christi, ut ad Ephesios, & Colossenses licet uidere. Et hæc singula plurimum ualent ad fideles excitandos, ut se dignos immensa Dei clementia, & bonitate præbeant, qui eos, ut populus Dei esset, elegit.

*Ecclesiæ  
Militans, et  
Triumphans  
dicatur, &  
quosnã com-  
plectatur.*

His uero explicatis, necesse erit singulas Ecclesiæ partes enumerare, earũque differentias docere, quo magis Deo dilectę Ecclesię naturam, proprietates, dona, & gratias populus percipiat, & ob eam causam sanctissimũ Dei numen laudare numquam intermittat. Ecclesię autem duę potissimum sunt partes: quarum altera Triumphans, altera Militans uocatur. Triumphans est, cõsuetus ille clarissimus, & felicissimus beatorum spirituum, & eorum, qui de mundo, de carne, de iniquissimo demone triumpharunt, & ab huius uitę molestiis liberi, ac tuti, æterna beatitudine fruuntur. Militans

tans

tans uero Ecclesia est, cœtus omnium fidelium, qui adhuc in terris uiuunt: quę ideo Militans uocatur, quod illi cum immanissimis hostibus, mundo, carne, Satana perpetuum sit bellum. Neque idcirco tamen duas esse Ecclesias censendum est: sed eiusdem Ecclesię, ut antea diximus, partes duę sunt, quarum una antecessit, & cœlesti patria iam potitur: altera in dies sequitur, donec aliquando cum Salvatore nostro coniuncta, in sempiterna felicitate conquiescat. Iam in Ecclesia Militanti duo sunt hominum genera, bonorum, & improborum. & improbi quidem eorundem sacramentorum participes eandem quoque, quam boni, fidem profitentur, uita ac moribus dissimiles: boni uero in Ecclesia dicuntur ij, qui non solum fidei professione, & communione sacramentorum, sed etiam spiritu gratiæ, & charitatis uinculo inter se coniuncti, & colligati sunt: de quibus dicitur: Cognouit *2.Tim.2* Dominus, qui sunt eius. Possunt uero etiam homines aliquibus coniecturis opinari, quinam sint, qui ad hunc piorum hominum numerum pertineant, certo autem scire minime possunt. Quare existimandum non est, Christum saluatorem de hac Ecclesię parte locutum esse, cum ad Eccle- *Math.18* siam nos remisit, eique ut pareamus præcepit. nam cum illa sit incognita; cui certum esse poterit, ad cuius iudicium confugiendum, & cuius auctoritati obtemperandum sit? Bonos igitur, & improbos Ecclesia complectitur, quemadmodum & diuinę litterę, & sanctorum uirorum scripta testantur. In quam sententiam scriptum *Ephē.4*

G est

*Ecclesia quibus figuris & similitudinibus designata, & quoniam ab ea excluduntur,*  
*Matth. 13*  
*Matth. 3*  
*Luc 3*  
*Matth. 23*  
*Gen 7*

est illud Apostoli; Vnum corpus, & unus spiritus. Hæc autem Ecclesia nota est, ubique supra morem sitæ comparata, quæ undique conspicitur. nam cum illi ab omnibus parendum sit, cognoscatur necesse est. Neque bonos tantum, sed malos etiam complectitur, ut multis parabolis euangelium docet, ueluti cum regnum cælorum, idest Militantem Ecclesiam, simile esse sagenæ in mare missæ commemorat; uel in agro, in quo zizania superfeminata sunt; uel areæ, in qua frumentum cum paleis continetur; uel decem uirginibus partim fatuis, partim prudentibus. Sed multo ante etiâ in arca Noe, qua non solum munda, sed etiam immunda animalia concludebantur, huius Ecclesiæ figuram, & similitudinem licet intueri. Quamuis autem, bonos, & malos ad Ecclesiam pertinere, catholica fides uere, & constanter affirmet; ex iisdem tamen fidei regulis fidelibus explicandum est, utriusque partis diuersam admodum rationem esse. ut enim paleæ cum frumento in area confusæ sunt, uel interdum membra uarie intermortua corpori coniuncta: ita etiam mali in Ecclesia continentur; ex quo fit, ut tria tantummodo hominum genera ab ea excludantur, primo infideles, deinde heretici & schismatici, postremo excommunicati: ethnici quidem quod in Ecclesia numquam fuerunt, neque eam umquam cognouerunt, nec ullius sacramenti participes in populi Christiani societate facti sunt; hæretici uero, atque schismatici, quia ab Ecclesia desciscierunt. neque enim illi magis ad Ecclesiam spectant, quam transfuge ad exercitum pertineant, a quo defecerunt. non negandum tamen, quin in Ecclesia

Ecclesiæ potestate sint, ut qui ab ea in iudicium uocentur, puniantur, & anathemate damnentur. Postremo etiam excommunicati, quod Ecclesiæ iudicio ab ea exclusi, ad illius communionē non pertineant, donec resipiscant. De ceteris autem quamuis improbis, & sceleratis hominibus, adhuc eos in Ecclesia perseuerare dubitandum non est: idque fidelibus tradendum assidue, ut, si forte Ecclesiæ antistitum uita flagitiosa sit, eos tamen in Ecclesia esse, nec propterea quidquā de eorum potestate detrahi, certo sibi persuadeāt. Verum uniuersę etiam Ecclesię partes, Ecclesię nomine significari solēt, ut cum Apostolus Ecclesiam, quę est Corinthi, Galatię, Laodicensium, Thessalonicensium nominat, priuatas etiam fidelium familias Ecclesias uocat: nam Priscę, & Aquilę domesticam Ecclesiam salutari iubet, item alio in loco, Salurant uos, inquit, in domino multum Aquila, & Priscilla cum domestica sua Ecclesia. Ad Philemonem etiam scribens eandem uocem usurpauit. Interdum quoque Ecclesię nomine eius præsides, ac Pastores significantur: Si te non audierit, inquit Christus, dic Ecclesię. Quo in loco prępositi Ecclesię designantur. Sed locus etiam, in quem populus siue ad concionem, siue alicuius rei sacrę causa conuenit, Ecclesia appellatur. Pręcipue uero in hoc articulo Ecclesia bonorum simul, & malorum multitudinem, nec præsides solum, sed eos etiam, qui parere debent, significat.

Aperiendę autem sunt fidelibus huius Ecclesię proprietates, ex quibus licebit agnoscere, quanto beneficio a Deo affecti sint, quibus contige-

2. Cor. I  
I. Cor. I 6  
Colos. 4

I. Theß. I  
Rom. I 6  
I. Cor. I 6

Matth. I 8

Ecclesię catholicę proprietates &



*prærogati- rit in ea nasci, atque educari. Prima igitur pro-*  
*ua, de q. eius prietas in Symbolo Patrum describitur, ut una*  
*uisibili su sit: Vna enim, inquit, est columba mea, una est*  
*premo ca- speciosa mea. Vocatur autem una tanta hominum*  
*pite Pontifi multitudo, quæ tam longe, lateque diffusa est ob*  
*ee Romano. eas causas, quæ ab Apostolo ad Ephesios scriptæ*  
*Cant. 6 sunt, unum enim dominum, unam fidem, unum*  
*Eph. 4 baptisma tantum esse prædicat: Vnus est etiam eius*  
*Eph. 1 rector, ac gubernator, inuisibilis quidem Christus,*  
*quem æternus pater dedit caput super omnē Eccle-*  
*siam, quæ est corpus eius; uisibilis autem is, qui*  
*Romanam cathedram, Petri apostolorum Princip-*  
*is legitimus successor, tenet: de quo fuit illa om-*  
*niū patrum ratio, & sententia consentiens, hoc uisi-*  
*bile caput ad unitatem Ecclesiæ constituendam, &*  
*conseruandam necessarium fuisse. quod præclare*  
*& uidit, & scripsit sanctus Hieronymus, & con-*  
*tra Iouinianum his uerbis: Vnus eligitur, ut, capi-*  
*te constituto; schismatis tollatur occasio. Et ad Da-*  
*masum: Faceat inuidia; Romani culminis recedat*  
*ambitio: cū successore Piscatoris, & discipulo cru-*  
*cis loquor. Ego nullum primum, nisi Christum,*  
*sequens, beatitudini tuæ, idest cathedrę Petri, com-*  
*munione confocior: super illam petram ædifica-*  
*tam Ecclesiam scio. Quicumque extra hanc do-*  
*mmum agnum comederit, profanus est: Si quis in*  
*arca Noe non fuerit, peribit regnare diluuiio. Quod*  
*& longe antea ab Irenæo probatur, & Cypriano,*  
*qui de unitate Ecclesiæ loquens, ait. Loquitur Do-*  
*minus ad Petrum: Ego Petre dico tibi, quia tu es*  
*Petrus, & super hanc petram ædificabo Ecclesiam*  
*meam, Super unum ædificat Ecclesiam: & quam*  
*uis*

uis apostolis omnibus, post resurrectionem suam, parem potestatem tribuat, & dicat; Sicut misit me pater, & ego mitto uos: accipite spiritum sanctum: tamen, ut unitatem manifestaret, unitatis eiusdem originem, ab uno incipientem, auctoritate sua disposuit, &c. Opratus deinde Mileuitanus ait: Ignorantiam tibi adscribi non potest, scienti in urbe Roma, Petro primo cathedram episcopalem esse collatam, in qua federit omnium apostolorum caput Petrus; in quo uno cathedræ unitas ab omnibus seruaretur, ne ceteri apostoli singulas sibi quisq. defenderent: ut iam schismaticus, & præuicator esset, qui contra singularem cathedrâ alterâ collocaret. Post uero Basilii sic scriptum reliquit: Petrus collocatus est in fundamento: dixit enim; Tu es Christus filius Dei uiui: & uicissim audiuit se esse petram. licet enim petra esset, non tamen petra erat ut Christus, nam Christus uere immobilis petra: Petrus uero propter petram. Dignitates enim suas Deus largitur alijs: sacerdos est, & facit sacerdotes: petra est, & petram facit: & quæ sua sunt, largitur seruis suis. Postremo uero sanctus Ambrosius ait: Si quis obijciat, Ecclesiam, uno capite, & sponso Iesu Christo contentam, præterea nullum requirere; in promptu responsio est. Ut enim Christum dominum singulorum sacramentorum non solum auctorem, sed intimum etiam præbitorem habemus: (nam ipse est, qui baptizat, & qui absoluit, & tamen is homines sacramentorum externos ministros instituit) sic Ecclesiæ, quam ipse intimo spiritu regit, hominem suæ potestatis uicarium, & ministrum præfecit. nam cum uisibi-

*Opratus.**S. Basilii.**S. Ambrosii.*

lis Ecclesia, uisibili capite egeat: ita Saluator noster Petrum uniuersi fidelium generis caput, & pastorem constituit, cum illi oues suas pascendas uerbis amplissimis commendauit, ut qui ei successisset, eandem plane totius Ecclesie regenda, & gubernanda potestatem habere uoluerit. Vnus præterea, idemque est spiritus, inquit Apostolus ad

**1. Cor. 12** Corinthios, qui fidelibus gratiam, perinde atque anima corporeis membris uitam, impertitur. Ad

**Eph. 4** quam unitatem seruandam cum Ephesios hortaretur, inquit: Solliciti seruare unitatem spiritus in uinculo pacis: unum corpus, & unus spiritus. Quemadmodum enim humanum corpus multis constat membris, eaque ab una anima aluntur, quæ oculis uisum, auribus auditum, & alijs sensibus diuersas uires subministrat: ita corpus Christi mysticum, quod est Ecclesia, ex multis fidelibus compositum est. Vna quoque est spes, ut in eodem loco

**Eph. 4** idem Apostolus testatur, ad quam uocati sumus: siquidem omnes eandem rem, nempe æternam & beatam uitam, speramus. Vna est denique fides, quæ omnibus tenenda est, ac præseferenda. Non

**1. Cor. 1** sint, inquit Apostolus, in uobis schismata: atque unum baptisma, quod quidem est Christianæ fidei sacramentum. Altera proprietas Ecclesie est, ut sit sancta: quod a Principe apostolorum accepimus

**1. Petr. 2** eo loco: Vos autem genus electum, gens sancta. Appellatur autem sancta, quod Deo consecrata, dedicataque sit. sic enim cetera huiuscemodi, quauis corporea sint, sancta uocari consueuerunt, cum diuino cultui addicta, & dedicata sunt. cuius generis sunt in lege ueteri uasa, uestes, & altaria: in qua

pri-

primogeniti quoque, qui Deo altissimo dedicabatur, sancti sunt appellati. Nec mirum cuiquā uideri debet, Ecclesiam dici sanctam, tamen multos peccatores continet. sancti enim uocantur fideles, qui populus Dei effecti sunt, quique se, fide, & baptismo suscepto, Christo consecrarunt: quamquam in multis offendunt, & quæ polliciti sunt, non præstant. quemadmodum etiam, qui artem aliquam profitentur, etsi artis præcepta non seruent, nomen tamen artificum retinent. Quare D. Paulus Corinthios sanctificatos, & sanctos appellat: in quibus nonnullos fuisse perspicuum est, quos, ut carnales, & grauioribus etiam nominibus acriter obiurgat. Sancta etiam dicenda est, quod ueluti corpus cū sancto capite Christo domino, totius sanctitatis fonte, coniungitur, a quo spiritus sancti charismata, & diuinæ bonitatis diuitiæ diffunduntur, Præclare sanctus Augustinus, interpretans uerba illa prophetæ, Custodi animam meam, quoniam sanctus sum; Audeat, inquit, & corpus Christi, audeat & unus ille homo, clamans a finibus terræ, cum capite suo, & sub capite suo dicere, sanctus sum: accepit enim gratiam sanctitatis, gratiam baptismi, & remissionis peccatorum. Ap- paulo post: Si Christiani omnes, & fideles, in Christo baptizati, ipsum induerunt, sicut Apostolus dicit: Quotquot in Christo baptizati estis, Christum induistis; si membra sunt facti corporis eius, & dicunt se sanctos non esse, capiti ipsi faciunt iniuriā, cuius membra sancta sunt. Accedit etiam, quod sola Ecclesia legitimum sacrificij cultum, & salutarem habet sacramentorum usum: per quæ, tam-

1. Cor. 1

S. August.

Gal. 3



quam efficacia diuinæ gratiæ instrumenta, Deus ueram sanctitatem efficit, ita ut, quicumque uere sancti sunt, extra hanc Ecclesiam esse non possint. Patet igitur, Ecclesiam esse sanctam, ac sanctam quidem, quoniam corpus est Christi, a quo sanctificatur, cuiusque sanguine abluitur. Tertia proprietas Ecclesiæ ea est, ut Catholica, nempe universalis, uocetur: quæ appellatio uere illi tributa est: quoniam, ut testatur sanctus Augustinus, A solis ortu usque ad occasum unius fidei splendore diffunditur. Neque enim, ut in humanis rebus pub. aut hæreticorum conuentibus, unius tantum regni terminis, aut uno hominum genere Ecclesia definita est: uerum omnes homines, siue illi barbari sint, siue Scythæ, siue serui, siue liberi, siue masculi, siue feminæ, charitatis sinu complectitur. Quare scriptum est: Redemisti nos Deo in sanguine tuo ex omni tribu, & lingua, & populo, & natione, & fecisti nos Deo nostro regnum. De Ecclesia dicit Dauid: Postula a me, & dabo tibi gentes hereditatem tuam, & possessionem tuam terminos terræ. Item: Memor ero Raab, & Babylonis scientium me. &: Homo natus est in ea. Præterea omnes fideles, qui ab Adam in hunc usque diem fuerunt, quiue futuri sunt, quamdiu mundus extabit, ueram fidem profitentes, ad eandem Ecclesiam pertinent: quæ super fundamento apostolorum fundata est, ac prophetarum: qui omnes in illo lapide angulari Christo, qui fecit utraque unum, & pacem ijs, qui prope, & ijs, qui longe, annunciauit, constituti sunt, & fundati. Vniuersalis etiam ob eam causam dicitur, quod omnes, qui

S. Aug. 8.

Apo. 5

Psal. 2

Psal. 26

Eph. 2

qui salutem æternam consequi cupiunt, eam tenere, & amplecti debeant, non secus ac qui arcam, ne diluuiο perirent, ingressi sunt.

Hec igitur ueluti certissima regula tradenda est, *Ecclesia uera a falsa dignoscenda certissima regula.* qua uera, & falsa Ecclesia iudicetur: sed ex origine etiam, quam reuelata gratia ab apostolis ducit, Ecclesiæ ueritatem agnoscimus: siquidem eius doctrina ueritas est, non recens, neque nunc primum orta, sed ab apostolis iam olim tradita, & in omnē orbem terrarum disseminata. ex quo fit, ut nemo dubitare possit, impias hæreticorum uoces longe a ueræ Ecclesiæ fide abesse, cum doctrinæ Ecclesiæ, quæ ab apostolis ad hanc diē prædicata est, aduersentur. Quare, ut omnes intelligerent, quænam esset Ecclesia catholica, Patres in Symbolo illud diuinitus addiderunt, APOSTOLICAM. Etenim spiritus sanctus, qui Ecclesiæ præsidet, eam non per aliud genus ministrorum, quam per apostolicum, gubernat. Qui spiritus primum quidem apostolis tributus est, deinde uero summa Dei benignitate semper in Ecclesia māsit. Sed quemadmodum hæc una Ecclesia errare non potest in fidei, ac morum disciplina tradēda, cum a spiritu sancto gubernetur: ita ceteras omnes, quæ sibi Ecclesiæ nomen arrogant, ut quæ Diaboli spiritu ducantur, in doctrinæ, & morum perniciosissimis erroribus uersari necesse est. Sed quoniam magnam uim habent figuræ ueteris testamenti ad excitandos fidelium animos, reuocandamque rerum pulcherrimarum memoriā, cuius rei potissimum causa apostoli his usi sunt; illam quoque doctrinæ partem, quæ magnas utilitates habet, Parochi non prætermittent.

Gen. 6

In his autem illustrem significationem habet arca Noe: quę ob eam rem tantum diuino iussu constructa est, ut nullus dubitandi locus relinquatur, quin Ecclesiam ipsam significet; quam Deus sic constituit, ut quicumque per baptismum illam ingrederetur, ab omni mortis eterne periculo tuti esse possent; qui uero extra illam essent, quemadmodum ijs euenit, qui in arcā recepti non sunt, suis sceleribus obruerentur. Alia figura est, magna illa ciuitas Hierusalem, cuius nomine scripturę sæpius sanctā Ecclesiam significant. Nimirum in illa solum offerre Deo sacrificia licebat: quia in sola etiā Dei Ecclesia, neque extra eam usquam, uerus cultus, uerumque sacrificium reperitur, quod Deo placere ullo modo possit. Iam illud etiam extremo loco de Ecclesia docendum erit, quam ratione nos credere Ecclesiam, ad articulos fidei pertineat. nā etsi quiuis ratione, & sensibus percipit, Ecclesiam, idest hominum conuentū in terris esse, qui Christo domino addicti, & consecrati sunt, neque ad eam rem animo concipiendam fide opus esse uideatur; cum nec Iudæi, nec Turcæ quidem de eo dubitent: tamen illa mysteria, quę in sancta Dei Ecclesia contineri partim declaratum est, partim in sacramento ordinis explicabitur, mens fide tantummodo illustrata, non ullis rationibus conuicta, intelligere potest. Cum igitur hic articulus non minus, quam ceteri, intelligentię nostrę facultatem, & uires superet; iure optimo cōfitemur, nos Ecclesię ortum, munera, & dignitatē non humana ratione cognoscere, sed fidei oculis intueri. Neque enim homines huius Ecclesię auctores fuerunt, sed Deus ipse  
immorta-

immortalis, qui eam super firmisſimam petram edificauit, teſte Propheta; Ipſe fundauit eam altisſimus: quam ob cauſam hereditas Dei, & Dei pōpulus appellatur. Nec pōteſtas, quam accepit, humana eſt, ſed diuino munere tributa; quare, quēadmodum naturę uiribus comparari nō poteſt; ita etiam fide ſolum intelligimus, in Eccleſia clauēs regni cēlorum eſſe, eiquē poteſtatem peccata remittendi, excommunicandi, uerumque Chriſti corpus conſecrandi traditam; deinde ciues, qui in ea morantur, nō habere hic ciuitatem permanen-Pſal. 86  
tem, ſed futuram inquirere. Vnam igitur Eccleſiam ſanctam, & catholicam eſſe, neceſſario credendum eſt. tres enim Trinitatis perſonas, Patrem, & Filium, & Spiritum ſanctum, ita credimus, ut in eis fidem noſtram collocemus. Nunc autem, mutata dicendi forma, ſanctam, & nō, in ſanctam Eccleſiam, credere proſitemur: ut, hac etiam diuerſa loquendi ratione, Deus omnium effector a creatis rebus diſtinguatur, præclataque illa omnia, quę in Eccleſiam collata ſunt, beneficia diuinae bonitati accepta referamus. Hebr. 13

**SANCTORVM COMMVNIONEM.** Cum ſanctus Ioannes euangelista de diuinis myſterijs ad fideles ſcriberet, cur eos in illis erudirēt, hanc rationem attulit: Vt & uos, inquit, ſocietatem ha-I. Ioan. 1  
beatis nobiſcum, & ſocietas noſtra ſit cum patre, & cum filio eius Ieſu Chriſto. Hęc ſocietas in communionē ſanctorum ſita eſt, de qua in hoc articulo ſermo habetur, utinam uero in eo explicando eccleſiarum præſides, Pauli, & aliorum apoſtolorum diligentiā imitarentur. eſt enim nō ſolum quædam



dam superioris articuli interpretatio, doctrinaque uberrimorum fructuum, sed etiā, quis usus mysteriorum esse debeat, quę Symbolo continentur, declarat. omnia enim eius rei causa peruestiganda sunt, ac percipienda, ut in hanc tam amplam, & beatam societatem sanctorum admittamur, admissique constantissime perseueremus, cū gaudio gratias agentes Deo patri, qui dignos nos fecit in partem sortis sanctorū in lumine. In primis igitur fideles docendi sunt, hunc articulum esse illius, qui de una sancta Ecclesia catholica antea positus est, ueluti explicationem quandam. unitas enim spiritus, a quo illa regitur, efficit, ut, quidquid in eam collatum est, commune sit. omniū enim sacramentorum fructus ad uniuersos fideles pertinet: quibus sacramentis, ueluti sacris uinculis, Christo connectuntur, & copulantur, & maxime omnium baptismo: quo, tamquam ianua, in Ecclesiam ingredimur. Hac autem sanctorum communionem; sacramentorum communionem intelligi debere, Patres in Symbolo significant illis uerbis: Confiteor unum baptisma. Baptismum uero in primis Eucharistia, & deinceps cetera sacramenta consequuntur. nam etsi hoc nomen omnibus sacramētis conuenit, cum Deo nos coniungāt, illiusque participes, cuius gratiam recipimus, efficiant; magis tamen proprium est Eucharistię, quę hanc efficit cōmunionem. Sed alia etiam communio in Ecclesia cogitanda est. Quęcūque enim pie, sancteq. ab uno suscipiuntur, ea ad omnes pertinent, &, ut illis profint, charitate, quę non quærīt, quę sua sunt, efficitur. Id uero cum S. Ambrosij testimonio comprobatur,

Ad Col. 1

1. Cor. 13

S. Ambr.

batur,

batur, qui locum illum psalmi explanans, Particeps ego sum omnium timentum te, ita inquit: Sicut membrum particeps esse dicimus totius corporis, sic coniunctum omnibus timētibus Deum. Quare Christus eam nobis orandi formam præscripsit, ut diceremus, Panem nostrum, non meum; *Math. 6* ac reliqua eius generis, non nobis tantum, sed omnium salutis, & commodis prospicientes, At uero hæc bonorum communicatio, membrorum humani corporis aptissima similitudine in sacris litteris sepe demonstratur. nam in corpore multa sunt membra: sed etsi multa sunt, unum tamen corpus constituant, in quo singula proprio, non autem omnia eodem munere funguntur. Nec uero omnia eandem dignitatem habent, aut æque utiles, & decoras functiones exequuntur; nullique suum, sed totius corporis commodum, atque utilitas propostita est. Omnia deinde tam apta inter se, & connexa sunt, ut, si unum aliquod dolore afficitur, cetera item naturæ cognitione, & consensu doleant; si contra bene affectum est, communis sit omnibus ille iucunditatis sensus. Atque hæc eadem in Ecclesia licet contemplari: in qua etsi diuersa sunt membra, nempe uariæ nationes, Iudeorum, Gentium, liberi, & serui, pauperes, & diuites; cum tamen baptismo initiantur, unum corpus cum Christo fiunt, cuius ille caput est. Vnicuique præterea in hac Ecclesia suum munus assignatum est. ut enim alij in ea apostoli, alij doctores, omnes uero publicæ utilitatis causa sunt constituti: ita aliorum est, præesse, ac docere; aliorum item, parere, & subiectos esse. At uero tot, tantisque muneribus, ac bonis

ac bonis diuinitus collatis illi fruuntur, qui in charitate uitam Christianam degunt, iustique, & cari Deo sunt, Membra uero mortua, nimirum homines sceleribus obstricti, & a Dei gratia alienati, hoc quidem bono non priuantur, ut huius corporis membra esse desinant; sed cum sint mortua, fructum spiritualem, qui ad iustos, & pios homines peruenit, non percipiunt. tamen, cum in Ecclesia sint, ad amissam gratiam, uitamque recuperandam ab ijs adiuuantur, qui spiritu uiuunt, & eos fructus capiunt, quorum expertes esse dubitari non potest, qui omnino ab Ecclesia sunt præcisi. Nec uero tantum communia sunt ea dona, quæ homines caros Deo, ac iustos reddunt, sed gratia etiam gratis datæ, in quibus numerantur scientia, prophetia, donum linguarum, ac miraculorum, & cetera huius generis; quæ dona malis etiam hominibus, non priuatis, sed publicæ utilitatis causa, ad ædificandam Ecclesiam conceduntur. nam sanitatis gratia, non illius, qui ea præditus est, sed ægroti curandi causa tributa est. Ac nihil tandem a uere Christiano homine possidetur, quod sibi cū ceteris omnibus commune esse non existimare debeat, quare ad subleuandam indigentium miseriam prompti, ac parati esse debent. nam qui huiusmodi bonis ornatus est, si uiderit fratrem suum egere, nec illi subuenerit, is Dei charitatem non habere plane conuincitur. Quæ cum ita se habeant; satis constat, eos, qui in hac sancta communione sunt, quadam felicitate perfrui, & uere illud dicere posse: Quam dilecta tabernacula tua Domine uirtutum: concupiscit, & deficit anima mea

1. Ioan. 3

Psal. 83

mea in atria Domini : & beati, qui habitant in domo tua Domine .

REMISSIONEM PECCATORVM. Nemo est, qui cum uideat, hunc articulum de remissione peccatorum, in ceteris fidei articulis numeratum esse, dubitare possit, eo non solum diuinum aliquod mysterium, sed etiam ad salutem comparandam maxime necessarium contineri. nam antea declaratum est, sine certa eorum fide, quę in Symbolo credenda proponuntur, nemini ad Christianam pietatem aditum patere. Verum si id, quod per se omnibus notum esse debet, aliquo etiam testimonio confirmandum uideatur, satis illud erit, quod Saluator noster paulo ante ascensum in cælum de ea re testatus est, cum discipulis sensum aperuit, ut intelligerent scripturas; Oportebat, inquit, Christum pati, & resurgere a mortuis tertia die, & prædicari in nomine eius pænitentiam, & remissionem peccatorum in omnes gentes incipientibus ab Hierosolyma. Quæ uerba si Parochi animaduertent, facile intelligent, cum cetera, quæ ad religionem pertinent, fidelibus tradenda sint, tum uero præcipue huius articuli diligenter explicandi magnam eis a Domino necessitatem impositam esse. Munus igitur Parochi erit, quod ad hunc locum attinet, docere, non solum peccatorum remissionem in catholica Ecclesia reperiri; de qua Isaias prædixerat: Populus qui habitat in ea, auferetur ab eo iniquitas: sed etiam potestatem peccata remittendi in ea esse: qua si rite, & secundum leges a Christo domino præscriptas sacerdotes utantur, uere peccata remitti, & condonari credendum est.

Hęc



Hęc autem uenia, cum primum fidem profitentes sacro baptismo abluimur, adeo cumulate nobis datur, ut nihil aut culpę delendum, siue ea origine cōtracta, siue quid propria uoluntate omissum, uel commissum sit, aut pœnę persoluendum relinquatur. Verum per baptismi gratiam nemo tamen ab omni naturę infirmitate liberatur: quin potius, cum unicuique aduersus concupiscentię motus, quę nos ad peccata incitare non desinūt, pugnandum sit, uix ullum reperiās, qui uel tam acriter resistat, uel tam uigilanter salutem suam tueatur, ut omnes plagas uitare possit.

Cum igitur necesse fuerit, in Ecclesia potestatem esse peccata remittendi; alia etiam ratione, quam baptismi sacramento, clauēs regni cęlorū illi concedite sunt, quibus possint unicuique pœnitenti, etiam si usque ad extremū uitę diem peccasset, delicta condonari. Clarissima huius rei testimonia in sacris litteris habemus; nam apud sanctum Mattheum Dominus ita ad Petrum loquitur: Tibi dabo clauēs regni cęlorum: & quodcumque ligaueris super terram, erit ligatum & in cęlis; & quodcumque solueris super terram, erit solutum & in cęlis.

*Matth. 18* Item: Quęcumque alligaueritis super terram, erunt ligata & in cęlo: & quęcumque solueritis super terram, erunt soluta & in cęlo. Deinde sanctus Ioannes testatur, Dominum, cum insufflasset apostolis, dixisse: Accipite spiritum sanctum; quorum remiseritis peccata, remittuntur eis: & quorum retinueritis, retenta sunt. Neque uero existimandum est, hanc potestatem certis quibusdā peccatorum generibus definitā esse. nullum enim tam

nefa-

nefarium facinus uel admitti, uel cogitari potest, cuius remittendi potestatem sancta Ecclesia nō habet: quemadmodum etiam nemo adeo improbus & scelestus fuerit, quem si erratorum suorum uere peniteat, certa ei uenie spēs proposita esse non debeat. Sed neque hęc eadem potestas ita circumscribitur, ut prefinito solum aliquo tempore ea uti liceat. nam quacunque hora peccator ad sanitatem redire uoluerit, reiiciendum non esse docuit Sal<sup>Math. 18</sup> uator noster, cum Principi apostolorum interroganti quoties peccatoribus ignoscendum esset, an septies, respondit, Non septies, sed usque septuagies septies. Verum si ministros diuinę huius potestatis spectemus, ea minus late patere uidebitur. Dominus enim non omnibus, sed Episcopis tantū, & sacerdotibus tam sancti muneris potestatem dedit. Idem etiam censendum erit, quod ad rationem eius potestatis exercendę pertinet. nam per sacramenta solum, si eorum forma seruetur, peccata remitti possunt: aliter uero nullū ius a peccatis soluendi Ecclesię datum est. ex quo sequitur, tum sacerdotes, tum sacramenta ad peccata condonanda ueluti instrumenta ualere: quibus Christus dominus auctor ipse, & largitor salutis remissionem peccatorum, & iustitiam in nobis efficit. Ut autem fideles celeste hoc munus, quod singulari in nos Dei misericordia Ecclesię donatū est, magis suspiciāt, atque ad eius usum, & tractationem ardentiori pietatis studio accedant, conabitur Parochus huius gratię dignitatem, & amplitudinem demonstrare. ea autem ex hoc potissimum perspicitur, si, cuius

tis iustos reddere , diligenter expositum fuerit :  
 Constat enim, infinita, & immensa Dei ui hoc effi-  
 ti, quam eandem in excitandis mortuis, & in mūdi  
 creatione necessariam esse credimus . Quod si etiā,  
 ut Augustini sententia confirmatur , maius opus  
 existimandum est , aliquem ex impio pium facere ,  
 quam cælum , & terram ex nihilo creare, cum ipsa  
 creatio non nisi ex infinita uirtute possit existere :  
 consequens est , ut multo magis peccatorum remis-  
 sio infinitæ potestati tribuenda sit. quare uerissimas  
 esse priscorum Patrum uoces agnoscimus , quibus  
 contentur, ab uno Deo peccata hominibus condo-  
 nari: neque ad alium auctorem, quam ad summam  
 eius bonitatem, & potentiam, tam mirificum opus  
 referendum esse. Ego sum, inquit ipse Dominus per  
 Prophetam, ego sum ipse, qui deleo iniquitates tuas.  
 Nam scelerum remittendorum eadem ratio uide-  
 tur esse, quam in pecunia debita seruare oportet .  
 Quemadmodum igitur a nemine, nisi a creditore,  
 pecunia , quæ debetur , remitti potest: ita , cum  
 uni Deo peccatis obstricti simus , ( siquidem quo-  
 tidie oramus, Dimitte nobis debita nostra ) per spi-  
 cum est , a nemine, præter illum , debita nobis  
 condonari posse. Hoc uero admirabile, & diuinum  
 munus, antequam Deus homo fieret, nulli creatę  
 naturę impertitum est. Primus omnium Christus,  
 saluator noster, ut homo, cum idem uerus Deus ef-  
 fet, hoc munus a cælesti patre traditum accepit .  
 Vt sciatis, inquit , quia filius hominis habet pote-  
 statem in terra dimittendi peccata , ait paralytico :  
 Surge, tolle grabatum tuum , & uade in domum  
 tuam. Cum igitur homo factus esset, ut hominibus  
 hanc

Isa. 43

Matth. 6

Matth. 9

Marc. 2

hanc peccatorum ueniam largiretur, priusquam in celum ascenderet, ut ibi ad dexteram Dei in perpetuum federet, eam potestatem Episcopis, & presbyteris in Ecclesia concessit: quamquam, ut antea docuimus, Christus sua auctoritate, ceteri, ut eius ministri, peccata dimittunt. Quamobrem si, quę infinita uirtute effecta sunt, maxime admirari, & suspicere debemus: satis intelligimus, pretiosissimū hoc munus esse, quod Christi domini benignitate Ecclesię donatum est. sed ipsa etiam ratio, qua Deus, clementissimus pater, mundi peccata delere constituit, animos fidelium ad huius beneficij magnitudinem cōtemplandam uehementer excitabit: sanguine enim unigeniti filij sui scelera nostra expiari uoluit, ut pœnam, quam nos pro peccatis commeruimus, ultro ille persolueret, iustusque pro iniustis damnaretur, innocens pro reis 1. Petr. 1 morte acerbissima afficeretur. Quare cum animo cogitabimus, nos non corruptibilibus auro, & argento redemptos esse, sed pretioso sanguine quasi agni immaculati Christi, & incontaminati; facile statuemus, nihil nobis salubrius contingere potuisse hac remittendi peccata potestate, quę inexplicabilem Dei prouidentiam, summamque erga nos charitatem ostendit. Ex hac autem cogitatione maximus fructus ad omnes perueniat, necesse est. nam qui Deum mortali aliquo peccato offendit, quidquid meritorum ex Christi morte, & cruce consecutus est, statim amittit, & omnino paradisi aditu, quę prius interclusum Saluator noster passione sua omnibus patefecit, prohibetur. Quod quidem cum in mentem uenit, facere non possumus, quin huma-



ne miseriæ consideratio uehementer sollicitos nos habeat. Verum si animum ad hanc admirabilem potestatem referamus, quæ Ecclesiæ diuinitus tributa est; & huius articuli fide confirmati, oblatam unicuique facultatem credamus, ut possit diuina ope adiutus in pristinum dignitatis statum restituere: tunc uero cogimur summo gaudio, & lætitia exultare, & immortales Deo gratias agere. Ac profecto, si grata, & iucunda medicamenta uideri solent, quæ nobis medicorum arte, & industria, cum graui aliquo morbo laboramus, parantur: quanto iucundiora esse debent ea remedia, quæ Dei sapientia ad animorum curationem, atque adeo ad uitam reparandam instituit? cum præsertim non quidem dubiam salutis spem, ut medicinæ illæ, quæ corporibus adhibentur, sed certissimam ijs, qui sanari cupiunt, salutem afferant.

*Beneficium  
remissionis  
peccatorum  
quanto studio  
suscipiendum.*

Erunt igitur fideles hortandi, postquam tam ampli, & præclari muneris dignitatem cognouerint, ut illud etiam studeant ad suum commodum religiose conuertere. Vix enim fieri potest, ut qui re utili, & necessaria non utatur, eam contemnere non existimetur; præsertim uero cum Dominus hanc potestatem remittendi peccata ea re tradiderit Ecclesiæ, ut omnes hoc salutari remedio uterentur. nam quemadmodum nemo sine baptismo expiari potest: ita, quicumque baptismi gratiam, mortiferis sceleribus amissam, recuperare uoluerit, ad aliud expiationis genus, nimirum penitentiae sacramentum, confugiat necesse est. Verum hoc loco admonendi sunt fideles, ne, tam ampla ueniae facultate proposita, quam etiam nullius temporis termi-

termino definiri declarauimus, uel ad peccandum faciliores, uel ad resipiscendum tardiores reddantur, in altero enim cum iniuriosi, & contumeliosi in hanc diuinam potestatem manifeste deprehendantur, indigni sunt, quibus Deus misericordiam suam impertiat: in altero uero magnopere uerendum est, ne morte præoccupati, frustra peccatorum remissionem cōfessi fuerint, quam tarditate & procrastinatione merito amiserunt.

## CARNIS RESVRRECTIONEM.

Magnā huius articuli uim esse ad fidei nostrę ueritatem stabiliendā id maxime ostendit, quod diuinis litteris non solum credendus fidelibus proponitur, sed multis etiā rationibus confirmatur. quod quidem cum in alijs Symboli articulis uix fieri uideamus, intelligi potest, hoc ueluti firmissimo fundamento salutis nostrę spem nixam esse. nam, ut Apostolus ratiocinatur: Si mortuorum resurrectio 1. Cor. 15 non est, neque Christus resurrexit: quod si Christus non resurrexit, inanis est prædicatio nostra, inanis est & fides uestra. In eo igitur explicando Parochus non minus opere, & studij ponet, quam in eo euerrendo multorū impietas laborarit. magnas enim & præclaras utilitates ex ea cognitione ad fidelium fructum redundare, paulo post demonstrabitur. Sed hoc in primis attendere oportebit, resurrectionem hominum in hoc articulo, carnis resurrectionem appellari. quod quidem sine causa factū non est. nam docere uoluerunt Apostoli id, quod necessario ponendum est, animam esse immortalem. quare ne quis forte eam simul cum corpore interiisse, utrumque uero in uitam reuocari existi-

maret, cum animam plurimis sacrarum litterarum locis immortalē esse plane constet, ob eam rem carnis tantum suscitandę mentio in articulo facta est. & quamquam sæpe etiam in sacris scripturis caro integrum hominem, ut est apud Isaiam, Omnis caro fenum; & apud sanctum Ioannem, Et uerbum caro factum est; significet: hoc tamen loco carnis uox corpus declarat: ut duarum partium, animæ & corporis, quibus homo constat, alteram tantum: nempe corpus corrumpi, & in puluerem terræ, ex qua compactum est, redire; animam uero incorruptam manere intelligamus. At uero, cum nemo, nisi mortuus fuerit, ad uitam reuocetur, anima proprie non dicitur resurgere. Carnis quoque mentio facta est, illius hæresis confutandæ causa, quæ: uiuo Apostolo, Hymenæi, & Phileti fuit, qui asseriebant, cum de resurrectione in scripturis sacris ageretur, non de corporea, sed de spiritali, qua a morte peccati ad uitam innocentem resurgitur, accipiendum esse. Itaque his uerbis planum fit, eum errorem tolli, & ueram corporis resurrectionem confirmari.

Isa. 40  
Ioan. 1

1. Tim. 1

*Carnis resurrectionis exemplis scriptura, et te simonij cō probatur.*

Verum Parochi partes erunt, hanc ueritatem illustrare exemplis ex ueteri, nouoque testamento, & ex omni ecclesiastica historia depromptis. alij enim ab Elia, & Eliseo in ueteri testamento; alij, præter eos, quos Christus dominus a morte excitauit, a sanctis apostolis, alijsque permultis ad uitam reuocati sunt, quæ resurrectio multorum huius articuli doctrinam confirmat. ut enim plures a morte excitatos credimus: ita uniuersos ad uitam reuocatum iri credendum est. quin etiam præcipuus fructus,

fructus, quem nos ex huiusmodi miraculis capere debemus, ille est, ut summam fidem huic articulo tribuamus. Sunt multa testimonia, quæ Parochis, qui in sacris litteris mediocriter uersati sunt, facile occurrent. Illustriora uero loca sunt in ueteri quidem testamento, quæ leguntur apud Iob, cum ait, *Iob 19* se in carne sua conspecturum Deum suum: & apud Daniele de ijs, qui in puluere terræ dormiunt, alios in uitam æternam, alios in opprobrium sempiternum euigilatu- *Dan. 12* ros: in nouo autem testamento, quæ sanctus Matthæus refert de disputatione, quam Dominus cum Sadduceis habuit: præterea, quæ Euangelistæ narrant de extremo iudicio. Atque huc etiam referenda sunt, quæ Apostolus, ad Corinthios, & ad Thessalonicenses scribens, accurata oratione disseruit. Sed *1. Cor. 15* *1. Thess. 4* quamuis hoc fide certissimum sit; multum tamen proderit, uel exemplis, uel rationibus ostendere, id, quod fides credendum proponit, a natura, aut ab humane mentis intelligentia non abhorrere. itaque Apostolus querenti quo modo resurgerent mortui, sic respondit: Insipiens tu quod seminas, *1. Cor. 15* non uiuificatur, nisi prius moriatur: & quod seminas, non corpus, quod futurum est, seminas, sed nudum granum, ut puta tritici, aut alicuius ceterorum: Deus autem dat illi corpus sicut uult. & paulo post inquit: Seminatur in corruptione, surget in incorruptione. Ad eam similitudinem multas præterea adiungi posse, sanctus Gregorius ostendit: Lux enim, inquit, quotidie quasi moriendo oculis subtrahitur, & rursus quasi resurgendo reuocatur: & arbuta uiriditatem amittunt, & rur-



sus quasi resurgendo reparantur : & semina putrescendo moriuntur , & rursus germinando resurgunt . Rationes illæ præterea , quæ ab ecclesiasticis scriptoribus afferuntur , satis ad eam rem probandam accommodatæ uideri possunt . Ac primum quidem , cum animæ immortales sint , & tamquam pars hominis ad humana corpora naturalem propensionem habeant , eas a corporibus seiunctas perpetuo manere , præter naturam existimandum est .

Quoniam uero , quod naturæ aduersatur , ac uiolentum est , diuturnum esse non potest ; consentaneum fore uidetur , ut denuo cum corporibus iungantur : ex quo etiam sequitur , ut corporum resurrectione futura sit . quo quidem argumentandi genere Saluator ipse noster usus est , cum aduersus Sadducæos disputans , ex animarum immortalitate corporum resurrectionem conclusit . Deinde , cum malis supplicia , bonis præmia a iustissimo Deo sint proposita ; ex illis uero quamplurimi , ante quam debitas pœnas persoluant , ex his magna ex parte nullis affectu uirtutis præmijs euita decedant : necesse est iterum animas cum corporibus coniungi , ut pro sceleribus , aut recte factis corpora , quibus ueluti peccati focijs homines utuntur , una cum anima pœna , aut præmio afficiantur . qui locus dili-

*S. Chrysostomus .*

*1. Cor. 15*

gētissime tractatus est a sancto Chrysostomo in homilia ad populum Antiochenum . Quare Apostolus , cum de resurrectione disliceret , Si in hac uita , inquit , tantum in Christo sperantes sumus , miserabiliores sumus omnibus hominibus . Quæ quidem uerba nemo ad animæ miseriam referri existimabit ; quæ cum immortalis sit , quamuis corpora

non

non resurgerent, in futura tamen uita beatitudine frui posset; uerum de toto homine intelligēda sunt. nisi enim corpori debita pro laboribus præmia red dantur; necesse est, ut, qui, quemadmodum apostoli, tot erumnas, & calamitates in uita perpessi sunt, omniū sint miserrimi. Idem uero multo apertius docet ad Thessalonicenses his uerbis; Gloria- 2. Thess. 1  
mur in ecclesijs Dei pro patientia uestra, & fide in omnibus persecutionibus uestris, & tribulationibus, quas sustinetis in exemplum iusti iudicij Dei, ut digni habeamini in regno Dei, pro quo & patimini: si tamen iustum est apud Deū retribuere tribulationem ijs, qui uos tribulant, & uobis, qui tribulami-  
mini, requiem nobiscum in reuelatione domini Iesu de cælo, cum angelis uirtutis eius in flamma ignis dantis uindictam ijs, qui non nouerunt Deū, & qui non obediunt euangelio domini nostri Iesu Christi. Adde etiam, non posse homines, quam diu anima a corpore seiuncta est, plenā felicitatem, & bonis omnibus cumulatam adipisci. Vt enim quælibet pars, a toto separata, imperfecta est: ita etiam anima, quæ corpori non est adiuncta; ex quo sequitur, ut illi ad summam felicitatem nihil desit, corporum resurrectionem necessariam esse.

His igitur, atque alijs huiusmodi rationibus Pa- De uaria re  
rochus fideles in hoc articulo erudire poterit. Ex- surgentium  
plicare præterea diligenter oportebit ex Apostoli condicione.  
doctrina, quinam ad uitam suscitandi sint. nam ad  
Corinthios scribens, Sicut in Adam, inquit, omnes 1. Cor. 15  
moriuntur, ita & in Christo omnes uiuificabuntur. Omni itaque malorum, bonorumq. discriminere-  
moto, omnes a mortuis, quamquam, non omnium  
par

Ioa. 5

par condicio futura est, resurgent, qui bona fecerunt, in resurrectionem uitæ; qui uero mala egerunt, in resurrectionem iudicii. Cum autem omnes dicimus, tam eos intelligimus, qui aduentante iudicio mortui iam erunt, quam eos, qui moriuntur. Huic enim sententiæ, quæ asserit omnes morituros esse, nemine excepto, Ecclesiam acquiescere, ipsamque

S. Hieronymus, &  
August.

sententiam magis ueritati conuenire, scriptum reliquit sanctus Hieronymus. idem sentit & sanctus Augustinus. Neque uero huic sententiæ repugnant Apostoli uerba, ad Thessalonicenses scripta:

1. Thes. 4

Mortui qui in Christo sunt, resurgent primi: deinde nos, qui uiuimus, qui relinquimur, simul rapiemur cum illis in nubibus obuiam Christo in

S. Ambr.

aera. nam sanctus Ambrosius, cum ea explana-  
ret, ita inquit: In ipso raptu mors præueniet, & quasi per soporem, ut egressa anima in momento reddatur: cum enim tollentur, moriuntur, ut peruenientes ad Dominum, præsentia Domini recipiāt animos, quia cū Domino mortui esse non possunt. Eademq. sententia comprobatur sancti Augustini auctoritate in libro de Ciuitate Dei. Cum uero multum referat, nobis certo persuaderi, hoc ipsum, atque adeo idem corpus, quod uniuscuiusque proprium fuit, quamuis corruptum sit, & in puluerem redierit, tamen ad uitam suscitandum esse: illud etiā Parochus accurate explicandum suscipiet.

1. Cor. 15

Hæc Apostoli est sententia, cum inquit: Oportet corruptibile hoc induere incorruptionem: ea uoce, Hoc, proprium corpus aperte demonstrans.

Iob 19

Iob etiam de eo clarissime uaticinatus est: Et in carne mea, inquit, uidebo Deum, quem uisurus sum

sum ego ipse, & oculi mei conspecturi sunt, & non alius. Hoc idem colligitur ex ipsius resurrectionis definitione. est enim resurrectio, auctore Damasceno, ad eum statum, unde cecideris, *Damascenus* reuocatio. Denique, si consideremus, cuius rei causa resurrectionem futuram paulo ante demonstratum est; nihil erit, quod cuiusquam animū hac in re dubium facere possit. Idcirco autem corpora excitanda esse docuimus, ut referat unusquisque propria corporis, prout gessit, siue bonum, siue malum. *1. Cor. 9* Hominem igitur ex ipso corpore, cuius opera uel Deo, uel Dæmoni seruiuit, resurgere oportet, ut cū eodem corpore triūphī coronas, & præmia consequatur, aut pœnas, & supplicia miserrima perferat. Neque uero corpus tantum resurget, sed quidquid ad illius naturæ ueritatem, atque ad hominis decus, & ornamentum pertinet, restituendum est. Præclarum ea de re sancti Augustini testimonium *S. August.* legimus: Nihil tunc uitij, inquit, in corporibus existeret: si aliqui plus pinguedine obesi, & crassi extiterint, non totam corporis molem assument, sed, quod illam habitudinē superabit, reputabitur superfluum; & e diuerso, quæcumque uel morbus, uel seniū confecit in corpore, reparabitur per Christum uirtute diuina, ut, si aliqui propter macrorem fuerint graciles, quia Christus non solum nobis corpus reparabit, sed quidquid per miseriam huius uitæ fuerit nobis ademptum. Item alio loco: Non resumet homo capillos, quos habuerit, sed *S. August.* quos decuerit, iuxta illud, Omnes capilli capitis *Matth. 10* uestri numerati sunt, qui secundum diuinam sapientiam sunt reparandi. In primis uero, quoniam membra



bra ad ueritatem humanæ naturæ pertinent, simul restituētur omnia. Qui enim uel ab ipso ortu oculis capti sunt, uel ob aliquem morbum lumina amiserunt, claudi, atque omnino manci, & quibusuis membris debiles, integro, ac perfecto corpore resurgunt. aliter enim animæ desiderio, quæ ad corporis coniunctionem propensa est, minime satisfactū esset: cuius tamen cupiditatem in resurrectione explendam esse, sine dubitatione credimus. Præterea satis constat, resurrectionem æque, ac creationem, inter præcipua Dei opera numerari. Quemadmodum igitur omnia a Deo initio creationis perfecta fuerunt; ita etiam in resurrectione futurum omnino affirmare oportet. Neque id de martyribus solum fatendum est, de quibus sanctus Augustinus ita testatur: Non erunt absque illis membris: non enim posset illa mutilatio non esse corporis uitium: alioquin, qui capite truncati sunt, deberent sine capite resurgere. uerumtamen extabunt in eorundem membrorum articulis gladij, cicatrices refulgentes super omne aurum, & lapidem pretiosum, ueluti & cicatrices uulnerum Christi: quod de improbis quoque uerissime dicitur, etsi illorum culpa membra amputata fuerint. nam quo plura membra habebunt, tãto acerbiori dolorum cruciatu conficientur. quare illa membrorum restitutio non ad eorum felicitatem, sed ad calamitatem, ac miseriam est redundatura; cum merita non ipsis mēbris, sed personæ, cuius corpori coniuncta sunt, adscribantur. nam ijs, qui pœnitentiam egerunt, ad præmium, illis uero, qui eandem contempserint, ad supplicium restituentur. Hæc uero si a

Parochis

Parochis attente considerentur, numquam eis rerum & sententiarum, copia deerit ad excitandos, inflāmandosque pietatis studio fidelium animos: ut uitę huius molestias, & ærumnas cogitantes, beatam illam resurrectionis gloriam, quę iustis, & pijs proposita est, auide expectent.

Sequitur nunc, ut fideles intelligant: si ea spectemus, quę corporis substantiam constituunt, quamuis illud ipsum, atque idem corpus a mortuis reuocari oporteat, quod antea extinctum fuerat, longe aliam tamen, & diuersam eius condicionem fore. ut enim cetera omittamus, in eo maxime resurgentium corpora omnia a se ipsis differēt, quod cum antea mortis legibus subiecta essent, postea quam ad uitam suscitata fuerint, sublato bonorum malorumque discrimine immortalitatem assequentur. Quam quidem admirabilem nature restitutionem insignis Christi uictoria meruit, quam de morte reportauit, quemadmodum sacrarum scripturarum testimonia nos admonent: scriptum est enim, Pręcipitabit mortem in sempiternum. & *Isa. 25*  
 alibi; Ero mors tua, o mors: quod explicans Apostolus, inquit; Nouissima inimica destruetur mors. *Osc. 13*  
 & apud sanctum Ioannem legimus: Mors ultra non erit. Decebat autem maxime, Christi domini *1. Cor. 15*  
 merito, quo mortis imperium euersum est, peccarum Adę longo interuallo superari. Idem etiam diuina iustitię consentaneum fuit, ut boni beata uita *Apoc. 21*  
 perpetuo fruerentur; mali uero sempiternas pœnas luentes, quærerent mortem, & non inuenirent; optarent mori, & mors fugeret ab eis. Atque hec quidem immortalitas bonis, malisque communis erit.

erit, Habebunt præterea sanctorum rediuiua corpora insignia quedam, & præclara ornamenta, quibus multo nobiliora futura sint, quam umquam antea fuerint. Præcipua uero sunt quattuor illa, quæ dotes appellantur, ex Apostoli doctrina a Patribus obseruatæ. earum prima est impassibilitas, munus scilicet, & dos: quæ efficiet, ne molesti aliquid pati, ulloue dolore, aut incommodo affici queant. nihil enim aut frigorum uis, aut flammæ ardor, aut

**1. Cor. 15** aquarum impetus obesse eis poterit. Seminatur, inquit Apostolus, in corruptione, surget in incorruptione. Quod autem impassibilitatem potius, quam incorruptionem scholastici appellarint, ea causa fuit, ut, quod est proprium corporis gloriosi, significarent. non enim impassibilitas illis communis est cum damnatis, quorum corpora; licet incorruptibilia sint, æstare tamen possunt, atque algere, uarijsque cruciatibus affici. Hanc consequitur claritas, qua sanctorum corpora, tamquàm sol fulgebunt.

**Matth. 13** ita enim apud sanctum Matthæum testatur Saluator noster: Iusti, inquit, fulgebunt sicut sol in regno patris eorum. Ac ne quis de eo dubitaret, suæ transfigurationis exemplo declarauit. Hæc interdum Apostolus gloriam, modo claritatem appellat. Reformabit, inquit, corpus humilitatis nostræ configuratum corpori claritatis suæ. & rursus: Seminatur in ignobilitate, surget in gloria. Huius etiam gloriæ imaginem quandam uidit populus Israel in deserto cum facies Moysis ex colloquio, & præsentia Dei ita colluceret, ut in eam filij Israel oculos intendere non possent. Est uero claritas hæc fulgor quidam, ex summa animæ felicitate ad corpus redundans,

ita ut

ita ut sit quedam cōmunicatio illius beatitudinis, qua anima fruitur: quo modo etiam anima ipsa beata efficitur, quod in eam pars diuinæ felicitatis deriuetur. Hoc uero munere non æque omnes, perinde ac primo, ornari credendum est. erunt quidem sanctorum corpora omnia eque impassibilia, sed eundem splendorem non habebunt. nam, ut testatur Apostolus. Alia claritas solis, alia claritas lunæ, & alia claritas stellarum: stella enim a stella differt in claritate; sic & resurrectio mortuorum. Cum hac dote coniuncta est illa, quam agilitatem uocant, qua corpus ab onere, quo nunc premitur, liberabitur: facillimeque, in quācumque partem anima uoluerit, ita moueri poterit, ut ea motione nihil celerius esse queat, quemadmodum aperte sanctus Augustinus in libro de Ciuitate Dei, & Hieronymus in Isaiam, docuerunt. Quare ab Apostolo dictum est; Seminatur in infirmitate, surgit in uirtute. His uero addita est, quæ uocatur subtilitas, cuius uirtute corpus animæ imperio omnino subiicietur, ei que seruiet, & ad nutum præsto erit: quod ex illis Apostoli uerbis ostenditur: Semina-

1. Cor. 15

1. Cor. 15

1. Cor. 15

Vt autem fideles sciant, quem fructum ex tot, tantorumque mysteriorum cognitione capere possint; primum declarare oportebit, maximas a nobis Deo gratias agendas esse, qui hæc sapientibus absconderit, & reuelauerit paruulis. Quot enim uiri, uel prudentiæ laude præstantes, uel singulari doctrina præditi, in hactam certa ueritate cæ-

Quam salu-  
tares ex ar-  
ticulo Re-  
surrectionis  
capiantur  
fructus.  
Matth. 11

ci pla-



1. Theff. 4

Iob 19

Ioa. 5

ci plane fuerunt? Quod igitur nobis illa patefecerit, quibus ad eam intelligentiam adspirare non licebat, est quod summam eius benignitatem, & clementiam perpetuis laudibus celebremus. Deinde magnus etiam ille fructus ex huius articuli meditatione consequetur, quod scilicet in eorum morte, qui nobis necessitudine, uel beneuolentia cōiuncti sunt, facile tum alios, tum nos ipsos consolabimur: quo quidem genere cōsolationis Apostolum usum esse constat, cum ad Thessalonicenses de dormientibus scriberet. Sed in omnibus etiam alijs ærumnis, & in calamitatibus, futuræ resurrectionis cogitatio summā nobis doloris leuationē afferet; quemadmodum sancti Iob exemplo didicimus, qui una hac spe afflictum, & mærentem animum sustentabat, fore aliquando, ut in resurrectione dominum Deum suum conspiceret. Præterea, hoc plurimum ualebit ad persuadendum fidelibus populis, ut rectam uitam, integram, ab omni prorsus peccati labe puram agere quamdiligentissime curent. si enim cogitauerint ingentes illas diuitias, quæ resurrectionem consequuntur, ipsis propositas esse, facile ad uirtutis, & pietatis studia allicientur. Contra uero nulla res maiorem uim habitura est ad cōprimendas animi cupiditates, hominesque a sceleribus auocandos, quam si sæpius admoneantur, quibusnā malis, & cruciatibus improbi afficiendi sunt, qui extremo illo die procedent in resurrectionē iudicij.

VITAM AETERNAM. Sancti apostoli, duces nostri, Symbolum, quo fidei nostræ summa continetur, æternæ uitæ articulo claudi, & terminari uoluerunt, tum quia post carnis resurrectionem nihil

nihil aliud fidelibus expectandum est, nisi eternæ uitæ præmium; tum uero, ut perfectæ illa felicitas, & bonis omnibus cumulata, nobis sæper ante oculos uersaretur, doceremurq. in ea mentem, & cogitationes nostras omnes defigendas esse. Quare Parochi in erudiendis fidelibus nūquā intermittent, præmijs eternæ uitæ propositis, eorum animos accendere; ut, quæcumque uel difficillima Christiani nominis causa subeunda esse docuerint, facilia, atque adeo iucunda existiment, promptioresque ad parendum Deo, & alacriores reddantur. Sed quoniam sub his uerbis, quæ ad beatitudinem nostrā declarandam hoc loco usurpantur, plurima mysteria in occulto latent, ea sic aperienda sunt, ut, quantum cuiusque ingenium ferat, omnibus patere possint. Admonendi igitur sunt fideles, his uocibus, Vitam eternam, non magis perpetuitatem uitæ, cui etiā demones, sceleratique homines addicti sunt, quam in perpetuitate beatitudinem, quæ beatorum desiderium expleat, significari. Atque ita intelligebat legis peritus ille, qui a Domino saluatore nostro, quid sibi faciendum esset, ut uitam æternam possideret, in euangelio quesivit: perinde ac si diceret: Quænam mihi præstanda sunt, ut ad eum locum, ubi perfectæ felicitate frui liceat, perueniam? In hunc uero sensum sacræ litteræ hæc uerba accipiunt, ut multis in locis licet animaduertere. Hoc uero potissimū nomine summa illa beatitudo appellata est, ne quis existimaret eam in rebus corporeis, & caducis, quæ æternæ esse non possunt, consistere. Neque enim hæc ipsa beatitudinis uox satis explicare poterat, quod quærebatur: præ-

Luc. 18

præsertim cum non defuerint homines inanis cuiusdam sapientiæ opinione inflati, qui summum bonum in ijs rebus ponerent, quæ percipiuntur sensibus. hæc enim pereunt, & ueterascunt; beatitudo uero nullo temporis termino definienda est. quin potius terrena hæc longissime a uera felicitate abstant: a qua is quammaxime recedit, qui mundi amore, & desiderio tenetur. scriptum est enim:

1. Ioan. 2 Nolite diligere mundum, neque ea, quæ in mundo sunt. si quis diligit mundum, non est charitas Patris in eo. & paulo post: Mundus transit, & concupiscentia eius. Hæc igitur Parochi fidelium mentibus imprimenda diligenter curabunt, ut mortalia contemnere, nullamque in hac uita, in qua non ciues, sed aduenæ sumus, felicitatem obtineri possent, in animum inducant. Quamquam hic etiam spe beati merito dicemur, si abnegantes impietatem, ac sæcularia desideria, sobrie, & iuste, & pie uixerimus in hoc sæculo, expectantes beatam spem, & aduentum gloriæ magni Dei, & saluatoris nostri Iesu Christi. Hæc autem cum permulti, qui

Ad Tit. 2  
2. cor. 1 sibi ipsi sapientes uidebatur, minus intelligerent, & in hac uita felicitatem querendam putarent, stulti facti sunt, & in maximas calamitates inciderunt. Sed illud præterea ex ui huius nominis, Vitam æternam; percipimus, semel adeptam felicitatem amitti nunquam posse, ut falso nonnulli suspicati sunt. nam felicitas ex omnibus bonis sine ulla mali admistione cumulatur: quæ cum hominis desiderium expleat, in æterna uita necessario consistit. neque enim potest beatus non magnopere uelle, ut illis bonis, quæ adeptus est, sibi perpetuo frui liceat.

Quare,

Quare, nisi ea possessio stabilis, & certa sit, maximo cruciatu timoris angatur, necesse est.

Verum, quanta sit beatorum, qui in cælesti patria uiuunt, felicitas, eaque ab ipsis tantum, præterea nemine, comprehendi possit, hæ ipsæ uoces, cum uitam beatam dicimus, satis demonstrant. nam cum ad rem aliquam significandā eo nomine utimur, quod cum multis alijs commune est, facile intelligimus deesse propriam uocem, qua res illa plane exprimatur. Cum igitur felicitas ijs uocibus declaretur, quæ non magis in beatos, quā in omnes, qui perpetuo uiuant, recte conueniunt, hoc nobis argumento esse potest, altiore, & præstantiorem quandam rem esse, quam ut proprio uocabulo perfecte significare eius rationem possimus. nam etsi plurima alia nomina cælesti huic beatitudini in sacris litteris tribuuntur, cuiusmodi sunt, regnum Dei, Christi, cælorum, paradysus, sancta ciuitas, noua Hierusalem, domus patris: tamē perspicuum est, nullum ex ijs ad eius magnitudinem explicandam satis esse. Quare Parochi hoc loco oblatam sibi occasionem non prætermittent, fideles tam amplis præmijs, quæ uitæ æternæ nomine declarantur, ad pietatem, iustitiam, & omnia Christianæ religionis officia inuitandi. Constat enim, uitam in maximis bonis, quæ natura expetuntur, numerari solere. atqui hoc potissimum bono, cum uitam æternam dicimus, beatitudo definitur. Quod si exigua hac, & calamitosa uita, quæ tot, & tam uarijs miserijs subiecta est, ut mors uerius dicenda sit, nihil magis amatur, nihil aut carius, aut iucundius esse potest: quo tandem animi studio, quæ con-

*De inenarrabili sanctorum gloria; & de præmijs essentialibus & accidentalibus.*



tentione æternam illam uitam quærere debemus, quæ defunctis omnibus malis perfectam & absolutam bonorum omnium rationem cõiunctã habet: nam, ut sancti Patres tradiderunt, æternæ uitæ felicitas, omnium malorum liberatione, & bonorum adeptione definienda est. De malis clarissima sunt sanctarum litterarum testimonia: scriptum est

*Apoc. 1. 21* enim in Apocalypsi: Non esurient, neque sitient amplius; neque cadet super illos sol, neque ullus æstus: & rursus: Absterget Deus omnem lacrymam ab oculis eorum: & mors ultra non erit, neque luctus, neque clamor, neque dolor erit ultra, quæ prima abierunt. Iam uero beatorum immensa gloria, innumeraque solide lætitiæ, & uoluptatis genera futura sunt: cuius gloriæ magnitudinem cû animus noster capere, aut illa in animos nostros penetrare nullo modo possit, necesse est, nos in illam, nempe in gaudium Domini, introire; ut eo circumfusi, mentis desiderium cumulate expleamus.

*S. August.* Quamuis autem, ut sanctus Augustinus scribit, facilius mala, quibus carituri sumus, quam bona ac uoluptates, quas hausuri sumus, numerari possent uideantur: danda tamen erit opera, ut, quæ fideles summæ illius felicitatis adipiscendæ cupiditate inflammare poterunt, breuiter, & dilucidè explicentur. Sed illa in primis distinctione uti oportebit, quam a grauissimis diuinarum rerum scriptoribus accepimus. ij enim duo honorum genera esse statuunt: quorum alterum ad beatitudinis naturam pertinet; alterum ipsam beatitudinem consequitur: quare illa essentialia, hæc uero accessoria bona, docendi causa, appellarunt. Ac solida quidem beati-

beatitudo, quam essentialem comuni nomine licet uocare, in eo sita est, ut Deum uideamus, eiusque pulchritudine fruamur, qui est omnis bonitatis, ac perfectionis fons, & principium. Hæc est uita eterna, inquit Christus dominus, ut cognoscant te *Ioan. 17* solum Deum uerū, & quem misisti Iesum Christū. quam sententiam sanctus Ioannes uidetur interpretari, cum ait: Carissimi, nunc filij Dei sumus: & *1. Ioan. 3.* nondum apparuit, quid erimus: scimus quoniam, cum apparuerit, similes ei erimus, quoniam uidebimus eum sicuti est. Significat enim beatitudinem ex ijs duobus constare; tum quod Deum intuebitur, qualis in natura sua, ac substantia est; tum quod ueluti Dij efficiemur. nam qui illo fruuntur, quamuis propriam substantiam retineant, admirabilem tamen quandam, & prope diuinam formam induunt, ut Dij potius, quam homines uideantur. Hoc autem cur ita fiat, ex eo perspicuum est, quod unaquæque res uel ex eius essentia, uel ex eius similitudine, & specie cognoscitur. At quoniam nihil est Dei simile, cuius similitudinis adiuuamento ad perfectam eius notitiam peruenire possimus: consequens est, ut eius naturam, & essentiam uidere nemini liceat, nisi hæc eadem diuina essentia se nobis coniunxerit. atque id Apostoli uerba illa significant: Videmus nunc per speculum in ænigmatate, tunc autem facie ad faciem. Nam quod inquit, In ænigmatate; interpretatur sanctus Augustinus, in similitudine ad Deum intelligendum accommodata. Quod etiam sanctus Dionysius *S. Dionysius Areopagita* aperte ostendit, cum affirmat, nulla inferiorum similitudine superiora percipi posse. neque enim

ex alicuius rei corporeæ similitudine, eius, quæ corpore careat, essentia, & substantia cognosci potest, cum præsertim necesse sit, rerum similitudines minus concretionis habere, & magis spirituales esse, quam res ipsas, quarum imaginem referunt; quemadmodum in omnium rerum cognitione facile experimur. quoniam uero fieri non potest, ut alicuius rei creatæ similitudo eque pura, & spiritualis, ac Deus ipse est, reperiatur: ita fit, ut ex nulla similitudine diuinam essentiam perfecte intelligere possimus. Accedit etiam, quod omnes creatæ res certis perfectionis terminis circumscribuntur: at Deus infinitus est, neque ullius rei creatæ similitudo eius immensitatem capere potest. Quocirca una illa ratio diuinæ substantiæ cognoscendæ relinquitur, ut ea se nobis coniungat, & incredibili quodam modo intelligentiam nostram altius extollat, atque ita idonei ad eius naturæ speciem contemplandam reddamur. id uero lumine gloriæ assequemur, cum eo splendore illustrati, Deum lumen uerum in eius lumine uidebimus. nam beati Deum præsentem semper intuentur: quo quidem dono, omnium maximo, & præstantissimo, diuinæ essentiae participes effecti, uera, & solida beatitudine potiuntur: quam nos ita credere debemus, ut, eam Dei benignitate cum certa spe nobis expectandam esse, in Symbolo Patrum definitum sit. ait enim: Expecto resurrectionem mortuorum, & uitam uenturi sæculi. Diuina hæc plane sunt, neque ullis uerbis explicari, aut cogitatione comprehendere a nobis possunt. Verum licet aliquam huius beatitudinis imaginem in ijs etiam rebus, quæ sensu percipiuntur,

cipiuntur, cernere. Nam quemadmodum ferrum,  
 admoto igni, ignem concipit, & quamuis eius  
 substantia non mutetur, fit tamen, ut diuersum  
 quippiam, nimirum ignis esse uideatur: eodem  
 modo, qui in celestem illam gloriam admissi sunt,  
 Dei amore inflammati, ita afficiuntur, cum tamen  
 id, quod sunt, esse non desinant, ut multo magis  
 distare ab ijs, qui in hac uita sunt, merito dici pos-  
 sint, quam ferrum candens ab eo, quod nullam ca-  
 loris uim in se contineat. ut igitur rem paucis com-  
 plectamur, summa illa, & absoluta beatitudo,  
 quam essentialem uocamus, in Dei possessione con-  
 stituenda est, Quid enim ei ad perfectam felicitate-  
 tem deesse potest, qui Deum optimum, & perfe-  
 ctissimum possidet? Verum ad illam tamen quæ-  
 dam accedunt ornamenta, omnibus beatis commu-  
 nia; quæ quoniam ab humana ratione minus remo-  
 ta sunt, uehementius quoque animos nostros com-  
 mouere, & excitare solent. Huius generis ea sunt,  
 de quibus Apostolus ad Romanos uidetur intelli- *Rom. 2*  
 gere, Gloria, & honor, & pax omni operanti bo-  
 num. nam gloria quidem beati perfruentur, non il-  
 la solum, quam tandem essentialem beatitudinem,  
 uel cum eius natura maxime coniunctam esse osten-  
 dimus: sed ea etiam, quæ constant ex clara, & aper-  
 ta notitia, quam singuli de alterius eximia, & præ-  
 stanti dignitate habituri sunt. At uero quantus il-  
 le honor existimandus est, qui eis a Domino tri-  
 buitur, cum non amplius serui, sed amici, fratres,  
 ac filij Dei uocentur? quare ita electos suos amantis-  
 simis, & honorificentissimis uerbis Saluator noster  
 compellabit, Venite benedicti patris mei, posside- *Matth. 25*  
 H 4 te pa-



Psal. 138

te paratum uobis regnum . ut merito liceat exclamare : Nimis honorificati sunt amici tui Deus. Sed laudibus etiam a Christo domino, coram patre celesti , & angelis eius celebrabuntur . Præterea , si hoc commune omnibus hominibus desiderium natura ingenuit honoris, qui a uiris sapientia præstantibus habeatur ; quod eos locupletissimos uirtutis suæ testes fore existiment ; quantum beatorum gloriæ accessurū putamus , quod alius alium summo honore prosequetur ? Infinita esset omnium oblationum enumeratiō, quibus beatorum gloria cummulata erit , ac ne cogitatione quidem fingere eas possumus : sed tamen hoc fidelibus persuasum esse debet, quæcunque nobis iucunda in hac uita contingere , uel etiam optari queant , siue ea ad mentis cognitionem , siue ad corporis perfectum habitum pertineant , earum rerum omnium copijs beatam celestium uitam circumfluere : quamuis hoc altiore quodam modo, quam oculus uidit , aut auris audiuit , aut in cor hominis ascendit , fieri Apostolus affirmat. nam corpus quidem, quod antea crassum, & concretum erat , cum in cælo, detracta mortalitate, tenue, & spirituales effectum fuerit, nullis amplius alimentis indigebit : anima autem æternæ gloriæ pabulo , quod magni illius conuiuij auctor transiens omnibus ministrabit, cum summa uoluptate exsaturabitur . Quis uero pretiosas uestes, aut regales corporis ornatus desiderare poterit, ubi nullus harum rerum usus futurus sit, omnesque in mortalitate , & splendore amicti, & sempiternæ gloriæ corona ornati erunt ? Sed si amplæ etiam , & magnificæ domus possessio ad humanam felicitatem

1. Cor. 2

Luc. 12

tatem pertinet, quid cælo ipso, quod Dei claritate undique collustratur; uel amplius, uel magnificentius cogitari potest? Quare Propheta, cum eius domicilij pulchritudinem sibi ante oculos poneret, & ad beatas illas sedes perueniendi cupiditate arderet, Quam dilecta, inquit, tabernacula tua Domine uirtutum: concupiscit, & deficit anima mea in atria Domini; cor meum, & caro mea exultauerunt in Deum uiuum. Atque, ut hic sit omnium fidelium animus, hæc communis omnium uox, quemadmodum Parochi uehementer optare, ita etiam omni studio curare debent. nam, In domo patris mei, inquit Dominus, mansiones multæ sunt; in quibus maiora, & minora præmia, ut quisque promeritus erit, reddentur. Qui enim parce seminat, parce & metet: & qui seminat in benedictionibus, de benedictionibus & metet. Quare non solum ad eam beatitudinem fideles excitabunt, uerum etiam eius consequendæ certam rationem hanc esse frequenter monebunt, ut fide, & charitate instructi, & in oratione, & sacramentorum salutaris usu perseuerantes, ad omnia benignitatis officia in proximos se exerceant. ita enim Dei misericordia fiet, qui beatam illam gloriam diligentibus se præparauit, ut aliquando impleatur quod dictum est per Prophetam. Sedebit populus meus in pulchritudine pacis, & in tabernaculis fiducia, & in requie opulenta.

Psal. 83

Iccl. 14

2. Cor. 9

Isa. 32



**V**M OMNIS Christianæ doctrinæ pars scientiam, diligentiamque desiderat: tum sacramentorum disciplina, quæ & Dei iussu necessaria, & utilitate uberrima est, Parochi facultatem, & industriam postulat singularem; ut eius accurata, ac frequenti perceptione fideles tales euadant, quibus præstantissimæ, ac sanctissimæ res digne & salutariter impertiri possint, & sacerdotes ab illa diuini interdicti regula non discedant: Nolite sanctum dare canibus, neque mittatis margaritas uestras ante porcos.

*Math. 7*

Principio igitur, quoniã uniuersæ de toto genere sacramentorum agendum est, ab ipsius nominis ui, atque notione oportet incipere, cuiusque ambiguum significationem explanare; ut, quæ huius uerbi sententia hoc loco propria sit, facilius intelligatur. Quare docendi sunt fideles, sacramenti nomen, quod ad propositam rem attinet, aliter a profanis, quam a sacris scriptoribus, acceptum esse. nam alij auctores sacramenti nomine obligationem illam significari uoluerunt, cum iurati aliquo seruitutis uinculo obstringimur, ex quo iusiurandum, quo se milites fidelẽ operam reip. præstuturos pollicentur, sacramentũ militare dictum est. atque hæc frequētissima huius uocabuli significatio apud illos uidetur fuisse. Verũ apud Latinos patres, qui res diuinas scriptis tradiderunt, sacramenti nomen aliquam rem sacram, quæ in occulto latet, declarat, quemadmodum Græci, ad eandem rem significandam,

dam , mysterij uocabulo usi sunt. in eam uero sententiam sacramenti uocem accipiendam esse intelligimus, cum ad Ephesios scribitur : Vt notum faceret nobis sacramentum uoluntatis suæ. Deinde ad Timotheum : Magnum est pietatis sacramentum . *Ad Eph. 1*  
*1. Tim. 3*  
 Præterea in libro sapientiæ : Nescierunt sacramenta Dei . Quibus in locis , & alijs multis , licet animaduertere, sacramentum nihil aliud, nisi rem sacram , abditam, atque occultam, significare. Quare Latini doctores signa quædam sensibus subiecta , quæ gratiam, quam efficiunt, simul etiam declarant, ac ueluti ante oculos ponunt , sacramenta commode appellari posse existimarunt. Quamquam, ut D. Gregorio placet, ob id sacramenta dici possunt, quod diuina uirtus sub rerum corporearum tegumentis occulte salutem efficiat. Nec uero quisquam putet hoc uocabulum nuper in Ecclesiam inductum esse . nam qui sanctos Hieronymum, & Augustinum legerit ; facile perspiciet, antiquos religionis nostræ scriptores ad eam , de qua loquimur , rem demonstrandam sæpissime sacramenti nomine, interdum uero etiam Symboli, uel mystici signi, uel sacri signi uoce usos esse. Atque hæc de sacramenti nomine dicta sint : quod quidem ueteris etiam legis sacramentis conuenit : de quibus nihil opus est Pastoribus præcepta tradere, cum ea euangelij lege, & gratia sublata sint . *Sap. 2*

D. Gregor.

Verum , præter nominis notionem , quæ hactenus declarata est , rei etiam uis , & natura diligenter inuestiganda , & , quid sacramentum sit , fidelibus aperiendum est . Sacramenta enim ex genere earum rerum esse , quibus salus & iustitia comparatur, *De propria ui, atque natura sacramenti .*

iatur,



ratur, dubitare nemo potest. Sed cum multæ rationes sint, quæ ad hanc rem explicandam aptæ, & accommodatæ uideantur, nulla tamen planius, & dilucidius eam demonstrat, quam definitio à D. Augustino tradita, quam deinde omnes doctores scholastici secuti sunt. Sacramentum, inquit ille, est signum rei sacræ: uel, ut alijs uerbis, in eandem tamen sententiam, dictum est, sacramentum est inuisibilis gratiæ uisibile signum, ad nostram iustificationem institutum. Quæ quidem definitio ut magis pateat, singulæ eius partes Pastoribus exponendæ erunt. Atque in primis docere oportebit, rerum omniû, quæ sensibus percipiuntur, duo esse genera. aliæ enim ob id inuentæ sunt, ut aliquid significant: aliæ non alterius rei significantes, sed sua tantum causa effectæ sunt: quo in numero omnes pene res, quæ natura constât, haberi possunt. At uero in priori genere uocabula rerum, scriptura, uexilla, imagines, tubæ, & alia huiuscemodi permulta ponenda sunt. nam si ex uocabilis uim significanti detraxeris, sublata uidetur esse causa, quamobrem uocabula instituerentur. Hæc igitur signa proprie dicuntur. illud enim signum esse sanctus Augustinus testatur, quod præter rem, quam sensibus obijcit, efficit etiam, ut ex se alterius rei cognitionem capiamus: sicut ex uestigio, quod terræ impressum intuemur, transisse aliquem, cuius uestigium apparet, facile cognoscimus. Quæ cum ita se habeant; sacramentum ad hoc rerum genus, quæ significanti causa institute sunt, referri perspicuum est: siquidem specie quadam, & similitudine id nobis declarat, quod Deus in animis nostris sua uirtute,

D. Aug.

S. Augst.

te, quæ sensu percipi non potest, efficit. Baptismus enim, (ut, quod docetur, exemplo notius fiat) cum, adhibitis certis, & sollemnibus uerbis, aqua extrinsecus abluimur, hoc significat; spiritus sancti uirtute omnem peccati maculam, & turpitudinem interius elui, & animas nostras præclaro illo cælestis iustitiæ dono augeri, atq. ornari; simulq. ea corporis ablutio, ut postea suo loco explicabitur, illud in animo efficit, quod significat. Sed ex scripturis etiā aperte colligitur, sacramētū inter signa numerandū esse. Apostolus enim de circumcisione, ueteris legis sacramento, quæ Abrahā patri omnium credentiū data erat, ita ad Romanos scribit: Et signum accepit *Rom. 4* circumcisionis, signaculum iustitiæ fidei. Et alio *Rom. 6* loco, cum affirmat nos omnes, qui baptizati sumus in Christo Iesu, in morte ipsius baptizatos esse, licet cognoscere, baptismum huius rei significatio- *Rom. 6* nem habere, nimirum, ut ait idem Apostolus, nos consepultos esse cum illo per baptismum in mortē. Neque uero parum proderit, si fidelis populus sacramenta ad signa pertinere intellexerit. ita enim fiet, ut, quæ illis significantur, continentur, atque efficiuntur, sancta, & augusta esse facilius sibi per suadeat; cognitaque eorum sanctitate, ad diuinam erga nos beneficentiam colendam, ac uenerandam magis excitetur.

Sequitur nunc, ut uerba illa, **REI SACRÆ**, *Sacramen-* quæ est altera definitionis pars, explicentur. quod *tum esse rei* quidem ut commodè fieri possit, paulo altius repe- *sacra signū,* tenda sunt, quæ de signorum uarietate sanctus Au- *quo modo* gustinus acute, & subtiliter disputauit. Quædam *intelligen-* enim signa naturalia dicuntur, quæ præter se ipsa *dum.* *S. August.* alterius

alterius rei notitiam ( quod omnibus signis commune esse , antea demonstratum est ) in animis nostris gignunt, ueluti fumus, ex quo statim ignē adesse intelligitur . atque hoc signum ob eam causam naturale appellandum est, quod fumus non uolūta te ignem significat, sed rerum usus efficit, ut, si quis fumum tantum uideat, naturam simul & uim ignis, qui adhuc latet, subesse, mente, & cogitatione percipiat. Quædam uero signa natura non constant, sed constituta, atque ab hominibus inuenta sunt, ut & colloqui inter se, & alijs animi sui sensa explicare, uicissimque aliorum sententiam, & consilia possent cognoscere. Hæc autem quam uaria, & multiplicia sint, ex eo licet animaduerrere, quod nonnulla ad oculorum, pleraque ad aurium sensum, reliqua ad ceteros sensus pertinent. nam cum aliquid alicui innuimus, &, exempli causa, sublato uexillo quippiam declaramus; satis constat, eam significationem ad oculos tantū referri: quem admodum tubarum, tiliarum, aut citharæ sonus, qui non solum delectandi, sed plerumque significandi causa funditur, ad aurium iudiciū spectat: quo quidem præcipue sensu uerba etiam accipiuntur, quæ ad exprimendas intimas animi cogitationes maximam uim habent. Verum, præter illa signa, quæ hominum consensu, & uoluntate cōstituta esse, hætenus diximus, alia quædam sunt diuinitus data, quorum tamen non unum genus esse omnes consentiunt. Alia enim signa ob eam tantum rem a Deo hominibus commendata sunt, ut aliquid significarent, uel admonerent: cuiusmodi fuerunt, legis purificationes, panis azymus, & alia permul-

ta,



ta, quæ ad Mosaici cultus ceremonias pertinebant : alia uero Deus instituit, quæ non significandi modo, sed efficiendi etiam uim haberent . atque in hoc posteriori signorum genere sacramenta nouæ legis numeranda esse, liquido apparet . signa enim sunt diuinitus tradita, non ab hominibus inuenta, quæ rei cuiuspiam sacræ, quam declarant, efficientiam in se continere certo credimus . Sed quemadmodum signa in multiplici uarietate esse ostendimus ; ita etiam res sacra non unius modi existimanda est .

Quod uero ad propositam sacramenti definitionem attinet : diuinarum rerum scriptores, sacræ rei nomine Dei gratiam, quæ nos sanctos efficit, ac omnium diuinarum uirtutum habitu exornat, demonstrant. huic enim gratiæ propriam sacræ rei appellationem tribuendam merito putarunt, quippe cum eius beneficio animus noster Deo consecratur, & coniungatur. Quare, ut explicatius, quid sacramentum sit, declaretur ; docendum erit, rem esse sensibus subiectam, quæ ex Dei institutione sanctitatis, & iustitiæ tum significandæ, tum efficiendæ uim habet : ex quo sequitur, ut facile quiuis possit intelligere, imagines sanctorum, cruces, & alia id generis, quamuis sacrarum rerum signa sint, non ideo tamen sacramenta dicenda esse . Huius autem ueritatis doctrinam facile erit omnium sacramentorum exemplo comprobare, si, quod antea de baptismo ad monuimus, cum dicebamus sollemnem illam corporis ablutionem signum esse, & efficientiam habere rei sacræ, quæ interioris spiritus sancti ui fieret, idem etiam in alijs sacramentis exercere aliquis uelit . Iam uero hisce mysticis signis, quæ a  
Deo



Deo instituta sunt, illud etiam præcipue conuenit, ut ex Domini institutione non unam aliquam rē, sed plures simul significant. Quod in singulis sacramentis licet cognoscere, quæ non solum sanctitatem, & iustitiam nostram, sed præterea duo alia cum ipsa sanctitate maxime coniuncta declarant, Christi scilicet redemptoris passionem, quæ sanctitatis causa est, & uitam æternam, cælestemque beatitudinem, ad quam sanctitas nostra, tamquam ad finem, referri debet. Quod quidem cum in omnibus sacramentis perspicui possit, merito sacri doctores unicuique sacramentorum triplicem significanti uim inesse tradiderunt: tum quia alicuius rei præteritæ memoriam afferat; tum quia aliam præsentem indicet, ac demonstret; tum quia aliam futuram prænunciet. Neque uero existimandum est, hoc ita ab illis doceri, ut etiam sanctarum scripturarum testimonio nõ probetur. nam cum Apostolus ait: Quicumque baptizati sumus in Christo Iesu, in morte ipsius baptizati sumus: plane ostendit, idcirco baptismum signum dicendum esse, quod Dominicæ passionis & mortis nos admoneat. Deinde cum inquit: Consepulti enim sumus cum illo per baptismum in mortem, ut, quo modo Christus surrexit a mortuis per gloriam patris, ita & nos in nouitate uitæ ambulemus: ex his uerbis perspicuum est, baptismum signum esse, quo cælestis gratia in nos infusa declaratur: cuius munere nobis datum est, ut, nouam uitam instituentes, omnia ueræ pietatis officia facile, & libenti animo exequamur. Postremo cum addit: Si enim complantati facti sumus similitudini mortis eius, simul & resurrectionis

Rom. 6

Rom. 6

nis erimus : apparet , baptisum uitæ etiam æternæ, quam per illum consecuturi sumus , non obscuram significationem dare . Sed præter hæc quæ commemorauimus, uaria significandi genera, & rationes , sæpe etiam euenit, ut sacramentum non unam tantum rem præsentem , sed plures demonstret , ac notet. id uero sanctissimum Eucharistiæ sacramentum intuentibus facile est intelligere, quo ueri corporis , & sanguinis Domini præsentia, necnon gratia, quam non impure sacra mysteria sumentes percipiunt, designatur . Ex ijs igitur , quæ dicta sunt , Pastoribus argumenta deesse non poterunt , quibus ostendant, quanta diuinitatis potentia , quot arcana miracula sacramentis nouæ legis insint; ut ea summa cum religione colenda , & suscipienda esse , omnibus persuadeant .

Verum ad rectum sacramentorum usum docendum nihil accomodatius uideri potest , quam diligenter causas exponere , cur sacramenta institui oportuerit . Plures autem numerari solent : quarum prima est , humani ingenij imbecillitas. siquidem natura ita comparatum uidemus, ut ad earum rerum notitiam , quæ mente, atque intelligentia comprehensæ sunt , nisi per ea , quæ aliquo sensu percipiuntur , nemini adspirare liceat . Ut igitur , quæ occulta Dei uirtute efficiuntur , facilius intelligere possemus, idem summus rerum omnium artifex sapientissime fecit , ut eam ipsam uirtutem aliquibus signis , quæ sub sensum cadunt, pro sua in nos benignitate declararet . nam, ut præclare a sancto Chrysostomo dictum est, si homo corporis con-

*Sacramenta, præsertim legis euangelica, cur instituta.*

*S. Chrysostomus.*

regumentis inuoluta, ei oblata essent: quoniā uero anima corpori coniuncta est, omnino opus fuit, ut rerum, quę sentiuntur, adminiculo ad ea intelligenda uteretur. Altera uero causa est, quod animus noster haud facile cōmouetur ad ea, quę nobis promittuntur, credenda. Quare Deus a mundi exordio quę facere instituerat, uerbis quidē frequentissime indicare consuevit: interdum uero, cū opus aliquod institueret, cuius magnitudo promissi fidē abrogare posset, alia etiam signa, quę nonnumquā miraculi speciem haberent, uerbis adiunxit. nam

Exod. 3. cum Deus Moysen ad Israelitici populi liberationem mitteret; ille uero, ne Dei quidem precipientis auxilio fretus, timeret, ne onus sibi grauius imponeretur, quam ut sustinere posset; aut ne populus diuinis oraculis, & dictis fidem non adiungeret; Dominus promissionem suam multa signorū uarietate firmavit. Quemadmodum igitur in ueteri testamento Deus fecerat, ut magni alicuius promissi constantiam signis testificaretur: ita etiam in noua lege Christus, saluator noster, cū nobis peccatorum ueniam, cælestē gratiam, spiritus sancti cōmunicationem pollicitus est, quędam signa oculis, & sensibus subiecta instituit, quibus eum quasi pignoribus obligatum haberemus, atque ita fidelem in promissis futurū dubitare numquam possemus.

Tertia causa fuit, ut illa tāquam remedia, ut scribit sanctus Ambrosius, atque euangelici Samaritani medicamenta ad animarum sanitatem uel recuperandam, uel tuendam præsto essent. Virtutē enim, quę ex passione Christi manat, hoc est gratiam, quam ille nobis in ara crucis meruit, per sa-



cramenta, quasi per alueum quendam in nos ipsos deriuare oportet. aliter uero nemini ulla salutis spes reliqua esse poterit. Quare clemētissimus Dominus sacramenta, uerbo suo & promissione sancta, relinquere in Ecclesia uoluit, per quę passionis suę fructum nobis re ipsa cōmunicari sine dubitatione crederemus: si modo unusquisque nostrū ad se eam curationem pie, & religiose admoueret,

Sed quarta etiam causa accedit, cur sacramentorum institutio necessaria uideri possit: ut scilicet notę quędam, & symbola essent, quibus fideles internoscerentur, cum pręsertim nullus hominum cōtetus queat, ut etiam a D. Augustino traditum *D. August.* est, siue uere, siue falsę religionis nomine, quasi unū corpus coagmentari, nisi aliquo uisibiliū signorum fœdere coniungantur. Vtrumque igitur pręstant nouę legis sacramenta, quę & Christianę fidei cultores ab infidelibus distinguunt, & ipsos fideles sancto quodam uinculo inter se connectunt.

Pręterea, aliam etiam iustissimam fuisse causam sacramenta instituendi, ex illis Apostoli uerbis, Corde creditur ad iustitiam, ore autem confessio *Rom. 10* fit ad salutem, ostendi potest. Sacramentis enim fidem nostram in hominum cōspectu profiteri, & notam facere uidemur. Quare ad baptismum accedentes, palam testamur, nos credere, eius aque uirtute, qua in sacramento abluimur, spiritualem animę purgationem fieri. Magnam deinde uim habēt sacramenta non solum ad fidem in animis nostris excitandam, & exercendam, sed etiam eam charitatem inflammandam, qua amare inter nos debemus, cum, arctissimo nos uinculo colligatos, &



unius corporis membra effectos esse, ex sacrorum mysteriorum communione, recordamur. Postremo, quod in Christianæ pietatis studio plurimi faciendum est, humanæ mentis superbiam edomant, ac comprimunt, nosque ad humilitatem exercent; dum sensibilibus elementis subijcere nos cogimur, ut Deo obtemperemus, a quo antea impie desece-ramus, ut mundi elementis seruiremus. Hæc sunt, quæ potissimum de sacramenti nomine, natura, institutione, fideli populo tradenda esse uisa sunt: quæ posteaquam a Pastoribus accurate exposita fuerint, docere deinceps oportebit, quibus ex rebus singula sacramenta consistant, quæque sint illorum partes, ac præterea qui ritus, & cærimonix additæ illis fuerint.

*De materia  
& formæ  
sacramenti  
vni, eorūq.  
cærimonijs.*

Primum igitur explicandum est, rem sensibilem, quæ supra in sacramenti definitione posita est, non unam tantum esse, quamuis unum signum constitui credendum sit. Duo enim sunt, ex quibus quodlibet sacramentum conficitur: quorum alterum materiæ rationem habet, atque elementum dicitur; alterum formæ uim, & uerbum communi uocabulo appellatur: sic enim a Patribus accepimus. quæ in re notum est, atque apud omnes peruulgatum illud sancti Augustini testimonium, Accedit uerbum ad elementum, & fit sacramentum. Rei igitur sensibilis nomine tum materiam, siue elementum intelligunt, ut in sacramento baptismi aquam, confirmationis chrisma, & extreme unctionis oleum, quæ omnia sub aspectum cadunt; tum præterea uerba, quæ formæ rationem habent, atque ad aurium sensum pertinent. Apostolus uero utrumque aper-

*S. August.*

te in-

te indicauit, cum inquit: Christus dilexit Ecclesiam, & se ipsum tradidit pro ea, ut illam sanctificaret, mundans eam lauacro aquæ in uerbo uite. Quo in loco materia, & forma sacramenti exprimitur. Addenda autem erant uerba ad materiam, ut apertior, clariorque rei, quæ gerebatur, significatio fieret. Verba enim inter omnia signa maximam uim habere perspicuum est; ac, si ipsa desint, plane obscurum erit, quidnam materia sacramentorum designet, ac demonstret. Nam, ut in baptismo licet uidere, cum aqua non minus refrigerandi, quam abluendi uim habeat, & utriusque rei symbolum esse possit, nisi uerba addantur; utrū horum in baptismo significet, aliquis fortasse coniectura aliqua dijudicabit; nemo autem ea de re quippiam certi affirmare audebit: at cum uerba adhibentur, statim intelligimus, abluendi uim, & significationem habere.

In hoc autem nostra sacramenta antiquæ legis sacramentis plurimum præstant, quod in illis administrandis nulla, quod quidem acceperimus, definita forma seruaretur; quo etiam fiebat, ut incerta admodum, & obscura essent: nostra uero formam uerborum ita præscriptam habent, ut, si forte ab ea discedatur, sacramenti ratio constare non possit: ob eamque rem clarissima sunt, ac nullum relinquunt dubitandi locum, Hæ igitur sunt partes, quæ ad naturam, & substantiam sacramentorum pertinent, & ex quibus unumquodque sacramentum necessario constituitur. His accedunt cærimoniæ: quæ tamen prætermitti sine peccato non possunt, nisi aliud facere ipsa necessitas cogat; tamen,

si quando omittantur, quoniam rei naturam non attingunt, nihil de uera sacramenti ratione imminui credendum est. Ac merito quidem a primis usque Ecclesie temporibus illud semper seruatum est, ut sacramenta sollemnibus quibusdam ceremonijs ministrarentur. Primum enim maxime decuit, sacris mysterijs eum religionis cultum tribuere, ut sancta sancti tractare uideremur. præterea, quæ sacramento efficiuntur, ceremoniæ ipsæ magis declarant, ac ueluti ante oculos ponunt, & earum rerum sanctitatem in animos fidelium altius imprimunt. Deinde uero mentes illorum, qui eas intuentur, & diligenter obseruant, ad sublimium rerum cogitationem erigunt, fidemque in eis, & charitatē excitant: quo maior cura, & diligentia adhibenda erit, ut fideles uim ceremoniarum, quibus singula sacramēta cōficiuntur, cognitā, & perspectā habeant.

*De necessitate, numero, & utilitate sacramentorum.*

Sequitur, ut sacramentorum etiam numerus explicetur. quæ quidem cognitio hanc utilitatem affert, quod populus eo maiori pietate omnes animi sui uires ad laudandam, & prædicandam Dei erga nos singularem beneficentiam conuerteret, quo plura salutis, ac beatæ uitæ adiumenta nobis diuinitus parata esse intellexerit. Catholicæ igitur Ecclesiæ sacramenta, quemadmodum ex scripturis probatur, & Patrum traditione ad nos peruenit, & conciliorum testatur auctoritas, septenario numero definita sunt. Cur autem neque plura, neque pauciora numerentur, ex ijs etiam rebus, quæ per similitudinem a naturali uita ad spirituales transferuntur, probabili quadam ratione ostendi poterit. Homini enim ad uiuendum, uitamque conseruandam,

uandam, & ex sua, reique publicę utilitate traducendam, hæc septem necessaria uidentur; ut scilicet in lucem edatur, augeatur, alatur; si in morbum incidat, sanetur; imbecillitas uirium reficiatur: deinde, quod ad remp. attinet, ut magistratus numquam desint, quorum auctoritate, & imperio regatur; ac postremo, legitima sobolis propagatione se ipsum & humanum genus conseruet. Quę omnia quoniam uitę illi, qua anima Deo uiuit, respondere satis apparet, ex ijs facile sacramentorum numerus colligetur. Primus enim est Baptismus, ueluti ceterorum ianua, quo Christo renascimur: deinde Confirmatio; cuius uirtute fit, ut diuina gratia augeamur, & roboremur. baptizatis enim iam apostolis, ut D. Augustinus testatur, inquit Dominus, Sedere in ciuitate, donec induamini uirtute ex alto. Tum Eucharistia, qua, tamquam cibo uere cęlesti, spiritus noster alitur, & sustinetur, de ea enim dictum est a Saluatore: Caro mea uere est cibus, & sanguis meus uere est potus. Sequitur quarto loco Pænitentia; cuius ope sanitas amissa restituitur, postquam peccati uulnera accepimus. Postea uero extrema Vnctio, qua peccatorum reliquię tolluntur, & animi uirtutes recreantur: siquidem D. Iacobus, cum de hoc sacramento loqueretur, ita testatus est: Et si in peccatis sit, remittentur ei. Sequitur Ordo, quo publica sacramentorum ministeria perpetuo in Ecclesia exercendi, sacrasque omnes functiones exequendi potestas traditur. Postremo additur matrimonium, ut ex maris & femine legitima, & sancta coniunctione filij ad Dei cultum, & humani generis conserua-

D. August.

Luc. 24

Ioh. 6

Iacob 5



tionem procreentur, & religiose educuntur.

*De præstas-  
tia & dif-  
ferentia sa-  
cramento-  
rum, & co-  
rum aucto-  
re.*

*Ioan. 3*

Illud uero maxime animaduertendū est, quam-  
is omnia sacramenta diuinam, & admirabilem  
uirtutem in se contineant, tamen non parē omnia,  
& æqualem necessitatem, aut dignitatem, aut  
unam, eandemque significandi uim habere. Atque  
ex ijs tria sunt, quæ tametsi non eadem ratione, ta-  
men præ ceteris necessaria dicuntur. baptismum  
enim unicuique sine ulla adiunctione necessariū ef-  
se, Saluator his uerbis declarauit: Nisi quis rena-  
tus fuerit ex aqua, & spiritu, non potest introire  
in regnum Dei. Pænitentia uero illis tantummodo  
necessaria est, qui se post baptismum aliquo mor-  
tali peccato obstrinxerunt. neque enim æternum  
exitium effugere poterunt, nisi eos admissi peccati  
rite pænituerit. Ordo præterea, etsi non singulis fi-  
delibus, toti tamen Ecclesiæ omnino necessarius  
est. Verū si dignitas in sacramentis spectetur, Eu-  
charistia sanctitate, & mysteriorū numero, ac ma-  
gnitudine longe ceteris antecellit. quæ omnia faci-  
lius intelligentur, cum suo loco ea, quæ ad singula  
sacramenta pertinent, explicabuntur. Deinceps  
uidendum est, a quo hæc sacra, & diuina myste-  
ria acceperimus. neque enim dubitandum est, quin  
præclari alicuius muneris dignitas, eius, a quo do-  
num ipsum profectum est, dignitate, & præstantia  
quammaxime augeatur. Sed ea quæstio difficilem  
explicationem habere non potest. Nam cum Deus  
sit, qui homines iustos efficiat; ipsa uero sacramen-  
ta iustitiæ adipiscendæ mirifica quædam instrumē-  
ta sint: patet, unum eundemque Deum in Christo  
iustificationis & sacramentorum auctorem agno-  
scen-

scendum esse. Præterea, sacramenta eam vim, & efficientiam continent, quæ ad intimam animam penetrat. Cum uero unius Dei potentie proprium sit, in corda & mentes hominum illabi; ex hoc etiã perspicitur, sacramenta a Deo ipso per Christum instituta esse: quemadmodum, ab eo quoque intus dispensari, certa, & constanti fide tenendum est. hoc enim testimonium de illo se accepisse sanctus Ioan. *Ioan. I* affirmat, cū ait: Qui misit me baptizare in aqua, ille mihi dixit: super quem uideris spiritum descendentem, & manentem super eum, hic est, qui baptizat in spiritu sancto. Sed quamuis Deus sacramentorum auctor, & dispensator sit, ea tamen non per angelos, uerum per homines ministrari in Ecclesia uoluit. non minus enim ministrorū officio, quam materia, & forma, ad sacramenta cōficienda opus esse, perpetua sanctorum Patrum traditione confirmatum est. Atque hi quidem ministri, quoniã in sacra illa functione non suam, sed Christi personam gerunt, ea re fit, ut, siue boni, siue mali sint, modo ea forma, & materia utantur, quam ex Christi instituto semper Ecclesia catholica seruauit, idque facere proponant, quod Ecclesia in ea administratione facit, uere sacramenta conficiant, & conferant: ita ut gratiæ fructum nulla res impedire possit, nisi, qui ea suscipiunt, se ipsos tanto bono fraudare, & spiritui sancto uelint obsistere. Hæc uero in Ecclesia certam, & exploratam sententiam semper fuisse, sanctus Augustinus in iis disputationibus, quas aduersus Donatistas conscripsit, clarissime demonstrauit. Quod si etiam scripturę testimonia querimus; ipsum Apostolum, his uerbis loquen-

1. Cor. 3

loquentem, audiamus: Ego, inquit, plantauit; Apollo rigauit; sed Deus incrementum dedit. neque enim qui plantat, est aliquid, neque qui rigat, sed qui incrementum dat Deus. Ex quo loco satis intelligitur; quemadmodum arboribus nihil obest eorum improbitas, quorum manu satę sunt; ita nihil uitij aliena culpa contrahi illis posse, qui malorum hominum ministerio Christo insiti sunt. Quare, ut ex D. Ioannis euangelio sancti Patres nostri docuerunt, Iudas etiam Iscariotes plures baptizauit: ex quibus tamen neminem iterum baptizatum fuisse legimus: ita ut præclare D. Augustinus scriptum reliquerit: Dedit baptismum Iudas, & non baptizatum est post Iudam: dedit Ioannes, & baptizatum est post Ioannem: quia, si datum est a Iuda, baptisma Christi erat: quod autem a Ioanne datum est, Ioannis erat: non Iudam Ioanni, sed baptismum Christi, etiam per Iudę manus datum, baptismo Ioannis, etiam per manus Ioannis dato, recte præponimus.

*Sacramenta non le-  
gis impura  
conscientia  
ministrare,  
quam per-  
niciosum ip-  
sis mini-  
stris, & de  
eorum effe-  
ctu,*

Neque uero Pastores, alijue sacramentorum ministri, cum hæc audiunt, satis sibi esse arbitrentur, si, posthabita morum integritate, ac conscientię munditia, illud tantum cogitent, quo modo sacramenta ab illis rite ministrentur. id enim etsi diligenter curandum est, in hoc tamē omnia, quę ad eam functionem pertinent, posita non sunt. Meminisse autem semper debent, sacramenta diuinā quidem uirtutem, quę illis inest, numquam amittere, at uero impure ea ministrantibus eternam perniciem, & mortem afferre. Sancta enim, quod semel: atque iterum ac sepius admonere oportet, sanctę, & religiose tractanda sunt. Peccatori, ut est apud

Prophe-

Prophetam, dixit Deus : Quare tu enarras iustitias meas, & assumis testamentum meum per os tuum? tu uero odisti disciplinam. Quod si homini peccatis contaminato minus licet de rebus diuinis agere : quantum ab eo scelus concipi existimandū erit, qui sibi multorum scelerum conscius est, nec tamē sacra mysteria polluto ore conficere, uel in scēdas manus sumere, contrectare, atque alijs porrigere, & ministrare uereatur? cum pręsertim apud sanctū Dionysium scriptum sit, malis symbola (ita enim *S. Diony.* sacramenta appellat) ne contingere quidem permıssum esse. Sanctitatem igitur sacrarum rerum ministri in primis sectentur, pure ad sacramēta ministranda accedāt, atque ita se ad pietatē exerceāt, ut ex eorum frequenti tractatione, & usu uberiorē in dies gratiam, adiuuante Deo, consequantur.

Sed iam, his rebus explicatis, docendum erit, quinam sacramētorum effectus sit : id enim sacramenti definitioni, quę supra tradita est, non parū lucis allaturum uidetur. hi autem duo pręcipue numerantur. Ac principem quidem locū merito gratia illa obtinet, quam usitato a sacris doctōribus nomine iustificantem uocamus. ita enim Apostolus *Ad Eph. 5* apertissime nos docuit, cum inquit, Christū dilexissē Ecclesiam, & se ipsum tradidissē pro ea, ut illam sanctificaret, mundās eam lauacro aquę in uerbo. Quo autē pacto tanta res, & tā admirabilis per sacramentū efficiatur, ut, quemadmodū *S. Augustin. D. August.* sententia celebratum est, Aqua corpus abluat, & cor tangat; id quidem humana ratione, atque intelligentia comprehendı non potest. constitutū enim esse debet, nullam rem sensibilem suapte natura ea



ui præditam esse, ut penetrare ad animam queat. At fidei lumine cognoscimus, omnipotētis Dei uirtutem in sacramentis inesse, quā id efficiant, quod sua uires ipsę naturales præstare nō possunt. Quocirca, ne ulla umquam huius effectus dubitatio in animis fidelium resideret, cum ministrari sacramenta cœptum est, uoluit clementissimus Deus, quid illa interius efficerent, miraculorū significationibus declarare; ut eadem perpetuo interius fieri cōstantissime crederemus, quamuis longe a nostris sensibus remota essent. Itaque, ut omittamus, Saluatore nostro in Iordane baptizato, cælos apertos esse, & spiritum sanctum columbę specie apparuisse; ut admoneremur, eius gratiam, cum saluari fonte abluimur, in animam nostrā infundi: ut hoc in quā omittamus, (magis enim ad baptismi sanctificationē, quā sacramenti administrationem pertinet) nonne legimus, cum Pentecostes die apostoli spiritum sanctum acceperunt, quo deinde ad prædicandam fidei ueritatem, adeundaque pro Christi gloria pericula alacriores, & fortiores fuerunt, tunc, factō repente de cælo sonitu, tamquam adueniētis spiritus uehementis, apparuisse illis dispersitas linguas quasi ignis? ex quo intellectum est, sacramento confirmationis eundem nobis spiritum tribui, easque uires addi, quibus possimus carni, mundo, & Satanæ, perpetuis scilicet hostibus nostris, fortiter repugnare, & resistere. Atque hæc miracula, quoties Apostoli sacramenta ista ministrarent, initio nascentis Ecclesię aliquandiu uisa sunt, donec, firmata iam fide, & corroborata, fieri desierunt.

Matth. 3

Marc. 1

Luc. 3

Act. 2

*De excellen-  
tia sacramē-  
torum nouæ  
legis ad ue-  
tera compa-  
ratorum, et  
de characte-  
re.*

*Ad Heb. 9*

*2. Cor. 1*

*S. August.*

Ex ijs igitur, quę de priori sacramentorum effe-  
ctu, gratia scilicet iustificante, demonstrata sunt,  
illud etiam plane constat, excellentiorem, & pre-  
stantiorem uim sacramētis nouę legis inesse, quam  
olim ueteris legis sacramenta habuerunt: quę cum  
infirma essent, egenaque elementa, inquinatos san-  
ctificabant ad emundationem carnis, non animę.  
quare, ut signa tantum earum rerum, quę myste-  
rijs nostris efficienda essent, instituta sunt. At ue-  
ro sacramenta nouę legis, ex Christi latere manan-  
tia, qui per spiritum sanctum semet ipsum obtulit  
immaculatum Deo, emundant conscientiam nostram  
ab operibus mortuis ad seruiendum Deo uiuenti,  
atque ita eam gratiam, quam significant, Christi  
sanguinis uirtute operantur. Quocirca si ea cum  
antiquis sacramentis conferamus, præterquam  
quod plus efficacię habent, & utilitate uberiora, &  
sanctitate augustiora esse inuenientur. Alter uero  
sacramentorum effectus non quidem omnibus cō-  
munis, sed trium tantummodo proprius, baptis-  
mi, confirmationis, & ordinis sacri, est chara-  
cter, quem animę imprimunt: nam cum Apосто-  
lus ait: Vnxit nos Deus, qui & signauit nos, & de-  
dit pignus spiritus in cordibus nostris: uoce illa,  
Signauit, non obscure characterem descripsit; cu-  
ius proprium est, aliquid signare, & notare. Est au-  
tem character ueluti insigne quoddam animę im-  
pressum, quod deleri nūquam potest, ei que perpe-  
tuo inheret: de quo ita apud S. Augustinum scri-  
ptum est: An minus forte sacramenta Christiana,  
quam corporalis hæc nota, qua scilicet miles insi-  
gnitur, poterunt? illa namque militi, ad militiam,  
quam

quam deseruisset, reuertenti, nō noua imprimitur, sed antiqua cognoscitur, & approbatur. Iam uero character hoc præstat, tum ut apti ad aliquid sacri suspiciendum uel peragendum efficiamur, tum ut aliqua nota alter ab altero internoscatur. Ac baptismi quidem characterē utrumque cōsequimur, ut ad alia sacramenta percipienda reddamur idonei, & eo præterea fidelis populus a gentibus, quæ fidem non colunt, distinguatur. Idem autem in characterē cōfirmationis, & sacri ordinis licet cognoscere: quorū altero ueluti Christi milites ad eius nominis publicam confessionem, & propugnationē, ac contra insitum nobis hostem, & spiritualia nequitię in cælestibus armamur, atque instruimur, simulque ab ijs, qui nuper baptizati, tamquam modo geniti infantes sunt, discernimur; alter uero tum potestatem sacramenta conficiendi, & ministrandi coniunctam habet, tum eorum, qui eiusmodi potestate præditi sunt, a reliquo fidelium cœtu distinctionem ostendit. Tenenda igitur est catholice Ecclesię regula, qua docemur, tria hæc sacramenta characterem imprimere, neque ullo umquam tempore iteranda esse.

Hæc sunt, quæ generatim de sacramentis tradenda erunt; in cuius argumenti explicatione, Pastores duo potissimū efficere omni studio conentur. Primum est, ut fideles intelligant, quanto honore, & cultu, & ueneratione hæc diuina, & cælestia munera digna sint; alterum uero ut, quoniā a clementissimo Deo ad communē omnium salutē proposita sunt, ijs pie & religiose utantur, atque ita Christianæ perfectionis desiderio exardescant, ut, si pænitentia præsertim

fertim & Eucharistię saluberrimo usu aliquādiu careant, plurimum damni se fecisse existiment. Hęc autem facile Pastores assequi poterunt, si, quę de sacramentorū diuinitate, & fructu supra dicta sunt, auribus fidelium sēpius inculcabūt: primum a Domino, saluatore nostro, a quo nihil nisi perfectissimum proficisci potest, instituta esse: pręterea, cum ministrantur, spiritus sancti intima cordis nostri permeantis efficacissimum numen pręsto esse: dein de, admirabili, & certa curandarum animarum uirtute prędita esse: tum, per ea immensas illas Domini passiones diuitias ad nos deriuari. Postremo uero ostendent, totum Christianum ædificium firmissimo quidem lapidis angularis fundamento inniti; uerum, nisi uerbi Dei prędicatione, & sacramentorum usu undique fulciatur, magnopere uerendum esse, ne magna ex parte labefactatum cōcidat. ut enim per sacramenta in uitam suscipimur; ita hoc ueluti pabulo alimur, conseruamur, augemur.

## DE BAPTISMI SACRAMENTO.

Ex ijs quidem, quę hactenus de sacramentis uniuersę tradita sunt, cognosci potest, quam necessarium sit ad Christianę religionis uel doctrinam percipiendam, uel pietatem exercendam, ea intelligere, quę de illorum singulis credenda catholica Ecclesia proponit: sed, si quis diligentius Apostolum legerit, sine dubitatione ita statuēt; perfectam baptismi cognitionē a fidelibus magnopere requiri: adeo non solum frequenter, sed grauibus uerbis, & spiritu Dei plenis, eius mysterij memoriā renouat, diui-



diuinitatē commendat, atque in eo redemptoris nostri mortem, sepulturam, & resurrectionem nobis ante oculos tum ad contemplandum, tū ad imitandum constituit. Quare Pastores numquam se satis multam operam, & studium in huius sacramenti tractatione collocasse arbitrentur. uerum, præter eos dies, in quibus more maiorum diuina baptismi mysteria potissimum explananda essent, in sabbatho magno Pasche, & Pentecostes, quo tempore Ecclesia summa cum religione, maximisque cærimonijs hoc sacramentum celebrare consueuerat, alijs etiam diebus occasionem capient de hoc argumento differendi. Atque illud in primis tempus maxime opportunum ad eam rem uideri poterit, si interdum, cum baptismus alicui ministrandus sit, fidelis populi multitudinem conuenisse animaduenerint. tunc enim facilius multo erit, si minus liceat omnia capita, quæ ad hoc sacramentum attinent, persequi, unum saltem, aut alterum docere, cum fideles earum rerum doctrinam, quam auribus percipiunt, simul etiam sacris baptismi cærimonijs expressam uident, pioque & attento animo contemplantur. Ex quo deinde fiet, ut unusquisque, ijs rebus admonitus, quas in alio geri uideat, secū recorderetur, qua se sponsione Deo obligauerit, cum baptismo initiatus est; simulque illud cogitet, an uita, & moribus talem se præbeat, qualem ipsa Christiani nominis professio pollicetur. Vt igitur, quæ docenda erunt, dilucide exponantur; quænam sit baptismi natura, & substantia, aperiendum est, si prius tamen ipsius uocis significatio explicetur. Ac baptismus quidem græcum esse nomen nemo  
igno-

ignorat: quod etsi in sacris litteris non solum eam ablutionem, quæ cū sacramento coniuncta est, sed etiam omne ablutionis genus, quod aliquando ad passionem translatum est, significat; tamen apud Ecclesiæ scriptores non quamuis corporis ablutionem declarat, sed eam, quæ cum sacramento coniungitur, nec sine præscripta uerborum forma ministratur. qua quidem significatione Apostoli ex Christi domini instituto frequentissime usi sunt.

Alia quoque nomina ad eandem rem significandam sancti Patres usurparunt. Sacramentum enim fidei appellari, quod illud suscipientes, uniuersam Christianæ religionis fidem profiteantur, D. Augustinus testatur. Alij uero, quia fide corda nostra illuminantur, quam in baptismo profiteamur, hoc sacramentum Illuminationem uocarunt. nam & Apostolus ita inquit: Rememoramini pristinos dies, in quibus illuminati magnum certamen sustinistis passionum: tempus nimirum, quo baptizati erant, significans. Chrysostomus præterea in oratione, quam ad baptizatos habuit, tum expurgationem, quia per baptismum expurgamus uetus fermentum, ut simus noua conspersio, tum sepulturam, tum plantationem, tum crucem Christi nominat: quarum omnium appellationum causam ex epistola ad Romanos scripta licet colligere. Cur autem D. Dionysius principium sanctissimorum mandatorum uocauerit, perspicuum est; cum hoc sacramentum ueluti ianua sit, qua in Christianæ uitæ societatem ingredimur, atque ab eo diuini præceptis obtemperandi initium facimus. Atque hæc de nomine breuiter exponenda erunt.

D. August.

Hebr. 10

S. Chrys.

S. Dionys.

L Quod

*Baptismi  
pro sacra-  
mento sum-  
pti definitio,  
materia, for-  
ma, effectus.*

Quod autem ad rei definitionem attinet, et si multæ ex sacris scriptoribus afferri possunt, illa tamen aptior, & commodior esse uidetur, quã ex uerbis Domini apud Ioannẽ, & Apostoli ad Ephesios licet intelligere. nam cũ Saluator dicat: Nisi quis renatus fuerit ex aqua, & spiritu, non potest introire in regnum Dei: & Apostolus, cum de Ecclesia loqueretur: Mundans eam lauacro aque in uerbo: ita fit ut recte, & apposite definiatur, baptismum esse sacramentum regenerationis per aquam in uerbo. Natura enim ex Adam filij iræ nascimur, per baptismum uero in Christo filij misericordiæ renascimur: siquidem dedit hominibus potestatem filios Dei fieri; ijs qui credunt in nomine eius, qui non ex sanguinibus, neque ex uoluntate carnis, neque ex uoluntate uiri, sed ex Deo nati sunt. Sed quibuscumque tandem uerbis baptismi naturam explicari contigerit, docendus erit populus, hoc sacramentum confici ablutione, cui ex Domini Saluatoris instituto certa, & sollempnia uerba necessario adhibentur, quemadmodũ semper sancti Patres docuerunt. quod apertissimo illo D. Augustini testimonio demonstratur: Accedit uerbum ad elementum, & fit sacramentũ. Id uero eo diligentius monere oportebit, ne forte fideles in eum errorẽ inducantur, ut existimẽt, quod uulgo dici solitum est, aquã ipsam, quæ ad cõficiendũ baptismum in sacro fonte asseruatur, sacramentum esse. tunc enim sacramentũ baptismi dicendũ est, cum aqua ad abluendũ aliquẽ additis uerbis, quæ a Domino instituta sunt, re ipsa utimur. Iam uero, quoniam singula sacramenta ex materia, & forma constitui initio diximus, cum ge-  
nera-

*Ioan I*

*D. August.*

neratim de omnibus sacramētis ageretur, idcirco, quæ utraque sit in baptismo, a Pastoribus declarandum erit. Materiam igitur, siue elementum huius sacramenti, esse omne naturalis aquæ genus, siue ea maris sit, siue fluuij, siue paludis, siue putei, aut fontis, quæ sine ulla adiunctione aqua dici solet. nam & Saluator docuit: Nisi quis renatus fuerit ex *Ioan. 3* aqua, & spiritu, non potest introire in regnum Dei. & Apostolus inquit, Ecclesiam lauacro aque mun- *Ad Ephe. 5* datam esse. Et in B. Ioannis epistola scriptum legimus: Tres sunt, qui testimonium dant in terra, spi- *1. Ioan. 5* ritus, aqua, & sanguis. Quod etiam alijs sacrarum litterarum testimonijs comprobatur. Quod uero a Ioanne Baptista dictum est, uenturum esse Domi- *Matth. 3* num, qui baptizaret in spiritu sancto, & igne; id quidem nullo modo de baptismi materia intelligendum est; sed uel ad intimum spiritus sancti effectum, uel certe ad miraculum referri debet, quod die Pē *Act. 2* tēcostes apparuit, cum spiritus sanctus e cælo in apostolos ignis specie delapsus est: de quo alio loco Christus dominus noster prædixit: Ioannes qui- *Act. 1* dem baptizauit aqua: uos autem baptizabimini spiritu sancto non post multos hos dies.

Verum idem quoque a Domino tum figuris, tum *Figure, &* prophetarum oraculis significatum esse, ex diuinis *propheticæ antiquæ baptismi.* scripturis animaduertimus. Diluuium enim, quo *Gen. 6* mundus purgatus est, quod multa malitia hominū esset in terra, & cuncta cogitatio cordis intenta esset ad malum, huius aque figuram, & similitudinē gessisse, apostolorum Princeps in priori epistola *1. Petr. 3* ostendit. Et maris rubri transitum eiusdem aquæ significationem habuisse, D. Paulus, ad Corinthios *1. Cor. 10*



4. Reg. 5  
Ioan. 5

scribens, exposuit. ut interim mittamus tum Naaman Syri ablutionem, tum probaticę piscinę admirabilem uim, & alia id genus multa, in quibus huius mysterij symbolum inesse facile apparet.

Isa. 55

De predictiōibus autem dubitare nemo potest, quin aquę illę, ad quas tam liberaliter Isaías propheta omnes sitientes inuitat, uel quas e templo

Ezech. 47

egredientes Ezechiel in spiritu uidit, tum præterea fons ille, quem domui Dauid habitantibus Hierusalem paratum in ablutionem peccatoris, & men-

Zach. 13

struatę Zacharias prænunciauit, ad salutarem baptismi aquam indicandam atque exprimendā pertineant. Quantum uero baptismi naturę, & uirtuti consentaneum fuerit, ut eius propria materia aqua institueretur, pluribus quidem rationibus

D. Hiero.

D. Hieronymus ad Oceanum scribens demonstra-  
uit: sed quod ad hunc locū attinet, Pastores docere in primis poterunt, quoniam hoc sacramentum omnibus sine ulla exceptione ad consequendam uitam necessarium erat, idcirco aquę materiam, quę numquam non præsto est, atque ab omnibus facile parari potest, maxime idoneam fuisse. Deinde aqua effectū baptismi maxime significat. ut enim aqua sordes abluat, ita etiam baptismi uim, atque efficientiam, quo peccatorum maculę eluuntur, optime demonstrat. Accedit illud, quod, quemadmodum aqua refrigerandis corporibus aptissima est, sic baptismo cupiditatū ardor magna ex parte restinguitur. Illud uero animaduertendū est, quamuis aqua simplex, quę nihil aliud admistum habet, materia apta sit ad hoc sacramentum conficiendum, quoties scilicet baptismi ministrandi necessitas

fitas intidat; tamē ex apostolorum traditione semper in catholica Ecclesia obseruatum esse, ut, cum sollemnibus carimonijs baptismus conficitur, sacrum etiam chrisma addatur, quo baptismi effectum magis declarari perspicuum est. Docendus quoque crit populus, etsi aliquando incertum esse potest, utrum hæc an illa uera aqua sit, qualem sacramenti perfectio requirat; hoc tamen pro certo habendum esse, numquam ex alia materia, quam ex aque naturalis liquore, baptismi sacramentum ulla ratione confici posse.

Sed duarum partium, ex quibus baptismus constare debet, postquam altera, hoc est materia, diligenter explicata fuerit, studebunt Pastores eadem diligentia formam etiam tradere; quæ est altera eius pars maxime necessaria. In huius autem sacramenti explicatione, eo maiori cura, & studio elaborandum putabunt, quod tam sancti mysterij notitia non solum sua sponte fideles uehementer delectare potest, quod quidē in omni diuinarum rerū scientia cōmuniter euenit, uerum etiam ad usus ferre quotidianos summo opere expetenda est. Cū enim sæpe incidant tēpora, quemadmodū suo loco planius dicitur, in quibus tum ab alijs de populo, tū sapiissime a mulierculis baptismū ministrari oporteat; ita sit, ut promiscue omnibus fidelibus ea, quæ ad huius sacramenti substantiam pertinent, cognita, & perspecta esse debeant. Quare dilucidis & apertis uerbis, quæ facile percipi ab omnibus possint, Pastores docebunt, hanc esse perfectam & absolutam baptismi formam, Ego te baptizo in nomine patris, & filij, & spiritus sancti. Ita enim a

*Quam sit necessaria forma baptismi cognitio.*

Matth. 28

Domino, & Salvatore nostro traditum est, cum apostolis apud Mattheum præcepit: Euntes docete omnes gentes, baptizantes eos in nomine patris, & filij, & spiritus sancti. Ex illo autem uerbo, Baptizantes, catholica Ecclesia, diuinitus edocta, optime intellexit, in huius sacramenti forma actione ministri exprimendam esse: quod quidem fit, cum dicitur: Ego te baptizo. Ac quoniam, præter ministros, tum illius personam, qui baptizatur, tum principalem causam, quæ baptismum efficit, significare oportebat, idcirco illud pronomen, TE, & distincta diuinarum personarum nomina adduntur, ut absoluta sacramenti forma ijs uerbis concludatur, quæ modo exposita sunt: Ego te baptizo in nomine patris, & filij, & spiritus sancti. Neque enim sola filij persona, de quo a Ioanne scribitur; Hic est, qui baptizat; sed simul omnes sanctæ Trinitatis personæ ad baptismi sacramentum operantur. Quod autem, In nomine, non, In nominibus, dictum est; hoc plane declarat unam Trinitatis naturam, & diuinitatem. etenim hoc loco nomen, ad personas non refertur, sed diuinam substantiam, uirtutem, & potestatem, quæ una & eadem est in tribus personis, significat. Sed in hac forma, quam integram, & perfectam esse ostendimus, obseruandum est, quædam prorsus necessaria esse, quæ si omittantur, sacramentum confici non potest; quædam uero non ita necessaria, ut, si desint, sacramenti ratio non constet: cuiusmodi est uox illa, Ego: cuius uis in uerbo BAPTIZO continetur: immo uero in ecclesijs Græcorum uariata dicendi ratione prætermitti consuevit: propterea

Ioan. 1

pterea quod nullam fieri oportere ministri mentionem iudicarunt : ex quo factum est, ut in baptismo hac forma passim utantur : Baptizatur seruus Christi in nomine patris, & filij, & spiritus sancti : a quibus tamen perfecte sacramentum ministrari, ex Concilij Florentini sententia, & definitione apparet, cum ijs uerbis satis explicetur id, quod ad baptismi ueritatem attinet, nimirum ablutio, quæ tunc re ipsa peragitur. Quod si etiam aliquando tempus fuisse dicendum est, cum apostoli in nomine tantum domini Iesu Christi baptizarent ; id quidem spiritus sancti afflatu eos fecisse, exploratū nobis esse debet ; ut initio nascentis Ecclesiæ Iesu Christi nomine prædicatio illustrior fieret, diuinaque, & immensa eius potestas magis celebraretur. Deinde uero rem penitus introspectientes, facile intelligemus, nullam earum partium in ea forma de siderari, quæ ab ipso Salvatore præscriptæ sunt. qui enim Iesum Christum dicit, simul etiam patris personam, a quo unctus, & spiritum sanctum, quo unctus est, significat. Quamquam dubium fortasse uideri potest, an huiusmodi forma apostoli aliquem baptizauerint, si Ambrosij, & Basilij, sanctissimorum, & grauissimorum Patrum, auctoritatem sequi uolumus, qui ita baptismum in nomine Iesu Christi interpretati sunt, ut dixerint, ijs uerbis significari baptismum, non qui a Ioanne, sed qui a Christo domino traditus esset, tamen a cōmuni, & usitata forma, quæ distincta trium personarum nomina continet, apostoli nō discederēt. Atque hoc loquēdi genere Paulus etiam in epistola ad Galatas usus uideretur, cum inquit : Quicumque

Act. 1

Act. 8

S. Ambr.

et Basilius.

Ad Gal. 3



in Christo baptizati estis, Christum induistis: ut significaret, in fide Christi, nec alia tamen forma, quam idem Saluator & Dominus noster seruandam præceperat, baptizatos esse.

Haecenus igitur de materia, & forma, quæ ad baptismi substantiam maxime pertinet, fideles docere satis fuerit. Quoniam uero in hoc sacramento conficiendo legitimæ etiam ablutionis ratione seruari oportet; idcirco eius quoque partis doctrina a Pastoribus tradenda est, atque ab eis breuiter explicandum, communi Ecclesiæ more & consuetudine receptum esse, ut baptismus uno aliquo ex tribus modis confici posset. nam qui hoc sacramento initiari debet, uel in aquam mergitur, uel aqua in eos infunditur, uel aquæ aspersione tinguntur. Ex his autem ritibus quicumque seruetur, baptismum uere perfici credendum est. aqua enim in baptismo adhibetur ad significandam animæ ablutionem, quam efficit: quare baptismus ab Apostolo lauacrum appellatus est. Ablutio autem non magis fit, cum aliquis aqua mergitur, quod diu a primis temporibus in Ecclesia obseruatū animaduertimus; quam uel aquæ effusione, quod nunc in frequenti usu positum uidemus, uel aspersione, quemadmodum a Petro factum esse colligitur, cum uno die tria millia hominum ad fidei ueritatem traduxit, & baptizauit. Vtrum uero unica, an trina ablutio fiat, nihil referre existimandum est. utrovis enim modo & antea in Ecclesia baptismum uere confectum esse, & nunc confici posse, ex D. Gregorij Magni epistola, ad Leandrum scripta, satis apparet. Retinendus est tamen a fidelibus is ritus, quem

unus-

Ad Eph. 5

A. 7. 2

D. Gregor.

unusquisque in sua ecclesia seruari animaduertit. Atque illud præcipue monere oportet, nō quamlibet corporis partem, sed potissimum caput, in quo omnes tum interiores, tum externi sensus uigent, abluendum, simulque ab eo, qui baptizat, non ante, aut post ablutionem uerba sacramenti, quæ formam cōtinēt, sed eodem tempore, quo ablutio ipsa peragitur, pronuncianda esse. His expositis, conueniet præterea docere, atque in memoriam fidelium reducere, baptismum, quemadmodum & reliqua sacramenta, a Christo domino institutum esse. Hoc igitur Pastores frequenter docebunt, explicabūtq. duo diuersa tempora baptismi notanda esse; alterum, cum Saluator cum instituit; alterum, cum lex de eo suscipiendo sancita est. Ac, quod ad primum attinet, tunc a Domino hoc sacramentum institutum esse perspicitur, cū ipse a Ioanne baptizatus sanctificandi uirtutem aquæ tribuit. testantur enim sancti Gregorius Nazanzenus, & Augustinus, eo tempore aquæ uim generandi in spiritualem scilicet uitā datam esse. Et alio loco ita scriptum reliquit: Ex quo Christus in aqua mergitur, ex eo omnia peccata abluit aqua. Et alibi: Baptizatur Dominus, nō mūdari indigens, sed tactu mūde carnis aquas mundans, ut uim abluendi habeāt. Atque ad eam rem illud maximo argumento esse potuit, quod tunc sanctissima Trinitas, in cuius nomine baptismus conficitur, numen suum præfens declarauit. Vox enim patris audita est: filij persona aderat: & spiritus sanctus in columbe specie descendit: præterea cæli aperti sunt, quo nobis iam per baptismum licet ascendere. Quod si quis

scire

B. Gregorius Nazanzenus, & Augustinus.

Matth. 3  
Marc. 1  
Luc. 3

scire cupiat, quam ratione tanta, & tam diuina uirtus a Domino aquis tributa sit; id quidem humanam intelligentiam superat: hoc uero satis percipi a nobis potest, baptismo a Domino suscepto, sanctissimi, & purissimi eius corporis tactu aquam ad baptismi salutare usum consecratam esse; ita tamen, ut hoc sacramentum, etsi ante passionem institutum fuerit, a passione tamen, quæ omnium Christi actionum tamquam finis erat, uim, & efficientiam duxisse, credendum sit. Sed de altero etiam, quo scilicet tempore lex de baptismo lata fuerit, nullus dubitandi locus relinquitur. nam inter sacros scriptores cõuenit, post Domini resurrectionem, cū

*Mar. 16* apostolis præcepit; Euntes docete omnes gentes baptizantes eos in nomine patris, & filij, & spiritus sancti: ex eo tempore omnes homines, qui salutem æternam consecuturi erant, lege de baptismo teneri cœpisse. Quod quidem ex apostolorum Principis auctoritate colligitur, cum inquit: Regenerauit nos in spem uiuam per resurrectionem Iesu

*Matth. 28* Christi ex mortuis. Idemq. ex illo Pauli loco; Se ipsum tradidit pro ea, ut illam sanctificaret, (cum de Ecclesia loqueretur) mundans eam lauacro aquæ in uerbo; licet cognoscere, uterque enim baptismi obligationem ad tempus, quod mortem Domini consecutū est, uidetur retulisse: ut dubitandum nullo modo sit, uerba etiam illa Saluatoris, Nisi quis renatus fuerit ex aqua, & spiritu, non potest introire in regnum Dei; id ipsum tempus spectasse, quod post passionem futurum erat. Et his igitur, si accurate a Pastoribus tractentur, haud dubium esse potest, quin fideles maximam in hoc sacramento digni-

dignitatem agnoscant, ac summa animi pietate uenerentur, præsertim uero cū cogitarint, præclara illa & amplissima munera, quæ cum Christus dominus baptizaretur, miraculorum significationibus declarata sunt, singulis, cum baptizantur, intima spiritus sancti uirtute donari, atque impertiri. Ut enim si, quemadmodum Elisei puero contigit, no- 4 Reg. 5  
bis oculi ita aperirentur, ut cælestes res intueri possemus, nemo adeo communi sensu carere putandus esset, quem diuina baptismi mysteria in maximam admirationem non traducerent; cur idem etiam euenturum non existimemus, cum a Pastoribus huius sacramenti diuitiæ ita expositæ fuerint, ut eas fideles si non corporis oculis, at mentis acie, fidei splendore illuminatæ, contemplari queant?

Iam uero, a quibus ministris hoc sacramentum *Qui proprij  
ministri ba-  
ptismi.*  
conficiatur non utiliter modo, sed necessario, tradē  
dū uidetur; tum ut ij, quibus præcipue hoc munus  
commisum est, illud sancte, & religiose curare stu-  
deant; tum ut ne quis, tamquā fines suos egressus, in  
alienam possessionem intempestiue ingrediatur, uel  
superbe irrumpat, cum in omnibus ordinem ser-  
uandum esse Apostolus admoneat. doceantur igitur 1. Cor. 4  
fideles, triplicem esse eorum ordinem: ac in primo  
quidem Episcopos, & sacerdotes collocandos esse;  
quibus datum est, ut iure suo, non extraordinaria  
aliqua potestate, hoc munus exercean. ijs enim *Matth. 28*  
in apostolis præceptum est a Domino; Euntes ba-  
ptizate: quamuis Episcopi, ne grauiorem illam do-  
cendi populi curam deferere cogerentur, baptismi  
ministerium sacerdotibus relinquere soliti essent.  
Quod uero sacerdotes iure suo hanc functionem ex-  
erce-



erceant, ita ut præſente etiam Epifcopo miniſtrare baptiſmum poſſint, ex doctrina Patrum, & uſu Eccleſiæ conſtat. nam cum ad Euchariſtiam confeſcrandam inſtituti ſint; quæ eſt pacis & unitatis ſacramentum: conſentaneum fuit, poteſtatem ijs dari omnia illa adminiſtrandi, per quæ neceſſario huius pacis, & unitatis quilibet particeps fieri poſſet. Quod ſi aliquando Patres ſacerdotibus, ſine Epifcopi uenia, baptizandi ius permiſſum non eſſe dixerunt; id de eo baptiſmo, qui certis anni diebus ſollemni cærimonia adminiſtrari cõſueuerat, intelli gendum uidetur. Secundũ miniſtrorum locum obti nent Diaconi; quibus, ſine Epifcopi, aut ſacerdotis conceſſu, non licere hoc ſacramentũ adminiſtrare, plurima ſanctorum Patrum decreta teſtãtur. Extre mus ordo illorum eſt, qui, cogente neceſſitate, ſine ſollemnibus cærimonijs baptizare poſſunt: quo in numero ſunt omnes, etiã de populo, ſiue mares, ſiue femine, quãcumque illi ſectam profiteãtur. nam & Iudæis quoque, & infidelibus, & hereticis, cum neceſſitas cogit, hoc munus permiſſum eſt; ſi tamẽ id efficere propoſitũ eis fuerit, quod Eccleſia catholi ca in eo adminiſtrationis genere efficit. Hæc autem cum multa ueterum Patrum, & Conciliorũ decre ta confirmarunt; tũ uero a ſacra Tridentina Syno do anathema in eos ſancitum eſt, qui dicere audeãt baptiſmũ, qui etiã datur ab hereticis in nomine pa tris, & filij, & ſpiritus ſancti, cũ intentione faciendi quod facit Eccleſia, non eſſe uerũ baptiſmũ. In quo proſecto ſummam Domini noſtri bonitatẽ, & ſapiẽ tiã licet admirari. nã cum hoc ſacramentũ neceſſa rio ab omnibus percipiendum ſit: quemadmodum aquam,

*Concil. Tri dent.*

aquam eius materiam instituit; qua nihil magis cōmune esse potest: sic neminem ab eius administratione excludi uoluit; quamuis, ut dictum est, non omnibus liceat sollemnes cærimonias adhibere: nō quidē quod ritus, aut cærimonie plus dignitatis, sed quod minus necessitatis, quā sacramentū, habeant. Neque uero, hoc munus ita omnib<sup>9</sup> promiscue pmissū esse, fideles arbitrentur, quin ordinē aliquē ministrorū statuere maxime deceat. mulier enim si mares adsint; laicus itē præsente clerico, tum clericus coram sacerdote, baptismi administrationē sibi sumere non debent. Quāquam obstetrices, quę baptizare cōsueuerunt, improbandę non sunt, si interdū præsente aliquo uiro, qui huius sacramenti conficiēdi minime peritus sit, quod alias uiri magis proprium officium uideretur, ipsæ exequantur.

Accedit autē ad eos ministros, qui, ut hactenus *De patrinie baptizandorum.* declaratū est, baptismū cōficiunt, aliud etiam ministrorū genus, quī ad sacrā, & salutarem ablutionem celebrandam ex uetustissima catholice Ecclesie consuetudine adhiberi solent. ij nūc patrini, olim susceptores, spōsores, seu fideiussores, cōmuni uocabulo, a rerū diuinarum scriptoribus uocabātur. De quorum numero, quoniā ad omnes fere laicos pertinet, accurate a Pastoribus agendū erit; ut fideles intelligant, quæ potissimum ad illud recte perficiendū necessaria sint. In primis uero explicare oportet, quæ causā fuerit, cur ad baptismum præter sacramenti ministros patrini etiā, & susceptores adiungerētur. quod quidē optimo iure factū esse, omnibus uidebitur, si meminerint, baptismū esse spiritualement regenerationem, per quā filij Dei nascimur. de ea enim  
ita

1. Pet. 2

ita loquitur D. Petrus : Sicut modo geniti infantes rationabiles , sine dolo lac concupiscite . Vt igitur , postquam aliquis in hanc lucem editus est , nutrice & pædago indiget, quorum ope, atque opera educetur , ac doctrina , & bonis artibus erudiatur : ita etiam necesse est , ut , qui ex baptismi fonte uitam spiritualem uiuere incipiunt , alicuius fidei , & prudentiæ committantur , a quo Christianæ religionis præcepta haurire , ad omnemque pietatis rationem institui possint, atque ita paulatim in Christo adolefcere, donec tandem uiri perfecti, iuuante Domino, euadant, cum præsertim Pastoribus , qui publicæ parochiarum curationi præpositi sunt, tantum temporis non superfit , ut priuatam illam curam pueros in fide erudiendi suscipere possint. Huius autem uetustissimæ cōsuetudinis præclarum testimonium

S. Dionys.

a D. Dionysio habemus, cum inquit : Diuinis nostris ducibus (sic enim apostolos uocat) in mentem uenit , & uisum est suscipere infantes , secundum istum sanctum modum , quod naturales parentes pueri eum cuidam docto in diuinis, ueluti pædago, traderent, sub quo, sicut sub diuino patre , & saluationis sanctæ susceptore , reliquum uitæ puer

Higinus  
Papa.

degeret. Eandem uero sententiam confirmat Higinij auctoritas. Quamobrem sapientissime a sancta Ecclesia constitutum est , ut non solum is , qui baptizat, cum baptizato, sed etiamceptor cum eo, quem suscipit , & cum eius ueris parentibus affinitate deuinciatur; ita ut legitima nuptiarum fœdera inter hos omnes iniri non possint , atque inita dirimantur . Præterea docere oportet fideles , quæ sintceptoris partes . etenim hoc munus adeo negligenter

gligenter in Ecclesia tractatur, ut nudum tantum huius functionis nomen relictum sit; quid autem sancti in eo contineatur, ne suspicari quidem homines uideantur. Hoc igitur uniuerse susceptores semper cogitent, se hac potissimū lege obstrictos esse, ut spirituales filios perpetuo commendatos habeāt, atque in ijs, quæ ad Christianæ uitæ institutionem spectant, curent diligenter, ut illi tales se in omni uita præbeant, quales eos futuros esse sollemni cærimonia spoponderunt. Audiamus quid ea de re sanctus Dionysius scribat, uerba sponsoris exprimens. *S. Diony.* Spondeo puerum inducturum, cum ad sacram intelligentiam uenerit, sedulis adhortationibus meis, ut abrenunciet cōtrarijs omnino, profiteatur, peragatque diuina, quæ pollicetur. Item diuus *D. August.* Augustinus: Vos, inquit, ante omnia tam uiros, quam mulieres, qui filios in baptismo suscepistis, moneo, ut cognoscatis, fideiussores apud Deum extitisse pro illis, quos uisi estis de sacro sōte suscipere. Ac profecto decet maxime, eum, qui aliquod officium suscepit, in eo diligenter exequendo numquā defatigari; & qui se alterius pædagogum, & custodem professus est, minime pati illum esse desertum, quem semel in fidem, & clientelam suam recepit, donec illum opera, & præsidio suo egere intellexerit. Quæ autem filiis spiritualibus tradenda sint, *D. August.* paucis *D. Augustinus* comprehendit, cum de hoc ipso susceptorum officio loqueretur. ait enim: Debent eos admonere, ut castitatem custodiant, iustitiam diligant, charitatem teneant, & ante omnia Symbolum, & orationem Dominicam eos doceāt: Decalogum etiā, & quæ sint primæ Christianæ religionis



ligionis rudimenta . Quæ cum ita se habeant; facile intelligimus, cuiam hominum generi sanctę huius tutelę administratio committenda non sit, nimium ijs , qui eam gerere aut fideliter nolint, aut sedulo , & accurate non queant . Quocirca , præter naturales parentes , quibus non licet eam curationem suscipere, ut ex eo magis appareat , quantum hæc spiritualis educatio a carnali distet, hæretici in primis, Iudęi, infideles ab hoc munere omnino prohibendi sunt, ut qui in ea cogitatione, & cura semper uersentur , ut fidei ueritatem mendacijs obscurant , atque omnem Christianam pietatē euertant . Plures quoque ne baptizatum de baptismo suscipiant , sed ut unus tantum , siue uir , siue mulier , uel ad summum unus, & una , Tridentino Concilio statutum est; tum quia disciplinæ , atque institutionis ordo a multitudine magistrorum perturbari poterat: tū quia providere oportebat , ne inter plures eiusmodi affinitates coniungerentur; quę impedirent, quo minus legitimo matrimonij uinculo hominū inter homines societas latius diffunderetur.

*Quam necessaria baptis-  
mi sus-  
ceptio tam  
adultis, quam  
infantibus .*

Sed cum ceterarum rerum cognitio, quæ hactenus expositæ sunt, fidelibus utilissima habenda sit; tum uero nihil magis necessarium uideri potest, quam ut doceantur, omnibus hominibus baptis-  
mi legem a domino præscriptam esse, ita ut, nisi per baptis-  
mi gratiam Deo renascantur, in sempiternam miseriam , & interitum a parentibus , siue illi fideles , siue infideles sint, procreentur . Igitur sæpius a Pastoribus explicandum erit, quod apud Euangelistam legitur : Nisi quis renatus fuerit ex aqua , & spiritu , non potest introire in regnum

gnum Dei . Quam legem non solum de ijs , qui adulta ætate sunt , sed etiam de pueris infantibus intelligendam esse , idque ab apostolica traditione Ecclesiam accepisse , communis Patrum sententia & auctoritas confirmat . Præterea , credendum est , noluisse Christum dominum baptismi sacramentū , & gratiam pueris denegari , de quibus dicebat : Sinite paruulos , & nolite eos prohibere ad me *Matth. 19* uenire ; talium est enim regnum cælorum . quos *Marc. 10* amplexabatur , super quos manus imponebat , quos benedicebat . Deinde , cum legimus , totam *1. Cor. 1* aliquam familiam a Paulo baptizatam esse , satis apparet , pueros etiam , qui in illorum numero erant , saluari fonte ablutos esse . Deinde circumcisio , quæ figura fuit baptismi , cum morem maxime commendat . Pueros enim octauo die circum *Gen. 21* cidi solitos , nemo est , qui ignoret . Ac quibus *Leuit. 12* circumcisio manu facta in expoliatione corporis *Luc 1.2* carnis proderat , ijsdem baptismum , qui est *Colos. 2* circumcisio Christi non manufacta , prodesse perspicuum est . Postremo , ut Apostolus docet , si unius *Rom. 5* delicto mors regnauit per unum ; multo magis abundantiam gratiæ , & donationis , & iustitiæ accipientes , in uita regnabunt per unum Iesum Christum , Cum itaque per Adæ peccatum pueri ex origine noxam contraxerint ; multo magis per Christum dominum possunt gratiam , & iustitiam consequi , ut regnēt in uita : quod quidem sine baptismo fieri nullo modo potest . Quare docebunt Pastores , infantes omnino baptizandos , & deinde paulatim teneram ætatem Christianæ religionis præceptis ad ueram pietatem informandam esse . nam , ut a sa

piente præclare dictum est; Adolefcens iuxta uiam  
 fuam, etiam cum fenuerit, non recedet ab ea. Ne-  
 que enim dubitare licet, quin fidei sacramenta, cū  
 abluuntur, accipiant; non quia mentis fuę affen-  
 fione credant; fed quia parentum fide, fi parentes  
 fideles fuerint, fin minus, fide ( ut D. Auguftini  
 uerbis loquamur ) uniuerfæ focietatis fanctorum  
 muniuntur. etenim ab ijs omnibus recte dicimus  
 eos baptifmo offerri, quibus placet ut offerantur,  
 & quorum charitate ad communionē fancti fpiri-  
 tus adiunguntur. Hortandi autem funt magnopere  
 fideles, ut liberos fuos, cum primū id fine periculo  
 facere liceat, ad ecclefiam deferendos, & follemni  
 bus cęrimonijs baptizandos curent. nam cum pue-  
 ris infantibus nulla alia falutis comparandę ra-  
 tio, nifi eis baptifmus præbeatur, relicta fit; fa-  
 cile intelligitur, quam graui culpa illi fefe obftrin-  
 gant, qui eos sacramenti gratia diutius, quam  
 neceffitas poftulet, carere patiantur; cum præfer-  
 tim propter ætatis imbecillitatem, infinita pene  
 uite pericula illis impendeant. Diuerfam uero ra-  
 tionem in ijs feruandam effe, qui adulta etate funt,  
 & perfectum rationis ufum habent, qui fcilicet ab  
 infidelibus oriuntur, antiquæ Ecclefie confuetudo  
 declarat. nam Chriftiana quidem fides illis propo-  
 nenda eft, atque omni ftudio ad eam fufcipiendam  
 cohortandi, alliciendi, inuitandi funt. quod fi ad do-  
 minum Deum conuertantur; tū uero monere oportet,  
 ne ultra tempus ab Ecclefia præfcriptum, ba-  
 ptifmi sacramentum differant. nam cum fcriptum  
 fit; Non tardes conuerti ad Dominum, & ne diffe-  
 ras de die in diem: docendi funt, perfectam conuer-  
 fionem

tionem in noua per baptismū generatione positam esse; præterea, quo serius ad baptismum veniunt, eo diutius sibi carendum esse ceterorum sacramentorum usu, & gratia, quibus Christiana religio colitur, cum ad ea sine baptismo nulli aditus patere possit: deinde etiam maximo fructu priuari, quem ex baptismo percipimus: siquidem non solum omnium scelerum, quæ antea admissa sunt, maculam & sordes baptismi aqua prorsus eluit, ac tollit, sed diuina gratia nos ornat: cuius ope, & auxilio in posterum etiam peccata vitare possumus, iustitiamq; & innocentiam tueri: qua in re summam Christianæ vitæ constare facile omnes intelligunt. Sed quamuis hæc ita sint, non consuevit tamen Ecclesia baptismi sacramentum huic hominū generi statim tribuere, sed ad certum tempus differendum esse constituit. neque enim ea dilatio periculum, quod quidem pueris imminere supra dictum est, coniunctum habet cum illis, qui rationis usu præditi sunt, baptismi suscipiendi propositum, atque consilium, & male actæ uitæ pænitentia satis futura sit ad gratiam, & iustitiam, si repentinus aliquis casus impediat, quo minus saluari aqua ablui possint. Contra uero hæc dilatio aliquas uidetur utilitates afferre. Primum enim, quoniam ab Ecclesia diligenter prouidendum est, ne quis ad hoc sacramentum fictæ, & simulato animo accedat, eorum uoluntas, qui baptismum petunt, magis exploratur, atque perspicitur. cuius rei causa in antiquis Concilijs decretum legimus; ut qui ex Iudeis ad fidem catholicam ueniunt, antequam baptismus illis administraretur, aliquot menses inter catechumenos

M 2 essent:



essent: deinde, in fidei doctrina, quam profiteri debent, & Christianæ uitæ institutionibus eruduntur perfectius. Præterea, maior religionis cultus sacramento tribuitur, si constitutis tantum Paschæ, & Pentecostes diebus, sollemni cærimonia baptismum suscipiant. Sed interdum tamen baptismi tempus iusta aliqua & necessaria causa differendum non est, ueluti si uitæ periculum instare uideatur, ac præsertim si illi abluendi sint, qui iam fidei mysteria plene perceperint, quod quidem Philippum, & apostolorum Principem fecisse satis constat, cum alter Candacis reginæ eunuchum, alter Cornelium, nulla interposita mora, sed statim ut se fidem amplecti professi sunt, baptizauit.

Act. 8  
10

Docendum præterea, & populo explicandū erit, quo modo affecti esse debent, qui baptizandi sunt. in primis itaque opus est, ut uelint, propositumque illis sit, baptismum suscipere. nam cum unusquisque in baptismo peccato moriatur, & nouam uitæ rationem, & disciplinam suscipiat; æquum est, non inuito cuiquam, aut recusanti, sed illis tantum, qui sponte sua, & libenti animo accipiunt, baptismum præberi. Quare ex sancta traditione semper seruatum animaduertimus, ut nemini baptismus minissetur, nisi prius interrogatus fuerit, an uelit baptizari. Nec uero in pueris quoque infantibus eam uoluntatem deesse existimandum est, cum Ecclesiæ uoluntas, quæ pro illis spondet, obscura esse non possit. Præterea, amentes, & furiosos, qui cum aliquando compotes mentis essent, in insaniam deinde inciderunt, ut qui eo tempore nullam baptismi suscipiendi uoluntatem habeant, nisi ui-

æ periculum immineat, baptizandos non esse: cum autem in uitæ discrimine uersantur, si, ante quam furere inciperent, eius uoluntatis significationem dederunt, abluendi sunt; sin minus, a baptisimi administratione abstinendum est. Idemque iudicium de dormientibus fieri debet, quod si in mentis potestate numquam fuerunt, ita ut nullum rationis usum habuerint; eos in fide Ecclesiæ non secus, ac pueros, qui ratione carent, baptizandos esse, Ecclesiæ auctoritas, & consuetudo satis declarat. Verum, præter baptisimi uoluntatem, fides etiam ea ratione, qua de uoluntate dictum est, ad consequendam sacramenti gratiam maxime necessaria est. etenim Dominus, & Saluator noster docuit: Qui crediderit, & baptizatus fuerit, saluus erit. Deinde ut quemlibet admissorum scelerum, & male actæ uitæ pæniteat, atque ut idem in posterum a peccatis omnibus abstinere statuatur, opus est. aliter enim, qui ita baptismum peteret, ut tamen peccandi consuetudinem nollet emendare, omnino repellendus esset. nihil enim baptismi gratiæ, & uirtuti adeo repugnat, quam ebrum mens, & consilium, qui nullum umquam peccandi finem sibi constituunt. Cum itaque baptismus ob eam rem expetendus sit, ut Christum induamus, & cum eo coniungamur; plane constat, merito a sacra ablutione reiiciendum esse, cui in uitis, & peccatis perseuerare propositum est; præsertim uero, quia nihil eorum, quæ ad Christum, & Ecclesiam pertinent, frustra suscipiendum est: inanemque baptismum, si iustitiæ, & salutis gratiam spectemus, in eo futurum esse, satis intelli-

Marc. 16

Rom. 8

gimus, qui secundum carnem ambulare, non secundum spiritum, cogitat: et si quod ad sacramentum pertinet, perfectam eius rationem sine ulla dubitatione consequitur, si modo, cum rite baptizatur, in animo habeat id accipere, quod a sancta Ecclesia administratur. Quamobrè Princeps apostolorum magnæ illi hominum multitudini, qui, ut ait scriptura, compuncti corde, ab eo, & a reliquis apostolis, quid sibi faciendum esset, quæsiuerant, ita respondit: Pœnitentiam agite, & baptizetur unusquisque uestrum. & alio loco: Pœnite mini, inquit, & conuertimini, ut deleantur peccata uestra. Item beatus Paulus, ad Romanos scribens, aperte ostendit, ei, qui baptizatur, omnino moriendum esse peccatis: quare nos monet, ne exhibeamus membra nostra arma iniquitatis peccato, sed exhibeamus nos Deo, tamquam ex mortuis uiuentes. Hæc uero si fideles sepe meditati fuerint, primum quidem summam Dei bonitatem uehementer admirari cogentur, qui nihil tale merentibus, tam singulare, & diuinum baptismi beneficium sola sua misericordia adductus tribuit; deinde, cum sibi ante oculos proponent, quam aliena esse debeat ab omni crimine eorum uita, qui tanto munere ornati sunt; illud etiam in primis a Christiano homine requiri facile intelligent, ut quotidie tam sancte & religiose traducere uitam studeant, perinde ac si ea ipsa die baptismi sacramentum & gratiam consecuti essent. quamquam ad inflammandos uerè pietatis studio animos nihil magis proficiet, quam si Pastores accurata oratione explicauerint, quinam sint baptismi effectus.

Act. 2

Act. 3

Rom. 6

De his igitur quoniam sæpe agendum est, ut si- <sup>Concupi-</sup>  
 deles magis perspiciant, se in altissimo dignitatis <sup>scientia in re</sup>  
 gradu positos esse, nec se ab eo deiici ullis aduersarij <sup>natis non</sup>  
 insidijs, uel impetu, ullo umquam tempore patian- <sup>adscribitur</sup>  
 tur; hoc primum tradere oportet, peccatum, siue <sup>culpa.</sup>  
 a primis parentibus origine contractum, siue a no-  
 bis ipsis commissum, quamuis etiam adeo nefa-  
 rium sit, ut ne cogitari quidem posse uideatur, ad-  
 mirabili huius sacramenti uirtute remitti, & con-  
 donari. Id uero multo ante ab Ezechiele prænun-  
 ciatum est, per quem dominus Deus ita loquitur :  
 Effundam super uos aquam mundam, & mun- <sup>Ezech. 36</sup>  
 dabimini ab omnibus inquinamentis uestris. Et  
 Apostolus ad Corinthios, post longam peccato-  
 rum enumerationem, subiecit : Et hæc quidem fui- <sup>1. Cor. 6</sup>  
 stis, sed abluti estis, sed sanctificati estis. At-  
 que hanc doctrinam perpetuo a sancta Ecclesia  
 traditam esse, perspicuum est. Sanctus enim Au- <sup>D. August.</sup>  
 gustinus in libro, quem de baptismo paruulorum  
 conscripsit, ita testatur : Generante carne tan-  
 tum contrahitur peccatum originale : regenerante  
 autem spiritu, non solum originalium, sed etiam  
 uoluntariorum peccatorum fit remissio. Et san-  
 ctus Hieronymus ad Oceanum, Omnia, inquit, <sup>S. Hieron.</sup>  
 in baptismo condonata sunt crimina. Ac ne  
 dubitare amplius ea de re cuiquam liceret, post  
 aliorum Conciliorum definitionem, sacra etiam  
 Tridentina Synodus idem declarauit, cum a-  
 nathema in eos decreuit, qui aliter sentire au-  
 derent, quicquid asseuerare non dubitarent,  
 quamuis peccata in baptismo remittantur, ea  
 tamen prorsus non tolli, aut radicitus euelli,



sed quodam modo abradi, ita ut peccatorum radices animo infixę adhuc remaneant. Namque,

*Trid. Syn.* ut eiusdem sanctę Synodi uerbis utamur, in renatis nihil odit Deus, quia nihil damnationis est his, qui uere consepulti sunt cum Christo per baptisma in mortem: qui non secundum carnem ambulant, sed ueterem hominem exuentes, & nouum, qui secundum Deum creatus est, induentes, innocentes, immaculati, puri, innoxij, ac Deo dilecti effecti sunt. Ac fateri quidem oportet, sicut eodem loco ipsius Synodi auctoritate decretum est, in baptizatis concupiscentiam uel fomitem remanere: sed illa uere peccati rationem non habet. nam ex diuino quoque Augustini sententia, in paruulis baptizatis concupiscentię reatus absoluitur, ad agonem relinquitur. atque idem alibi testatur: Concupiscentię reatus in baptismate soluitur, sed infirmitas manet. concupiscentia enim, quę ex peccato est, nihil aliud est, nisi animi appetitio, natura sua rationi repugnans: qui tamen motus si uoluntatis consensum, aut negligentiam coniunctam non habeat, a uera peccati natura longe abest. Ac cum D. Paulus inquit; Concupiscentiam nesciebam, nisi lex diceret, Non concupisces; ex his uerbis non ipsam concupiscendi uim, sed uoluntatis uitium intelligi uoluit. Eandem doctrinam tradit D. Gregorius, ita scribens: Si qui sunt qui dicant peccata in baptismo superficie tenus dimitti, quid est hac prædicatione infidelius? cum per fidei sacramentum anima, peccatis radicitus absoluta, soli Deo inhæreat. Atque ad eam rem demonstrandam Saluatoris nostri testimonio utitur, cum apud

apud sanctum Ioannem ait: Qui lotus est, non indiget, nisi ut pedes lauet, sed est mūdus totus. Quod si cui expressam huius rei figuram, & imaginem liber intueri, proponat sibi ad contemplandum Naaman Syrii leprosi historiam, qui cū septies Iordanis aqua se abluisset, testante scriptura, ita a lepra mundatus est, ut eius caro, caro pueri uideretur. Quare baptismi proprius effectus est, peccatorum omnium, siue originis uitio, siue nostra culpa contracta sint, remissio: cuius rei causa a Domino, & Salvatore nostro institutum esse, clarissimis uerbis apostolorum Princeps, ut alia testimonia omit-  
 4.Reg.5  
 tamus, explicauit, cum inquit: Pœnitentiam agite, Act.2  
 & baptizetur unusquisque uestrum in nomine Iesu Christi in remissionem peccatorum.

Iam uero, in baptismo non solum peccata remittuntur, sed peccatorum etiam, & scelerum poenæ omnes a Deo benigne condonantur. nam, etsi omnibus sacramentis hoc commune est, ut per illa uirtus passionis Christi Domini communicetur: de solo tamen baptismo dictum est ab Apostolo, nos per ipsum Christo cōmori, & sepeliri. ex quo sancta Ecclesia semper intellexit, sine maxima sacramenti iniuria fieri non posse, ut ei qui baptismo expiandus sit, eiusmodi pietatis officia, quæ usitato nomine sancti Patres opera satisfactionis uocarunt, imponantur. Nec uero, quæ hoc loco traduntur, ueteris Ecclesiæ cōsuetudini aduersantur: quæ olim Iudæis, cū baptizarentur, præcipiebat, ut quadraginta continuos dies ieiunarent. neque enim illud institutum ad satisfactionem pertinebat; sed qui baptismum percepissent, ea ratione admonebātur,

*Per baptis-  
 mum nō so-  
 lum præce-  
 dentia pec-  
 cata, sed il-  
 lorum etiā  
 pœnas re-  
 mitti: &  
 cur non re-  
 stituatur sta-  
 tus naturæ  
 integræ.*

ut sacramenti dignitatem uenerantes, ieiunijs, & orationibus aliquandiu sine intermissione operam darent. Sed quamquam in baptismo pœnas peccatorum condonari exploratum esse debet: ab eo tamen pœnarum genere, quę ciuilibus iudicijs ob graue aliquod scelus persoluendę sunt, nemo liberatur; ita ut, qui morte dignus sit, per baptismum a pœna, quę legibus constituta est, eripiat: tamen si uolenter laudanda esset eorum Principum religio, & pietas, qui eam quoque animaduersionem, ut Dei gloria in suis sacramentis illustrior fieret, fonti bus remitterent, ac condonarent. Efficit præterea baptismus post huius uitę curriculum, pœnarum omnium, quę originale peccatum consequuntur, liberationem. siquidē merito mortis Domini factum est, ut hæc consequi possemus. Baptismo autem, ut supra dictum est, ei commorimur. Si enim, ut inquit Apostolus, complantati facti sumus similitudini mortis eius, simul & resurrectionis erimus.

Rom. 6

Quod si querat aliquis, cur statim post baptismum in hac etiam mortali uita his incōmodis non careamus, atque ad perfectum illum uitę gradum, in quo Adam primus humani generis parens ante peccatum collocatus fuerat, sacre ablutionis uirtute non transferamur; id quidem duabus potissimum de causis factum esse, respondebitur. Quarum prima est, quod nobis, qui per baptismum Christi corpori coniuncti, atque eius membra effecti sumus, plus aliquid dignitatis tribuendum non erat, quam ipsi capiti nostro tributum esset. Cum igitur Christus dominus, etsi ab initio ortus sui gratię, & ueritatis plenitudinem habuit, tamen hu-

manę

manæ naturæ fragilitatem , quam suscepit , non antea deposuit , quam passionis tormenta , & mortem pertulit , ac deinde ad immortalis uitæ gloriam resurrexit : quis miretur , cum uideat fideles , qui iam per baptismum cælestis iustitiæ gratiam adepti sunt , adhuc tamen caduco , & fragili corpore uestiri , ut , postquam multis laboribus pro Christo perfuncti , & morte obita denuo ad uitam reuocati fuerint , tandem digni sint , qui cum Christo xuo sempiterno perfruantur ? Altera uero causa , cur in nobis post baptismum infirmitas corporis , morbus , dolorum sensus , concupiscentiæ motus relinquatur , illa est , ut scilicet tamquam segetem , & materiam uirtutis haberemus , ex qua deinde uberiores gloriæ fructum , atque ampliora præmia consequeremur . nam cum patienti animo uitæ incommoda omnia toleramus , prauasque animi nostri affectiones sub rationis imperium diuina ope subijcimus , certa spe niti debemus , fore , ut , si cum Apostolo bonum certamen certauerimus , cursum consummauerimus , fidem seruauerimus , repositam quoque iustitiæ coronam reddat nobis Dominus in illa die iustus iudex . Sic uero etiam cum filiis Israel uidetur Dominus egisse : quos etsi ab Aegyptiorum seruitute , Pharaone , atque eius exercitu in mare demerso , liberauit ; tamen non statim in beatam illam promissionis terram introduxit , sed prius in multis , uariisque casibus exercuit ; ac deinde , cum eos in promissæ terræ possessionem misisset , ceteros quidem incolas e patrijs sedibus exturbauit , quasdam uero nationes reliquas fecit , quas delere nō potuerūt ,

2. Tim. 4.]



2. Cor. 4

ut populo Dei bellicæ uirtutis, & fortitudinis exercendæ occasio numquam deesset. Huc accedit, quod, si per baptismum, præter dona cælestia, quibus anima ornatur, corporis etiam bona tribueretur, dubitari merito posset, ne multi, præsentis potius uitæ commoda, quam futuræ speratam gloriam consecretantes, ad baptismum uenirent; cum tamen non falsa hæc, & incerta, quæ uidentur, sed uera, atque æterna, quæ non uidentur, bona Christiano homini semper proposita esse debeant. Sed interim tamen huius uitæ condicio, quæ miseriarum plena est, suis uoluptatibus, & lētitijs non caret.

Quid enim nobis, qui iam per baptismum, ueluti palmites, insiti sumus in Christū, iucundius aut optabilius esse potest, quam, cruce in humeros nostros sublata, eum ducem sequi, nullisque aut laboribus defatigari, aut periculis retardari, quo minus ad præmium superne uocationis Dei omni studio contendamus, alij uirginitatis lauream, alij doctrinæ, & prædicationis coronam, alij martyrij palmam, alij alia uirtutum decora a Domino accepturi?

Quæ quidem præclara laudis insignia nemini darentur, nisi prius nos ipsos in huius ærurnosæ uitæ stadio exercuissemus, atque in acie inuicti steterissemus.

*De eximijs  
baptismi  
fructibus.*

Sed ut ad baptismi effectus oratio redeat, exponendum crit, huius sacramenti uirtute nos non solum a malis, quæ uere maxima dicenda sunt, liberari, uerum etiam eximijs bonis, & muneribus augeri. Animus enim noster diuina gratia repletur; qua iusti, & filij Dei effecti, æternæ quoque salutis heredes instituimur. nam, ut scriptum est,

Qui

Qui crediderit & baptizatus fuerit, saluus erit: *Marc. 16*  
 mundatamque Ecclesiam lauacro aquæ, in uerbo *Ad Eph. 5*

Apostolus testatur. Est autem gratia, quemadmodum Tridentina Synodus ab omnibus credendū, pœna anathematis proposita, decreuit, non solum per quam peccatorum fit remissio, sed diuina qualitas in anima inherens, ac ueluti splendor quidā, & lux, quæ animarum nostrarum maculas omnes delet, ipsasq. animas pulchriores, & splendidiores reddit. Atque id ex sacris litteris aperte colligitur, cum gratiam effundi dicant, eamque spiritus sancti pignus soleant appellare. Huic autem additur nobilissimus omnium uirtutum comitatus, quæ in animam cum gratia diuinitus infunduntur. Quare, cum Apostolus ad Titum ait: Saluos nos fecit

*Ad Tit. 3*

per lauacrum regenerationis, & renouationis spiritus sancti, quem effudit in nos abunde per Iesum Christum saluatorem nostrum: D. Augustinus uerba illa, Abunde effudit, explanans, Nimirum, inquit, ad remissionem peccatorum, & copiam uirtutum. Iam uero per baptismum etiam Christo capiti tamquam membra copulamur, & connectimur. Quemadmodum igitur a capite uis manat, qua singulæ corporis partes ad proprias functiones apte exequendas mouentur: ita etiam ex Christi domini plenitudine in omnes, qui iustificantur, diuina uirtus, & gratia diffunditur: quæ nos ad omnia Christianæ pietatis officia habiles reddit. Neque uero mirum cuiquam uideri debet, si, cum tanta uirtutum copia instructi, & ornati simus, tamen non sine magna difficultate, & labore pias honestasque actiones inchoamus, uel certe absoluiamus

id

id enim ob eam rem non euenit , quod uirtutes, a quibus actiones ipsæ proficiscuntur , Dei beneficio nobis donatę non sint ; sed quoniam post baptismum acerrima cupiditatis pugna aduersus spiritum relicta est; in qua tamen contentione animo frangi , aut debilitari Christianum hominem non decet ; cum Dei benignitate freti, optima spe niti debeamus, fore, ut quotidiana recte uiuendi exerci-

*Ad Phil. 4* ratione, quęcumque pudica sunt , quęcumque iusta , quęcumque sancta , eadem etiam facilia , & iucunda uideantur; hæc libenter cogitemus , hæc alacri animo agamus , ut Deus pacis sit nobiscum. *1. Cor. 13* Pręterea , per baptismum consignamur charactere , qui ex anima deleri numquam potest : de quo , nihil est , ut plura hoc loco disserantur ; cum liceat ex ijs, quę supra dicta sunt , cum uniuerse de sacramentis ageretur , satis multa, quę ad hoc argumentum pertinent , in hunc locum transferre .

*Baptismus sine sacrilegio iterari non posse.* Sed quoniam ex characteris ui , & natura ab Ecclesia definitum est, baptismi sacramentum nulla ratione iterandum esse ; ea de re fideles , ne aliquando in errores inducantur , sepe , & diligenter a Pastoribus admonendi erunt . Hoc uero docuit Apostolus , inquiens : Vnus Dominus , una fides , unum baptisma . Deinde cum Romanos hortatur , ut mortui per baptismum in Christo cauerent , ne uitam , quam ab illo accepissent , amitterent , cum inquit : Quod enim Christus mortuus est peccato , mortuus est semel : hoc uidetur aperte significare , sicut ille mori iterum non potest , ita nobis denuo mori per baptismum non licere . Quare sancta etiam Ecclesia, se unum baptismum credere, palam profite-

proficitur . quod quidem rei nature , & rationi uehementer cōsentaneum esse , ex eo intelligitur , quod baptismus est quedā spiritalis regeneratio . Quem admodum igitur naturali uirtute semel tantum generamur , & in lucem edimur ; atque , ut D. Augustinus ait , uterus non potest repeti ; sic etiam una est spiritalis generatio , nec baptismus ullo umquā tempore iterandus est . Neque uero quisquam putet cum ab Ecclesia iterari , cum , adhibita huiusmodi uerborum formula , aliquem abluit , de quo incertū est , an baptizatus prius fuerit : Si baptizatus es , te iterū non baptizo : si uero nōdum baptizatus es , ego te baptizo in nomine patris , & filij , & spiritus sancti . ita enim nō impie iterari , sed sancte cum adiunctione baptismū administrari , dicendū est . Qua in re tamen diligenter a Pastoribus aliqua prouidenda sunt , in quibus fere quotidie non sine maxima sacramenti iniuria peccatur . neque enim desunt , qui nullum scelus admitti posse arbitrentur , si quemuis sine delectu cum adiunctione illa baptizent . quare si infans ad eos deferatur , nihil prorsus querendum putant , an is prius ablutus fuerit ; sed statim ei baptismum tribuunt : quin etiam , quamuis exploratum habeant , domi sacramentum administratum esse , tamen sacram ablutionem in Ecclesia , adhibita sollempni cærimonia , cum adiunctione repetere non dubitant . quod quidem sine sacrilegio facere non possunt : & eam maculam suscipiunt , quam diuinarum rerum scriptores Irregularitatem uocant . nam ea baptismi forma , ex Alexandri Pape auctoritate , in illis tantum permittitur , de quibus , re diligenter perquisita , dubium relin-



relinquitur, an baptismum rite susceperint. aliter uero numquam fas est, etiam cum adiunctione baptismum alicui iterum administrare. Præter cetera uero, quæ ex baptismo consequimur, illud ueluti extremum est, quo reliqua omnia uidentur referri, quod scilicet cæli aditum, propter peccatum prius interclusum, unicuique nostrum patefacit. Hæc autem, quæ in nobis baptismi uirtute efficiuntur, ex ijs plane intelligi possunt, quæ in Saluatoris baptismo contigisse, euangelica auctoritas confirmauit. Etenim cæli aperti sunt, & spiritus sanctus columbæ specie in Christum dominum descendens apparuit. ex quo significatum est, eis, qui baptizantur, diuini numinis charismata impertiri, & cælorum ianuam reserari; non quidem ut, simul atque baptizati sunt, sed ut magis opportuno tempore ingrediantur in illam gloriam, cum omnium miseriarum expertes, quæ in beatam uitam cadere non possunt, pro mortali conditione immortalitatem assequantur. Atque hi quidem sunt baptismi fructus; quos, siquidem sacramenti uim spectemus, æque ad omnes pertinere dubitari non potest; sin autem, quo quisque animo affectus ad illum suscipiendum accesserit, consideremus: plus minus ue cælestis gratiæ, & fructus ad unum aliquem, quam ad alium, peruenire omnino fateri oportet.

Matth. 3

Marc. 1

Luc. 3

De precatio-  
nibus, riti-  
bus, & ca-  
rimonijs ba-  
ptismi.

Restat nunc, ut, quæ de huius sacramenti pre-  
cationibus, ritibus, & cærimonijs tradenda sint,  
aperte, & breuiter explicetur. Nam quod Apo-  
stolus de linguarum dono admonuit, cum inquit:  
Sine fructu esse, si, quæ aliquis loquitur, a fide-  
libus

bus non intelligantur : idem fere ad ritus , & cærimonias transferri potest. imaginem enim , & significationem earum rerum præferunt , quæ in sacramento geruntur. quod si illorum signorum uim , & potestatem fidelis populus ignoret ; non magna ad modum cærimoniarum utilitas futura esse uidebitur . Danda est igitur Pastoribus opera , ut eas fideles intelligant , certoque sibi persuadeant , si minus necessariae sint , plurimi tamen faciendas , magnoque in honore esse oportere. Id uero tum instituentium auctoritas , qui sine controuersia sancti apostoli fuerunt , tum finis , cuius causa cærimonias adhiberi uoluerunt , satis docet. ita enim sacramentum maiori cum religione , ac sanctitate administrari , ac ueluti ante oculos poni præclara illa , & eximia dona , quæ in eo continentur , & in animos fidelium immensa Dei beneficia magis imprimi , perspicuum est . Sed omnes cærimonie , & preces , quibus in baptismi administratione Ecclesia utitur , ad tria capita redigendæ sunt , ut in eis explicandis certus ordo a Pastoribus seruari possit , & quæ tradita ab illis fuerint , auditorum memoria facilius retineantur . Ac primum quidem illarum genus est , quæ , antequam accedatur ad baptismi fontem , seruantur : alterum earum , quæ , cum ad ipsum fontem uentum est , adhibentur : tertium earum , quæ , peracto iam baptismo , addi solent . In primis igitur aqua paranda est , qua ad baptismum uti oportet . Consecratur enim baptismi fons , addito mystice unctionis oleo . neque id omni tempore fieri permissum est : sed more maiorum , festi quidam dies , qui omnium celeberrimi , & sanctissimi optimo iu

re habendi sunt, expectantur, in quorum uigilijs sacræ ablutionis aqua conficitur : quibus etiam tantum diebus, nisi necessitas aliter facere coegisset, in ueteris Ecclesiæ more positum fuit, ut baptismus administraretur. Sed quamuis Ecclesia hoc tempore propter communis uitæ pericula eam consuetudinem retinendam non iudicauit; tamen sollemnes illos dies Paschæ, & Pentecostes, quibus baptismi aqua consecranda est, summa cum religione adhuc obseruauit. Post aquæ consecrationem, alia deinceps, quæ baptismum antecedunt, explicare oportet. afferuntur enim, uel etiam adducuntur, qui baptismo initiandi sunt, ad ecclesiæ fores, atque ab eius introitu omnino prohibentur; quod indigni sint, qui domum Dei ingrediantur, ante quam a se turpissimæ seruitutis iugum repulerint, & totos se Christo domino, eiusque iustissimo imperio addixerint. Tum uero sacerdos ab eis exquirat, quidnam ab Ecclesia petant. quo cognito, primum eos Christianæ fidei doctrina, quam in baptismo profiteri debent, instituit: id autem Catechismo efficitur. cuius institutionis morem a Domini Saluatoris præcepto manasse, nemo dubitare potest; cum ipse apostolis iusserit: *Ite in mundum uniuersum, & docete omnes gentes, baptizantes eos in nomine patris, & filij, & spiritus sancti, docentes eos seruari omnia, quæcumque mandauimus uobis. Ex quo licet cognoscere, baptismum non esse administrandum priusquam summa saltem religionis nostræ capita exponantur. Quoniam uero Catechismi ratio ex multis interrogationibus constat, si is, qui instituitur, adulta ætate fuerit, ad ea, quæ rogantur, ipse per*

*Marc. 16*

*Matth. 28*

per se responder: si autē infans sit, pro illo sponsor  
rite responder, sollemnemq. sponsonē facit. Sequi-  
tur Exorcismus, qui ad expellendum diabolū,  
eiusq. uires frangendas, & debilitandas, sacris, & re-  
ligiosis uerbis ac precationibus conficitur. Acce-  
dunt ad Exorcismū alię cęrimonie: quarū singule,  
ut quę mystice sint, propriā, atque illustrem signi-  
ficationem habent. nam cum sal in illius os, qui ad  
baptismū adducendus est, inferitur, hoc significari  
perspicuum est, eum fidei doctrina, & gratię dono  
consecuturū esse, ut a peccatorum putredine libe-  
retur, saporemq. bonorum operum percipiat, & di-  
uinę sapientię pabulo delectetur. Ob signantur pre-  
terea signo crucis frōs, oculi, pectus, humeri, aures;  
quę omnia declarant, baptismi mysterio sensus ba-  
ptizati aperiri, ac roborari, ut Deū excipere, pręce-  
pta. eius intelligere, ac seruare possit. Postea uero  
illi nares, & aures saliuā liniuntur, statimq. ad ba-  
ptismi fontē mittitur: ut, quemadmodum cęcus ille  
euangelicus, quē Dominus iusserat oculos luto illi- I. 4m. 3  
ros siloes aqua abluerē, lumen recuperauit; ita etiā  
intelligamus sacrę ablutionis eā uim esse, ut menti  
ad cęlestē ueritatem perspicendam lumen afferat.  
His peractis, ad baptismi fontē ueniunt, ibiq. alię  
cęrimonie, & ritus adhibētur; ex quibus Christianę  
religionis summā licet cognoscere. Sacerdos enim,  
ter conceptis uerbis, eū, qui baptizandus est, inter-  
rogat. Abrenuncias Satanae, & omnibus operibus  
eius, & omnibus pōpis eius? At ille, aut eius nomi-  
ne patrinus, ad singulas interrogationes, responder:  
Abrenuncio. Igitur qui Christo nomen daturus est,  
hoc primū sancte, & religiose polliceri debet, se dū



bolum, & mundū deferere, ac nullum umquam tempus fore, in quo utrumq. ueluti hostem teterrium, nō detestetur. Post hæc, oleo cathecuminorū baptizandus inūgitur in pectore, & inter scapulas. In pectore quidē, ut per spiritus sancti donum abijciat errorem, & ignorantia, & suscipiat fidem rectā: quia iustus ex fide uiuit. Inter scapulas autē, ut per spiritus sancti gratiā, excutiat negligentiam, & torporē, ac bonam operationem exerceat: quia fides sine operibus mortua est. Deinde ad ipsū baptismi fontem consistens, interrogatur a sacerdote hoc modo: Credis in Deum patrē omnipotentem? Cui ille respōdet: Credo. Atque ita deinceps de reliquis Symboli articulis rogatus, fidē suam sollēni religione profitetur. quibus sane duabus spōsionibus omnem Christianę legis uim, & disciplinā contineri perspicuū est. Sed cum iam baptismum administrare oportet: quērit sacerdos ab eo qui baptizandus est: Num baptizari uelit? quo quidē per se, uel eius nomine, si infans sit, patrino annuēte, statim in nomine patris, & filij, & spiritus sacti, saluari aqua eum abluit. Quemadmodū enim homo sua uoluntate serpenti obediens, merito damnatus est: ita Dominus neminem ad suorū numerum nisi uoluntarium militē, adscribi uoluit; ut diuinis iussis sponte obtemperans, eternā salutem consequeretur. Iā postquam baptismus absolutus est, sacerdos summū baptismati uerticē chrismate perungit, ut intelligat se ab eo die Christo capiti tamquā membrum coniunctum esse, atq. eius corpori insitū, & ea re Christianum a Christo, Christū uerō a chrismate appellari. Quid uero chrisma significet, ex ijs satis intelligi, quæ

Gal. 3

Iacob. 2

quetunc sacerdos orat, D. Ambrosius testatur. Induit postea sacerdos baptizatū ueste alba, dicens: Accipe uestē candidam, quam immaculatam perferas ante tribunal domini nostri Iesu Christi, ut habeas uitam æternā. Infantibus uero, qui uestitu non utuntur, iisdē uerbis album sudariolum datur: quo symbolo significari sancti Patres docent tū resurrectionis gloriam, ad quā per baptismum nascimur, tum nitore, & pulchritudinem, qua, dilutis peccatorum maculis, anima in baptismo ornatur; tū innocentia, atq. integritatem, quā in omni uita baptizatus seruare debet. Et deinde cereus ardens in manū traditur: qui ostendit, fidē charitate inflammata, quam in baptismo accepit, bonorū operum studio alendam, atq. augendam esse. Ad extremum uero nomē baptizato imponitur: quod quidē ab aliquo sumendum est, qui, propter excellentē animi pietatem, & religionem in sanctorum numerum relatus est. ita enim facile fiet, ut quiuis nominis similitudine ad uirtutis, & sanctitatis imitationē excitetur; ac præterea, quem imitari studeat, eum quoq. precetur, & speret sibi aduocatū ad salutem tū animi tum corporis defendendā uenturum esse. Quare reprehendendi sunt, qui gentilium nomina, & eorum præcipue, qui omniū sceleratissimi fuerunt, tam diligenter confectantur, & pueris imponunt: cū ex eo intelligi possit, quanti Christianæ pietatis studiū faciendum existiment, qui impiorū hominum memoria tantopere delectari uidetur, ut uelint fideiū aures huiusmodi profanis nominibus undiq. circūsonare. Hęc de baptismi sacramēto si a Pastoribus explanata fuerint, nihil eorū fere prætermisum esse

uidebitur, quæ ad hanc cognitionem maxime pertinere existimanda sunt. Demonstratum est enim, quid ipsum baptismi nomen significet; quæ sit eius natura, & substantia; tum, ex quibus partibus constet. Dictum est, a quo institutus fuerit; qui ministri ad conficiendum sacramentum necessarij sint, quosue tamquam pædagogos ad sustentandam baptizati imbecillitatem adhibere oporteat. Traditum est etiam, quibus, & quemadmodum animo affectis baptismus administrari debeat; quæ sit eius uirtus, & efficiëntia: postremo, qui ritus, & ceremoniæ seruentur, quantum proposita ratio postulabat, satis copiose explicatum est. Quæ omnia ob eam præcipue causam docenda esse Pastores meminerint, ut fideles in hac cura, & cogitatione perpetuo uersentur; ut in ijs, quæ adeo sancte, & religiose spopoderunt, cum baptismo initiati sunt, fidem seruent, atque eam uitam instituant, quæ sanctissime Christiani nominis professioni respõdeat.

## D E C O N F I R M A T I O N I S

### S A C R A M E N T O .



In sacramento Confirmationis explicando Pastorum diligentia requirenda umquam fuit; nunc certe opus est, illud quæ maxime illustrare; cum in sancta Dei Ecclesia hoc sacramentum a multis omnino prætermittatur; paucissimi uero sint, qui diuinæ gratiæ fructum, quæ deberent, ex eo capere studeant. Quare fideles ita de huius sacramenti natura, ui, dignitate, tum in die Pentecostes, quo præcipue die administrari solet, tum alijs etiã diebus, cum id Pastores, cõmode fieri posse iudicauerint, docendi erunt, ut intelligant non solum negligendum non esse, sed summa cum pietate, & religion

gione suscipiendum; ne ipsorū culpa, maximoq. malo eueniat, ut frustra in eos diuinum hoc beneficiū collatum esse uideatur. Sed ut a nomine initium sumatur, Confirmationem ab Ecclesia hoc sacramentum idcirco uocari, docendum est; quoniam, qui baptizatus est, cum ab Episcopo sacro chrismate ungitur, additis sollemnibus illis uerbis; Signo te signo crucis, & confirmo te chrismate salutis, in nomine patris, & filij, & spiritus sancti, nisi aliud sacramenti efficientiam impediat, nouæ uirtutis robore firmior, atque adeo perfectus Christi miles esse incipit. In Confirmatione autem ueram & propriā sacramēti rationem catholica Ecclesia semper agnouit: quod & Melchiades Pontifex, & plures etiam *S. Melch. papa.* alij sanctissimi, & uetustissimi Pontifices aperte declarant. Ac sanctus Clemens eius ueritatis doctrinam grauiori sententia comprobare nō potuit. ait enim: Omnibus festinandum est sine mora renas- *S. Clemens papa.* ci Deo, & demum ab Episcopo consignari, idest, sepius gratiam spiritus sancti percipere: cum alioqui perfectus Christianus nequaquam esse possit is, qui iniuria, & uoluntate, non autem necessitate compulsus, hoc sacramentum prætermiserit, ut a B. Petro accepimus, & ceteri apostoli, præcipiente Domino, docuerunt. Hanc uero eandem fidem doctrina sua cōfirmarunt, qui eodem spiritu pleni pro Christo sanguinem profuderunt, Urbanus, Fabianus, Eusebius, Romani Pontifices, quem admodum ex eorum decretis licet perspicere. Accedit præterea sanctorum Patrum consentiens auctoritas: inter quos Dionysius Areopagita, Athenarum *S. Dionys.* Episcopus, cum diceret, quæ ratione hoc sa-



crum unguentum conficere, eoque uti oporteret; ita inquit : Baptizatum sacerdotes induunt ueste congrua munditiæ, ut ad Pontificem ducant : ille uero sacro, atque prorsus diuino unguento baptizatum signans, sacratissimæ communionis participē facit. Eusebius quoque Cæsariensis tantum huic sacramento tribuit, ut dicere non dubitarit; Nouatum hereticum spiritum sanctū promereri non potuisse; quia, cum baptizatus esset, in graui egritudine signaculo chrismatis nō est signatus. Sed clarissima habemus huius rei testimonia tum a D. Ambrosio in eo libro, quem de ijs, qui initiantur, inscripsit; tum a D. Augustino in libris, quos aduersus Petilianum Donatistę epistolae edidit : quorum uterque adeo de huius sacramenti ueritate nihil dubitari posse existimauit, ut eam scripturæ etiam locis doceat, ac confirmet. Quare alter quidem uerba illa Apostoli; Nolite contristare spiritum sanctum Dei, in quo signati estis : alter uero, quod in psalmis legitur; Sicut unguentum in capite, quod descendit in barbam, barbam Aaron; tum illud eiusdem Apostoli, Charitas Dei diffusa est in cordibus nostris per spiritum sanctum, qui datus est nobis; ad confirmationis sacramentum referri testatus est. Quamuis autem a Melchiade dictum sit; baptismū confirmationi maxime coniunctum esse; non idem tamen sacramentum, sed ab altero longe disiunctum, existimandum est. constat enim, uarietatem gratiæ, quam singula sacramenta tribuunt, & rei sensibus subiectæ, quę ipsam gratiam significat, efficere, ut uaria quoque & diuersa sacramenta sint. Cum igitur baptismi gratia homines in nouam

Eusebius  
Cæsariensis.

S. Ambr.

D. August.

Ad Eph. 4

Psal. 132  
Roma. 5

S. Melch.  
Cæsa.

nam uitam gignantur; confirmationis autem sacramento, qui iam geniti sunt, uiri euadant; euacuat<sup>is</sup>, quę erant paruuli: satis intelligitur, quantum <sup>1. Cor. 13</sup> in naturali uita generatio ab incremento distat, tantundem inter se differre baptismũ, qui regenerandi uim habet, & confirmationem, cuius uirtute fideles augescunt, & perfectum animi robur assumunt. Pręterea, quoniam nouum atque distinctum sacramenti genus constituendum est, ubi animus in nouam aliquam difficultatem incurrit; facile perspicitur, quemadmodum baptismi gratia ad mentem fide informandam indigemus, ita etiã maxime conducere, fidelium animos alia gratia cõfirmari, ut nullo pœnarum, suppliciorum, mortis periculo, aut metu a uerę fidei confessione deterreantur. quod quidem cum sacro Cõfirmationis chrismate efficiatur, ex eo aperte colligitur, huius sacramenti rationem a baptismo diuersam esse. Quare Melchiades Pontifex utriusque discrimen accurata oratione persequitur, ita scribens: In baptismate homo ad militiam recipitur, & in Confirmatione coarmatur ad pugnam. In fonte baptismatis spiritus sanctus plenitudinẽ tribuit ad innocentia, Confirmatione autẽ perfectionem ad gratiam ministrat: in baptismo regeneramur ad uitam, post baptismum ad pugnam cõfirmamur: in baptismo ablui mur, post baptismũ roboramur: regeneratio per se saluat in pace baptismũ recipiẽtes, Confirmatio armat, atque instruit ad agones. Verum hæc iam non solũ ab alijs Concilijs tradita, sed præcipue a sacra Synodo Tridẽtina, decreta sunt; ut iã de ijs non solũ <sup>Conc. Trid.</sup> aliter sctire, sed ne dubitare quidẽ ullo modo liceat.

S. Melch.  
papa.

Quo-

*De origine,  
aut fore, ma-  
teria, & for-  
ma sacra-  
menti Con-  
firmationis.*

*S. Fab. pa-  
pa.*

Quoniam uero supra demonstratum est, quam necessarium esset, communiter de omnibus sacramentis docere, a quonam ortum habuerint, idem etiam de Confirmatione tradere oportet; ut fideles huius sacramenti sanctitate magis afficiantur. Igitur a Pastoribus explicandum est, Christum dominum non solum eius auctorem fuisse, sed, sancto Fabiano Pontifice Romano teste, chrismatis ritum, & uerba, quibus in eius administratione catholica Ecclesia utitur, precepisse. quod quidem ijs facile probari poterit, qui Confirmationem sacramentum esse confitentur; cum sacra omnia mysteria humane naturæ uires superent, nec ab alio, quam a Deo, possint institui. Iam uero, quæ sint eius partes, ac primum quidem de materia dicendum est. Hæc autem Chrisma appellatur: quo nomine, a Græcis accepto, etsi profani scriptores quodlibet unguenti genus significant, illud tamen, qui res diuinas tradunt, communi loquendi consuetudine ad illud tantummodo unguentum accommodarunt, quod ex oleo, & balsamo, sollemni Episcopi consecratione, conficitur. Quare duæ res corporeæ permixtæ, Confirmationis materiam præbent. quæ quidem diuersarum rerum compositio quemadmodum multiplicem spiritus sancti gratiam, quæ confirmatis tribuitur, declarat; ita etiam ipsius sacramenti excellentiam satis ostendit. Quod autem ea sit huius sacramenti materia, cum sancta Ecclesia, & Concilia perpetuo docuerunt, tum a sancto Dionysio, & compluribus alijs grauissimis Patribus traditum est, in primisq. a Fabiano Pontifice, qui apostolos chrismatis consecrationem a Domino accepisse, nobis,

*S. Diony.*

*S. Fab. pa-  
pa.*

nobisque reliquisse testatus est. Neque uero ulla  
 alia materia, quam chrismatis, aptior uideri pote-  
 rat ad illud declarandum, quod hoc sacramento ef-  
 ficitur. Oleum enim, quod pingue sit, & natura sua  
 manet, ac diffuat, gratiæ plenitudinem exprimit :  
 quæ per spiritum sanctum a Christo capite in alios *Psalm. 130*  
 redundat, atque effunditur, sicut unguentum,  
 quod descendit in barbam Aaron, usque in oram *Psalm 44*  
 uestimenti eius. Vixit enim cum Deus oleo læti-  
 tiæ præ consortibus suis; ac de plenitudine eius nos *I. can. 1*  
 omnes accepimus. Balsamum uero, cuius odoratus  
 iucundissimus est, quid aliud significat, quam fide-  
 les, cum sacramento confirmationis perficiuntur,  
 eam uirtutum omnium suauitatem effundere, ut il-  
 lud Apostoli queant dicere: Christi bonus odor su- *2. Cor. 2*  
 mus Deo? Habet præterea balsamum eam uim,  
 ut, quidquid eo circumlitum fuerit, putrescere non  
 sinat: quod quidem ad huius sacramenti uirtutem  
 significandam ualde accommodatum uidetur, cum  
 plane constet, fidelium animos cælesti gratia, quæ  
 in confirmatione tribuitur, præparatos, facile a sce-  
 lerum contagione defendi posse. Consecratur autē  
 chrisma sollemnibus cærimonijs ab Episcopo. Ita  
 enim saluatorem nostrum docuisse in extrema ce-  
 na, cum chrismatis conficiendi rationem apostolis  
 commendaret, Fabianus Pontifex, sanctitate, &  
 martyrij gloria clarissimus, tradidit. Quamquam *S. Fab. Pa*  
 cur ita fieri debuerit, ratione etiam ostendi potest. *pa.*  
 etenim in plerisque alijs sacramentis Christus ita  
 eorum materiam instituit, ut sanctitatem quoque  
 illi tribuerit. non solum enim aquam elementū ba-  
 ptismi esse uoluit, cum inquit: Nisi quis renatus *I. can. 3*  
 fuerit



fuerit ex aqua, & spiritu, non potest introire in regnum Dei: sed cum ipse baptizatus est, effecit ut ea deinceps ui sanctificandi prædita esset. quare dictum

*s. Chrys.* a S. Chrysostomo: Aqua baptismi purgare peccata credentium non posset, nisi tactu Domini corporis sanctificata fuisset. Quoniam igitur Dominus hanc Cōfirmationis materiam usu ipso, & tractatione non sacrauit, necessarium est, ut sanctis, & religiosis precationibus consecretur: neque ad alium ea cōfectio, nisi ad Episcopum, pertinere potest; qui eiusdem sacramenti ordinarius minister institutus est. Sed explicanda erit præterea altera pars, ex qua sacramentum constituitur, forma scilicet, & uerba, quæ ad sacram unctionem adhibentur: monendique fideles, ut in hoc sacramento suscipiendo, tunc maxime, cum ea pronuntiari animaduertunt, ad pietatem, fidem, & religionem animos excitent, ne quid cælesti gratiæ impedimenti esse possit. His igitur uerbis Confirmationis forma absoluitur: **SIGNO TE SIGNO CRVCIS, ET CONFIRMO TE CHRISMATE SALVTIS, IN NOMINE PATRIS, ET FILII, ET SPIRITVS SANCTI.** Sed tamen, si ad ueritatem rationem quoque reuocemus, idem facile probari potest. etenim sacramenti forma ea omnia continere debet, quæ ipsius sacramenti naturam, & substantiam explicant. Atqui maxime hæc tria in Confirmatione obseruanda sunt, diuina potestas, quæ ut principalis causa in sacramento operatur; tum robur animi, & spiritus, quod per sacram unctionem fidelibus ad salutem tribuitur; deinde signum, quo notatur is, qui in certamen Chri-

stianæ

stianæ militiæ descensus est . Ac primum quidem uerba illa ; In nomine patris , & filij , & spiritus sancti ; quæ extremo loco posita sunt : alterum ea , Confirmo te chrismate salutis ; quæ in medio sunt : tertium , quæ in principio formæ locantur ; Signo te signo crucis : satis declarant . Quamquam , si etiam ratione aliqua probari non possit , hanc esse huius sacramenti ueram , & absolutam formam , Ecclesiæ catholicæ auctoritas , cuius magisterio ita semper edocti fuimus , non patitur nos ea de re quidquam dubitare .

Docere etiam Pastores debent , quibus potissimum huius sacramenti administratio cõmissa sit . *Quis prius sacramenti Confirmationis minister : & de patrinis.* Nam cum multi sint , ut est apud Prophetam , concurrant , neque tamen mittantur ; necesse est , qui ueri , & legitimi eius ministri sint , tradere , ut fidelis populus Confirmationis sacramentum , & gratiam consequi possit . Solum itaque Episcopum huius sacramenti conficiendi ordinariam potestatem habere , sacrę litteræ ostendunt . nam in Actis apostolorum legimus ; cum Samaria uerbum Dei accepisset , Petrum , & Ioannem ad eos missos esse , qui orauerunt pro ipsis , ut acciperent spiritum sanctum . nondum enim in quemquam illorum uenerat , sed baptizati tantum erant . Quo in loco licet uidere , eum , qui baptizauerat , quod tantum esset Diaconus , confirmandi potestatem nullam habuisse , sed munus illud perfectioribus ministris , hoc est apostolis , reseruatum esse . Quin etiã , ubicumque sacrę scripturę huius sacramenti mentionem faciunt , idem obseruari potest . neque ad eam rem demonstrandam desunt sanctorum Patrum

atque

*Quis prius sacramenti Confirmationis minister : & de patrinis.*

Act. 8

*Vrb. papa.* atque Pontificum, Urbani, Eusebij, Damasi, In-  
*Eusebius.* nocentij, Leonis, clarissima testimonia; quemad-  
*Damasus.* modum ex eorū decretis perspicuū est. Diuus quo-  
*Innocentius.* que Augustinus grauitur queritur de corrupta Ae-  
*Leo.* gyptiorum, & Alexandrinorum cōsuetudine, quo-  
*D. August.* rum sacerdotes audebant Confirmationis sacra-  
 mentum administrare. Ac iure quidem hoc fa-  
 ctum esse, ut eiusmodi munus ad Episcopos defer-  
 retur, hac similitudine possunt Pastores declarare.  
 Ut enim in extruendis aedificijs, etsi fabri, qui infe-  
 riores ministri sunt, cimenta, calcem, ligna, &  
 reliquam materiam parant, atque cōponunt, ab-  
 solutio tamē operis ad architectum spectat: ita etiā  
 hoc sacramentum, quo ueluti spirituale edificium  
 perficitur, a nullo alio, nisi a summo sacerdote,  
 administrari opus erat. Additur uero etiam pa-  
 trinus, quemadmodū in baptismo fieri demonstra-  
 tum est. Nam si, qui gladiatoriam dimicationem  
 subeunt, alicuius indigent, cuius arte, & consi-  
 lio doceantur, quibus ictibus, ac petitionibus, sal-  
 uis ipsis, conficere aduersarium possint: quanto  
 magis fideles, cum sacramento Confirmationis  
 quasi firmis armis tecti, ac muniti, in spiritua-  
 le certamen, cui æterna salus proposita est, descen-  
 dunt, ducis, ac monitoris indigebūt? Recte igitur  
 ad huius quoque sacramenti administrationem pa-  
 trini aduocandi sunt, quibuscum eadem spiritua-  
 lis affinitas coniungitur, quæ legitima nuptiarum  
 fœdera impedit, ut antea docuimus, cum de patri-  
 nis ageretur, qui ad baptismum adhibendi sunt.  
 Sed quoniam sepe euenit, ut fideles in hoc sacramē-  
 to suscipiendo aut præpropera festinatione, aut dis-  
 soluta

soluta quadam negligentia, & cūctatione utantur; (nam de ijs, qui ad eum impietatis gradū uenerūt, ut illud contemnere, & aspernari audeant, nihil est quod dicamus) aperiendum est etiam Pastoribus, qui, qua ætate, quo pietatis studio præditi esse debeant, quibus Confirmationē dare oportet. Atque illud in primis docendum est, hoc sacramentū eius modi necessitatē non habere, ut sine eo saluus quis esse non possit. quamquam uero necessariū non est, a nemine tamen prætermitti debet: sed potius maxime cauendum est, ne in re sanctitatis plena, per quam nobis diuina munera tam large impertiuntur, aliqua negligentia committatur: quod enim omnibus cōmuniter ad sanctificationē Deus proposuit, ab omnibus etiam summo studio experendum est. Ac sanctus quidem Lucas, cū admirabilē illā spiritus sancti effusionē describeret, ita inquit: Et factus est repente de cēlo sonus tamquam aduenientis spiritus uehementis, & repleuit totam domum. Deinde, paucis interiectis: Et repleti sunt omnes spiritu sancto. Ex quibus uerbis licet intelligere, quoniam domus illa sanctę Ecclesię figurā, & imaginem gerebat, ad omnes fideles Confirmationis sacramentum, cuius initium ab eo die ductum est, pertinere. Atque id etiam ex ipsius sacramenti ratione facile colligitur. illi enim sacro chrismate confirmari debent, quibus spirituali incremento opus est, & qui ad perfectum christianę religionis habitum perducendi sunt. at nulli id nō maxime conuenit. ut enim hoc spectat natura, ut, qui in lucem eduntur, adolescant, atque ad perfectam ætatem perueniant, etiam si interdum, quod uult,

Act. 2



vult, minus assequatur : ita communis omnium mater catholica Ecclesia uehementer optat, ut in eis, quos per baptismum regenerauit, christiani hominis forma perfecte absoluator. id autem quoniam mysticę unctiōis sacramento efficitur, perspicuum est, eam ad uniuersos fideles eque pertinere. in quo illud obseruandum est, omnibus quidem post baptismum Confirmationis sacramentū posse administrari; sed minus tamen expedire hoc fieri, ante quam pueri rationis usum habuerint. quare si duodecimus annus non expectandus uideatur; usq; ad septimum certe hoc sacramentum differre, maxime conuenit. neque enim Cōfirmatio ad salutis necessitatem instituta est, sed ut eius uirtute optime instructi, & parati inueniremur, cum nobis pro Christi fide pugnandum esset : ad quod sane pugne genus pueros, qui adhuc usu rationis carent, nemo aptos esse iudicabit. Ex his igitur efficitur, ut, qui adulta iam etate confirmandi sunt, siquidem huius sacramenti gratiam, & dona consequi cupiant, eos non solum fidem, & pietatem afferre, sed grauiora etiam peccata, quę admiserunt, ex animo dolere oporteat. Qua in re elaborandum est, ut peccata etiam prius confiteantur, & Pastorum cohortatione ad ieiunia, & alia pietatis opera suscipienda incitentur, admoneanturque, laudabilem illam antiquę Ecclesię consuetudinem renouandam esse, ut non nisi ieiuni hoc sacramentum susciperēt. quod quidem fidelibus facile persuaderi posse, existimandum est, si huius sacramenti dona, admirabilesque effectus intellexerint.

*Conc. Aur.*

Itaque Pastores docebunt, Confirmationem hoc  
cum

cum ceteris sacramentis commune habere, ut, nisi impedimētum aliquod inferatur, nouam gratiam tribuat. etenim hæc sacra, & mystica signa eiusmodi esse, demonstratum est, quæ gratiam declarant, atque efficiunt. Sed præter hæc, quæ cum alijs communia censenda sunt, primum quidem illud proprie Confirmationi tribuitur, quod baptismi gratiam perficit. qui enim per baptismum Christiani effecti sunt, quasi infantes modo geniti teneritatem adhuc & mollitiem quandam habent: ac deinde chrismatis sacramento aduersus omnes carnis, mundi, & diaboli impetus robustiores fiunt; & eorum animus in fide omnino confirmatur ad confitendū, & glorificandum nomen domini nostri Iesu Christi; ex quo etiam nomen ipsum inuentum esse nemo dubitarit. Neque enim, ut quidam non minus imperite, quam impie finxerunt, Confirmationis uocabulum ab eo deducitur, quod olim, qui infantes baptizati erant, cum iam adulti essent, ad Episcopum adducebantur, ut fidem Christianam, quam in baptismo susceperant, cōfirmarent: ita ut Confirmatio nihil a catechesi differre uideatur. cuius consuetudinis nullum probatum testimonium afferri potest; sed ab eo nomen rei impositum est, quod huius sacramenti uirtute Deus in nobis id cōfirmat, quod baptismo operari cœpit, nosque ad Christianæ soliditatis perfectionem adducit: nec uero confirmat solum, sed auget etiā: de quo Melchiades ita testatur: *S. Melch. papa.* Spiritus sanctus, qui super aquas baptismi salutifero descendit illapsu, in fonte plenitudinem tribuit ad innocentiam; in Cōfirmatione augmentum præstat

*Conc. Trid.*

*S. Melch. papa.*

Luc 24

stat ad gratiam; deinde non auget modo, sed admirabili quadam ratione auget. Hoc autem pulcherrime indumenti translatione scriptura significauit, atque expresit: ait enim Dominus saluator, cum de hoc sacramento loqueretur: Sedete in ciuitate, quoad usque induamini uirtute ex alto. Quod si pastores uoluerint diuinā huius sacramenti efficientiam ostendere; (hoc uero ad commouendos fideiū animos maximam uim habiturū esse, dubitari non potest) satis erit, quid ipsis apostolis euenerit, explicare. Illi enim ante passionē, uel sub ipsam passionis horā adeo infirmi, & remisii fuerunt, ut, cum Dominus comprehensus est, statim se in fugam coniecerint, Petrus uero, qui ecclesiæ petra, & fundamentum designatus erat, & summam constantiam excelsique animi magnitudinē præfeturat, unius mulierculæ uoce perterritus, se Iesu Christi discipulum esse, non semel aut iterum, sed tertio negauerit; ac post resurrectionem omnes propter metum Iudeorū inclusi domi se continuerint. At uero in die Pentecostes tanta spiritus sancti uirtute omnes repleti sunt, ut, dum euangeliū, quod eis commissum erat, non solū in Iudæorū regione, sed uniuerso orbe audacter, & libere dispergerent, nihil sibi felicius accidere posse existimauerint, quam quod digni haberentur, qui pro Christi nomine contumeliam, uincula, tormenta, crucces perferrent. Habet præterea Confirmatio eam uim, ut characterem imprimat: quo fit, ut nulla umquam ratione iterari possit: quod etiam in baptismo supra obseruatum est: ac de sacramento ordinis quoque suo loco planius exponetur. Hęc igitur

Act. 2

Act. 5

tur si a Pastoribus sepe, & accurate explicata erunt; uix fieri poterit, quin fideles, cognita huius sacramenti dignitate, atque utilitate, illud summa cum diligentia sancte, & religiose suscipere studeant. Restat nunc, ut aliqua etiam de ritibus & cærimonijs, quibus in hoc sacramento administrando catholica Ecclesia utitur, breuiter perstringantur: quæ explicatio quanto usui futura sit, Pastores intelligent, si quæ antea dicta sunt, cum hic locus tractaretur, repetere uoluerint. Qui igitur confirmantur sacro chrismate, in fronte ununtur: nam hoc sacramento spiritus sanctus in animos fidelium sese infundit, in eisque robur, & fortitudinem auget, ut in spiritali certamine uiriliter pugnare, & nequissimis hostibus resistere queat. Quo circa declaratur, eos nullo metu, aut uerecundia, quarum affectionum signa maxime in fronte solent apparere, a libera Christiani nominis confessione absterrendos esse. Præterea nota illa, qua Christianus a ceteris ueluti miles insignibus quibusdam ab alijs distinguitur, in illustriori corporis parte imprimenda erat. Sed illud quoque sollempni religione in Ecclesia Dei seruatum est, ut in Pentecoste Act. 2 præcipue hoc sacramentum administraretur; quod hoc maxime die apostoli, spiritus sancti uirtute roborati, & confirmati sint; cuius diuini facti recollectione fideles admonerentur, quæ, quantaque mysteria in sacra unctione cogitanda essent. Deinde uero, qui unctus, & confirmatus est, ut meminerit se tamquam fortem athletam paratum esse oportere ad omnia aduersa inuiecto animo pro Christi nomine ferenda, manu leuiter in maxilla ab



Phil. 4

Episcopo cæditur. Postremo autem pax ei datur, ut intelligat se gratiæ cælestis plenitudinem, & pacem, quæ exuperat omnem sensum consecutū esse. Atque hæc summa eorum sit, quæ de chrismatis sacramento a Pastoribus non tam quidem nudis uerbis, & oratione, quam inflammato quodā pietatis studio explicanda sunt, ut ea in animis, intimisque fidelium cogitationibus inferere uideantur.

## D E E U C H A R I S T I A E S A C R A M E N T O .



1. Cor. 11

VENIADMODVM ex omnibus sacris mysterijs, quæ nobis tamquam diuinæ gratiæ certissima instrumenta Dominus saluator noster commendauit, nullum est, quod cum sanctissimo Eucharistiæ sacramento comparari queat: ita etiam nulla grauior alicuius sceleris animaduersio a Deo metueda est, quam si res omnis sanctitatis plena, uel potius quæ ipsum sanctitatis auctorem, & fontem continet, neque sancte, neque religiose a fidelibus tractetur. id uero Apostolus & sapienter uidit, & de eo nos aperte admonuit. nam cum declarasset, quāto illi scelere obstricti essent, qui corpus Domini nō diiudicarent, statim subiecit: Ideo inter uos multi infirmi & imbecilles, & dormiūt multi. Vt igitur fidelis populus, cū cælesti huic sacramēto diuinos honores tribuēdos esse intellexerit, & gratiæ uberes fructus capiat, & iustissimam Dei iram efugiat, illa omnia a Pastoribus diligentissime exponēda erunt, quæ eius maiestatem imago illustra-

re posse uideantur. Qua in re opus erit, ut Pauli apostoli rationem secuti, qui se, quod a Domino acceperat, Corinthijs tradidisse professus est, in primis huius sacramenti institutionem fidelibus explicent. ita uero gestam rem esse, ex Euangelista *Ioan. 13* perspicue colligitur. Cū enim Dominus dilexisset suos, in finem dilexit eos. cuius quidem amoris ut diuinum aliquod, atque admirabile pignus daret, sciens horam iam aduenisse, ut transiret ex hoc mūdo ad Patrem; ne ullo umquā tempore a suis abesset, inexplicabili consilio, quod omnem nature ordinem, & condicionem superat, perfecit. Etenim celebrata cum discipulis agni paschalis cena, ut figura ueritati, umbra corpori cederet, panem accepit, Deoque gratias agens benedixit, ac fregit, *Matth. 26* *Marc. 14* *Luc. 22* deditque discipulis suis, & dixit: Accipite, & manducate: Hoc est corpus meum, quod pro uobis tradetur: hoc facite in meā commemorationem. Similiter & calicem accepit postquam cenauit, dicens: Hic calix nouum testamētum est in meo sanguine; hoc facite, quotiescumque bibetis, in meā cōmemorationem. Huius ergo admirabilis sacramenti dignitatem, atque excellentiam, cum sacri scriptores fieri nullo modo posse intelligerent, ut uno uocabulo demonstrarent, pluribus eam nominibus exprimere conati sunt. interdum enim Eucharistiam appellant: quod uetbum uel bonam gratiam, uel gratiarum actionem latine reddere possumus. Ac recte quidem, bona gratia, dicendum est; tum quia uitam æternā, de qua scriptum est, Gratia Dei uita æterna, præsignificat; tum *Rom. 6* quia Christum dominum, qui uera gratia, atque

omnium charismatum fons est, in se continet. Nec vero minus apte gratiarum actionem interpreta-  
mur: si quidem cum hanc purissimam hostiam im-  
molamus, immensas quotidie gratias pro uniuersis  
in nos beneficijs Deo agimus, atque in primis pro  
eius gratiæ tam excellēti bono, quam nobis hoc sa-  
cramento tribuit. Sed id ipsum etiam nomen cū

*Math. 26* ijs, quæ a Christo domino gesta esse in hoc mysterio  
*Marc. 14* instituendo legimus, optime conuenit. Etenim pa-  
*Luc. 22* nem accipiens fregit, ac gratias egit. David quoque  
*1. Cor. 11* cum huius mysterij magnitudinem contemplaretur,  
*Psal. 110* ante quam carmen illud pronunciaret; Memo-  
riam fecit mirabilium suorum misericors & mise-  
rator Dominus, escam dedit timentibus se; gratia-  
rum actionem preponendam existimauit, cum in-  
quit: Confessio, & magnificentia opus eius. Fre-  
quenter etiam nomine sacrificij declaratur: de quo  
mysterio paulo post latius dicendum erit. Vocatur  
præterea communio: quod uerbū ex illo Apostoli

*1. Cor. 10* loco sumptū esse liquet, ubi ait: Calix benedictio-  
nis, cui benedicimus, nōne cōmunicatio sanguinis  
Christi est? & panis, quē frangimus, nōne participa-

*Damasce-  
nus.* tio corporis Domini est? Nam, ut Damascenus ex-  
planauit, hoc sacramentū Christo nos copulat, atq.  
eius carnis, & deitatis participes efficit, nosq. inter  
nos in eodem Christo conciliat, ac coniungit, & ue-  
luti unum corpus coagmentat. Ex quo factum est,  
ut sacramentum etiam pacis, & charitatis dicere-  
tur; ut intelligeremus, quam indigni sint Christia-  
no nomine, qui inimicitias exercent, odiaque, dis-  
sidia, & discordias, ut teterrimas fidelium peltes,  
omnino exterminandas esse: cū præsertim quoti-  
dian

diano religionis nostræ sacrificio, nihil nos studio-  
sius seruare quam pacem, & charitatem, profitea-  
mur. Sed uiaticum etiam frequenter a sacris scri-  
ptoribus appellatur; tum quia spiritualis cibus est,  
quo in huius uitæ peregrinatione sustentamur; tum  
quia uiam nobis ad æternam gloriam, & felicitate-  
tem munit. Quare ex ueteri Ecclesiæ catholicæ in-  
stituto seruari uidemus, ut nemo fidelium sine hoc  
sacramento e uita excedat. Ac uetustissimi quidē *1. Cor. 11*  
Patres, Apostoli auctoritatem secuti, cenę etiam  
nomine sacram Eucharistiā interdum uocarunt,  
quod in illo nouissime cenę salutari mysterio a  
Christo domino sit instituta. Neq. uero propterea  
a cibo, aut potione Eucharistiā conficere, aut sume-  
re licet; quod ab apostolis salutariter introducta  
consuetudo, quemadmodū ueteres scriptores me- *D. August.*  
morie prodiderunt, perpetuo retenta, ac seruata  
est, ut a ieiunis tantum perciperetur. Sed, expli-  
cata nominis ratione, docendum erit, hoc uerū es-  
se sacramentum, atque unum ex septem illis, quę  
sancta Ecclesia semper religiose coluit, ac uenerata  
est: nam cum calicis consecratio sit, mysterium fi-  
dei appellatur. Pręterea, ut infinita pene sacrorū  
scriptorum testimonia omittamus, qui hoc inter  
uera sacramenta numerandum esse, perpetuo sen-  
serunt; ex ipsa ratione, & natura sacramenti idem  
conuincitur. etenim in eo signa sunt externa, &  
sensibus subiecta. habet deinde gratię significatio-  
nem, & efficientiam. pręterea de Christi institu-  
tione neque euangelistę, neque Apostolus dubi-  
tādi locum relinquunt. Quę omnia cum in unum  
conueniant ad sacramenti ueritatem confirman-



dam; nullis alijs argumentis opus esse perspicitur. Sed illud diligenter Pastoribus obseruandum est, multa in hoc mysterio esse, quibus aliquando sacramenti nomen sacri scriptores tribuerunt. interdū enim & consecratio, & perceptio, frequenter uero & ipsum Domini corpus, & sanguis, qui in Eucharistia continetur, sacramentum uocari consue-

**D. Augst.** uit. ait enim D. Augustinus, sacramentum hoc duobus constare, uisibili scilicet elementorum specie, & inuisibili carne, & sanguine ipsius domini nostri Iesu Christi. Atque ad eundem modum hoc sacramentum adorandum esse, nimirum corpus & sanguinem Domini intelligentes, affirmamus. Verum hæc omnia minus proprie sacramenta dici perspicuum est. Ipsæ autem panis & uini species ueram & absolutam huius nominis rationem habent. Sed quantum hoc sacramentum a reliquis omnibus differat, facile colligitur. nam cetera sacramenta materiæ usu perficiuntur, dum scilicet alicui administrari ea contingit. Baptismus enim sacramenti naturā tunc adipiscitur, cū re ipsa homo aqua abluitur: at uero ad Eucharistiæ perfectionem satis est ipsius materiæ consecratio: utrumque enim sacramentum esse non desinit, quamuis in pyxide asseruetur. Deinde in conficiendis alijs sacramentis nulla fit materiæ, atque elementi in aliā naturam mutatio. Etenim baptismi aqua, aut chrismatis oleum, cum illa sacramenta administrantur, priorem aquæ, & olei naturam non amittunt: in Eucharistia uero, quod panis, & uinum ante consecrationem erat, confecta consecratione, uere est corporis & sanguinis Domini substantia. Li-

cet autem duo sint elementa, panis scilicet, & uinum, ex quibus integrum Eucharistię sacramentum conficitur: non tamen plura sacramenta, sed unum tantum esse, Ecclesię auctoritate docti confitemur. aliter enim septenarius sacramentorũ numerus, quemadmodum semper traditum, atque a Concilijs, Lateranensi, Florentino, & Tridentino, decretum est, constare non poterit. nam cum huius sacramenti gratia unũ corpus mysticum efficiatur, ut sacramentum ipsum rei, quam efficit, conueniat; unũ esse oportet, atque unũ quidẽ, non quia indiuiduum sit, sed quia unius rei significationem habet. Nam quemadmodũ cibus, & potio, quę duę diuersę res sunt, ad unã tantum rem adhibetur, ut scilicet uires corporis reficiantur: ita etiam duas illis diuersas sacramenti species respõdere, consensaneum fuit, quæ cibum spirituales significarent, quo mentes sustineretur, & recreantur. Quare a Domino saluatore dictum est: Caro mea uere est ci- Ioan. 6  
bus, & sanguis meus uere est potus. Sed diligenter explicandum est, quid Eucharistię sacramentum significet; ut fideles sacra mysteria oculis intuentes, simul etiam diuinarum rerum contemplatione animum pascant. Tria uero sunt, quę nobis hoc sacramento indicantur. Primum est Christi domini passio, quæ iã præterijt: ipse enim docuit; Hoc, facite in meam commemorationem: & Aposto- Luc. 22  
lus testatus est; Quotiescumque manducabitis pa- 1. Cor. 11  
nem hunc, & calicem biberis, mortem Domini annuntiabitis, donec ueniat. Alterum est diuina, & cælestis gratia, quæ præsens ad animam alendam, & conseruandam hoc sacramento tribuitur. Quẽ-  
admo-

admodum enim baptismo in nouam uitam gignimur, Cōfirmatione roboramur, ut Satanae repugnare, & palam Christi nomen profiteri possimus; ita Eucharistiæ sacramento alimur, ac sustentamur. Tertium est, quod futurum prænunciat, æternæ iucunditatis, & gloriæ fructus, quem in cælesti patria ex Dei promissione capiemus. Hęc igitur tria quæ instantis, præteriti, & consequentis temporis uarietate distingui perspicuum est, sacris myste-rijs ita significantur, ut totum sacramentū, quamuis ex diuersis speciebus constet, ad singula horum declaranda, tamquam ad unius rei significatio-nem, referatur. Sed in primis cognoscenda est a Pastoribus huius sacramenti materia; tum ut ipsi rite illud possint conficere; tum etiam ut fideles ad moneantur, cuius rei symbolum sit, atque eius rei, quam significat, studio, & desiderio exardescant. Duplex itaque est huius sacramenti materia, altera panis ex tritico confectus, de qua primo agetur: de altera postea dicendum erit. Nam, ut docent

*Matth. 26* euangelistæ Matthæus, Marcus, & Lucas, Chri-  
*Marc. 14* stus dominus panem in manus accepit, benedixit,  
*Luc. 22* & fregit, dicens; Hoc est corpus meum. Apud Io-  
*Ioan. 6* annem quoque idē Saluator noster se ipsum panē  
 appellauit, cum inquit: Ego sum panis uiuus, qui  
 de cælo descendi. Cum autē uaria sint panis gene-  
 ra, uel quia materia differunt, ut cum alius ex triti-  
 co, alius ex ordeo, aut ex leguminibus, ceterisq. ter-  
 re fructibus confectus est, uel quia diuersis qualita-  
 tibus præditi sunt: (uni enim fermentum additur,  
 alter uero fermēti omnino expers esse potest) quod  
 ad primum attinet, Saluatoris uerba ostendunt  
 panem,

panem ex tritico confici oportere, communi enim loquendi cōsuetudine, cum panis absolute dicitur, panem ex tritico intelligi satis constat. Id etiam ueteris testamenti figura declaratur. præceptum enim a Domino fuerat, ut panes propositionis, qui hoc sacramentum significabant, ex simila conficerentur. Sed quemadmodum nullus panis, nisi triticeus, apta ad sacramentum materia putandus est; ( hoc enim apostolica traditio nos docuit, & Ecclesiæ catholicæ auctoritas firmavit ) ita etiam ex ijs, quæ Christus dominus gesit, azymum esse debere, *Matth. 26* facile intelligitur. ipse enim primo azymorum die, *Marc. 14* quo nihil fermentati domi habere Iudæis licebat, *Luc. 22* hoc sacramentum confecit, atque instituit. Quod si quis Ioannis euangelistæ auctoritatem opponat, qui hæc omnia ante festum diem Paschæ acta esse cōmemorat, ea ratio facile dissolui potest. Etenim quem primum azymorum diem ceteri euangelistæ appellarunt, quod feria quinta uesperis dies festi azymorum inciperent, quo tempore Saluator noster Pascha celebrauit; eum ipsum diem Ioannes pri- *Ioan. 13* die Paschæ fuisse describit; ut qui diei naturalis spatium, quod ab oriente Sole inchoatur, in primis notandum existimarit. Quapropter diuus etiam Chrysostomus primum azymorum diem interpretatur eum diem, quo ad uesperam azyma comedenda essent. Sed azymi panis consecratio quantum conueniat integritati, & mentis munditiæ, quā fideles ad hoc sacramentum afferre debent, ab Apostolo docemur, cum inquit: Expurgate uetus fermentum, *1. Cor. 5* ut sitis noua conspersio, sicut estis azymi: etenim Pascha nostrū immolatus est Christus; itaque epulemur



lemur non in fermento ueteri, neque in fermento malitiæ, & nequitia, sed in azymis sinceritatis, & ueritatis. Neque tamen ea qualitas adeo necessaria existimanda est, ut, si illa panis desit, sacramentū confici non possit; utrumque enim panis genus ueram & propriam panis rationem, & nomen habet. Quamquam nemini licet priuata auctoritate, uel potius temeritate laudabilem ecclesiæ suæ ritum immutare: atque eo minus id facere Latinis sacerdotibus permissum est, quibus præterea Pontifices Max. præceperunt, ut ex azymo tantum sacra mysteria conficerent. Atque hæc de altera huius sacramenti materia exposuisse satis sit: in quo tamen illud animaduertendum est, quam multa materia ad sacramentum conficiendum uti oporteat, definitum non esse; cum illorum etiam certus numerus definiri nequeat, qui aut possint, aut debeant sacra mysteria percipere. Superest, ut de altera huius sacramenti materia, & elemento dicatur. est autem uinum ex uitis fructu expressum, cui modicum aquæ permixtum sit. nam Dominum saluatorem uino in huius sacramenti institutione usum esse, catholica Ecclesia semper docuit, cum ipse dixerit; Non bibam amodo de hoc genimine uitis usque in diē illum. Quo in loco Chrysostomus, De genimine, inquit, uitis, quæ certe uinum, non aquam, produxit. Ut tanto ante illorum hæresim, qui aquam solam in hisce mysterijs adhibendam senserunt, conuellere uideretur. Aquam uero, Dei Ecclesia uino semper admiscuit; primum, quod id a Christo domino factum esse, & Conciliorum auctoritate, & san-

*Matth. 26*

*Mar. 14*

*S. Chrys.*

Ati Cypriani testimonio comprobatur: deinde, *S. Cypria.*  
quod sanguinis, & aquæ, quæ ex eius latere ex-  
ierunt, hac permissione memoria renouatur.

Tum uero aquæ, ut in Apocalypsi legimus, po- *Apos. 17*  
pulum designant: quare aqua uino admista fidelis

populi cum Christo capite coniunctionem signi-

ficat. atque hoc ex apostolica traditione perpetuo

sancta Ecclesia seruauit. Sed quamuis aquæ ad-

miscēde ita graues rationes sint, ut eam sine morta-

li peccato prætermittere non liceat; ea tamen si de-

fit, sacramentum constare potest. Illud autem

Sacerdotibus animaduertendum est, quemadmo-

dum in sacris mysterijs aquā uino adhibere oport-

et, sic etiam modicam infundendam esse. nam ec-

clesiasticorum scriptorum sententia, & iudicio,

aqua illa in uinum conuertitur. quare de eo Hono *Honorium*  
rius Pontifex ita scribit: Perniciosus in tuis parti- *papa.*

bus inoleuit abusus, uidelicet, quod maior quanti-

tas aquæ in sacrificio, quam uini, adhibetur; cum,

secundum consuetudinem rationabilem Ecclesiæ

generalis, longe plus uini, quam aquæ, adhibendū

sit. Huius igitur sacramenti hæc duo tantum ele-

menta sunt: ac merito pluribus decretis sancitum

est, ne quid aliud præter panem, & uinum, quod

nonnulli facere non uerebantur, offerre liceat. Sed

iam uidendum est, hæc duo panis, & uini symbola

quam apta sint ad eas res declarandas, quarum sa-

cramenta esse credimus, & confitemur. Primum

enim Christum nobis significant, ut uera est homi-

nū uita. ipse enim Dominus ait: Caro mea uere est *Ican. 6*

cibus, & sanguis meus uere est potus. Cum igitur

corpus Christi domini uitæ æternæ alimentum illis

præbeat,

præbeat, qui eius sacramentum pure, & sancte suscipiunt, recte ijs potissimū rebus conficitur, quibus hæc uita continetur: ut fideles facile possint intelligere, pretiosi corporis, & sanguinis Christi communione mentem, animumque saturari. Non nihil etiam hæc ipsa elementa ad id ualent, ut eam cognitionem accipiant homines, esse in sacramento corporis, & sanguinis Domini ueritatem. nam cū panem, & uinum in humanam carnem & sanguinem ui naturæ quotidie immutari animaduertamus, facilius adduci possumus hac similitudine, ut credamus, panis, & uini substantiam in ueram Christi carnem, uerumque eius sanguinem cælesti benedictione conuerti. Affert etiam aliquid adiumenti hæc admirabilis elementorum mutatio ad adumbrandū, quod fit in anima. Vt enim, etsi nulla extrinsecus panis, & uini mutatio apparet, tamen eorū substantia in carnem, & sanguinē Christi uere transit: ita etiam, tametsi in nobis nihil immutatum uideretur, interius tamen ad uitam renouamur, dum ueram uitam Eucharistiæ sacramento accipimus. Accedit ad hæc, quod, cum unum Ecclesiæ corpus ex multis in membris compositū sit, nulla re magis elucet ea coniunctio, quā panis uiniq. elementis. panis enim ex multis granis cōficitur, & uinū ex multitudine racemorū existit. atque ita nos, cum multi simus, huius diuini mysterij uinculo arctissime coligari, & tamquā unū corpus effici declarant.

*Eucharistia  
conficiende  
forma, & il-  
lius effectus  
admirandi.*

Sequitur nunc, ut de forma, qua ad consecrandum panem uti oporteat, agatur, non quidem eius rei causa, ut hæc mysteria fideli populo, nisi necessitas cogat, tradantur: (eos enim, qui sacris ini-

uiati

tiati non sunt, de his erudiri necessarium non est) sed ne, forme ignoratione, in sacramento conficiendo a sacerdotibus turpissime peccetur. itaque a sanctis euangelistis, Matthæo, & Luca, itemque ab Apostolo docemur, illam esse formam, **HOC EST CORPUS MEUM.** scriptum est enim: Cenanti-  
 bus illis accepit Iesus panem, & benedixit, ac fregit, deditque discipulis suis, & dixit: Accipite, & manducate: Hoc est corpus meum. Quæ quidem consecrationis forma cū a Christo domino seruata sit, ea perpetuo catholica Ecclesia usa est. Prætermittenda sunt hoc loco sanctorum Patrum testimonia, quæ infinitum esset enumerare, & concilij Florentini decretum, quod omnibus patet, atque in promptu est; cum præsertim ex illis Saluatoris uerbis, Hoc facite in meam commemorationem, idē liceat cognoscere. nam quod Dominus faciendum præcepit, non solum ad id, quod egerat, sed etiam ad ea, quæ dixerat, referri debet, atque ad uerba maxime pertinere intelligēdum est, quæ non minus efficiendi, quam significandi causa prolata erant. Sed ratione etiam id facile persuaderi potest. nā forma ea est, qua illud significatur, quod in hoc sacramento efficitur. cum autem hæc uerba id, quod fit, significant, ac declarent, hoc est panis conuersionē in uerū Domini nostri corpus; sequitur, formam in illis ipsis uerbis cōstituendam esse. in quā sententiam, quod ab Euangelista dictum est, **Bene-**  
 dixit, licet accipere. perinde enim uidetur intelligendum, ac si dixisset; accipiens panem benedixit, dicens; Hoc est corpus meum. Quamuis enim Euangelista uerba illa, Accipite, & comedite, preposuerit:

Matth. 26

Marc. 14

Luc. 22

1. Cor. 10

Matth. 26



fuerit: illis tamen nō materię consecrationem, sed  
 usum tantūmodo significari, perspicuum est. quare  
 a sacerdote quidē omnino proferri debent, sed ad  
 sacramentum conficiendum necessaria non sunt:  
 quemadmodum etiam proferitur coniunctio illa,  
 E N I M, in corporis, & sanguinis consecratio-  
 ne: aliter enim fiet, ut, si hoc sacramentum nemini  
 administrandum sit, confici non oporteat, aut non  
 possit quidem; cū tamen dubitare non liceat, quin  
 sacerdos, prolatis ex more, atque instituto sanctę  
 Ecclesię uerbis Domini, aptam panis materiam ue-  
 re cōsecret; quamuis deinde contingat, ut nulli um-  
 quam sacra Eucharistia administretur. Iam uero,  
 quod ad uini, quę est altera huius sacramenti ma-  
 teria, consecrationem attinet, ob eandem causam,  
 quam supra commemorauimus, opus est, ut sacer-  
 dos eius formam cognitam, & perspectam habeat.  
 Eam igitur his uerbis comprehendere, certo creden-  
 dum est; Hic est calix sanguinis mei, noui, &  
 æterni testamenti, mysterium fidei, qui pro uo-  
 bis, & pro multis effundetur in remissionem pec-  
 catorum. Ex quibus uerbis plura quidem a sacris  
 scripturis colliguntur: quædam uero in Ecclesia ex  
 apostolica traditione cōseruata sunt. nam quod di-  
 citur; Hic est calix: a D. Luca, & ab Apostolo  
 scriptum est. Quod uero sequitur: Sanguinis mei,  
 uel sanguis meus noui testamenti, qui pro uobis &  
 pro multis effundetur in remissionem peccatorum  
 partim a D. Luca, partim a D. Matthæo dictum  
 est. Verba autem illa, Aeterni, & Mysterium fi-  
 dei, sancta traditio, catholice ueritatis interpre-  
 & custos, nos docuit. Verum de hac forma nemo  
 dubi-

1. Cor. 11

Luc. 22

Luc. 22

Matth. 26

dubitare poterit, si, quod antea dictum est de forma consecrationis, quæ ad panis elementum adhibetur, hoc etiam loco attendatur. constat enim, ijs uerbis, quæ uini substantiam in sanguinem Domini conuerti significant, huius elementi formam contineri. Quare cum uerba illa hoc aperte declarent, perspicuum est, aliam formam constituendam non esse. Exprimunt autem præterea quosdam effusæ sanguinis in passione Domini admirabiles fructus, qui ad hoc sacramentum maxime pertinent. Vnus est, aditus ad æternam hereditatem, quæ noui, atque æterni testamenti iure ad nos uenit. Alter est, aditus ad iustitiam per mysterium fidei: Iesum enim per fidem in sanguinem eius propitiatorem Deus proposuit, ut ipse sit iustus, & iustificans eum, qui ex fide est Iesu Christi. Tertius est, remissio peccatorum: Quoniam uero hæc ipsa consecrationis uerba plena mysteriorum sunt, aptissimeque ad rem conueniunt, diligentius perpendere ea oportet. Quod uero dicitur; Hic est calix sanguinis mei; sic intelligendum est: Hic est sanguis meus, qui hoc calice continetur. Recte autem, & apposite, dum sanguis hic, ut est fidelium potus, consecratur, calicis mentio facienda est. neque enim sanguis huiusmodi potionem satis significare uideretur, nisi uase aliquo exceptus esset. Sequitur deinde, Noui testamenti: quod quidem ob eam rem additum est, ut intelligeremus Christi domini sanguinem non figuræ, quemadmodum in ueteri testamento fiebat, (de eo enim apud Apostolum ad Hebræos legimus, Si *Hebr.* sanguine testamentum dedicatum non esse.) sed uere, & re ipsa hominibus tradit; quod ad nouum

P    testa-

testamentum pertinet: quare Apostolus inquit: Ideo noui testamenti mediator est Christus, ut, morte intercedente, repromissionem accipiant, qui uocati sunt, eterne hereditatis. Verbum uero, Aeterni, ad hereditatem eternam, quæ Christi domini, æterni testatoris, morte ad nos iure peruenit, referendum est. Quod subiungitur, Mysterium fidei, non rei ueritatem excludit, sed, quod occulte latet atque ab oculorum sensu remotissimum est, certa fide credendum esse significat. Diuersa uero hisce uerbis sententia hoc loco, subiecta est ab ea, quam habent, cum baptismo etiam tribuuntur, nam quod sanguinem Christi, sub uini specie latentem, fide cernimus, mysterium fidei dicitur, at baptismus, quoniam uniuersam Christianæ fidei professionem complectitur, a nobis fidei sacramentum, a Grecis mysterium iure appellatur. Quamquam alia etiam ratione sanguinem Domini, fidei mysterium dicimus, quod scilicet in eo, maxime plurimū difficultatis, & negotij humana ratio experiatur, cum nobis fides credendum proponit, Christum dominum uerum Dei filium, simulque Deum, & hominem mortem pro nobis pertulisse; quæ quidem mors sanguinis sacramento, designatur. Quapropter apposite hoc loco potius, quam in consecratione corporis, passio Dominica commemoratur, his uerbis: Qui effundetur in remissionem peccatorum. Sanguis enim, separatim consecratus, ad passionem Domini, & mortem, & passionis genus, ante omnium oculos ponendum, maiorem uim & momentū habet. Sed uerba illa, quæ adduntur: Pro uobis, & pro multis, a Mattheo, & Luca, singula a singulis



lis sumpta sunt; quæ tamen sancta Ecclesia, spiritu Dei instructa, simul coniunxit: pertinent autem ad passionis fructum, atque utilitatem declarandam: nam si eius uirtutem inspicimus, pro omnium salute sanguinem a Salvatore effusum esse facendum: et si uero fructum, quem ex eo homines perceperint, cogitemus, non ad omnes, sed ad multos tantum tam utilitatem peruenire, facile intelligemus. Cum igitur, Pro uobis, dixit; uel eos, qui aderant, uel delectos ex Iudæorum populo, quales erant discipuli, excepto Iuda, quibus cum loquebatur, significauit. Cum autem addidit, Pro multis; reliquos electos ex Iudæis, aut gentibus intelligi uoluit. Recte ergo factum est, ut, pro uersis, non diceretur; cum hoc loco tantummodo de fructibus passionis sermo esset, quæ salutis fructus delectis solû attulit. Atque huc spectant uerba illa Apostoli; Christus semel oblatus est ad multorum exhaurienda peccata. Et quod Dominus apud Ioannem inquit; Ego pro eis rogo, nõ pro munda rogo; sed pro his, quos dedisti mihi, quia tui sunt. Plurima alia in huius consecrationis uerbis latent mysteria; quæ Pastores assidua rerum diuinarum meditatione, & studio ipsi per se, iuuante Domino, facile assequuntur.

Hebr. 9

Ioan. 17

Sed iam ad eorum rerum explicationem oratio reuertatur; quæ ut a fidelibus ignorentur, nullo modo committendum est. Ac quoniam Apostolus admonet, grauissimû scelus admitti ab ijs, qui non diiudicant corpus Domini; hoc in primis doceat Pastores, animum atq. ratione a sensibus omni studio auocandam esse. si enim fideles ea tantum in hoc sacramen-

1. Cor. 11



ro contineri sibi persuaferint, quæ sensibus percipiunt; in summam impietatem adducantur, necesse est; cum nihil aliud, præter panis, ac uini speciem, oculis, tactu, odoratu, gustu sentientes, panem tantummodo; ac uinū in sacramento esse iudicauerint. Curandum igitur est, ut fidelium mentes, quam maxime fieri potest, a sensuum iudicio abstrahantur, atq; ad immensam Dei uirtutem, & potentiam contemplandam excitentur. Tria enim sunt maxime admiranda, atque suspicienda, quæ in hoc sacramento uerbis consecrationis effici, fides catholica sine ulla dubitatione credit, ac confitetur. Primum est, uerum Christi domini corpus, illud idem, quod natum ex uirgine, in cælis sedet ad dextram Patris, hoc sacramento contineri. Alterum est, nullam in eo elementorum substantiam remanere, quamuis nihil magis a sensibus alienum, & remotum uideri possit. Tertium est, quod ex utroque facile colligitur, & si uerba consecrationis id maxime exprimunt, accidentia, quæ aut oculis cernuntur, aut alijs sensibus percipiuntur, sine ulla re subiecta esse, mira quadam, atq; inexplicabili ratione. Ac panis quidē, & uini accidentia omnia licet uidere: quæ tamen nulli substantiæ inherēt, sed per ipsa constant: cum panis, & uini substantia in ipsum Domini corpus & sanguinem ita mutetur, ut panis, & uini substantia omnino esse desinat. Verum, ut prius de primo agatur, conentur Pastores explicare, quam perspicua, & clara sint Saluatoris nostri uerba, quæ corporis eius ueritatē in sacramento demonstrant. nam cum inquit: Hoc est corpus meum: Hic est sanguis meus: nemo, qui modo sane mens sit, igno

rare

Matth. 26

Marc. 14

Luc. 22

rare potest, quid nobis intelligendum sit, præsertim  
 cum de humana natura sermo habeatur: quam in  
 Christo uere fuisse, catholica fides dubitare nemi-  
 nem patitur: ut uir sanctissimus, atque doctissimus  
 Hilarius præclare scripserit, de ueritate carnis & S. Hil.  
 sanguinis Christi, cum ex ipsius Domini professio-  
 ne, & fide nostra, caro eius uere sit cibus relictum  
 non esse ambigendi locum. Verum alter præterea  
 locus a Pastoribus enucleandus est; ex quo aperte  
 licet cognoscere, uerum Domini corpus, & sangui-  
 nem in Eucharistia contineri. nā Apostolus postea  
 quā commemorauit, panem, & uinum a Domino  
 consecratum, & sacra mysteria apostolis suis ad-  
 ministrata esse, subiungit: Probet autem se ipsum 1. Cor. 11  
 homo ac sic de pane illo edat, & de calice bibat: qui  
 enim manducat, & bibit, indigne, indicium sibi  
 manducat, & bibit, non dijudicās corpus Domini.  
 Quod si, ut heretici dictitant, nihil aliud in sacra-  
 mento uenerandum esset præter memoriam & si-  
 gnum passionis Christi; quid opus erat tam graui-  
 bus uerbis fideles hortari, ut se ipsos probarent?  
 Graui enim illa, INDICIUM, uoce declarauit Apo-  
 stolus, nefarium aliquod scelus ab eo admitti, qui  
 impure sumens corpus Domini, quod in Eucharis-  
 tia occulte latet, ab alio ciborū genere non distin-  
 guit. quod etiam supra in eadem epistola uberius  
 explicauit Apostolus his uerbis: Calix benedictio- 1. Cor. 10  
 nis, cui benedicimus, non ne communicatio san-  
 guinis Christi est? & panis, quem frangimus, non  
 ne participatio corporis Domini est? Quæ quidem  
 uerba ueram corporis & sanguinis Christi domini  
 substantiam demonstrant.

Hæc igitur scripturæ loca a Pastoribus explicanda erunt, atque in primis docendum, nihil in eis dubij, aut incerti relictum esse; præsertim cum hæc Ecclesiæ Dei sacrosancta auctoritas interpretata sit: ad cuius sententiæ cognitionem duplici uia & ratione possumus peruenire. Prima est, cum patres, qui ab initio Ecclesiæ atque omni deinceps ætate floruerunt, & ecclesiasticæ doctrinæ optimi testes sunt, consulimus. hi uero summo cōsensu omnes huius dogmatis ueritatem apertissime tradiderunt, quorum singula testimonia afferre, quoniam operosi laboris esset, satis erit pauca notare, uel indicare potius, ex quibus iudicium de ceteris facile fieri poterit. . . .

*D. Ambr.* Primus igitur D. Ambrosius fidem suam proferat, qui in libro de ijs, qui initiantur mysterijs; testatus est, uerum Christi corpus in hoc sacramento sumi, sicut uerum ex uirgine sumptum est, idque certissima fide tenendum esse. & alio loco docet, ante consecrationem panem ibi esse, post consecrationem autem carnem Christi,

*S. Chrys.* Accedat alter testis D. Chrysostomus, non minoris fidei, & grauitatis; qui quidem cum multis alijs locis hanc ipsam ueritatem profiteatur, & docet, tum uero præcipue homilia 60. de ijs, qui sacra mysteria impure sumunt, itemque homilia 44. & 45. in sanctum Ioannem. ait enim: Pareamus Deo, neque contradicamus; licet uel cogitationibus, uel oculis nostris uideatur aduersari, quod dicitur: ipsius enim sermo infallibilis est: sensus noster facile seducitur. His uero omni ex par-

*S. August.* te consentiunt, quæ D. Augustinus, acerrimus catholicæ fidei propugnator, semper docuit, atque

que in primis titulum psalmi 33. explanans. scribit enim: Portare se in manibus suis, homini impossibile est, soli que Christo conuenire potest: se rebatur enim ille in manibus suis, quando cōmendās ipsum corpus suum ait, Hoc est corpus meum. Ac Cyrillus præterea, Iustinus, & Irenæus adeo aperte lib. 4. in Ioannem ueram Domini carnē in hoc sacramento esse affirmat, ut eius uerba nullis possint fallacibus, & captiosis interpretationibus obscurari. Quod si Pastores alia etiam Patrum testimonia requirent, facile erit sanctos Dionysium Hilarium, Hieronymum, Damascenum addere, innumerabilesque alios, quorum de hac re grauissimas sententias, doctorum, & piorum hominum industria, & labore in unum congestas, passim legimus. Altera restat uia, qua sanctæ Ecclesiæ iudicium in ijs, quæ ad fidem pertinent, inuestigare liceat, contrariæ scilicet doctrinæ, & opinionis damnatio. At uero constat, semper corporis Christi ueritatem in sancto Eucharistiæ sacramento, ita per uniuersam Ecclesiam diffusam, & disseminatam esse, & consentienti uoluntate ab omnibus fidelibus receptam, ut, cum ante quingentos annos Berengarius id negare ausus esset, ibique signum tantummodo esse assereret, statim in Vercelesi Concilio, quod Leonis ix. auctoritate conuocatum fuerat, omnium sententijs cōdemnatus, ipse hæresim suam anathemati addixerit. qui postea cum ad eandem impietatis insaniam redisset tribus alijs Concilijs, Turonensi, & duobus Romanis, quorum alterū Nicolaus ii. alterum Gregorius vii. Pontifices Max. conuocarunt, damnatus est. Eam postea sententiā

S. Cyrillus,  
Iustinus, &  
Irenæus.



*Conc. Lat.* Innocentius III. in Concilio Lateranensi magno  
*Flor. Trid.* confirmavit: ac deinceps a Florentina & Tridentina  
 Synodis eiusdem ueritatis fides apertius declarata,  
 ac stabilita est. Hæc igitur si pastores diligenter ex-  
 posuerint, ( ut nihil dicamus de ijs, qui erroribus  
 obcæcati, nihil magis, quam ueritatis lucem ode-  
 runt ) & infirmos confirmare, & piorum mentes  
 summa quadam lætitia, & uoluptate afficere po-  
 terunt; cū præsertim fidelibus dubitare non liceat,  
 quin inter ceteros fidei articulos huius etiā dogma-  
 tis fides comprehendatur. nam cum Dei summam  
 omnium rerum potestatem credunt, & cōfitentur;  
 credant etiam necesse est, potestatem ei non defuisse  
 se maximi huius operis efficiendi, quod in Euchari-  
 stia sacramento admiramur, & colimus. Deinde  
 cum credunt sanctam Ecclesiam catholicam; ne-  
 cessario sequitur, ut simul credant eam esse, quā ex-  
 plicauimus, huius sacramenti ueritatem. Sed ni-  
 hil est profecto, quod ad piorum iucunditatem, &  
 fructum addi possit, cum huius altissimi sacramen-  
 ti dignitatem contemplantur. Primum enim in-  
 telligunt, quanta sit euangelicæ legis perfectio, cui  
 datum est, id re ipsa habere; quod signis tantum  
 & figuris Mosaicæ legis tempore adumbratum  
 fuerat. *S. Dionys.* Quare diuinitus dictum est a Dionysio,  
 Ecclesiam nostram mediam esse inter synagogam,  
 & supremam Hierusalem, ac propterea utrius-  
 que participem. Ac profecto satis mirari fideles  
 numquam poterunt sanctæ Ecclesiæ perfectio-  
 nem, eiusque gloriæ altitudinem; cum inter eam  
 & celestem beatitudinem unus tantum gradus in-  
 tresset uideatur. Hoc enim nobis cum cælitibus cō-

munē est, ut utrique Christum Deum, & hominem præsentem habeamus: sed quo uno gradu ab eis distamus, illi præsentēs beata uisione perfruuntur; nos præsentem, & tamen ab oculorum sensu remotum, sacrorum mysteriorum admirabili integumento se occultantem, firma, & constanti fide ueneramur. Præterea, fideles hoc sacramento Christi Saluatoris nostri perfectissimam charitatem experiuntur. eius enim bonitatem maxime decuit, naturam, quam a nobis sumpserat, a nobis numquam subtrahere, sed, quantum fieri posset, esse, uersarique nobiscum uelle: ut illud omni tempore uere, & proprie dictum uideretur: Deliciæ meæ, esse *Præter. 3* cum filiis hominum.

Iam uero hoc loco a Pastoribus explicandum est, non solum uerum Christi corpus, & quidquid ad ueram corporis rationem pertinet, ueluti ossa, & neruos, sed etiam totum Christum in hoc sacramento contineri. Docere autem oportet, Christum nomē esse Dei & hominis, unius scilicet personæ, in quo diuina, & humana natura coniuncta sit. quare utramque substantiam, & quæ utriusque substantiæ consequentia sunt, diuinitatem, & totam humanam naturam, quæ ex anima, & omnibus corporis partibus, & sanguine etiam constat, complectitur: quæ omnia in sacramento esse credendum est. nam cum in cælo tota humanitas diuinitati in una persona & hypostasi coniuncta sit, nefas est suspicari, corpus, quod in sacramento inest, ab eadem diuinitate seiunctum esse. In quo tamen Pastores animaduertant, necesse est, non omnia eadem ratione, aut uirtute in hoc sacramento contineri.

*De concomitantia partium corporis Christi in hoc sacramento.*

tineri. Quædam enim sunt, quæ ex ui, & effi-  
 cientia consecrationis in sacramento esse dicimus.  
 nam cum uerba illa efficiant, quidquid significant,  
 id esse in sacramento ex ui sacramenti, diuinarum  
 rerum scriptores appellarunt, quod uerborum for-  
 ma exprimitur. ita si contingeret, ut aliquid ab alijs  
 rebus omnino seiunctum esset, id solum, quod for-  
 ma significaret, in sacramento esse, cetera non item  
 esse docuerunt. quædam uero in sacramento conti-  
 nentur, quod illis rebus coniuncta sint, quæ forma  
 exprimuntur nam cum forma, quæ ad panem con-  
 secrandum adhibetur, corpus Domini significet,  
 cum dicitur; Hoc est corpus meum: ipsum Christi  
 domini corpus ex ui sacramenti in Eucharistia erit.  
 At quia corpori sanguis, anima, & diuinitas con-  
 iungitur, hæc quoque in sacramento erunt omnia,  
 non quidem ex consecrationis uirtute, sed ut ea, quæ  
 corpori coniuncta sunt. Atque hæc ex concomitan-  
 tia in sacramento esse dicuntur: qua ratione totum  
 Christum in sacramento esse perspicuum est. si enim  
 duo aliqua inter se re ipsa coniungantur; ubi unū  
 sit, ibi alterum etiā esse necesse est. Sequitur itaque,  
 totum Christum usque adeo tam in panis, quam in  
 uini specie contineri, ut, quemadmodum in panis  
 specie non corpus modo, sed etiam sanguis, & to-  
 tus Christus uere inest, sic contra in uini specie non  
 solum sanguis, sed corpus, & totus Christus uere  
 inest. Sed quamquam hæc ita se habere, omnibus  
 fidelibus certum & persuasissimum esse debet: opti-  
 mo tamen iure institutum est, ut separatim duæ cō-  
 secrationes fierent. Primo enim, ut passio Domi-  
 ni, in qua sanguis a corpore diuisus est, magis refe-  
 ratur:

ratur: cuius rei causa in consecratione sanguinem  
 effusum esse meminimus. Deinde maxime consen-  
 taneum fuit, ut quoniam sacramento ad alendam  
 animam utendum nobis erat, tamquam cibus &  
 potus institueretur, ex quibus perfectum corporis ali-  
 mentum constare perspicuum est. Neque uero il-  
 lud prætermittendum, non solum in utraque specie,  
 sed in quavis utriusque speciei particula totum Chri-  
 stum contineri. sic enim Augustinus scriptum reli-  
 quit: Singuli accipiunt Christum dominum, & in  
 singulis portionibus totus est, nec per singulos mi-  
 nuatur, sed integrum se præbet in singulis. Atque id  
 præterea ex euangelistis facile colligi potest. neque  
 enim credendum est, singula panis frustra propria  
 uerborum forma a Domino consecrata esse, sed ea-  
 dem simul omnem panem, qui ad sacra mysteria  
 conficienda, atque apostolis distribuenda satis futu-  
 rus esset, id quod de calice factum esse apparet,  
 cum ipse dixit: Accipite, & diuidite inter uos. Hæc  
 rursus quæ explicata sunt, eo pertinent, ut ostendant  
 Pastores, uerum Christi corpus, & sanguinem in  
 Eucharistie sacramento contineri. Nunc, quod alte-  
 rum erat propositum, docebunt, etiam panis & ui-  
 ni substantiam in sacramento post consecrationem  
 non remanere. Hoc uero quamuis maximam ad mira-  
 tionem merito habere possit, tamen cum eo, quod  
 prius demonstratum est, necessario coniungitur.  
 Etenim si est uerum Christi corpus sub panis, &  
 uini specie post consecrationem; omnino necesse est,  
 cum ibi antea non esset, hoc uel loci mutatione, uel  
 creatione, uel alterius rei in ipsum conuersione fa-  
 ctum esse. At uero fieri non posse constat, ut cor-  
 pus

D. August.

Luc. 22



pus Christi in sacramento sit, quod ex uno in alium locum uenerit. ita enim fieret, ut a cæli sedibus abesset: quoniam nihil mouetur, nisi locum deserat, a quo mouetur. Creari autem corpus Christi minus credibile est, ac ne in cogitationem quidem cadere hoc potest. relinquitur ergo, ut in sacramento sit corpus Domini, quod panis in ipsum conuertatur: quare nulla panis substantia remaneat, necesse est.

*Lat. Conc.*

*Eugen. 4*

*Decr*

*Conc. Trid.*

Hac ratione adducti Patres, & maiores nostri, in Concilijs, Lateranensi magno, & Florentino, huius articuli ueritatem apertis decretis confirmarunt: a Tridentina uero Synodo explicatius ita definitum est: Si quis dixerit in sacrosancto Eucharistiæ sacramento remanere substantiam panis, & uini, una cum corpore, & sanguine domini nostri Iesu Christi, anathema sit. Hæc uero ex testimonijs scripturarum facile fuit colligere; primum, quod in eius sacramenti institutione ipse Dominus dixit,

*Matth. 26*

*Marc. 14*

*Luc 22*

*1. Cor. 11*

*Ioan. 6*

Hoc est corpus meum. uocis enim, hoc, ea uis est, ut omnem rei præsentis substantiã demonstraret, quod si panis substantia remaneret, nullo modo uere dici uideretur; Hoc est corpus meum. Deinde Christus dominus apud Ioannem, Panis, inquit, quem ego dabo, caro mea est pro mundi uita; panem uidelicet carnem suam uocans. Ac paulo post subiecit. Nisi manducaueritis carnem filij hominis, & biberitis eius sanguinem, non habebitis uitam in uobis: & rursus: Caro mea uere est cibus, & sanguis meus uere est potus. Cum ergo tam clavis, & perspicuis uerbis carnem suam panem, & cibum uerum, sanguinem item uerũ potum nominauerit; satis uidetur declarasse, nullam in sacra-

men-

mento substantiam panis, & uini remanere. Atque hanc perpetuo sanctorum Patrum consentientem fuisse doctrinam, qui eos euoluerit, facile intelliget. D. quidem Ambrosius ita scribit: Tu forte dicis: meus panis est usitatus: sed panis iste, panis est ante uerba sacramentorum: ubi accesserit consecratio, de pane fit caro Christi. Quod quidē ut facilius probare posset, uaria deinde affert exempla & similitudines. Alibi uero, cum uerba illa interpretaretur; Omnia, quæcumque Dominus uoluit, fecit in cælo, & in terra; Licet, inquit, figura panis, & uini uideatur, nihil tamen aliud, quam caro Christi, & sanguis, post consecrationem credendum est. Atque eisdem fere uerbis eandem sententiam sanctus Hilarius exponens, docuit: quamuis extrinsecus panis, & uinum uideatur, uere tamen corpus, & sanguinem Domini esse. Sed moneāt Pastores hoc loco, mirandum nō esse, si post consecrationem panis etiam uocetur. hoc enim nomine Eucharistia appellari consueuit; tum quia panis speciem habeat; tum quia naturalem alendi, & nutriendi corporis uim, quæ panis propria est, adhuc retineat. Eam autem esse sacrarum litterarum consuetudinem, ut res ita appellet, cuiusmodi esse uideantur, satis ostendit, quod in Genesi dictum est, tres uiros Abrahamæ apparuisse, qui tamen tres angeli erant. Et duo illi, qui apostolis, ascendente in celum Christo domino apparuerunt, cum essent angeli, uiri dicuntur. Difficillima est omnino huius mysterij explicatio; sed tamen conabuntur Pastores, ijs, qui magis in diuinarum rerum cognitione profecerunt, (nam qui adhuc imbecilliores sunt, ueren-

S. Ambr.

S. Hilari.

Gen 18

Act. 1

1 Cor. 10

uerendum esset, ne rei magnitudine opprimeren-  
tur) conabuntur; inquam, tradere huius admi-  
rabilis conuersionis modum; quæ ita fit, ut tota pa-  
nis substantia diuina uirtute in totâ corporis Chri-  
sti substantiam, totaque vini substantia in totam  
sanguinis Christi substantiam, sine ulla Domini no-  
stri mutatione, cōuertatur: neque enim Christus  
aut generatur, aut mutatur, aut augetur, sed in  
sua substantia totus permanet: quod mysterium  
cum D. Ambrosius declararet: Vides, inquit, quam  
operatorius sit sermo Christi. Si ergo tanta uis est  
in sermone domini Iesu, ut inciperent esse, quæ nō  
erāt, mundus scilicet: quāto magis operatorius est,  
ut sint, quæ erant, & in aliud cōmutentur? In quam  
sententiā alij etiam ueteres, & grauissimi Patres scri-

D. Ambr.

D. August.

ptum reliquerunt: D. quidem Augustinus: Fide-  
ter fatemur ante consecrationē panem esse, & minū,  
quod natura formauit, post consecrationē uero car-  
nem Christi, & sanguinē, quod benedictio cōsecre-  
uit. Damascenus: Corpus secundum ueritatem cō-

Damascenus.

iunctum est diuinitati; corpus ex sancta uirgine:  
non quod ipsum corpus assumptum de cælo descē-  
dat; sed quod ipse panis, & uinum in corpus &  
sanguinem Christi transmutentur. Huius itaque  
admirabilis cōuersio cōuenienter & proprie a san-

81

Conc. Trid.

cta catholica Ecclesia transubstantiatio est appella-  
ta, quemadmodum sacra Tridentina Synodus do-  
cuit. Ut enim generatio naturalis, quod forma in  
ea mutatur, recte, & proprie transformatio dici  
potest: ita etiam, quod in sacramento Eucharistie  
tota unius rei substantia in totam alterius rei sub-  
stantiam transeat, uerbum transubstantiationis re-

etc,



etc, & sapienter a maioribus nostris inuentum est.

Sed illud sepiissime a sanctis Patribus repetitum, *Sacrosan-*  
fideles admonendi sunt, ne curiosius inquirent, *ctum Eu-*  
quo pacto ea mutatio fieri possit. nec enim perci- *charistia,*  
pi a nobis potest, nec in naturalibus mutationi- *sacramentū*  
bus, aut in ipsa rerum creatione eius rei exem- *pie creden-*  
plum aliquod habemus. Verum, quid hoc sit, fide- *dum, non cu-*  
cognoscendum est; quo modo fiat, curiosius nō in- *riose scrutā-*  
quirendum. Non minorem uero cautionem Pasto- *dum.*  
res adhibeāt; oportet, in eo etiam mysterio expli-  
cādo: quo modo Christi domini corpus uel in mini-  
ma panis particula totum contineatur; uix enim  
umquā huiusmodi disputationes instituendę erunt;  
sed tamen, quando Christiana charitas hoc postula-  
uerit: primum quidē meminerint, fidelium animos  
illa uoce pręmunire; Non erit impossibile apud *Luc. 7*  
Deum omne uerbum. Deinde uero doceant, Chri-  
stum dominū in hoc sacramento; ut in loco, non es-  
se: etenim locus res ipsas consequitur, ut magnitu-  
dine aliqua pręditę sunt: Christum uero dominum  
ea ratione in sacramento esse non dicimus, ut ma-  
gnus; aut paruus est, quod ad quantitatem perti-  
ner, sed ut substantia est. substantia enim panis in  
Christi substantiam, non in magnitudinem, aut  
quantitatem, conueritur. nemo uero dubitat, sub-  
stantiam æque in paruo atque in magno spatio cō-  
tineri. nam & aeris substantia, totaque eius natu-  
ra, sic in parua, ut in magna aeris parte, itemque  
rota aquę natura non minus in urnula, quam in  
flumine insit, necesse est. Cum igitur panis sub-  
stantiæ, corpus Domini nostri succedat; fateri  
oportet, ad eundem plane modum in sacramen-



to esse, quo modo panis substantia ante consecrationem. ea uero: utrum sub magna, an sub parua quantitate esset, nihil ad rem omnino pertinebat. Tertium restat, quod in hoc sacramento maximum atque admirabile uideatur; quod quidem iam duobus alijs explicatis, facilius a Pastoribus tractari posse, existimandum est; panis uidelicet & uini species in hoc sacramento sine aliqua re subiecta constare. Nam cum antea demonstratum sit, corpus Domini & sanguinem uere in sacramento esse, ita ut nulla amplius subsit panis, & uini substantia; quoniam ea accidentia Christi corpori, & sanguini inherere non possunt; relinquitur, ut supra omnem naturæ ordinem ipsa se, nulla alia re nisa, sustentent. hæc perpetua, & constans fuit catholice Ecclesie doctrina; quæ etiam facile eorum testimoniorum auctoritate confirmari poterit; quibus antea planum factum est, nullam residere in Eucharistia panis, aut uini substantiam. Sed nihil magis fidelium pietati conuenit, quam, omisis subtilioribus questionibus, huius admirabilis sacramenti maiestatem penerari, & colere; ac deinde in eo summam Dei providentiam suspicere; quod sacrosancta mysteria sub panis, & uini specie administranda instituerit. nam cum a cõmuni hominum natura maxime abhorreat, humanæ carnis esca, aut sanguinis portione uesci; sapientissime fecit ut sanctissimum corpus & sanguis sub earum rerum specie, panis, inquam, & uini, nobis administretur, quorum quoduidiano, & cõmuni alimento maxime delectamur. Adiunctæ uero etiam sunt duæ illæ utilitates: quarum prima est, quod

ab infidelium calumnia liberati sumus, quas facile effugere non possemus, si Dominum sub propria specie comedere uideremur: altera est, quod, dum corpus, & sanguinem Domini ita sumimus, ut tamen, quod uere fit, sensibus percipi nō possit, hoc ad fidem in animis nostris augendam plurimum ualeat; quæ quidem, ut sancti Gregorij sententia per-  
 uulgarum est, ibi non habet meritum, ubi humana *S. Grego-  
rius Pont.*  
 ratio præbet experimentum. Hæc autem, quæ hætenus exposita sunt, non nisi magna adhibita cautione, pro audientium captu, & temporum necessitate explicanda erunt.

Verum, quæ de huius admirabili sacramenti uirtute, & fructibus dici possunt, nullum esse genus fidelium existimandum est, ad quos earum rerum cognitio non pertineat, quibus maxime necessaria uideri non debeat. Vt enim Eucharistiæ utilitatem fideles intelligât, ob eam potissimum causam, quæ de hoc sacramento tam multis uerbis differuntur, cognoscenda sunt. Sed quoniam immense eius utilitates, & fructus nulla oratione explicari possunt, unus, aut alter locus a Pastoribus tractandus erit, ut ostendant, quanta in sacrosanctis illis mysterijs bonorum omnium copia, & affluentia inclusa sit. hoc uero aliqua ex parte ita assequuntur, si, omnium sacramentorum ui, atque natura patefacta, Eucharistiam fonti, cetera riuulis comparauerint. uere enim ac necessario fons omnium gratiarum dicenda est, cum fontem ipsum cælestium charismatum, & donorum, omniumque sacramentorum auctorem Christum dominum admirabili modo in se contineat: a quo tamquam a fonte ad alia sacramenta,

*De multiplici & admirabili fructu tanti sacramenti.*

Q

menta, quidquid boni, & perfectionis habent, deriuatur. Ex hoc igitur diuinæ gratiæ amplissima munera, quæ nobis hoc sacramento impertiuntur, facile colligi poterunt. Commode etiam fieri uidebitur, si panis, & uini natura, quæ huius sacramenti symbola sunt, perpendatur. nam quos usus corpori panis, & uinum affert, eos omnes animæ salutis, & iucunditati, ac meliori quidem ac perfectiori ratione, Eucharistiæ sacramentum præbet. Neque enim hoc sacramentum in substantiam nostram, ut panis, & uinum, mutatur; sed nos quodam modo in eius naturam conuertimur: ut recte

**D. August.** illud D. Augustini ad hunc locum transferri possit: Cibus sum grandium: cresce, & manducabis me: hec tu me mutabis in te, sicut cibum carnis

**Ioan. 1** tuæ: sed tu mutaberis in me. Quod si gratia, & ueritas per Iesum Christum facta est; in animam quoque influat est necesse, cum eum pure, & sancte

**Ioan. 6** accipit, qui de se ipso dixit; Qui manducat meam carnem; & bibit meum sanguinem, in me manet, & ego in illo. Nam qui pietatis, & religionis studio affecti hoc sacramentum sumunt, nemini dubium esse debet, quin ita filium Dei in se admittant, ut eius corpori tamquam uiua membra inferantur: siquidem scriptum est: Qui manducat

**Ioan. 6** me, & ipse uiuet propter me. Item: Panis, quem ego dabo, caro mea est pro mundi uita. Quem lo-

**Cyrillus.** cum Cyrillus dum interpretaretur, ait: Dei uerbum uniens se ipsum propriæ carni, fecit ipsam uiuificatiuam. Eum ergo decebat miro quodam modo uniri corporibus per sacram eius carnem, & pretiosum sanguinem, quæ accipimus in bene-

ditione

Etione uiuificatiua in pane & uino. Verum, quod dicitur Eucharistia gratiam tribui, Pastores admonent oportet, ita intelligendum non esse, perinde ac necesse non sit, ut, qui re ipsa hoc sacramentum utiliter percepturus est, gratiam antea adeptus fuerit. Constat enim quemadmodum mortuis corporibus naturale alimentum nihil prodest, ita etiam animæ, quæ spiritu non uiuit, sacra mysteria non prodesse. ac propterea panis, & uini speciem habent, ut significetur, non quidem reuocandæ ad uitam animæ, sed in uita conseruandæ causa instituta esse.

Verum hoc ideo dictum est, quoniam prima etiã gratia (qua omnes præditos esse oportet, ante quã sacram Eucharistiam ore contingere audeant, ne iudicium sibi manducent, & bibant) nemini tribuitur, nisi hoc ipsum sacramentum desiderio, & uoto percipiant. Est enim omnium sacramentorũ finis, & ecclesiasticæ unitatis, ac coniunctionis symbolum: neque extra Ecclesiam consequi gratiam ullus potest. Deinde, quoniam, uti corpus cibo naturali non conseruatur modo, sed etiam augetur, gustusque nouam quotidie ex eo uoluptatem, & suauitatem percipit; ita etiam sacræ Eucharistiæ cibus non solum animam sustentat, sed uires illi addit, efficitque ut spiritus diuinarum rerum delectatione magis ac magis commoueat: ob eam causam fit, ut, gratiam hoc sacramento tribui, recte, & uerissime dicatur. iure enim manne com  
Sap. 16

parari potest, ex quo omnis saporis suauitas percipiebatur. Remitti uero Eucharistia, & condonari leuiora peccata, quæ uenialia dici solent,



non est quod dubitari debeat. Quidquid enim cupiditatis ardore anima amisit, dum leui aliqua in re parum offendit, totum id Eucharistia, eas ipsas minores culpas abstergens, restituit: quemadmodum etiam (neque enim a propofita similitudine discedendum uidetur) quod innati caloris ui quotidie detrahatur, ac deperit, paulatim addi, & refici naturali alimento sentimus.

**D. Ambr.** Quare merito a D. Ambrosio de hoc cælesti sacramento dictum est: Iste panis quotidianus sumitur in remedium quotidianę infirmitatis. Verum hæc de ijs peccatis intelligenda sunt, quorum sensu, & delectatione animus non permouetur. Illa præterea in sacris mysterijs uis est, ut nos a criminibus puros, & integros, atque a temptationum impetu incolumes seruet, ac tamquam cælesti medicamento animam præparet, ne alicuius mortiferæ perturbationis ueneno facile infici, ac corrumpi queat. Atque ob eam etiã causam, ut testatur diuus Cyprianus, cum olim a tyrannis fideles ad tormenta, & eadem propter Christiani nominis confessionem uulgo raperentur; ne illi forte dolorum acerbitate uicti, in salutari certamine deficerent, uetus in Ecclesia catholica mos fuit, ut eis ab Episcopis Domini corporis, & sanguinis sacramenta præberentur. Sed carnis etiam libidinem cõhibet, ac reprimat. dum enim charitatis igne animos magis incendit, concupiscentię ardorem restinguat, necesse est. Postremo, ut uno uerbo omnes huius sacramenti utilitates, & beneficia comprehendantur, dicendũ est, sacre Eucharistię summam uim esse ad æternam gloriam comparandam. scriptum est enim;

Qui

Qui manducat meam carnem, & bibit meum sanguinem, habet uitam æternam: & ego resuscitabo eum in nouissimo die. Huius uidelicet sacramenti gratia fideles, dum hanc uitam degunt, summa cōscientiæ pace, & tranquillitate perfruuntur; deinde eius uirtute recreati, non secus atque Elias, <sup>3 Reg. 19</sup> qui subcinericij panis fortitudine ambulauit usque ad montem Dei Horeb, cum ex uita emigrandi tempus aduenit, ad æternam gloriā, & beatitudinem ascendant. Hæc omnia a Pastoribus latissime explicabuntur, si uel D. Ioannis cap. 6. in quo multiplices huius sacramenti effectus aperiuntur, tractandum sumperint; uel admiranda Christi domini facta percurrentes; ostenderint, cum eos iure ac merito beatissimos fuisse existimamus; in quorum tecta mortalis receptus est, uel qui illius uestis, aut fimbriæ tactu sanitatem recuperarunt. Multo nos beatiore, & feliciores esse, in quorum animam immortali gloria præditus ingredi non grauetur, ut eius uulnera sanet omnia; eaque amplissimis muneribus ornata, sibi coniungat.

Verum docendum est, a quibus ingentes illi fructus Eucharistiæ fructus, qui modo commemorati sunt, percipi possint, neque unam tantum esse communicationem, ut fidelis populus discat meliora charismata emulari. Recte igitur, & sapienter maiores nostri, ut in Tridentina Synodo legimus, tres huius sacramenti sumendi rationes distinxerunt. Alij enim sacramentum tantum accipiunt, ut peccatores, qui sacra mysteria impuro ore, & corde accipere non uerentur; quos Apostolus ait indigne manducare, & bibere corpus Domini. De

**D. August.** his D. Augustinus ita scribit; Qui non manet in Christo, & in quo non manet Christus, procul dubio non manducat spiritualiter eius carnem: licet carnaliter, & uisibiliter premat dentibus sacramenta corporis, & sanguinis. Qui itaque hoc modo affecti sacra mysteria accipiunt, non solum ex his nulum capiunt fructum, sed, ipso Apostolo teste, iudiciu sibi manducant, & bibunt. Alij uero spiritu tantummodo Eucharistia sumere dicuntur: ij sunt, qui desiderio, & uoto propositum celestem illum panem comedunt, fide uina incensi, quæ per dilectionem operatur, ex quo si non omnes, maximos certe utilitatis fructus consequuntur. Alij denique sunt, qui sacramento, & spiritu sacram Eucharistiam percipiunt; qui cum ex Apostoli doctrina prius se probauerint, ac ueste nuptiali ornati ad diuinam hanc mensam accesserint, ex Eucharistia capiunt uberrimos illos, quos antea diximus, fructus. Quare perspicuum est, eos se maximis, & celestibus bonis priuare, qui cum ad corporis Domini sacramentum etiam sumendum parati esse possint, satis habent spiritu tantum sacram communionem accipere. Sed iam docendum est, qua ratione preparamos fidelium animos esse oporteat, ante quam ad sacramentalem Eucharistia perceptionem ueniant. Ac primum quidem ut pateat, eam preparationem maxime necessariam esse, Saluatoris nostri exemplum proponendum est. Nam ante quam apostolis pretiosi corporis, & sanguinis sui sacramenta daret, quamuis iam mundi essent, pedes eorum lauit; ut declararet omnem diligentiam adhibendam esse, ne quid nobis ad summam animi integritatem, & in-



& innocentiam desit, cum sacra mysteria perceptu  
 ri sumus. Deinde uero fideles intelligant, quemad-  
 modum, si optime affecto, & preparato animo  
 Eucharistiam aliquis sumat, amplissimis celestis  
 gratiæ muneribus ornatur; ita contra, si imparatus  
 accipiat, non solū nihil commodi, sed maxima  
 etiam incommoda, & detrimenta eum accipere.  
 Optimis enim rebus, & maxime salutaribus hoc  
 proprium est, ut, si in tempore ijs utamur, uehemē-  
 ter profint; sin alieno tempore adhibeantur, per-  
 niciem, & exitium afferant. Quare mirandum  
 non est, ingentia quoque, & præclarissima Dei  
 dona, cum bene constituto animo accipiuntur; ad  
 celestem gloriam cōsequendam maximo nobis ad-  
 iumento esse; at uero, cum ijs nos ipsos indignos  
 præbemus, sempiternam mortem afferre. Id uero  
 arcę Domini exemplo cōprobatur. arca enim fœ-  
 deris, qua nihil præstantius Israeliticus populus ha-  
 buit, cui etiam per illam maxima, & innumera-  
 bilia beneficia Dominus tribuerat, a Philistheis  
 ablata summam illis pestem, & calamitatem cum  
 æterno dedecore coniunctam importauit. sic etiā  
 cibi, qui ore accepti in stomachum bene affectū il-  
 labuntur, corpora alunt, & sustentant, qui uero in  
 stomachum uitiosis humoribus plenum infundi so-  
 lent, graues morbos efficiunt. Primam itaque illā  
 præparationem fideles adhibeant, ut discernant  
 mensam a mēsa, hanc sacram ab alijs profanis, ce-  
 lestem hunc panem a communi. atque hoc fit, cū  
 certo credimus præsens esse uerum corpus, & san-  
 guinem Domini, quem in cēlo angeli adorant, ad  
 cuius nutum columnę cēli contremiscunt, & pa-  
 uent,



uent, culus gloria plenum est celum, & terra.

**I. Cor. 11** Hoc nimirū est dijudicare corpus Domini, ut nos Apostolus admonuit: cuius tamen mysterij magnitudinē uenerari potius oportet, quam in disputationibus eius ueritatem curiosius perquirere. Altera uero illa præparatio maxime necessaria est, ut unusquisq; a se ipso quærat, num pacem cum alijs habeat, num proximos uere atque ex animo dili-

**Math. 5** gat. Si ergo offers munus tuum ad altare, & ibi recordatus fueris quia frater tuus habet aliquid aduersum te, relinque ibi munus tuum ante altare, & uade prius reconciliari fratri tuo, & tunc ueniens offeres munus tuum. Deinde conscientiam nostram scrutari diligenter debemus, ne forte exitiali aliquo peccato contaminati simus, cuius penitere necesse sit; ut prius contritionis & confessionis medicamento illud eluatur. definitum est enim a san-

**Trid. Syn.** cta Tridentina Synodo, nemini licere, quem mortalis peccati conscientia stimulet, si sacerdotis facultas data sit, ante quam se sacramentali confessione purgarit, quantumuis sibi contritus esse uideatur, sacram Eucharistiam accipere. Præterea, tacitum animis nostris cogitemus, quam indigni sumus quibus diuinum hoc beneficium a Domino tribuatur: quare illud Ceterionis, de quo idem ipse Saluator testatus est, se non inuenisse tantam fidem

**Math. 8** in Israel, ex animo dicendum est: Domine, nō sum dignus, ut intres sub tectum meum. Exquiramus etiam a nobis ipsis, an illud Petri usurpare nobis li-

**Ioan. 21** ceat: Domine tu scis, quia amo te. Meminisse enim oportet eum, qui sine ueste nuptiali in Domini cō-

uiuio ac cubuerat, in tenebrosū carcerem coniec-

ctum,

Etum, sempiternis pœnis addictum fuisse. Neque vero animi solum, sed etiã corporis preparatione opus est. nam ieiuni ad sacram mensam accedere debemus, ita ut saltem a dimidia antecedentis diei nocte usque ad illud temporis punctum, quo Eucharistiam accipimus, nihil omnino comederimus, aut biberimus. Postulat etiam tanti sacramenti dignitas, ut, qui matrimonio iuncti sunt, aliquot dies a concubitu uxorum abstineant, Davidis exemplo admoniti, qui cum panes propositionis a sacerdote accepturus esset, purum se, & pueros suos ab uxorum consuetudine tres ipsos dies esse professus est. Hæc fere sunt, quæ maxime observari a fidelibus oportet, ut se ad sacra mysteria utiliter accipienda antea parent. reliqua enim, quæ hac in re providenda esse uideantur, ad hæc ipsa capita facile redigi poterunt.

I. Reg. 21.

Sed ne forte aliqui segniores ad hoc sacramentum percipiendum reddantur, quod tantam preparationem adhibere graue admodum, & difficile ducant; fideles sepe admonendi sunt, omnibus eam legem propositam esse, ut sacram Eucharistiam accipiat. Præterea constitutum est ab Ecclesia, ut, qui semel saltem singulis annis in Pascha non communicauerit, ab Ecclesia arceatur. Neque tamen fideles hoc satis habeant, se, huius decreti auctoritati obtemperantes, semel tantummodo corpus Domini quotannis accipere; uerum sæpius iterandam Eucharistiæ communionem existiment. Vtrum autem singulis mensibus, uel hebdomadis, uel diebus id magis expediat: certa omnibus regula præscribi non potest. uerumtamen illa est sancti Augustini norma certis

*Eucharistia  
sacramentum  
quando, quo-  
ties, & a  
quibus sum-  
mendum.  
Com. Lat.*

D. August.

Sima,

fima; Sic uiue, ut quotidie possis sumere. Quare Parochi partes erunt, fideles crebro adhortari, ut, quemadmodum corpori in singulos dies alimentum subministrare necessarium putant: ita etiã quotidie hoc sacramento alende, & nutriende anime curam non abijciant. neque enim minus spiritali cibo animam, quam naturali corpus, indigere perspicuum est. Vehementer autẽ proderit hoc loco repetere maxima illa, & diuina beneficia, quę, ut antea demonstratum est, ex Eucharistię sacramentali cõmunione consequimur. Illa etiã figura erit addenda, cum singulis diebus corporis uires manna reficere oportebat; itemq. sanctorum Patrum auctoritates, quę frequentem huius sacramenti perceptionem magnopere commendant. neque enim unius sancti patris Augustini ea fuit sententia: Quotidie peccas, quotidie sume: sed, si quis diligenter attenderit, eundem omnium Patrum, qui de hac re scripserunt, sensum fuisse, facile compertiet. Ac tempus quidem olim fuisse, cum fideles quotidie Eucharistiam acciperent, ex apostolorum Actis intelligemus. omnes enim, qui tunc Christianam fidem profitebantur, uera & sincera charitate ita ardebant, ut, cū sine intermissione orationibus, & alijs pietatis officijs operã darent, quotidie ad sacra Domini corporis mysteria sumenda parati inuenirentur. Eam postea consuetudinem, quę intermitteri uidebatur, Anacletus, sanctissimus martyr, & Pontifex, aliqua ex parte renouauit: præcepit enim, ut ministri, qui Missę sacrificio interessent, communicarent; quod ab apostolis constitutum esse affirmaret. Diu etiã in ecclesia ille

mos

Exod. 16

S. August.

Act. 2

S. Anacle-  
tus papa.

mos fuit; ut sacerdos, peracto sacrificio, cū Eucharistiam sumpfisset, ad populum, qui aderat, conuersus, his uerbis ad sacram mēsam fideles inuitaret; Venite fratres ad communionem. Tunc qui parati erant, summa cum religione sacrosancta mysteria sumebant. Sed cum deinde charitas, & pietatis studium adeo refrixisset, ut raro admodum ad cōmunionem fideles accederent; sancitum est a Fabiano *S. Fab. papa* Pontifice; ut ter quotannis, Natali Domini, & Resurrectione, & Pentecoste omnes Eucharistiam sumerent; id quod postea a multis Concilijs, præsertim uero ab Agathēsi primo confirmatum est. Ad *Agathense* extremum, cum eo res adducta esset, ut non modo *1. Conc.* sancta illa, & salutaris præceptio nō seruaretur, sed in plures etiam annos sacrae Eucharistiae communio differretur: decretum est in Lateranensi Cōcilio, ut semel ad minus singulis annis in Pascha fideles omnes sacrum Domini corpus acciperent; qui uero id facere neglexissent, Ecclesiae aditu prohiberentur. Verum quamuis hæc lex Dei, & Ecclesiae auctoritate sancita, ad omnes fideles pertineat: docendum est tamen eos excipi, qui nondum rationis usum propter ætatis imbecillitatem habent. hi enim neque sacram Eucharistiam a profano, & communi pane sciunt discernere, neque ad eam accipiendam pietatem animi, & religionem afferre possunt. atque id etiam a Christi domini institutione alienissimum uidetur. ait enim: Accipite, *Matth. 26* & comedite. Infantes autem idoneos non esse, qui accipiant, & comedant, satis cōstat. Verus quidem illa fuit in quibusdam locis consuetudo, ut infantibus etiam sacram Eucharistiam præberent: sed ta-

men



men tū ob eas causas, quæ ante dictæ sunt, tum ob alias, Christianæ pietati maxime consentaneas, iamdiu eiusdem Ecclesiæ auctoritate id fieri desijt.

Qua uero ætate pueris sacra mysteria danda sint, nemo melius constituere poterit, quam pater, & sacerdos, cui illi confitentur peccata. ad illos enim pertinet explorare, & a pueris percunctari, an huius admirabilis sacramenti cognitionem aliquam acceperint, & gustum habeant. Amentibus præterea, qui tunc a pietatis sensu alieni sunt, sacramenta dare minime oportet; quamuis, si, antequam in infaniam inciderint, piam, & religiosam animi uoluntatem præsetulerunt, licebit eis in fine uitæ, ex Conc. Car. Concilij Carthaginensis decreto, Eucharistiam ad ministrare, modo uomitionis, uel alterius indignitatis, & incommodi periculum nullum timendū sit.

Quod uero ad cōmunicandi ritum pertinet, docent Parochi, sanctæ Ecclesiæ lege interdictum esse, ne quis sine ipsius Ecclesiæ auctoritate, præter sacerdotes, corpus domini in sacrificio cōficiens, sub utraq. specie sacram Eucharistiam sumat. nam ut a Tridentina Synodo explicatum est, quamuis Christus dominus in ultima cena altissimū hoc sacramentum in panis, & uini speciebus instituerit, & apostolis tradiderit: ex eo tamen non efficitur, hanc legem a Domino saluatore constitutam esse, ut omnibus fidelibus sacra mysteria sub utraq. specie administranda sint. Etenim idem Dominus non solum cum de hoc sacramento loqueretur, alterius tantum speciei sepius meminit, ut cum inquit. Si quis manducauerit ex hoc pane, uiuet in æternum: & Panis quem ego dabo, caro mea est pro mūdi uita:

& Qui

& Qui manducat hunc panem, uiuet in eternum. Multis uero, & ijs quidem grauissimis rationibus adductam esse Ecclesiam patet, ut hanc potissimum sub altera specie cōmunicandi consuetudinem nō solum approbaret, sed etiam decreti auctoritate firmaret. Primum enim maxime cauendum erat, ne sanguis Domini in terram funderetur: quod quidē facile uitari posse non uidebatur, si in magna populi multitudine eum ministrare oportuisset. Preterea, cum sacra Eucharistia ægrotis præsto esse debeat, magnopere timendum erat, ne, si diutius uini species asseruaretur, coaceresceret. Per multi præterea sunt, qui uini saporem, ac ne odorem quidem perferre ullo modo possint. Quare ne, quod spiritualis salutis causa dandum est, corporis ualitudini noceret, prudentissime sancitum est ab Ecclesia, ut panis tantummodo speciem fideles acciperent. Accedit ad alias rationes, quod in pluribus, prouincijs summa uini penuria laboratur: neque id aliunde, sine maximis impensis, ac non nisi longissimis, & difficillimis itineribus, conuehi potest. Deinde, quod maxime omnium ad rem pertinet, conuellenda erat eorum hæresis, qui negabant sub utraque specie totū Christum esse sed corpus tantum exangue sub panis: sanguinem autem sub uini specie contineri asseriebant. Vt igitur fidei catholicæ ueritas magis antè omnium oculos poneretur, sapientissimo consilio alterius speciei, hoc est panis communio inducta est. Sunt & aliæ rationes ab ijs collectæ, qui de hoc argumento disserunt; quæ, si opus esse uidebitur, a Parochis afferri poterunt. Iam de ministro, quamuis id a nemi-

ne fere ignorari possit, agendum est; ne quid prætermis-  
sum sit, quod ad huius sacramenti doctrinā  
pertinere uideatur, itaque tradendum est, solis sa-  
cerdotibus potestatem datam esse, ut sacram Eucha-  
ristiam conficiant, ac fidelibus distribuant. Eū  
autem morem in Ecclesia semper seruatum esse,  
ut fidelis populus a sacerdotibus sacramenta acci-  
peret; sacerdotes autē sacra facientes ipsi se cōmu-  
nicarent, sancta Tridentina Synodus explicauit;  
ostenditque hanc consuetudinem, tamquā ab apo-  
stolica traditione profectam, religiose retinendam  
esse; cum præsertim huius rei illustre nobis exem-  
plum Christus dominus reliquerit, qui & sanctissi-  
mum corpus suum consecrauit, & apostolis suis  
manibus porrexerat. Verum, ut quacumque ratio-  
ne tanti sacramenti dignitati consuleretur, non mo-  
do eius ministrandi potestas solis sacerdotibus da-  
ta est, sed lege etiā Ecclesia uetuit, ne quis, nisi cōse-  
cratus esset, sacra uasa, lintea, & alia instrumenta,  
quæ ad illius cōfectionē necessaria sunt, tractare,  
aut tangere auderet; modo grauis aliqua necessitas  
non incideret. Ex quo tum sacerdotes ipsi, tum re-  
liqui fideles intelligere possunt, quanta religione,  
& sanctitate præditos esse oporteat, qui ad Eucha-  
ristiam uel consecrandam, uel ministrandam,  
uel sumendam accedunt. Quamquam, quod antea  
de ceteris sacramentis dictum est, ea non minus  
per improbos administrari, si, quæ ad illorum  
perfectam rationem attinent, rite seruentur; idem  
ualet in Eucharistiæ sacramento. neque enim hæc  
omnia ministrorum merito niti, sed Christi do-  
mini uirtute, & potestate geri credendum est. Hæc  
sunt,

*Conc. Trid.*

*Matth. 26*

*Marc. 14*

sunt, quę de Eucharistia, ut sacramentum est, explicanda erunt.

Nunc, quod restat dicendum, ut sacrificium est, explanare oportet; ut intelligant Parochi, quę potissimum de hoc mysterio, quemadmodum sancta Synodus decreuit, Dominicis & festis diebus fide- *Trid. Syn.* li populo tradere debeant. Etenim hoc sacramentum non solum thesaurus est cęlestium diuitiarũ; quo si bene utamur, Dei gratiam nobis conciliamus, & amorem: sed in eo pręcipua quędam ratio inest, qua ei. pro immensis in nos collatis beneficijs aliquam gratiam referre possimus. At uero hęc uictima si rite, & legitime immoletur, quam grata, & accepta Deo sit, ex hoc colligitur. Si enim ueteris legis sacrificia, de quibus scriptum est; Sacri- *Psal. 9* fici- *Psal. 50* um, & oblationem noluisti. & iterum; Si uoluisses, sacrificium dedissem: utique holocaustis nõ delectaberis: ita placuerunt Domino, ut scriptura Deum odoratum esse odorem suauitatis, idest grata ei & accepta fuisse, testetur: quid nobis sperandũ de eo sacrificio, in quo ille ipse immolatur, atque offertur, de quo cęlestis uox bis audita est; Hic est filius meus dilectus, in quo mihi bene complacui? *Matt. 3. 17* Hoc igitur mysterium Parochi diligenter exponẽs; ut, cum fideles ad rem diuinam conuenerint, attente, & religiose sacra illa, in quibus intersunt, meditari discant. In primis autem docebunt, Eucharistiam duabus de causis a Christo domino institutam esse. altera est, ut cęleste animę nostrę alimẽtum esset, quo uitam spiritualem tueri, & conseruare possemus: altera, ut Ecclesia perpetuum sacrificium haberet, quo peccata nostra expiarentur, & cęle-



cælestis pater, sceleribus nostris sæpe grauiter offensus, ab ira ad misericordiã, a iustę animaduersionis seueritate ad clementiam traduceretur. Huius rei figuram, & similitudinem in agno Paschali licet animaduerrere, qui ut sacrificium & sacramentum a filiis Israel offerri, & comedi consueuerat. Nec uero, cum Saluator noster Deo patri se ipsum in ara crucis oblaturus esset, ullam suę erga nos imense charitatis illustriorem significationem dare potuit, quam cum nobis uisibile sacrificiũ reliquit, quo cruentũ illud, semel in cruce paulo post immolandum, instauraretur, eiusque memoria usque in finem sæculi quotidie summa cũ utililitate ab Ecclesia per uniuersum orbem diffusa coleretur. Differunt autem plurimum inter se hæ duæ rationes. sacramentum enim consecratione perficitur: omnis uero sacrificij uis in eo est, ut offeratur. Quare sacra Eucharistia, dum in pyxide continetur, uel ad ægrotum defertur, sacramenti, non sacrificij rationem habet: deinde etiam, ut sacramentum est, ijs, qui diuinam hostiam sumũt, meriti causam affert, & omnes illas utilitates, quæ supra commemoratę sunt: ut autem sacrificium est, non merendi solum sed satisfaciendi quoque efficientiam continet. nam ut Christus dominus in passione sua pro nobis meruit, ac satisfecit: sic qui hoc sacrificium offerunt, quo nobiscum communicant, Dominicę passionis fructus merentur, ac satisfaciunt. Iam, de huius sacrificij institutione nullum ambigendi locum san

*Trid. Syn.* cta Tridentina Synodus reliquit: declarauit enim, in extrema cena a Christo domino institutum esse, simulque anathemate eos damnauit, qui asserant, uerum

uerum & proprium sacrificium Deo non offerri, aut, offerre, nihil aliud esse, quam Christum ad manducandum dari. Nec uero illud pratermisit, quin diligenter explicaret, uni Deo sacrificium fieri. nam etsi Ecclesia interdum Missas in memoriam, & honorem sanctorum celebrare consuevit, non tamen illis sacrificium, sed uni Deo, qui sanctos immortalis gloria coronauit, offerri docuit. Quare nec sacerdos umquam dicere solet; Offero tibi sacrificium, Petre, uel Paule; sed, dum uni soli Deo immolat, gratias illi agit pro beatissimorum martyrum insigni uictoria; eorumque patrociniū ita implorat, ut ipsi pro nobis intercedere dignentur in celis, quorum memoriam facimus in terris. Hæc autem, quæ de huius sacrificij ueritate a catholica Ecclesia tradita sunt, ex Domini uerbis accepit; cum extrema illa nocte hæc ipsa sacra mysteria apostolis commendans, Hoc facite, inquit, in meam cōmemorationem. Eos enim quemadmodū a sancta Synodo definitum est, tunc sacerdotes instituit, præcepitque, ut ipsi, & qui eis in sacerdotali munere successuri essent, corpus eius immolarent, & offerrent. atque id etiam Apostoli uerba ad Corinthios scripta satis demonstrant, cum ait: Non potestis calicem Domini bibere, & calicem dæmoniorum: non potestis mensæ Domini participes esse, & mensæ dæmoniorum. Vt enim pro dæmoniorum mensa altare, in quo eis immolabatur, intelligendum est: ita etiam (ut, quod Apostolus proponit, probabili argumentatione concludatur) mensa Domini nihil aliud, nisi altare, in quo sacrificium Domino fiebat, significare potest.

Luc. 26

1. Cor. 11

Cons. Trid.

1. Cor. 10

R Quod

*Eucharistia.* Quod si ex ueteri testamento huius sacrificij *fi-*  
*sacrificium* guras, & oracula requiramus: primum quidem  
*figuris &* de eo Malachias apertissime uaticinatus est, his  
*prophetijs* uerbis: Ab ortu solis usque ab occasum magnum  
*ueteris testa-* est nomen meum in gentibus; & in omni loco sa-  
*menti præ-* crificatur; & offertur nomini meo oblatio munda:  
*dictum.*  
*Malach. 1*

quia magnum est nomen meum in gentibus, dicit Dominus exercituū. Præterea, hæc hostia tam ante, quam post latam legem, uarijs sacrificiorū generibus prænūciata est. Etenim bona omnia, quæ ijs sacrificijs significabantur, hæc una uictima, tamquā omnium perfectio, & absolutio, complexa est. Verumtamen nulla in re eius imaginem magis expressam licet uidere, quā in Melchisedec sacrificio. ipse enim Saluator sacerdotē secundū ordinem Melchisedec se in æternum constitutū declarās, corpus & sanguinē suū in extrema cena sub speciebus panis, & uini Deo patri obtulit. Vnum itaq. & idem sacrificiū esse fatemur, & haberi debet, quod in Misa peragitur, & quod in cruce oblatum est: quemadmodum una est & eadem hostia Christus, uidelicet dominus noster, qui se ipsum in ara crucis semel tantummodo cruentū immolauit. neque enim cruēta, & incruenta hostia, duæ sunt hostiæ, sed una tantum, cuius sacrificium, postquam Dominus ita præcepit, Hoc facite in meam commemorationem; in

*Luc. 22*

*1. Cor. 11*

Eucharistia quotidie instauratur. Sed unus etiam, atque idem sacerdos est Christus dominus, nam ministri, qui sacrificium faciunt, non suam, sed Christi personam suscipiunt, cum eius corpus & sanguinem conficiunt. id quod & ipsius cōsecrationis uerbis ostenditur. neque enim sacerdos inquit, Hoc est corpus

corpus Christi, sed, Hoc est corpus meū: personam uidelicet Christi domini gerens, panis, & uini substantiam, in ueram eius corporis, & sanguinis substantiam conuertit. Quæ cum ita sint; sine ulla dubitatione docendum est, id quod etiam sancta Synodus explicauit, sacrosanctum Missæ sacrificij *Trid. Syn.* um esse non solum laudis, & gratiarum actionis, aut nudam commemorationem sacrificij, quod in cruce factum est, sed uere etiam propitiatorium sacrificium, quo Deus nobis placatus, & propitius redditur. Quare si puro corde, & accensa fide, & intimo nostrorum scelerum dolore affecti hanc sanctissimam hostiam immolemus, & offeramus; dubitandum non est, quin misericordiam a Domino consecuturi simus, & gratiam in auxilio opportuno. huius enim uictimæ odore ita delectatur Dominus, ut gratiæ, & penitentiae donum nobis impertiens peccata condonet. Quamobrem & sollemnis est illa Ecclesiæ precatio; Quoties huius hostiæ cōmemoratio celebratur, toties opus nostræ salutis exercetur: nimirum uberrimi illi cruentæ hostiæ fructus per hoc incruentum sacrificium ad nos manant. Deinde uero huius sacrificij eam uim esse, *Trid. Syn.* Parochi docebunt, ut non solum immolanti, & fumentis profit, sed omnibus etiam fidelibus, siue illi nobiscum in terris uiuant, siue, iam in Domino mortui, nondum plane expiati sint. Neque enim minus ex apostolorum certissima traditione pro his utiliter offertur, quam pro uiuorum peccatis, pœnis, satisfactionibus, ac quibusuis calamitatibus, & angustijs. Ex quo facile perspicitur, omnes Missas communes censendas esse, ut quæ ad cōmunne om-



nium fidelium utilitatem, & salutem pertineat. Habet autem hoc sacrificiū multos, eosq. maxime insignes, ac sollemnes ritus, quorū nullus superuacaneus, aut inanis existimandus est; uerum omnes eo spectant, ut & tāti sacrificij maiestas magis eluceat, & salutaribus mysterijs intuendis ad rerum diuinarum, quæ in eo sacrificio occulte sunt, contemplationem fideles excitentur. Sed de his nihil est ut plura dicamus, tum quia hoc argumentum longiorē explicationem postulare uidetur, quam propositę institutioni conueniat; tum quia innumerabiles pene libellos, & commentarios, qui de hac re a pijs & doctissimis uiris conscripti sunt, sacerdotes in promptu habebunt. Haftenus igitur satis fuerit, earum rerum, quę ad Eucharistiam, tum quia sacramentum, tum quia sacrificium sit, pertinent, potiora capita, iuuante Domino, exposuisse.

## D E S A C R A M E N T O P A E N I T E N T I A E.



Vemadmodum humanæ naturæ fragilitas, & imbecillitas omnibus nota est, eamq. in se ipso quisq. facile experitur: ita, quantam habeat necessitatem penitentię sacramentū, ignorare nemo potest. Quod si diligentiam, quę a Parochis in unoquoque argumento adhibenda est, ex rei, quam tractant, magnitudine, & pondere metiri oportet; omnino fabrimur, eos numquam in huius loci explicatione adeo diligentes futuros esse, ut satis uideri possit: quin etiā de hoc sacramento, quā de baptismo, eo

accu-

accuratius agendū est, quod baptismus semel tantum administratur, nec iterari potest; penitentię uero toties locus datur, eiusque repetendę toties necessitas imposita est, quoties post baptismum peccare contingat. ita enim a Tridentina Synodo dictum est, sacramentum penitentię non secus lapsis post baptismū, ac baptismum nondum regeneratis, ad salutē necessarium esse: uulgataque illa sancti Hieronymi sententia ab omnibus, qui deinceps res sacras tradiderunt, magnopere comprobatur, penitentiam esse secundam tabulam. Vt enim, contrafacta naui, unū uitę seruandę per fugiū reliquum est, si forte tabulam aliquam de naufragio liceat arripere: ita, post amissam baptismi innocentiam, nisi quis ad penitentię tabulam confugiat, sine dubio de eius salute desperandum est. Hęc autem non ad Pastores solum, sed ad reliquos etiam fideles excitandos dicta sint; ne forte in eis rei maxime necessarię incuria reprehendatur. Primum enim communis fragilitatis memores omni studio optare debent, ut diuina ope adiuti, sine casu, aut prolapsione aliqua in uia Domini progredi possint. quod si nonnumquā offenderint, tum uero summam Dei benignitatē intuentes, qui tamquam bonus pastor ouium suarū uulnera obligare, eisque mederi solet, hoc saluberrimū pænitię medicamentū numquam in aliud tempus differendum esse cogitabūt.

Vt autem rem ipsam aggrediamur, prius explicanda est uaria huius nominis potestas, & notio: ne aliquis ambiguitate uocis in errorē inducatur. Nonnulli enim penitentiam pro satisfactione accipiunt. Alij, a catholicę fidei doctrina longissime re

*Trid. Syn.*

*S. Hieron.*

*De penit.*

*De penit.*

*De penit.*

*De penit.*

*De penit.*

*De penit.*

*De penit.*

*De penit.*

*De penit.*

*De penit.*

*De penit.*

*De penit.*

R ; moti,

moti, cum arbitrentur penitentiā nullam temporis  
 preteriti rationem habere, nihil aliud, quā nouam  
 uitam, esse definiunt. Docendū est igitur, multipli-  
 cem esse huius nominis significationem. Primum  
 enim pænitentia de ijs dicitur, quibus aliquid displi-  
 cet, quod ante placuerit, nulla habita ratione huius  
 cogitationis, bonum ne an malū fuerit. Sic omnes  
 2. Cor. 7 pænitet, quorum tristitia secundum sæculum est,  
 non secundum Deum; cuiusmodi pænitentia non  
 salutem affert, sed mortem. Altera est penitencia,  
 cum quis ex scelere admissio, quod quidē antea pla-  
 ceat, dolorem non Dei, sed sui ipsius causa concipi-  
 pit. Tertia est, cum nō solum admissi sceleris causa  
 intimo animi sensu dolemus, uel eius doloris exter-  
 num etiam aliquod signum damus, uerum unius  
 Dei causa in eo merore sumus. Ac singulis quidem  
 penitentię generibus, quę commemorata sunt, pe-  
 nitentię uox proprie conuenit. nam cum in sacris  
 Gen. 6 litteris Deum pænitere legimus, id per translatio-  
 1. Reg. 15 nem dici perspicuum est. eo enim loquendi genere;  
 Psal. 105 quod ad hominum mores accommodatum est, sacre  
 Hier. 26 litterę utuntur, cum Deum mutare aliquid consti-  
 tuisse declarant: quod non aliter facere uideatur,  
 quam homines: quos si alicuius rei pæniteat, eam  
 commutare omni studio laborant. Sic ergo scriptū  
 est, pænituisse eum, quod hominem fecisset: &  
 Gen. 6 alio loco, quod Saul regem cōstituisset. Verum in-  
 1. Reg. 15 ter has penitentię significationes magnum discrimen  
 obseruare oportet. Prima enī in uitio ponē-  
 da est: altera est quędam commoti, & perturbati  
 animi affectio: tertiam tum ad uirtutem pertinere,  
 tum sacramentum esse dicimus. quę significatio hu-  
 ius

ius loci propria est. ac primum quidem de ipsa, ut uirtutis parte, agendum est, non solum, quia fidelis populus ad omne uirtutis genus institui a Pastoribus debet; sed etiam, quia huius uirtutis actiones tamquam materiam præbent, in qua penitentiae sacramentum uersatur; ac nisi prius, quæ sit penitentiae uirtus, recte intelligitur, sacramenti etiã uim ignorari necesse est. Quare in primis monendi, hortandiq. sunt fideles, ut omni contentione, & studio in intima animi penitentia, quam uirtutem dicimus, elaborent; sine qua ea, quæ extrinsecus adhibetur, parum admodum profutura est. Intima autem penitentia est illa, cum ad Deum nos ex animo conuertimus, & commissa a nobis scelera detestamur, & odio habemus: simulque illud nobis certum, & deliberatum est, malam uitæ consuetudinem, corruptosque mores emendare, nõ sine spe ueniz a Dei misericordia consequendæ. Hæc uero dolor, & tristitia, quæ perturbatio, & affectio est, & passio a multis uocatur, consequitur, ueluti comes peccatorum, detestationi adiuncta. quamobrem apud complures ex sanctis Patribus penitentiz definitio huiusmodi animi cruciatus declaratur. Verum in eo, quem penitet, fides penitentiam antecedit, necesse est. neque enim potest quisquam se ad Deum conuertere, qui fide careat. ex quo fit, ut nullo modo penitentiz pars recte dici possit. Quod autem intima hæc penitentia, ut antea diximus, ad uirtutem pertineat, aperte ostendunt multa, quæ de penitentia tradita sunt, præcepta. Lex enim de ijs tantum actionibus, quæ suscipiuntur cum uirtute, præcipit. Negare præte-



rea nemo potest, quin dolere, quādo, quo modo, & quatenus oportet, uirtutis sit. hoc autem ut recte fiat, pænitentiae uirtus præstat. Interdum enim euenit, ut ex admissis sceleribus minorem, quam par est, dolorem homines capiāt. quin etiam, ut a Salomone scriptum est, nonnulli sunt, qui, cum malefecerint, letantur. rursus uero alij ita se memoriori animi, & egritudini dedunt, ut de salute etiam prorsus desperent: qualis fortasse Caim uideri potest, qui ait; Maior est iniquitas mea, quam ut ueniam merear: & qualis certe Iudas fuit, qui pænitentia ductus, suspendio uitam, & animam amisit. Ut igitur modum in dolore tenere possimus, pænitentiae uirtute adiuuamur. Sed idem etiam ex ijs rebus colligi potest, quas sibi tamquam finem proponit is, quem uere peccati pœnitet. Primum autem hoc ei propositū est, ut peccatū aboleat, omnemque animæ culpam, & maculam abstergat. Alterum est, ut pro sceleribus admissis Deo satisfaciat: quod quidem ad iustitiā referri perspicuum est. nam etsi inter Deū & homines propria iustitię ratio intercedere non potest, cū tam longo interuallo inter se distent: aliquam tamen esse iustitiam constat, cuius modi est inter patrem & filios, inter dominum & seruos. Tertium est, ut homo in Dei gratiam redeat, in cuius offensionem, & odium propter peccati sceditatem incurrit. Hæc uero omnia satis declarant, pænitentiam ad uirtutem spectare.

Quibus uis ad uirtutem Pœnitentię perueniat.

Sed docendum est etiam, quibus gradibus ad hanc diuinam uirtutem liceat ascendere. Primum itaque Dei misericordia nos præuenit, cordaque nostrum ad se conuertit. Quod cum precaretur Propheta,

pheta ; Conuerte , inquit , nos Domine ad te , & conuertemur . Deinde hoc lumine illustrati , per fidem ad Deū animo tendimus . Credere enim oportet accedentem ad Deum , ut Apostolus testatur , *Hebr. 11* quia est , & inquirentibus se remunerator sit . Præterea motus timoris consequitur ; & , suppliciorum acerbitate proposita , animus a peccatis reuocatur . atque huc uidentur spectare illa Isaiaë uerba ; Sicut *Isa. 26* quæ concipit , cum appropinquauerit ad partum , dolens clamat in doloribus suis ; sic facti sumus . Huc deinde accedit spes impretrandæ a Deo misericordiæ , qua erecti uitam & mores emendare constitui-  
mus . Postremo charitate corda nostra acceduntur , ex qua liberalis ille timor , probis , & ingenuis filijs dignus , oritur ; atque ita unum illud ueriti , ne qua in re Dei maiestatem lædamus , peccandi consuetudinem omnino deferimus . Hisce igitur quasi gradibus ad hanc præstantissimam penitentiaë uirtutem peruenitur : quæ prorsus diuina & celestis uirtus existimanda est ; cui scilicet regnum celorum sacre litteræ pollicentur . nam apud sanctum Mattheum *Matth. 4* scriptum est : Penitentiam agite ; appropinquabit enim regnum celorum . Et apud Ezechielem : Si im- *Ezech. 18* pius egerit pænitentiam ab omnibus peccatis suis , quæ operatus est ; & custodierit omnia præcepta mea , & fecerit iudicium , & iustitiam ; uita uiuet . Tum alio loco : Nolo mortem impij , sed ut cōuerta *Ezech. 33* tur impius a uia sua , & uiuat . Quod quidē de æterna , & beata uita intelligendum esse , plane constat . De externa uero pænitentia docendū est , eam esse , in qua sacramenti ratio consistit , habereque externas quasdam res sensibus subiectas , quibus decla-  
rantur

rantur ea, quæ interius in anima fiunt. In primis autem explanandum fidelibus uidetur, quare factum sit, ut Christus dominus penitentiam in numerum sacramentorum referri uoluerit. Huius autem rei illa omnino causa fuit, ut nobis de remissione peccatorum, quam Deus pollicitus est, cum ait; Si impius egerit penitentiam, &c. minus dubitare nobis liceret. uehementer enim pēdere animo de intima pænitentia opus esset, cum de suo cuique iudicio in ijs, quæ agit, merito timendum sit. Vt igitur Dominus huic nostræ sollicitudini subueniret, penitentię sacramentum instituit, quo per sacerdotis absolutionem peccata nobis remissa esse consideremus, conscientięq. nostrę ob fidem, quę sacramentorū uirtuti merito habenda est, pacatiores redderentur. Neq. enim aliter accipienda est uox sacerdotis, peccata nobis legitime condonantis, quam Christi domini, qui ait paralytico; Confide fili: remittuntur tibi peccata tua. Deinde uero, cum nemo salutē, nisi per Christū, eiusque passionis beneficio, cōsequi possit; cōsentaneum, nobisq. utilissimū fuit, eiusmodi sacramentum institui, cuius ui, & efficiētia Christi sanguis ad nos defluens, peccata post baptismū admissa elueret, atq. ita recōciliationis beneficiū illi unī Saluatori nostro acceptū referre profiteremur,

*Matth. 9*

*Penitentia  
est uere sa-  
cramentū,  
et iterari  
posse.*

Quod uero pænitentia sacramentum sit, Pastores ita facile ostendent. ut enim baptismus sacramentum est, quia peccata omnia, ac præsertim quod origine contractum fuit, delet: eadem ratione pænitentia, quæ peccata omnia, post baptismum uoluntate, uel actione suscepta, tollit, uere, & proprie sacramentum dicendum est. De-

inde,

inde, quod caput est, cum illa, quæ extrinsecus tum a  
 pœnitente, tum a sacerdote fiunt, declarent ea, quæ  
 interiorius efficiuntur in anima; quis neget, pœniten-  
 tiam uera, & propria sacramenti ratione præditam  
 esse? siquidem sacramentū sacrę rei signum est: pec-  
 cator autem, quem pœnitet, rerum, & uerborum  
 notis plane exprimit, se animum a peccati turpitu-  
 dine abduxisse; itemq. ex ijs, quæ a sacerdote ge-  
 runtur, & dicuntur, misericordiam Dei, peccata  
 ipsa remittentis, facile cognoscimus. quamquam  
 hoc aperte indicāt illa Saluatoris uerba: Tibi dabo  
 claues regni cælorum; & quodcumque solueris  
 super terrā, erit solutum & in cælis. Absolutio enim  
 sacerdotis uerbis enunciata, remissionem illam  
 peccatorū signat, quam in anima efficit. Neq. uero  
 solum fideles docendi sunt, pœnitentiā in numero  
 sacramentorum habendam esse, sed eorū etiam, quæ  
 iterari possunt. Quærenti enim Petro, num septies  
 uenia peccati danda esset, Dominus respōdit: Non  
 dico tibi usque septies, sed usque septuagies septies.  
 Quare si cū eiusmodi hominibus agendum sit, qui  
 summæ Dei bonitati, & clementiæ diffidere uideā-  
 tur, confirmandus erit illorū animus, atque ad spē  
 diuinæ gratiæ erigendus. quod quidem facile con-  
 sequentur tum huius loci, & aliorū tractatione, qui  
 in sacris litteris permulti occurrent; tum uero ijs ra-  
 tionibus, & argumentis, quæ ex sanctorum Chry-  
 sostomi libro de lapsis, Ambrosij libris de pœnitē-  
 tia perere licebit. Iam, quoniam nihil fidei populo  
 notius esse debet, quam huius sacramenti materia:  
 docendum est, in eo maxime hoc sacramentum ab  
 alijs differre, quod aliorum sacramentorum mate-  
 ria

Matth. 18

Matth. 18

S. Chrys.  
D. Ambros.



ria est res aliqua naturalis, uel arte effecta; sacramenti uero pœnitentiæ quasi materia sunt actus penitentis, nempe contritio, confessio, & satisfactio, ut a Tridentina Synodo declaratum est: qui quatenus in pœnitente, ad integritatem sacramenti, & plenam, ac perfectam peccatorum remissionem ex Dei institutione requiruntur, hac ratione partes pœnitentiæ dicuntur. Neque uero hi actus, quasi materia a sancta Synodo appellantur, quia ueræ materiæ rationem non habeant, sed quia eius generis materia non sint, quæ extrinsecus adhibeatur, ut aqua in baptismo, & chrisma in confirmatione. Quod autem ab alijs dictum est, peccata ipsa huius sacramenti materiam esse; nihil plane diuersum dici uidebitur, si diligenter attendamus. Vt enim ignis materiam ligna esse dicimus, quæ ui ignis consumuntur: ita peccata, quæ pœnitentia delentur, recte huius sacramenti materia uocari possunt. Sed formæ etiam explicatio Pastoribus prætermittenda non est, quod eius rei cognitio excitet fidelium animos ad percipiendam summa cū religione huius sacramenti gratiam. Est autem forma. Ego te absoluo: quam non solum ex illis uerbis licet colligere, Quæcumque solueritis super terram, erunt soluta & in cælis; sed ex eadem Christi domini doctrina ab apostolis traditam, accepimus. Ac quoniam sacramenta id significant, quod efficiunt; illa, Ego te absoluo, ostendunt peccatorum remissionem huius sacramenti administratione effici; planum est, hanc esse pœnitentiæ perfectâ formam. sunt enim peccata tamquam uincula, quibus constrictæ animæ tenentur, & ex quibus pœnitent-

*Conc. Trid.*

*Matth. 18*

nitentię sacramento laxantur . quod quidem non minus uere de illo etiam homine sacerdos pronunciat , qui prius ardentissime contritionis ui , accedente tamen confessionis uoto , peccatorum ueniam a Deo consecutus sit . Adduntur præterea complures preces , non quidem ad formam necessarię , sed ut ea remoueantur , quę sacramenti uim , & efficientiam illius culpa , cui administratur , impedire possent . Quamobrem peccatores Deo ingentes gratias agant , qui tam amplam potestatem in Ecclesia sacerdotibus tribuerit . Neque enim *Leu. 13. 24* ut olim in ueteri lege , sacerdotes testimonio suo aliquem a lepra liberatum esse , dumtaxat renuntiabant ; ita nunc in Ecclesia ea tantum potestas sacerdotibus facta est , ut aliquem peccatis absolutum esse declarent : sed uere tamquam Dei ministri absoluunt ; id quod Deus ipse , gratię , & iustitię auctor , ac parens , efficit . Diligenter uero ritus etiam , qui ad hoc sacramentum adhibentur , si deles obseruabunt . ita enim fiet , ut animo magis hereant , quę hoc sacramento consecuti sunt , nimirum se tamquã seruos clementissimo domino , uel filios potius optimo parenti reconciliatos esse ; & si mul facilius intelligant , quid eos facere oporteat , qui uelint (uelle autem omnes debent) se tanti beneficij gratos , & memores probare . nam quem peccatorum penitet , is se humili ac demisso animo ad pedes sacerdotis deiicit ; ut , cum se tam humiliter gerat , facile possit agnoscere superbię radices euelendas esse , a qua omnia scelera , quę deflet , ortum habuerint , & enata sint . In sacerdote autem , qui in eum legitimus iudex sedet , Christi domini personam

sonam & potestatem ueneratur. Sacerdos enim, quemadmodū in alijs, ita in pænitiæ sacramento administrādo Christi munus exequitur. Deinde peccata sua pænitens ita enumerat, ut se maxima, & acerbissima animaduersione dignum esse fateatur: supplexque delictorum ueniam petit. quæ sane omnia uetustatis suæ certissima testimonia a sancto Dionysio habent.

**S. Diony.**

*Quæ saluta-  
res fructus  
ex Pæniten-  
tiæ sacrame-  
nto percipiun-  
tur.*

Sed nihil profecto tā proderit fidelibus, nihilque maiorem illis alacritatem pænitiæ suscipiendæ afferet, quam si a Parochis sæpe explicatum fuerit, quantam ex ea utilitatem capiamus. uere enim de pænitiā illud dici posse intelligent, eius quidem radices amaras, fructus uero suauissimos esse. Pænitiæ itaque omnis in eo uis est, ut nos in Dei gratiam restituat, cum eoque summa amicitia coniungat. Hanc uero reconciliationem interdum in hominibus pijs, qui hoc sacramentum sancte, & religiose percipiunt, maxima conscientia pax, & tranquillitas, cum summa spiritus iucunditate consequi solet. nullum est enim tam graue, & nefarium scelus, quod pænitiæ sacramento non quidem semel, sed iterum, & sæpius non deleatur. Qua de re ita Dominus per Prophetam inquit: Si impius egerit pænitiā ab omnibus peccatis suis, quæ operatus est, & custodierit præcepta mea, & fecerit iudicium, & iustitiam; uita uiuet, & non morietur; omnium iniquitatum eius, quas operatus est, non recordabor. Et sanctus Ioannes: Si confiteamur peccata nostra, fidelis est, & iustus, ut remittat nobis peccata nostra. Et paulo post, Si quis peccauerit,

**Ezech. 18**

**1. Ioan. 1**

**1. Ioan. 2**

rit,

rit, inquit, nullum uidelicet peccati genus excipiēs, aduocatum habemus apud patrem Iesum Christū iustum, & ipse est propitiatio pro peccatis nostris, non pro nostris autem tātum, sed etiam pro totius mundi. Quod autem in scripturis legimus; quosdā

a Domino misericordiam non esse consecutos, quā uis eam uehementer implorauerint; id uero idcirco factum esse intelligimus, quod eos uere, atque ex animo delictorum non penitebat. Quare cum huiusmodi sentētię in sacris litteris, uel apud sanctos Patres occurrunt, quibus uidentur affirmare aliqua peccata remitti non posse; ita eas interpretari oportet, ut difficilem admodum esse uenīę impetrationem intelligamus. Vt enim morbus aliquis ea re insanabilis dicitur, quod ægrotus ita affectus sit, ut salutaris medicinę uim oderit: sic quoddam est peccati genus, quod non remittitur, nec condonatur; propterea quod proprium salutis remedium, Dei gratiam repellit. In hanc sententiam a diuo Augustino dictum est: Tanta labes est illius peccati, cum post agnitionem Dei per gratiam Christi oppugnat aliquis fraternitatem, & aduersus ipsam gratiam inuidiæ facibus agitur, ut deprecandi humilitatem subire non possit, etiā si peccatum mala conscientia agnoscere, & annunciare cogatur. Sed, ut ad pēnitentiam reuertamur, hæc adeo propria eius uis est, ut peccata deleat, ut sine pēnitentia remissionem peccatorum impetrare, aut ne sperare quidem ullo modo liceat. scriptum est enim: Nisi pēnitentiam habueritis, omnes similiter peribitis. Quod quidē

D. August.

Luc. 13

Do-



Domino est: et si aliquo etiam penitentię genere indigent leuiora peccata, quę uenialia uocantur. san-

**D. August.** Etus enim Augustinus inquit: cum quędam sit penitentia, quę quotidie in Ecclesia pro peccatis uenialibus agitur, illa sane frustra esset, si peccata uenialia absque penitentia dimitti possent.

*De partibus integris penitentia.*

Sed quoniam de ijs rebus, quę aliquo modo in actionem cadunt, non satis est uniuersę loqui; curabunt Pastores singillatim ea tradere, ex quibus uerę & salutaris penitentię ratio a fidelibus percipi queat. Est autem huius sacramenti proprium, ut præter materiam, & formam, quę omnibus sacramentis communia sunt, partes etiam, ut antea diximus, illas habeat, quę tamquam totam integramque penitentiam constituent, contritionem scilicet, confessionem, & satisfactionem: de quibus

**S. Chrys.**

D. Chrysostomus his uerbis loquitur: Penitentia cogit peccatorem omnia libenter sufferre, in corde eius contritio, in ore confessio, in opere tota humilitas, uel fructifera satisfactio. Hę autem partes ex earum partiũ genere esse dicuntur, quę ad aliquod totum constituendum necessarię sunt: quoniam, quemadmodum hominis corpus ex pluribus membris constat, manibus, pedibus, oculis, & alijs huiusmodi partibus, quarum aliqua si desit, merito imperfectum uideatur; perfectum uero, si nulla desideretur: eodem etiam modo penitentia ex hisce tribus partibus ita constituitur, ut, quamuis, quod ad eius naturam attinet, contritio, & confessio, quibus homo iustus efficitur, satis sit: tamen, nisi tertia etiam pars, idest satisfactio, accedat, aliquid ei omnino ad perfectionem desit, necesse sit. Quare  
adeo

adeo inter se hæ partes connexę sunt , ut contritio  
 confitendi, & satisfaciendi consilium & propositũ  
 inclusum habeat: confessionem contritio, & satisfa-  
 ciendi uoluntas; satisfactionem uero duæ reliquæ  
 antecedant. Harum autem trium patrium eam ra-  
 tionem asserre possumus, quod animo, uerbis, &  
 re ipsa peccata in Deum committantur. Quare cõ  
 sentaneum fuit, ut nos ipsos Ecclesiæ clauibus subij-  
 cientes, quibus rebus Dei sanctissimũ numen a no-  
 bis uiolatum esset, iisdem etiam eius iram placare,  
 & peccatorũ ueniam ab eo impetrare conaremur.  
 Sed idem etiam alio argumento confirmari potest.  
 Etenim pænitentia est ueluti quędam delictorum  
 compensatio, ab eius uoluntate profecta, qui deli-  
 quit, ac Dei arbitrio, in quem peccatum commis-  
 sum est, constituta. Quare & uoluntas compen-  
 sandi requiritur, in quo maxime cõtritiõ uersatur,  
 & pænitens sacerdotis iudicio, qui Dei personam  
 gerit, se subijciat, necesse est; ut pro scelerum ma-  
 gnitudine poenã constituere in eum possit, ex quo-  
 rum confessionis, tum satisfactionis ratio, & ne-  
 cessitas perspicitur. Quoniã uero harum partium  
 uim, & naturam tradere fidelibus oportet; prius  
 incipiendum est a contritione, eaque diligenter  
 explicanda. neque enim ad ullum tẽporis punctũ,  
 cum in memoriam præterita peccata redeunt, uel  
 cum aliquid offendimus, contritione animus debet  
 uacare. Hanc patres in Concilio Tridẽrino ita defi-  
 niunt: Contritio est animi dolor, ac detestatio de  
 peccatõ commisso, cum proposito nõ peccandi de  
 cetero. Et paulo post, de contritionis motu subijci-  
 tur: Ita demũ præparat ad remissionem peccato-  
 rum,

Conc. Flor.

Conc. Trid.

rum; si cum fiducia diuinæ misericordiæ, & uoto præstandi reliqua coniunctus sit: quæ ad rite suscipiendum hoc sacramentum requiruntur. Ex hac itaq. definitione intelliget fideles, contritionis uim, in eo tantum positam non esse, ut quis peccare desinat; aut propositum ei sit, nouum uitæ genus instituere, aut ipsum iam instituat; sed in primis male actæ uitæ odium, & expiationem suscipiendam esse. Id uero maxime confirmant illi sanctorum Patrum clamores, quos in sacris litteris frequenter profusos esse legimus. Laboraui, inquit Dauid, in gemitu meo: lauabo per singulas noctes lectum meum. Et: Exaudiuit Dominus uocem fletus mei. Et rursus alius: Recogitabo tibi omnes annos meos in amaritudine animæ meæ. Quas certe, & alias huiusmodi uoces uehemens quoddam anteactæ uitæ odium, & peccatorum detestatio expresfit.

*Contritio-  
nis propria  
nis & effi-  
cacia.*

Quod autem contritio dolore definita est, monendi sunt fideles, ne arbitrentur eum dolorem corporis sensu percipi. Contritio enim est, uoluntatis actio. Et sanctus Augustinus testatur, dolorem penitentiae comitem esse, non penitentiam. Verum peccati detestationem & odium, doloris uocabulo Patres significarunt; tum quia sacrae litteræ ita utuntur: ait enim Dauid; Quamdiu ponam consilia in anima mea, dolorem in corde meo per diem? tum quia dolor in inferiori animæ parte, quæ uim concupiscendi habet, ex ipsa contritione oritur, ut non incommode contritio dolore definita fuerit, quod dolorem efficiat, ad eumque declarandum penitentes uestem etiam mutare soliti sint: de quo Dominus apud sanctum Matthæum inquit:

*Psal. 12*

Inquit: Væ tibi Corozaim, uæ tibi Bathsaida: *Math. II.*  
quia si in Tyro, & Sidone factæ essent uirtutes,  
quæ factæ sunt in uobis, olim in cilicio, & cinere  
pænitentiam egissent. Recte autem cōtritionis no-  
mē peccati detestationi, de qua loquimur, ad signi-  
ficandam uim doloris impositum est, ducta simili-  
tudine a rebus corporeis, quæ minutatim saxo, aut  
duriorē aliqua materia cōfringūtur: ut eo uocabu-  
lo declararetur, corda nostra: quæ superbia obdu-  
ruerunt, pænitiæ uī contundi, atque conteri.

Quare nullus alius dolor uel ex parentum & filio-  
rum obitu, uel cuiusuis alterius calamitatis causa  
susceptus, hoc nomine appellatur, sed illius tantum  
doloris propriū est nomen, quo ex amissa Dei gra-  
tia, atque innocentia afficimur. Verū alijs quoque  
uocabulis eadē res declarari solet. nam & cōtritio  
cordis dicitur: quia cordis nomē frequenter sacrę  
litterę pro uoluntate usurpāt. ut enim a corde mo-  
tionum corporis principium sumitur: ita uoluntas,  
reliquas omnes animę uires moderatur, ac regit. Vo-  
catur etiam a sanctis Patribus cordis compunctio; *S. Chrys.*  
qui libros de cōtritione conscriptos, de compun-  
ctione cordis inscribere maluerunt. Etenim quem-  
admodū ferro tumida ulcera secantur, ut inclusum  
uirus possit erumpere; ita corda, quasi scalpello cō-  
tritionis adhibito, inciduntur, ut peccati mortife-  
rum uirus queant eiicere. quare & scissio cordis a  
Ioel propheta appellata est; Conuertimini, inquit *Ioel 2*  
ad me in toto corde uestro, in ieiunio, & in fletu,  
& in planctu, & scindite corda uestra. Summum  
uero & maximum dolorem ex peccatis, quæ com-  
missa sunt, suscipiendū esse, ita ut nullus maior exco-



1. *Iaan.* 3. gitari possit, facile erit huius rationibus demonstra-  
 re. nam cum perfecta contritio sit charitatis actio,  
 quę ab eo timore, qui filiorum est, proficiscitur;  
 patet eundem charitatis, & contritionis modum  
 statuendum esse: at quoniam charitas, qua Deum  
 diligimus, perfectissimus est amor, hinc fit, ut con-  
 tritio uehementissimū animi dolorem cōiunctum  
 habeat. ut enim maxime diligendus est Deus: ita,  
 quę nos a Deo alienāt, maxime detestari debemus.  
 In quo etiam illud obseruandum est, eodem loquē-  
 di genere, charitatis, & contritionis magnitudi-  
 nem in sacris litteris significari. De charitate di-  
 ctum est: Diliges dominū Deum tuum ex toto cor-  
 de tuo. Rursus, quod ad contritionem pertinet, cla-  
 mat Dominus per Prophetam: Conuertimini in  
 toto corde uestro. Pręterea, si, uti Deus summum  
 bonum est inter omnia, quę diligenda sunt, ita etiā  
 peccatum summum est malum inter omnia, quę  
 odisse homines debent: illud sequitur, ut, quam ob  
 causam Deum summe diligēdum esse confitemur,  
 ob eandem rursus peccati summum odium nos ca-  
 piat necesse sit. Omnibus uero rebus Dei amorem  
 anteponendum esse, ita ut ne uite quidem conser-  
 uandę causa peccare liceat, aperte nos docent illa  
 Domini uerba; Qui amat patrem, aut matrem  
 plus quam me, non est me dignus: & qui uoluerit  
 animam suam saluam facere, perdet eam. Sed il-  
 lud etiam animaduertendum est, ut, quemadmo-  
 dum, sancto Bernardo teste, nullus finis, & mo-  
 dus charitati pręscribitur, (Modus enim, inquit  
 ille, diligēdi Deum, est, ipsum diligere sine modo)  
 ita peccati detestationi nullus modus definiatur. Sit  
 præ-

*Deuter. 6*  
*Isai 2*

*Matth. 10*  
*Matth. 16*  
*Marc. 8*

*S. Bernar.*

prætereā non solum maxima, sed uehementissima, atque adeo perfecta, omnemque ignauiam, & sordidiam excludat. Etenim in Deuteronomio scriptum est: Cum quæsieris dominum Deum tuum, inuenies eum, si tamen toto corde quæsieris, & tota tribulatione animæ tuæ. & apud Hieremiam: *Hier. 29* Queretis me, & inuenietis, cum quæseritis me in toto corde uestro, & inueniar a uobis, ait Dominus. Quamquam si id minus cōsequi nobis liceat, ut perfecta sit, uera tamen & efficax contritio esse potest. sepe enim usu uenit, ut, quæ sensibus subiecta sunt, magis, quam spiritualia, nos afficiant. quare nonnulli interdū maiorem ex filiorum obitu, quam ex peccati turpitudine, doloris sensum capiunt. Idem etiam iudicium faciendum est, si lacrymæ doloris acerbiter non cōsequantur, quæ tamen in penitentia summopere optandæ, & commendandæ sunt. præclara est enim ea de re sancti Augustini sententia: Non sunt, inquit, in te Christianæ charitatis uiscera, si luges corpus, a quo recessit anima; animam uero, a qua recessit Deus, nō luges. Atque huc spectant illa Saluatoris nostri uerba, quæ supra allata sunt: Væ tibi Corozaim, uæ tibi Bethsaida: quia si in Tyro & Sidone factæ essent uirtutes, quæ factæ sunt in uobis, olim in cinere, & cilicio penitentiam egissent. Tamen si ad eam rem cōprobandā satis esse debent clarissima Niniuitarū, Dauidis, peccatricis, apostolorū Principis exempla; qui oēs plurimis lacrymis Dei misericordiam implorantes, peccatorum ueniā impetrarūt. *Singula peccata mortalia in con-*  
 Maxime autem hortandi, & monendi sunt fideles, ut ad singula mortalia crimina proprium contritionis

*tritione ex-* tritionis dolorem adhibere studeant : ita enim Eze-  
*primenda* chias contritionem describit, cum ait: Recogitabo  
*et detestari* tibi oēs annos meos in amaritudine anime mee .

*Ezech. 18* etenim, recogitare omnes annos, est, singillatim  
 apud Ezechielem quoque scriptum legimus : Si im-

*D. August.* pius egerit penitentiam ab omnibus peccatis suis,  
 uita uiuet . Atque in hanc sententiam sanctus Au-  
 gustinus inquit : Consideret peccator qualitatem  
 criminis in loco, in tempore, in uarietate, in per-  
 sona . Neque tamen hac in re despèrent fideles de  
 summa Dei bonitate, & clementia; is enim, cum  
 nostræ salutis cupidissimus sit, nullam moram ad-  
 tribuēdam nobis ueniam interponit, sed peccato-  
 rem paterna charitate complectitur, simul atque  
 ille se collegerit, & uniuerse peccata sua detesta-  
 tus, quæ deinde alio tempore, si facultas erit, sin-  
 gula in memoriam reducere, ac detestari in animo  
 habeat, ad Dominum se conuerterit. ita enim nos

*Ezech. 33* per Prophetam iubet sperare, cum inquit : Impie-  
 tas impij non nocebit ei, in quacunque die conuer-  
 sus fuerit ab impietate sua. Ex his igitur colligi po-  
*11. 10. 11.* terunt, quæ ad ueram contritionem maxime sunt  
 necessaria; de quibus fidelē populū accurate oport-  
 rebat docere; ut quisque intelligat, qua ratione cō-  
 parare eam possit; regulamque habeat, qua dijudi-  
 cet, quantum absit ab eius uirtutis perfectione .

Primū enim necesse est peccata omnia, quæ admi-  
 simus, odisse, & dolere; ne, si quedam tantum do-  
 leamus, ficta, & simulata, neque salutaris pæni-  
 tentia a nobis suscipiatur . nam, ut a sancto Iaco-  
*Iacob. 2.* bo apostolo dictum est; Quicumque totam legem

ser-

Seruauerit, offendit autem in uno, factus est omniū  
 reus. Alterum est, ut ipsa contritio, confitendi, &  
 satisfaciendi uolūtatem coniunctā habeat; de qui-  
 bus postea suo loco agetur. Tertium est, ut penitēs  
 uitę emendandę certam, & stabilem cogitationem  
 suscipiat. hoc uero Propheta his uerbis aperte nos Ezech. 18  
 docuit: Si impius egerit penitentiam ab omnibus  
 peccatis suis, quę operatus est, & custodierit om-  
 nia pręcepta mea, & fecerit iudicium, & iustitiam;  
 uita uiuet, & non morietur; omnium iniquitatum  
 eius, quas operatus est, non recordabor. & paulo  
 post: Cum auerterit se impius ab impietate sua, quā  
 operatus est, & fecerit iudicium, & iustitiam;  
 ipse animam suam uiuificabit. Ac paucis interte-  
 etis; Conuertimini, inquit, & agite penitentiam  
 ab omnibus iniquitatibus uestris; & non erit uobis  
 in ruinā iniquitas: proijcite a uobis omnes pręua-  
 ricationes uestras, in quibus pręuaricati estis; & fa-  
 cite uobis cor nouum, & spiritum nouum. Idem  
 etiam Christus dominus mulieri, quę in adulterio  
 deprehensa est, pręscripsit: Vade, inquit, & iam Ioan. 8  
 amplius noli peccare. Item paralytico illi, quem  
 ad probaticam piscinam curauerat; Ecce, ait, fa- Ioan. 5  
 nus factus es, iam noli peccare. Sed natura quoque  
 ipsa, & ratio plene ostendunt, duo illa ad contritio-  
 nem esse in primis necessaria, dolorē scilicet pecca-  
 ti admissi, & propositū cautionemque ne quid hu-  
 iusmodi in posterum cōmittatur. Nam qui amico  
 reconciliari uelit, quem iniuria aliqua affecterit, &  
 doleat oportet, quod in eū iniuriosus & cōtumelio-  
 sus fuerit; & diligenter reliquo tempore prouideat,  
 ne qua in re amicitia lesisse uideatur; quę duo obe-



dientiâ adiunctam habeant, necesse est. hominem enim legi, siue naturali & diuinæ, siue humanæ, quibus subiectus est, parere conuenit. Quare si quid pœnitens alteri per uim, aut per fraudē abstulit, restituat, oportet: itēq. alicuius aut cōmodi, aut officiij compensatione illi satisfaciât, cuius dignitatem, aut uitam dicto, factoue uiolauit. tritū

*D. August.* enim est omnium sermone, quod apud sanctum Augustinum legimus; Non remittitur peccatum, nisi restituatur ablatum. Neque uero inter cetera, quæ ad contritionem maxime pertinent, minus diligenter, & necessario curandum est, ut, quidquid iniuriarum ab altero acceperis, id totum remittatur, ac condonetur. ita enim Dominus & Saluator noster monet, atque denunciât: Si dimiseritis hominibus peccata eorum, dimittet & uobis pater uester cœlestis delicta uestra; si autem non dimiseritis hominibus, nec pater uester dimittet uobis peccata uestra. Hæc sunt, quæ fidelibus in contritione obseruanda sunt: cetera, quæ ad hanc rem colligi a Pastoribus facile poterunt, efficiunt quidem, ut in suo genere contritio sit magis perfecta, & absoluta; uerum adeo necessaria existimanda non sunt, ut sine his ueræ, & salutaris pœnitentiæ ratio constare non possit.

*Matth. 6*

*Fructus & utilitates contritionis.*

Sed quoniam non satis esse Pastoribus debet, si ea doceant, quæ ad salutem uidentur pertinere, nisi etiam omni cura & industria laborent, ut fideles ad eam ipsam rationem, quæ illis præscripta est, uitam, actionesque suas dirigant, uehementer proderit, contritionis uim, & utilitatem sæpius proponere. Nam cum pleraq. alia pietatis studia ueluti

bene-

beneficientia in pauperes, ieiunia, preces, & alia id genus sancta, & honesta opera, hominum culpa, a quibus proficiuntur, a Deo interdum repudientur; ipsa certe contritio numquam illi grata & accepta esse non potest. nam inquit Propheta: *Cor contritum, & humiliatum Deus non despiciet.* Quin etiam statim, ut eam mentibus nostris concepimus, peccatorum remissionem nobis a Deo tribui, alio loco eiusdem Prophetæ uerba illa declarant: *Dixi, confitebor aduersum me iniustitiâ meâ Domino, & tu remisisti impietatem peccati mei.* Atque eius rei figuram in decem leprosis animaduertimus, qui a Salvatore nostro ad sacerdotes missi, antequam ad illos peruenirent, a lepra liberati sunt. Ex quo licet cognoscere, ueræ contritionis, de qua supra dictum est, eam uim esse, ut illius beneficio omnium delictorum ueniam statim a Domino impetremus. Plurimum etiam ualebit ad fidelium mentes excitandas, si Pastores rationem aliquam tradiderint, qua se quisque ad contritionem exercere possit. Monere autem oportet, ut omnes conscientiam suam frequenter excutientes, uideant, num quæ a Deo, siue ecclesiasticis sanctionibus præcepta sunt, seruauerint: quod si quis alicuius sceleris reum se esse cognouerit, statim se ipsum accuset, supplexque a Domino ueniam exposcat, & spatium tum confitendi, tum satisfaciendi sibi dari postulet: in primisque diuinæ gratiæ præsidio se adiuuari petat, ne in posterum eadem illa peccata admittat, quæ admisisse uehementer pœnitet. Curandum erit præterea Pastoribus, ut in peccatum summum fidelium odium concitetur; tum quia summum est illius, sceleritas, & turpitudine, tum quia grauissi-

*Psal. 50**Psal. 31**Luc. 17*

ma damna, & calamitates nobis affert. nam Dei beneuolentiam, a quo maxima bona accepimus, lōgeque maiora expectare & consequi licebat; a nobis abalienat, & summorum dolorum cruciatibus perpetuo afficiēdos sempiternæ morti nos addicit.

*De confessione, sacra-  
menti Penitentię al-  
tera pars;  
& illius ne-  
cessitate.*

Hactenus de contritione: nunc ad confessionē; quę est altera pœnitentię pars, ueniamus. Quantum uero curę & diligentię in ea explicandā pone-  
re Pastores debeant, ex eo facile intelligent, quod omnibus fere pijs persuasum est, quidquid hoc tem-  
pore sanctitatis, pietatis, & religionis in Ecclesia, summo Dei beneficio, conseruatū est, id magna ex  
parte confessioni tribuendum esse; ut nulli miran-  
dum sit, humani generis hostem, cū fidem catholi-  
cam funditus euertere cogitat, per ministros impie-  
tatis suę, & satellites hanc ueluti Christianę uir-  
tutis arcem totis uiribus oppugnare conatum esse.  
Primum itaq. docendū est, cōfessionis institutionē nobis sūmopere utilē, atque adeo necessariā fuisse:  
ut enim hoc cōcedamus, cōtritione peccata deleri;  
quis ignorat illā adeo uehementem, acrem, incensā  
esse oportere, ut doloris acerbitas cū scelerum ma-  
gnitudine equari, conferrique possit? at quoniam  
pauci admodum ad hunc gradum peruenirent, fie-  
bat etiam ut a paucissimis hac uia peccatorū uenia-  
speranda esset: quare necesse fuit, ut clemētissimus  
Dominus faciliiori ratione communi hominū salu-  
ti consulere. quod quidē admirabili consilio effe-  
cit, cum clauēs regni cēlestis Ecclesię tradidit. Ete-  
nim ex fidei catholicę doctrina omnibus credēdū,  
& constanter affirmandū est, si quis ita animo affe-  
ctus sit, ut peccata admissa doleat, simulque in po-  
sterum

Iterum non peccare cōstituatur, et si eiusmodi dolore non afficiatur, qui ad impetrandam ueniam satis esse possit; ei tamen, cum peccata sacerdoti rite confessus fuerit, ui clauium scelera omnia remitti, ac condonari: ut merito a sanctissimis uiris Patribus nostris celebratum sit, Ecclesiæ clauibus aditum in cælum aperiri, de quo nemini dubitare fas est, cum a Florentino Concilio decretum legamus, pænitentia effectum, esse absolutionem a peccatis. Verum ex eo præterea licet cognoscere, quantam afferat cōfessio utilitatem, quod ijs, quorum est corrupta uitæ consuetudo, nihil tam prodesse ad mores emendandos experimur, quam si interdum occultas animi sui cogitationes, facta, dictaque omnia, prudenti, & fideli amico patefaciant, qui eum opera, & consilio iuuare possit. Quare ad eandem rationem maxime salutare existimandū est ijs, qui scelerum conscientia agitantur, ut sacerdoti, tamquam Christi domini uicario, cui perpetui silentij seuerissima lex proposita est, animæ suæ morbos & uulnera aperiant: statim enim parata sibi medicamenta inuenient; quæ non solum præsentis egritudinis sanandæ, uerū ita preparandæ animæ cælestem quamdam uim habeant, ut deinceps facile futurum non sit, in eiusdem morbi & uitij genus recidere. Neque uero illa confessionis utilitas prætermittenda, quæ ad uitæ societatem & coniunctionem magnopere pertinet. constat enim, si sacramentalem confessionem e Christiana disciplina exemeris, plena omnia occultis, & nefandis sceleribus futura esset: quæ postea, & alia etiam multo grauiora, homines, peccati consuetudine deprauati, palam committere

*Flor. Conc.  
in Decreto  
Eugenij 4.*

mittere



mittere non uerebuntur. etenim cōfitendi uerecundia, delinquendi cupiditati, & licentię tamquam frenos iniicit, & improbitatem coercet.

*Confessio--* Sed iam confessionis utilitate exposita, quæ sit  
*nis sacrame* eius natura, & uis, Pastoribus tradendum erit.  
*talis descri* Eam igitur definiunt esse peccatorum accusationē,  
*ptio & na-* quæ ad sacramenti genus pertinet, eo susceptam,  
*tura, &* ut ueniam uirtute clauium impetremus. Recte au-  
*quis eius au* tem accusatio dicitur, quod peccata ita cōmemorā-  
*clor.* da non sunt, quasi scelera nostra ostentemus, ut ij  
*Prouer. 2* faciunt, qui letantur cum male fecerint; aut omni-  
 no enarranda, ut si rem aliquam gestam otiosis au-  
 ditoribus delectandi causa exponamus. uerum ac-  
 cusatorio animo ita enumeranda sunt, ut etiam  
 in nobis uindicare cupiamus. Veniæ autem impe-  
 trandę causa, peccata confitemur: quoniam hoc iu-  
 diciū longe dissimile est forensibus capitalium re-  
 rum quæstionibus, in quibus confessioni pœna &  
 supplicium, non culpæ liberatio, & errati uenia  
 constituta est. In eandem fere sententiam, quamuis  
 alijs uerbis, sanctissimi Patres uidentur confessio-  
 nem definisse, ueluti cum sanctus Augustinus in-  
 quit, Confessio est, per quam morbus latens spe ue-  
 nię aperitur: & sanctus Gregorius; Confessio est  
 peccatorum detestatio: quarum utraque, quod in  
 superiori definitione cōtinetur, facile ad eam refer-  
 ri poterit. Sed iam, quod omnium maximi faciendū  
 est, docebūt Parochi, ac sine ulla dubitatione fide-  
 libus tradent, hoc sacramentum a Christo domino,  
 qui bene omnia, & unius salutis nostrę causa fecit,  
 ob eius summam bonitatem, & misericordiam in-  
 stitutum esse. apostolis enim, post resurrectionem

unum

unum in locum congregatis, insufflauit, dicens: Accipite Spiritum sanctum: quorum remiseritis *Iean. 20* peccata, remittuntur eis; & quorum retinueritis, retenta sunt. Cum igitur Dominus potestatem retinendi, & remittendi peccata sacerdotibus tribuerit; perspicuum est, ipsos etiam ea de re iudices constitutos fuisse. Atque idem significare uisus est Dominus, cum apostolis id negotij dedit, ut Lazarum a mortuis excitatum, a uinculis soluerent, quibus constrictus erat. nam sanctus Augustinus cum lo *Iean. 11* cum ita explanat: Ipsi, inquit, sacerdotes plus iam possunt proficere, plus confitentibus parcere, quibus crimen remittunt: Dominus scilicet per ipsos apostolos Lazarum, quem iam suscitauerat, obtulit discipulis soluendum, ostendens potestatem soluendi esse concessam sacerdotibus. Quo etiam pertinet, quod ijs, qui a lepra in itinere curati sunt, praeceperat, ut sacerdotibus se ostenderet, illorumque iudicium subirent. Cum igitur Dominus potestatem remittendi, & retinendi peccata sacerdotibus tribuerit; perspicuum est, ipsos etiam ea de re iudices constitutos fuisse. at, quoniam, ut sancta Tridentina Synodus sapienter admonuit, de qualibet re uerum iudicium fieri, atque in repetendis criminum poenis iustitiae modus teneri non potest, nisi plane cognita, & perspecta causa fuerit; ex eo sequitur, ut paenitentium confessione singillatim peccata omnia sacerdotibus patefacienda sint. Hac igitur Pastores docebunt, quae a sancta Tridentina Synodo decreta, ac perpetuo a catholica Ecclesia tradita sunt. si enim sanctissimos Patres attente legimus, nullamquam non apertissima testimonia occurrent, quibus *Conc. Trid.* confir-

confirmetur, hoc sacramentum a Christo domino institutum esse, & confessionis sacramentalis legē, quam illi exomolegesin, & exagoreusin græco uocabulo appellant, tamquam euangelicā accipiendam esse. Quod si etiam ueteris testamenti figuras exquirimus, sine dubio ad peccatorum confessionem uidentur pertinere uaria illa sacrificiorum genera, quę ad expianda diuersi generis peccata a sacerdotibus fiebant.

*De ritibus  
et ceremoniis  
ad confessionē  
adhibendis.*

Sed quemadmodū confessionem a Domino salutatore institutam esse fideles docendi sunt; ita etiā monere eos oportet, quosdam ritus, & sollemnes ceremonias Ecclesię auctoritate additas esse; quę etsi ad sacramenti rationem non spectant, eius tamen dignitatem magis ante oculos ponunt, & confitentium animos, pietate accensos, ad Dei gratiam facilius consequendam preparant. Cum enim aperto capite ad pedes sacerdotis abiecti, demisso in terram uultu, supplices manus tēdentes, aliaque huiusmodi Christianę humilitatis signa dātes, quę ad sacramenti rationem necessaria non sunt, peccata confitemur, ex his perspicue intelligimus, tum in sacramento celestem uim agnoscendam, tum a nobis diuinam misericordiā summo studio requirendam, atque efflagitandam esse. Iam uero, nemo existimet confessionem a Domino quidem institutam, sed ita tamen, ut eius usum necessarium esse non edixerit. Etenim sic statuunt fideles, oportere eum, qui mortali scelere premitur, cōfessionis sacramento ad spiritualem uitam reuocandū esse: quod quidem pulcherrima translatione a Domino aperte significatum uidemus; cum huius sacramen-  
ti ad-

ti administrandi potestatem, clauē regni cēlorum  
 appellauit. Vt enim locum aliquem ingredi nemo  
 potest, sine eius opera, cui clauē commissę sunt: sic  
 intelligimus, neminem in cēlum admitti, nisi fo-  
 res a sacerdotibus, quorum fidei clauē Domi-  
 nus tradidit, aperiantur. Aliter enim nullus  
 plane clauium usus in Ecclesia esse uidebitur: ac  
 frustra is, cui clauium potestas data est, quem-  
 piā cēli aditu prohibebit, si tamen alia uia in-  
 troitus patere queat. Hoc uero pręclare a sancto  
 Augustino cognitum est; cum inquit: Nemo *D. August.*  
 sibi dicat: occulte ago apud Dominum pæniten-  
 tiam: nouit Deus, qui mihi ignoscat, quid in corde  
 ago. Ergo sine causa dictum: Quę solueritis in ter- *Matth. 18*  
 ra, soluta erunt in cēlo? ergo sine causa clauē da-  
 tæ sunt Ecclesię Dei? Atque in eandem sententiā  
 sanctus Ambrosius in libro de pænitentia scriptū *D. Amb.*  
 reliquit, cum Nouatianorum hęresim conuelleret,  
 qui soli Domino potestatem peccata remittendi re-  
 seruandam asseriebant; Ecquis Deum, inquit, ma-  
 gis ueneratur; qui ne mandatis illius obtemperat,  
 an qui resistit? Deus nobis iussit eius ministris ob-  
 temperare: quibus cum pareamus, honorem soli  
 Deo deferimus. Sed cum minime dubitari possit,  
 confessionis legem ab ipso Domino latā & consti-  
 tutam esse: sequitur, ut uidendum sit, quinam, quo  
 etatis, & anni tempore ei parere debeant. Primum  
 itaque ex Lateranensis Concilij canone, cuius *Lat. Conc.*  
 initium est, Omnis utriusque sexus, perspicitur,  
 neminem confessionis lege adstrictum esse an-  
 te eam ætatem, qua rationis usum habere potest.  
 neque tamen ea etas certo aliquo annorum nume-



ro definita est: sed illud uniuerse statuendum uide-  
tur, ab eo tempore confessionem puero indictâ ef-  
se, cum inter bonum, & malum discernendi uim  
habet, in eiusque mentem dolus cadere potest. nam  
cum ad id uitæ tempus quisque peruenerit, in quo  
de salute æterna deliberandum est, tum primum sa-  
cerdoti peccata confiteri debet: cum aliter salutem  
sperare nemini liceat, qui scelerum conscientia pre-  
mitur. Quo uero potissimū tēpore confiteri oport-  
eat, eo canone, de quo antea diximus, sancta Ec-  
clesia decreuit: iubet enim semel saltem quotannis  
fideles omnes peccata sua confiteri. Verum si, quid  
salutis nostrę ratio postulet, consideremus; profe-  
cto, quoties uel mortis periculum imminet, uel ali-  
quam rem tractare aggredimur, cuius tractatio  
homini peccatis contaminato non cōueniat: uelut  
cum sacramenta administramus, aut percipimus,  
toties cōfessio prætermittenda nō est. Atque idem  
omnino seruare oportet, cum ueremur, ne nos ali-  
cuius culpæ, quam admiserimus, obliuio capiat.  
neque enim peccata confiteri possumus, quę non  
meminimus: neque peccatorum ueniam a Domi-  
no impetramus, nisi ea penitentię sacramentum  
per confessionem debeat.

*De conditio-  
nibus, &  
circumstan-  
tijs ad con-  
fessionem re-  
quisitis.*

Sed quoniam multa in confessione obseruanda  
sunt, quorum alia ad sacramenti naturā pertinent,  
alia non ita necessaria sunt; de his accurate agendū  
erit. neque enim desunt libelli, & commentarij, ex  
quibus facile est horum omnium explicationem  
depromere. Illud autem in primis doceant Paro-  
chi, in confessione curandum esse, ut integra & ab-  
soluta sit. etenim omnia mortalia peccata sacerdoti  
aperire

aperire oportet. nam uenialia, quę nos a Dei gratia non diuellunt, & in quę frequentius labimur, tametsi recte, atque utiliter, quod piorum usus demonstrat, cōfitemur, tamen sine culpa prætermitti, multisque alijs rationibus expiari possunt. at mortifera peccata, ut iam diximus; singula enumerāda sunt, quamuis etiam occultissime lateant, ut eius generis sint, quę duobus tantum extremis Decalogi capitibus interdicuntur. sepe enim euenit, ut ea grauius animam uulnerent, quam illa; quę aperte, ac palam peccare homines solent. ita uero a sancta Tridentina Synodo definitum, atque *Trid. Syn.* a catholica Ecclesia semper traditum est, quemadmodum sanctorū Patrum testimonia delcarant. est enim apud sanctum Ambrosium in hunc modum: *S. Ambr.* Non potest quis iustificari a peccato, nisi confessus fuerit peccatum. Sanctus etiam Hieronymus in *S. Hieron.* Ecclesiaste idem plane cōfirmat. ait enim: Si quem serpens Diabolus occulte momorderit, & nullo cōscio, eum peccati ueneno infecerit, si tacuerit, & penitentiam non egerit, nec uulnus suum fratri, aut magistro uoluerit confiteri, magister, qui linguam habet ad curandum, prodesse non poterit. Præterea sanctus Cyprianus in sermone de lapsis apertissime hoc docet, his uerbis: Quāuis nullo sacrificij, aut libelli facinore constricti sint, quoniam tamen de eo cogitauerunt, id ipsum apud sacerdotes Dei dolenter confiteantur. Denique hæc omniū Ecclesię doctorum cōmunis uox est, atque sententia. Sed in confessione summa illa cura, & diligentia adhibenda est, quā in rebus grauisimis ponere solemus, omneq. studiū ita eo conferendum, ut sanemus ani-

max uulnera, & peccati radices euellamus. Neq. uero solum peccata grauiam narrando explicare oportet, uerum etiam illa, quæ unumquodque peccatum circumstant, & prauitatem ualde augent, uel minuunt. Quædam enim circumstantiæ adeo graues sunt, ut peccati mortiferi ratio ex illis tantum constet: quare hæc omnia semper confiteri oportet. Si quis enim hominem interemerit, explicandum est, utrum ille sacris initiatus, an profanus fuerit. Itemque si cum muliere concubuit, matrimonij ne lege libera, aut alterius uxore, aut propinqua, aut alicuius uoti sponsione Deo consecrata, aperiat, necessarium est. hæc enim diuersa peccatorum genera constituunt, ita ut primum quidem simplex fornicatio, alterum adulterium, tertium incestus, quartum sacrilegium a diuinarum rerum doctoribus appelletur. Furtum etiam in peccatis numerandum est: uerum si quis aureum nummum furetur, leuius omnino peccat, quam is, qui centum, uel ducentos, uel ingentem aliquam auri uim, præsertim uero qui sacram pecuniam abstulit. Quæ etiam ratio ad locum, & ad tempus pertinet: quorum exempla notiora sunt ex multorum libris, quam ut a nobis commemorentur. Hæc igitur, ut diximus, enumeranda sunt: quæ uero prauitatem rei magnopere non augent, sine crimine omitti possunt. Sed ad confessionem adeo necessarium est, ut, quod antea diximus, integra, & absoluta sit, ut, si quis dedita opera, alia quidem ex ijs, quæ explicari debent, prætermittat, alia uero tantummodo confiteatur, non solum ex ea confessione is commodum nullum consequatur, sed etiam nouo scelere se obstringat: neque cuiusmodi peccatorum

catorum enumeratio cōfessionis nomine, in qua sacramenti ratio insit, appellanda est: quin potius penitenti confessionē repetere est necesse, seque ipsū illius peccati reum facere, quod sacramenti sanctitatem simulatione cōfessionis uiolauerit. At uero, si alia de causa cōfessionī aliquid defuisse uideatur, uel quia penitens nonnulla crimina oblitus fuerit, uel quia conscientia suā latebras non ita accurate perquisiuerit, cum tamen illud in animo haberet, ut integre peccata omnia confiteretur; nihil ei opus erit confessionem iterare; satis autem habebit, si quando peccata, quę oblitus erat, in memoriam reducerit, ea sacerdoti alio tempore confiteri. In quo tamen animaduertendū est, ne forte nimis dissolute, & remisse conscientiam nostram scrutati simus, adeoque negligenter peccata admissa memoria repetere studuerimus, ut ea ne recordari quidē uoluisse merito uideri possimus. id enim si factum fuerit, confessionem iterare omnino oportebit. Preterea curandum est, ut confessio nuda, simplex, & aperta sit, non artificiose composita; ut a nonnullis sit, qui potius uitæ suæ rationem exponere, quā peccata cōiteri uidentur, ea enim confessio esse debet, quę nos tales sacerdoti aperiat, quales nos ipsos nouimus, certaq. pro certis, ac dubia pro dubijs demonstret. Quod si uel peccata non recensentur; uel alieni a re, quam tractamus, sermones inferuntur; perspicuum est, confessionē hac uirtute carere. Vehementer etiam commēdandi sunt, qui prouidentiam, & uerecundiam in explicandis rebus adhibent. neque enim nimis multis uerbis agendū est, sed, quæ ad cuiusque peccati naturam, & rationē



pertinent, breui oratione, quæ modestiam coniunctam habeat, aperienda sunt. Illud uero tum confitenti, tum sacerdoti maxime laborandū est, ut eorum sermo in confessione secreto habeatur. quare fit, ut nemini omnino neque per nuncium, neque per litteras, quoniam ea ratione nihil iam occulte agi potest, peccata confiteri liceat. Sed nulla res fidelibus adeo curæ esse debet, quam ut frequenti peccatorum confessione animam studeant expiare. etenim cum aliquis mortifero scelere urgetur, nihil ei magis salutare esse potest, ob multa, quæ impendent, uitæ pericula, quam statim peccata sua cōfiteri. Nam, ut sibi quisque diuturnum uitæ spatium polliceri queat, turpe profecto est; cum in eluendis corporis, aut nestium sordibus tam diligentes simus, non eadem saltem diligentia curare, ne animæ splendor turpissimis peccati maculis obsolescat.

*De legitimo & idoneo Confessionis sacramentalis ministro.*

*Mat. 20*

Sed iam de ministro huius sacramenti dicendum est. Eum autem sacerdotem esse, qui ordinariam, aut delegatam absoluendi potestatem habeat, ex ecclesiasticis sanctionibus satis apparet. habeat enim oportet non solum ordinis, uerum etiam iurisdictionis potestatem, qui hoc munere fungi debet. Illustre uero huius ministerij testimonium præbent illa Domini uerba apud sanctū Iohannem: Quorum remisieritis peccata, remittuntur eis; & quorum retinueritis; retenta sunt. neque enim omnibus, sed apostolis tantum hæc dicta fuisset constat; quibus in hac functione sacerdotes succedunt: idque etiam maxime consentaneum est. Nam cum omne gratiæ genus, quæ hoc sacramento

tribuitur, à Christo capite ad membra deriuetur; merito debent corpori Christi mystico, idest fidelibus illud administrare, qui soli uerū eiusdem corpus conficiendi potestatem habent; cum præsertim fideles hoc ipso pænitentię sacramento ad sacram Eucharistiam sumendam apti, idoneiq. reddantur. Verum quanta olim religione in antiquissima Ecclesia ius ordinarij sacerdotis conseruatum fuerit, ex ueteribus Patrum decretis facile intelligitur, quibus cautum est, ne quis Episcopus, aut sacerdos in alterius parochia aliquid gerere auderet, sine eius auctoritate, qui illi præesset, aut nisi magna necessitas cogere uideretur. Ita uero ab Apostolo sancitum est, cum Tito præcepit, *Ad Tit. 1* ut in singulis ciuitatibus sacerdotes constitueret; qui scilicet doctrinæ, & sacramentorum celesti pabulo fideles alerent, & educarent. Quamquam, si mortis periculum imminet, & proprii sacerdotis facultas non datur; ne hac occasione aliquis pereat, in Ecclesia Dei custoditum fuisse, Concilium Tridentinum docet, ut unieuique sacerdoti liceret, non solum omni peccatorum genere, cuiuscumque potestatis sit, illa cōdonare, sed etiam ab excommunicationis uinculo soluere. Iam, præter ordinis, & iurisdictionis potestatem, quæ prorsus necessaria sunt, in primis opus est, ut huius sacramenti minister tum scientia, & eruditione, tum prudentia præditus sit. iudicis enim, & medici simul personam gerit. Ac quod ad primum attinet, satis constat, non uulgarem scientiam necessariam esse, qua & peccata inuestigare, & ex uarijs peccatorum generibus, quæ graua, quæ leuia sint, pro

*Ex S. Basilio.*

cuiusque hominis ordine & genere iudicare possit. ut autem medicus est, summa quoque prudentia indiget. etenim diligenter providendum est, ut ea remedia egroto adhibeantur, quæ ad illius animam sanandam, & in posterum contra morbi uim, muniendam aptiora esse uideantur. Ex quo poterunt fideles intelligere, cuius maximo studio curandum esse, ut eum sibi sacerdotem deligat, quæ uite integritas, doctrina, prudens iudicium commendat; qui, & quantum in eo officio, cui præest, ponderis ac momenti sit, & quæ cuique sceleri pœna cōueniat, & qui uel soluendi, uel ligandi sint, optime nouerit. Sed quoniā nemo est, qui non uehementer cupiat, scelera, & turpitudinem suam occultari; moriendi sunt fideles, nihil esse, quod timeant, ne ea, quæ ipsi cōfessione patefecerint, a sacerdote ulli unquam indicetur, neue aliquod ex ea periculi genus sibi ullo tēpore creari possit. sacrę enim sanctiones grauissime in eos sacerdotes animaduerti uoluerunt, qui peccata omnia, quæ aliquis eis confessus fuerit, perpetuo, & religioso silentio compressa nō tenuerint. Quare in Cōcilio Lateranensi magno ita legimus: Caueat oīno sacerdos, ne uerbo, uel signo, uel alio quouis modo prodatur aliquatenus peccatorē.

*Ex Leone Papa.*

*Conc. Late.*

*De condicio-  
nibus ad cō-  
fessionē ue-  
re peniten-  
tis necessa-  
rijs.*

Sed iam ordo rerum postulat, cum de ministro dictum sit, ut quædā præcipua capita explicentur, quæ ad confessionis usum, & tractationem non parum sunt accommodata. Magna enim fidelium pars, quibus uulgo nihil longius uideri solet, quam, ut, dies illi, qui ecclesiastica lege confessioni præfiniti sunt, effluant: tantum absunt a Christiana perfectione, ut uix peccatorum suorum meminerint, quæ sacer-

sacerdori patefacienda essent, nedum cetera diligenter curent, quæ ad diuinam gratiam conciliandam vim habere maximam perspicuum est. Quare cum illorum saluti omni studio succurrendum sit; hoc primum sacerdotes in penitente diligenter obseruabunt, si ueram peccatorum suorum contritionem habeat, certumque illi sit, ac deliberatum, in posterum a peccatis abstinere. Quod si ita animo affectum esse animaduenerint, moneant, & uehementer hortentur, ut pro tanto, & tam singulari beneficio maximas gratias Deo agat; ab eoque celestis gratiæ præsidium petere numquam desinat; quo munitus, ac tectus, facile poterit prauis cupiditatibus resistere, ac repugnare. Docendus est etiam, ut nullum patiatur esse diem, quin aliquid de passionis Domini nostri mysterijs meditetur, ad eumque imitandum; & summa charitate amandum ipse se excitet, atque inflammet. hac enim meditatione assequetur, ut ab omnibus dæmonis tentationibus in dies se tutiorem esse sentiat. Neque enim ulla alia est causa, cur tam cito, uel leuiter ab hoste impugnari, animo, & uiribus succumbamus, quam quod ex celestium rerum meditatione diuini amoris ignem concipere non studemus; quo mens recreari, atque erigi possit. Sin autem sacerdos intellexerit, eum, qui uelit confiteri, adeo peccata sua non dolere, ut uere contritus dicendus sit; conetur magno cōtritionis desiderio eum afficere; ut deinde huius præclari doni cupiditate incensus, illud a Dei misericordia petere, & efflagitare in animum inducat. In primis autem reprimenda est quorundam superbia, qui scelera sua excusatione



aliqua uel defendere, uel minora facere nituntur. Nam exempli causa, cum aliquis fateatur, se irauementius commotum fuisse; statim huius perturbationis causam in alium confert, a quo prius sibi iniuriam factam esse queritur. Monendus itaque est, hoc elati animi, & hominis peccati sui magnitudinem uel despicientis, uel plane ignorantis, signum esse: tum uero eiusmodi excusationis genus, ad augendum potius, quam minuendum peccatum pertinere. nam qui ita factum suum probare contendit, hoc uidetur profiteri, se tunc patientia usurum esse, cum a nemine iniuria ledetur. quo quidem nihil homine Christiano indignius esse potest. Etenim cum illius uicem dolere maxime debuerit, qui iniuriam fecit; tamen non peccati prauitate commouetur, sed fratri irascitur, ac, cum ei præclara occasio oblata fuerit, ut Deum patientia colere, & fratrem mansuetudine sua corrigere possit, salutis materiam ad perniciem suam conuertit. Perniciosior autem est illorum culpa existimanda, qui stulta quadam uerecundia impediti, peccata confiteri non audent. his igitur hortatio animos addere oportet: monedique sunt, nihil esse, quod uitia sua aperire uereantur; nulliq. mirum uideri debere, si intelligat homines peccare; qui quidē communis est omnium morbus, & in humanam imbecillitatem proprie cadit. Alij sunt, qui, uel quod raro peccata confiteri solent, uel quod nullam curam, & cogitationem in peruestigandis suis sceleribus posuerunt, nec commissæ confessione expedire, nec, unde eius officij initium ducendum sit, satis sciunt; quos certe acrius obiurgare opus est, atque in  
primis

primis docere, prius quam ad sacerdotem aliquis  
adeat, omni studio curandum esse, ut peccatorum  
suorum contritione commoueatur; id uero præ-  
stari nullo modo posse, nisi ea reminiscendo singilla-  
tim recognoscere studeat. Quare, si sacerdos hu-  
iusmodi homines prorsus imparatos esse cognoue-  
rit, humanissimis uerbis a se dimittet, hortabi-  
turque, ut ad cogitanda peccata aliquod spatium  
sumant, ac deinde reuertantur. quod si forte af-  
firmauerint, se in eam rem omne studium, &  
diligentiam suam contulisse; (quoniam sacerdoti  
maxime uerendum est, ne, semel dimissi, amplius  
non redeant) audiendi erunt, præsertim uero si  
emendandæ uitæ studium aliquod præferat, ad-  
ducique possint, ut negligentiam suam accusent,  
quam se alio tempore diligenti & accurata medi-  
tatione compensaturos promittant. in quo tamen  
magna cautio adhibenda est. si enim, audita con-  
fessione, iudicauerit, neque in enumerandis pecca-  
tis diligentiam, neque in detestandis dolorem pe-  
nitenti omnino defuisse, absolui poterit. sin autem  
utrumque in eo desiderari animaduuerit; auctor  
illi, & suasor erit, ut maiorem curam, quod antea  
dictum est, in excutienda conscientia adhibeat, ho-  
minemque, ut blandissime poterit, tractatum di-  
mittet. Sed quoniam interdum contingit, ut mu-  
lieres, alicuius sceleris in priori confessione oblitæ,  
iterum ad sacerdotem non audeant redire; quod ue-  
reantur, ne uel in suspicionem magnæ improbita-  
tis populo ueniant, uel singularis religionis laudē  
quærere existimentur: sepe tum publice, tum pri-  
uatim docendum est, neminem tāta memoria esse-  
qui

qui omnia sua facta, dicta, & cogitata meminisse queat: quapropter fideles nulla re deterrendos esse, quo minus ad sacerdotē reuertantur, si in memoriā alicuius criminis redierint, quod antea fuerit prætermisū. Hæc igitur, atque alia huius generis multa in cōfessione a sacerdotibus obseruanda erunt.

*De satisfactio-  
ne pœ-  
nitentiæ par-  
te, cuiusque  
exequenda  
necessitate.* Nunc ad tertiam pœnitentiæ partem, quæ satisfactio appellatur, ueniendū est. Primum itaque satisfactionis nomē, & uis exponenda est. hinc enim catholice Ecclesiæ hostes amplā occasionē dissidij, & discordiæ, cum maxima Christiani populi perniciē, arripuerunt. Est autem satisfactio, rei debitæ integra solutio: nam quod satis est, ei nihil uidetur deesse. quare cum de gratiæ reconciliatione loquimur, idem satisfacere significat, quod alteri tantū præstare, quantū irato animo ad ulciscendā iniuriā satis esse possit. atque ita satisfactio nihil aliud est, quam iniuriæ alteri illatæ compensatio. Quod autem ad hunc locum pertinet, satisfactionis nomen diuinarum rerū doctores ad declarandam eā cōpensationem usurparunt, cum homo pro peccatis commissis Deo aliquid persoluit. Quo in genere quoniam multi gradus esse possunt, hinc fit, ut satisfactio uarie accipiat. Ac prima quidem, & præstantissima illa est, qua pro scelerum nostrorū ratione, etiam si Deus summo iure nobiscum uelit agere, quidquid a nobis debeat, cumulate persolutum est. Hæc uero eiusmodi esse dicitur, quæ nobis Deum propitium, & placatum reddidit, eamque uni Christo domino acceptam ferimus, qui in cruce, pleno pro peccatis nostris soluto, plenissimo Deo satisfecit. neque enim ulla res creata tanti esse potuit.

potuit, quæ nos tam graui debito liberaret: atque, ut sanctus Ioannes testatur, ipse est propitiatio pro *Ioh. 2* peccatis nostris, non pro nostris autem tantum, sed etiam pro totius mundi. Hæc igitur plena, & cumulata est satisfactio, scelerum omnium rationi, quæ in hoc sæculo commissa sunt, pariter, æqualiterque respondens; cuius pōdere hominum actiones apud Deum plurimum ualent, ac sine eo nulla prorsus æstimatione dignæ haberentur. Atque huc Davidis uerba uidetur spectare: qui postquam, secum ipse reputans, illud protulisset; *Psal. 117* Quid retribuam Domino pro omnibus, quæ retribuit mihi? nihil præter hanc satisfactionem, quam calicis nomine expresit, dignum tot, tantisque beneficijs inuenire potuit: quare subiecit: Calicem salutaris accipiam, & nomen Domini inuocabo. Alterum satisfactionis genus, quæ & canonica appellatur, & certo temporis spatio definita perficitur. quare antiquissimæ Ecclesiæ usu receptum est, ut, cum penitentes a peccatis soluuntur, pœna aliqua eis irrogetur; cuius pœnæ solutio, satisfactio uocari consuevit. Eodem uero nomine quodlibet etiam pœnæ genus significatur, quam pro peccatis non quidem a sacerdote constitutam, sed sponte nostra susceptam, atque a nobis ipsis repetitam, sustinemus. Verum hæc ad penitentiam, ut sacramentum est, minime pertinet; sed illa tantum sacramenti pars censenda est, quam diximus ex præcepto sacerdotis Deo pro peccatis dependi; hoc adiuncto, ut statutum cum animo, & deliberatum haberemus, peccata in posterum omni studio uitare: ita enim nonnulli definierunt: satisfacere, & Deo debitum



debitum honorem impendere. quod autem nemo debitum honorē Deo possit tribuere, nisi qui peccata omnino uitare constituat, satis apparet. Et satisfacere, est causas peccatorum extirpare, & eorum suggestioni aditum non indulgere. In quam sententiam alij senserunt, satisfactionem esse purgationem, qua eluitur, quidquid sordium propter peccati maculam in anima resedit, atque a poenis tempore definitis, quibus tenebamur, absolui-  
 uimur. Quæ cum ita sint; facile erit fidelibus persuadere, quam necessarium sit, ut pœniten-  
 tes in hoc satisfactionis studio se exercent. Docendi enim sunt, duo esse, quæ peccatum consequuntur, maculam, & pœnam: ac quamuis semper, culpa dimissa, simul etiam mortis æternæ supplicium, apud inferos constitutum, condonetur; tamen non semper contingit, quemadmodum a  
*Trid. Syn.* Tridentina Synodo declaratum est, ut Dominus peccatorum reliquias, & pœnam, certo tempore definitam, quæ peccatis deberetur, remittat. Cuius rei perspicua sunt exempla in sacris litteris, Genes. 3. tertio capite; Num. xij. & xx ij. & alijs permultis locis: sed illud Dauidis clarissimum & maxime illustre intuemur: cui etsi Nathan dixerat; Dominus quoque transtulit peccatum tuum, non morieris; is tamen grauissimas pœnas ultro subiit, Dei misericordiam his uerbis dies noctesque implorans: Amplius laua me ab iniquitate mea, & a peccato meo munda me: quoniam iniquitatem meam ego cognosco, & peccatum meum contra me est semper. Quibus uerbis illud petitum est a Domino, ut nō solum crimen, sed pœnam

Gen. 3

Num. 12

2. Reg. 12

Psal. 50

nam

nam etiam crimini debitam condonaret, atque a peccati reliquijs purgatum, in pristinum decoris, & integritatis statum restitueret. Atque hæc cum summis precibus peteret, eum tamen Dominus, tum filij ex adulterio suscepti, tum Absalonis, quem unice diligebat, defectione, & morte multauit, alijsque pœnis, & calamitatibus affecit, quas illi antea intentarat. In Exodo etiam, etsi Dominus, Moïsi precibus exoratus, populo idololatræ pepercerat, tamen minatus est, se tanti flagitij graues pœnas repetiturum esse: ipseque Moïses testatus est fore, ut illud Dominus seuerissimè in tertiam, & quartam usque generationem ulcisceretur. Hæc uero a sanctis Patribus in Ecclesia catholica sæper tradita esse, ipsorum auctoritate apertissime comprobatur. Verum qua de causa factum sit, ut pœna omnis pœnitentiæ sacramento, æque ac baptismo, nō cōdonetur, præclare a sancta Tridētina Synodo explicatum est his uerbis. Diuinæ iustitiæ ratio exigere uidetur, ut aliter ab eo in gratiam recipiantur, qui ante baptismum per ignorantiam deliquerint; aliter uero qui semel a peccati, & demōnis seruitute liberati, & accepto spiritus sancti dono, scientes templum Dei uiolare, & spiritum sanctum contristare non formidauerint. Et diuinā clementiā decet, ne ita nobis absque ulla satisfactione peccata dimittantur, ut, occasione accepta, peccata leuiora putātes, uelut iniurij, & contumeliosi spiritui sancto in grauiora labamur, thesaurizantes nobis irā in die iræ. Proculdubio enim magnopere a peccato reuocant, & quasi freno quodā coercent hæc satisfactoriæ pœnæ, cautiōresque & uigilantiōres

Exod. 32.

Trid. Syn.

in po-

in posterum penitentes efficiunt. Accedit, ut tamquam testificationes quedam sint doloris, quem ex peccatis commissis capimus: qua ratione Ecclesiæ fit iatus, quæ nostris sceleribus grauius offensa est.

**S. August.** nam, ut sanctus Augustinus ait; Cor contritum, & humiliatum Deus non spernit. Verum quia plerumq. dolor alterius cordis occultus est alteri, neq. in aliorum notitiam per uerba, uel alia quæcunque signa procedit; recte ab ijs, qui Ecclesiæ præsumunt, tempora penitentiae constituuntur, ut Ecclesiæ, in qua ipsa peccata remittuntur, satisfiat. Præterea, penitentiae nostræ exempla alios docent, quomodo ipsi uitam instituere, & pietatem sequi debeant. Cum enim poenas nobis pro peccatis irrogatas ceteri homines intuentur; & summam cautionem sibi in omni uita adhibendam, & mores pristinos corrigendos esse intelligunt. Quare sapientissime illud ab Ecclesia obseruatum est, ut, cum ab aliquo publice flagitium commissum esset, publica etiam penitentia ei indiceretur: ut ceteri, timore perterriti, deinceps peccata diligentius uitarent: quod etiam in occultis criminibus, que grauiora essent, interdum fieri solitum erat. Sed, ut diximus, in publicis hoc perpetuum fuit, ut, quia ea commiserant, ante quam publicam penitentiam suscepissent, non absoluerentur. interim uero Pastores pro illorum salute Deum rogabant, atque, ut ipsi etiam penitentes idem facerent, eos hortari non desinebant.

**S. Ambro.** Quo in genere summa fuit sancti Ambrosij cura, & sollicitudo: cuius lacrymis fertur quâ plurimos, qui duro animo ad penitentiae sacramentum accesserant, ita mollitos esse, ut ueræ contritionis dolore

conceperint. Verum postea tantum de ueteris disciplinæ seueritate remissum est, atque ita charitas refrixit, ut iam plerique ex fidelibus ad peccatorum ueniam impetrandam nullum intimum animi dolorem, atque gemitum cordis necessariū putent; sed illud satis esse arbitrentur, si speciem tantum dolentis habeant. Deinde uero huiusmodi peccatorum perpessione consequimur, ut capitis nostris Iesu Christi, in quo passus est ipse, & tentatus, *Ad Heb. 2.* similitudinem, & imaginem geramus. nihil enim tam deforme uideri potest, ut a sancto Bernardo *D. Bernar.* dictum est, quam, sub spinoso capite delicatum esse membrum. nam, teste Apostolo, coheredes sumus Christi; si tamen compatimur, &, quod alio loco scripsit, si commortui sumus, & conuiuemus; si sustinebimus, & conregnabimus. D. etiam Bernardus duo affirmat in peccato reperiri, maculam animæ, & plagam: ac turpitudinem quidem ipsam Dei misericordia tolli, uerum sanandis peccatorum plagis ualde necessariam esse eam curam, quæ in remedio penitentia adhibetur. quemadmodum enim, sanato uulnere, cicatrices quædam remanent, quæ & ipsæ curandæ sunt: ita in anima, culpa condonata, supersunt reliquæ peccatorum purgandæ. Idē plane D. Chrysostomi sententiā confirmat, cum ait: Non satis est sagittam e corpore extrahi, sed plaga quoque, a sagitta inflicta, sananda est, sic etiam in anima post acceptam peccati ueniam pænitentia curanda est, plaga relicta. *S. Chrys.* Frequētissime enim a sancto Augustino docemur, *D. August.* duo hæc in penitentia animaduertenda esse, Dei misericordiam, & iustitiam; misericordiam, qua peccata,



ma uulnera, & peccati radices euellamus. Neq. uero solum peccata graua narrando explicare oportet, uerum etiam illa, quae unumquodque peccatum circumstant, & prauitatem ualde augent, uel minuunt. Quaedam enim circumstantiae adeo graues sunt, ut peccati mortiferi ratio ex illis tantum constet: quare haec omnia semper confiteri oportet. Si quis enim hominem interemerit, explicandum est, utrum ille sacris initiatus, an profanus fuerit. Itemque si cum muliere concubuit, matrimonij ne lege libera, aut alterius uxore, aut propinqua, aut alicuius uoti sponcione Deo consecrata, aperiat, necesse est. haec enim diuersa peccatorum genera constituunt, ita ut primum quidem simplex fornicatio, alterum adulterium, tertium incestus, quartum sacrilegium a diuinarum rerum doctoribus appelletur. Furtum etiam in peccatis numerandum est: uerum si quis aureum nummum furetur, leuius omnino peccat, quam is, qui centum, uel ducentos, uel ingentem aliquam auri uim, praesertim uero qui sacram pecuniam abstulit. Quae etiam ratio ad locum, & ad tempus pertinet: quorum exempla notiora sunt ex multorum libris, quam ut a nobis commemorentur. Haec igitur, ut diximus, enumeranda sunt: quae uero prauitatem rei magnopere non augent, sine crimine omitti possunt. Sed ad confessionem adeo necessarium est, ut, quod antea diximus, integra, & absoluta sit, ut, si quis dedita opera, alia quidem ex ijs, quae explicari debent, praetermittat, alia uero tantummodo confiteatur, non solum ex ea confessione is commodum nullum consequatur, sed etiam nouo scelere se obstringat: neque cuiusmodi peccatorum

catorum enumeratio cōfessionis nomīne, in qua sacramenti ratio insit, appellanda est: quin potius penitenti cōfessionē repetere est necessē, seque ipsū illius peccati reum facere, quod sacramenti sanctitatem simulatione cōfessionis uiolauerit. At uero, si alia de causa cōfessionī aliquid defuisse uideatur, uel quia penitens nonnulla crimina oblitus fuerit, uel quia conscientia suā latebras non ita accurate perquisiuerit, cum tamen illud in animo haberet, ut integre peccata omnia confiteretur; nihil ei opus erit cōfessionem iterare; satis autem habebit, si quando peccata, quę oblitus erat, in memoriam reducerit, ea sacerdoti alio tempore confiteri. In quo tamen animaduertendū est, ne forte nimis dissolute, & remisse conscientiam nostram scrutati simus, adeoque negligenter peccata admissa memoria repetere studuerimus, ut ea ne recordari quidē uoluissē merito uideri possimus. id enim si factum fuerit, cōfessionem iterare omnino oportebit. Præterea curandum est, ut cōfessio nuda, simplex, & aperta sit, non artificiose composita, ut a nonnullis sit, qui potius uitæ suæ rationem exponere, quā peccata cōfiteri uidentur, ea enim cōfessio esse debet, quę nos tales sacerdoti aperiat, quales nos ipsos nouimus, certa quædam pro certis, ac dubia pro dubijs demonstret. Quod si uel peccata non recensentur; uel alieni a re, quam tractamus, sermones inferuntur; perspicuum est, cōfessionē hac uirtute carere. Vehementer etiam commēdandi sunt, qui prudentiam, & uerecundiam in explicandis rebus adhibent. neque enim nimis multis uerbis agendū est, sed, quæ ad cuiusque peccati naturam, & rationē

pertinent, breui oratione, quæ modestiam coniunctam habeat, aperienda sunt. Illud uero tum confitenti, tum sacerdoti maxime laborandū est, ut eorum sermo in confessione secreto habeatur. quare fit, ut nemini omnino neque per nuncium, neque per litteras, quoniam ea ratione nihil iam occulte agi potest, peccata confiteri liceat. Sed nulla res fidelibus adeo curæ esse debet, quam ut frequenti peccatorum confessione animam studeant expiare. etenim cum aliquis mortifero scelere urgetur, nihil ei magis salutare esse potest, ob multa, quæ impendent, uitæ pericula, quam statim peccata sua cōfiteri. Nam, ut sibi quisque diuturnum uitæ spatium polliceri queat, turpe profecto est; cum in eluendis corporis, aut uestium sordibus tam diligentes simus, non eadem saltem diligentia curare, ne animæ splendor turpissimis peccati maculis obsole scat.

*De legitimo & idoneo Confessionis sacramentalis ministro.*

*Luc. 10*

Sed iam de ministro huius sacramenti dicendum est. Eum autem sacerdotem esse, qui ordinariam, aut delegatam absoluendi potestatem habeat, ex ecclesiasticis sanctionibus satis apparet. habeat enim oportet non solum ordinis, uerum etiam iurisdictionis potestatem, qui hoc munere fungi debet. Illustre uero huius ministerij testimonium præbent illa Domini uerba apud sanctū Iohannem: Quorum remisieritis peccata, remittuntur eis; & quorum retinueritis; retenta sunt. neque enim omnibus, sed apostolis tantum hæc dicta fuisse constat; quibus in hac functione sacerdotes succedunt: idque etiam maxime consentaneum est. Nam cum omne gratiæ genus, quæ hoc sacramento

tribuitur, à Christo capite ad membra deriuetur; merito debent corpori Christi mystico, idest fidelibus illud administrare, qui soli uerū eiusdem corpus conficiendi potestatem habent; cum præsertim fideles hoc ipso pœnitentię sacramento ad sacram Eucharistiam sumendam apti, idoneiq. reddantur. Verum quanta olim religione in antiquissima Ecclesia ius ordinarij sacerdotis conseruatum fuerit, ex ueteribus Patrum decretis facile intelligitur, quibus cautum est, ne quis Episcopus, aut sacerdos in alterius parochia aliquid gerere auderet, sine eius auctoritate, qui illi præfesset, aut nisi magna necessitas cogere uideretur. Ita uerò ab Apostolo sancitum est, cum Tito præcepit, *Ad Tit. 1* ut in singulis ciuitatibus sacerdotes constitueret; qui scilicet doctrinæ, & sacramentorum cælesti pabulo fideles alerent, & educarent. Quamquam, si mortis periculum imminet, & proprii sacerdotis facultas non datur; ne hac occasione aliquis pereat, in Ecclesia Dei custoditum fuisse, Concilium Tridentinum docet, ut unicuique sacerdoti liceret, non solum omni peccatorum genere, cuiuscumque potestatis sit, illa cōdonare, sed etiam ab excommunicationis uinculo soluere. Iam, præter ordinis, & iurisdictionis potestatem, quæ prorsus necessaria sunt, in primis opus est, ut huius sacramenti minister tum scientia, & eruditione, tum prudentia præditus sit. iudicis enim, & medici simul personam gerit. Ac quod ad primum attinet, satis constat, non uulgarem scientiam necessariam esse, qua & peccata inuestigare, & ex uarijs peccatorum generibus, quæ graua, quæ leuia sint, pro



*Ex S. Basilio.*

cuiusque hominis ordine & genere iudicare possit. ut autem medicus est, summa quoque prudentia indiget. etenim diligenter providendum est, ut ea remedia egroto adhibeantur, quæ ad illius animam sanandam, & in posterum contra morbi uim muniendam aptiora esse uideantur. Ex quo poterunt fideles intelligere, cuius maximo studio curandum esse, ut eum sibi sacerdotem deligat, quæ uite integritas, doctrina, prudens iudicium cõmendet; qui, & quantum in eo officio, cui præest, ponderis ac momenti sit, & quæ cuique sceleri pœna cõueniat, & qui uel soluendi, uel ligandi sint, optime noverit. Sed quoniã nemo est, qui non uehementer cupiat, scelera, & turpitudinem suam occultari; monendi sunt fideles, nihil esse, quod timeant, ne ea, quæ ipsi cõfessione patefecerint, a sacerdote ulli unquam indicetur, neue aliquod ex ea periculi genus sibi ullo tẽpore creari possit. sacre enim sanctiões grauisime in eos sacerdotes animaduerti uoluerunt, qui peccata omnia, quæ aliquis eis confessus fuerit, perpetuo, & religioso silentio compressa nõ tenuerint. Quare in Cõcilio Lateranensi magno ita legimus: Caueat oĩno sacerdos, ne uerbo, uel signo, uel alio quouis modo prodat aliquatenus peccatorẽ.

*Ex Leone Papa.*

*Cone. Late.*

*De conditiõibus ad cõfessionẽ uere penitentiẽ necessarijs.*

Sed iam ordo rerum postulat, cum de ministro dictum sit, ut quẽdã præcipua capita explicentur, quæ ad confessionis usum, & tractationem non parum sunt accommodata. Magna enim fideliũ pars, quibus uulgo nihil longius uideri solet, quam, ut, dies illi, qui ecclesiastica lege confessioni præfiniti sunt, effluant: tantum absunt a Christiana perfectione, ut uix peccatorum suorum meminerint, quæ sacer-

sacerdoti patefacienda essent, nedum cetera diligenter curent, quæ ad diuinam gratiam conciliandam vim habere maximam perspicuum est. Quare cum illorum saluti omni studio succurrendum sit; hoc primum sacerdotes in penitente diligenter obseruabunt, si ueram peccatorum suorum contritionem habeat, certumque illi sit, ac deliberatum, in posterum a peccatis abstinere. Quod si ita animo affectum esse animaduenerint, moneant, & uehementer hortentur, ut pro tanto, & tam singulari beneficio maximas gratias Deo agat; ab eoque celestis gratiæ præsidium petere numquam desinat; quomunitus, ac tectus, facile poterit prauis cupiditatibus resistere, ac repugnare. Docendus est etiam, ut nullum patiatur esse diem, quin aliquid de passionis Domini nostri mysterijs meditetur, ad eumque imitandum; & summa charitate amandum ipse se excitet, atque inflammet. hac enim meditatione assequetur, ut ab omnibus dæmonis tentationibus in dies se tutiorem esse sentiat. Neque enim ulla alia est causa, cur tam cito, uel leuiter ab hoste impugnati, animo, & uiribus succumbamus, quam quod ex celestium rerum meditatione diuini amoris ignem concipere non studemus; quo mens recreari, atque erigi possit. Sin autem sacerdos intellexerit, eum, qui uelit confiteri, adeo peccata sua non dolere, ut uere contritus dicendus sit; conetur magno contritionis desiderio eum afficere; ut deinde huius præclari doni cupiditate incensus, illud a Dei misericordia petere, & efflagitare in animum inducat. In primis autem reprimenda est quorundam superbia, qui scelera sua excusatione

aliqua uel defendere, uel minora facere nituntur. Nam exempli causa, cum aliquis fateatur, se ira uehementius commotum fuisse; statim huius perturbationis causam in alium confert, a quo prius sibi iniuriam factam esse queritur. Monēdus itaque est, hoc elati animi, & hominis peccati sui magnitudinem uel despicientis, uel plane ignorantis, signum esse: tum uero eiusmodi excusationis genus, ad augendum potius, quam minuendum peccatum pertinere. nam qui ita factum suum probare contendit, hoc uidetur profiteri, se tunc patientia usurum esse, cum a nemine iniuria ledetur. quo quidem nihil homine Christiano indignius esse potest. Etenim cum illius uicem dolere maxime debuerit, qui iniuriam fecit; tamen non peccati prauitate commouetur, sed fratri irascitur, ac, cum ei præclara occasio oblata fuerit, ut Deum patientia colere, & fratrem mansuetudine sua corrigere possit, salutis materiam ad perniciem suam conuertit. Perniciosior autem est illorum culpa existimanda, qui stulta quadam uerecundia impediti, peccata confiteri non audent. his igitur hortādo animos addere oportet: monēdique sunt, nihil esse, quod uitia sua aperire uereantur; nulliq. mirum uideri debere, si intelligat homines peccare; qui quidē communis est omnium morbus, & in humanam imbecillitatem proprie cadit. Alij sunt, qui, uel quod raro peccata confiteri solent, uel quod nullam curam, & cogitationem in peruestigandis suis sceleribus posuerunt, nec commissā confessione expedire, nec, unde eius officij initium ducendum sit, satis sciunt: quos certe acrius obiurgare opus est, atque in primis

primis docere, prius quam ad sacerdotem aliquis  
adeat, omni studio curandum esse, ut peccatorum  
suorum contritione commoueatur; id uero præ-  
stari nullo modo posse, nisi ea reminiscendo singilla-  
tim recognoscere studeat. Quare, si sacerdos hu-  
iusmodi homines prorsus imparatos esse cognoue-  
rit, humanissimis uerbis a se dimittet, hortabi-  
turque, ut ad cogitanda peccata aliquod spatium  
sumant, ac deinde reuertantur. quod si forte af-  
firmauerint, se in eam rem omne studium, &  
diligentiam suam contulisse; (quoniam sacerdoti  
maxime uerendum est, ne, semel dimissi, amplius  
non redeant) audiendi erunt, præsertim uero si  
emendandæ uitæ studium aliquod præferant, ad-  
ducique possint, ut negligentiam suam accusent,  
quam se alio tempore diligenti & accurata medi-  
tatione compensaturos promittant. in quo tamen  
magna cautio adhibenda est. si enim, audita con-  
fessione, iudicauerit, neque in enumerandis pecca-  
tis diligentiam, neque in detestandis dolorem pe-  
nitenti omnino defuisse, absolui poterit. sin autem  
utrumque in eo desiderari animaduuerit; auctor  
illi, & suasor erit, ut maiorem curam, quod antea  
dictum est, in excutienda conscientia adhibeat, ho-  
minemque, ut blandissime poterit, tractatum di-  
mitteret. Sed quoniam interdum contingit, ut mu-  
lieres, alicuius sceleris in priori confessione oblite,  
iterum ad sacerdotem non audeant redire; quod ue-  
reantur, ne uel in suspicionem magnæ improbita-  
tis populo ueniant, uel singularis religionis laudē  
querere existimentur: sepe tum publice, tum pri-  
uatim docendum est, neminem tāta memoria esse-  
qui



qui omnia sua facta, dicta, & cogitata meminisse queat: quapropter fideles nulla re deterrendos esse, quo minus ad sacerdotē reuertantur, si in memoriā alicuius criminis redierint, quod antea fuerit prætermisū. Hæc igitur, atque alia huius generis multa in cōfessione a sacerdotibus obseruanda erunt.

*De satisfactio-  
ne pœnitentie par-  
te, eiusque  
exequenda  
necessitate.*

Nunc ad tertiam pœnitentiæ partem, quæ satisfactio appellatur, ueniendū est. Primum itaque satisfactionis nomē, & uis exponenda est. hinc enim catholicæ Ecclesiæ hostes amplā occasionē dissidij, & discordiæ, cum maxima Christiani populi perniciē, arripuerunt. Est autem satisfactio, rei debitæ integra solutio: nam quod satis est, ei nihil uidetur deesse. quare cum de gratiæ reconciliatione loquimur, idem satisfacere significat, quod alteri tantū præstare, quantū irato animo ad ulciscendā iniuriā satis esse possit. atque ita satisfactio nihil aliud est, quam iniuriæ alteri illatæ compensatio. Quod autem ad hunc locum pertinet, satisfactionis nomen diuinarum rerum doctores ad declarandam eā cōpensationem usurparunt, cum homo pro peccatis commissis Deo aliquid persoluit. Quo in genere quoniam multi gradus esse possunt; hinc fit, ut satisfactio uarie accipiatur. Ac prima quidem, & præstantissima illa est, qua pro scelerum nostrorū ratione, etiam si Deus summo iure nobiscum uelit agere, quidquid a nobis debeat, cumulate persolutum est. Hæc uero eiusmodi esse dicitur, quæ nobis Deum propitium, & placatum reddidit, eamque uni Christo domino acceptam ferimus, qui in cruce, pretio pro peccatis nostris soluto, plenissimo Deo satisfecit. neque enim ulla res creata tantum esse potuit.

potuit, quæ nos tam graui debito liberaret : atque,  
ut sanctus Ioannes testatur, ipse est propitiatio pro Ioan. 2  
peccatis nostris, non pro nostris autem tantum, sed  
etiam pro totius mundi . Hæc igitur plena, &  
cumulata est satisfactio, icelerum omniū rationi,  
quæ in hoc seculo commissa sunt, pariter, æquali-  
terque respondens; cuius pōdere hominum actio-  
nes apud Deum plurimum ualent, ac sine eo nulla  
prorsus æstimatione dignæ haberentur. Atque huc  
Dauidis uerba uidetur spectare: qui postquam, se- Psal. 119  
cum ipse reputans, illud protulisset; Quid retri-  
buam Domino pro omnibus, quæ retribuit mihi?  
nihil præter hanc satisfactionem, quam calicis no-  
mine expresit, dignum tot, tantisque beneficijs  
inuenire potuit: quare subiecit: Calicem salutaris  
accipiam, & nomen Domini inuocabo . Alterum  
satisfactionis genus, quæ & canonica appellatur,  
& certo temporis spatio definita perficitur . qua-  
re antiquissimæ Ecclesiæ usu receptum est, ut, cum  
pœnitentes a peccatis soluuntur, pœna aliqua eis  
irrogetur; cuius pœnæ solutio, satisfactio uocari  
consuevit . Eodem uero nomine quodlibet etiam  
pœnæ genus significatur, quam pro peccatis non  
quidem a sacerdote constitutam, sed sponte nostra  
susceptam, atque a nobis ipsis repetitam, sustine-  
mus . Verum hæc ad pœnitentiam, ut sacramen-  
tum est, minime pertinet; sed illa tantum sacra-  
menti pars censenda est, quam diximus ex præce-  
pto sacerdotis Deo pro peccatis dependi; hoc ad iū-  
cto, ut statutum cum animo, & deliberatum habea-  
mus, peccata in posterum omni studio uitare  
ita enim nonnulli definierunt: satisfacere, &c Deo  
debitum

debitum honorem impendere, quod autem nemo debitum honorē Deo possit tribuere, nisi qui peccata omnino uitare constituat, satis apparet. Et satisfacere, est causas peccatorum extirpare, & eorum suggestioni aditum non indulgere. In quam sententiam alij senserunt, satisfactionem esse purgationem, qua eluitur, quidquid sordium propter peccati maculam in anima resedit, atque a pœnis tempore definitis, quibus tenebatur, absolui-  
 mur. Quæ cum ita sint; facile erit fidelibus persuadere, quam necessarium sit, ut pœnitentes in hoc satisfactionis studio se exerceant. Docendi enim sunt, duo esse, quæ peccatum consequuntur, maculam, & pœnam: ac quamuis semper, culpa dimissa, simul etiam mortis eternæ supplicium, apud inferos constitutum, condonetur; tamen non semper contingit, quemadmodum a

*Trid. Syn.* Tridentina Synodo declaratum est, ut Dominus peccatorum reliquias, & pœnam, certo tempore definitam, quæ peccatis debetur, remittat. Cuius rei perspicua sunt exempla in sacris litteris, Genes. tertio capite; Num. xij. & xxij. & alijs permultis locis: sed illud Dauidis clarissimum & maxime illustre intuemur: cui etsi Nathan dixerat; Dominus quoque transtulit peccatum tuum, non morieris; is tamen grauissimas pœnas ultro subiit, Dei misericordiam his uerbis dies noctesque implorans: Amplius laua me ab iniquitate mea, & a peccato meo munda me: quoniam iniquitatem meam ego cognosco, & peccatum meum contra me est semper. Quibus uerbis illud petatum est a Domino, ut nō solum crimen, sed pœnam

nam etiam crimini debitam condonaret, atque a peccati reliquijs purgatum, in pristinum decoris, & integritatis statum restitueret. Atque hæc cum summis precibus peteret, eum tamen Dominus, tum filij ex adulterio suscepti, tum Absalonis, quem unice diligebat, defectione, & morte multauit, alijsque pœnis, & calamitatibus affecit, quas illi antea intenterat. In Exodo etiam, etsi Dominus, Moſis precibus exoratus, populo idololatrem pepercit, tamen minatus est, se tanti flagitij graues pœnas repetiturum esse: ipseque Moſes testatus est fore, ut illud Dominus seuerissime in tertiam, & quartam usque generationem ulcisceretur. Hæc uero a sanctis Patribus in Ecclesia catholica sæper tradita esse, ipsorum auctoritate apertissime comprobatur. Verum qua de causa factum sit, ut pœna omnis pœnitentiæ sacramento, æque ac baptismo, nō cōdonetur, præclare a sancta Tridēтина Synodo explicatum est his uerbis. Diuinæ iustitiæ ratio exigere uidetur, ut aliter ab eo in gratiam recipiantur, qui ante baptismum per ignorantiam deliquerint; aliter uero qui semel a peccati, & demonis seruitute liberati, & accepto spiritus sancti dono, scientes templum Dei uiolare, & spiritum sanctum contristare non formidauerint. Et diuinā clementiā decet, ne ita nobis absque ulla satisfactione peccata dimittantur, ut, occasione accepta, peccata leuiora putātes, uelut iniurij, & contumeliosi spiritui sancto in grauiora labamur, thesaurizantes nobis irā in die iræ. Proculdubio enim magnopere a peccato reuocant, & quasi freno quodā coercent hæc satisfactoriæ pœnæ, cautiōresque & uigilantiōres in po-

Exod. 32.

Trid. Syn.



conceperint. Verum postea tantum de ueteris disciplinæ seueritate remissum est, atque ita charitas refrixit, ut iam plerique ex fidelibus ad peccatorum ueniam impetrandam nullum intimum animi dolorem, atque gemitum cordis necessariū putent; sed illud satis esse arbitrentur, si speciem tantum dolentis habeant. Deinde uero huiusmodi peccatorum perpeffione consequimur, ut capitis nostris Iesu Christi, in quo passus est ipse, & tentatus, *Ad Heb. 2.* similitudinem, & imaginem geramus. nihil enim tam deforme uideri potest, ut a sancto Bernardo *D. Bernar.* dictum est, quam, sub spinoso capite delicatum esse membrum. nam, teste Apostolo, coheredes sumus Christi; si tamen compatimur, &, quod alio loco scripsit, si commortui sumus, & conuiuemus; si sustinebimus, & conregnabimus. D. etiam Bernardus duo affirmat in peccato reperiri, maculam animæ, & plagam: ac turpitudinem quidem ipsam Dei misericordia tolli, uerum sanandis peccatorum plagis ualde necessariam esse eam curam, quæ in remedio penitentia adhibetur. quemadmodum enim, sanato uulnere, cicatrices quædam remanent, quæ & ipsæ curandæ sunt: ita in anima, culpa condonata, supersunt reliquæ peccatorum purgandæ. Idē plane D. Chrysostomi sententiā confirmat, cum ait: Non satis est sagittam e corpore extrahi, sed plaga quoque, a sagitta inflicta, sananda est, sic etiam in anima post acceptam peccati ueniam penitentia curanda est, plaga relicta. Frequētissime enim a sancto Augustino docemur, *D. August.* duo hæc in penitentia animaduertenda esse, Dei misericordiam, & iustitiam; misericordiam, qua peccata,

cata, & pœnas æternas illi debitas condonat; iustitiam, qua pœnis tēpore definitis hominem punit. Postremo, pœnitentiæ pœna a nobis suscepta Dei animaduersionem, suppliciaque in nos constituta anteuertit. ita enim docet Apostolus, cum ait: Si nosmetipsos dijudicaremus, non utique iudicamur: dum iudicamur autem, a Domino corripi-mur, ut non cum hoc mundo damnemur. Quæ cum fidelibus explicata fuerint, uix fieri poterit, quo minus ad pœnitentiæ opera maxime excitetur. Eius autem quanta uis sit, ex eo colligitur, quod tota a Christi domini passionis merito pendet. A quo etiam honestis actionibus duo illa maxima bona consequimur. alterum est, ut immortalis gloriæ præmia mereamur; ita ut calix etiam aquæ frigidæ, quam in eius nomine dederimus, mercede non careat: alterum, ut pro peccatis nostris satisfaciamus. Neque uero id perfectissimam, & cumulatissimam Christi domini satisfactionem obscurat; sed illud potius contra euenit, ut multo clariorem, & illustriorem reddat. Eo enim copiosior Christi gratia uidetur esse, quod non solum ea nobiscum communicatur, quæ ipse solus, sed illa etiam, quæ tamquam caput in membra suis sanctis, & iustis hominibus promeruit, ac persoluit; qua ratione fieri perspicuum est, ut iustæ, & honestæ piorum actiones tantum ponderis, & dignitatis habeant. Christus enim dominus, tamquam caput in membra, & uitis in palmites, gratiam suam in eos, qui sibi per charitatem coniuncti sunt, continenter diffundit. Quæ quidē gratia bona opera nostra semper antecedit, comitatur, & consequitur, &  
fine

1. Co. 11

Math. 10

sine qua mereri, & satisfacere Deo nullo modo possumus. Atque ita fit, ut iustis nihil deesse uideatur, cum operibus, quæ Dei uirtute efficiunt, & diuinæ legi pro humana mortalique condicione satisfacere, & uitam æternam, quam scilicet, si Dei gratia ornati e uita decesserint, consequentur, mereri possint. nota est enim illa Saluatoris uox; Qui autem biberit ex hac aqua, quam ego dabo ei, non sitiet in æternum: sed aqua, quam ego dabo ei, fiet in eo fons aquæ salientis in uitam æternam. Ioan. 4

Sed duo præcipue in satisfactione requiruntur. *Quæ ad meritam satisfactionem requirantur.* primū est, ut is, qui satisfacit, iustus sit, ac Dei amicus. opera enim, quæ sine fide, & charitate fiunt, nullo modo Deo grata esse possunt. alterum, ut eius modi opera suscipiantur, quæ natura sua dolorem, & molestiam afferant: cum enim præteritorum scelerum compensationes sint, atque, ut sanctus martyr Cyprianus ait, redemptrices peccatorum; omnino necesse est, ut aliquid acerbitalis habeant: *S. Cypria.* quamquam non semper illud consequitur, ut qui se in illis molestis actionibus exercent, doloris sensum habeant. Sæpe enim uel patiendi consuetudo, uel accensa in Deum charitas efficit, ut quæ perpassu grauisissima sunt, ne sentiantur quidem. Neque tamen idcirco fit, quo minus ea ipsa opera satisfaciendi uim habeant: siquidem hoc proprium est filiorum Dei, ita eius amore, & pietate inflammari, ut acerbissimis laboribus cruciati, aut nihil fere incommodi sentiant, aut omnia lætissimo animo perferant. Verum omne satisfactionis genus Pastores docebunt ad hæc tria præcipue conferendum esse, orationem, ieiunium, eleemosynam: quæ quidem

V      tribus

1. Ioan. 2

tribus bonis, animę, corporis; & ijs, quę externa commoda dicuntur, quę omnia a Deo accepimus, respondent. nihil uero aptius & conuenientius ad extirpandas omnium peccatorum radices esse potest. Nam cū omne, quod est in mundo, concupiscentia carnis sit, aut concupiscentia oculorū, aut superbia uitę: nemo nō uidet, hisce tribus morbi causis totidē medicinas, priori scilicet ieiuniū, alteri eleemosynā, tertię orationem rectissime opponi. Pręterea, si eos etiam, qui peccatis nostris offenduntur, spectemus; facile erit intelligere, cur ad hęc tria potissimum omnis satisfactio referatur. Hi uero sunt Deus, proximus, nos ipsi. Quare Deum oratione placamus: proximo eleemosyna satisfacimus: nos ipsos uero ieiunio castigamus. Sed quoniam multę uarięque erumne, & calamitates, dum in hac uita sumus, nos premūt; illud maxime fideles docendi sunt, eos, qui patienti animo, quidquid laboriosi, & incommodi Deus immiserit, ferant, amplam satisfaciendi, & merendi materiam nactos esse; qui autem inuiti, & repugnantes pœnam huiusmodi sustineant, omni satisfactionis fructu priuari; sed Dei tantum, peccata iusto iudicio ulciscantis, animaduersionem, & supplicium perferre. In eo uero summa Dei bonitas, & clementia maximis laudibus, & gratiarum actionibus prædicanda est, qui humanę imbecillitati hoc cōdonauit, ut unus posset pro altero satisfacere. quod quidem huius partis pœnitentię maxime proprium est. ut enim, quod ad contritionē, & confessionem attinet, nemo pro altero dolere, aut confiteri potest; ita, qui diuina gratia præditi sunt, alterius nomine pos-



possunt, quod Deo debetur, persolvere. quare fit, ut quodā pacto alter alterius onera portare uideatur. Nec uero de hoc cuiquam fidelium dubitandi locus relictus est, qui in apostolorum symbolo, sanctorum cōmunionem cōfitemur. nam cum omnes *Gal. 6.* eodē baptismo abluti Christo renascamur, eorūdem sacramentorū participes simus, in primis uero eiusdē corporis, & sanguinis Christi domini cibo, & potu recreemur, hoc apertissime demōstrat, nos omnes eiusdem esse corporis membra. Quem admodum igitur neque pes suæ tantum; sed etiam oculorum utilitatis causa munere suo fungitur; neque rursus, quod oculi uideant, ad illorum propriam, sed ad communem omnium membrorum utilitatem referendum est: ita communia inter nos satisfactionis officia existimari debent. Neque tamen id sine ulla exceptione uerum est, si commoda omnia, quæ ex ea capiuntur, spectemus. nam satisfactionis opera, medicinæ etiam & curationes quedam sunt, quæ pœnitenti ad sanandos prauos animi affectus præscribuntur: quo quidem utilitatis fructu eos, qui per se non satisfaciunt, prorsus carere perspicuum est. Hæc igitur de tribus pœnitentiæ partibus, contritione, confessione, & satisfactione, copiose, & dilucide explicanda erunt.

Sed illud in primis a sacerdotibus obseruari oportet, ut, audita peccatorum confessione, ante quam pœnitentem a peccatis absoluant, diligenter curēt, ut, si quid ille forte de re, aut de existimatione proximi detraxerit, cuius peccati damnandus merito esse uideatur, cumulata satisfactione compenset. nemo enim absolendus est, nisi prius, quæ

cuiusque fuerint, restituere polliceatur. At quoniā multi sunt, quibus, & si prolixè pollicentur, se officio satis esse facturos, tamen certum est, ac deliberatum, numquam promissa exoluere; omnino iij cogendi sunt, ut restituant: sæpeque illud Apo-

*Ad Eph. 4* stoli eis inculcandum est, ut, qui furabatur, iam non furetur; magis autem laboret, operando manibus suis quod bonum est, ut habeat unde tribuat necessitatem patienti. In irroganda autem satisfactionis poena, sacerdotes nihil sibi suo arbitratu statuendum esse, sed omnia iustitia, prudentia, & pietate dirigenda existimabunt. Atque, ut hac regula peccata metiri uideantur, & pœnitentes scelerum suorum grauitatem magis agnoscant; operæ pretium erit, interdum eis significare, quæ poenæ quibusdam delictis ex ueterum canonum præscripto, qui pœnitentiales uocantur, constitutæ sint. Igitur uniuersæ satisfactionis modum, culpæ ratio temperabit. Sed ex omni satisfactionum genere maxime conuenit pœnitentibus præcipere, ut certis aliquot, & definitis diebus orationi uacent, ac pro omnibus, & præsertim pro ijs, qui ex hac uita in Domino decesserunt, preces Deo faciant. Hortari uero etiam eos oportet, ut sæpe eadē satisfactionis opera, a sacerdote indicta, ultro suscipiant, ac repetant, atque ita mores suos componant; ut, ijs omnibus, quæ ad pœnitentiæ sacramentum pertinent, diligenter absolutis, tamen uirtutis pœnitentiæ studia numquam intermittant. quod si interdū, etiam ob publicā offensionem, publica pœnitentia præscribenda fuerit, quamuis eam pœnitens refugiat, ac deprecetur, non erit facile audiendus: uerum

rum persuadere ei oportebit, ut, quæ tum sibi, tum alijs salutaria futura sunt, libenti, & alacri animo excipiat. Hæc de pænitentix sacramento, singulisque eius partibus ita docenda erunt, ut non solum ea fideles perfecte intelligant, sed etiam, iuvante Domino, re ipsa pie, & religiose præstare animum inducant.

## DE EXTREMAE VNCTIONIS SACRAMENTO.



**Q**UONIAM sancta scripturarum oracula ita doceant; In omnibus operibus tuis *Eccle. 7* memorare novissima tua, & in æternum nō peccabis; tacite Parochi admonentur, nullum tempus prætermittendum esse fidelem populum cohortandi, ut in assidua mortis meditatione uersetur. Quoniam autem extremæ unctionis sacramentum non potest supremi illius diei memoriam coniunctam non habere: facile intelligitur, de eo sæpe agendum esse, non solum ob eam causam quod illarum rerum mysteria, quæ ad salutem pertinent, aperire, & explicare maxime conuenit; sed etiam, quia fideles, moriendi necessitatem omnibus propositam esse, animo repetentes, prauas cupiditates coercebūt: quare fiet, ut in ipsa mortis expectatione minus se perturbari sentiant, sed immortales Deo gratias agant, qui, ut baptismi sacramento aditum nobis ad ueram uitam patefecit, ita etiam, ut ex hac mortali uita decedentes, expeditiorem ad cælum uiam haberemus, extremæ un-

ctionis sacramentum instituit. Vt igitur, quæ ad eam explicationem magis necessaria sunt, eodẽ ferre ordine, qui in alijs sacramentis seruatus est, exponantur; primum illud tradendum erit, hoc sacramentum idcirco extremam unctionem appellatum esse, quod hæc omnium sacrarum unctionũ, quas dominus Saluator noster Ecclesię suę commendauit, ultima administranda sit. Quare hæc ipsa unctio a maioribus nostris sacramentum etiã unctionis infirmorum, & sacramentum exeuntium dicta est: quibus uocabulis fideles in memoriam nouissimi illius tẽporis facile redire possunt. Quod autem extremæ unctioni propria sacramenti ratio conueniat, in primis explanandum est. id uero perspicuum fiet, si uerba, quibus sanctus Iacobus Apostolus huius sacramenti legem promulgauit, attendamus. Infirmatur quis in uobis? inquit: inducat presbyteros ecclesię, & orent super eum, ungentes cũ oleo in nomine Dñi: & oratio fidei saluabit infirmum: & alleuiabit eum Dominus: & si in peccatis sit, remittentur ei. Nam quod peccata condonari Apostolus affirmat, in eo declarat sacramenti uim, & naturam. Hanc uero catholicę Ecclesię de extrema unctione perpetuam doctrinam fuisse, cum alia plura Concilia testantur, tum a Tridentina Synodo hoc ita declaratum est, ut in eos omnes anathematis pœnam constituerit, qui aliter docere aut sentire audeant. Ac Innocentius quoque primus hoc sacramentum fidelibus maxime commendat. Constanter itaque docendum est a Pastoribus, uerum sacramentum esse, nec plura, sed unum, quamuis per plures unctiones

*Iacobi 5*

*Trid. Syn.*

*Innocentius  
primus.*



unctiones administretur; quarum singulis propriæ preces, ac peculiaris forma adhibenda est. Vnum uero est non partium continuatione, quæ diuidi non possint, sed perfectione, cuiusmodi sunt cetera omnia, quæ ex pluribus rebus constant. Nam quemadmodum domus, quæ ex multis, & diuersis rebus composita est, una tantum forma perficitur; ita hoc sacramentum, & si ex pluribus rebus, & uerbis constituitur, unum tamen signum est, & unius rei, quam significat, efficientiam habet. Docebunt præterea Parochi, quæ sint huius sacramenti partes, elementum, inquam, & uerbum. hæc enim a sancto Iacobo prætermissa *Iacobi 5* non sunt: in quibus singulis sua mysteria licet animaduertere. Eius igitur elementum, siue materia, quemadmodum Concilia, ac præcipue Tridentinum decreuit, est oleum ab Episcopo consecratum, liquor scilicet, non ex quauis pingui, & crassa natura, sed ex olearum bacis tantummodo expressus. Aptissime autem hæc materia illud significat, quod ui sacramenti interius in anima efficitur. nã ut oleum ad mitigandos corporis dolores magnopere proficit: ita sacramenti uirtus anime tristitiam, ac dolorem minuit. Oleum præterea sanitatem restituit, hilaritatem affert, & lumini tamquam pabulum præbet; tum uero ad recreandas defatigati corporis uires maxime accommodatum est. Quæ omnia, quid in egroto diuina uirtute per huius sacramenti administrationem efficiatur, declarant. Hæc de materia satis sint. Forma uero sacramenti est uerbum, & sollemnis illa precatio, quâ sacerdotes ad singulas unctiones adhibet, cum inquit: Per

Iacobi 5

istam sanctam unctionē indulgeat tibi Deus, quid  
 quid oculorū, siue nariū, siue tactus uitio deliquisti.  
 Quod autem hec uera sit, & propria huius sacra-  
 menti forma, sanctus Iacobus apostolus significat,  
 cum ait: Et orent super eum, & oratio fidei salua-  
 bit infirmum. Ex quo licet cognoscere, formam  
 precationis modo proferendam esse; tamen, qui-  
 bus potissimum uerbis concipienda sit, Apostolus  
 nō exprefferit. Verum hoc ad nos fidei Patrū tradi-  
 tione permanauit, ita ut omnes Ecclesiæ eam for-  
 mæ rationem retineant, qua omnium mater, &  
 magistra sancta Ecclesia Romana utitur. nam etsi  
 aliqui nonnulla uerba immutant, cum pro; Indul-  
 geat tibi Deus; ponunt, Remittat, uel Parcat, in-  
 terdum etiam Sanet, quidquid commisisti: tamen,  
 quoniam nulla fit sententię immutatio, constat ean-  
 dem ab omnibus formam religiose seruari. Nec ue-  
 ro quisquam miretur, cur factum sit, ut aliorum  
 sacramentorū forma uel absolute significet quod  
 efficit, ut cum dicimus; Ego te baptizo; aut; Si-  
 gno te signo crucis: uel tamquam ab imperantibus  
 pronuncietur, ut cum in sacramento ordinis admi-  
 nistrando dicitur; Accipe potestatem; hec una ue-  
 ro extremæ unctionis forma precatione quadā ab-  
 soluatur: id enim optimo iure constitutum est. nam  
 cum hoc sacramentum propterea adhibeatur, ut,  
 præter spiritualem gratiam, quam tribuit, sanita-  
 tem etiam restituat ægrotis: tamen, quia non sem-  
 per sequitur, ut egri a morbis conualescant, ob  
 eam causam precatione forma conficitur, ut a  
 Dei benignitate id impetremus, quod sacramenti  
 uis constanti & perpetuo ordine efficere non solet.

Adhi-

Adhibentur autē ritus proprii in huius quoque sacramenti administratione: sed eorum maxima pars preces continet, quibus sacerdos ad egroti salutem impetrandam utitur. nullum enim est aliud sacramentum, quod pluribus precibus conficiatur; ac recte quidem: quoniam eo potissimum tempore fideles pijs obsecrationibus adiuuandi sunt. quare & alij omnes, quos tum adesse contigerit, & precipue Parochi debent orare Deum ex animo, & eius misericordiæ, laborantis uitam & salutem omni studio commendare.

Verum cū demonstratum sit, extremā unctiōē uere, & proprie in sacramentorum numero habendam esse; illud etiam sequitur, eius institutionem a Christo domino profectā esse: quę postea a sancto Iacobo apostolo fidelibus proposita, & promulgata est. Quamquam idem Saluator huius unctiōis specimen quoddā dedisse uisus est, cum discipulos suos binos, & binos ante faciem suam misit. de illis enim apud Euangelistam ita scriptum est: Ex-  
Vnctionis extrema sacramentum a Christo institutum, et quibus conferendum.  
 Marc. 6.  
 untes prædicabant, ut penitentiam agerent, & dæmonia multa eiiciebant, & ungebant oleo multos ægros, & sanabant. quam quidem unctiōnem nō ab apostolis inuentam, sed a Domino præceptam; non naturali aliqua uirtute præditam, sed mysticam, potius ad sanandos animos, quam ad corpora curanda institutam fuisse, credendum est: quam rem sancti Dionysius, Ambrosius, Chrysostomus, & Gregorius magnus asserunt: ut nullo modo dubitandum sit, quin hoc unum ex septē catholicę Ecclesię sacramentis summa cum religione accipere oporteat. Sed docendi sunt fideles,  
 quam-

S. Diony.  
 Ambrosius,  
 Chrys. Græ.

*Iacobi 5*

quamuis hoc sacramentum ad omnes pertineat, quædam tamen hominum genera excipi, quibus administrandum non sit. Ac primum excipiuntur, qui sano, & firmo corpore sunt: ijs enim extremam unctionem tribuendam non esse, & Apostolus docet, cum inquit; Infirmatur quis in uobis? & ratio ostendit; si quidem ob eam rem instituta est, nõ modo ut animæ, sed etiam ut corpori medicinam afferat. Cum igitur illi tantum, qui morbo laborant, curatione indigeant; idcirco ijs etiam, qui adeo periculose egrotare uidentur, ut, ne supremus illis uitæ dies instet, metuendum sit, hoc sacramentum præberi debet. In quo tamen grauissime peccant, qui illud tempus ægroti ungendi obseruare solent, cum, iam omni salutis spe amissa, uita, & sensibus carere incipiat. constat enim, ad uberiorem sacramenti gratiam percipiendam plurimum ualere, si egrotus, cum in eo adhuc integra mens & ratio uiget, fidemque, & religiosam animi uoluntatem afferre potest, sacro oleo liniatur. Quare Parochis animaduertendum est, ut eo potissimum tempore cælestem medicinã adhibeant, illam quidem semper ui sua admodum salutarem, cum eorum etiam pietate, & religione, qui curandi sunt, magis profuturam intellexerint. Nemini igitur, qui graui morbo affectus non sit, sacramentum unctionis dare licet, tametsi uitæ periculum adeat; uel quia periculosam nauigationem pareret; uel quia prælium initurus sit, a quo certa mors illi impendeat; uel etiam, si capitis damnatus ad supplicium raperetur. Omnes præterea, qui rationis usu carent, ad hoc sacramentum suscipiendũ

apti



apti non sunt: & pueri, qui nulla peccata admittunt, quorum reliquias sanare huius sacramenti remedio opus sit; amentes item, & furiosi, nisi interdum rationis usum haberent, & eo potissimum tempore pij animi significationē darent, peterentq. ut sacro oleo ungerentur. nam qui ab ipso ortu nunquam mentis & rationis cōpos fuit, ungendus non est: secus uero si egrotus, cum mente adhuc integra huius sacramenti particeps fieri uoluisset, postea in insaniam & furorē incidit. Non sunt autem omnes corporis partes ungendæ, sed ex tantum, quas ueluti sensuum instrumēta natura homini attribuit, oculi propter uisionem, aures propter auditum, nares propter odoratum, os propter gustum, uel sermonem, manus propter tactum; qui tametsi toto corpore æquabiliter fusus est, in ea tamen parte maxime uiget. Hunc autem ungendi ritum uniuersalis Ecclesia retinet, atque etiam huius sacramenti naturę optime conuenit: medicamenti enim est instar, Ac quoniam in corporis morbis. quamuis uniuersum corpus male affectum sit, tamen illi tantum parti curatio adhibetur, a qua, tamquam a fonte, & origine, morbus manat; idcirco non totum corpus, sed ea membra, in quibus potissimū sentiendi uis eminet, renes etiam, ueluti uoluptatis, & libidinis sedes, unguntur; tum pedes, qui nobis ingressus, & ad locum mouendi principium sunt. In quibus illud obseruare oportet, in una, eadēque ægrorotatione, cum eger in eodem uitę periculo positus est, semel tantum ungendum esse. Quod si post susceptam hanc unctionem eger cōualuerit; quoties postea in id uitę discrimen inciderit, toties eiusdem

dem sacramenti subsidium ei poterit adhiberi : ex quo patet, in eorum sacramentorum numero, quæ iterari solent, reponendam esse.

*Extrema  
unctio qua  
preparatio  
ne suscipien  
da, quis mi  
nister. et fru  
ctus illius.*

Quoniam uero omni studio curare oportet, ne quid sacramenti gratiâ impediatur; ei uero nihil magis aduersatur, quam alicuius peccati mortiferi conscientia; seruanda est catholicæ Ecclesiæ perpetua consuetudo, ut, ante extremam unctionem, patientiæ, & Eucharistiæ sacramentum administretur. Ac deinde egroto persuadere Parochi studeat, ut ea fide se ungendû sacerdoti præbeat, qua olim, qui ab apostolis sanandi erant, se ipsos offerre cōsueuerant. In primis autem animæ salus, deinde corporis ualetudo cum illa adiunctione, si ea ad eternam gloriam profutura sit, expetenda est. Nec uero dubitare fideles debent, quin sanctæ illæ, & sollemnes preces a Deo audiantur, quibus sacerdos non suam, sed Ecclesiæ, & domini nostri Iesu Christi personam gerens utitur. Qua una maxime re cohortandi sunt, ut huius saluberrimi olei sacramentum sancte, & religiose sibi administrandû curent, cum & acrior pugna instare, & uires cum animi, tû corporis deficere uideantur. Iam uero, quis extreme unctionis minister sit, ab eodem Apostolo, qui Domini legem promulgauit, didicimus. ait enim : Inducat presbyteros. quo nomine non eos significat, qui ætate prouectiores sunt, quemadmodû sapienter Tridétina Synodus exposuit, aut qui in populo principem locum obtinent, sed sacerdotes, qui ab ipsis Episcopis per manuum impositionem rite ordinati sunt. Sacerdoti igitur huius sacramenti administratio commissa est. Neque tamen ex san

*Iacobi 5*

*Conc. Trid.*

Etę Ecclesię decreto cuius sacerdoti, sed proprio Pastori, qui iurisdictionem habeat, siue alteri, cui ille eius muneris fungendi potestatem fecerit, hoc sacramentum administrare licet. Illud uero maxime animaduertendum est, sacerdotę in ea administratione, quemadmodum etiam in alijs sacramentis sit, Christi domini nostri, & sanctę Ecclesię, eius sponse, personam sustinere. Explicandę etiam sunt accuratius utilitates, quas ex hoc sacramento capimus: ut, si nihil aliud fideles ad eius usum possit allicere, ipsa saltem utilitate ducantur: cum ita comparatum sit, ut omnia fere nostris commodis metiamur. Docebunt igitur Pastores, hoc sacramęto gratiam tribui, quę peccata, & in primis quidem leuiora, & ut communi nomine appellantur, uenialia, remittit: exitiales enim culpe, pęnitentię sacramento tolluntur. neque enim hoc sacramentũ primario loco ad grauiorum criminum remissionem institutũ est: sed baptisumus tantum, & pęnitentia ui sua hoc efficiunt. Altera est sacrę unctiōnis utilitas, quod animam a langore, & infirmitate, quam ex peccatis contraxit, & a ceteris omnibus peccati reliquijs liberat. Tempus autem huic curationi opportunissimum existimandum est, cũ graui morbo afflicti sumus, ac uitę periculum impedit. Etenim homini natura insitum est, ut nihil in rebus humanis eque, ac mortem, pertimescat. auget autem magnopere hunc timorem pręteritorum scelerum memoria; cum pręsertim grauissima cōscientię nostrę accusatio nos urgeat. ut enim scriptum est: Venient in cogitationem peccatorũ suo- Sap. 4  
rum timidi, & traducęnt illos ex aduerso iniquitates

tes ipsorum. Deinde illa cura, & cogitatio uehementer angit, quod paulo post stare oporteat ante tribunal Dei, a quo de nobis iustissima pro eo, ac meriti fuerimus, sententia ferenda sit. Sæpe autem euenit, ut fideles hoc terrore perculsi, se miris modis exagitari sentiant. Nihil autem ad mortis tranquillitatem magis conducit, quam si tristitiam abijciamus, & læto animo Domini aduentum expectemus; paratique simus, depositum nostrum, quancumque illud a nobis repetere uoluerit, libenter reddere. Vt igitur hac sollicitudine fidelium mentes liberentur, animusque pio, & sancto gaudio repleatur, extremæ unctionis sacramentum efficit. Præterea, aliud etiam, quod merito omnium maximum uideri potest, ex eo consequimur, nam etsi humani generis hostis, quoad uiuimus, numquam desinit de interitu, & exitio nostro cogitare; nullo tamen tempore, ut nos omnino perdat, ac, si fieri possit, spem nobis diuinæ misericordiæ eripiat, uehementius omnes neruos contendit, quam cum supremum uitæ diem appropinquare animaduertit. Quamobrem fidelibus arma, & uires hoc sacramento subministrantur, quibus aduersarij uim, & impetum frangere, & illi fortiter repugnare possint. alleuatur enim & erigitur ægri animus diuinæ bonitatis spe; eaque confirmatus morbi incōmoda omnia fert leuius, ac ipsius Dæmonis, calcaneo insidiantis, artificium, & calliditatem facilius eludit. Accedit postremo, siquidem profutura sit, etiam corporis sanitas. Quod si ægroti hoc tempore eam minus consequuntur, id quidem non sacramenti uitio, sed ob eam potius causam euenire creden-



credendum est: quod eorum magna pars: uel qui sacro oleo perunguntur, uel a quibus administratur, fides infirmior est. testatur enim Euangelista, *Math. 13* Dominū apud suos multas uirtutes non fecisse propter incredulitatem illorum. Quamquā etiam recte dici potest, Christianam religionem, ex quo altius tamquam radices egit in animis hominū, minus iam huiusmodi miraculorū adminiculis indigere, quā olim nascentis Ecclesiæ initio necessaria esse uiderentur. Sed tamen hoc loco fides magnopere excitanda erit. utcumque enim, quod ad corporis ualitudinem attinet, Dei consilio & uoluntate ceciderit, certa spe niti fideles debent, se huius sacri olei uirtute spirituales sanitatem consecuturos esse; futurumque, ut, si eos uita decedere contingat, præclarę illius uocis fructum percipiant, qua scriptum est; Beati mortui, qui in Domino moriuntur. *Apc. 14* Hæc de extremæ unctionis sacramēto breuiter quidem dicta sunt: uerum, si hæc ipsa rerum capita a Pastoribus latius, & ea, qua decet, diligentia explanata erunt; dubitandū non est, quin fideles ex hac doctrina maximum pietatis fructum percipiant.

## DE ORDINIS SACRAMENTO.



**S**i quis aliorum sacramentorum naturam, & rationem diligenter considerarit, facile perspiciet, ea omnia ab ordinis sacramento ita pendere, ut sine illo partim cōfici, & administrari nullo modo queant; partim sollemni cērimonia, & religioso quodam ritu, ac cultu carere uideantur.

Quare

Quare necesse est, ut Pastores institutam sacramen-  
torum doctrinam persequentes; eo diligentius de  
ordinis etiam sacramento sibi agendum arbitren-  
tur. Proderit autem maxime hæc explicatio pri-  
mum quidem illis ipsis, deinde alijs, qui ecclesia-  
sticæ uitæ rationem ingressi sunt, postremo etiam  
fidei populo; ipsis, quod, dum in huius argumen-  
ti tractatione uersantur, ad eam gratiam excitan-  
dam, quam hoc sacramento adepti sunt, magis  
commouentur; alijs, qui in sortem Domini uo-  
cati sunt, partim ut eodem pietatis studio affician-  
tur; partim uero, ut earum rerum cognitionem  
percipiant, quibus instructi uiam sibi ad ultiores  
gradus facilius munire possint. Reliquis autem fi-  
delibus, primum quidem ut intelligant, quo ho-  
nore digni sint Ecclesiæ ministri; deinde, quoniam  
sæpe contingit, ut multi adsint, uel qui spe liberos  
suos adhuc infantes Ecclesiæ ministerio destinarint,  
uel qui sua sponte & uoluntate illud uitæ genus se-  
qui uelint; quos certe ignorare minimè æquum est,  
quæ præcipue ad hanc rationem pertinent. Pri-  
mum itaque fidelibus tradendum est, quanta sit  
huius instituti, si summum eius gradum, hoc est sa-  
cerdotium spectemus, nobilitas, & excellentia.  
Nam cum Episcopi, & sacerdotes tamquam Dei  
interpretes, & internuncij quidam sint, qui eius  
nomine diuinam legem, & uitæ præcepta homi-  
nes edocent, & ipsius Dei personam in terris ge-  
runt; perspicuum est, eam esse illorum functionē,  
qua nulla maior excogitari possit. quare merito nō  
solum angeli, sed Diij etiam, quod Dei immortalis  
uim, & numen apud nos teneant, appellantur.

Quam-

Quamuis autem omni tempore summam dignitatem obtinuerint, tamen noui testamenti sacerdotes ceteris omnibus honore longe antecellunt. Potestas enim tum corpus, & sanguinem Domini nostri conficiendi, & offerendi, tum peccata remittendi, quæ illis collata est, humanam quoque rationem, atque intelligentiam superat; nedum ei aliquid par, & simile in terris inueniri queat. Deinde uero, quemadmodum Saluator noster a patre, apostoli autem, ac discipuli in uniuersum mundum a Christo domino missi sunt; ita quotidie sacerdotes, eadem, qua illi, potestate præditi, ad consummationem sanctorum in opus ministerij in ædificationem corporis Christi mittuntur. Huius igitur tantij officij onus nemini temere imponendum est, sed ijs tantum, qui illud uitæ sanctitate, doctrina, fide, prudentia sustinere possint. Nec uero quisquam sumat sibi honorem, sed qui uocatur a Deo tamquam Aaron. Vocari autem a Deo dicuntur, qui a legitimis Ecclesiæ ministris uocantur, nam qui in hoc ministerium se ipsos arroganter inferunt, atque intrudunt, de his Dominum intellexisse docendum est, cum inquit: Non mittebam Prophetas, & ipsi currebant. quo quidem hominum genere nihil infelicius, ac miserius, nihil Ecclesiæ Dei calamitosius esse potest.

Sed quoniam in omni actione suscipienda magno per se refert, quem sibi quisque finem constituat; (optimo enim fine posito, recte omnia consequuntur) de hoc in primis, qui sacris initiari uolunt, admoneudi sunt, ut nihil sibi tanto munere indignum proponant. qui quidem locus eo diligen-

*Quanta etiam  
conspectio-  
ne ad sacros  
ordines ac-  
cedendum.*

tius tractandus erit; quo grauius hoc tempore ea in re peccare fideles solent. Alij enim eo consilio ad hanc uiuendi rationem se conuertunt, ut, quæ ad uictum, uestitumque necessaria sunt, parent; ita ut, præter quæstum, nihil aliud in sacerdotio, quemadmodum uulgo ceteri omnes in quouis sortiti artificij genere, spectare uideantur. Quamuis enim, ex Apostoli sententia, natura, & diuina lex iubeat, ut qui altari seruit, ex altari uiuat: tamen, quæstus, & lucri causa ad altare accedere, maximum sacrilegium est. Alios honorum cupiditas, & ambitio ad sacerdotalem ordinem ducit. Alij uero, ut diuitijs affluant, initiari uolunt. cuius quidem rei illud argumento est, quod, nisi opulentum aliquod ecclesiasticum beneficium ijs deferatur, nullam sacri ordinis cogitationem habent: hi uero sunt, quos Saluator noster mercenarios appellat; & quos Ezechiel dicebat, semet ipsos, & non oues pascere. quorum turpitudine, & improbitas non solum sacerdotali ordini magnas tenebras offudit, ita ut iam nihil fere a fideli populo haberi possit contemptius, & abiectius; uerum etiam efficit, ut ipsi nihil amplius ex sacerdotio consequantur, quam Iudas ex apostolatus munere; quod illi sempiternum exitium attulit. Illi autem ostio in Ecclesia introire merito dicuntur, qui a Deo legitime uocati ecclesiastica munera eius uni-  
us rei causa suscipiunt, ut Dei honori inseruiant; Neque tamen hoc ita accipiendum est, quasi eadē lex æque omnibus nō sit imposita. Homines enim ob eam rem conditi sunt, ut Deum colant. quod præcipue fideles, qui baptismi gratiam consecuti sunt,

I. Cor. 9

Ioan. 10

Ezech. 34



sunt, ex toto corde, ex tota anima, & ex totis uiribus præstare debent. Verum qui ordinis sacramento initiari uolunt, hoc sibi proponant opus est, ut non solum Dei gloriam in omnibus rebus querant; quod quidem cum omnibus, tum maxime fidelibus commune esse constat: sed etiam ut alicui certo ecclesiæ ministerio addicti, in sanctitate, & iustitia illi seruiant. Nam ut in exercitu omnes quidem milites imperatoris legibus parent, sed inter eos tamen alius centurio, alius præfectus est, alij alia munera obeunt: ita, quamuis omnes fideles pietatem, & innocentiam sectari omni studio debeant, quibus rebus maxime Deus colitur; eos tamen, qui ordinis sacramento sunt initiati, præcipua quædam munera, & functiones in ecclesia exequi oportet. nam & sacra pro se ipsis, & pro omni populo faciunt; & diuinæ legis uim tradunt; ad eamque prompto, & alacri animo seruandam fideles hortantur, & instituunt: & Christi domini sacramenta, quibus omnis gratia imperitur, & augetur, administrant; &, ut uno uerbo complectamur, a reliquo populo segregati, in omnium longe maximo, & præstantissimo ministerio se exercent.

His igitur explicatis, accedent Parochi ad ea tradenda, quæ propria huius sacramenti sunt, ut intelligant fideles, qui in ecclesiasticum ordinem cooptari uolunt, ad quodnam officij genus uocentur, quantaque ipsi Ecclesiæ, eiusque ministris potestas diuinitus tributa sit. Ea autem duplex est, ordinis, & iurisdictionis. Ordinis potestas ad uerum Christi dominic corpus in sacrosancta Eucharis

*De duplici potestate ecclesiastica, ordinis & iurisdictionis.*

stia refertur. Jurisdictionis uero potestas tota in Christi corpore mystico uersatur. ad eam enim spectat, Christianum populum gubernare, & moderari, & ad æternam, cælestemque beatitudinem dirigere. Verum ordinis potestas non solum consecrandæ Eucharistiæ uim, & potestatem continet, sed ad eam accipiendâ hominû animos præparat, & idoneos reddit, ceteraque omnia complectitur, quæ ad Eucharistiam quouis modo referri possunt. eius uero plura ex sacris litteris testimonia afferri possunt; sed illa præclara, & grauissima sunt, quæ apud sanctos Ioannem, & Matthæum leguntur.

*Iean. 20*

ait enim Dominus: Sicut misit me Pater, & ego mitto uos: accipite spiritum sanctum: quorum remiseritis peccata, remittuntur eis; & quorum

*Matth. 18*

retinueritis, retenta sunt. Et: Amen dico uobis, quæcumque alligaueritis super terram, erunt ligata & in cælo: & quæcumque solueritis super terrâ, erunt soluta & in cælo. Quæ quidem loca a Pastoribus ex sanctorum Patrum doctrina, & auctoritate explanata, maximum ueritati lumen asferre poterunt. Hæc autem potestas plurimum illi præstat, quæ in naturæ lege certis hominibus, qui res sacras curarent, tributa est. Nam & illa ætas, quæ scriptam legem antecessit, suum sacerdotium, suamque potestatem spirituales habuerit, necesse est, cum legem habuisse satis constet. hæc duo enim

*Ad Hebr. 7*

ita coniuncta esse testatur Apostolus, ut eorum altero translato, simul etiam alterum transferri necesse sit. Cum igitur naturali instinctu homines agnoscerent, Deum colendû esse; consequens erat, ut in quauis republica aliqui sacrorum, & diuini cultus

cultus procurationi præficeretur : quorum potestas aliquo modo spiritualis diceretur. Eadem etiam potestate populus Israeliticus non caruit ; quæ tamen dignitate superior fuit , quam illa , qua in lege naturæ sacerdotes præditi erant , longe tamen inferior , quam legis euangelicæ spiritualis potestas , existimanda est. hæc enim cælestis est , omnemque angelorum etiam uirtutem superat , neque a sacerdotio Mosaico , sed a Christo domino , qui non secundum *Hebr. 7* Aaron sacerdos fuit , sed secundum ordinem Melchisedec ortum habet . is enim , qui summa potestate gratiam tribuendi , & peccata remittendi præditus fuit , hanc potestatem , quauis uirtute definitam , & sacramentis adstrictam , Ecclesiæ suæ reliquit . quare ad eam exercendam certi ministri instituti sunt , & sollemni religione consecrati ; quæ quidem cōsecratio ordinis sacramentum , uel sacra ordinatio uocatur . Placuit autem sanctis Patribus hoc uocabulo uti , quod latissimam significationem habet , ut dignitatem & excellentiam ministrorum Dei indicarent . Est enim ordo , si propriam eius uim , & notionem accipiamus , dispositio superiorum , & inferiorum rerum , quæ inter se ita aptæ sunt , ut una ad alteram referatur . Cum itaque in hoc ministerio multi sint gradus , & uariæ functiones ; omnia uero certa ratione distributa sint , & collocata ; recte , & commode ordinis nomen ei impositum uidetur . Quod autem inter cetera Ecclesiæ sacramenta sacra ordinatio numeranda sit ; sancta Tridentina Synodus ratione illa , quæ sæpius repe- *Trid. Syn.* tita est , comprobauit . nam cum sacramentum sit rei sacræ signum ; id uero , quod hac consecratione

extrinsecus fit, gratiam & potestatem significet, quæ illi tribuitur, qui consecratur; omnino sequi perspicuum est, ordinem uere ac proprie sacramentum dicendum esse. quare Episcopus ei calicem cū uino, & aqua, & patenam cum pane porrigens, qui sacerdos ordinatur, inquit: Accipe potestatem offerendi sacrificium, &c. Quibus uerbis semper docuit Ecclesia, dum materia exhibetur, potestatem cōsecrādę Eucharistię, caractere animo impresso, tradi, cui gratia adiūcta sit, ad illud munus rite, & legitime obeundū: quod Apostolus his uerbis declarat: Admoneo te, ut resuscites gratiam Dei, quę est in te, per impositionem manuum mearum; non enim dedit nobis Deus spiritum timoris, sed uirtutis, & dilectionis, & sobrietatis.

1. Tim. 1

*Sacramentum ordinis uarios habes sui exercendi ministeria.*

Iam uero, ut sacrę Synodi uerbis utamur, cum diuina res sit tanti sacerdotij administratio; consensaneum fuit, quo dignius, & maiori cū ueneratione exerceri posset, ut in ecclesię ordinatissima dispositione plures essent, & diuersi ministrorū ordines, qui sacerdotio ex officio deseruirent; atque hi quidem ita distributi, ut, qui iam clericali tonsura insigniti essent, per minores ad maiores ascēderēt. Docendum igitur erit, hosce omnes ordines septenario numero contineri, sēperq. ita a catholica Ecclesia traditū esse: quorum nomina hęc sunt, Ostiarius, Lector, Exorcista, Acolytus, Subdiaconus, Diaconus, Sacerdos. Hunc autem ministrorum numerum recte ita definitum esse, probari potest propter ea ministeria, quę ad sacrosanctum Missę sacrificium, & Eucharistiam uel conficiendam, uel administrandam, cuius causa præcipue sunt instituta,



tuta, necessaria uidentur. Ex his alij maiores, qui etiam sacri dicuntur, alij minores sunt. Maiores, uel sacri, sunt, Ordo Sacerdotalis, Diaconatus, & Subdiaconatus: ad minores referuntur Acolyti, Exorcistæ, Lectores, Ostiarij, de quorum singulis pauca dicenda sunt, ut habeant Parochi, unde eos potissimum instituât, quos nouerint aliquo ordine initiandos esse. Incipiendum est autem a prima tonsura: quam quidem, docere oportet, quandam præparationem esse ad ordines accipiendos. Vt enim homines ad baptismum exorcismis, ad matrimoniû sponsalibus preparari solent: ita, cum tonso capillo, Deo dedicantur; tamquam aditus ad ordinis sacramentum illis aperitur: declaratur enim, qualis esse debeat, qui sacris imbui cupit. Nam clerici nomē, quod ei tunc primum imponitur; ab eo deductum est, quod Dominum sortem, & hereditatē suam habere incipiat; ueluti qui in Hebræorum populo, diuino cultui mancipati erant: quibus uetuit Dominus aliquam agrorum partem in terra promissionis distribui, cum inquit; Ego pars, & hereditas tua. Ac quamuis id omnibus fidelibus commune sit, præcipua tamen ratione ijs cōueniat necesse est, qui se Dei ministerio cōsecrarunt. Tondetur uero capilli ad coronę speciem, & similitudinē, quam perpetuo conseruare oportet: & ut quisque in altiori deinceps ordinis gradu collocatur; sic eius orbis forma latior circumscribi debet. quod quidē ex apostolorum traditione acceptum esse, docet Ecclesia; cū de huiusmodi tondendi more sancti Dionysius Arcopagita, Augustinus, Hieronymus, uetustissimi, & grauisissimi Patres, meminerint. Pri-

Num. 18

S. Dionys.

mum autem omnium, ferunt, apostolorum **Princi-**  
 pem eam consuetudinem induxisse ad memoriam  
 coronæ, quæ ex spinis contexta Saluatoris nostri ca-  
 piti fuit imposita, ut, quod impij ad Christi ignomi-  
 niam, & cruciatum excogitarunt: eo apostoli ad  
 decus, & gloriam uterentur; simulque significa-  
 rent curandum esse a ministris Ecclesiæ, ut omni-  
 bus in rebus Christi domini nostri speciem, & figu-  
 ram gerant. Quamquam nonnulli asserant, hac  
 nota regiam dignitatem declarari, quæ ijs maxime,  
 qui in sortem Domini uocati sunt, uidetur conue-  
 nire. Quod enim Petrus apostolus fideli populo  
 tribuit; Vos genus electum, regale sacerdotium,  
 gens sancta; peculiari quadam, & magis propria ra-  
 tione ad ecclesiasticos ministros pertinere facile  
 intelligimus. etsi non desunt, qui uel perfectioris  
 uitæ professionem a Clericis susceptam circuli figu-  
 ra, quæ omnium perfectissima est, significari existi-  
 ment, uel externarum rerû contemptionem, animiq.  
 ab omnibus humanis curis uacuitatem declarari  
 putent; quod capilli, superuacaneum quiddam in  
 corpore, tondeantur. Post primam Tonsuram ad  
 Ostiarij ordinem primus gradus fieri consuevit.  
 Eius munus est, templi claues, & ianuam custodi-  
 re, & aditu templi arcere eos, quibus ingredi in-  
 terdictum erat. Ad sanctum etiam Missæ sacri-  
 ficiū assisitebat, curaturus ne quis propius, quam  
 par esset, ad sacram aram accederet, & sacerdotem  
 rem diuinam facientem interpellaret. Alia etiam  
 ministeria illi commissa erant: ut ex ritibus, quæ  
 ad eius consecrationem adhibentur, perspicui potest.  
 nam Episcopus claues ex altari acceptas ei tradens,  
 quem

1. *Pal. 2.*

quem Ostiarium uult instituere, Sic age, inquit, quasi redditurus Deo rationem pro ijs rebus, quæ his clauibus recluduntur. Magnam autem in antiqua Ecclesia huius ordinis dignitatem fuisse, ex eo intelligitur, quod his temporibus in Ecclesia seruari animaduertimus. nam Thesaurarij officium, qui erat idem sacrarij custos, quod ad Ostiarios pertinebat, inter honestiores ecclesiæ functiones etiam nunc habetur. Secundus ordinis gradus est Lectoris munus. Ad eum pertinet, in Ecclesia ueteris, & noui testamenti libros clara uoce & distincte recitare, præsertim uero eos, qui inter nocturnam psalmodiam legi solent. Eius quoque partes erant, prima religionis Christianæ rudimenta fidelibus tradere. Episcopus itaque, præsentem populo, in eius ordinatione librum, quo descripta sunt, quæ ad hanc functionem attinent, illi tradens, inquit: Accipe, & esto uerbi Dei relator, habiturus, si fideliter, & utiliter impleueris officium tuum, partem cum ijs, qui uerbum Dei bene ministrarunt ab initio. Tertius est ordo Exorcistarum, quibus potestas data est nomē Domini inuocandi in eos, qui ab immundis spiritibus obsidentur. quare Episcopus, cum eos instituit, librum, in quo exorcismi continentur, eis porrigit, usus ea formula uerborum: Accipe, & commenda memoriæ, & habes potestatem imponēdi manus super energumēnos, siue baptizatos, siue catechumenos. Acolytorum quartus est gradus, & ultimus eorum omnium, qui minores, & non sacri appellantur. eorum munus est, ministris maiores Subdiaconos, & Diaconos in altaris ministerio affectari, eiusque operam

ram dare . Præterea lumina deferunt, & afferunt, cum Missæ sacrificium celebratur, præcipue uero cum euangelium legitur; ex quo & ceroferarij alio nomine uocati sunt. Cum itaque ordinantur, hic ritus ab Episcopo seruari consuevit. Primum quidē, postquam eos officij sui diligenter admonuit, lumina eorū singulis tradit in hunc modum: Accipe ceroferarium cum cereo, & scias te ad accēdēda ecclesiæ luminaria mācipari, in nomine Domini. Deinde item urceolos uacuos, quibus aqua & uinum in sacrificio ministratur: Accipe urceolos ad suggerendum uinum, & aquā in Eucharistiam sanguinis Christi in nomine Domini. A minoribus ordinibus, iisdemque non sacris, de quibus hætenus dictum est, ad maiores, & sacros legitimus aditus, & ascensus patet. In eorum primo gradu Subdiaconus collocatur: cuius munus est, ut nomen ipsum declarat, Diacono ad altare inservire. sacra enim lintea, uasa, panem, & uinum, ad sacrificij usum necessaria, parare debet. Nunc Episcopo, & sacerdoti aquam præbet, cum manus in Missæ sacrificio abluunt. Epistolam etiā, quæ olim a Diacono in Missa recitabatur, Subdiaconus legit, ac tamquam testis ad sacrum assistit, prohibetq. ne sacerdos sacra faciens a quopiā perturbari possit. Hæc autē, quæ ad Subdiaconi ministerium spectant, ex sollemnibus cærimonijs, quæ in alius consecratione adhibentur, licet cognoscere. Primū enim Episcopus legē perpetuę continentię huic ordini impositam esse admonet: edicitque neminem in Subdiaconorū ordinem cooptandū esse, cui ultro hanc legem accipere non sit propositū:

dein,



deinde, post sollemnem litaniarum precationem, quæ Subdiaconi munera, & functiones sint, enumerat, atque exponit. His peractis, eorum singuli, qui ordinantur, ab Episcopo quidem calicem, & sacram patenam accipiunt; ab Archidiacono uero, ut intelligatur Subdiaconum Diaconi officio subseruire, urceolos, uino & aqua plenos, una cum lebere, & linteolo, quo manus absterguntur, dicente Episcopo: Videte, cuiusmodi ministerium uobis traditur; ideo uos admoneo, ut ita uos exhibeatis, ut Deo placere possitis. Adduntur præterea aliæ preces. Ad extremum, cum Episcopus sacris uestibus Subdiaconum ornauit, ad quarum singulas propria uerba, & cærimoniarum adhibentur, tradit ei epistolarum librum, ac dicit: Accipe librum epistolarum, & habe potestatem legendi eas in ecclesia sancta Dei tam pro uiuis, quam pro defunctis. Secundum autem sacrorum ordinum gradum Diaconus obtinet: cuius ministerium latius patet, sanctiusque semper habitum est. ad eum enim pertinet, Episcopum perpetuo sequi, concionantem custodire, eique, & sacerdoti sacra facienti, uel alia sacramenta administranti præsto esse, & in Missæ sacrificio euangelium legere. olim uero fidelium animos sæpius excitabat, ut sacra attenderent: sanguinem etiam Domini ministrabat; in quibus ecclesijs ea consuetudo erat, ut fideles Eucharistiam sub utraque specie sumerent. Diacono præterea ecclesiasticorum bonorum dispensatio commissa erat, ut unicuique necessaria ad uictum subministraret. Ad Diaconum etiam attinet, tamquam Episcopi oculum operue stigare, quinam in urbe pie, & religiose, quiue se

cus

cus uitam traducant; qui ad sacrificium, & con-  
 cionem statis temporibus conueniant, qui rursus  
 non conueniant: ut, cum de omnibus Episcopum  
 certiolem fecerit, ille uel priuatim unumquemque  
 hortari, admonere, uel palam corrigere, & obiur-  
 gare possit, uti se magis profecturum esse intellexe-  
 rit. Catechumenorum etiam nomina recitare de-  
 bet, & eos, qui ordinis sacramento initiandi sunt,  
 ante Episcopum statuere. Licet ei præterea, si absit  
 Episcopus, & sacerdos, euangelium explanare,  
 non tamē e superiori loco; ut intelligatur hoc eius  
 proprium munus non esse. Quanta uero diligentia  
 adhibenda sit, ne quis eo munere indignus ad hunc  
 ordinis gradum ascendat, Apostolus ostendit, cum  
 ad Timotheum Diaconi mores, uirtutem, & inte-  
 gritatem exposuit. Hoc idem satis etiam declarant  
 ritus, & sollemnes cærimonix, quibus ab Episco-  
 po consecratur. pluribus enim & sanctioribus præ-  
 cibus ad Diaconi, quam ad Subdiaconi ordinatio-  
 nem utitur Episcopus, & alia addit sacrarum ue-  
 stium ornamenta. Præterea, manus ei imponit:  
 quod quidem ab apostolis factitatum esse legimus,  
 cum primos Diaconos instituerunt. Denique euan-  
 geliorum librum ei tradit his uerbis: Accipe pote-  
 statem legendi euangelium in Ecclesia Dei tam  
 pro uiuis, quam pro defunctis, in nomine Do-  
 mini. Tertius, omniumque sacrorum ordinum  
 summus gradus est sacerdotiū: qui uero illo præ-  
 diti sunt, eos ueteres Patres duobus nominibus  
 uocare solent. interdum enim Presbyteros appel-  
 lant, quod græce seniores significat, non solum  
 propter ætatis maturitatem, quæ huic ordini ma-  
 xime

1. Tim. 3

Act. 6

xime necessaria est, sed multo magis propter morum grauitatem, doctrinam, & prudentiam. ut enim scriptum est; Senectus uenerabilis est, non *Sap. 4* diuturna, neque annorum numero computata. canis autem sunt sensus hominis, & ætas senectutis uita immaculata. interdum uero Sacerdotes uocant, tum quia Deo consecrati sunt, tum quia ad eos pertinet sacramenta administrare, sacrasque res, & diuinas tractare. Sed quoniam duplex sacerdotium in sacris litteris describitur, alterum interius, alterum externum, utrumque distinguendum est; ut, de quo hoc loco intelligatur, a Pastoribus explicari possit. Quod igitur ad interius sacerdotium attinet, omnes fideles, postquam saluari aqua abluti sunt, sacerdotes dicuntur, præcipue uero iusti, qui spiritum Dei habent; & diuinæ gratiæ beneficio Iesu Christi, summi sacerdotis, uiua membra effecti sunt. hi enim fide, quæ charitate inflāmur, in altari mentis suæ spirituales Deo hostias immolant: quo in genere bonæ oēs, & honestæ actiones, quas ad Dei gloriam referunt, numerandæ sunt. Quare in Apocalypsi ita legimus: Chri- *Apo. 1* stus lauit nos a peccatis nostris in sanguine suo, & fecit nos regnum, & sacerdotes Deo, & patri suo. In quam sententiam ab apostolorum Principe dictum est: Ipsi tamquam lapides uiui superædificamini domus spirituales, sacerdotium sanctum, offerentes spirituales hostias, acceptabiles Deo per Iesum Christum. Et Apostolus nos hortatur, ut exhibeamus corpora nostra hostiam uiuentē, sanctam, Deo placentem, rationabile obsequiū nostrum. Dauid item multo antedixerat; Sacrificiū Deo spiri- *Psal. 50*

tus contribulatus : cor contritum , & humiliatum  
 Deus non despicias . Quæ omnia ad interius sacer  
 dotium spectare , facile intelligitur . Externum ue  
 ro sacerdotium , non omniū fidelium multitudini ,  
 sed certis hominibus cōuenit , qui legitima manū  
 impositione , sollemnibusque sanctæ Ecclesiæ cēri  
 monijs instituti , & Deo consecrati , ad aliquod pro  
 prium , sacrumque ministerium adscribuntur . Hoc  
 sacerdotij discrimen in ueteri etiam lege obseruari  
 potest . nam de interiori Dauidem locutū esse , pau  
 lo ante demonstratum est . externi uero , nemo igno  
 rare potest , quam multa Dominus Moyfi , & Aa  
 roni præcepta dederit . Præterea , uniuersam leui  
 ticam tribum ministerio templi adscripsit , ac lege  
 cauit , ne quis ex alia tribu in eam functionē se in  
 ferre auderet : quare Ozias rex lepra a Domino  
 percussus , quod sacerdotale munus usurpasset ,  
 arrogantia , & sacrilegij sui grauisimas pœnas de  
 dit . Quia igitur eandem sacerdotij distinctionem  
 in lege euangelica licet animaduertere ; docendi  
 erunt fideles , nunc de sacerdotio externo agi , quod  
 certis hominibus attributum est . hoc enim tātum  
 modo ad ordinis sacramentum pertinet . Sacerdotis  
 igitur munus est , Deo sacrificium facere , ecclesia  
 stica sacramenta administrare , quemadmodum ex  
 consecrationis ritibus perspicitur . Nam Episcopus  
 cum aliquem sacerdotem instituit , primum qui  
 dem manus ei , una cum omnibus sacerdotibus , qui  
 adsunt , imponit : deinde stolam humeris aptans ,  
 eam ante pectus in crucis formam componit : quo  
 quidem declaratur , sacerdotem uirtute indui ex al  
 to , qua possit crucem Christi domini , & iugum  
 suaue



suauē diuinæ legis perferre, eamque non uerbis to-  
 lum, sed uitæ sanctissime, & honestissime actę exē-  
 plo tradere. Postea manus sacro oleo inungitur: tum  
 uero calicem cum uino, & patenam cum hostia tra-  
 dit, dicens: Accipe potestatem offerendi sacrifici-  
 cium Deo, Missasque celebrandi tam pro uiuis,  
 quam pro defunctis. Quibus cærimonijs, & uer-  
 bis interpres, ac mediator Dei, & hominum con-  
 stituitur: quæ præcipua sacerdotis functio existimā-  
 da est. Ad extremum uero, manibus iterum eius  
 capiti impositis, Accipe, inquit, spiritum sanctum;  
 quorum remiseris peccata, remittuntur eis: &  
 quorum retinueris, retenta sunt. eique cælestem  
 illam, quam Dominus discipulis suis dedit, peccata Ioan. 10  
 retinendi, ac remittendi potestatem tribuit. Hæc  
 uero sunt sacerdotalis ordinis propria, & præci-  
 pua munera: qui tamen si unus est, uarios tamen  
 dignitatis, & potestatis gradus habet. Primus  
 est eorum, qui sacerdotes simpliciter uocantur: quo-  
 rum functiones hætenus declaratae sunt. Secundus  
 est Episcoporum, qui singulis episcopatibus præpo-  
 siti sunt: ut non solum ceteros ecclesiæ ministros,  
 sed fidelem populū regant, & eorum saluti summa  
 cum uigilantia, & cura prospiciant. quare in sa-  
 cris litteris Pastores ouium sæpe appellantur: quo-  
 rum munus, & officium Paulus descripsit, ut in  
 apostolorum Actis legimus, in ea concione, quam Act. 20  
1. Petr. 5  
 ad Ephesios habuit. Itemque a Petro, apostolorum  
 Principe, diuina quedam Episcopalis ministerij re-  
 gula tradita est: ad quam si Episcopi actiones suas  
 dirigere studeant, dubitandum non erit, quin Pa-  
 stores boni & sint, & habeantur. Sed iidem Epi-  
 scopi

scopi & Pontifices dicuntur, accepto ab ethnicis nomine, qui Principes sacerdotum Pontifices appellare consueuerunt. Tertius gradus est Archiepiscoporum, qui pluribus Episcopis præsunt; qui Metropolitani etiam uocantur, quod illarum urbium antistites sint, quæ tamquam matres habeantur illius prouinciæ. quare superiorem, quam Episcopi, locum, & ampliorem potestatem habent, tãetsi ab Episcopis ordinatione nihil differunt. In quarto gradu Patriarchæ collocantur, idest primi supremique Patres. Olim in uniuersa Ecclesia, præter summum Romanum Pont. quattuor tantum Patriarchæ numerabantur, neque omnes tamen dignitate pares. nam Constantinopolitanus, etsi ad eum post omnes alios hic honos delatus est, tamen ob imperij maiestatem altiorem locum obtinuit. Proximus est Alexandrinus, cuius ecclesiam Marcus euangelista iussu Principis apostolorum fundauit. Tertius Antiochenus, ubi Petrus sedem primo locauit. Extremum gradum habet Hierosolymitanus; quam ecclesiam Iacobus, frater Domini, rexit. Præter hos omnes, catholica Ecclesia Romanum Pont. Max. quem in Ephesina Synodo Cyrillus Alexandrinus Archiepiscopum, totius orbis terrarum patrem, & Patriarcham appellat, semper uenerata est. cum enim in Petri, apostolorum Principis, cathedra sedeat, in qua usque ad uitæ finem sedisse constat, summum in eo dignitatis gradum, & iurisdictionis amplitudinē nō quidē ullis Synodicis, aut alijs humanis constitutionibus, sed diuinitus datam agnoscit. quamobrem omnium fidelium, & Episcoporum, ceterorumq. antistitum, quocumq. illi munere.

nere, & potestate præditi sint, pater, ac moderator uniuerſali Eccleſiæ, ut Petri ſucceſſor, Chriſtiſque domini uerus, & legitimus Vicarius præſidet. Ex his itaque Paſtores docebūt, & quæ ſint eccleſiaſti-  
corū ordinum, ac graduū præcipua munera, & fun-  
ctiões, & quis huius ſacramenti miniſter ſit. con-  
ſtat enim ad Epiſcopum eam adminiſtrationem  
pertinere: quod etiam ſanctarum litterarum au-  
ctoritate, certiffima traditione, omnium Patrum  
teſtimonio, Conciliorum decretis, ſanctæ Eccleſiæ  
uſu, & conſuetudine facile erit comprobare. Quā-  
uis autem nonnullis Abbatibus permiſſum ſit, ut  
minores, & non ſacros ordines interdum admi-  
niſtrent: tamen hoc proprium Epiſcopi munus eſſe  
nemo dubitat; cui uni ex omnibus, præterea ne-  
mini, licet reliquis ordinibus, qui maiores, & ſacri  
dicuntur, initiare. nam Subdiaconos, Diaconos,  
& Sacerdotes unus tantum Epiſcopus ordinat: Epiſ-  
copi ex apoſtolorū traditione, quæ perpetuo in Ec-  
cleſia cuſtodita eſt, a tribus Epiſcopis cōſecrantur.

Sequitur nunc, ut explicetur; quinam ad hoc ſa-  
cramentum, in primisque ad ſacerdotalem ordi-  
nem apti ſunt, & quæ in eis potiſſimum requi-  
rantur. ex hoc enim difficile non erit ſtatuerē, quid  
in alijs ordinibus dandis, pro cuiuſque officio, & di-  
gnitate, obſeruare oporteat. Maximam autem in  
hoc ſacramento cautionē adhibendam eſſe, ita col-  
ligitur, quod cetera gratiam ad illorum ſanctifica-  
tionem, & uſum tribuunt, a quibus percipiuntur:  
at uero qui ſacris inſtantur, ob eam rem cæleſtis  
gratiæ participes ſiunt, ut eorum miniſterio, Eccle-  
ſiæ, atque adeo omnium hominum ſaluti conſula-

*Quinam de  
beant ad di-  
gnitatem ſa-  
cerdotij ad-  
mitti.*

tur. ex quo factum esse intelligimus, ut statis tantūmodo diebus, quibus etiā sollemnia ieiunia ex uetustissimo catholicę Ecclesię more indicuntur, ordinationes fiant: ut scilicet fidelis populus eiusmodi sacrarum rerum ministros pijs, & sanctis precationibus a Deo impetret, qui ad tanti ministerij potestatem, recte, & cum Ecclesię utilitate gerendam aptiores esse uideantur. Primum itaque in eo, qui Sacerdos creandus est, uitę, & morum integritas commendetur magnopere oportet, nō solum quia, si alicuius mortiferi peccati conscius se initiari curret, uel etiam patiatur, nouo se, & maximo scelere obstringit; sed etiam, quia uirtutis, & innocentię lumen alijs præferre debet. ea de re quid Apostolus Tito, & Timotheo præcipiat, Pastoribus declarandum erit: & simul illud docendum, ea corporis uitia, quę in ueteri lege ex Domini præscriptione aliquem ab altaris ministerio excludebant; in euangelica lege ad animę uitia præcipue transferrenda esse. Quare sanctam illam consuetudinē in Ecclesia seruari animaduertimus, ut qui sacris initiandi sunt, prius penitentię sacramento conscientiam purgare diligenter studeant. Præterea in Sacerdote non solum ea cognitio requirenda est, quę ad sacramentorum usum, & tractationem pertinet; sed etiam sacrarum litterarum scientia ita instructum esse oportet, ut populo Christianę fidei mysteria, & diuinę legis præcepta tradere, ad uirtutem, & pietatem incitare, a uitijs reuocare fideles possit. Sacerdotis enim duo sunt munera: quorum alterum est, ut sacramenta rite conficiat, & administret: alterum, ut populum, fidei suę commissum, ijs re-

Ad Tit. 1

1. Tim. 3



ijs rebus, & institutis, quæ ad salutem necessaria sunt, erudiat. Malachias enim ita testatur: Labia *Malach. 2* sacerdotis custodient sciëntiam, & legem requirunt ex ore eius: quia angelus Domini exercituum est. Ut igitur in horum altero, si mediocri cognitione sit ornatus, præstare, quod debet, possit; alterum certe non vulgarem, sed exquisitam potius doctri-  
nam desiderari: quamvis æque ab omnibus sacerdotibus summa reconditarum rerum scientia nõ exigatur, sed quæ ad suscepti officij, & ministerij functionem unicuique satis esse possit. Pueris autem, & furiosis, uel amentibus, quod usu rationis carent, hoc sacramentum dandum non est: quamvis, si ijs quoque administraretur, sacramenti characterem in eorum animam imprimi, certo credendum sit. Qui uero ætatis annus in singulis ordinibus sit expectandus, ex sacri Tridentini Concilij *Trid. Syn.* decretis facile erit cognoscere. Excipiuntur etiam serui: neque enim diuino cultui dedicari debet, qui non sui iuris, sed in alterius potestate est: uiri præterea sanguinum, & homicidæ, quia ecclesiastica lege repelluntur, atque irregulares sunt: spurij quoque, & ij omnes, qui ex legitimis nuptijs non sunt procreati. decet enim, ut, qui sacris addicuntur, nihil in se habeant, quo ab alijs merito contemni, ac despici posse uideantur. Ad extremum etiam admitti non debent, qui aliquo insigni corporis uirio deformes, aut manci sunt, ea enim fœditas, & debilitatio tum offensionem habet, tum uero sacramentorum administrationem impediat, necesse est.

Sed iam his rebus expositis, superest, ut Pastores *De præla-* sacram-  
res doceant, qui sint huius sacramenti effectus. *ti ordinis*  
*seclibus, et*

Constat uero, quamuis ordinis sacramentum, ut antea dictum est, maxime ad Ecclesiæ utilitatem, & pulchritudinem spectet, tamen in eius quoque anima, qui sacris initiatur, sanctificationis gratiam efficere; qua idoneus, habilisque ad recte munus suum fungendum, sacramentaque administranda reddatur. quemadmodum etiam baptismi gratia, quilibet ad alia sacramenta percipienda aptus efficitur. Aliam quoque gratiam hoc sacramento tribui perspicuum est, præcipuam uidelicet potestatem, quæ ad sanctissimum Eucharistiæ sacramentum refertur, in sacerdote quidem plenam, & perfectam, ut qui Domini nostri corpus & sanguinem unus potest conficere, in alijs uero inferiorum ordinum ministris maiorem, minoremue, quo quisque ministerio suo magis, minusue ad altaris sacramenta accedit. Atque hæc etiam character spiritualis dicitur: quod qui sacris imbuti sunt, interiori quadam nota, animæ impressa, ab alijs fidelibus distinguantur, ac diuino cultui mancipientur: ad quam Apostolus uidetur spectasse, cum ad Timotheum ait: Noli negligere gratiam, quæ in te est, quæ data est tibi per prophetiam, cum impositione manuum presbyterij. Et alibi: Admoneo te, ut resuscites gratiam Dei, quæ est in te, per impositionem manuum mearum. Hæc de ordinis sacramento satis dicta sint. potiora enim tantum rerum capita Pastoribus tradere professi sumus, ut illis fidelis populi docendi, & in Christiana pietate erudiendi argumenta suppedirent.

1. Tim. 4

1. Tim. 1

## DE MATRIMONIO II.

## SACRAMENTO.



QUONIAM Pastoribus beata & perfecta Christiani populi uita proposita esse debet, ijs quidem maxime optandum esset, quod Apostolus se cupere ad Corinthios scribebat his uerbis: Volo omnes *1. Cor. 7* homines esse sicut me ipsum, nimirum, ut omnes continentiae uirtutem sectarentur: nihil enim beatius in hac uita fidelibus potest contingere, quam ut animus, nulla mundi cura distractus, sedataque & reſtinſta omni carnis libidine, in uno pietatis studio, & caeleſtium rerum cogitatione conquieſcat. ſed quoniam, ut idem Apoſtolus teſtatur, *1. Cor. 7* unusquiſque proprium donum habet ex Deo, alius quidem ſic, alius uero ſic; & matrimonium magnis, & diuinis bonis ornatum eſt, ita ut inter alia catholicæ Eccleſiæ ſacramenta uere, & proprie numeretur; ac Dominus nuptiarum celebritatem *I. an. 3* præſentia ſua honeſtarit: ſatis apparet, eius doctrinam tradendam eſſe; cum præſertim liceat animaduertere, tum ſanctum Paulum, tum apoſtolorum Principem, quæ non ſolum ad dignitatem, ſed etiam ad officia matrimonij pertinebant, pluribus locis accurate ſcripta reliquiſſe. Diuino enim ſpiritu afflati optime intelligebant, quanta & quam multa commodi ad Chriſtianam ſocietatem peruenire poſſent, ſi fideles matrimonij ſanctitatem cognitam haberent, & inuiolatam ſeruarent: contra uero, ea ignorata, uel neglecta, plurimas, maximasque calamitates, & detrimenta in Eccle-

fiam importari. Primum itaque matrimonij natura, & uis explicanda est, nam cum uitia sæpe honesti similitudinem gerant, cauere oportet, ne fideles, falsa matrimonij specie decepti, turpitudine & nefarijs libidinibus animam cōmaculent: cuius rei declarandæ causa a nominis significatione ordiendum est.

*Matrimonij  
descriptio,  
nis, & na-  
tura.*

*3. Ambr.*

Matrimonium ab eo dicitur, quod femina idcirco maxime nubere debet, ut mater fiat; uel quia prolem concipere, parere, educare, matris munus est. Coniugium quoque a coniungendo appellatur; quod legitima mulier cum uiro quasi uno iugo adstringatur. Præterea nuptiæ, quia, ut inquit sanctus Ambrosius, pudoris gratia puellæ se obnubarent: quo etiam declarari uidebatur, uiris obediētes, subiectasque esse oportere. Ita uero ex communi theologorum sententia definitur: Matrimonium est uiri, & mulieris maritalis coniunctio inter legitimas personas, indiuiduam uitæ consuetudinē retinens. cuius definitionis partes ut planius intelligatur, docendum est, quamuis hæc omnia in perfecto matrimonio insint, consensus uidelicet interior, pactio externa uerbis expressa, obligatio, & uinculum, quod ex ea pactione efficitur, & coniugum copulatio, qua matrimonium consummatur; nihil horum tamen matrimonij uim & rationem proprie habere, nisi obligationem illam, & nexum, qui coniunctionis uocabulo significatus est. Additur uero, Maritalis, quoniam alia pactionum genera, quibus uiri, & mulieres obligantur, ut sibi mutuam operam præstent, uel pretij, uel alterius rei causa, prorsus aliena sunt a matrimonij ratione.

Sequi-



Sequitur deinde, Inter legitimas personas: quoniam  
 qui a nuptiarum coniunctione legibus omnino ex-  
 clusi sunt, ij matrimoniū inire non possunt; neque,  
 si incant, ratum est. exempli enim gratia: qui intra  
 quartum gradum propinquitate coniuncti sunt,  
 puerque ante decimum quartum annum, aut puel-  
 la ante duodecimum, quæ ætas legibus constituta  
 est, ad matrimonij iusta fœdera ineunda apti esse  
 non possunt. Quod uero extremo loco positū est,  
 Indiuiduam uitę cōsuetudinem retinens; indissolu-  
 bilis uinculi naturam declarat, quo uir, & uxor  
 colligantur. Ex ijs igitur patet, matrimonij natu-  
 ram, & rationem in uinculo illo consistere. Nam  
 quod alię clarissimorum uirorum definitiones hoc  
 uidentur consensui tribuere, ut, cum dicunt, con-  
 iugium esse consensum maris, & femine; hoc ita  
 accipiendū est, consensum ipsum matrimonij cau-  
 sam effectricem esse: quod Patres in Concilio Flo- *Conc. Flor.*  
 rentino docuerunt. Etenim obligatio, & nexus  
 oriri non potest, nisi ex consensu, & pactione.

Sed illud maxime necessarium est, ut consensus  
 uerbis, quæ præsens tempus significant, expri-  
 matur. neque enim matrimonium est simplex do-  
 natio, sed mutua pactio: atque ita fit, ut con-  
 sensus alterius tantum, ad matrimonium coniun-  
 gendum satis esse non possit, sed duorum inter se  
 mutuum esse oporteat. atqui, ad declarandum mu-  
 tuum animi consensum uerbis opus esse, perspi-  
 cuum est. Si enim ex interiori tantum consensu,  
 sine aliqua externa significatione, matrimonium  
 constare posset, illud etiam sequi uideretur, ut,  
 eum duo, qui disiunctissimis & maxime diuer-  
 sis in

sed pro ea parentes loquuntur. Exijs igitur Parochi fidelibus tradent, matrimonij naturam, & vim in uinculo & obligatione sitam esse; ac præter consensum, eo, quo dictum est, modo expressum, ut uerum matrimonium existat, cōcubitum necessario non requiri. nam & primos parentes ante peccatum, quo tempore nulla inter eos carnis copula intercefferat, ut Patres testantur, uero matrimonio iunctos fuisse plane constat. quare a sanctis Patribus dictum est, matrimonium non concubitu, sed consensu existere: quod etiam a sancto Ambrosio in libro de Virginibus repetitum legimus.

Gen. 2

S. Ambro.

Iam uero hisce explicatis, illud docendum erit, matrimonium duplicem rationem habere. Nam uel ut naturalis coniunctio, (coniugium enim non ab hominibus inuentum, sed a natura) uel ut sacramentum, cuius uis naturalium rerum conditionem superat, considerandum est. ac quoniam gratia naturam perficit, (neque prius quod spirituale est, sed quod animale, deinde quod spirituale) rei ordo postulat, ut de matrimonio, ut natura constet, & ad naturæ officium pertinet, prius agendum sit: tum uero, quæ illi, ut sacramentum est, conueniunt, explananda erunt. In primis itaque docendi sunt fideles, matrimonium a Deo institutum esse: scriptum est enim in Genesi; Masculum, & feminam creauit eos, benedixitque illis Deus, & ait: Crescite, & multiplicamini. &, Non est bonum hominem esse solum: faciamus ei adiutorium simile sibi. Ac paulo post: Adæ uero non inueniebatur adiutor similis eius. Immisit ergo dominus Deus soporem in Adam, cumque obdormisset, tulit unam de co-

Duplex matrimonij ratio, ut est in officium naturæ & ut sacramentum.

1. Cor. 13

Gen. 1

Gen. 2

de costis eius, & repleuit carnem pro ea, & ædificauit dominus Deus costā, quam tulerat de Adā, in mulierem, & adduxit eam ad Adam; dixitque Adam: Hoc nunc os ex osibus meis, & caro de carne mea: hæc uocabitur uirago, quoniam de uiro sumpta est. quamobrem relinquet homo patrē suum, & matrem, & adhærebit uxori suæ, & erunt duo in carne una. Quæ, ipso Domino aucto re apud sanctum Matthæum, ostendunt matrimonium diuinitus institutum esse. Neque uero Deus matrimonium tantummodo instituit, uerum, ut sancta Tridentina Synodus declarat, perpetuum etiam, & indissolubilem nodum ei addidit: siquidem Saluator ait: Quod Deus coniūxit, homo nō separet. Quamuis enim matrimonio, quatenus naturæ est officium, conueniat, ut dissolui non possit; tamen id maxime fit, quatenus est sacramentum. qua ex re etiam in omnibus, quæ naturæ lege eius propria sunt, summam perfectionem consequitur. tamen & prolis educandæ studio, & alijs matrimonij bonis repugnat, ut eius uinculū dissolubile sit. Quod uero a Domino dictum est; Crescite, & multiplicamini; id eo spectat, ut, cuius rei causa matrimonium institutum erat, declaret, non ut singulis hominibus necessitatē imponat. nunc enim, aucto iam humano genere, non solum ulla lex uxorem ducere aliquem non cogit, sed potius uirginitas summopere commendatur, & unicuique in sacris litteris suadetur, ut quæ matrimonij statu præstantior sit, maioremque in se perfectionem, & sanctitatem contineat. Dominus enim Saluator non ita docuit: Qui potest capere, capiat: & Apostolus

*Trid. Syn*

*Matth. 19*

*Gen. 1*

*stolus*

Stolus ait; de Virginibus præceptum Domini non habeo; consilium autem do, tamquam misericordiam consecutus, ut sim fidelis. 1. Cor. 7

Sed quibus de causis uir, & mulier coniungi debeant, explicandum est. Prima igitur est, hæc ipsa diuersi sexus naturæ instinctu expetita societas, mutui auxiliij spe conciliata; ut alter alterius ope adiutus, uitæ incōmoda facilius ferre, & senectutis imbecillitatem sustentare queat. Altera est procreationis appetitus, non tam quidem ob eam rem, ut honorum, & diuitiarum heredes relinquuntur, quam ut ueræ fidei, & religionis cultores educentur: quod quidem maxime sanctis illis Patriarchis, cum uxores ducerent, propositum fuisse, ex sacris litteris satis apparet. quare Angelus, cū Tobiam admoneret, quo pacto mali demonis uim posset repellere; Ostendam, inquit, tibi, Tob. 8 qui sunt, quibus præualere potest dæmonium. ij namque, qui coniugium ita suscipiunt, ut Deū a se, & a sua mente excludant, & suæ libidini ita uacēt, sicut equus, & mulus, quibus non est intellectus, habet potestatem dæmoniū super eos. Deinde subiicit; Accipies uirginem cum timore Domini; amore filiorum magis, quam libidine ductus: ut in semine Abrahæ benedictionem in filiis consequaris. Atque una etiam hæc causa fuit, cur Deus ab initio matrimonium instituerit. quare sit, ut illorum sit scelus grauissimum, qui matrimonio iuncti, medicamentis uel conceptum impediunt, uel partum abigunt. hæc enim homicidarum impia cōspiratio existimanda est. Tertia est, quæ post primi parentis lapsum ad alias causas accessit, cum propter su-

Matrimo-  
niū quibus  
causis inuen-  
dum.

ritus,



stiti, in qua homo conditus erat, amissionem, appetitus rectæ rationi repugnare cœpit; ut scilicet, qui sibi imbecillitatis suæ conscius est, nec carnis pugnam uult ferre, matrimonij remedio ad uitanda libidinis peccata utatur. de quo ita Apostolus

1. Cor. 7 scribit: Propter fornicationem unusquisque suam uxorem habeat, & unaquæque suum uirum habeat. Ac paulo post, cum docuisset, interdum orationis causa a matrimonij debito abstinedum esse, subiecit: Et iterum reuertimini in idipsum, ne teneat uos Satanas propter incontinentiam uestram. Hæ igitur sunt causæ, quarum aliquam sibi proponere quisque debet, qui pie, & religiose, ut sanctorum filios decet, nuptias uelit contrahere. Quod si ad eas causas alia etiam accedant, quibus homines inducti matrimonium ineant, atque in habendo uxoris delectu, hanc illi præponant, ut heredis relinquendi desiderium, diuitiæ, forma, generis splendor, morum similitudo, huiusmodi sane rationes damnandæ non sunt, cū matrimonij sanctitati non repugnent. neque enim in sacris litteris Iacob Patriarcha reprehenditur, quod Rachelem, eius pulchritudine illectus, Liæ prætulit. Hæc de matrimonio, ut naturalis coniunctio est, docenda erunt; ut autem sacramentum est, explicare oportebit: eius naturam multo præstantiorem esse, & omnino ad altiorem finem referri. Quemadmodum enim matrimonium, ut naturalis coniunctio, ad propagandum humanum genus ab initio institutum est, ita deinde, ut populus ad ueri Dei, & saluatoris nostri Christi cultum & religionem procrearetur, atque educaretur, sacramenti dignitas illi tributa

est.

1. Cor. 7

Gen. 29

est. Cum enim Christus dominus uellet arctissime illius necessitudinis, quæ ei cum Ecclesia intercedit, suæque erga nos immensæ charitatis certū aliquod signum dare, tanti mysterij diuinitatem hac potissimum maris, & femine sancta coniunctione declarauit. quod quidem aptissime factum esse, intelligi ex eo potest, quod ex omnibus humanis necessitatibus nulla inter se homines magis, quam matrimonij uinculum constringit, maximaq. inter se uir & uxor charitate & beneuolentia deuincti sunt. atque idcirco fit, ut frequenter sacræ litteræ nuptiarum similitudine diuinam hanc Christi, & Ecclesiæ copulationem nobis ante oculos proponant.

Iam uero matrimonium sacramentum esse, Ecclesia, Apostoli auctoritate confirmata, certum, & exploratum semper habuit: ita enim ad Ephesios scribit; Viri debent diligere uxores suas, ut corpora sua. Qui suam uxorem diligit, se ipsum diligit. nemo enim umquam carnē suam odio habuit, sed nutrit, & fouet eam, sicut & Christus Ecclesiam: quia membra sumus corporis eius, de carne eius, & de ossibus eius. Propter hoc relinquet homo patrem, & matrem suam, & adhærebit uxori suæ: & erunt duo in carne una. Sacramentum hoc magnum est: ego autem dico in Christo, & in Ecclesia. Nam quod inquit, Sacramentum hoc magnum est; nemini dubiū esse debet, ad matrimonium referendum esse: quod scilicet uiri, & mulieris coniunctio, cuius Deus auctor est, sanctissimi illius uinuli, quo Christus dominus cū Ecclesia coniungitur, sacramentum, idest sacrum signum sit. Atque hanc esse eorum uerborum propriam & ueram senten-

*Matrimonium sacramentum esse, & unū de septem legitimis euangelice.*

sententiam, ueteres sancti Patres, qui eum locum  
*Trid. Syn.* interpretati sunt, ostendunt: idemque sancta Tri-  
 dentina Synodus explicauit. Constat ergo, uirum  
 Christo, uxorem Ecclesiæ ab Apostolo compara-  
 ri; uirum esse caput mulieris, ut est Christus Ec-  
 clesiæ: eaque ratione fieri, ut uir uxorem diligere,  
 & uicissim uxor uirum amare, & colere debeat.

*Ad Ephr. 5* Christus enim dilexit Ecclesiam, & pro ea semet  
 ipsum tradidit. Rursus uero, ut idem Apostolus  
 docet, Ecclesia subiecta est Christo. Sed gratiam  
 quoque hoc sacramento significari, & tribui, in  
 quo maxime ratio sacramenti inest, ea Synodi uer-

*Trid. Syn.* ba declarant: Gratiam uero, quæ naturalem il-  
 lum amorem perficeret, & indissolubilem unita-  
 tem confirmaret, coniugesque sanctificaret, ipse  
 Christus, uenerabilium sacramentorum institu-  
 tor, atque perfector, sua nobis passione prome-  
 ruit. Quare docendum est, huius sacramenti gra-  
 tia effici, ut uir, & uxor, mutux charitatis uin-  
 culo coniuncti, alter in alterius beneuolentia con-  
 quiescat, alienosque, & illicitos amores, & con-  
 cubitus non quærat, sed in omnibus sit honora-  
 bile connubium, & torus immaculatus. Sed

*Hebr. 13* quantum matrimonij sacramentum ijs matrimo-  
 nijs præstet, quæ ante, uel post legem iniri sole-  
 bant, ex eo licet cognoscere; quod etsi gentes ma-  
 trimonio diuini aliquid inesse arbitrabantur, at-  
 que ob eam rem uagos concubitus a naturæ lege  
 alienos esse, itemque stupra, adulteria, & alia  
 libidinis genera uindicanda esse iudicabant, ta-  
 men eorum connubia nullam prorsus sacramenti  
 uim habuerunt. Apud Iudeos uero religiosius

omni-

ominino nuptiarum leges seruari consueuerant :  
 neque dubitandum , quin eorum matrimonia ma-  
 iori sanctitate prædita essent . Cum enim promiss<sup>Gen. 22</sup>  
 sionem accepissent , fore aliquando , ut omnes  
 gentes in semine Abrahe benedicerentur , magnæ  
 apud eos pietatis officium merito esse uidebatur ,  
 filios procreare , electi populi sobolem , ex qua  
 Christus dominus Saluator noster , quod ad hu-  
 manam naturam attinet , ortum habiturus es-  
 set , propagare : sed illæ quoque coniunctiones  
 uera sacramenti ratione caruerunt . Huc accedit ,  
 quod siue naturæ , post peccatum , siue Mosis le-  
 gem spectemus , facile animaduertimus matrimo-  
 nium a primi ortus sui decore , & honestate deci-  
 disse . dum enim naturæ lex uigebat , multos ex  
 antiquis Patribus fuisse comperimus , qui plures  
 simul uxores ducerent . Deinde uero in lege Mosis  
 permixtum erat , dato repudij libello , si causa fuisset<sup>Deuter. 24</sup>  
 , diuortium cum uxore facere : quorum utrum-<sup>Matth. 19</sup>  
 que ab euangelica lege sublatum , matrimoni-  
 umque in pristinum statum restitutum est . Nam  
 quod polygamia a matrimonij natura aliena es-  
 set , ( & si aliqui ex priscis Patribus accusandi  
 non sunt , quod non sine Dei indulgentia plures  
 uxores ducerent ) Christus dominus ostendit illis uer-  
 bis : Propter hoc dimittet homo patrem , & matrē ,<sup>Matth. 19</sup>  
 & adherabit uxori suæ ; & erunt duo in carne una .  
 Ac deinde subiungit : Itaque iam non sunt duo , sed  
 una caro . Quibus uerbis planum fecit , matrimo-  
 nium ita a Deo institutū esse , ut duorum tantum ,  
 non plurium , coniunctione definiretur . Quod etiā  
 ali bi apertissime docuit . ait enim : Quicumque di-  
 miserit



Marc. 10

miserit uxorem suam, & aliam duxerit, adulterium committit super eam; & si uxor dimiserit uirum suum, & alij nupserit, mœchatur. Nam si uiro liceret plures uxores ducere, nulla omnino causa esse uideretur, cur magis adulterij reus dicendus esset, quod præter eam uxorem, quam domi haberet, aliam duceret, quam quod priore dimissa, cum alia coniungeretur. Atque ob eam rem fieri intelligimus, ut, si infidelis quispiam, gentis suæ more, & consuetudine, plures uxores duxisset, cum ad ueram religionem conuersus fuerit, iubeat eum Ecclesia ceteras omnes relinquere, ac priorem tantum iustæ, & legitimæ uxoris loco habere. Verum eodem Christi domini testimonio facile comprobatur, nullo diuortio uinculum matrimonij dissolui posse. si enim post libellum repudij mulier a uiri lege soluta esset, liceret ei sine ullo adulterij crimine alteri uiro nubere. Atqui Dominus aperte denunciat: Omnis, qui dimittit uxorem suam, & alteram ducit, mœchatur. Quare coniugij uinculum nulla re nisi morte, dirumpi perspicuum est. quod quidem Apostolus etiam confirmat, cum inquit: Mulier alligata est legi, quanto tempore uir eius uiuit; quod si dormierit uir eius, liberata est a lege; cui uult, nubat, tantum in Domino. Et rursus: His, qui matrimonio iuncti sunt, præcipio, non ego, sed Dominus, uxorem a uiro non discedere; quod si discesserit, manere innuptam, aut uiro suo recôciliari. Eam uero optionem Apostolus mulieri, quæ iusta de causa uirum reliquisset, detulit, ut aut innupta maneat, aut uiro suo reconcilietur. neque enim sancta Ecclesia uiro, & uxori permittit, ut

sine

Matth. 19

Marc. 10

Luc. 16

I. Cor. 7

sine grauioribus causis alter ab altero discedat.

Ac ne forte alicui uideatur durior matrimonij *Vxorū cur*  
 lex, quod nulla umquam ratione dissolui possit; *pluralitas il*  
 docendū est, quæ sint cum ea utilitates coniunctæ. *licita: tum*  
*de triplici*  
 Primum enim homines in coniungendis matrimo *bono mari*  
 nijs uirtutem potius, & morum similitudinem, *monij.*

quam diuitias, & pulchritudinem spectandam esse intelligant: qua quidem re communi societati maxime consuli nemo dubitare potest. Præterea, si diuortio matrimonium dissolueretur; uix umquā dissidendi causæ hominibus, quæ eis ab antiquo pacis, & pudicitia hoste quotidie obijcerentur, deessent. Nunc uero cum fideles secum cogitant, quāuis etiam coniugij conuictu, & cōsuetudine careāt, se tamen matrimonij uinculo constrictos teneri, omnemq. alterius uxoris ducendæ spem sibi præcisam esse; ea re fit, ut ad iracundiam, & dissidia tardiores esse consueuerint. Quod si interdum etiam diuortium faciant, & diutius coniugis desiderium ferre non possint; facile per amicos reconciliati ad eius conuictum redeunt. Sed hoc loco præmittenda non erit Pastoribus sancti Augustini salutaris admonitio. is enim ut ostenderet fidelibus, haud grauate faciendum esse, ut cum uxoribus, quas adulterij causa dimisissent, si eas delicti pæniteret, in gratiam reducerentur; Cur, inquit, uir fidelis non recipiet uxorem, quam recipit Ecclesia? aut cur uxor uiro adultero, sed pænitenti, non ignoscat, cui etiam ignouit Christus? Nam quod scriptura stultum uocat, qui tenet adulteram; de ea sentit, quæ cum deliquerit, pænitere, & a cœpta turpitudine,

*S. August.*

*Præter. 13*

Z defi-

desistere recusat. Ex ijs itaque perspicuum est, fidelium coniugia perfectione, & nobilitate, tum gentilium, tum iudæorum matrimonijs longe præstare. Docendi præterea sunt fideles, tria esse matrimonij bona, prolem, fidem, sacramentum: quorum compensatione illa incommoda leniuntur, quæ Apostolus indicat his uerbis; Tribulationem carnis habebunt huiusmodi. Efficiturque, ut coniunctiones corporum, quæ extra matrimonium merito damnandæ essent, cum honestate coniunctæ sint. Primum igitur bonum est proles, hoc est liberi, qui ex iusta, & legitima suscipiuntur uxore: id enim tanti fecit Apostolus, ut diceret; Saluabitur mulier per filiorum generationem. Nec uero hoc de procreatione solum, sed de educatione etiam, & disciplina, qua filij ad pietatem erudiuntur, intelligendum est. sic statim subdit Apostolus; Si in fide permanserint. Monet enim scriptura; Filij tibi sunt? erudi illos, & curua illos a pueritia illorum. Idem etiam Apostolus docet; eiusque institutionis pulcherrima exempla Tobias, Iob, & alij sanctissimi Patres in sacris litteris præbent. Quæ uero sint parentum, & filiorum officia, in quarto præcepto latius explicabitur. Sequitur fides: quod est alterum matrimonij bonum, non ille uirtutis habitus, quo imbuimur, cum baptismum percipimus: sed fidelitas quedam, qua mutuo uir uxori, & uxor uiro ita se obstringit, ut alter alteri sui corporis potestatem tradat; sanctumque illud coniugij foedus numquam se uiolaturum pollicetur. id facile colligitur ex illis uerbis, quæ a primo paræte enunciata sunt,

1. Cor. 7

1. Tim. 2

Eccle. 7

sunt, cum Euam uxorem suam accepit: quæ deinde Gen. 2  
 Christus dominus in euangelio comprobauit.  
 Quare relinquet homo patrem, & matrem, & ad- Matth. 19  
 herabit uxori suæ, & erunt duo in carne una. item  
 ex eo Apostoli loco: Mulier sui corporis potestatem 1. Cor. 7  
 non habet, sed uir: similiter autem & uir sui cor-  
 poris potestatem non habet, sed mulier. Quare op-  
 timo iure grauissimæ animaduersiones a Domino  
 in adulteros, quod hanc maritalem fidem frangāt,  
 in ueteri lege constitutæ erant. Postulat præterea ma-  
 trimonij fides, ut uir, & uxor singulari quodā, san-  
 ctoque, & puro amore coniuncti sint: neque ut  
 adulteri inter se ament, sed ut Christus dilexit Ec-  
 clesiā. hanc enim Apostolus regulam præscripsit,  
 cum ait; Viri diligite uxores uestras, sicut & Chri- Ad Eph. 5  
 stus dilexit Ecclesiā: quam certe immensa illa cha-  
 ritate, non sui cōmodi gratia, sed sponsæ tantū uti-  
 litatem sibi proponens, complexus est. Tertium  
 bonum, Sacramentum appellatur, uinculum sci-  
 licet matrimonij, quod numquam dissolui potest.  
 nā, ut est apud Apostolum, Dominus præcepit uxo- 1. Cor. 7  
 rem a uiro non discedere; quod si discesserit, ma-  
 nere innuptam, aut uiro suo reconciliari; & uir  
 uxorem non dimittat. Si enim matrimonium, ut  
 sacramentum est, Christi coniunctionem cum  
 Ecclesia signat; necesse est, ut Christus se ab Ec-  
 clesia numquam disiungit, ita uxorem a uiro,  
 quod ad matrimonij uinculum attinet, separari  
 non posse. Verum ut hæc sancta societas sine que-  
 rela facilius conseruetur, uiri, & uxoris officia,  
 quæ a Sancto Paulo, & a Principe apostolorum  
 Petro descripta sunt, tradenda erunt.



*Munus uiri  
et uxoris  
officia*

Ergo uiri munus est, uxorem liberaliter, & honorifice tractare: qua in re meminisse oportet, Euā ab Adamo sociam appellatā esse, cum inquit: Mulier, quam dedisti mihi sociam. Cuius rei causa aliqui Patres factum esse docuerunt, ut ea non ex pedibus, sed ex latere uiri formaretur: quemadmodū etiam ex capite condita non est, ut se uiri dominā non esse intelligeret, sed uiro potius subiectam. De cet præterea uirū in alicuius honeste rei studio semper occupatum esse; tum ut ea suppediter, quæ ad familiam sustentandam necessaria sunt; tū ne inerti otio languescat, a quo uitia fere omnia fluxerunt; deinde uero familiam recte constituere, omnium mores corrigere, singulos in officio continere. Rursum autem uxoris partes sunt, quas apostolorum Princeps enumerat, cum inquit; Mulieres subdite sint uiris suis: ut & si qui non credunt uerbo, per mulierum conuersationē sine uerbo lucrifiant, considerantes in timore sanctam conuersationem uestram; quarum non sit extrinsecus capillatura, aut circundatio auri, aut indumenti uestimentorū cultus; sed qui absconditus est cordis, homo in incorruptibilitate quieti, & modesti spiritus, qui est in cōspectu Dei locuples. sic enim aliquando & sanctæ mulieres sperantes in Deo ornabant se subiectæ proprijs uiris, sicut Sara obediebat Abrahe, dominum eū uocans. Earum quoque præcipuum studiū sit, filios in religionis cultu educare, domesticas res diligenter curare. Domi uero libēter se contineāt, nisi necessitas exire cogat: idque sine uiri permissu facere numquam audeant. Deinde, in quo maxime maritalis coniunctio sita est, meminerint semper;

per, secundum Deum, magis quam uirum, neminem diligendum, eoue pluris faciendū esse neminem; cui etiam omnibus in rebus, quę Christianę pietati non aduersantur, morem gerere, & obtemperare summa cum alacritate animi oporteat. Harum rerum explicationi consequens erit, ut Pastores ritus etiam doceant, qui in matrimonio cōtrahendo seruari debent: de quibus, non est expectandum, ut hoc loco præcepta tradantur, cum a sancta Tridentina Synodo, quę hac in re maxime ob- *Conc. Trid.* seruanda sint, copiose, & accurate constituta fuerint; neque illud decretum a Pastoribus ignorari possit. satis igitur est eos admonere, ut, quę ad hanc partem attinet, e sacri Concilij doctrina cognoscere studeant, eaque fidelibus diligenter exponāt. In primis autem, ne adolescentes, & puellę, cui ætati inest maxima imbecillitas cōsiliij, falso nuptiarum nomine decepti, turpium amorum fœdera incaute ineant, sæpissime docebunt, ea neque uera, neque rata matrimonia habenda esse, quę præsentē Parocho, uel alio sacerdote de ipsius Parochi uel ordinarij licentia, certoq. testiū numero non contrahantur. Sed quę matrimoniū etiam impediunt, explicanda erunt. in quo argumento pleriq. graues, & doctissimi uiri, qui de uitijs, & uirtutibus conscripserunt, adeo diligenter uersati sunt, ut facile omnibus futurum sit, quę illi scriptis suis tradiderūt, in hunc locum transferre; cum præsertim necesse habeant Pastores, eos ipsos libros numquam fere e manibus deponere. itaque cū illas præceptiones, tum quę a sancta Synodo sancita sunt de impedimēto, quod uel a cognatione spiritali, uel a iustitia

publicæ honestatis , uel fornicatione oritur , at-  
tente legēt, & tradenda fidelibus curabunt. Ex qui-  
bus perspici potest , quo animo affectos esse oport-  
teat fideles, cum matrimonium contrahunt. neque  
enim se humanam aliquam rem aggredi, sed diui-  
nam putare debent; in qua singularem mentis inte-  
gritatem, & pietatem adhibendam esse, Patrum  
ueteris legis exempla satis ostendunt; quorum ma-  
trimonia tametsi sacramenti dignitate prædita non  
erant, ea tamen maxima semper cum religione, &  
sanctimonia colenda esse existimarunt.

*Matrimo-  
nium clari-  
destine mi-  
nime cōtra-  
hendum.*

Inter cetera autem maxime hortandi sunt filij  
familias, ut parentibus; & ijs, in quorū fide, & po-  
testate sunt, eum honorem tribuant, ut ipsis inscien-  
tibus, nedum inuitis, & repugnātib, matrimonia  
non ineant. nam in ueteri testamento licet animad-  
uertere, filios a patribus semper in matrimonium  
collocatos esse. qua in re plurimum illorum uo-  
luntati deferendum esse, Apostolus etiam uidetur  
ijs uerbis indicare: *Qui matrimonio iungit uirginē*  
*suam, bene facit; & qui non iungit, melius facit:* Ex  
trema illa restat pars, quæ ad matrimonij usum  
pertinet. de quibus ita agendum est a Pastoribus,  
ut nullum ex eorum ore uerbum excidat, quod fi-  
delium auribus indignum esse uideatur, aut pias  
mentes ledere, aut risū mouere queat. Vt enim elo-  
quia Domini, eloquia casta sunt: ita etiam maxime  
debet, Christiani populi doctore eiusmodi oratio-  
nis genere uti, quod singularem quandam grauitatē,  
& mentis integritatē præferat. Quare duo illa ma-  
xime docendi sunt fideles, primū quidem nō uolu-  
ptatis, aut libidinis causa matrimonio operā dandā  
esse

*1. Cor. 7*

*Psal. 11*

esse: sed eo utendū intra illos fines, qui, ut supra demonstrauimus, a Domino prescripti sunt. Meminisse enim cōuenit, quod Apostolus hortatur; Qui habent uxores, tamquam non habentes sint. tum uero a sancto Hieronymo dictum esse: Sapiens uir iudicio debet amare coniugē, non affectu: reget impetus uoluptatis, nec præceps feretur ad coitum. Nihil est fœdus, quam uxorem amare quasi adulteram. Sed quoniam bona omnia sanctis precationibus a Deo impetranda sunt; alterum est, quod si deles docere oportet, ut, Deum orandi, & obsecrandi causa a matrimonij officio interdum abstineant: in primisque id sibi obseruandum sciant, tribus saltem diebus, ante quam sacram Eucharistiā percipiant, sæpius uero cum sollempnia Quadragesimæ ieiunia celebrantur, quemadmodum Patres nostri recte & sancte præceperunt. ita enim fiet, ut ipsa matrimonij bona maiori in dies diuinę gratię cumulo augeri sentiant; & pietatis studia sectantes, non modo hanc uitam tranquille, & placide traducant, sed æternę etiam Dei benignitate consequendę, uera, & stabili spe, quę non confundit, nitantur.

1. Cor. 7

S. Hieron.

Rom. 5

## DE DEI PRAECEPTIS IN

## DECALOGO CONTENTIS.



DECALOGVM, legum omnium summam, & epitomen esse, S. Augustinus litteris commendauit. Nam cū multa locutus sit Dominus, duæ tamen tantum tabulæ dantur Moyfi lapideæ, quæ dicuntur tabulæ testimonij futuri in arca: nimirum cetera omnia, quæ præcepit Deus, ex illis decem præceptis

D. August.



ptis, quæ duabus tabulis conscripta sunt, pendere intelliguntur; si diligenter quærat, ut recte intelligantur: quo modo hæc ipsa rursus decem præcepta duobus illis nituntur, dilectionis scilicet Dei, & proximi, in quibus tota lex pendet, & Prophetæ. Itaque cum sit totius legis summa, Pastores

*Matth. 22* oportet in eius contemplatione die, noctuque uersari; non ut uitam suam modo ad hanc normam componant; sed etiam, ut populum sibi creditum in lege Domini erudiant. Nam labia sacerdotis

*Malach. 2* custodiunt scientiam, & legem requirent ex ore eius: quia angelus Domini exercituum est: quod ad Pastores nouæ legis maxime pertinet, qui Deo propiores, a claritate in claritatem transformari

*2. Cor. 3* debent, tamquam a Domini spiritu: & cum eos lucis nomine nuncupauit Christus dominus, propriæ sunt illorum partes, ut sint lumen eorum, qui in tenebris sunt, eruditores insipientium, magistri infantium; & si quis præoccupatus fuerit in ali-

*Gal. 6* quo delicto, ipsi, qui spirituales sunt, huiusmodi instruant. In confessionibus etiam iudicis personam sustinent, ac pro genere, & modo peccatorum sententiam ferunt. quare nisi suam sibi inscitiam, nisi alijs etiam esse fraudi uelint, in eo sint, necesse est, quam uigilantissimi, & in diuinorum præceptorum interpretatione exercitatissimi, ut ad hanc diuinam regulam, de quacumque & actione, & officij præ-

*1 Tim. 4* terminacione iudicium facere possint; & ut est apud Apostolum, sanam doctrinam tradant, id est quæ nullum contineat errorem, & animo-

*Ad Tit. 2* rum morbis, quæ sunt peccata, medeatur; ut sit populus Deo acceptus, sectator bonorum ope-

rum

rum. Iam uero, in huiuscemodi tractationibus ea Pastor sibi, & alijs proponat, quibus legi parendum esse persuadeat. Inter cetera autem, quæ animos hominum ad huius legis iussa seruanda pos-  
sunt impellere, illud maximam uim habet, Deum esse huius legis auctorem. quamuis enim per angelos data esse dicatur, nemo tamen dubitare *Ad Gal. 3*  
potest, ipsum Deum esse legis auctorem. cuius rei satis amplum testimonium præbent non solum ipsius legislatoris uerba, quæ paulo post explicabuntur, sed infinita pene scripturarum loca, quæ Pastoribus facile occurrent. Nemo enim est, quin sibi a Deo legem in animo insitam esse sentiat, qua bonum a malo, honestum a turpi, iustum ab iniusto possit secernere. cuius uis, & ratio legis cum ab ea, quæ scripta est, diuersa non sit, quis est, qui ut intimæ, sic scriptæ legis auctorem Deum negare audeat? Hanc igitur diuinam lucem, pene iam prauis moribus, & diuturna peruer-  
sitate obscuratam, cum Deus Mosi legem dedit, eam potius illustriorem reddidisse, quam nouam tulisse, docendum est; nesorte, cum populus audit legi Mosi derogatum esse, putet his legibus se non teneri. Certissimum enim est, non propterea his præceptis parendum esse, quod per Mo-  
sem data sunt, sed quod omnium animis ingeni-  
ta, & per Christum dominum explicata sunt, & confirmata. Iuuabit tamen plurimum, & ad per-  
suadendum magnum habebit momentum illa cogitatio, Deum esse, qui legem tulit: de cuius sapientia, & æquitate dubitare non possumus, nec eius infinitam uim, atque potentiâ effugere. Qua-

Exod. 20  
Malach. I

re cum per prophetas Deus iuberet seruari legem; dicebat, se dominum Deum esse. & in ipso Decalogi exordio: Ego sum dominus Deus tuus. & alibi: Si dominus ego sum, ubi est timor meus? Non solum autem excitabit fidelium animos ad seruanda Dei præcepta, sed ad gratiarum etiam actionem, quod suam Deus, quæ salutem nostram contineret, uoluntatem explicarit. Quare non uno loco scriptura maximum hoc beneficium declarans, populum commonefacit, ut suam dignitatem, ac Domini beneficentiam cognoscat, ueluti in Deuteronomio; Hæc est, inquit, uestra sapientia, & intellectus coram populis, ut audientes uniuersi præcepta hæc, dicant; En populus sapiens & intelligens, gens magna. & rursus in psalmo: Non fecit taliter omni nationi, & iudicia sua non manifestauit eis.

Deuter. 4

Psal. 147

Quanta maiestate lex  
Decalogi  
data.

Exod. 19

Verum si Parochus rationem præterea latæ legis ex scripturæ auctoritate demonstrarit, facile intelligent fideles, quam pie ac suppliciter acceptam Dei legem colere oporteat. triduo enim antequam ferretur lex, Dei iussu dictum est omnibus, ut uestimenta lauarent, uxores non attingerent, quo sanctiores, ac paratiores essent ad accipiendam legem; ut ad diem tertium adessent. deinde, cum ad montem essent adducti, unde Dominus illis per Moysen leges erat laturus, uni Moyssi dictum est, ut in montem ascenderet: quo Deus maxima cum maiestate uenit, & locum tonitruis, fulgoribus, igne, densisque nebulis circumfudit, ac loqui cum Mose cœpit, eique leges dedit. quod diuina sapientia nullam aliâ ob causam factum uoluit, nisi nos ut moneret,

neret, casto, humilique animo legem Domini accipiendam esse: quod si præcepta negligeremus, paratas nobis a diuina iustitia poenas imminere. Quin etiã, legis iussa difficultatem non habere, ostendat Parochus, quod uel una hac ratione ex S. Augustino docere poterit, cum dicit: Qui, quæso, dicitur impossibile esse homini, amare, amare, inquam, creatorem beneficum, patrem amantissimum, deinde etiam, & carnem suam in fratribus suis? at uero qui diligit, legem impleuit. Quare Ioannes apostolus, præcepta Dei grauiam non esse, aperte testatur. nihil enim iustius, nihil cum maiore dignitate, nihil maiore cum fructu ab homine, teste B. Bernardo, exigi potuisset. quam obrem summam Dei benignitatẽ admiratus est Augustinus, sic ipsum Deũ affatus: Quid est homo, quod amari te ab eo uis? &, si non faciat, ingentes minaris poenas? an non satis magna hæc est, si non diligam te? Quod si quis eam afferat excusationem, impediri se, quo minus Deum amet, infirmitate nature; docendum est, Deum, qui amorem requisit, amoris uim inferere cordibus per spiritũ sanctum suũ: hic autem spiritus bonus petentibus a patre cælesti datur: ut merito sanctus Augustinus precatus sit; Da, quod iubes; & iube, quod uis. Quia igitur Dei auxilium præsto nobis est, maxime post Christi domini mortẽ, per quã princeps huius mundi eiec-tus est foras: nõ est quod quisquã rei difficultate deterreatur: nihil enim est amãti difficile. Præterea, ad eandẽ rem persuadendam plurimum ualebit, si explicabitur, necessario legi obtemperandũ esse; præsertim cum nostris temporibus non defuerint, qui,

siue

D. August.

Rom. 13

I. Ioan. 5

D. Bernar.

D. August.

Luc. II

D. August.



siue facilis, siue difficilis sit lex, ad salutem tamen nequaquam necessariam esse, impie, & magno ipsorum malo dicere non ueriti sunt. Quorum nefariam, impiamque sententiam sacræ scripturæ testimonijs Parochus cōfutabit, eiusdem maxime Apostoli, cuius illi auctoritate impietatem suam tueri conantur. Quid igitur ait Apostolus? non pręputium, non circumcisionem quidquam esse, sed obseruationem mandatorum Dei. Quod uero eandē sententiam alibi repetit, & nouam creaturam in Christo tantum dicit ualere, intelligimus plane eā nouam creaturam in Christo dicere, qui mandata Dei obseruat. Is enim, qui habet mandata Dei, ac seruat, diligit Deum, Domino ipso teste apud Ioan-  
nem, Si quis diligit me, sermonem meum seruabit. Nam & si iustificari potest homo, & ex impio fieri pius, ante quam singula legis pręcepta externis actionibus impleat: tamen fieri non potest, ut, qui per ætatem ratione uti queat, ex impio fiat iustus, nisi animum habeat paratum ad omnia pręcepta Dei seruanda. Ad extremum nero, ne quid prętermittat Parochus, quo fidelis populus adducatur, ut legem seruet, quam sint eius uberes, suauisque fructus, demonstrabit: quod facile poterit ex ijs, quæ psalmo decimo octauo scripta sunt, probare. in eo enim legis Dei laudes celebrantur: quarum hæc est uel maxima, quæ Dei gloriam, & maiestatem multo amplius explicat, quam decore suo atque ordine faciāt ipsa cęlestia corpora: quę ut omnes quamuis barbaras nationes in sui admirationem rapiunt, ita efficiunt, ut rerum omnium opificis, & conditoris gloriam, sapientiam, ac potentiā

agno-

1. Cor. 7

Gal. 6

Ioan. 14

agnoscant : Ac lex quidem Domini conuertit animas ad Deum . agnoscentes enim uias eius , & Dei sanctissimam uoluntatem per legem , conuertimus pedes nostros in uias Domini . At quia soli timentes Deum , uere sapientes sunt ; hoc illi deinceps tribuit , ut sapientiam præstet paruulis . Hinc ueris gaudijs , & mysteriorum diuinorum cognitione , ingentibus præterea uoluptatibus , & præmijs , & in hac uita , & in futuro sæculo illi cumulantur , qui Dei legem obseruant . Nec uero tam nostræ utilitatis gratia , quam Dei causa , nobis est seruanda lex , qui suam hominum generi in lege uoluntatem aperuit : quam cum ceteræ creaturæ sequatur , hominem ipsum eandem sequi multo est æquius . Ne id quidem silentio prætereundum est , uel in hoc maxime suam in nos Deum clementiam , & summam bonitatis diuitias ostēdisse , quod cum sine ullo premio nos potuisset , ut suæ gloriæ seruiremus , cogere ; uoluit tamen suam gloriam cum utilitate nostra coniungere ; ut , quod homini utile , idem esset Deo gloriosum . Quoniam igitur id maximum & præclarissimum est , docebit Parochus , ut a Propheta ultimo loco dictum est , in custodiendis illis retributionem multam esse . Non enim tantum illæ nobis benedictiones promissæ sunt , quæ ad terrenam magis felicitatem spectare uidebantur , ut benedicti simus in ciuitate , benedicti in agro ; sed copiosa merces in cælis , & mensura bona , conferata , coagitata , & superfluens proposita est , quam pijs & iustis actionibus meremur diuinæ misericordiae adiumento .

Psal. 118

Psal. 118

Deuter. 28

Math. 5

Luc. 6

Exod. 20

EGO SUM DOMINVS DEVS TVVS , QUI  
EDVXI TE DE TERRA AEGYPTI , DE  
DOMO SERVITVTIS . NON HABEBIS  
DEOS ALIENOS CORAM ME . NON FA-  
CIES TIBI SCVLP TILE &C.

Rom. I

Quamuis hæc lex Iudæis in monte a Domino  
data fuerit ; tamen , quoniam natura omnium  
mentibus multo ante impressa, & consignata erat;  
atque ob eam rem Deus uniuerfos homines illi per  
petuo parere uoluit; plurimū proderit , uerba illa ,  
quibus, Moyse ministro, atque interprete, Hēbreis  
promulgata est, & populi Israelitici historiam, quæ  
mysteriorum est plena, diligenter explicare . Prin-  
cipio narrabit Parochus, ex omnibus nationibus,  
quæ sub cælo erant, unā Deum delegisse, quæ ortū  
habuit ab Abraham, quem peregrinum esse uoluit  
in terra Chanaam: cuius possessionē cū ei pollicitus  
esset, tamen & ille ; & posterius eius amplius quadrin-  
gentos annos uagi fuerunt , ante quam promissam  
terram incolerent ; in qua quidem peregrinatione  
numquam eorum curam dimisit . trāsibant quidē  
illi de gente in gentem, & de regno ad pōpulum al-  
terum : sed nullā umquam illis iniuriam fieri pas-  
sus est; immo uero in reges animaduertit. Priusquā  
autē in Aegyptum descenderent, uirum præmisit,  
cuius prudētia & illi, & Aegyptij fame liberarētur.  
In Aegypto uero ea illos benignitate cōplexus est,  
ut , repugnante, & incumbente ad illorum perni-  
ciem Pharaone, mirum in modum augerentur : &  
cum ualde affligerentur, ac tamquam serui duris-  
sime tractarentur ; ducem Mosē excitauit, qui  
cos

Psal. 104

eos in manu potenti educeret. huius præcipue liberationis, initio legis meminit Dominus his uerbis: Ego sum dominus Deus tuus, qui eduxi te de terra Aegypti, de domo seruitutis. Ex his uero illud maxime Parocho animaduertendum est, unam ex uni *Deuter. 9*  
 uersis nationibus a Deo delectam esse, quam populum uocaret suum, & cui se cognoscendum, & colendū præberet; non quod ceteras iustitia, aut numero uinceret, quemadmodum Hebræos monet Deus; sed quod ipsi Deo sic placuit; potius ut gentem exiguam, & inopem augeret, & locupletaret, quo eius potentia, & bonitas notior apud omnes esset, & illustrior. Cum igitur ea esset illorum hominum condicio, ijs conglutinator est, & hos *Rom. II*  
 amauit; ita ut, cum esset Dominus cæli, & terre, non confunderetur uocari Deus eorū, quo ceteras gentes ad æmulationem prouocaret; ut, perspecta Israelitarum felicitate, omnes homines ad ueri Dei cultum sese conferrent, quemadmodum etiam Paulus testatur, se, gentium felicitate proposita, & *Rom. II*  
 uera Dei cognitione, qua eas instruxerat, ad æmulationem carnem suam prouocare. Deinde fideles docebit, Deum Hebræos patres diu peregrinari, passum esse, posteros etiam durissima seruitute premi, diuexarique permisisse, ob eam rem, uti doceremur, amicos Dei fieri, nō nisi mundi inimicos, ac peregrinos in terris; itaque in Dei familiaritatem facilius recipi, si nihil omnino nobis sit commune cum mundo: tum uero, ut ad Dei cultum translati, intelligeremus, quāto feliciores demum sint ij, qui Deo, quam qui mundo seruiunt: cuius rei nos scriptura commonet. ait enim: Veruntamen seruient *1. Par. 12*  
 ei, ut



ei, ut sciant distantiam seruitutis meae, & seruitutis regni terrarum. Preterea, explicabit, post amplius quadringentis annis Deum promissa prestitisse, ut ille populus fide, ac spe aleretur. Alumnos enim suos Deus a se perpetuo pendere uult, atque in sua bonitate omnem spem suam collocare; ut in primi precepti explanatione dicitur. Postremo, locum, ac tempus notabit, quibus hanc legem populus Israel a Deo accepit; nempe, postquam eductus ex Aegypto in desertum uenit; ut beneficii recentis memoria allectus, & loci asperitate, in quo uersabatur, deterritus, ad accipiendam legem aptior redderetur. homines enim ijs maxime diuinciuntur, quorum beneficentiam experti sunt; atque ad Dei presidium confugiunt, cum se omni spe humana destitutos esse uident. Ex quo licet intelligere, fideles ad complectendam celestem doctrinam eo propensiores esse, quo se magis a mundi illecebris, & carnis uoluptatibus abstraxerint; sicut per Prophetam scriptum est; Quem docebit scientiam, & quem intelligere faciet auditum: ablactatos a lacte, auulsos ab uberibus. Enitatur itaque Parochus, &, quantum potest, efficiat, ut fidelis populus haec uerba semper in animo habeat; Ego sum dominus Deus tuus: ex quibus intelligent, legislatorem de creatorem habere, a quo & conditi sunt, & conseruantur: iureque illud usurpent; Ipse est dominus Deus noster; & nos populus pascuae eius, & oues manus eius: Quorum uerborum uehemens, & frequens admonitio eam uim habebit, ut ad legem colendam fideles promptiores reddantur, & a peccatis abstineant. Quod autem sequitur; Qui edu-

xi te

Isa. 28

Psal. 94

xi te de terra Aegypti, de domo seruitutis; & si ludæis tantum uidetur conuenire, Aegyptiorum dominatu liberatis; tamen, si interiorē salutis uniuersæ rationem spectemus, multo magis ad Christianos homines pertinet, qui nō ex Aegyptiaca seruitute, sed e peccati regione, & potestate tenebrarum a Deo erepti, atque in regnum filij dilectionis suæ translati sunt. cuius beneficij magnitudinem intuens Hieremias prædixit illud; Ecce dies ueniēt, dicit Dominus; & non dicetur ultra, Viuit Dominus, qui eduxit filios Israel de terra Aegypti; sed uiuit Dominus, qui eduxit filios Israel de terra Aquilonis, & de uniuersis terris, ad quas eieci eos, & reducam eos in terram suā, quam dedi Patribus eorum. ecce ego mittam pisces multos, dicit Dominus, & piscabuntur eos: & quæ sequuntur. Pater enim indulgentissimus per filium suū filios, qui erant dispersi, congregauit in unum; ut iam nō ut serui peccato, sed iustitiæ, seruiamus illi in sanctitate, & iustitia coram ipso omnibus diebus nostris. Quare fideles omnibus tentationibus tamquam clypeum opponēt illud Apostoli; Qui mortui sumus peccato, quo modo adhuc uiuimus in illo? iam non sumus nostri, sed eius, qui pro nobis mortuus est, & resurrexit. Ipse est dominus Deus noster, qui nos suo sanguine sibi acquisiuit; quomodo peccare poterimus in dominum Deum nostrum, ipsumque iterum cruci affigere? Vt igitur uere liberi, & ea quidē libertate, qua nos Christus liberauit, sicut exhibueramus membra nostra seruire iniustitiæ, ita exhibeamus seruire iustitiæ in sanctificationem.

Ad Col. 1

Hier. 16

Luc. 1

Rom. 6

C A T E C H I S M V S  
 NON HABEBIS DEOS ALIENOS  
 CORAM ME.

Priorem in Decalogo locum obtinere, quæ ad Deum pertinent, posteriorem uero, quæ ad proximum, docebit Parochus: quia eorum, quæ proximo præstamus, causa Deus est. tum enim ex Dei præcepto proximum diligimus, cum propter Deum diligimus: ea uero sunt in priori tabula descripta. Secundo loco, in uerbis ijs, quæ proposita sunt, duplex contineri præceptum ostendet: quorum alterum iubendi, alterum prohibendi uim habet. Nam quod dicitur; Non habebis Deos alienos coram me; eam habet sententiam coniunctam; me uerum Deum coles, alienis dijs cultum non adhibebis. In priori autem continetur præceptum fidei, spei, & charitatis. nam cum Deum dicimus, immobilem, incommutabilem, perpetuum eundem manentem, fidelem; recte sine ulla iniquitate confitemur; ex quo eius oraculis assentientes, omnem ipsi fidem, & auctoritatem tribuamus, necesse est. qui uero omnipotentiam, clementiam, & ad bene faciendum facilitatem, ac propensionem illius considerat, poterit ne spes omnes suas non in illo collocare? at si bonitatis, ac dilectionis ipsius effusas in nos diuitias contempletur, illum ne poterit non amare? Hinc est illud præmium, hinc illa conclusio, qua in præcipiendo, mandandoque in scriptura utitur Deus, Ego dominus. Altera autem præcepti pars illa est; Non habebis deos alienos coram me. qua loquendi formula legislator usus est, non quod satis explicata non esset hæc sententia affirmatione præcepti in hunc modum: Me

unum

unum Deum coles : si enim Deus est , unus est : sed propter cæcitatem plurimorum ; qui olim Deum uerum se colere profitebantur , multitudinē tamen deorum uenerabantur : cuiusmodi inter Hebræos ipsos permulti fuerunt , qui , ut Elias eis obijciebat , in duas partes claudicabant : quod & Samaritę fecerunt , qui Deū Israelis , & deos gentium colebant. 3. Reg. 18  
 His explicatis , addendum erit , hoc esse præceptum omnium primum , & maximum , non ordine tantum ipso , sed ratione , dignitate , præstantia . Debet enim obtinere Deus apud nos infinitis partibus maiorem , quam domini , quam regis , charitatem , & auctoritatem . Ipse nos creauit , idem gubernat : ab eo in utero matris nutriti , atque inde in hanc lucem eduçti sumus : ipse nobis ad uitam , uictumque res suppeditat , necessarias . Peccant autem in hoc præceptum , qui fidem , spem , & charitatem non habent , quorum peccatum latissime patet . Sunt enim in hoc numero , qui in hæresim labuntur ; qui non credunt ea , quę sancta mater Ecclesia credenda proponit ; qui somnijs , augurijs , ceterisque uanissimis rebus fidem habent ; qui de sua salute spem abijciunt , nec diuinę bonitati cōfidunt ; qui diuitijs tantum , qui corporis ualitudine , ac uiribus nituntur . quę fusius ab ijs explicata sunt , qui de uitijs & peccatis conscripserunt .

Verum illud etiam in huius præcepti explicatione accurate docendum est , uenerationem , & inuocationem sanctorum angelorum , ac beatarum animarum , quę cęlesti gloria perfruuntur , aut etiam corporum ipsorum , sanctorumque cinerum cultum , quem semper catholica Ecclesia adhibuit ,

*De cultu, et ueneratione sanctorum.*



huic legi non repugnare. Quis enim adeo demens est, qui, edicente rege, ne se pro rege quisquam gerat, aut regio cultu, atque honore affici patiatur, continuo putet nolle regem, suis ut magistratibus honos deferatur? Etsi enim angelos Christiani adorare dicuntur exemplo sanctorum ueteris testamenti, non eam tamen illis uenerationem adhibent, quam Deo tribuunt. quod si legimus interdum angelos recusasse, ne se homines uenerarentur; eo fecisse intelligendum est, quod sibi eum honorem haberi nolebant, qui soli Deo deberetur. Spiritus enim sanctus, qui ait; Soli Deo honor, & gloria: idem præcepit, ut honore parentes, & seniores afficeremus. Sancti præterea uiri, qui Deum unum colebant, reges tamē, ut est in diuinis litteris, adorabāt, idest supplices uenerabantur. Quod si reges, per quos Deus mundum gubernat, tanto honore afficiuntur: angelicis spiritibus, quos Deus ministros suos esse uoluit, & quorum opera non modo ad ecclesiæ suæ, sed etiam ad reliquarum rerum gubernationem utitur, quorumq; ope maximis tum animæ, tum corporis periculis quotidie liberamur, etiam si se nobis in conspectum non dent, tanto maiorem honorem non habebimus, quanto beatę illę mentes dignitate regibus ipsis antecellant? Adde charitatem, qua nos diligunt, qua ducti pro ijs prouincijs, quibus præsunt, ut ex scriptura facile intelligitur, preces fundunt; quod etiam præstare ijs, quorum sunt ipsi custodes, ne dubitandum quidem est: nostras enim preces Deo offerunt, & lacrymas. Quamobrem in euangelio docuit Dominus, pueros scandalizandos non esse: quod angeli eorum

in

Apo. 19

Apo. 22

1. Tim. 1

Exod. 19

Leuit. 19

Deuter. 5

Dan. 10

in cælis, semper uident faciem Patris, qui in cæ- Math. 18  
lis est. Inuocandi itaque sunt; quod & perpetuo  
Deum intuentur, & patrocinium salutis nostræ,  
sibi delatum, libentissime suscipiunt. Extant di- Gen. 32  
uinæ scripturæ testimonia huius inuocationis. Ia-  
cob enim ab angelo, quicum luctatus fuerat, petit,  
ut sibi benedicat, immo etiam cogit: se enim non  
dimissurum illum profitetur, nisi benedictione ac-  
cepta: neque solum sibi ab eo tribui, quem intue-  
batur, sed ab eo etiam, quem minime uidebat,  
tum cum dixit: Angelus, qui eruit me de cunctis Gen. 48  
malis, benedicat pueris istis. Ex quibus etiam col-  
ligi poterit, tantum abesse, ut sanctis, qui in Do-  
mino dormierunt, honore afficiendis, atque in-  
uocandis, & sacris eorum reliquijs, cineribusque  
uenerandis, Dei gloria minuatur; ut eo maxi-  
me augeatur, quo magis hominum spem exci-  
tat, confirmat, & ad sanctorum imitationem  
cohortatur. quod officium Nicæno altero, & Gan-  
grensi, ac Tridentino concilijs, & sanctorum Pa-  
trum auctoritate comprobatur. Quo autem sit ad  
refutandos eos instructior Parochus, qui huic ue-  
ritati aduersantur, sanctos Hieronymum contra  
Vigilantium, & Damascenum potissimum legat:  
ad quorum rationem, quod caput, est accedit con-  
suetudo ab apostolis accepta, & in Ecclesia Dei  
perpetuo retenta, & conseruata, cuius rei quis fir-  
mius, aut clarius requirat argumentum diuinæ  
scripturæ testimonio, quæ sanctorum laudes cele-  
brat admirabiliter? extant enim quorundam san-  
ctorum diuina præconia, quorum laudes cū sacris  
litteris celebrentur; quid est, quod illis singula-

re honorem non habeant homines? Etsi ob eam causam magis etiam colendi, & inuocandi sunt, quod pro salute hominum preces assidue faciunt, multaque eorum merito, & gratia in nos Deus confert beneficia. Si enim gaudium est in caelo super uno peccatore penitentiam agente; non ne etiam caelestes ciues, penitentes adiuuabunt? non ne rogati peccatorum ueniam & impetrabunt, & conciliabunt nobis Dei gratiam? Quod si dicatur, ut a nonnullis dicitur, superuacaneum esse sanctorum patrocinium, quod Deus sine interprete precibus nostris occurrat: has impiorum uoces illud sancti Augustini facile conuincit, multa Deum non concedere, nisi mediatoris ac deprecatoris opera, & officium accesserit. Quod illustribus Abimelec, & Iob amicorum confirmatur exemplis, quorum peccata non nisi Abraham, & Iob precibus condonauit. Si uero etiam afferatur, fieri inopia, & imbecillitate fidei, ut sanctos internuncios, & patronos adhibeamus: quid ad illud respondebunt Centurionis exemplum, qui uel in singulari illo fidei praconio, quod ei dominus Deus impertiuit, seniores tamen Iudeorum ad Saluatorem misit, ut laboranti puero salutem impetrarent? Quare si fatendum est, unum nobis mediatorem propositum Christum dominum; qui scilicet unus nos per sanguinem Patri caelesti reconciliauit, & qui, aeterna redemptione inuenta, semel in Sancta ingressus, pro nobis interpellare non cessat: ex eo tamen nullo modo sequi potest, quo minus ad sanctorum gratiam confugere liceat. Nam si propterea subsidijs sanctorum uti non liceat, quod unum patronum habemus IESUM CHRISTUM; nunquam

Luc. 15

S. August.

Gen. 20  
Iob 42Math. 8  
Luc. 7

Heb. 9

quam id cōmisisset Apostolus, ut se Deo tanto studio fratrum uiuentium precibus adiuuari uellet. *Rom. 8*

neque enim minus uiuorum preces, quam eorum, qui in cēlis sunt, sanctorum deprecatio, Christi mediatoris gloriam, & dignitatem imminuerent. Sed cui fidem non faciant & honoris, qui sanctis debetur, & patrocinijs, quod nostri suscipiunt, mirabiles effectę res ad eorum sepulcra, & oculis, & manibus, membrisque omnibus captis, in pristinum statum restitutis, mortuis ad uitam reuocatis, ex corporibus hominum eiectis demonijs? quę non audisse, ut multi, nō legisse, ut plurimi grauissimi uiri, sed uidisse, testes locupletissimi sancti Ambrosius, & Augustinus litteris prodiderunt. *S. Ambro.*

Quid multa? si uestes, sudaria, si umbra sancti, & Augusti, prius quam e uita migrarēt, depulit morbos, uel que restituit, quis tandē negare audeat, Deum per sacros cineres, ossa, ceterasque sanctorum reliquias

eadem mirabiliter efficere? Declarauit id cadauer *4. Reg. 13*  
illud, quod forte illatum in sepulcrum Elisei, eius *Exod. 20*

tacto corpore, subito reuixit. Quod uero sequitur:

Non facies tibi sculptrile, neque omnem similitudinem, quę est in cælo, & quę in terra deorsum, nec eorum, quę sunt in aquis sub terra; Non adorabis ea, neque coles: quidam hoc alterum præceptum existimantes, duo postrema ipsa unius præcepti ui contineri uoluerunt; ut sanctus Augustinus illa *D. Augusti.*

extrema diuidens, hæc ipsa uerba ad primum præceptum pertinere uoluit. quam sententiam, quia in Ecclesia celebris est, libenter sequimur. Etsi in promptu ratio est illa uerissima, cōsentaneum fuisse, præmium, & poenam cuiusque cum primo præ-



cepto coniungi . Nec uero quis existimet, omnino pingendi, fingendi, aut sculpendi artem hoc præcepto prohiberi . nam in scripturis, iussu Dei, simulacra, & imagines effectas legimus, Cherubim, serpentis ænei. superest igitur, ut imagines ob eam rem ueritas interpretemur, ne quid, simulacris, quasi dijs, colendis, de uero Dei cultu detraheretur. Duplici autem potissimum ratione, quod ad hoc præceptum attinet, Dei maiestatem uehementer lædi perspicuum est; altera, si idola, & imagines, tamquam Deus, colantur, aut credatur inesse aliqua in his diuinitas, uel uirtus, propter quam sint colendæ, uel quod ab eis sit aliquid petendum, uel quod fiducia in imaginibus sit figenda, ueluti olim fuit a gentibus, quæ in idolis spem suam collocabant; quod passim sacræ litteræ reprehendunt: altera, si quis conetur diuinitatis formam aliquo artificio effingere, quasi corporeis oculis conspici, uel coloribus aut figuris exprimi possit . Quis enim Deum, ut inquit Damascenus, qui sub aspectum non cadit, qui corporis expers est, qui nullis terminis circumscribi, nec ulla figura describi queat, possit exprimere? quæ res in altera Nicæna Synodo uberius explicatur . Præclare igitur Apostolus, eos mutasse Dei incorruptibilis gloriâ in similitudinē uolucrum, quadrupedum, ac serpentum, dixit. hæc enim omnia tamquam Deum uenerabantur, cum illi harum rerum imagines ponerent. quo circa Israelitæ, qui ante uituli simulacrum clamabant, Hi sunt Dij tui Israel, qui te eduxerunt de terra Aegypti; idololatræ sunt appellati; quia mutarunt gloriam suam in similitudinem uituli.

come-

3. Reg. 6  
Num. 21

Rom. 1

Exod. 32

comedentis fenum . Cum igitur Dominus deos *Psal. 105*  
 alienos coli prohibuisset, ut penitus idololatriam  
 tolleret, imaginem diuinitatis ex ære duci, aut  
 alia quauis materia fieri prohibuit: quod Isaias  
 declarans inquit: Cui similem fecistis Deum, *Isa. 40*  
 aut quam imaginem ponetis ei? Atque in hoc præ *Act. 7*  
 cepto hanc sententiam contineri, præter sancto-  
 rum Patrum scripta, qui eam, quemadmodum in  
 septima Synodo expositum est, sic interpretatur,  
 illa etiam Deuteronomij uerba satis declarant, ubi  
 Moses, populum auertere ab idololatria cū uellet, *Deuter. 4*  
 aiebat: Non uidistis aliquam similitudinem in die,  
 qua locut<sup>9</sup> est uobis Dominus in Horeb de medio  
 ignis. Quod sapientissimus legislator ideo dixit, ne  
 quo errore ducti, diuinitatis imaginem fingerent,  
 Deoque debitum honorem rei creatæ tribuerent.  
 Nemo tamen propterea contra religionem, Deiq;  
 legem, quidquam committi putet, cum sanctissimæ  
 Trinitatis aliqua persona quibusdam signis expri-  
 mitur, quæ tam in ueteri, quam in nouo testamen-  
 to apparuerunt. nemo enim tam rudis est, ut illa  
 imagine diuinitatem credat exprimere: sed illis decla-  
 rari doceat Pastor proprietates aliquas, aut actio-  
 nes, quæ Deo tribuuntur; ueluti cum ex Daniele *Dan. 7*  
 pingitur antiquus dierum in throno sedere, ante  
 quem libri aperti sunt; Dei æternitas, & infinita  
 sapientia significatur, qua omnes hominum & co-  
 gitationes, & actiones, ut de ijs iudicium ferat,  
 intuetur. Angelis etiam tum humana species,  
 tum alæ affinguntur; ut intelligant fideles, quam  
 propensi sint in humanum genus, & tamquam pa-  
 rati ad ministeria Domini exequenda: omnes enim *Hebr. 1*  
 admini-

*Math. 3**Marc. 1**Luc 3**Iean. 1**Act. 2*

administratorij spiritus sunt propter eos, qui hereditatem capiunt salutis. Columbe uero species, & lingue tamquam ignis in euangelio, & Actis apostolorum, quas spiritus sancti proprietates significent, multo notius est, quam ut oporteat pluribus uerbis explicari. At uero cum Christus dominus, eiusque sanctissima, & purissima mater, ceterique omnes sancti, humana præditi natura, humanam speciem gesserint, eorum imagines pingi, atque honorari, non modo hoc præcepto interdictum non fuit, sed etiam sanctum, & grati animi certissimum argumentum semper habitum est: quod & apostolicorum temporum monumenta, & œcumenicę Synodi, & tot sanctissimorum, doctissimorumque Patrum inter se consentientium scripta confirmant. Non solum autem licere in ecclesia imagines habere, & illis honorem, & cultum adhibere, ostendet Parochus, cum honos, qui eis exhibetur, referatur ad prototypa, uerum etiam maximo fidelium bono ad hanc usque diem factum declarabit; ut ex Damasceni libro, quem de imaginibus edidit, & septima Synodo, quę est secunda Nicæna, intelligitur. Verum quia sanctissimum quodque institutum hostis humani generis suis fraudibus, & fallacijs deprauare contendit; si quid forte populo hac in re peccatum fuerit, Parochus, Tridentini Concilij decretum secutus, quoad eius fieri poterit, studebit corrigere. ac decretum quidem ipsum, cum res tulerit, populo interpretabitur; tum rudes, & qui imaginum ipsarum institutum ignorat, docebit, imagines factas ad utriusque testamenti cognoscendam historiam, atque eius

memo-

*Nic. Syn. 5**Conc. Trid.*

memoriam identidem renouandam: qua rerum diuinarum memoria excitati, ad colendum, atque amandum ipsum Deum uehementius inflammemur: sanctorum quoque imagines in templis positas demonstrabit, ut & colantur, & exemplo moniti, ad eorum uitam, ac mores nos ipsos confirmemus.

EGO SUM DOMINVS DEVS TVVS, FOR-  
TIS ZELOTES, VISITANS INIQUITATEM  
PATRVM IN FILIOS IN TERTIAM, ET  
QVARTAM GENERATIONEM BORVM,  
QVI ODERVNT ME: ET FACIENS MI-  
SERICORDIAM IN MILLIA IIS, QVI  
DILIGVNT ME, ET CVSTODIUNT PRÆ-  
CEPTA MEA.

Duo sunt in extrema parte huius præcepti dili-  
genter explicanda. Primum est, quod etsi ob sum-  
mum scelus præuarcationis primi præcepti, atque  
hominum ad id cōmittendum propensionem, apte  
hoc loco pœna proponitur, cōmunis tamen est om-  
nium appendix præceptorum. omnis enim lex ad  
præcepta seruanda homines pœna, & præmio in-  
ducit. hinc illę tam frequentes in sacris litteris, &  
crebrę Dei promissiones. ut enim innumerabilia  
pene testamēti ueteris testimonia prætermittamus,  
in euangelio scriptum est; Si uis ad uitam ingredi,  
serua mandata. Et alibi: Qui facit uoluntatem pa-  
tris mei, qui in celis est, ipse intrabit in regnum cæ-  
lorum. Tum illud: Omnis arbor, quę non facit fru-  
ctum bonum, excidetur, & in ignem mittetur. Et:  
Omnis, qui irascitur fratri suo, reus erit iudicio.

Matth. 19

Matth. 7.3

5.6

Atque



Rom. 8

Atque alibi : Si non dimiseritis hominibus, nec pater uester dimittet uobis peccata uestra . Alterum est , quod longe alia ratione perfecti , alia carnales homines hanc appendicem docendi sunt . Perfectis enim , qui spiritu Dei aguntur , eique prompto & alacri animo parent, instar est cuiusdam lætissimi nuncij, & magnum argumentum propensæ in eos diuinæ uoluntatis . agnoscunt enim sui amantissimi Dei curam , qui nunc præmijs , nunc pœnis ad sui cultum, & uenerationem homines prope cōpellat : agnoscunt eius immensam in se beneuolentiā, qui sibi imperare, suaque opera ad diuini nominis gloriam uti uelit . neque solum agnoscunt, sed magna spe sunt, illum, cum, quod uult, iubeat, etiam daturum uires , quibus legi ipsius parere possint . At carnalibus , qui nondum spiritu seruitutis liberati sunt, magisque metu pœnarum, quam amore uirtutis abstinere a peccatis, eius appendicis sensus grauis, & acerbus est . quamobrem sunt pijs exhortationibus subleuandi, &, quo lex spectat, quasi manu deducendi . Parochus autem , quoties alicuius explicandi præcepti occasio inciderit, eadem hæc sibi habeat proposita . Carnalibus perinde tamen, ac spiritualibus, duo in primis quasi aculei sunt admouendi , qui ad legem obseruandam hac ipsa in appendice positi , homines maxime incitent . Nam quod Deus fortis dicitur, ideo diligentius est explicandum, quo caro sæpe, quæ terroribus diuinæ comminationis minus commouetur, uarias sibi ipsa rationes fingit, quibus iram Dei effugere , ac propositam pœnam uitare possit : cui autem certo persuasum est , Deum fortem esse , illud magni

Daui-

Davidis usurpat. Quo ibo a spiritu tuo, & quo a *Psalm. 138*  
facie tua fugiā? Eadem quoque, diuinis interdum  
diffusa promissis, tātas hostium uires esse credit, ut  
ad sustinendum minime parem sese esse existimet.  
At firma, & stabilis fides nihil titubans, cum diui-  
na ui ac uirtute nitatur, homines contra recreat,  
atque confirmat. ait enim: Dominus illumina- *Psalm. 116*  
tio mea, & salus mea, quem timebo? Alter uero  
aculeus, zelus ipse diuinus est. nonnumquam enim  
homines putant Deū humana non curare, ne illud  
quidem, legem ipsius seruemus, an negligamus:  
ex quo sequitur magna uite confusio. cum autem  
Deum zelotem credimus, eius rei meditatio facile  
nos in officio continet. Zelus uero, qui Deo tribui-  
tur, nullam animi significat perturbationem, sed  
diuinum illum amorem, & charitatem, qua Deus  
nullam a se animam patitur impune fornicari:  
quotquot autem ab eo fornicantur, perdit. Est  
itaque zelus Dei tranquillissima eius, sincerissi-  
maque iustitia, qua anima, falsis opinionibus,  
prauisque cupiditatibus corrupta, repudiatur, &  
a Dei coniugio tamquam adultera remouetur.  
At uero zelum hunc Dei suauissimum, ac dulcis-  
simum experimur, cum summa eius, atque in-  
credibilis in nos uoluntas zelo ipso demonstratur.  
nec enim aut amor ardentior inter homines, aut  
maior, arctiorque coniunctio, quam eorum, qui  
coniugio copulati sunt, reperitur. Igitur, quam  
nos ualde diligit, ostendit Deus, cum crebro se,  
uel sponso, uel marito comparans, zelotem uocat.  
Quamobrem doceat Parochus, hoc loco sic diuini  
cultus, atque honoris cupidos homines esse debere,  
ut

- ut zelantes potius, quam amantes, iure dici possint, illius exemplo, qui de se ipse, Zelo, inquit, zelatus sum pro domino Deo exercituum. immo uero Christum ipsum imitentur, cuius illud est: Zelus domus tuæ comedit me. Est autem comminationis explicanda sententia, non inultos peccatores passurum Deum, sed eos uel tamquam parentem castigaturum, uel tamquam iudicem acriter, ac seuerè in eos animaduersurum. Quod alio in loco significans Moses, Et scies, inquit, quia dominus Deus tuus ipse est Deus fortis, & fidelis, custodiens pactum, & misericordiam diligentibus se, & ijs, qui custodiunt præcepta eius, in mille generationes, & reddens odientibus se statim. & Iosue, Non poteritis, inquit, seruire Domino: Deus enim sanctus, & fortis æmulator est, nec ignoscet sceleribus uestris, atque peccatis: si dimiseritis Dominum, & serurieritis dijs alienis, conuertet se, & affliget uos, atque subuertet. Docendus autem populus est, comminationis pœnam ad tertiam, quartamque impiorum, & facinorosorum generationem pertinere; nõ quod posteriores maiorum scelerum pœnas semper luant; sed licet illi, liberique eorum impune tulerint, non omnis tamen eorum posteritas iram Dei, pœnamque uirabit; quod Iosif regi accidit. huic enim, propter singularem pietatem, cum pepercisset Deus, dedissetque, ut in pace in sepulcrum maiorum suorum inferretur, ne uideret consequentium temporum mala, quæ, propter Manassis aui impietatem Iudæ, & Hierusalem erant euentura; eo mortuo, posteros eius est ultio Dei consecuta, sic, ut ne filijs quidem
3. Reg. 19  
Psal 68  
Ican. 2  
Deuter. 7  
Ios. 24  
2. Par. 34  
35  
4. Reg. 23

quidem Iosifæ pepercerit. Qua autem ratione hæc legis uerba sententiæ illi, quæ est apud Prophetam, non aduersentur; Anima, quæ peccauerit, ipsa *Ezech. 18* morietur; sancti Gregorij auctoritas, cum reliquis omnibus antiquis Patribus cõsentiens, aperte ostendit. ait enim: Quisquis prauis parentis iniquitatem imitatur, etiam ex eius delicto constringitur: quisquis autem parentis iniquitatem nõ imitatur, nequaquam delicto illius grauatur. unde fit, ut iniquus filius iniqui patris non solum sua, quæ addidit, sed etiam patris peccata persoluat: cum uitijis patris, quibus iratum Dominum non ignorat, etiã suam adhuc malitiam adiungere non formidat: & iustum est, ut qui sub districto iudice uias parentis iniqui non timet imitari, cogatur in uita præsentis, etiam culpas parentis iniqui persolvere. Commemorabit deinde Parochus, quantum Dei iustitiam superet eiusdem bonitas, ac misericordia. irascitur tertiæ, quartæque generationi Deus, misericordiam uero in millia impertit. In eo autem, quod *Exod. 20* dictum est; Eorum, qui oderunt me; peccati magnitudo ostenditur. Quid enim flagitiosius, ac detestabilius, quam summam ipsam bonitatem, summam ueritatem odisse? Hoc uero ad omnes peccatores idcirco pertinet, quod quemadmodum, qui habet mandata Dei, & seruat ea, Deum diligit; *Ioan. 14* ita qui legem Domini contemnit, & mandata eius non seruat, Deum odisse merito dicendus est. Quod *Exod. 20* uero extremum est; Et ijs, qui diligunt me; seruandæ legis modum, ac rationem docet. necesse est enim, eos, qui legem Dei seruant, eadem charitate, atque amore, quo in Deum sunt, ad eius obedi-



obedientiam adduci: quę deinceps in singulis pręceptis commemorabuntur.

NON ASSVMES NOMEN DOMINI DEI  
TVI IN VANVM.

*Malach. 1*

Quamquam primo diuinę legis pręcepto, quo Deum pie, sanctęque colere iubemur, hoc, quod secundo loco sequitur, necessario continetur; (nam qui sibi honorem tribui uult, idem postulat, se ut summo uerborũ honore prosequamur, prohibetq. contraria; quod & illa Domini apud Malachiam uerba aperte indicant; Filius honorat patrem, & seruus dominum suum: si ergo pater ego sum, ubi est honor meus?) Deus tamę pro rei magnitudine, hanc de suo ipsius diuino, & sanctitatis plenissimo nomine honorando, legę separatim ferre, idque nobis disertis, & perspicuis uerbis pręscribere uoluit. quod sane Parocho ipsi argumento in primis esse debet, nequaquam satis fore, si hac de re generatim loquatur; sed eiusmodi locum hunc esse, in quo ipse diutius cōmorari, & quęcumque ad hęc tractationem pertinent, distincte, dilucide, accurateque apud fideles explicare necesse sit. Neque uero nimia hęc diligentia cēsenda est; cum nō desint, qui adeo errorũ tenebris occęcati sint, ut quę angeli glorificant, ei maledicere nō uereantur. neque enim lege semel lata deterrentur, quo minus Dei maiestatem quotidie imminuere, immo singulis pene horis, ac momētis impudentissime audeat. Quis enim non uideat, omnia iureiurādo affirmari? omnia imprecationibus, & execrationibus referta esse? usque adeo ut nemo fere uel uendat aliquid, uel emat, uel negotium aliquod gerat, qui  
non

non iurifidrandi religionem interponat, Deique sanctissimum nomē millies, uel in re leuissima, & inani, temere non usurpet? quo maior Parocho cura & diligentia adhibenda est, ut sepe fideles admoneat, quam graue hoc scelus sit, & detestabile. Iam uero, in huius præcepti explicatione id primū constet, cum eo, quod lex fieri prohibet, earum etiam rerum præceptionem coniunctam esse, quas præstare homines debent. utrumque autem separatim docendum est. primum quidem, ut ea, quæ tradenda sunt, facilius exponantur, quid iubeat lex, mox etiam quid uetet nam quæ imperat, illa sunt, nomen Dei esse honorandum, ac per illud sancte iurandum. hæc rursus, quæ prohibet: Nemo diuinum nomen contemnat, nemo illud in uanum assumat, neue per ipsum aut falso, aut frustra, aut temere iuret. In ea itaque parte, qua iubemur diuino nomini honorē tribuere, Parochus fidelibus præcipiat, Dei nomen, ipsius inquam litteras, & syllabas, aut omnino per se nudum uerbū tantummodo attendendum non esse; sed in eam cogitationem ueniendum, quid ualeat illa uox, quæ omnipotentem, ac sempiternam maiestatem unius & trini numinis significat. Ex his autē facile colligitur, inanem esse nonnullorum Iudeorum superstitionem, qui, quod scriberent Dei nomen, pronunciare non auderent; quasi in quattuor illis litteris, non in re, diuina uis esset. Sed quamuis singulari numero prolatum sit; Non assumes nomen Dei; id non de uno aliquo nomine, sed de omnibus, quæ Deo tribui solent, intelligendum est. multa enim Deo imposta sunt nomina, ut domini, omnipotē-

tis, domini exercituum, regis regum, fortis, & alia id genus, quæ in scripturis leguntur; quæ patrem, eandemque uenerationem habent omnia.

Deinde docendum est, quo modo diuino nomini debitus honor adhibeatur. neque enim Christiano populo, cuius ore Dei laudes assidue celebrandæ sunt, rem utilissimam, & pernecessariam ad salutem, ignorare fas est.

*Deus quibus modis laudandus.*

Quamuis autem multiplex sit ratio laudandi diuini nominis, tamē in ijs, de quibus deinceps hic dicetur, uis, & pondus omniū uidetur esse. Primum igitur laudatur Deus, cum in omnium conspectu Deum ac dominum nostrum fidenter confitemur, Christumque salutis nostræ auctorem quemadmodum agnoscimus, ita etiam prædicamus. Itemque cum uerbo Dei, quo uoluntas eius enunciat, sancte, & diligenter operam damus; in eius meditatione assidue uersamur; studiose illud addiscimus, aut legēdo, aut audiendo, perinde ut cuiusque personæ & muneri aptum, & consentaneum est. Deinde diuinum nomen ueneramur, & colimus, cum officij, & religionis causa, diuinas laudes celebramus, ac de omnibus rebus tum prosperis, tum aduersis illi singulares gratias agimus. ait enim Propheta: Benedic anima mea Domino, & noli obliuisci omnes retributiones eius. Extantque plurimi David psalmi, quibus egregia quadam erga Deum pietate illius diuinas laudes suauissime decantat. Extat admirabile illud patientiæ exemplum Iob; qui cum in maximas illas, horribilesque calamitates incidisset, Deum tamen excelfo, & inuicto animo laudare nunquam intermisit. Nos itaque cum

*Psal. 102*

cum animi, corporisque doloribus cruciamur, cū  
 miserijs, & erumnis torquemur, statim ad Deum  
 laudandum omne studium, & animi nostri vires  
 conuertamus, illud Iob dicentes; Sit nomen Do- *Iob. 1*  
 mini benedictum. Neque uero minus Dei nomen  
 honoratur, si fidenter opem eius imploramus, quo  
 scilicet aut nos ab illis liberet, aut ad eadem forti-  
 ter perferenda constantiam, & robur largiatur.  
 hoc enim fieri uult Dominus; Inuoca, inquit, me *Psal. 49*  
 in die tribulationis, & eruam te, & honorificabis  
 me. cuius implorationis cum multis alijs in locis,  
 tum præcipue in psalmis, 16. 43. & 118. illustra  
 reperiuntur exempla. Præterea, Dei nomen hono-  
 re prosequimur, cum fidei faciendę causa testamur  
 Deum: qui modus a superioribus ualde differt.  
 Nam quæ supra enumerauimus, ita suapte natu-  
 ra bona sunt, atque expetenda, ut nihil beatius,  
 nihil homini optabilius possit esse, quam si in illis  
 sedulo exequendis se ipsum dies, noctesq. exerceat.  
 Benedicam, inquit Dauid, Dominum in omni te- *Psal. 33*  
 pore: semper laus eius in ore meo. At, iusiurandū  
 licet bonum sit, eius tamen frequens usus minime  
 est laudabilis. Huius autem discriminis ratio in  
 eo posita est, quod iusiurandum ea tantum de cau-  
 sa institutū est, ut esset tamquam remedium quod-  
 dam humanæ imbecillitatis, & ad probandum,  
 quod dicimus, necessarium instrumētum. Vt enim  
 corpori medicamēta adhibere non expedit, nisi ne-  
 cesse sit; eorundē uero frequētatio pernicioſa omni-  
 no est; ita etiam, nisi cum grauis & iusta causa  
 subest, iureiurando uti non est salutare: quod si  
 sæpius adhibeatur, tantum abest, ut proſit, ut ma-



D. Chrys.

gnum detrimentum afferat. quamobrem præclare docet S. Chrysostomus, nō nascēte, sed iā adulto mundo, cum mala longe lateque propagata uniuersum terrarum orbē occupassent, nihilque suo loco & ordine consisteret, sed perturbata & permixta omnia, sursum, deorsum, magna rerum confusione, ferrentur, &, quod malorum omnium grauissimum est, mortales fere omnes in sædam idolorum seruitutem se ipsos abiecissent; tum denique longo sane interuallo iusiurandum in hominū consuetudinem irrepisse. nam cum in tanta hominū perfidia, & iniquitate nemo facile ad credendum adduceretur, Deum testem inuocabant.

*Iurare: quid  
ualeat apud  
scripturas.*

Verum cum in hac præcepti parte præcipua sit illa ratio docendi fideles, quo modo iusiurandum pie, sancteque adhibere debeant, primum dicendum est, **IURARE** nihil aliud esse, nisi Deum testari, quacumque id uerborum forma, & conceptione fiat. nam &, Testis est mihi Deus, &, Per Deum, idem sunt. Est etiam illud iusiurandum, cum ad faciendam fidem per res creatas iuramus, ut, Per sacra Dei Euangelia, Per Crucem, Per sanctorum reliquias, & nomen, & cetera id genus. neque enim hæc ipsa per se iureiurando auctoritatem, aut robur aliquod afferunt, sed Deus ipse hoc præstat, cuius diuinæ maiestatis splendor illis in rebus elucescit, ex quo sequitur, ut per euangelium iurantes, per Deum ipsum iurent, cuius ueritas euangelio continetur, & declaratur. similiter & per sanctos, qui templa Dei sunt, quique euangelicæ ueritati crediderunt, eamque omni obseruantia coluerunt, & per gentes, & nationes latisfi-

me disseminarunt: Eadem ratio est illius iurifiurandi, quod per execrationem profertur: quale est illud sancti Pauli; Ego testem Deum inuoco in animam meam. Etenim hoc pacto aliquis Dei iudicio tamquam mendacij ultori subiicitur. Neque propterea negamus nonnullas ex hisce formulis ita accipi posse, quasi iurifiurandi uim non habeant: sed tamen utile est, quæ de iureiurando dicta sunt, in his etiam seruare, atque ad eandem prorsus normam & regulam dirigere. Duo autem sunt iurandi genera, primū quidem, quod assertorium appellatur, nimirum cum aliquid de re præsentī, aut præterita religiose affirmamus, ut Apostolus in epistola ad Galatas; Ecce corā Deo, quia non mentior. Alterum uero promissorium dicitur, ad quod etiam comminationes referuntur, futurum tempus spectans, cum aliquid ita fore pro certo pollicemur, & cōfirmamus: cuiusmodi est illud Davidis, qui Betsabææ coniugi, iurans per dominum Deum suum, promisit Salomonem, eius filium, regni heredem fore, atque in ipsius locum successurum. Verum enim uero licet ad iusiurandum satis sit, Deum testem adhibere; tamen, ut rectum, sanctumque sit, multo plura requiruntur, quæ sunt diligenter explicanda. ea uero breuiter, teste Diuo Hieronymo, Hieremias enumerat, dum inquit: Iurabis, uiuit Dominus in ueritate, & in iudicio, & in iustitia. Quibus sane uerbis illa breuiter summamque complexus est, quibus omnis iurifiurandi perfectio continetur, ueritatem, inquam, iudicium, & iustitiam. Primum itaque in iureiurando locum ueritas habet, nimi-

2. Cor. 1

Ad Gal. 1

3. Reg. 1

S. Hieron.

Hier. 4

rum ut, quod asseritur, & ipsum uerum sit, & qui iurat, id ita esse arbitretur; non quidem temere, aut leui coniectura adductus, sed certissimis argumentis. Alterum uero iurisiurandi genus, quo aliquid promittimus, eodem plane modo ueritatem requirit. nam qui aliquid pollicetur, ita animatus esse debet, ut, cum tempus aduenerit, id re ipsa præstet, & promissum exoluat: neque enim uir probus id umquam se facturum recipiet, quod sanctissimis Dei præceptis, & uoluntati aduersari putet, sed, quidquid promittere, & iurare licuerit, id semel promissum numquam mutabit, nisi fortasse commutata rerum cōdicionē, tale esse inceperit, ut iam, si fidem seruare, & promissis stare uelle, Dei odium & offensionem subiret. Veritatem autē iureiurando necessariam esse, Dauid quoque indicat illis uerbis; Qui iurat proximo suo, & non decipit. Sequitur secundo loco iudicium: neque enim iusiurandum temere, & inconsiderate, sed consulto, & cogitato adhiberi debet. Itaque iuraturus, primum quidem consideret, utrū necessitate cogatur, neque remque totam accurate expendat, an eiusmodi sit, ut iureiurando indigere uideatur. Tempus præterea spectet, locum attendat, aliaque permulta, quæ rebus adiuncta sunt, circumspiciat, non odio, non amore, aut animi perturbatione aliqua impellatur, sed ipsius rei ut, & necessitate. etenim, nisi hæc consideratio, & diligens animaduersio antecesserit, sane iusiurandum præcept, & temerarium erit; cuiusmodi est illorum irreligiosa affirmatio, qui in re leuissima, & inani, nulla ratione, aut consilio, sed praua quadam consuetudine iurant.



iurant. id uero passim quotidie a uenditoribus, & emptoribus fieri uidemus. nam illi, ut quamplurimo uendat, hi rursus, ut quamminimo emat, res uenales uel laudare, uel uituperare iureiurando non dubitant. Cum itaque iudicio, & prudentia opus sit; pueri uero ita acute perspicere, ac distinguere nondum per aetatem possint: ideo constitutum est a S. Cornelio Pont. ne a pueris ante pubertatem, hoc est, ante xiiii. annum iusiurandum exigatur. Reliqua est iustitia, quæ maxime in promissis requiritur. quare si quis iniustum aliquid & inhonestum promittit, & iurando peccat, & promissis faciendis scelus scelere cumulat. extat huius rei in euangelio exemplum Herodis regis; qui temerario iureiurando obstrictus, puellæ saltatriæ caput Ioannis Baptistæ, tamquam saltationis præmium, dedit. Tale etiam fuit Iudeorū iusiurandum, qui se ipsos, ut est in Actis Apostolorum, ea condicione deuouerūt, nihil gustaturos, donec Paulum occidissent. His ita explicatis, nulla plane dubitatio relinquitur, quin illi tuto iurare liceat, qui hæc omnia seruauerit, quique hisce, conditionibus, tamquam præfidijs quibusdam, iusiurandum munierit. sed & multis argumentis id probare facile est. nam lex Domini, quæ immaculata est, & sancta, hoc præcepit. Dominū, inquit, Deum tuum timebis, & illi soli seruias: ac per nomen illius iurabis. & a Dauid scriptū est; Laudabuntur omnes, qui iurant in eo. Præterea sacræ litteræ indicant, ipsa Ecclesiæ lumina, sanctissimos apostolos, iureiurando nonnūquam usos esse: idque ex Apostoli epistolis apparet. Adde, quod & angeli ipsi interdū iurant. nā a sancto

Marc. 6

Act. 23

Psal. 18

Dent. 6. 10

Psal. 62



*Apos. 10*

Ioanne euangelista in Apocalypsi scriptum est, angelum iurasse per uiuentem in sæcula. quin etiã & Deus ipse iurat, angelorum dominus: & in ueteri testamento multis in locis Deus promissiones suas iureiurando confirmat, ut Abraham, & Dauidi, qui illud de Dei iureiurando prodidit: Iurauit, inquit, Dominus, & non pœnitebit eum: tu es sacerdos in æternũ secundum ordinem Melchisedec. Neque uero obscura est ratio ad explicandum, cur iusiurandum laudabile sit, si quis attentius totam rē consideret, & ipsius ortum, finemque intueatur. Etenim iusiurandum a fide originem ducit, qua homines credunt Deum totius ueritatis

*Ad Heb. 6**Gen. 22**Exod. 33**Psal. 109*

esse auctorem, qui nec decipi umquam possit, nec alios decipere; cuius oculis nuda sunt omnia, & aperta, qui denique uniuersis rebus humanis admirabili prouidentia consulit, mundumque administrat. Hac igitur fide homines imbuti, Deum ueritatis testem adhibent, cui fidem non habere, impium, ac nefarium erit. Quod uero ad finem attinet, eo tendit iusiurandum: atque id omnino spectat, ut hominis iustitiam, & innocentiam probet, finemque litibus, & controuersijs imponat, quod etiam Apo-

*Ad Heb. 4*

stolus in epistola ad Hebręos docet. neque huic sententię uerba illa Saluatoris nostri apud sanctum Matthæum repugnant: Audistis, quia dictum est antiquis; Non periurabis; reddes autem Domino iuramenta tua. Ego autem dico uobis, non iurare omnino, neque per cælum, quia thronus Dei est; neque per terram, quia scabellum pedum eius; neque per Hierosolymam, quia ciuitas est magni regis; neque per caput tuum iuraueris; quia non po-

*Ad Hebr. 6*

test

*Matth. 5*

tes

res unum capillum album facere, aut nigrum: sit autem sermo uester; est, est; non, non: quod autem his abundantius est, a malo est. His enim uerbis iusiurandum generatim, uniuersaque dam-nari, non est dicendum, cum iam supra uiderimus, dominum ipsum, apostolosque frequenter iurasse: sed peruersum Iudæorum iudiciū redarguere Do-minus uoluit, quo sibi in animū induxerant, nihil in iureiurando cauendum esse, præter mendacium. itaque de rebus leuissimis, & nullius momenti, & ipsi iurabant sæpissime, & ab alijs iusiurandum exi-gebant. Hunc morem Saluator reprehendit, atque improbat, docetq. omnino a iureiurando abstinendum esse, nisi id flagitet necessitas. nam propter humanam imbecillitatem iusiurandum institutū est, & reuera a malo prouenit: quandoquidem aut iurantis inconstantiam indicat, aut illius, cuius cau-sa iuramus, contumaciam; qui, ut credat, aliter adduci non potest. Sed tamen iurandi necessitas ex-cusationem habet. Et quidem, dum inquit Salua-tor: Sit sermo uester, est, est; non, non: hac loquen-di formula satis declarat, se iurandi consuetudinē in colloquijs familiarium, & leuium rerum prohi-bere. quamobrem illud præcipue a Domino admo-nemur, ne faciles nimīū & propensi ad iurandū si-mus. idque sedulo docendum erit, & fidelīū auri-bus inculcandum: infinita enim fere mala ex nimia iurandi consuetudine emanare, & sacrarum litte-rarum auctoritate, & sanctissimorum Patrum te-stimonijs comprobatur. In Ecclesiastico scriptū est: Iurationi nō assuescat os tuū: multū enim casus in illa. Item: Vir multum iurans, implebitur iniqui-tate,

Matth. 9

Eccl. 23

*D. August.* ~~et~~ non discedet a domo illius plaga. Plura hæc de re legi possunt apud sanctos Basilium & Augustinum in libris contra mendacium. Et hæctenus de iussis, nunc de uetitis dicatur.

*Quando, et  
sub quibus  
pænis iura  
re prohibi-  
tum.*

Vetatur diuinum nomen in uanum assumere: apparet enim, cū graui peccato se obstringere, qui non consilio, sed temeritate ad iurandum fertur. Grauisimum autem delictum hoc esse, illa etiam uerba declarant; Non assumes nomen Dei tui in uanum. quasi rationem afferret, cur hoc facinus scelestum adeo, ac nefarium sit, nimirum propterea quod eius maiestas minuitur, quem nos Deum & dominum nostrum esse profiteamur. Hoc igitur præcepto prohibetur, ne homines falsū iurent, nā qui a tanto scelere non refugit, ut Deum falso testetur, hic insignem Deo iniuriam facit, quippe qui aut illi inscitiae notam inurit, dū ipsum alicuius rei ueritatem latere arbitratur, aut certe improbitatis, & prauis affectus, qui mendacium testimonio uelit confirmare. Iurat autem falso non is solum, qui, quod falsum scit, uerum esse iurando affirmat; sed ille etiā, qui iureiurando id asserit, quod cum uerum sit, tamen ipse falsum putat. nam cum mendacium ea re mendacium sit, quod contra mentem, & animi sententiam profertur; perspicuum est, hunc plane mentiri & periurum esse. Simili quoque ratione peierat, qui id iurat, quod uerum existimat, & tamen re uera falsum est: nisi, quantum potuit, curam, & diligentiam adhibuerit, ut totam rem compertam, atque exploratam haberet. quamuis enim ipsius oratio menti consentiat, tamen huius præcepti reus est. Eiusdem uero peccati



peccati reus censendus est, qui se aliquid iurciurando facturum promittit, cum tamen aut promissum implere in animo non fuerit, aut, si fuit, quod promissit, re ipsa non præstat: quod etiam ad eos pertinet, qui cum se uoti sponcione Deo obligantur, non præstant. Præterea in hoc præceptum peccatur, si desit iustitia, quæ ex tribus iurisiurandi comitibus una est. Itaque si quis iuret se peccatum aliquod mortiferum commissurum, exempli causa, eadem hominis, huius præcepti reus est, licet ille serio, atque ex animo dicat, & iusiurandum ueritatem habeat, quam primo loco requiri declarauimus. His adiungi debent illa iurandi genera, quæ a contemptu quodam proficiscuntur, cum quis iurat se non obtemperaturum euangelicis consilijs: cuiusmodi sunt, quæ ad cælibatum, & paupertatem hortantur. quamuis enim nemo ea necessario sequi debeat: si quis tamen iuret, nolle se illis parere consilijs, is eo iure iurando diuina consilia contemnit, & uiolat. Præterea, hanc legem is uiolat, & iudicio peccat, qui, quod uerum est, iurat, idque ita se habere existimat, leuibus quibusdam coniecturis adductus, & longe petitis. nam etsi huiusmodi iusiurandum ueritas comitatur, subest tamen aliquo modo falsum: nã qui sic negliger iurat, in magno peierandi periculo ueritatur. Falso præterea iurat, qui per falsos deos iurat. quid enim est a ueritate alienius, quam mendaces & fictitios deos, tamquam uerum Deum, restari? Verum quoniam scriptura, cum periurium interdixit, inquit: Nec pollues nomen Dei tui: negligens etio prohibetur, quæ fugienda est in reliquis, quibus



bus ex huius præcepti auctoritate honor debetur: quale est uerbum Dei, cuius maiestatem non solū pij, sed interdum etiam impij reuerentur, ut in Iud. 3  
Iud. 3  
Iudicium historia de Eglon Moabitarū Rege memorie traditum est. Dei autem uerbum summa iniuria afficit, quicumque sacram scripturam a recta, & germana eius sententia ad impiorum dogmata, & hereses flectit. cuius sceleris admonet nos Princeps apostolorum uerbis illis: Sunt quædam difficulta intellectu, quæ indocti, & instabiles deprauant, 2. Pet. 3  
2. Pet. 3  
sicut & ceteras scripturas, ad suam ipsorum perditionem. Præterea fœdis, & inhonestis maculis sacra scriptura contaminatur, cum eius uerba, & sententias, quæ omni ueneratione colenda sunt, ad profana quæque nefarij homines torquent, ad scurrilia scilicet, fabulosa, uana, assentationes, detractiones, sortes, libellos famosos, & si qua sunt alia id genus: in quod peccatum sacra Tridentina Synodus animaduerti iubet. deinde ut ij Deū Trid. Syn  
Trid. Syn  
Sess. 4  
Sess. 4  
honorant, qui eius opem atque auxilium in suis calamitatibus implorant: ita debitum Deo honorem is negat, qui illius subsidium non inuocat: quos redarguit Dauid, cum inquit: Deum non inuocauerunt; illic trepidauerunt timore, ubi non erat timor. At uero longe magis detestabili scelerare se ipsos adstringunt, qui sacrosanctum Dei nomen, ab omnibus creaturis benedicendum, & summis laudibus extollendum, aut etiam sanctorum nomen, cum Deo regnantium, impuro, & contaminato ore blasphemare, atque execrari audent. quod quidem peccatum usque adeo atrox, atque immane est, ut interdum sacrę litterę, si de blas-

blasphemia sermo incidat, benedictionis nomine  
 utantur. Quoniam uero pœnæ, & supplicij terror  
 peccandi licentiã uehemẽter coercere solet; idcirco  
 Parochus, ut hominum animos magis permoueat,  
 atque ad hoc præceptum seruandum facilius im-  
 pellat, alteram illius partem, & quasi appendicem  
 diligenter explicabit. Nec enim habebit infontem  
 Dominus eum, qui assumpserit nomen domini  
 Dei sui frustra. Ac primum quidẽ docear: summa  
 ratione factum esse, ut huic præcepto minę adiun-  
 gerentur: quo quidem & peccati grauitas, & in  
 nos Dei benignitas agnoscitur: qui cum homi-  
 num perditione non delectetur, ne ipsius iram,  
 & offensionem subeamus, hisce salutaribus minis  
 nos deterret, nimirum ut illum beneuolum po-  
 tius, quam iratum experiamur. Urgeat hunc lo-  
 cum Pastor, instetque summo studio, ut populus  
 sceleris grauitatem agnoscat, & illud detestetur  
 uehementius, & in eo euitando maiorem diligen-  
 tiam, & cautionem adhibeat. Ostendat præterea  
 quanta sit hominum procliuitas ad hoc peccatum  
 committendum; ut non satis fuerit legem ferre,  
 nisi etiam minę adderentur. Incredibile enim  
 est, quãtum hæc cogitatio utilitatis habeat. nam ut  
 nihil eque nocet, atque incauta quedã animi secu-  
 ritas: ita proprię imbecillitatis cognitio plurimũ  
 prodest. Tum illud etiam declare, nullum a Deo  
 certum supplicium constitutum fuisse, sed tantum  
 uniuerse minari, quicumque se hoc scelere adstrin-  
 xerit, non impune laturum. quapropter diuersa  
 supplicia, quibus quotidie affligimur, huius pec-  
 cati admonere nos debent. hinc enim facile licet  
 conijcere,

3. Reg. 21

Iob 1.2

Exod. 20

conijcere, homines ea re in maximas calamitates incidere, quod huic præcepto non obtemperent. quibus sibi propositis, cautiores eos in posterum fore uerisimile est. Fideles itaque, sancto timore perterriti, omni studio peccatum hoc fugiant. nam si omnis uerbi otiosi in extremo iudicio reddenda ratio est; quid de grauissimis sceleribus dicendum, quæ magnam diuini nominis despicientiam præ se ferunt?

**MEMENTO, UT DIEM SABBATHI SANCTIFICES.**

**SEX DIEBUS OPERABERIS, ET FACIES OMNIA OPERA TUA.**

**SEPTIMA AUTEM DIE SABBATHVM DOMINI DEI TVI EST.**

**NON FACIES OMNE OPVS IN EO TV, ET FILIVS TVVS, ET FILIA TUA, ET SERVVS TVVS, ET ANCILLA TUA, IVMENTVM TVVM, ET ADVENA, QUI EST INTRA PORTAS TVAS. SEX ENIM DIEBUS FECIT DOMINVS CAELVM, ET TERRAM, MARE, ET OMNIA, QUAE IN HIS SVNT, ET REQVIEUIT IN DIE SEPTIMO. IDCIRCO BENEDIXIT DOMINVS DIEI SABBATHI, ET SANCTIFICAVIT EVM.**

Hoc legis præcepto externus ille cultus, qui Deo a nobis debetur, recte, atque ordine præscribitur. est enim hic ueluti quidam prioris præcepti fructus: quoniam quem intimis sensibus pie colimus, fide, & spe adducti, quam in eo positam habemus, non possu-

possumus cum non externo cultu uenerari, eidemque gratias agere. Et quoniam hæc ab ijs, qui humanarum rerum occupationibus detinentur, non facile præstari possunt; certum tempus statutum est, quo ea commodè effici queant. Itaque cum hoc præceptum eiusmodi sit, ut fructum, utilitatemque admirabilem afferat; maxime interest Parochi summam in eo explicando diligentiam adhiberi. ad eius autem inflammandum studium magnam uim habet primum illud præcepti uerbum, Memento. nam quemadmodum fideles tale præceptum meminisse debent: sic Pastoris est, in eorum memoriam illud & monendo, & docendo sæpe redigere. Quantum uero fidelium referat hoc præceptum colere, ex eo percipitur, quod, eo diligenter colendo, ad reliqua legis iussa seruanda facilius adducentur. Cum enim inter cetera, quæ diebus festis præstare debent, necesse habeant, uerbi Dei audiendi causa, ad ecclesiã conuenire; cum edocti fuerint diuinas iustificationes, illud etiam cōsequentur, ut ex toto corde custodiāt legem Domini. quamobrè sæpissime sabbathi celebritas, cultusque præcipitur in sacris litteris, ut in Exodo, Leuitico, Deuteronomio, apud Isaiam, Exod. 16 Hieremiam item, & Ezechielem prophetas uidere. 20. 17 licet: quibus omnibus in locis hoc de sabbathi cultu traditū est præceptū. Monendi uero, & hortandi Leuit. 16 sunt Principes, & magistratus, ut in ijs maxime, 9. 23. 26 quæ ad hunc cultum Dei retinendum, atque augendum pertinent, ecclesiæ præsidēs auctoritate sua Deuter. 5 iuuent, iubeantque populum sacerdotum præceptis obtemperare. Quod autem ad huius præcepti Hier. 17 Ezech. 10 22. 23. 46 Isa. 56. 38 06. explana-



explanationem attinet, danda opera est, ut fideles  
 doceantur, quibus rebus hoc præceptum cum ce-  
 teris conveniat, quibusue differat ab eis. hoc  
 enim pacto causam ille, rationemque cognoscet,  
 quare non sabbathum, sed diem Dominicum cola-  
 mus, sanctumq. habeamus. Certa igitur illa diffé-  
 rentia videtur, quod reliqua Decalogi præcepta natu-  
 ralia sunt, & perpetua, neque mutari ulla ratione  
 possunt. quo factum est, ut, quamvis lex Mo-  
 sè abrogata sit, omnia tamen præcepta, quæ duabus ta-  
 bulis continentur, populus Christianus seruet.  
 quod ideo fit, non quia Moses ita iusserit, sed quod  
 nature conveniunt; cuius vi homines ad illa ser-  
 vanda impelluntur. Hoc autem de sabbathi cul-  
 tu præceptum, si statutum tempus spectatur,  
 non fixum, & constans est, sed mutabile; neque  
 ad mores, sed ad ceremonias pertinet; neque na-  
 turale, quoniam non a natura ad id docti, aut  
 instituti sumus, ut illo die potius, quam alio ex-  
 ternum cultum Deo tribuamus; sed ex eo tem-  
 pore, quo populus Israeliticus a Pharaonis est  
 servitute liberatus, diem sabbathi coluit. Tempus  
 autem, quo sabbathi cultus tollendus erat, illud  
 idem est, quo ceteri Hebraici cultus, cerimo-  
 niæque antiquandæ erant, morte scilicet Christi.  
 nam cum illæ ceremoniæ sint quasi adumbrate ima-  
 gines lucis, & veritatis; illud utique necesse erat,  
 ut lucis ac veritatis, quæ Iesus Christus est, aduen-  
 tu removerentur, quæ de re sanctus Paulus ad Ga-  
 latas ita scripsit, cum Mosæi ritus cultores re-  
 prehenderent, Dies observatis, & menses, & tem-  
 pora, & annos: timeo vos, ne forte sine causa la-  
 bora-

borauerim in uobis. In quam etiam sententiam scripsit ad Colossenses. Et hæc de differentia. *Ad Col. 2*  
 uenit autem hoc præceptum cum reliquis, non ritu, & cærimonijs, sed quia aliquid habet, quod ad mores naturæque ius attineat. nam Dei cultus, ac religio, quæ hoc præcepto exprimitur, a naturæ iure existit; cum illud natura comparatum sit, ut aliquot horas in ijs, quæ ad Dei cultum pertinent, uersemur. cuius rei argumento est, quod apud omnes nationes, statas quasdam ferias, easque publicas fuisse cernimus, quæ sacris rebus, ac diuinis obeundis erant consecratæ. est enim naturale homini, ut is certum quoddam tempus necessarijs rerû functionibus det, ueluti corporis quieti, somno, & alijs eiusmodi rebus. & quemadmodum corpori, ita eadem naturæ ratione factum est, ut menti aliquid etiam temporis concederet, quo in Dei contemplatione sese reficeret. atque ita cum aliqua temporis pars esse debeat, quo res diuinæ coluntur, cultusque Deo debitus tribuatur, hoc sane ad morum præcepta pertinet. quam ob causam apostoli ex illis septem diebus eum, qui primus est, ad diuinum cultum consecrare statuerunt, quem Dominicum diem dixere. nam & sanctus Ioannes in Apocalypsi, Dominici diei meminit: & Apostolus *Apo. 1*  
 per unâ sabbathi, quæ est dies Dominicus, ut san- *1. Cor. 16*  
 ctus Chrysostomus interpretatur, collectas fieri iubet; ut intelligamus, iam tum in Ecclesia diem Dominicum sanctum habitum esse. Iam uero, ut sci-  
 ant fideles, quid eo die agere, a quibusque actionibus abstinere debeant; non alienum est, ut Parochus totum præceptum, quod in quatuor partes re-

ēte distribui potest, ad uerbum diligenter interpretetur. Itaque primum generatim proponat, quid ijs uerbis præscribatur, **MEMENTO, UT DIEM SABBATHI SANCTIFICES.** ob eam uero causam initio præcepti uerbū illud, **Memento,** apposite additum est, quod huius diei cultus ad cærimonias pertineat. Quade re populus admonēdus esse uidebatur, cum naturæ lex, & si aliquo tempore Deum religionis ritu colendum esse doceat, hoc tamen quo potissimum die fieri deberet, nō præscripsit. Præterea fideles docendi sunt, ex ijs uerbis modū & rationem colligi posse, qua in tota hebdomada opus facere cōueniat, ita scilicet, ut diem festum semper spectemus. quo die cū actio num, & operum nostrorum Deo quasi reddenda ratio sit; eiusmodi opera efficiamus, necesse est, quæ neque Dei iudicio repudientur, neque nobis, ut scriptum est, in singultum sint, & in scrupulum cordis. Postremo id docemur, quod certe animaduertere debemus, non defuturas scilicet occasiones, quamobrem nos huius præcepti capiat obliuio, uel aliorum, qui illud negligunt, exemplo adductos, uel spectaculorū, ludorumque studio; quibus plerūque ab huius dici sancto, religiosoq. cultu abducimur. Sed iam ad id ueniamus, quod sabbathi significatione demonstratur. Sabbathum, hebraicū nomen, si latine interpretaris, cessatio dicitur. sabbathizare propterea cessare, & requiescere latino uocabulo appellatur. qua significatione factum est, ut sabbathi nomine dies septimus diceretur, quoniā, absoluta, perfectaque mundi uniuersitate, Deus ab omni opere, quod fecerat, requieuit: ita hunc

I. Reg. 28

Gen. 2

hunc diem in Exodo Dominus uocat. Postea uero *Exod. 20*  
 non solum septimus hic dies, sed ob eius dignitatē *Deuter. 5*  
 ipsa etiam hebdomada eo nomine appellata est. in  
 quem sensum Pharisæus apud sanctum Lucam di- *Luc. 18*  
 xit: Ieiuno bis in sabbatho. Atque hoc quidem de  
 sabbathi significatione. Sanctificatio autem sabba-  
 thi sacris in litteris cessatio est, quæ fit a corporis  
 laboribus, & a negotijs, ut aperte ostendunt hæc,  
 quæ sequuntur, præcepti uerba, **NON OPERA-**  
**BERIS**. neque uero id solum significat; (aliter  
 enim satis fuisset dicere in Deuteronomio: Obser- *Deuter. 5*  
 ua diem sabbathi) sed cum in eodē loco addatur,  
**UT SANCTIFICES EVM**, hoc uerbo ostendi-  
 tur, sabbathi diem religiosum esse, diuinisq. actio-  
 nibus, & sanctis rerum officijs consecratum. ita-  
 que diem sabbathi tum plene & perfecte celebra-  
 mus, cum pietatis & religionis officia Deo præsta-  
 mus; hocque plane sabbathum est, quod Isaias de- *Isa. 58*  
 licatum appellat: quoniam festi dies sunt ueluti de-  
 licia Domini, & piorum hominum. Quare si re-  
 ligioso huic sanctoq. sabbathi cultui, misericordie  
 adiunguntur opera; certe maxima sunt, & mul-  
 ta præmia, quæ eodem capite nobis propununtur. *Isa. 58*  
 Itaque uerus ac proprius huius præcepti sensus eo  
 spectat, ut homo & animo, & corpore in eam cu-  
 ram incumbat, ut statuto aliquo tempore, a nego-  
 rijs, corporisque laboribus feriat, Deum pie co-  
 lat, ac ueneretur. Altera uero præcepti parte de-  
 monstratur, diem septimū Dei cultui diuinitus di-  
 catum esse. nam ita scriptum est: **SEX DIEBUS**  
**OPERABERIS, ET FACIES OMNIA OPE-**  
**RA TVA: SEPTIMO AUTEM DIE SAB-**



BATHVM DOMINI DEI TVI EST . quæ uerba ad eam sententiam referuntur , ut sabbathum Domino consecratum interpretemur , eique eo die religionis officia tribuamus , septimumq. diem intelligamus signū esse quietis Domini . Hic uero dies diuino cultui dicatus est : quia rudi populo minus expediebat habere eam facultatē temporis arbitratu suo deligēdi , ne forte Aegyptiorū sacra imitaretur . Itaque ꝥ septem diebus , ultimus ad Deum colēdū delectus est : quę quidem res plena mysterij est .

*Exod. 31*

*Ezech. 20*

*Exod. 31*

Quare Dominus in Exodo , & apud Ezechielem signum uocat : Videte itaque , ille inquit , ut sabbathū meum custodiatis : quia signum est inter me & uos in generationibus uestris , ut sciatis quia ego Dominus , qui sanctifico uos . itaque signum fuit , quod indicabat homines Deo se dedicare oportere , sanctoſque eidem præbere , cum diem etiam uideamus ei dicatum esse . si quidem ille dies sanctus est , quod tum præcipue sanctitatem & religionem homines colere debeant . Deinde signum est , & quasi monumentum conditæ huius admirandę uniuersitatis . Signum præterea fuit Israelitarum memoriæ traditum , quo admoniti , se Dei auxilio a durissimo Aegyptiacę seruitutis iugo solutos ac liberatos esse meminissent : id quod Dominus ostendit illis uerbis : Memento , quod & ipse seruieris in Aegypto , & eduxerit te inde dñs Deus tuus in manu forti , & brachio extento : idcirco præcepit tibi , ut obseruares diem sabbathi . Est signum item tum spiritualis , tum cælestis sabbathi . Spirituale autē sabbathum in sancta quadam & mystica quiete consistit , nimirum , cum uetus homo , Christo cōsepultus ,

*Deuter. 5*

sepultus, ad uitam renouatur, atque in ijs actionibus, quæ Christianæ pietati conueniunt, studiose se exercet. debent enim, qui aliquando erant tenebræ, nunc autem lux in Domino sunt, ut filij lucis ambulare in omni bonitate, iustitia, & ueritate, neque communicare operibus infructuosis tenebrarū. Celeste uero sabbathum est, ut ait D. Cyrillus, cum locum Apostoli tractans; Relinquitur ergo sabbathismus populo Dei: illa uita, in qua omnibus bonis cum Christo uiuētes fruemur, peccato radicitus extirpato, secundum illud: Non erit ibi leo, nec praua bestia illuc ascendet, sed erit ibi uia pura, & uia sancta uocabitur: omnia enim bona in uisione Dei mens sanctorum adipiscitur. Quare fideles hortandi erunt his uerbis, & a Pastore incitandi: Festinemus ingredi in illam requiem. Præter diem septimum habebat populus Iudæus alios etiam festos, & sacros dies diuina lege constitutos, quibus maximorum beneficiorum memoria renouaretur. Placuit autem Ecclesiæ Dei, ut dici sabbathi cultus, & celebritas in Dominicum transferretur diem. nam ut eo die primum lux orbi terrarum illuxit: sic Redemptoris nostri, qui ad uitam æternam nobis aditum patefecit, resurrectione, quæ eo die fuit, e tenebris ad lucem uita nostra reuocata est; unde & Dominicū diem apostoli dici uoluerunt. Sollemnem præterea hunc diem esse in sacris litteris animaduertimus, quod eo die mundi creatio initium habuit, quod spiritus sanctus apostolis datus sit. Alios autem dies festos ab Ecclesiæ initio, & consequentibus deinde temporibus apostoli, & sancti Patres nostri

Ad Eph. 5

D. Cyrillus

Isa. 35

Ad Heb. 4

nostri instituerunt, ut pie & sancte Dei beneficiorum memoriam coleremus. Inter eos autem celeberrimi habentur illi dies, qui ob redemptionis nostræ mysteria religioni consecrati sunt; deinde qui sanctissimæ Virgini matri, tum uero apostolis, ac martyribus ceterisque sanctis cum Christo regnantibus dicantur: in quorum uictoria Dei bonitas & potentia laudatur, ipsis debiti honores tribuuntur, atque ad eorum imitationem fidelis populus incitatur. Et quoniam ad hoc præceptum seruandum, magnam uim ea ipsius pars habet, quæ illis uerbis expressa est; Sex diebus operaberis; septimus autem dies sabbathum Dei est: Parochus debet illam partem diligenter explicare. etenim ex his uerbis colligi potest, fideles hortandos esse, ne otiosi & desidiosi uitam traducant; sed potius apostolicæ uocis inmemores, negotium suum quisque agat, & operetur manibus suis, sicut ab eo præceptum fuerat. Præterea hoc præcepto illud Dominus iubet, ut sex ipsis diebus opera nostra efficiamus; ne aliquid eorum quæ alijs hebdomadæ diebus fieri, agere oporteat, in diem festum reijciatur; atque ita animus a rerum diuinarum cura, studioque auocetur. Tertia deinde præcepti pars explicanda est, quæ quodam modo describit, qua ratione sabbathi diem colere debeamus; præcipue autem explicat, quid illo die facere prohibemur. quare inquit Dominus; Non facies omne opus in eo tu, & filius tuus, & filia tua, seruus tuus, & ancilla tua, iumentum tuum, & aduena, qui est intra portas tuas. Quibus uerbis ad id primum instituimur, ut, quæcumque diuinum cultum impedire possunt, omnino uitemus.

temus. facile enim perspicitur potest, omne seruilis operis genus prohiberi, non quidē ea re, quod sua natura aut turpe, aut malum sit; sed quoniam mentem nostram a diuino cultu, qui finis præcepti est, abstrahit, quo magis peccata a fidelibus uitanda sunt, quæ nō solum animum a diuinarum rerum studio auocant, sed nos a Dei amore prorsus sciungunt. Non tamen hæ actiones, neque ea opera uentantur, quæ ad diuinum cultum attinent, etiam si seruilia sint, ut altare instruere, templa, alicuius festi diei causa, ornare, & reliqua huius generis. ideoque a Domino dictum est: Sacerdotes in templo Matth. 12 sabbathum uiolare, & sine crimine esse. Sed neque earum rerum opera, hac lege prohiberi existimandum est, quorum iactura facienda sit, si die festo prætermittantur, quemadmodum sacris etiam Canonibus permissum est. Multa alia Dominus in euāgelio festis diebus fieri posse declarauit, quæ facile Parochus apud sanctos Matthæum & Ioannē obseruabit. sed ut nulla res prætermitteretur, cuius actione hic sabbathi cultus impediretur, facta est iumentum mentio; quo animalium genere impediuntur homines, quo minus sabbathum diē colāt: si enim die sabbathi alicui operis actioni iumentum usus destinatur, necessaria est etiam ad id hominis opera, qui iumentum agat: itaque solum per se opus facere non potest, sed hominē, qui illud molitur, adiuvat. eo autem die nemini opus facere licet: ergo neque iumentis, quorum opera ad id homines utuntur. Itaque huius præcepti lex eo etiam spectat, ut, si iumentorum laboribus homines parere Deus uult, eo certe magis ipsi cauere debeant,



ne inhumani sint in eos, quorū opera, atque industria utuntur. Neque uero Parochus illud prætermittere debet, ut diligenter doceat, quibus in operibus, atq. actionibus Christiani homines diebus festis exercere se debeant. Illæ uero eiusmodi sunt, ut ad Dei templū accedamus, eoque loco sincera, piaque animi attentione sacrosanctæ Missæ sacrificio interfimus: diuina Ecclesiæ sacramenta, quæ ad salutem nostrā instituta sunt, ad animæ uulnerrum curationē crebro adhibeamus. nihil uero est, quod opportunius aut melius a Christianis hominibus fieri possit, quam si peccata sua sacerdotibus sæpe confiteantur. ad quam rem perficiendam poterit Parochus populum adhortari, sumpta huius probandæ rei ratione, & copia ex ijs, quæ de pœnitentiæ sacramento suo loco tradita, ac præcepta sunt. Neque solum ad hoc sacramentum populū excitabit, sed sedulo etiā atque etiam ad illud adhortabitur, ut sacrosanctum Eucharistiæ sacramentum crebro percipiant. Attente præterea, diligenterque sacra cōcio fidelibus audiēda est: nihil enim minus ferendum est, neque tam profecto indignū, quam Christi uerba contemnere, aut negligenter audire. Exercitatio item, atque studium fidelium in precibus, diuinisque laudibus frequens esse debet, præcipuaq. eiusdem cura, ut quæ ad Christianæ uitæ institutionem pertinent, ea diligenter addiscat; seduloque se exerceat in ijs officijs, quæ pietatem continent, pauperibus, & egenis eleemosynam tribuendo, egros homines uisitando, mærentes, quique dolore afflicti iacent, pie consolando. nam ut est apud sanctum Iacobum: Religio munda &

da & immaculata apud Deum & Patrem , hæc est, uisitare pupillos , & uiduas in tribulatione eorum . Ex his , quæ dicta sunt, facile erit colligere , quæ cōtra huius præcepti regulam committuntur . Parochi uero officium in eo item esse debet, ut certos quosdā locos in promptu habeat , unde rationes, atque argumenta sumat, quibus populo illud maxime persuadeatur , ut huius præcepti legem summo studio , accurataque diligentia seruet . ad hoc plurimum ualet, ut populus scilicet intelligat, ac plane perspiciat, quam iustum , & rationi consentaneum sit , non certos quosdam dies habere, quos totos diuino cultui tribuamus, Dominusq. nostrū , a quo summa & innumerabilia beneficia accepimus, agnoscamus, colamus, & ueneremur . si enim iussisset nos quotidie sibi religionis cultū tribuere, nonne pro suis erga nos beneficijs , quæ maxima & infinita sunt , omnis opera danda esset, ut prompto , alacrique animo, eius dicto audientes essemus? nunc uero , paucis ad eius cultum institutis diebus, non est cur nos negligentes, atque difficiles in eius officij functione simus, quod sine grauissima culpa prætermittere non possumus . Demonstrat deinde Parochus , quantā huius præcepti uirtus sit , cum .ij, qui illud recte seruauerint, in conspectu Dei esse, cum eoque colloqui uideantur . nam & precibus facientis Dei maiestatem contemplamur , & cum eo colloquimur : & concionatoribus audiendis , Dei uocem accipimus; quæ ad aures nostras eorum opera peruenit, qui de rebus diuinis pie, sancteque concionantur, tum in altaris sacrificio præsentē Christum

flum dominum adoramus . & his quidē bonis illi maxime fruuntur, qui hoc præceptum seruant diligenter: qui uero hanc legem omnino negligunt, ij cum Deo , & Ecclesiæ non obediant , neque eius præceptum audiant , & Dei, & sanctarum legum hostes sunt: quod animaduerti potest ex eo, quod præceptum hoc eiusmodi est, ut nullo labore seruari queat. Cum enim Deus non labores nobis imponat, quos uel difficillimos eius causa suscipere deberemus, sed quietos illis diebus festis a terrenis curis liberos esse iubeat, magne temeritatis indicium est, huius præcepti legem recusare. Exemplo nobis esse debēt supplicia, quæ de illis Deus sumpsit, qui illud uiolarunt, ut ex libro Numerorū licet intelligere. Ne igitur in hanc Dei offensionē incidamus, operæpretium erit, sæpe illud uerbum, MEMENTO, cogitatione quemque repetere, magnasque illas utilitates, & comoda sibi ante oculos proponere, quæ ex fectorū dierū cultu percipi supra declaratū est; & multa alia ad id genus pertinentia, quæ bonus & diligens Pastor, ut occasionis ratio postulabit, copiose, lateque persequi poterit.

HONORA PATREM TVVM, ET MATREM TVAM, VT SIS LONGÆVVS SUPER TERRAM, QVAM DOMINVS DEVS TVVS DABIT TIBI.

Cum in superioribus præceptis sūma sit uis, & dignitas; merito, quæ nunc persequimur, quia maxime necessaria sunt, proximū locum obtinēt. nam illa finem, qui Deus est, cōtinuo spectant: hæc nos ad proximi charitatem erudiunt. etsi longius progressa, ad Deum, idest illud extremum, cuius gratia

gratia proximum ipsum diligimus, perducunt. Quamobrē Christus dominus pręcepta illa duo de diligēdo Deo & proximo similia inter se esse dixit. Hic autem locus, dici uix potest, quantas habeat utilitates; cum & suos fructus ferat, uberes illos quidem, ac pręstantes; & sit tamquam signum, ex quo primi pręcepti obedientia & cultus elucet. Qui non diligit, inquit D. Ioannes, fratrem suum, quem uidet, Deum, quem non uidet, quo modo potest diligere? Ad eundem modū: si parentes, quos secundum Deum diligere debemus, non ueneramur, & colimus; cum in conspectu nobis fere semper sint: Deo, summo parenti, & optimo, qui nullum sub aspectum cadit, quem honorem, quem cultum tribuimus? ex quo perspicuum est, utraque pręcepta inter se congruere. Huius autem pręcepti usus latissime patet. nam pręter eos, qui nos genuerunt, multi pręterea sunt, quos in parentum loco colere debemus, uel potestatis, uel dignitatis, uel utilitatis, uel pręstantis alicuius muneris, & officij nomine. Parentum pręterea, maiorumque omnium laborem leuat. cum enim id in primis curent, ut quos habent in sua potestate, ij recte, & diuinę legi conuenienter uiuant, erit hęc cura perfacilis, si omnes intelligent, Deo auctore, & monitore, summum honorem parentibus tribui oportere. quod ut prestare possimus, necesse est, nosse quandam differentiam, quę est inter pręcepta primę & secundę tabulę. Ergo hęc primum a Parocho sunt explicanda: idque in primis moneat, diuina Decalogi pręcepta fuisse in duabus tabulis incisa, in quarū altera,

Matth. 22

Marc. 12

1. Ioan. 4



ra, quemadmodū a sāctis Patribus accepimus, tria illa continebantur, quę iam sunt exposita; reliqua uero in alteram tabulam erant inclusa, Atque hec nobis perapposita fuit descriptio, ut præceptorum rationem ordo ipse distingueret. nam quidquid in sacris litteris diuina lege iubetur, aut ueratur, id duorum generum oritur ex altero. aut enim erga Deū, aut erga homines charitas in omni officio spectatur. Et quidem charitatem in Deum superiora tria præcepta docent: quod uero ad hominum cōiunctionē, & societatem pertinet, id reliquis septē præceptis continetur. Quocirca non sine causa eiusmodi est facta distinctio, ut alia ad priorem, alia ad alteram tabulam præcepta referantur. nam superioribus tribus præceptis, de quibus dictū est, quasi subiecta materies, quam tractent, est Deus, id est summum bonū, ceteris uero proximi bonū: illis summus, his proximus amor est propositus: illa finem, hec autem ea, quę ad finem referuntur, spectant. Præterea charitas Dei ex ipso pendet. Deus enim per se, non alterius rei causa, summe diligendus est, charitas autem proximi a charitate Dei ortum habet, atque ad eam tamquam ad certam regulam dirigenda est. nam si parentes caros habemus, si dominis paremus, si dignitate antecedentes reueremur; id ea re maxime faciendum est, quod eorum procreator est Deus, eosque alijs præesse uoluit, quorum opera ceteros homines regit, ac tuetur: qui cum nobis auctor sit, ut eiusmodi personas uereamur, idcirco id præstare debemus, quia a Deo hoc ipso honore dignantur: ex quo fit, ut honor, quem parentibus habemus, Deo potius,

potius, quam hominibus, haberi uideatur. sic enim apud sanctum Mattheum est, cum de obseruantia *Matth. 10* in superiores agitur: Qui recipit uos, me recipit. & Apostolus in epistola ad Ephesios, seruos instituens: Serui, inquit, obedite dominis carnalibus cum timore, & tremore, in simplicitate cordis uestri, sicut Christo, non ad oculum seruientes, quasi hominibus placentes, sed ut serui Christi. Accedit, quod Deo nullus honor, nulla pietas, nullus cultus satis digne tribuitur, in quē amor augeri infinite potest; proptereaque nostra erga illū charitas in dies fiat ardentior, necesse est. quem eius iussu ex toto corde, ex tota anima, ex omnibus uiribus amare debemus. At charitas, qua proximum complectimur, suis finibus circumscribitur; iubet enim Dominus proximos diligere, sicut nos ipsos: quod si quis hos fines egressus fuerit, ita ut parem Deo & proximis amorem tribuat, is maximum scelus admittit. Si quis uenit ad me, inquit Dominus, & *Luc. 14* non odit patrem suum, & matrem, & uxorem, & filios, & fratres, & sorores, adhuc autem animam suam, non potest meus esse discipulus. in quā sententiam item dictum est; Sine ut mortui sepeli- *Luc. 9* ant mortuos suos: cum quidam primum humare patrem uellet, postea Christum sequi. cuius rei dilucidior illa apud sanctum Mattheum explicatio est: Qui amat patrem, aut matrem plusquam *Matth. 10* me, non est me dignus. Nec tamen ulla dubitatio est, quin parentes uehementer amandi, obseruandique sint: sed ad pietatem in primis necessarium est, Deo, qui parens, & effector est omnium, præcipuum honorem, & cultum tribui; ideoque mortales

mortales parentes amari, ut ad cęlestem sempiternūque patrem tota amoris uis referatur. quod si interdum parentum iussa Dei pręceptis repugnent; non dubium est, quin liberi, parentum cupiditati Dei uoluntatē anteferre debeant, diuinę illius sententię memores; Obedire oportet Deo magis, quam hominibus.

*Acl. 5*

*Honorare,  
quam uim  
habeat a--  
pud scriptu  
ras.*

Quibus rebus expositis, Parochus uerba pręcepti interpretabitur, atque illud primum, Honorare, quid sit: est enim, de aliquo honorifice sentire, &, quę illius sunt, maximi putare omnia. Huic autem honori hęc omnia coniuncta sunt, amor, obseruantia, obedientia, & cultus. Scite autem in lege posita est honoris uox, non amoris, aut metus; etiam si ualde amandi, ac metuendi parentes sint. etenim qui amat, nō semper obseruat, & ueneratur: qui metuit, non semper diligit: quem uero aliquis ex animo honorat, item amat, & ueretur. Hęc cum Parochus explicarit, tum ager de patribus, quique sint ij, qui uocentur hoc nomine. nā etsi de ijs pręcipue patribus lex loquitur, ex quibus generati sumus: tamen ad alios quoque pertinet hoc nomen, quos etiam completi lex uidetur, quemadmodum ex pluribus diuinę scripturę locis facile colligimus. Pręter illos igitur, qui nos procrearunt, patrum genera item alia sunt in sacris litteris; quod antea attigimus; quibus singulis suus honor debetur. Ac primum Ecclesię præsides, & Pastores, & sacerdotes, patres dicuntur, quemadmodum ex Apostolo cōstat, qui ad Corinthios scribens, Non, inquit, ut confundam uos, hęc scribo, sed ut filios meos carissimos

*1. Cor. 4*

monco.

moneo. nam si decem millia pædagogorū habeatis  
 in Christo, sed non multos patres; nam in Christo  
 Iesu per euangelium ego uos genui. Et in Ecclesia- *Eccle. 44*  
 stico scriptum est: Laudemus uiros gloriosos, &  
 parentes nostros in generatione sua. Deinde ij, qui-  
 bus aut imperium, aut magistratus, aut potestas  
 commissā est, qui rempublicam gubernant, patres  
 appellantur. Sic Naaman a famulis pater uoca-  
 batur. Præterea, patres eos dicimus, quorum pro *4. Reg. 5*  
 curationi, fidei, probitati, sapientiæque alij com-  
 mendantur: cuiusmodi sunt tutores, & curatores,  
 pædagogi, & magistri. Quare Eliam, & Eliseum *4. Reg. 2*  
 filij prophetarum patrem uocabant. Postremo pa- *4. Reg. 13*  
 tres dicimus senes, & ætate confectos, quos etiam  
 uereri debemus. Atque hoc in Parochi præceptis  
 maximum sit, ut doceat patres, cuiuscumque sint  
 generis, præsertim uero eos, ex quibus nati sumus,  
 a nobis honorandos: de quibus diuina lex præcipue  
 loquitur. sunt enim immortalis Dei quasi quedam  
 simulacra, in ijsque ortus nostri imaginem intue-  
 mur: ab ijs uita nobis data est: ijs Deus usus est,  
 uti nobis animū, mentemque impertiret: ab ijs ad  
 sacramenta deducti, ad religionem, ad humanum  
 cultum, ciuilemque instituti, ad morum integrita-  
 tem & sanctitatem eruditi sumus. Doceat uero  
 Parochus, merito nomen, **MATRIS**, in hoc præ-  
 cepto expressum, ut eius beneficia, & merita erga  
 nos cōsideremus, quanta cura, & sollicitudine nos  
 in utero gesserit, quāto cum labore ac dolore pepe-  
 rerit, & educarit. Porro ita obseruandi parentes  
 sunt, ut, quē eis tribuimus, honor ex amore, atq. in-  
 timo animi sensu de præoptus uideatur. quibus hoc  
 officium



Gen. 46. 47

3. Reg. 2

Prover. 1

Ad Eph. 6

Ad Col 3

Gen. 22

Hier. 35

officiū debetur maxime, cū erga nos sint ita affecti, nullum ut laborem, nullā cōtentionem, nulla pericula nostra causa refugiant, nihilque illis accidere possit iucundius, quā ut filiis caros se esse sentiant, quos maxime diligunt. Ioseph cum in Aegypto honore, & amplitudine regi esset proximus, patrem qui in Aegyptum uenerat, honorifice excepit: & Salomon matri aduenienti assurrexit; eamque ueneratus, regio in solio ad dexteram collocauit. Alia præterea sunt honoris officia, quę in parentes conferri debent. nam eos tum etiam honoramus, cum a Deo suppliciter petimus, ut eisdem bene & feliciter omnia eueniant, ut in maxima gratia & honore sint apud homines, ut ipsi Deo ac sanctis, qui in celis sunt, commendatissimi sint. Item parentes honoramus, cum nostras rationes ad eorum arbitrium, uoluntatemque conferimus. cuius rei suator Salomon, Audi, inquit, fili mi disciplinam patris tui, & ne dimittas legem matris tuę, ut addatur gratia capiti tuo, & torques collo tuo. Cuiusmodi sunt etiam D. Pauli cohortationes: Filij obedite parentibus uestris in Domino: hoc enim iustū est. Item: Filij obedite parentibus per omnia: hoc enim placitum est in Domino. Et sanctissimorum hominum exemplis confirmatur. etenim Isaac, cū a patre ad sacrificium uinciretur, modeste ac sine recusatione paruit: & Rechabitzę, ne a patris consilio umquā discreparēt, uino se in perpetuum abstinerūt. Item, parentes honoramus, cum eorū recte facta, moresq. imitamur. ijs enim plurimū tribuere uidemur, quorū esse uolumus quāsimillimi. Item parentes honoramus, quorū consilia non modo exquiri.

quirimus, verum etiā sequimur. Item, quibus subuenimus ea impertientes, quæ uictus, cultusque desiderat: quod Christi testimonio comprobatur; qui Phariseorum impietatem redarguens, Quare *Math. 15* & uos, ait, transgredimini mandatum Dei propter traditionem uestram? nam Deus dixit: Honora patrem, & matrem. & Qui maledixerit patri, uel matri, morte moriatur. uos autem dicitis; Quicumque dixerit patri, uel matri, munus quodcumque est ex me, tibi proderit, & non honorificabit patrem suum, aut matrem suam: & irritum fecistis mandatum Dei propter traditionem uestram. Et honoris quidem officia parentibus tribuere semper debemus, sed tum maxime, cum periculose egrotant. danda enim opera est, ne quid prætermittant, quod uel ad peccatorum confessionem attinet, uel ad reliqua sacramenta, quæ a Christianis hominibus percipi debent, cū mors appropinquat, idque nobis curæ sit, ut pii, religiosique homines eos crebro interuifant, qui uel imbecillos confirmant, & consilio iuuent, uel optime animatos ad spem erigant immortalitatis; ut, cum mentē a rebus humanis excitarint, totā conijciāt in Deū. sic fiet, ut fidei, spei, & charitatis beatissimo comitatu ac religionis præsidio muniti, mortem non modo nō pertimescēdā, cū necessaria sit, sed, cū aditū ad eternitatem expediat, etiā appetendā censeāt. Postremo uel mortuis parētibus honor tribuitur, si ijs funus facimus; si exequias cohonestamus; si honorē sepulture impertimus; si iusta & sacrificia anniuersaria curamus; si, quæ ab ijs legata sunt, diligenter persoluimus. Honorandi autē

sunt nō modo ij, ex quibus nati sumus, uerum etiā alij, qui patres appellantur, ut Episcopi, & sacerdotes, ut reges, ut principes, ut magistratus, ut tutores, ut curatores, ut magistri, ut pædagogi, ut senes, & ceteri eiusmodi: digni enim sunt, qui ex charitate, ex obedientia, ex ope nostra fructus percipiant, sed alius alio magis. De Episcopis, & alijs Pastoribus ita scriptum est: Qui bene præsunt presbyteri, duplici honore digni habeantur, maxime qui laborant in uerbo, & doctrina. Iam uero, quanti erga Apostolum amoris documenta Galatæ dederunt? quibus is præclarum illud beneuolentiæ testimonium tribuit: Testimoniū enim perhibeo uobis; quia, si fieri posset, oculos uestros eruissetis, & dedissetis mihi. Quin etiam sacerdotibus ea suppeditanda sunt; quæ ad uitæ usus necessarios requiruntur. quare Apostolus, Quis, inquit, militat suis stipendijs umquam? Et in Ecclesiastico scriptum est: Honorifica sacerdotes, & propurga te cum brachijs: da illis partem, sicut mandatum est tibi, primitiarum, & purgationis. Illis etiam obtemperandum esse, docet Apostolus. Obedite, inquit, præpositis uestris, & subiaceite eis. ipsi enim peruigilant, quasi rationem pro animabus uestris reddituri. Quin potius a Christo domino præceptum est, ut uel improbis Pastoribus obtemperemus, cum dicat; Super cathedram Moyse sederunt Scribæ, & Pharisei; omnia ergo quæcumque dixerint uobis, seruare, & facite; secundum opera uero eorū nolite facere: dicunt enim, & non faciunt. Idem de regibus, de principibus, de magistratibus, & reliquis, quorum potestati subijcitur,

mur,

mur, dicendum est. ijs uero quod honoris, cultus, obseruantia genus tribuendum sit, Apostolus ad Romanos late explicat: pro quibus etiam orandū esse monet. & diuus Petrus, Subiecti, inquit, esto-  
 te omni humanæ creaturæ propter Deum, siue regi, quasi præcellenti, siue ducibus, tamquam ab eo misis. nam si quæ eis cultum tribuimus, is ad Deum refertur: habet enim uenerationem hominum excellens dignitatis gradus, quia diuinæ potestatis est instar: in quo etiam Dei prouidentiam ueneramur, qui publici muneris procurationem ijs attribuit, quibusque utitur tamquam potestatis sue ministris. nec enim hominum improbitatem, aut nequitiam, si tales sunt magistratus, sed diuinam auctoritatem, quæ in illis est, reueremur: ut, quod permirū fortasse uideatur, quamuis in nos sint inimico, insensoque animo, quamuis implacabiles, tamen non satis digna causa sit, cur eos non perofficiose obseruemus. nā & Dauidis magna in Saullem officia extiterunt, cū ei tamen esset offensior: quod innuit illis uerbis: Cum ijs, qui oderunt pacem, eram pacificus. At uero, si quid improbe, si quid inique imperent, cum id nō ex potestate, sed ex iniustitia, atque animi peruersitate agant, omnino nō sunt audiendi. Vbi hæc Parochus singillatim exposuerit, deinceps cōsideret, quodnam præmium, quamque consentaneum ijs propositū sit, qui diuino huic præcepto obediunt. nam in eo fructus est maximus, ut diu uiuāt; propterea quod digni sunt, qui beneficio quam diutissime perfruātur, cuius memoriam perpetuo conseruant. Cum igitur, qui parentes colunt, ijs gratiam refe-

Rom. 13

1. Tim. 2

1. Pet. 2

Psal. 119



rant, a quibus lucis & uitæ usuram habent, iure  
& merito uitam ad summam senectutem perdu-  
cunt. Tum adiungenda est diuinæ promissionis il-  
lustris explanatio. neque enim solum sempiternæ,  
ac beatæ, sed huius etiam, quam in terris agi-  
mus, uitæ usus promittitur. cuius sententiæ in-  
terpres est D. Paulus, cum inquit: Pietas ad om-  
nia utilis est, promissionem habens uitæ, quæ  
nunc est, & futuræ. Nec uero hæc merces aut  
exigua est, aut contemnenda, etiam si sanctissimis  
uiris, ut Iob, ut Dauidi, ut Paulo, mors fuerit  
optabilis, & erummosis ac miseris hominibus uitæ  
propagatio sit iniucunda nam illorum uerborum  
adiunctio, **Q V A M D O M I N V S D E V S T V V S**  
**D A B I T. T I B I,** non modo temporis diuturnitatē  
ad uiuendum, sed otium, quietem, incolumitatem  
ad bene uiuendum pollicetur. nam in Deuterono-  
mio nō solum inquit, Vt longo uiuas tempore; sed  
illud etiam addit; Vt bene sit tibi: quod deinde ab  
Apostolo repetitum est. Hæc autem bona eis sup-  
petere dicimus, quorum pietati Deus gratiam re-  
ferat: aliter enim diuinū promissi fides & constan-  
tia non erit; cum interdum, qui maiorem pietatē  
parentibus præstiterunt, ijs uita breuior sit: quibus  
id quidē contingit, uel quod ijs optime consulitur,  
qui prius uita excedunt, quam a uirtutis, & officij  
religione discedāt: rapiuntur enim, ne malitia mu-  
tet intellectum eorum, aut ne fictio decipiat ani-  
mam illorum: uel quia, dum perniciēs & rerū om-  
nium perturbatio impender, e corporibus euocan-  
tur, ut cōmunium temporum acerbiteriam euadāt:  
A facie enim malitię, inquit Propheta, collectus est  
iustus:

1. Tim. 4

Deuter. 5  
Ad Eph. 6

Sep. 4

Isa. 57

iustus: quod fit, ne eorum aut uirtus, aut salus periclitetur, cum a mortalibus flagitiorū pœnas repetit Deus: uel ne tristissimis temporibus ex propinquorum, amicorūque calamitatibus acerbissimos luctus sentiāt. Quare metuendum est maiorem in modum, cum uiris bonis immatura mors accidit: ac, quemadmodum ijs, qui grati in parentes sunt, officij merces & fructus est a Deo propositus; sic ingrati & impij filij grauissimis pœnis reseruantur: scriptum est enim; Qui maledixerit patri suo uel matri, morte moriatur. Et: Qui affligit patrem, & fugit matrem, ignominiosus est, & infelix. Et: Qui maledicit patri suo, uel matri, extinguetur lucerna eius in medijs tenebris. Et; Oculum, qui subsannat patrem, & qui despicit partum matris suę, effodiant eum corui de torrentibus, & comedant eum filij aquilę. Qui parentibus iniuriam intulerunt, multos fuisse legimus: in quibus ulciscendis, Dei iracundia exarsit: non enim Dauidem inultum reliquit, sed sceleri debitas pœnas dedit Absalon, quem, ob eius scelus, tribus hastis transfixum puniuit. De ijs uero qui sacerdotibus non obtemperant, scriptum est; Qui superbierit, nolēs obedire sacerdotis imperio, qui eo tempore ministrat domino Deo tuo, ex decreto iudicis morietur homo ille. Et quemadmodū diuina lege sancitum est, ut parentibus filij honorē habeant, ut pareant, ut obsequantur: sic parentum propria officia sunt, atque munera, ut sanctissimis disciplinis, ac moribus filios imbuant, ijsque optima dent uiuendi pręcepta, ut ad religionem instructi, & parati, Deum sancte, inuiolateque uenerentur. quod a pa-

Exod. 21

Leuit. 20

Prouer. 19

Prouer. 20

Prouer. 30

2. Reg. 18

Deuter. 17

Dan. 18

Dan. 13

rentibus Susannę factum esse legimus. Itaque Sacerdos parentes cōmoneat, ut se liberis magistros præbeant, uirtutis, æquitatis, continentię, modestię, & sanctitatis: triaque præsertim declinent, in quibus sepe offendere consueuerunt: primum,

Ad Col. 3

ne quid acerbius in liberos aut loquantur, aut statuāt: quod Apostolus in epistola ad Colossenses ita præcipit; Patres, nolite ad indignationem prouocare filios uestros, ut non pusillo animo fiant. nam periculum est, ne fracto, abiectoque animo sint, dū omnia timent. Quare illud præcipiat, ut nimiam seueritatem effugiant, malintque liberos corrigere, quam ulcisci: deinde, si qua culpa commissa est, cū necessaria sit castigatio, & obiurgatio, ne quid liberis per indulgentiam dissolute remittant: sepe enim filij parentum nimia lenitate, & facilitate deprauantur: quamobrem a dissoluta indulgentia

1. Reg 4

deterreat exemplo Heli, summi sacerdotis; qui, quod in liberos indulgentior fuerat, maximo supplicio est affectus: postremo, ne, quod fœdisimum est, in filiorum educatione ac doctrina, præpostera consilia ineant. etenim per multi in hac una cogitatione curaue uersantur, ut opes, ut pecunias, ut lautum, & amplum patrimonium liberis relinquant, quos non ad religionem, non ad pietatem, nō ad bonarum artium disciplinam, sed ad auaritiam, & ad rem familiarem augendam cohortantur; nec de filiorum existimatione, & salute sunt solliciti, dummodo pecuniosi sint, & perdiuites: quo quid dici, aut cogitari turpius potest? ita fit, ut ad illos non tam rerum copias, quam sua scelera, & flagitia transferant; quibus tandem non ad

cælum

cælum se duces præbêt, sed ad inferorum supplicia sempiterna. Sacerdos igitur optimis præceptis parentes instituat, eosque ad Tobix exemplum ac similem uirtutem excitet; ut, cum filios ad Dei cultum, & sanctimoniam probe erudierint, ab ijs etiã amoris, & obseruantix, & obsequij uberrimos fructus capiant. Tob. 4

## NON OCCIDES.

Magna illa, quæ pacificis hominibus proposita est, felicitas, quoniam filij Dei uocabuntur, PastorMath. 9es maxime commouere debet, ut præcepti huius disciplinam fidelibus diligenter, accurateque tradant. nam ad conciliandas hominũ uoluntates nulla melior ratio iniri potest, quam si eiusmodi præcepti lex recte explicata, ab omnibus ita, ut oportet, sanctè seruetur: quoniã tum sperare licet, fore, ut summa animi consensione cõiuncti homines cõcordiam & pacem maxime colant. Sed quã necesse sit præceptũ hoc explicari, ex eo perspicitur, quod, immẽsa illa uniuersæ terræ innundatione facta, hoc unum in primis est, quod Deus hominibus interdixit. Sanguinem, inquit, requiram animarum uestrarum de manu cũctarum bestiarum, & de manu hominis. Gen. 9 In euangelio etiam, quæ primum ueteres leges a Domino explicate sunt, in ijs hæc prima est, de qua apud S. Matthæum ita scribitur Math. 9: dictum est enim, Non occides, & reliqua, quæ hac de re eo ipso loco deinceps cõmemorantur. Fideles præterea attente, libenterque præceptum hoc audire debent. si enim eius uis spectatur, ad uitam cuiusque tuendam ualet: quoniam



ijs uerbis, Nō occides, homicidium omnino interdictum est. itaque singuli homines tanta cum uoluptate animi illud accipere debent, perinde ac si, ira Dei proposita, grauissimisque alijs pœnis, nominatim prohibitum sit, ne quis eorum lædatur. ergo ut præceptum hoc auditu iucundum est: ita eius peccati cautio, quod præcepto prohibetur, iucunditatem habere debet. Cum autem huius legis uim Dominus explicaret, in eo duo contineri ostendit: alterum, ne occidamus, quod a nobis fieri uetitum est: alterum, quod facere iubemur, ut concordia amicitia, charitateque inimicos cōplectamur, pacem habeamus cum omnibus, cuncta denique incommoda patiēter feramus. In eo autem, quod cædes prohibetur, illud primū docendū est, quæ cedes sint eiusmodi, quæ hac præcepti lege non uetentur. nam, bestias occidi, prohibitum non est, quoniam si illis uesci, a Deo hominibus est concessum; fas item est, illas occidi. qua de re ita sanctus

**D. August.** Augustinus: Cum audimus, inquit, Non occides; nō accipimus hoc dictum esse de fructetis; quia nullus est eis sensus: nec de irrationabilibus animalibus: quia nulla nobis ratione sociantur. Alterum permissum cædis genus est, quod ad eos magistratus pertinet, quibus data est necis potestas, qua, ex legū præscripto, iudicioque, in facinorosos homines animaduertūt, & innocentes defendunt. quo in munere dum iuste uersantur, non modo ij cedis nō sunt rei, sed huic diuinæ legi, qua cædes uetatur, maxime obediunt. cum enim legi huic finis is propositus sit, ut hominum uite, salutique consulatur; magistratum item, qui legitimi sunt scelerū uindices,

dices, animaduersiones eodem spectant, ut, audacia, & iniuria supplicijs repressa, tuta sit hominum uita. Quare Dauid, In matutino, inquit, interficiebā omnes peccatores terræ, ut disperderem de ciuitate Domini omnes operantes iniquitatem. Qua ratione ne illi quidem peccant, qui iusto bello, non cupiditate, aut crudelitate impulsī, sed solo publicæ utilitatis studio, uitam hostibus adiungunt. Sunt præterea eiusmodi cedes, quæ nominatum iussu Dei fiunt. Leui filij non peccauerunt, qui una die tot millia hominum occiderunt. qua cede facta, sic ad eos locutus est Moses: Consecrasti manus uestras hodie Domino. Neque uero huius præcepti reus est, qui non sponte, neque meditato, sed fortuito hominē occidit: qua de re in Deuteronomij libro ita est: Qui percusserit proximum suū nesciens, & qui heri & nudius tertius nullum contra eum odium habuisse comprobatur, sed abiisse cum eo simpliciter in siluam ad ligna cædenda, & in succisione lignorum securis fugerit manum, ferrumque lapsum de manubrio amicū eius percusserit, & occiderit. Hæ cedes eiusmodi sunt, quæ quia non uoluntate, neque de industria inferuntur, propterea non omnino in peccatis numerantur, quod S. Augustini sententia comprobatur. Absit enim, inquit, ut ea, quæ aut propter bonum, aut licitum facimus, siquidem præter nostrā uoluntatē quidquam mali acciderit, nobis imputetur. In quo tamen duabus de causis peccari potest, altera, si quis in re iniusta occupatus, hominem occiderit. exempli causa: si quis grauidam mulierem pugno, uel calce percuteret, ex quo abortus sequeretur, fuisset quidem

Psal. 100

Exod. 32

Dent. 19

D. August.

quidem illud præter percussoris uoluntatem, non tamen præter culpam, cum illi non liceret ullo modo grauidam mulierem percutere. Altera, si non omnibus circumspectis, negligenter, & incaute aliquem occiderit. qua etiam ratione, si quis salutis suæ defendendæ causa, omni adhibita cautione, alterum interemerit, hac lege non teneri satis apparet. Atque hæc quidem, quas modo commemorauimus, cædes sunt, quæ hoc legis præcepto non continentur, quibus exceptis, reliquæ omnes prohibentur, siue homicidam quis spectet, siue qui occiditur, siue modos, quibus cædes fit. nam quod ad eos pertinent, qui cedere faciunt, nemo plane excipitur; non diuites, non potentes homines, non domini, non parentes: sed, delectu omni, & discrimine remoto, occidere ueritum est omnibus. Si uero ij spectantur, qui interficiuntur, ad omnes hæc lex pertinet; nec quisquam est tam humilis & abiectionis cōdicionis homo, quin legis huius ui defendatur. Neque uero se ipsum interficere cuiquam fas est, cum uitæ suæ nemo ita potestatem habeat, ut suo arbitratu mortem sibi consciscere liceat; ideoque legis huius uerbis nō ita præscriptum est, Ne alium occidas, sed simpliciter, Ne occidas. sin autē multiplicem cædis faciendæ modum attendimus; nemo est, qui excipiat. non solum enim suis cuiquam manibus, aut ferro, aut lapide, aut baculo, aut laqueo, aut ueneno, uitā homini eripere non licet, sed consilio, ope, auxilio, uel alia quacumque ratione id fieri prorsus uetū est. in quo summa tarditas, stuporque Iudæorum fuit, qui crederent, se hoc præceptum seruare, si manus tantum

tantum a cede abstinere. sed homini Christiano, qui interprete Christo, didicit hanc legem spiritua-  
lem esse, nempe quæ non manus solum puras, sed  
animum etiam castum, sincerumque nos habere  
iubet, illud non satis omnino est, quod illi satis cu-  
mulate se præstare arbitrabantur. nã, ne irasci qui-  
dem cuiquã licere, in euangelio traditum est; cū di-  
cat Dñs: Ego autem dico vobis. Omnis, qui irasci-  
tur fratri suo, reus erit iudicio: qui autẽ dixerit fratri  
suo, Racha, reus erit cõsilio: qui autẽ dixerit, Fatue,  
reus erit gehẽne ignis. Ex quibus verbis perspicuũ  
est, eũ culpa non carere: qui fratri succẽseat, quãvis  
iram animo inclusam contineat; qui uero eius iræ  
significationem aliquam dederit, grauius peccare;  
at multo grauius, qui non uereatur dure fratrem  
accipere, & ei conuicium facere. & quidem hoc  
uerum est, si nulla subsit irascendi causa. nam iræ  
causa, quæ a Deo, legibusque conceditur, ea est,  
cum in eos animaduertimus, qui nostro imperio,  
potestatique parent, si in eis sit culpa: Christia-  
ni enim hominis ira non a carnis sensibus, sed a  
spiritu sancto proficisci debet; cum templa san-  
cti spiritus, in quibus Iesus Christus habitet, nos  
esse conueniat. Multa præterea sunt a Domino  
tradita, quæ ad perfectam huius legis rationem  
pertinent: qualia illa sunt, non resistere malo;  
sed si quis te percusserit in dextram maxillam tu-  
am, præbe illi & alteram; & ei, qui uult tecum  
in iudicio contendere, & tunicam tuam tollere,  
dimitte ei & pallium: & quicumque te angaria-  
uerit mille passus, uade cum illo alia duo. Ex his,  
quæ iam commemorata sunt, animaduerti licet,  
quam

Math. 5

1. Cor. 6

Math. 5



quam præcipientes illi diabolico quodā impulsu ad id facinus ferantur, dixit; Veloces pedes eorum. Iam uero, quæ in hoc præcepto seruanda esse Christus dominus iubet, eo spectat, ut pacem cum omnibus habeamus. ait enim, cum hunc locum interpretaretur: Si offers munus tuum ad altare, & ibi *Matth. 5* recordatus fueris, quia frater tuus habet aliquid aduersum te, relinque ibi munus tuum ante altare, & uade prius reconciliari fratri tuo, & tunc ueniens offeres munus tuum: & quæ sequuntur. Quæ ita a Parocho explicabuntur, ut doceat, sine ulla exceptione omnes charitate complectendos esse: ad quam in huius præcepti explicatione fideles, quam maxime poterit, incitabit: quod in eo proximi diligendi uirtus maxime elucet. Cum enim odium hoc præcepto aperte uetetur, quoniam qui fratrem suum odit, homicida est; certe illud consequitur, ut amoris & charitatis præceptum detur. cumque hac lege de charitate & amore præceptum sit, tum omnium etiã illorum officiorum, atque actionum, quæ charitatem ipsam consequi solent, præcepta *1. Cor. 13* traduntur. Charitas patiens est, inquit D. Paulus. patientia igitur nobis præcipitur, in qua nos animas nostras possessuros esse Saluator docet. Beneficentia deinde charitatis comes est, & socia: quoniam charitas benigna est. Benignitatis autem, atque beneficentiæ uirtus late patet, eiusque officium in ijs rebus maxime uersatur, ut pauperibus suppeditemus res necessarias, cibum esurientibus, sitientibus potum demus, nudos uestiamus, & quo quisque opis nostræ magis indiget, eo in illum plus liberalitatis conferamus. hæc beneficentiæ, & boni-  
tatis

tatis officia, quæ per se sunt illustra, eo fiunt illustriora, si inimicis præstentur. ait enim Saluator:

*Matth. 5*

*Rom. 12*

Diligite inimicos uestros: benefacite ijs, qui oderunt uos, quod etiam Apostolus monet illis uerbis: Si esurierit inimicus tuus, ciba illum; si sitit, potû da illi. Hoc enim faciens, carbones ignis congeres super caput eius: noli uinci a malo, sed uince in bono malum. Denique, si charitatis legē spectemus, quæ benigna est, omnia, quæcumque ad mansuetudinem, lenitatem, aliasq. id generis uirtutes pertinent, officia colere, ea lege præscribi intelligemus. At uero longe omnium præstantissimū officiū, quod charitatis plenissimū est, in quo maxime nos exercere conuenit, illud est, ut iniurias, quas accepimus, æquo animo remittamus, atque cōdonemus: quod ut plane efficiamus, sepe nos diuinæ litteræ, ut antea dictum est, monent, atque hortantur; cum non beatos solum eos dicant, qui ita prorsus faciunt; sed erratorum etiam ueniam iisdem a Deo datam affirmant. qui uero hoc ipsum facere negligunt, aut omnino recusant, illam non consequuntur. Sed quoniam ulciscendi libido hominū mentibus fere insita est; Parochus maximā in eo diligentiam ponat, necesse est, ut iniuriarum obliuisci, easque remittere Christianum hominem oportere, nō doceat solum, sed penitus etiam fidelibus persuadeat. Cumque hac ipsa de re apud sacros scriptores multa fiat mentio, eos consulat ad refellendam illorum pertinaciam, qui in ulciscēdi cupiditate animo obstinato sunt, atque obfirmato. Argumenta in promptu habeat, quæ illi Patres grauisima, & ad eam rem maxime accommoda-

ta pie adhibuerunt . Verum hæc potissimum tria explicanda sunt . primum est , ut , qui se iniuriam accepisse putat , ei maxime persuadeatur , illum detrimenti , aut iniurię præcipuā causam non fuisse , quem ipse ulcisci cupit . Sic admirabilis ille Iob fecit , qui a Sabæis hominibus , a Chaldæis , & a demone grauitè læsus , nulla tamen eorum habita ratione , ut uir rectus , & homo admodum pius , recte , pieque ijs verbis uius est : Dominus <sup>Iob 1</sup> dedit , Dominus abstulit . Itaque patientissimi illius uiri oratione , & exemplo , Christiani homines sibi persua-deant , quod uerissimum est , omnia , quęcumque in hac uita patimur , a Domino , qui iustitię omnis misericordięque parens est , & auctor proficisci . Neque uero ille nos , quę eius est immensa benignitas , ut inimicos punit , sed ut filios corrigit , & castigat . Nec profecto , si recte animaduertimus , in hisce rebus homines aliud omnino sunt , nisi ministri , & quasi satellites Dei ; & quamquam homo potest male aliquem odisse , pessimeque illi cupere : tamen ei , nisi permissu Dei , nocere nullo modo potest . Hac ratione adductus Ioseph , fratrum impia consilia , sic Dauid iniurias <sup>Gen. 45</sup> sibi a Semei illatas æquo animo tulit . Ad hanc itē <sup>2. Reg. 16</sup> rem illud argumenti genus ualde pertinet , quod sanctus Chrysostomus grauitè , atque erudite pertractauit , neminem scilicet , nisi a se ipso , lædendam nam qui se iniuriose tractatos esse opinatur , si rem recta secum uia reputent , comperient profecto , nullam se ab alijs iniuriā , aut damnum accepisse . etsi enim , quibus ipsi læduntur , ea extrinsecus eueniunt ; tamen se maxime ipsi offendent , cū ani-

mū odio, cupiditate, inuidia nefarie contamināt.

Alterum est, quod duo præcipua commoda complectitur, quæ ad illos pertinent, qui pio erga Deum studio adducti, iniurias libēter remittunt. quo-

*Matth. 18*

rum primum illud est, quod aliena debita remittē-  
tibus promissit Deus fore, ut ipsi etiam peccatorū

ueniam impetrent. ex quo promissio, quam gratum  
illi sit hoc pietatis officium, facile apparet. Alte-

*Matth. 5*

rum commodum est, quod nobilitatem quandā,  
& perfectionem assequimur: quoniam, condonan-

dis iniurijs, quodam modo Dei similes efficiamur,  
qui solem suum oriri facit super bonos, & malos;

& pluit super iustos, & iniustos. Postremo, ex-  
plicanda sunt incommoda illa, in quæ nos tum

incidimus, cum iniurias, quæ nobis illatæ sunt, cō-  
donare nolumus. Itaque Parochus illis, qui sibi

in animū inducere non possunt, ut inimicis igno-  
scant, ob oculos ponat, odium, non solum peccatū

graue esse, sed etiam diuturnitate peccandi grauius  
inhærere. cum enim is, in cuius animo hic affectus

insederit, inimici sui sanguinem sitiāt; illius ulci-  
scendi spe plenus, dies, noctesque in perenni quadā

mala mentis agitatione ita uersatur, ut numquam  
a cædis, aut nefariæ alicuius rei cogitatione cessare

uideatur. quo fit, ut is uel numquam, uel maxi-  
mo negotio ad id impellatur, ut aut prorsus igno-

scat, aut aliqua saltem ex parte iniurias remittat.  
quare merito uulneri comparatur, cui telum infi-

xum hæret. Multa præterea incommoda & pec-  
cata sunt, quæ hoc uno odij peccato, quasi uinculo

*1. Ioan. 2*

quodam, iuncta tenentur. ideoque D. Ioannes in  
hanc sententiam ita dixit: Qui fratrem suum odit.

in te-



in tenebris est; & in tenebris ambulat, & nescit quo eat: quia tenebræ obcæcauerunt oculos eius: itaque sæpius labatur, necesse est. Etenim quo pacto fieri potest, ut dicta aliquis, aut facta illius probet; quem oderit? hinc temeraria & iniqua iudicia existunt, iræ, inuidiæ, obtrectiones, & alia eiusmodi; quibus illi quoque implicari solent, qui aut cognatione, aut amicitia iuncti sunt: itaque sepe fit, ut ex uno peccato multa existant. Neque iniuria dicitur, hoc peccatum esse Diaboli: quando quidem ipse ab initio homicida fuit. Quæ obrem Dei filius dominus noster Iesus Christus, cū *Iohan. 8* sibi mortem Pharisei afferre cuperent, illos a patre Diabolo genitos esse dixit. Sed præter hæc, quæ dicta sunt, unde sceleris huius detestandi rationes peti possunt, alia quoque remedia, & ea profecto maxime opportuna, sanctarum litterarū monumentis tradita sunt. Ac primum omnium remedium, & maximum est, Saluatoris nostri exemplū, quod ad imitandum nobis proponere debemus. Is enim, cum ne minima quidem peccati suspitio in eū cadere posset, uirgis cæsus, spinis coronatus, & cruci denique affixus, eam habuit orationem plenissimam pietatis; Pater dimitte illis: non enim sciunt quid faciunt. Cuius asperisionem sanguinis, testatur Apostolus, melius loquentem, quam Abel. Alterum *Hebr. 12* autem remedium ab Ecclesiastico propositum est, ut mortem atque illum Iudicij diem recordemur. Memorare, inquit ille, nouissima tua, & in æternum non peccabis. quæ sententia eodem spectat, ac si dicat: Illud sæpe etiam atque etiam cogita, breui fore, ut mortem obeas: proinde, quia tali tempore

re tibi optatissimum erit, & maxime necessarium; summam Dei misericordiam impetrare, eam tibi ob oculos iam nunc, perpetuoque proponas, necesse est. ita enim fiet, ut immunis illa ulciscendi cupiditas tibi exhauriatur, cum ad misericordiam Dei implorandam nullum aptius, maius ue remedium inuenias, quam obliuionē iniuriarū, & amorē in eos, qui te, aut tuos re, aut oratione uiolarint.

### NON MOECHABERIS.

Quoniam uiri, & uxoris uinculum arētissimū est, & nihil utrique iucundius accidere potest, quam intelligere se mutuo quodam & singulari amore diligi; contra, nihil molestius, quam sentire a se debitum & legitimum amorem alio transferri; recte quidem, atque ordine illam, quæ hominis uitam a cæde tuetur, legem hæc, quæ de Mœchia, siue adulterio est, consequitur, ut sanctam illam & honorabilem matrimonij coniunctionē, unde magna charitatis uis existere solet, nemo ullo adulterij scelere uiolare, aut dirimere audeat. Sed tamen in hac ipsa re explicanda cautus admodum sit Parochus, & prudens, & rectis uerbis rem commemoret, quæ moderationem potius desiderat, quam orationis copiam. uerendum est enim, ne, dum is late, atque copiose nimis explicare studet, quibus modis homines ab huius legis præscripto discedant, in illarum rerum sermonem forte incidat, unde excitandæ libidinis potius materia, quam restinguendæ illius ratio, emanare solet. Sed quoniam hoc præcepto multa continentur, quæ prætermittenda non sunt, ea suo loco explicabuntur a Parochis. Eius igitur

tur duplex uis est, altera, qua disertis uerbis adulterium uetatur; altera, quæ eam sententiam inclusam habet, ut animi, corporisque castitatem colamus. Ut autem ab eo, quod prohibitum est, docendi initium sumatur; Adulterium est legitimi tori iniuria, siue alienus, siue proprius ille sit. etenim si maritus cum muliere soluta rem habet, suum ipse torum uiolat; si uero solutus uir alienam cognoscat uxorem, adulterij labe torus alienus inquinatur. Hoc uero adulterij interdicto omnia prohiberi, D. Ambrosius & Augustinus auctores sunt, quæcumque inhonesta sunt, & impudica. In hanc sententiã hæc uerba accipienda esse, ex sacris litteris tum ueteris, tum noui testamenti licet colligere. nam præter adulterium, alia libidinis genera apud Mosen puniuntur. Est Iudæ in Genesi iudicium in nurum suam. Est præclara illa in Deuteronomio Moysis lex, ne de filiabus Israel ulla esset meretrix. Extat præterea Tobia ad filium eiusmodi adhortatio: Attende tibi filij mi ab omni fornicatione. Ecclesiasticus item, Erubescite, inquit, a respectu mulieris fornicariæ. In euangelio etiam Christus dominus inquit, de corde exire adulteria, & fornicationes, quæ coinquinant hominem. Apostolus uero Paulus hoc uerbum sæpe multis grauisimisque uerbis detestatur: Hæc est, ait, uoluntas Dei sanctificatio uestra, ut abstinatis uos a fornicatione. & Fugite fornicationem. & Ne commisceamini fornicarijs. Fornicatio autem, inquit, & omnis immunditia, aut auaritia, nec nominetur in uobis. & Neque fornicarij, neque adulteri, neque molles, neque masculorum

D. Ambr.  
D. August.

Gen. 38  
Deuter. 23  
Tob. 4

Eccle. 41  
Matth. 15

1. Theß. 4  
1. Cor. 5  
1. Cor. 6  
Ad Eph. 5  
1. Cor. 6

concubitores regnum Dei possidebunt. Præcipue uero ob eam rem adulterium diserte uetitum est, quia præter turpitudinem, quæ illi cum alijs intemperantiæ generibus communis est, iniustitiæ quoque peccatum non solum in proximum, sed etiam in ciuilem societatem adiunctum habet. Est illud item certum, qui se a ceterarum libidinum intemperantia non abstinet, eum ad hanc, quæ adulterij est, incontinentiam facile labi. Quare hoc adulterij interdicto facile intelligimus, omne impuritatis & impudiciæ genus, quo polluitur corpus, prohiberi: immo uero omnem intimam animi libidinem hoc præcepto uetitam esse, tum ipsius legis uis significat, quâ spirituales esse constat, tum Christus dominus docuit illis uerbis: Audistis, quia dictum est antiquis, Non mœchaberis: Ego autem dico uobis, quia omnis, qui uiderit mulierem ad cōcupiscendū eam, iam mœchatus est eam in corde suo. Hęc sunt, quæ fidelibus publice tradenda duximus; si tamē ea addantur, quæ a sancta Trid.

*Matth. 5*

*Trid. Syn.*

*Castitas u-  
nicuiq; pro  
diuersitate  
status neces-  
sario seruan-  
da.*

Sequitur nunc, ut ea explicentur, quæ iubendi uim habent. Docendi igitur sunt fideles, ac uehementer hortandi, ut pudicitiam, & continentiam omni studio colant, mudentq. se ab omni inquinamento carnis & spiritus, perficientes sanctificationem in timore Dei. In primis autem admonēdi sunt, quamuis castitatis uirtus in eorum hominum

gene-



genere magis eluceat, qui pulcherrimum illud, ac plane diuinum uirginitatis propositū sancte & religiose colunt, tamen ijs etiam conuenire, qui uel cælibē uitam agunt, uel matrimonio iuncti, a uetita libidine puros se & integros seruant. Quoniam uero multa a sanctis Patribus tradita sunt, quibus docemur domitas habere libidines, & coercere uoluptates, ea Parochus studeat populo accurate exponere, atque in hac tractatione diligentissime uersetur. Hæc autem eiusmodi sunt, partim quæ in cogitatione consistunt, partim quæ in actione. Quod in cogitatione remedium positum est, id in eo maxime uersatur, ut intelligamus, quanta sit huius peccati turpitudine, & perniciēs; qua cognita, facilius fiet eius detestandi ratio. perniciosum uero scelus esse, intelligi ex eo potest; quoniam propter hoc peccatum e Dei regno pelluntur, atque exterminantur homines, quod malorum omnium ultimum est. Et hæc quidem calamitas omnium scelerum communis est: illud autem huius peccati proprium, quod qui fornicantur, in sua ipsi corpora peccare dicuntur, ex sententia Apostoli scribentis; Fugite fornicationem: omne enim peccatum, quodcunque fecerit homo, extra corpus est. qui autem fornicatur, in corpus suum peccat. Quod ob eam causam dictum est, quoniā illud iniuriose tractat, cum eius uiolat sanctitatē. qua de re ad Thes-  
1. Cor. 6<sup>o</sup>  
1. Thes. 4<sup>o</sup>  
 salonicenses ita D. Paulus: Hec est, inquit, uoluntas Dei, sanctificatio uestra, ut abstineatis uos a fornicatione, ut sciat unusquisque uestrum uas suum possidere in sanctificatione & honore, nō in passione desiderij, sicut & gentes quæ ignorant Deum.

- Deinde, id quod scelestius est, si homo Christianus meretrici turpiter se dedat, membra, quæ Christi sunt, ea meretricis facit: ita enim D. Paulus ait;
- 1. Cor. 6** Nescitis, quoniam corpora uestra, membra sunt Christi? tollens ergo membra Christi, faciam membra meretricis? absit. an nescitis quoniam
- 1. Cor. 6** qui adhæret meretrici, unum corpus efficitur? Est præterea homo Christianus, ut idem testatur, templum spiritus sancti, quod uiolare nihil aliud est, nisi ab eo spiritum sanctum eicere. In adulterij autem scelere magna inest iniquitas. si enim, ut uult
- 1. Cor. 7** Apostolus, qui matrimonio iuncti sunt, ita eorum alter alterius potestati mancipatus est, ut neuter sui corporis potestatem, iusque habeat, sed mutuo quodam sint inter se quasi seruitutis uinculo ita deuincti, ut uir ad uxoris uoluntatem, contraq. uxor ad uiri nutum, uoluntatemq. se accommodare debeat: certe si alteruter corpus suum, quod est alieni iuris, ab eo, cui illud adstrictum est, disiungit, is admodum iniquus est, & nefarius. Et quoniã infamiae metus & ad ea, quæ iussa sunt, uehementer incitat homines, & a uetitis magnopere deterret; docebit Parochus, adulteriũ hominibus insignẽ turpitudinis nõ tam inurere. nam sacris litteris ita proditum est. Qui adulter est, propter cordis inopiã perdet animam suam: turpitudinem, & ignominiam congregat sibi, & opprobrium illius non delebitur. Verum huius sceleris magnitudo ex supplicij seueritate facile
- Leuit. 20** perspicui potest. adulteri enim, lege a Domino in ueteri testamento præscripta obruebantur lapidibus, quin etiam, ob unius libidinem, non solum quis scelus admisit, sed uniuerſa interdum ciuitas, ut de
- Ioan. 8**
- Sichi-

Sichimitis legimus, deleta est. Multa diuinæ animaduersionis exempla in sacris litteris prodita sunt, quæ ad deterrendos a nefaria libidine homines Parochus colligere poterit, ut Sodomæ, & reli quarum finitimarum urbium interitus; Israelita- Gen. 34  
rum, qui fornicati sunt cum filiabus Moab in de- Gen. 19  
serto, supplicium; Beniamitarum deletio. Qui uero mortem effugiunt, intolerabiles tamen dolo- Num. 25  
res, ac poenarum cruciatus, quibus sæpe plectun- Iud. 20  
tur, non effugiunt, nam mente cæci, quæ poena gra-  
uissima est, ita fiunt, ut neque Dei, neque famæ, ne-  
que dignitatis, neque filiorum denique, uitæque  
suæ rationem habeant: hocq; pacto adeo nequâ, &  
inutiles fiunt, ut nihil graue committi eis debeat,  
& ad nullum fere officij munus idonei sint. Huius 2. Reg. 11  
rei exempla a Dauide, & Salomone petere nobis  
licet: quorum alter postquam adulteratus est, re-  
pente sui dissimillimus, ex mitissimo crudelis ex-  
tigit, ut Vriam optime de se meritum morti ob-  
tulerit; alter cum se totum in mulierum libidinē 3. Reg. 11  
profudisset, ita a uera Dei religione sese auertit, ut Ose. 4  
alienos deos sequeretur. Aufert igitur, ut Oseas di-  
xit, hoc peccatum cor hominis, sæpeq. obcæcat.

Nunc ad ea remedia ueniamus, quæ in actione Ne uideatur  
consistunt. quorū primū illud est, ut otium maxime castitas, quā  
fugiamus, in quo Sodomitæ homines, ut est apud ta cura ad-  
Ezechielē, cū hebescerent, in spurcissimū illud nefa- hibenda.  
rię libidinis scelus præcipientes lapsi sunt. Deinde cra-  
pula magnopere est uitanda. Saturauī eos, inquit Hier. 5  
Propheta, & mœchati sunt: quoniam uenter exple-  
tus, ac saturatus, libidinem parit. Hoc ipsum il-  
lis uerbis Dominus significauit; Attendite uobis; Luc. 21



ne forte grauentur corda uestra in crapula, & ebrie

*Ad Ephe. 5* tate. hoc item Apostolus; Nolite, inquit, inebriari uino, in quo est luxuria. Sed maxime animus ad libidinem oculis inflādari solet. quo per-

*Matth. 5* tinet illa Christi domini sententia; Si oculus tuus scandalizat te, erue eum, & projice abs te. Multę præterea sunt prophetarum de eadem re uoces,

*Iob 31* ut est apud Iob: Pepigi fœdus cum oculis meis, ut ne cogitarem quidem de uirgine. Sunt multa denique, ac pene innumerabilia exempla malorum,

quę ex oculorum aspectu ortum habuerunt. sic Dauid, sic rex Sichem peccauit: hocque item pacto senes illi Susannę calumniatores deliquerunt. Ele-

*2. Reg. 11* gantior item ornatus, quo oculorum sensus ualde  
*Gen. 34* excitatur, occasionem libidini non paruam sæpe  
*Dan. 13* præbet: ideoque Ecclesiasticus monet: Auerte faciem tuam a muliere compta. Cum igitur mulieres in nimio ornatus studio uersentur, non alienum erit, si Parochus aliquam in eo diligentiam

*Eccle. 9* adhibeat, ut eas interdum moneat, obiurgetque uerbis, quę hoc de genere grauissima Apostolus

*1. Pet. 3* Petrus ita protulit: Mulierum non sit extrinsecus capillatura, aut circundatio auri, aut indumenti

*1. Tim. 2* uestimentorum cultus. D. Paulus item, Non in tortis, inquit, crinibus, aut auro, aut margaritis, uel ueste pretiosa. multę enim, auro, & margaritis adornatę, ornamenta mentis, & corporis perdiderunt. Hoc autem libidinis incitamentum, quod e uestium exquisito ornatu existere solet, alterum sequitur, quod est turpis obsceniq. sermonis. nam uerborū obscenitate, quasi face quadam subiecta, adolescentum accenduntur animi. Corrum-

punt



punt enim mores bonos colloquia mala, inquit Apostolus: hocque ipsum cū maxime efficiant deli- *1. Cor. 19*  
 catiores, & molliores cantus, ac saltationes, ab ijs  
 quoque diligenter cauendū est. quo in genere nume-  
 rantur item libri obscene & amatorie scripti: qui  
 ita uitandi sunt, ut imagines, quæ aliquam turpitu-  
 dinis speciem præferunt: cum ad turpes rerum il-  
 lecebras, inflammandosq. adoloscenscentum animos  
 uis in illis sit maxima. Sed Parochus in primis cu-  
 ret, ut, quæ de ijs a sacrosancto Tridentino Cōcilio *Conc. Trid.*  
 pie, religioseque cōstituta sunt, ea sanctissime seruē-  
 tur. Hęc uero omnia, quæ cōmemorata iam sunt,  
 si magno adhibito studio, curaq. uitentur, omnis fe-  
 re libidinis materia tollitur. sed ad illius uim oppri-  
 mendam maxime ualent frequens Confessionis, &  
 Eucharistię usus: tum assiduę, ac pię quidem ad  
 Deum preces, cum eleemosynis atque ieiunio con-  
 iunctę. Est enim castitas donum Dei, quod recte *1. Cor. 10*  
 petentibus non denegat, nec patitur nos tentari su-  
 pra id, quod possumus. Corpus autem non ieiunijs  
 modo, & ijs præsertim, quæ sancta Ecclesia insti-  
 tuit, sed uigilijs etiam, pijs peregrinationibus, atq.  
 alijs afflictationū generibus exercendum est, sen-  
 suumque appetitiones reprimendę: in his enim,  
 atque alijs eiusmodi rebus maxime cernitur tempe-  
 ratię uirtus: in quā sententiā ad Corinthios ita D.  
 Paulus scribit: Omnis, qui in agone contendit, ab *1. Cor. 9*  
 omnibus se abstinet: & illi quidē ut corruptibilem  
 coronā accipiāt, nos autē incorruptā. Et Paulo post,  
 Castigo, inquit, corpus meū, & in seruitutē redigo:  
 ne forte, cū alijs prædicauerim, ipse reprob<sup>9</sup> efficiar.  
 Et alio loco: Carnis curā ne feceritis in desiderijs. *Rom. 13*

NON

## N O N F U R T V M F A C I E S .

Rom. 13

Veterem hunc Ecclesiæ morem fuisse, ut huius præcepti uis, & ratio inculcaretur auditoribus, indicat illa apud Apostolum obiurgatio eorum, qui ceteros ab ijs uitijs maxime deterrerent, quibus ipsi cumulati reperiiebantur: Qui enim, inquit, aliū doces, te ipsū non doces? qui prædicas nō furandū, furaris? Quo doctrinæ bono nō solum frequens illorum temporum peccatum corrigebāt, sed etiam turbas, ac lites sedabant, aliasq. malorum causas, quæ furto commoueri solent. In ijs & delictis, & delictorum incommodis, atque calamitatibus cum nostra etiam hæc ætas misere uersetur, ad exemplum sanctorum Patrum, & Christianæ disciplinæ magistrorum, Parochi hunc urgebunt locum, & assidue, ac diligenter huius præcepti uim, ac sententiam explicabunt. Ac primum officium, & diligentiam suam coferent ad declarandū Dei infinitum amorem erga genus humanū: qui non modo illis duobus interdictis, Non occides, Non inæchaberis, quasi præsidijs, & uitam, corpusque nostrum, & famam, existimationemque tueatur; sed etiam hoc præcepto, Non furtum facies, tamquam custodia quadam externas res, ac facultates muniat, atque defendat. quam enim hæc uerba subiectam habent notionem, nisi eam, quam supra diximus, cum de alijs præceptis loqueremur? uetare uidelicet Deum, bona hæc nostra, quæ in eius tutela sint, a quoquam auferri, aut uiolari. quod diuinæ legis beneficium quo maius est, eo nos in ipsius beneficij auctorem Deum gratiores esse oportet.

ret. Et quoniam & habendę, & referendę gratiæ, nobis optima ratio proposita est, ut non tantū præcepta libenter auribus accipiamus, sed etiam re ipsa probemus; ad hoc colendum præcepti officiū fideles excitandi, & inflammandi sunt. Est autem hoc præceptum, quemadmodum superiora, diuisum in duas partes: quarum altera, quæ furtum uetat, aperte est annunciata; alterius sententia, & uis, qua iubemur benigni, & liberales esse in proximos, in priore occulta est, & inuoluta. de priore igitur prius dicetur, Non furtum facies. In quo illud animaduertendū est, furti nomine non id modo intelligi, cū occulte ab inuito domino aliquid aufertur, sed etiam, cum aliquid alienum contra uoluntatē scientis domini possidetur. nisi forte existimandum est, cum, qui furtum prohibeat, rapinas factas per uim, & iniuriā non improbare: cū extet illud Apostoli; Rapaces regnum Dei nō possidebunt. quorum omnem rationem, & consuetudinem fugiendā esse, idem scribit Apostolus. Quamquam uero maius peccatum rapinę sint, quam furtum; quę, præter rem, quam alicui adimunt, præterea uim afferunt, & maiorem imponunt ignominiam: mirandum tamen non est, quod leuiori hoc furti nomine notatum sit diuinę legis præceptum, non rapinę. id enim summa ratione factū est: quia furtum latius patet, & ad plura pertinet, quam rapinę; quas tantummodo illi facere possunt, qui potentia, & uiribus præstant. quamquam nemo non uidet, exclusis eiusdem generis leuioribus peccatis, grauiora etiā facinora prohiberi. Varijs autem nominibus notatur iniusta possessio, & usus re-  
rum

1. Cor. 6

1. Cor. 5

rum alienarum, ex uarietate eorum, quæ & inuitis, & inscijs dominis auferuntur. nam si priuatim quid priuato adimitur, furtum dicitur; si surripitur publico, peculatus appellatur. plagiatum uocant, si homo liber, uel seruus alienus in seruitutē abducitur. si uero sacra res eripitur, nominatur sacrilegiū: quod facinus maxime nefarium ac sceleratum adeo in mores inductum est, ut bona, quæ necessario & sacrorum cultui, & ecclesiæ ministris, & pauperum usui, pie, ac sapienter fuerant attributa, in priuatas cupiditates perniciosasque libidines conuertantur. Sed, præter ipsum furtum, idest externam actionem, furandi etiam animus, & uoluntas, Dei lege prohibetur: est enim spiritualis lex, quæ animum, fontem cogitationum & consiliorū, inspicit. De corde enim, inquit Domi-

*Matth. 15* nus apud S. Matthæum, exeunt cogitationes malæ; homicidia, adulteria, fornicationes, furta, falsa testimonia. Sed quam graue scelus furtum sit, ipsa naturæ uis, & ratio satis ostendit: est enim iustitiæ contrarium, quæ suum cuique tribuit. Nam bonorum distributiones, & assignationes, iam inde ab initio iure gentium cōstitutas, diuinis etiam & humanis legibus confirmatas, ratas esse oportet; ut unusquisque, nisi humanam societatem tollere uelimus, ea teneat, quæ ei iure obrigerunt.

*1. Cor. 6* nam, ut Apostolus ait, Neque fures, neque auari, neque ebriosi, neque maledici, neque rapaces regnum Dei possidebunt. Et si huius sceleris importunitatem, & immanitatem permulta declarant, quæ furtum consequuntur. Fiunt enim iudicia temere, & inconsulto, multa de multis: erumpunt odia:



odia: suscipiuntur inimicitiae: existunt interdum acerbissimae innocentium hominum damnationes.

Quid dicemus de ea necessitate, quae diuinitus impolita est omnibus, satisfaciendi ei; cui aliquid adoptum sit? Non enim, inquit Augustinus, remitti-

D. August.

tur peccatum, nisi restituatur ablatum: quae restitutio, cum quis affluerit ex alienis locupletari, quantum habeat difficultatem, praeter id, quod unusquisque & ex aliorum consuetudine, & de suo sensu iudicare potest, ex testimonio Habacuc prophetae licet intelligere. ait enim: Vae ei, qui multiplicat non sua uiquequo, & aggrauat contra se densum lutum. Lutum appellat densum, rerum alienarum possessionem, unde emergere, & expedire se homines difficile possint. Furtorum autem tam multa sunt genera, ut ea dinumerare sit difficillimum. quare de his duobus, furto, & rapinis, dixisse satis erit, ad quae tamquam ad caput reliqua, quae dicemus, referuntur. Ad ea igitur detestanda, & ad fidelem populum a scelesto facinore deterrendum, conferent omnem curam, ac diligentiam Parochi.

Habac. 2

Verum huius generis partes persequamur. Sunt igitur fures etiam, qui furto sublatas res emunt, uel aliquo modo inuertas, occupatas, aut ademptas retinent. ait enim S. Augustinus: Si inuenisti, & non reddidisti, rapuisti. Quod si rerum dominus nulla ratione inueniri potest, illa sunt bona in usus pauperum conferenda: quae ut restituat, qui adduci non potest, ea re facile probat se undique ablaturum omnia, si possit. Eodem se alligant scelere, qui in emendis, uendendisq. rebus fraudes adhibent, & uanitate orationis horum fraudes uindicabit Dominus.

De uarijs  
furtorum  
generibus.

S. August.

Grauior-

Grauiiores, & iniquiores in hoc furtorum genere sunt ij, qui fallaces, & corruptas merces uendunt pro ueris, & integris; quiue pondere, mensura, numero, ac regula decipiunt emptores: est enim in

*Deuter. 25*

*Leuit. 19*

Deuteronomio: Nō habebis in sacco diuersa pōdera. & in Leuitico: Nolite facere iniquum aliquid in iudicio, in regula, in pondere, in mensura: statera iusta, & æqua sint pondera: iustus modus, æquusque sextarius. Est & alio loco; Abominatio

*Prover. 20*

est apud Dominum pondus, & pondus, statera dolosa non est bona. Furtum etiam apertum est operariorum, & artificum, qui totam & integram mercedem exigunt ab ijs, quibus ipsi iustam, ac debitam operam non dederunt. Nec uero distinguuntur a furibus serui dominorum, rerumque custodes infidi; quin etiam eo sunt detestabiliore, quā reliqui fures, qui clauibus excluduntur, quod furaci seruo nihil domi obsignatū, aut occlusum esse potest. Furtum præterea facere uidentur, qui fictis, simulatisque uerbis, quiue fallaci mēdicitate pecuniam extorquent: quorum eo grauius est peccatum, quod furtum mendacio cumulant. Illi quoque in furum numero reponendi sunt, qui cum ad priuatum aliquod, uel publicum officium cōducti sunt, nullam uel paruā operam nauantes munus negligunt, mercede tantum, ac pretio fruuntur. Reliquā furtorum multitudinem, a solerti auaritia, quę omnes pecunie uias nouit, excogitatam, persequi lōgum est, & ut diximus, difficillimum. itaq. de rapinis, quod est alterum horum scelerum caput, dicēdum uidetur, si prius monuerit Parochus Christianū populum, ut meminerit illius Apostoli sententię: Qui uolunt

diui.

*1. Tim. 6*

diuites fieri, incidunt in tentationem, & laqueum diaboli. Nec ullo sibi loco patiat excidere præceptum hoc: *Quæcumque uultis ut faciant uobis homines, & uos facite illis. Et illud cogitet perpetuo: Tob. 4* Quod ab alio oderis fieri tibi, uide ne tu aliquando alteri facias. Rapinæ igitur patent latius. nam *Luc 6* qui debitam operarijs mercedem non persoluunt, sunt rapaces: quos S. Iacobus ad pænitentiam inuitat illis uerbis; Agite nunc diuites: plorate ululantes in miserijs uestris, quæ aduenient uobis. cuius pænitiæ causam subiungit: Ecce enim merces operariorum, qui messuerunt regiones uestras, quæ fraudata est a uobis, clamat: & clamor eorum in aures domini sabahot introiuit. quod genus rapinarum in Leuitico, in Deuteronomio, *Leuit. 19* apud Malachiam, & apud Tobiam uehementer *Deuter. 24* improbatur. In hoc crimine rapacitatis includuntur, qui, quæ Ecclesiæ præsidibus, & magistratibus debentur, uectigalia, tributa, decimas, & reliqua huius generis non dissoluunt, uel interuertunt, & ad se transferunt. Huc etiam referuntur feneratorum in rapinis accerrimi, & acerbissimi, qui miseram plebem compilant, ac trucidant usuris. Est autem usura, quidquid præter sortem, & caput illud, quod datum est, accipitur, siue pecunia sit, siue quiduis aliud, quod emi, aut æstimari possit pecunia. sic enim apud Ezechielem scriptum est: Usuram, & superabundantiam non acciperis. & Dominus apud Lucam, Mutuum date, *Ezech. 18* nihil inde sperantes. Grauißimum semper fuit hoc facinus, etiam apud gentes, & maxime odiosum. hinc illud, Quid fenerari? Quid hominem, inquit, occi-

occidere? Nam qui fenerantur, bis idem uendunt, aut id uendunt, quod non est. Item rapinas faciunt nummarij iudices, qui uenalia habent iudicia, & pretio muneribusque deliniti, optimas tenuiorum & egentium causas euertunt. Fraudatores creditorum, & inficiatores, quiq. sumpto temporis spatio ad soluendum, sua, uel aliena fide merces emunt, neque fidē liberant, damnabuntur eodem crimine rapinarum: quorum etiam delictum grauius est, quod mercatores, illorū destitutionis, ac fraudationis occasione, magno detrimento ciuitatis uendūt omnia carius. in quos illa Dauidis sentētia uidetur conuenire; Mutuabitur peccator, & non soluet. Quid de locupletibus dicemus ijs, qui ab illis, qui soluendo non sunt, quod cōmodarunt, exigūt acerbius, & pignora etiam ea auferūt contra Dei interdictum, quæ ad eorū corpus tuendum sunt necessaria? Deus enim inquit: Si pignus a proximo tuo acceperis uestimentum, ante solis occasum reddas ei: ipsum enim est solum, quo operitur indumentum carnis eius, nec habet aliud, in quo dormiat: si clamauerit ad me, exaudiam eum, quia misericors sum. Horum exactionis acerbitem, iure rapacitatem, atque adeo rapinas appellabimus. Ex numero eorum, qui raptore dicuntur a sanctis Patribus, sunt, qui in frugum inopia comprimunt frumentum, faciuntque ut sua culpa carior, ac durior sit annona: quod etiam ualet in rebus omnibus ad uitum, & ad uitam necessarijs: ad quos illa Salomonis pertinet execratio: Qui abscondit frumenta, maledicetur in populis. Quos, suorum scelerum admonitos, Parochi liberius accusabunt, ac propositas

*Psal. 36*

*Exod. 22*

*Prou. 11*



positas illis peccatis pœnas explicabunt uberius. Hæc de uetitis: nunc ad iussa ueniamus: in quibus satisfactio, uel restitutio primum locum habet. peccatum enim non remittitur, nisi restituatur ablatum. sed quoniam non is solum, qui furtum fecit, ei, cui furatus est, id debet restituere, sed omnes præterea, qui furti participes fuerunt, hac lege restitutionis tenentur; aperiendum est, qui sint illi, qui hanc satisfaciendi, uel restituendi necessitatem effugere nō possint. Sunt autem plura hominum genera: ac primum est eorum, qui furari imperant: qui non modo sunt ipsi furtorum socij, & auctores, sed etiā in illo furum genere deterrimi. Alterum genus par uoluntate primis, potestate dispar, in eodem tamen furum gradu ponendum, eorum, qui cum iubere non possint, suasores sunt, atque impulsores furtorum. Tertiū genus est eorum, qui cum furibus consentiunt. Quartum genus est eorum, qui participes furtorum, inde lucrū ipsi etiam faciunt: si lucrum dicendum est, quod, nisi resipuerint, eos addicit æternis cruciatibus: de quibus sic loquitur Dauid: Si uidebas furem, cur- *Psal. 49* rebas cum eo. Quintum genus est furum; qui cū furta possint prohibere, tātum abest, ut illis occurrant, & obsistant, ut eorum licentiam permittant, atque concedant. Sextum genus est eorum, qui cū, & furtum factum, & ubi factū sit, certo sciant, non indicant rem, sed eam se scire dissimulant. Postremum genus est, quod omnes complectitur furtorū adiutores, custodes, patronos, quique illis receptaculum præbent, ac domicilium; qui omnes & satisfacere debent ijs, quibus aliquid detractū est, &

ad illud necessarium officium uehementer cohortandi sunt. Ne huius quidem sceleris omnino sunt expertes, approbatores furtorum, & laudatores. Nec uero etiam ab eadem culpa sunt alieni filij familias, & uxores, qui pecunias a patribus, & uiris furripiunt. Iam uero huic præcepto illa subiecta sententia est, ut pauperum, & inopum misereamur, eorumq; difficultates, & angustias nostris facultatibus, & officijs subleuemus. quod argumentum quia sepiissime, & copiosissime tractandum est, pertinet ea Parochi ex uirorum sanctissimorum, Cypriani, Ioannis Chrysostomi, Gregorij Nazanzeni, & aliorum libris, qui de eleemosyna præclare scripserunt, quibus huic muneri satisfaciant. Sunt enim inflammandi fideles ad studium, & alacritatem opitulandi ijs, quibus aliena misericordia uiuendum est. Sunt uero etiã docendi, quantam habeat necessitatem eleemosyna, ut uidelicet re, & opera nostra in egentes simus liberales, uerissimo illo argumento, quod summo iudicii die detestaturus sit eos Deus, & sempiternis ignibus addicturus, qui eleemosynę officia prætermiserint, ac neglexerint; illos autem collaudatos in patriam celestem introducturus, qui benigne fecerint indigentibus. est utraq; Christi domini ore pronunciata sententia: Venite benedicti patris mei, possidete paratum uobis regnum. &, Discedite a me maledicti in ignem eternum. Utentur præterea sacerdotes accommodatis illis ad persuadendum locis; Date, & dabitur uobis. Proferent Dei promissum, quo nihil uberius, nihil magnificentius ne cogitari quidem potest. Nemo est, qui reliquerit &c. qui non accipiet cen-

De operibus misericordie per eleemosynas in pauperes.

Cyprianus  
Io. Chrysost. Greg.  
Nazan.

Matth. 9.

Luc. 6

Marc. 90

ties tantum nunc in tempore hoc, & in sæculo futuro uitam æternam. Adijcient illud, quod a Christo domino dictum est; Facite uobis amicos de m<sup>a</sup> Luc. 16  
 mona iniquitatis: ut, cum defeceritis, recipiant uos in æterna tabernacula. Huius uero necessarij muneris partes exponent, ut qui largiri non possunt egentibus, quo uitam sustentent, saltem commodent pauperi, iuxta Christi domini præscriptum: Mutuum date, nihil inde sperantes. Atque huius rei felicitatem beatus David expresit: Iucundus Luc 6  
 homo, qui miseretur, & commodat. Est autem Psal. 111  
 Christiane pietatis, nisi sit aliunde facultas bene merendi de ijs, quibus ad uictum aliena misericordia opus est, uitandi etiam otij causa, labore, opera, ac manibus ea querere, quibus inopum indigentia leuare possint: ad id omnes suo exemplo hortatur in epistola ad Thessalonicenses Apostolus illis uerbis: Ipsi enim scitis, quemadmodum oporteat imitari nos. Item ad eisdem: Operam detis, ut quieti 1. Thess. 3  
 sitis, & ut uestrum negotium agatis, & operemini 1. Thess. 4  
 manibus uestris, sicut præcepimus uobis. Et ad Ephesios, Qui furabatur, iam non furetur: magis Ad Eph. 4  
 autem laboret operando manibus, quod bonum est, ut habeat unde tribuat necessitatem patienti. Est etiam frugalitati consulendum, parcendumque bonis alienis, ne ceteris graues, aut molesti simus. quæ temperantia sane quam elucet in omnibus apostolis, sed maxime eminet in D. Paulo; cuius illud 1. Thess. 2  
 est ad Thessalonicenses: Memores estis, fratres, laboris nostri, & fatigationis: nocte, & die operantes, ne quem uestrum grauaremus, prædicauimus in uobis euangelium Dei. Atque idem alio lo

2. *Thes.* 3 co Apostolus; In labore, & fatigatione nocte, & die operantes, ne quem uestrum grauaremus. Sed ut ab uniuerso hoc genere nefariorum facinorum abhorreat fidelis populus, Parochis a prophetis petere & a reliquis diuinis libris sumere par erit detestationem furtorum, & rapinarum, & horribiles minas a Deo propositas eis, qui illa scelera committunt. Clamat Amos propheta: Audite hoc, qui commiseritis pauperem, & deficere facitis egenos terræ, dicentes, quando transibit mensis, & uenundabimus merces, & sabbathum, & aperiemus frumentum, ut imminuamus mensuram, & augeamus siclum, & supponamus stateras dolosas? Sunt in eadem sententia multa apud Hieremiā, in Prouerbis, & apud Ecclesiasticū. Nec uero dubitandum est, quin hæc malorum semina, quibus malis opprimatur hæc ætas, magna ex parte in his inclusa sint causis. Verum ut assuescāt Christiani homines prosequi omni liberalitatis, ac benignitatis officio egentes, & mendicos, quod ad alterā huius præcepti partem pertinet, proferent Parochi maxima præmia, quæ beneficis, & largis, & in hac, & in altera uita daturū se Deus pollicetur. Sed quia non desunt, qui etiā se in furtis excusent, admonēdi sūt, fore: ut nullam eorum peccati excusationē accipiat Deus; immo uero futurū, ut illa purgatione nō modo nō leuetur peccatū, sed mirum in modū augeatur. Ecce, nobilium hominum non ferendę delicie, qui culpā extenuare sibi uidētur, si se affirmarint, nō cupiditate, aut auaritia ad detrahendū alteri sua descendere, sed tuendę causa amplitudinis familię, & maiorum suorum, quorum existimatio, ac dignitas rue-

ret,



ret, nisi rerum alienarum accessione fulciretur. Quibus perniciosus error eripiendus est: simulque demonstrandum, unam esse rationem conseruandi, & amplificandi copias, & opes, maiorumque gloriam, si Dei uoluntati paruerint, si eius precepta seruarint, quibus contemptis, fundatae, & optime constitutae opes euertuntur; reges ex regio solio, & summo gradu honoris precipites exturbantur; in quorum locum infimi interdum homines, & qui summo in odio illis fuerunt, diuinitus uocantur. Incredibile est, quantopere his succedat Deus, cuius rei testis est Isaias, apud quem sunt illa Dei *Isa. 1* uerba: Principes tui, infideles, socij furum: omnes diligunt munera, sequuntur retributiones. propter hoc ait dominus Deus exercituum fortis Israel; Eheu consolabor super hostibus meis, & uindictabor de inimicis meis, & conuertam manum meam ad te, & excoquam ad purum scoriam tuam. Non desunt, qui non iam illam afferant causam splendoris, & gloriae, sed uictus, & uitae commodiorem facultatem, & elegantiam. qui refellendi sunt, docendi. quam impia sit eorum & actio, & oratio, qui ullam commoditatem anteferant Dei uoluntati, & gloriae; quam, negligendo eius precepta, offendimus mirandum in modum. etsi quae potest esse in furto commoditas, quod summa incommoda consequantur? Super furem enim, inquit Ecclesiasticus, est confusio, & poenitentia. Sed fac *Eccle. 9* esse, ut cum illis non agatur incommode: dedecorat fur diuinum nomen: repugnat eius sanctissimae uoluntati: salutaria ipsius precepta continent. quo ex fonte omnis error, omnis improbitas, omnis fluit im-

pietas. Quid, quod audire licet interdū fures, qui  
 nihil se eo peccare contendant, quod detrahāt ali-  
 quid locupletibus, & copiosis hominibus, qui ea de  
 tractione nihil dāni faciant, ne sentiant quidē? mi-  
 sera sane, & pestifera defensio. Putat alius satisfa-  
 ctionem suā accipi debere, quod eam furandi con-  
 suetudinē cepit, ut non facile possit ab illa mente,  
 & actione desistere: qui nisi audierit Apostolum di-  
 centem; Qui furabatur, iam non furetur; uelit, no-  
 lit, etiam consuetudinem capiet eternorum suppli-  
 ciorum. Nonnulli sunt, qui excusant se, occasione  
 data, alteri aliquid ademisse. est enim illud tritum  
 sermone prouerbiū; Fures, qui non sint, fieri oc-  
 casione. qui hac ratione sunt de nefaria sententia  
 deducendi, resistendum esse prauis cupiditatibus.  
 Nam si continuo est re perficiendum id, quod libi-  
 do persuaferit; quis modus, quis finis erit scelerū,  
 ac flagitiorum? Turpissima igitur est illa defensio,  
 uel summæ potius intemperantiæ, & iniustitiæ cō-  
 fessio. Nā qui dicit, se non ideo peccare, quia nul-  
 lam habet peccandi occasionem; idem propemo-  
 dum fatetur, se semper, oblata occasione, peccatu-  
 rum. Sunt, qui furari se dicāt ulciscēdi causa, quod  
 ab alijs eadem iniuria sint affecti. quibus ita respō-  
 dendum est: primum nemini licere iniurias perse-  
 qui: deinde non posse quemquam rei suæ iudicem  
 esse: tum multo minus concedi, ut poenas ab alijs  
 repetāt eorum, quæ alij in eum peccauerunt. Po-  
 stremo, quidam furtum satis illa ratione defensum  
 rectumque arbitrantur, quod, cum sint ære alieno  
 oppressi, aliter eo liberari nō possint, nisi illud fur-  
 to dissoluant. quibus cum ita agendum est, nullum  
 esse

esse grauius æs alienum, & quo magis prematur humanum genus, quam debitum illud, cuius in diuina precatone quotidie meminimus; Dimitte nobis debita nostra; quare illud insanissimi hominis esse, plus uelle Deo debere, idest plus peccare, ut, quod debet hominibus, dissoluatur; multoq. prestare, conijci in carcerem, quam mandari supplicijs inferorum sempiternis: longe etiam esse grauius, Dei, quam hominum iudicio condemnari: porro autem supplices ipsos ad Dei opem, ac pietatē cōfugere debere, a quo, quid opus sit, possint impetrare. Sunt alia excusationum genera: quibus Parochi prudentes, ac sui officii diligentissimi, facile poterunt occurrere, ut aliquando habeant populū sectatorem bonorum operum.

### NON LOQVERIS CONTRA PROXIMVM TVVM FALSVM TESTIMONIVM.

Quantam non modo utilitatem, sed etiam necessitatem habeat assidua huius & præcepti explicatio, & officii admonitio, nos D. Iacobi monet *Iacobi 3* auctoritas, illis verbis: Si quis in uerbo non offendit, hic perfectus est uir. & idem: Lingua modicum quidem membrum est, & magna exaltat; ecce quantus ignis quam magnam siluam incendit. & quæ sequuntur in eandem sententiam: Quibus duo monemur, primum latisime patere hoc linguæ uitium, quod etiam illa Prophetæ sententiâ *Psal. 115* confirmatur; Omnis homo mendax: ut prope modum sit vnum hoc peccatum, quod ad omnes homines pertinere videatur. Alterum, in-

de proficisci mala innumerabilia, cum sæpe, maledici hominis culpa, facultates, fama, uita, animæ salus amittatur, uel eius, qui læditur, quod contumelias patienter ferre nõ possit, sed eas impotenti animo persequatur; uel eius qui lædit, quod prauo pudore, & falsa cuiusdam existimationis opinione deterritus, adduci non possit, ut illi, qui offensus sit, satisfaciat. Quare hoc loco monendi fideles erunt, ut quantas possunt maximas Deo gratias agant de hoc salutari præcepto non dicendi falsi testimonij; quo non solum ipsi alijs iniuriam facere uetamur, sed etiam hac obedientia ab aliorum iniuria prohibemur. Verum hoc præcepto eadem ratione, & uia progrediendum est, qua in ceteris progressi sumus, ut uidelicet animaduertantur in eo duæ leges; altera prohibens, ne falsum dicatur testimonium; iubens altera, ut, simulatione, fallacijsque sublatis, dicta, & facta nostra simplici ueritate metiamur. Cuius officij Apostolus Ephesios illis uerbis admonuit: Veritatem facientes in charitate, crescamus in illo per omnia. Sed prior huius præcepti pars habet hanc rationem, ut, quamuis nomine falsi testimonij significetur quidquid in bonam, uel in malam partem de altero constanter dicatur, siue in iudicio, siue extra iudicium, tamen præcipue prohibeatur illud testimonium, quod in iudicio, falso dicitur a iurato. iurat enim per Deum testis; quod ita testificantis, & diuinum nomen interponentis oratio plurimum fidei habet, & pōderis. itaque, quia periculosum est hoc testimonium, idcirco præcipue prohibetur; iuratos enim testes,

nisi



nisi exceptionibus legitimis excludantur, aut eorum sit aperta improbitas, atque peruersitas, ne *Deut. 19*  
iudex quidem ipse potest reijcere, præsertim cum  
extet iussu diuinæ legis, ut in ore duorum, uel *Matth. 18*  
 trium stet omne uerbum. Sed ut præceptum fideles plane intelligant, docendi erunt, quid significet hoc, PROXIMI, uocabulum, in quem falsum testimonium dicere minime licet. Est autē proximus, ut ex Christi domini doctrina colligitur, quicūque *Luc. 10*  
 eget opera nostra, siue ille propinquus sit, siue alienus, siue ciuis, siue aduena, siue amicus, siue inimicus. nefas enim est existimare, contra hostes licere falsū aliquid dicere pro testimonio, quos iussu Dei, ac Domini nostri diligere oporteat. quin etiā, quia sibi quisque quadam ratione proximus est, ne mini fas est in se falsum testimonium dicere: quod qui committant, sibi ipsi notam inurentes ignominie, ac turpitudinis, & se ipsos, & Ecclesiam lædunt, cuius sunt mēbra: quo modo etiam, qui sibi mortem consciscunt, nocent ciuitati: ita enim est apud sanctum Augustinum; Nec recte intelligentibus poterat uideri, non esse prohibitum, ut aduersus se ipsum quisquā falsus testis assisteret, eo quod in præcepto additum fuit, Contra proximum tuū. Sed non ideo, si aduersus se ipsum quisque falsum testimonium dixerit, ab hoc crimine se putet alienum; quando regulam diligendi proximi, a semetipso dilector accepit. Verum, quia prohibemur proximum lædere falso testimonio, nemo propterea contrarium permitti nobis arbitretur, ut peiorando liceat conciliare ei, qui nobiscum natura, ac religione cōiunctus sit, aliquid utilitatis, aut commodi.

S. August.

modi. Nemini enim mendacio, & vanitate, multo minus periurio studendum est. Quare sanctus

*S. August.* Augustinus de mendacio ad Crescentium docet ex Apostoli sententia, mendacium in falsis testimoniis numerandum esse, etiam si in cuiusquam falsa laude dicatur. Nam locum illum tractans, Inuenimur autem & falsi testes Dei, si testimonium diximus aduersus Deum, quod suscitauerit Christum, quem non suscitauit, si mortui non resurgunt. Falsum, inquit, testimonium uocat Apostolus, si quis de Christo, & quod ad eius laudem uidetur pertinere, mentiatur, Sapisime vero etiam contingit, ut, qui alteri fauet, obsit alteri: certe errandi causa affertur iudici, qui interdum falsis testibus adductus, contra ius secundum iniuriam statuit, & iudicare cogitur. Nonnumquam etiam fit, ut, qui ob falsum alicuius testimoniū causam iudicio uicerit, idque impune tulerit, exultans iniqua uictoria, assuescat corrumpere, & adhibere falsos testes, quorum opera sperat se posse ad id, quodcumque concupierit, peruenire. Est vero id & ipsi testi grauissimum, qui & ab eo, quem iureiurando subleuauerit, & adiuuerit, falsus, & periurus agnoscitur: & ipse, quod ei e sententia succedit scelus, quotidie maiorem exercitationem, & consuetudinem capit impietatis, & audaciæ. Ut igitur testium vanitas mendacia, & periuria prohibentur; sic & accusatorum, & reorum, & patronorum, cognitorum, & procuratorum, aduocatorum, & omnium denique, qui iudicia constituunt. Postremo uetat Deus omne testimonium non modo in iudicio, sed etiā extra iudicium, quod alteri incommodum, aut detrimentum

mentum possit afferre. Est enim in Leuit. quo loco hæc præcepta iterantur, his uerbis: Non facietis *Leuit 19* furtum, non mentiemini, nec decipiet unusquisq; proximum suum. ut nemini dubium esse possit, quin a Deo omne mendacium hoc præcepto eiectum condemnnetur. quod apertissime testatur Da *Psal. 3* uid in hunc modum: Perdes omnes, qui loquuntur mendacium.

Prohibetur autem hoc præcepto non modo falsum testimonium, sed detestabilis etiam libido, & *Detrahtio -* consuetudo detrahendi alteri: qua ex peste, incredi *nis vitium* bile est, quam multa, & quam graua & incom- *quam detestabile.* moda, & mala nascantur. Hoc uitium maledice, & cōtumeliose dicendi occulte in alterum, passim improbāt diuinæ litterę. Cum hoc, inquit Dauid, non edebam. & S. Iacobus: Nolite detrahere alterutrum, fratres mei. Nec uero præcepta solum sacra litteræ, sed etiam exempla suppeditant, quibus sceleris magnitudo declaratur. nam & Aman, confictis criminibus, adeo incēdit in Iudæos Assue *Esther 13* rum; ut is omnes eius gentis homines imperarit occidi. Referta est huiusmodi exemplis sacra historia: quorum commemoratione, sacerdotes operā dabunt, ut fideles a rei improbitate deterreant. Ut autem peccati huius vis, quo de altero detrahitur, omnino perspiciatur; sciendum est, non tantum adhibenda calumnia offendi hominum existimationem, sed & augendis, amplificandisque criminibus: & si quid occultius ab aliquo commissū sit, quod ubi rescitum fuerit, graue, aut turpe sit ad famam, eā rem qui, ubi, quando, quibus non necesse sit, peruulgarit, is obtrectator, & maledicus iure dicitur.

dicitur . Verum totius obrectationis nulla capitā-  
 lior est, quam eorum qui catholicæ doctrinæ eiusq.  
 prædicātoribus obrectant . In simili culpa sunt,  
 qui malarum doctrinarum, & errorum magistros  
 extollunt laudibus. Nec uero ab horum hominum  
 numero, & culpa seiunguntur, qui detrahentibus,  
 & maledicentibus hominibus patefacientes aures,  
 non reprehendunt obrectatores, sed illis libenter  
 assentiuntur . Detrahere enim, uel detrahentem au-  
 dire, scribunt sancti Hieronymus, & Bernar-  
 dus, utrum damabilius sit, non facile constat. non  
 enim essent, qui detraherent, si non adessent, qui  
 detrahentes audirent . In eodem genere sunt, qui  
 suis artificijs distrahunt homines, & inter se cōmit-  
 tunt, magnopereq. ferendis discordijs delectantur;  
 ut sūmas coniunctiones, ac societates fictis sermo-  
 nibus dirimētes, amicissimos uiros ad immortales  
 inimicitias, & ad arma compellant. Hanc pestem  
 sic detestatur Dominus : Non eris criminātor, ne-  
 que susurro in populo. Tales erāt multi ex cōsilia-  
 rijs Saulis, qui eius uoluntatem a Dauide alienare,  
 & in illum regem incitare conabantur . Peccant  
 denique in hāc partem blandi homines, & assenta-  
 tores, qui blanditijs, & simulatis laudibus influunt  
 in aures, & in animos eorum, quorum gratiam,  
 pecuniam, & honores aucupantur, dicentes, ut  
 est apud Prophetam, Malum bonum, & bonum  
 malum . quos ut arceamus, & pellamus a consue-  
 tudine nostra, monuit nos Dauid illa oratione: Cor  
 ripiet me iustus in misericordia, & increpabit me;  
 oleum autem peccatoris nō impinguet caput me-  
 um . Quamquā enim isti proximo minime maledi-  
 cunt,

*S. Hieron.*

*& Bern.*

*Leuit. 19*

*Isa. 9*

*Psal. 140*



dicunt, tamen ei maxime nocent, qui, uel laudandis eius peccatis, afferunt ipsi causam perseuerandi in uitijs, quamdiu uixerit. Et quidem in hoc genere illa est assentatio deterior, quæ ad proximi calamitatem, & perniciem adhibetur. sic Saul, cum Dauidem furori, & ferro Philisthæorum obijcere cuperet, ut occideretur, ei blandiebatur illis uerbis. Ecce filia mea maior Merob: ipsam dabo tibi 1. Reg. 18  
 uxorem: tantummodo esto uir fortis, & præliare bella Domini. Sic Iudei insidiosa oratione Christum Math. 22  
 dominum sunt affati: Magister, scimus, quia uerax es, & uiam Dei in ueritate doces. Longe autem perniciosior oratio est amicorum, affinium, & cognatorum, qua ad eos interdum uruntur assentatorie, qui mortifero morbo affecti, iam sint extremo spiritu; dū affirmant nullum esse tum ei a morte periculum, dum latum, & hilarem esse iubent, eumque a peccatorum confessione, tamquam a tristissima cogitatione, deterrent; dum denique eius animum auertunt ab omni cura, & meditatione extremorum periculorum, in quibus maxime uersatur. Quare fugiendum est omne mendaciorum genus, sed illud in primis, quo graui damno quiscumque affici possit. Plenissimum uero impietatis est mendacium, cum quis in religionem, uel de religione mentitur. Sed illis etiam maledictis, & probris grauius offenditur Deus, quæ committuntur libellis, quos famosos uocant, & alijs huius generis contumelijs. Præterea ioco, uel officij causa fallere mendacio, ut si nemo in illo uel damnum, uel lucrum fecerit, tamen omnino indignum est, ita enim nos Apostolus admonet: Deponentes mendacium, loqui- Ad Eph. 4  
 mini

mini ueritatem. Nam in eo est ad frequens, grauiusque mendacium magna procliuuitas; & ex iocosis mendacijs capiunt homines mētiendi consuetudinem; unde ueniunt in opinionem, nō esse ueraces. quamobrem, ut fidem faciat eorum oratio, necesse habēt iurare perpetuo. Postremo, priore parte huius præcepti simulatio repudiatur: nec modo quæ simulate dicuntur, sed quæ ita fiunt, cum scelere coniuncta sunt. tam enim uerba, quam facta, notæ, ac signa quædam sunt eorum, quæ sunt in animo cuiusque, ob eamq. causam Dominus sepe phariseos arguens, hypocritas appellat. Et hæc de priore præcepti lege, quæ ad uetandum spectat.

*De iniustitia  
unicuiq. in  
uolabiliter  
ministrada.*

*Rom. 14*

*Act. 7*

*Act. 16*

*Deuter. 1*

Nunc explicemus, quid in altera iubeat Dominus. Pertinet autem hæc præcepti uis, & ratio ad id, ut iuste, & ex legibus forensia iudicia exercentur, neue occupent homines, & usurpent iudicia. Non enim fas esse alienum seruum iudicare, scribit Apostolus: ne, re, & causa incognita, sententiam ferant. quo in uitio fuit sacerdotum, & scribarum consilium, qui de sancto Stephano iudicarunt. quod item peccatum fuit magistratus Philippensium, de quibus inquit Apostolus; Cæsos nos publice indemnatos, homines Romanos, miserunt in carcerem, & nunc occulte nos eijciunt. Ne condemnent innocentes, aut nocentes absoluant; ne pretio, aut gratia, ne odio, aut amore moueantur. Sic enim Moses seniores admonet, quos populi iudices constituerat: Quod iustum est, iudicate, siue ciuis sit ille, siue peregrinus: nulla erit distantia personarum: ita paruum audietis, ut magnum: nec accipietis cuiusquam personam, quia Dei iudicium

cium est. De reis autem, & fontibus, uult eos Deus uerum confiteri: cum ex iudicij formula interrogantur. est enim testimonium, ac prædicatio quædam, illa confessio laudis, & gloriæ Dei ex ipsius Iosue sententia, qui Achan ad ueri confessionem adhortatus inquit: Filij mi da gloriã domino *Ios. 7*  
Deo Israel. Sed quoniam hoc præceptum testes potissimum attingit, de his etiam a Parocho diligenter agendum erit. nam præcepti uis ea est, ut non solum prohibeat falsum testimonium, sed uerum etiam dici imperet. Est enim in humanis rebus maximus usus ueri testimonij, quod sunt innumerabiles res, quas a nobis ignorari necesse sit, nisi eas ex testium fide cognoscamus. Quare nihil tam necessarium est, quam testimoniorum ueritas in ijs rebus, quas nec ipsi scimus, neque tamen licet ignorare. De quo extat illa sancti Augustini sententia: *S. August.*  
Qui ueritatem occultat, & qui prodit mendacium, uterque reus est; ille, quia prodesse non uult; hic, quia nocere desiderat. Licet uero interdum uerum tacere, sed extra iudicium. nam in iudicio, ubi testis legitime interrogatur a iudice, uera omnino patefacienda sunt. Quo loco cauendum tamen est testibus, ne suæ memoriæ nimium confisi, quod exploratum non habent, id pro certo affirmant. Reliqui sunt patroni caularum, & aduocati, actores deinceps, & petitores. Illi igitur opera, ac patrocinio suo non deerunt necessarijs hominum temporibus, & egentibus benigne subuenient: tum iniustas causas defendendas non suscipient, neque calumnia lites protrahent, nec alent auaritia. Quod ad mercedem  
attinet

attinet laboris, & operæ suæ, illa iure, & æquo metiantur. Petitores vero, & accusatores monendi sunt, ne cuiquam, amore, aut odio aut cupiditate aliqua adducti, periculū iniquis criminationibus creent. Iussum hoc denique diuinitus descriptum est pijs omnibus, ut in congressibus, & colloquijs uere semper, & ex animo loquantur; nihil dicant quod alterius existimationi possit officere, ne de illis quidem, a quibus lædi se, & exagitari intelligūt, cum illud propositum habere debeant, sibi cum illis eam necessitudinem, & societatem intercedere, ut membra sint eiusdem corporis. Ut autem libentius hoc mendacij uitium caueāt fideles, proponet eis Parochus summam huius sceleris miseriam, ac turpitudinem. Nam in sacris litteris, mendacij pater dæmon dicitur. quod enim dæmon in ueritate non stetit, mendax est, & mendacij parens. Adiūget ad eiiciendum tantum flagitium ea mala, quæ mendacium consequuntur: & quoniam sunt innumerabilia, fontes, & capita incommodorum, & calamitatum monstrabit: ac primum, in quantum cadat Dei offensionem, quantumue eius odiū incurrat homo uanus, & mendax, Salomonis autoritate declarabit eo loco; Sex sunt, quæ odit Dominus, & septimum detestatur anima eius, oculos sublimes, linguam mendacem, manus effundentes innoxium sanguinem, cor machinans cogitationes pessimas, pedes ueloces ad currendum in malum, proferentem mendacia, testem fallacem: & quæ sequuntur. Quis igitur ei præstet incolumitatem, qui in insigni odio sit apud Deum, quo minus grauisimis afficiatur supplicijs? Deinde quid impu-

Ierem. 3

Preter. 6



impurius, aut scœdius, ut sanctus inquit Iacobus, *Iacobi 3*  
quam in eadem lingua, qua benedicimus Deum,  
& Patrem, maledicere homines, qui ad imagi-  
nem, & similitudinem Dei facti sunt, ita ut fons  
de eodem foramine emanet dulcem, & amaram  
aquam? Quæ enim lingua prius laudem, & glo-  
riam Deo tribuebat, postea, quantum in ea est,  
cum ignominia afficit, ac dedecore, mentiendo.  
quare fit, ut a cœlestis beatitudinis possessione men-  
daces excludantur. Cum enim in hunc modum quæ-  
reret a Deo David; Domine quis habitabit in ta- *Psal. 14*  
bernaculo tuo? respondit spiritus sanctus; Qui lo-  
quitur ueritatem in corde suo, qui non egit dolum  
in lingua sua. Maximum uero etiam illud in men-  
dacio incommodum est, quod fere est insanabilis is  
animi morbus. Cum enim peccatum, quod, infe-  
rendo falso crimine, aut proximi fame, & existima-  
tioni obtrectando, commissum sit, non remittatur,  
nisi calumniator ei, quæ criminatus fuerit, satisfac-  
iat iniuriarum; id autem difficile fiat ab hominibus,  
primo, ut antea monuimus, pudore, & inani qua-  
dam dignitatis opinione deterritis: qui in eo pecca-  
to sit, hunc addictum esse æternis inferorū pœnis,  
dubitare nō possumus. neque enim quisquam spe-  
ret, se calumniarum, uel obtrectationis ueniam  
consequi posse, nisi prius ei satisfaciat, de cuius di-  
gnitate, & fama aut publice in iudicio, aut etiam  
in priuatis, & familiaribus congressibus aliquid  
detraxerit. Præterea, latisime patet hoc detrimen-  
tum, & in ceteros diffunditur; qua uanitate, & mē-  
dacio fides, ac ueritas tolluntur, arctissima uincula  
societatis humanæ: quibus sublatis, sequitur sum-

ma uitæ confusio, ut homines nihil a dæmonibus differre uideantur. Docebit porro, uitandam esse loquacitatem, Parochus: cuius uitatione & reliqua peccata fugiuntur, & est magna cautio mendacij: a quo uitio loquaces sibi haud facile tēperare possunt. Postremo ijs illum errorem eripiet Parochus, qui se in uanitate orationis excusant, & mendacium, prudētium exemplo defendunt: quorum esse aiunt, mentiri in tempore. Dicit id, quod uerissimum est, prudentiam carnis, mortem esse. Hortabitur auditores, ut in difficultatibus, & angustijs Deo cōfidant, neque ad artificium mētienti confugiant. nam illi qui utuntur perugio, facile declarant, se sua magis niti prudentia, quam in Dei prouidentia spem ponere. Qui causam sui mendacij cōserunt in eos, a quibus sunt mendacio decepti, ij docendi sunt, non licere hominibus se ipsos ulcisci, neq. malum malo cōpensandum esse, sed potius uincendū in bono malum: quod si etiā fas esset, hanc referre gratiam; nemini tamen utile, se suo ulcisci detrimento: esse autem id grauissimum detrimentum, quod mendacio dicendo facimus. Ijs, qui afferunt humanæ naturæ imbecillitatem, & fragilitatem, tradendū erit hoc officij præceptum, ut diuinum auxilium implorent, nec infirmitati humanitatis obtemperent. Qui consuetudinem opponunt, admonendi sunt; si mentiri assueuerunt, ut dent operam, ut contrariā consuetudinem capiant uere loquendi, præsertim cum qui usu, & consuetudine peccant, grauius delinquant, quam ceteri. Et quoniam non desunt, qui se regant excusatione ceterorum hominum, quos pas-

sim

Rom. 8

Rom. 12

sim mentiri, & peierare contendunt, hac ratione illi ab ea opinione deducendi sunt, non esse imitandos malos, sed reprehendendos: & corrigendos; cum autem ipsi mētīmur, minus auctoritatis in reprehensione, & correptione alterius nostram habere orationem. Alios se ita defendentes, quod uera dicendo, sæpe incommodo sint affecti, sic refellent sacerdotes, esse illam accusationem, non defensionem: cum sit officiū Christiani hominis, quamuis potius facere iacturam, quam mētiri. Restant duo genera eorum, qui se in mendacio excusent; alteri, qui dicant, se ioci causa mentiri; alteri, se idem facere utilitatis gratia, quippe qui bene nec emerent, nec uenderent, nisi mendacium adhiberent, utroque a suo errore Parochi auertere debebunt. Ac superiores quidē illos a uitio abducent, & docendo quantū eo in genere peccandi consuetudinē augeat usus mētīendi: & illud inculcando, omnis otiosi uerbi reddendam esse rationem: proximos autem hos *Matth. 12* acerbius etiam obiurgabunt; quorū in excusatione grauior insit illorum ipsorum accusatio, qui præferant, se minime illis Dei uerbis fidem & auctoritatem tribuere, *Matth. 5* Querite primum regnum Dei, & iustitiam eius; & hæc omnia adijcientur uobis.

NON CONCVPISCES DOMVM PROXIMI TVI: NEC DESIDERABIS VXOREM EIVS, NON SERVVM, NON ANCILLAM, NON BOVEM, NON ASINVM, NEC OMNIA, QVÆ ILLIVS SVNT.

In his duobus præceptis, quæ postremo loco tradita sunt, illud in primis sciendum est, rationem

fere constitui, qua cetera præcepta seruentur. Nam quod his uerbis præscriptum est, eo spectat, ut, si quis studet superiora legis iussa seruare, hoc maxime faciat, ne concupiscat: quoniam qui nō concupiscet, suis contentus, aliena non appetet, aliorum commodis gaudebit, Deo immortali gloriam tribuet, gratias eidem maximas aget, sabbathum colet, idest quiete perpetua fruetur, maioresque uenerabitur: neminem denique neq. re, neque uerbis, neque ullo alio modo lædet. Nam stirps, ac semen malorū omnium est praua concupiscentia; qua qui incensi sunt, præcipientes feruntur in omne flagitiorum, & scelerum genus. His animaduersis, & Parochus in ijs, quæ sequuntur, tradendis diligentior, & fideles ad audiendum erunt attentiores. Sed quamquam hæc duo præcepta cōiunxerimus, propterea quod, cum non dissimile sit eorum argumentum, eandem docendi uiam habent: Parochus tamen & cohortando, & monendo poterit communiter, uel separatim, ut commodius ei uidebitur, ea tractare: sin autem Decalogi interpretandi munus suceperit, demonstrabit, quæ sit horum duorum præceptorum dissimilitudo, quidue una concupiscentia ab altera differat: quā differentiam libro quæstionum in Exodum D. Augustinus declarat. Nam ex ijs altera solum spectat, quid utile sit, quid fructuosum: alteri propositæ sunt libidines, & uoluptates. Si quis igitur fundum, aut domum cōcupiscit, is lucrum potius, & quod utile est, consecratur, quam uoluptatem: si uero alienam uxorem appetit, non utilitatis, sed uoluptatis cupiditate ardet. Verum horum præceptorum

*S. August.*



ptorum duplex fuit necessitas, altera, ut sexti, septimique præcepti sententia explicaretur. nam etsi quodam naturæ lumine intellectum est, alienæ uxoris potiundæ cupiditatem prohiberi, uetito adulterio; nam si concupiscere liceret, fas item esset potiri: tamen plerique ex Iudæis, peccato obcæcari, in eam opinione in adduci non poterant, ut crederent id a Deo prohibitum esse: immo uero, lata, & cognita hac Dei lege: multi, qui se legis esse interpretes profitebantur, in eo errore uersati sunt: id quod animaduertere licet ex illo Domini sermone apud sanctum Matthæum; Audistis, quia dictum est antiquis; Non mœchaberis: ego autem dico uobis: & quæ sequuntur. Altera est horum præceptorum necessitas, quod aliqua distincte, explicateque uetantur, quæ sexto, & septimo explicate non prohibebantur. nam, exempli causa, septimum præceptum prohibuit, ne quis iniuste concupiscat aliena, aut eripere conetur: hoc autē uetat ne ullo modo quis concupiscat, etsi iure, legeque assequi id possit, ex cuius adeptione proximo damnū importari uideat. Sed illud in primis, ante quam ad præcepti explicationem ueniamus, fideles docendi erunt, nos hac lege non ad id solum institui, ut cupiditates nostras cohibeamus; sed etiam Dei erga nos pietatē, quæ immensa est, cognoscamus. nā cum superioribus legis præceptis nos quibusdam quasi præsidijs munisset, ne quis nos ipsos, aut nostra uiolaret; hoc adiuncto præcepto, illud maxime providere uoluit, ne appetitionibus nostris nos ipsi læderemus: quod facile futurum fuit, si omnia cupere, atque optare liberum nobis, atque integrum esset. hac igitur nō

*Matth. 5*

concupiscendi lege præscripta, illud a Deo prouisum est, ut cupiditatum aculei, quibus ad perniciofa quæque incitari solemus, huius legis uī quodammodo excussi, nos minus urgeant; maiusque propterea temporis spatium nos molesta illa cupiditatum sollicitudine liberati; ad ea præstanda pietatis, & religionis officia habeamus, quæ ipsi Deo multa, maximaque debemus. Neque id solum hæc lex nos docet, uerum etiam illud ostendit, legem Dei eiusmodi esse, quæ non externis solum munerum functionibus, sed etiam intimo animi sensu seruanda sit: hocque inter diuinas, & humanas leges interest, quod hæc rebus tantum externis contentæ sunt; illæ uero, quoniam animum Deus intuetur, ipsius animi puram, sinceramque castitatem, atque integritatem requirunt. Est igitur diuina lex, quasi speculum quoddam, in quo naturæ nostræ uitia intuemur. quamobrem dixit Apostolus: Concupiscentiam nesciebam, nisi lex diceret; Non concupisces. Cum enim concupiscentia, idest peccati fomes, qui ex peccato originem habuit, perpetuo nobis infixus inhæreat; ex hoc agnoscimus, in peccato nos nasci: quapropter supplices ad eum confugimus, qui solus potest peccati sordes eluere. Habent autem hæc singula præcepta illud cum ceteris commune, ut partim aliquid uetent, partim iubeant. Quod ad prohibendi uim attinet; ne quis forte arbitretur, concupiscentiam illam, quæ uitio caret, aliquo modo uitium esse, ut concupiscere spiritum aduersus carnem, uel expetere iustificationes Dei in omni tempore, id quod Dauid summopere cupiebat; Parochus doceat, quæ

Rom. 7

Ad Gal. 5

Psal. 118

quæ concupiscentia illa sit, quam huius legis præscripto fugere oporteat. Quare sciendum est, concupiscentiam esse commotionem quandam ac uim animi, qua impulsæ homines, quas non habent, res iucundas appetunt. & quemadmodum reliqui animi nostri motus non perpetuo mali sũt: ita hæc concupiscendi uis non semper in uitio est ponenda. neque enim propterea malum est, si cibum, aut si potum appetimus: aut cum frigemus, si calefcere; aut contra, cum calemus, si frigesce-  
re cupimus. Et quidem recta hæc concupiscendi uis, Deo auctore, nobis a natura insita est: sed primorum parentum nostrorum peccato factum est, ut illa nature fines transiliens, usque adeo deprauata sit, ut ad ea concupiscenda sæpe incitetur, quæ spiritui, ac rationi repugnant. Quin etiam hæc uis, si moderata est, suisque finibus continetur, sepe etiam non mediocres utilitates præbet. nam illud primum efficit, ut assiduæ precibus Deum oremus, supplicesque ab eo petamus, quæ maxime cupimus. oratio enim cupiditatis nostræ interpret est. quod si recta hæc concupiscendi uis abesset, non tam multæ preces essent in Ecclesia Dei. efficit præterea, ut cariora sint nobis Dei munera. quo enim uehementiori alicuius rei cupiditate flagramus, eo carior illa nobis res est, atq. iucundior, cum eam adepti sumus: tum uero delectatio ipsa, quam ex re concupita sentimus, facit, ut maiore pietate gratias Deo agamus. itaque, si concupiscere aliquando licet, fateamur necesse est, non omnem concupiscendi uim prohibitã esse. & quamquam D. Paulus concupiscentiam pecca- Rom. 7

- Exod. 20* tum esse dixit; id in eam tamen sententiã accipien-  
dum est, in quam Moyses locutus est, cuius ille te-  
stimonium affert id, quod ipsius Apostoli oratio  
declarat. nam illam carnis concupiscentiam uocat
- Ad Gal. 5* in epistola ad Galatas: Spiritu, inquit, ambulate,  
& desideria carnis non perficietis. Naturalis igi-  
tur illa cupiditatis uis, & moderata, quæ fines suos  
non egreditur, non uetatur, multoque minus spi-  
ritalis illa rectæ mentis cupiditas, qua ad eorum  
appetitionem incitatur, quæ carni repugnant. ad  
hanc ipsam enim sacræ litteræ nos adhortatur: Cõ-  
cupiscite sermones meos. & : Transite ad me om-  
nes, qui concupiscitis me. Itaque hoc interdicto  
non ipsa concupiscendi uis, quæ tum ad bonum, tum  
ad malum utilitæ, sed usus prauæ cupiditatis, quæ  
carnis concupiscentia, & peccati fomes uocatur,  
ac, si animi assensionem adiunctam habeat, semp  
in uitijs numeranda est, omnino prohibetur. Ergo  
ea tantum concupiscendi libido uetita est, quam car-  
nis concupiscentiam uocat Apostolus, illi scilicet  
concupiscendi motus, qui nullum rationis modum  
habent, neque finibus a Deo constitutis continen-  
tur. Hæc cupiditas damnata est, uel quia malum  
appetit, ueluti adulteria, ebrietates, homicidia, &  
alia eiusmodi nefaria scelera, de quibus ita Apo-  
stolus. Non sumus, inquit, concupiscentes malo-  
rum, quemadmodum & illi concupierunt; uel quia,  
etsi res natura sua malæ non sunt, causa tamen ali-  
unde extat, quare illas concupiscere nefas sit. quo  
in genere sunt ea, quæ ne possideamus, Deus, aut  
Ecclesia prohibet. non enim ea nobis appetere li-  
cet, quæ possidere omnino nefas sit: qualia olim  
in



in ueteri lege fuerunt, aurum, & argentum, ex quibus idola conflata erant, quæ, Dominus in Deuteronomio uetuit, ne quis concupisceret. Ob eam præterea causam hæc cupiditas uitiosa prohibetur, quoniam, quæ appetuntur, aliena sunt, ut domus, seruus, ancilla, ager, uxor, bos, asinus, & alia multa; quæ cum aliena sint, ea concupiscere uetat diuina lex. rerumque eiusmodi cupiditas nefaria est, & in peccatis grauisimis numeratur, cum illis concupiscendis animi præbetur assensus, nam tum peccatum natura existit, cum post malarum cupiditatum impulsus animus rebus prauis delectatur, atque his uel assentitur, uel non repugnat; id quod D. Iacobus, cum peccati originem, & progressionem ostendit, illis uerbis docet: Vnusquisque tentatur a concupiscentia sua abstractus, & illectus: deinde concupiscentia cum conceperit, parit peccatum: peccatum uero, cum cõsummatum fuerit, generat mortem. Cum igitur lege ita caueatur; Non concupisces; hæc uerba ad eum sensum referuntur, ut nostras cupiditates a rebus alienis cohibeamus. alienarum enim rerum cupiditatis sitis immensa est, atque infinita, neque umquam satiatur, ut scriptum est, Auarus non implebitur pecunia: de quo ita est apud Isaiam: Væ, qui coniungitis domum ad domum, & agrum agro copulatis. Sed ex singularum uocū explicatione facilius intel ligetur huius peccati fœditas, & magnitudo. Quare Parochus docebit, Domus uocabulo non locum modo, quem incolimus, sed uniuersam hereditatē significari, ut ex diuinorum scriptorum usu, consuetudineque cognoscitur. In Exodo scriptum est; Deut. 7

Iacob. 2

Eccle. 5

Isa. 5

Exod. 1

Obste-

Obstetricibus a Domino domus esse ædificatas. sc̃  
rentia eo spectat, ut illarum facultates ab eo auctas  
esse, atque amplificatas interpretemur. Ex hac igitur  
interpretatione animaduertimus, hac præcepti  
lege uetitum nobis esse, ne diuitias auide expeta-  
mus, neque alienis opibus, potentia, nobilitati in-  
uideamus, sed statu nostro, qualisqualis ille sit, siue  
humilis, siue excelsus, contenti simus. Alienæ de-  
inde gloriæ appetitionē uetitam esse, intelligere de-  
bemus. nam hoc item ad domum pertinet. Quod  
uero sequitur, Non bouem, non asinum; id osten-  
dit, non solum, quæ magna sunt, ut domus, nobili-  
tas, & gloria, ea cum aliena sint, concupiscere no-  
bis non licere, sed etiam parua, qualia illa sint, si-  
ue animata, siue inanimata. Sequitur deinceps,  
Neque seruum. quod intelligendū est tam de capti-  
uis, quam de reliquo genere seruorum; quos, ut  
cetera alterius bona, concupiscere non debemus.  
liberos uero homines, qui uoluntate seruiunt, uel  
mercede conducti, uel amore, obseruantiaque im-  
pulsī, nullo modo neque uerbis, neque spe, neque  
pollicitationibus, neque præmiis quis corrumpere  
aut sollicitare debet, ut eos deserant, quibus se ipsi  
sponte addixerunt: immo uero, si ante id tempus  
quo se illorum famulatu fore promiserant, ab illis  
recesserint, huius præcepti auctoritate admonen-  
di sunt, ut ad eos ipsos omnino reuertantur. Quod  
autem in præcepto mentio fit proximi, id eo perti-  
net, ut hominum uitiū demonstretur, qui uicinos  
agros, aut proximas domos, aut alienam rem eius-  
modi, quæ secum continens sit, appetere solent.  
Vicinitas enim, quæ in parte amicitia ponitur ab

amore

amore ad odium , cupiditatis uitio , traducitur .  
Hoc uero præceptum ij minime uiolant , qui res ,  
quas proximi uenales habēt , emere de illis cupiūt ,  
aut iusto pretio emunt . ij enim nō modo proximū  
non lēdunt , sed ualde addiuant , cum ei pecunia  
maiori commodo , usuique futura sit , quam res il-  
lē , quas ipse uenditat . Hanc de re aliena non con-  
cupiscenda legem altera sequitur , quæ prohibet ,  
ne alienam concupiscamus uxore . qua lege concu-  
piscendi libido non ea quidem tantū prohibita cē-  
setur , qua adulter alterius uxorem appetit , sed  
etiam , qua affectus aliquis alterius uxorem in ma-  
trimonium ducere concupiscit . eo enim tempore ,  
cū repudij permittebatur libellus , illud facile eue-  
nire poterat , ut quæ ab uno repudiata esset , eā alter  
uxorem acciperet . at hoc Dominus uetuit , ne aut  
mariti ad uxores relinquendas sollicitarentur ; aut  
uxores maritis difficiles se , ac morosas ita præbe-  
rent , ut eam ob causam quædam quasi necessitas  
uiris imponeretur illas repudiandi . nunc uero gra-  
uius est peccatum , cum mulierem , etiam si a uiro  
repudiata sit , alteri in matrimonium ducere non  
liceat , nisi marito mortuo . itaque qui alterius uxo-  
rem concupiscet , facile ex una in aliam incidet  
cupiditatem : aut enim illius uirum mori , aut adul-  
terium admittere cupiet . atque hoc idem de iis mu-  
lieribus dicitur , quæ alteri desponsatæ sunt . neque  
enim has item concupiscere licet , cum ij , qui hæc  
pacta rescindere student , uiolent sanctissimū fidei  
sædus . & quemadmodum , quæ alteri nupta est ,  
eam cōcupiscere omnino nefas est : sic , quæ ad Dei  
cultum , religionemque est consecrata , nullo pacto  
licet

licet illam uxorē appetere. Si uero quis mulierem, quę nupta est, cum eam innuptam esse opinetur, uxorem sibi dari cōcupiscit, neque, si in matrimonio alij collocatam intelligeret, eam nuptam sibi dari cuperet, id quod Pharaoni, & Abimelech cōtigisse legimus, qui Saram in matrimonio habere cōcupierunt, cum eam minime nuptam, Abrahęque sororem, non uxorem, arbitrarentur; ille certe, qui eo animo est, eiusmodi pręcepti legem uiolare non uidetur.

*Gen. 12. 20*

*Remedia ad  
uersus noxi-  
as concupi-  
scencias.*

Sed ut Parochus remedia patefaciat, quę ad tollendum hoc cupiditatis uitium accommodata sūt, explicare alteram pręcepti rationem debet; quę in eo consistit, ut, si diuitię affluant, cor non apponamus, easque pietatis, & diuinarum rerum studio abijcere parati simus, & in subleuandas pauperum miseras libenter pecuniā erogemus: si desint facultates, egestatem equo, & hilari animo feramus. & quidem si rebus nostris dandis liberalitate utemur, rerum alienarū cupiditates restringemus. De paupertatis autem laudibus, diuitiarumque despicientia, in sacris litteris, & apud sanctos Patres facile erit Parocho multa colligere, & fideli populo tradere. Hac item lege pręcipitur, ut ardēti studio, summaque cupiditate optemus id potissimū effici, nō quod nos concupiscimus, sed quod Deus uult, quemadmodū Domini oratione exponitur. Voluntas autē Dei in eo maxime est, ut nos singulari quodam modo sancti efficiamur, animūque nostrū sincerum, atq. ab omni labe purū, integrumque conseruemus, & exerceamus nos in ijs mentis ac spiritus officijs, quę corporis repugnant sensibus;

*Matth. 6*



sensibus, horumque edomitibus appetitionibus, ratione, ac spiritu duce, rectum uite cursum teneamus; quive præterea sensus materiam cupiditatibus nostris, libidinique præbent, eorū vim maxime reprimamus. Sed ad hunc cupiditatum ardorē restringēdum, plurimum etiam hoc potest, si, quæ incōmoda ex illis accidunt, ea nobis ob oculos proponamus. Primum uero illud incommodum est, quod, quoniā eiusmodi cupiditatibus paremus, in anima nostra regnat sūma peccati uis, ac potestas. quamobrem monuit Apostolus; Non regnet peccatum in uestro mortali corpore, ut obediatis cōcupiscentiis eius. Nam quemadmodum, si cupiditatibus resistimus, peccati uires concident: ita, si iisdem succumbimus, Dominū a regno suo expellimus, & in eius locum peccatum introducimus. Alterum præterea incommodum est, quod ab hac concupiscendi ui, ueluti fonte quodam, omnia peccata manant, ut D. Iacobus docet. D. item Ioannes, Omne, inquit, quod est in mundo, cōcupiscentia carnis est, & concupiscentia oculorum, & superbia uite. Tertium incommodum in eo est, quoniam rectum animi iudiciū his cupiditatibus obscuratur. homines enim his cupiditatum tenebris obcæcati, honesta, & præclara putant omnia, quæcumq. ipsi concupiscunt. Opprimitur præterea cōcupiscendi ui uerbū Dei, quod in animis nostris a magno illo agricola Deo insitū est: sic enim apud D. Marcum scriptum est: Alij sunt, qui in spinis seminantur: hi sunt, qui uerbum audiunt, & erumne sæculi, & deceptio diuitiarum, & circa reliqua concupiscentiæ introeuntes, suffocant uerbum, & sine fructu

fructu efficitur. Iá uero, qui præ ceteris hoc cupiditatis uitio laborant, quosque propterea Parochus ad colendú hoc præceptum diligētius cohortari debet, illi sunt, qui lusionibus nō honestis delectātur, aut qui ludis immoderate abutūtur: mercatoresq. item, qui rerū penuriam annonęque caritatē expetunt, atque id ægre ferunt, ut alij præter ipsos sint, qui uendant, aut emāt, quo carius uendere, aut uilius emere ipsi possint: qua in re item peccāt, qui alios egere cupiunt, ut aut uendendo, aut emendo ipsi lucrentur. Peccant etiam milites, qui bellum expetunt, ut furari ipsis liceat: medici item, qui morbos desiderant: iure consulti, qui causarum, litiumq. uim, copiamque concupiscunt: tum artifices, qui quęstus auidi, omniū, quę ad uictū, cultūq. pertinent, penuriā exoptant, ut inde plurimū lucrifaciant. In hoc præterea genere grauiter ij peccant, qui alienę laudis, glorięque auidi, atque appetentes sunt, non sine aliqua famę alterius obtreccatione, idque præsertim, si, qui illam appetunt, ignaui, nulliusque pretij homines sunt: fama enim & gloria, uirtutis, atque industrię, non ignauię, aut inertię, præmium est.

## D E O R A T I O N E.

In officio, & munere Pastoralis cum primis necessaria est ad salutem fidelis populi, præceptio Christianę precationis, cuius uim, ac rationē multos necesse est ignorare, nisi pia, & fidei Pastoris diligentia tradita sit. Quamobrem præcipua Parochi cura uersari debet in eo, ut pij auditores intelligent, quid a Deo, & quo modo orandú sit. Omnes  
autem

autem necessarię precationis numeros continet diuina illa formula, quam Christus dominus apostolis, & per illos, eorumq. successores, omnibus deinceps, qui Christianam religionē susciperent, notā esse uoluit. cuius uerba, atque sententias sic animo ac memoria cōprehendere oportet, ut in promptu habeamus. Vt autem in hac orandi ratione suppeditet Parochis facultas instituēdi fideles auditores; quæ magis opportuna uisa sunt, hic proposuimus, sūpta ab ijs scriptoribus, quorū eo in genere doctrina, & copia maxime laudatur: nā reliqua. si opus fuerit, Pastores ex ijsdem fontibus haurire poterūt.

## DE NECESSITATE ORATIONIS.

Primum igitur docendum est, quam sit oratio necessaria; cuius præceptū non solum consilij causa traditum est, sed etiam necessarij iussu uim habet. quod a Christo domino declaratū est illis uerbis, Oportet semper orare. Hanc orandi necessitatem Luc. 18 ipsa, etiam illo dominicæ precationis quasi proœmio, ostendit Ecclesia: Præceptis salutaribus moniti, & diuina institutione formati, audemus dicere. Itaque cum esset necessaria precatio Christianis hominibus, & illud a discipulis rogatus esset Dei filius; Domine doce nos orare; & præscripsit Luc. 11 eis orandi formam, & spem attulit impetrationis eorum, quæ postularent; & ipse documentum fuit precationis, qua non solum utebatur assidue, Luc. 6 sed etiam in ea pernoctabat. cuius deinde officij ijs, qui se ad Iesu Christi fidem cōtulissent, apostoli præcepta tradere non destituerunt. nam sancti &

Petrus,

**1. Pet. 3. 4** Petrus, & Ioannes, de ea diligentissime pios admonent; & eius rationis memor Apostolus pluribus locis Christianos hortatur ad salutarem orandi necessitatem. Præterea, tam multis indigemus bonis, & commodis, ad animum, & corpus tuendum necessarijs, ut ad precationem confugere oporteat, tamquam ad unam omnium optimam, & indigentia nostra interpretem, & conciliatricem eorum, quibus egemus. Nam, cum nihil cuiquam debeat Deus; reliquum profecto est, ut, quæ nobis opus sunt, ab eo precibus expetamus: quas preces tamquam instrumentum necessarium nobis dedit ad id, quod optaremus, consequendum: præsertim cum quædam esse constet, quæ nisi eius adiumento non liceat impetrare. Habent enim sacra preces præstantem illam uirtutem, qua maxime dæmones eijciuntur. Est enim quoddam dæmoniorum genus, quod non eiicitur nisi ieiunio, & oratione. Quare magnam sibi adimunt facultatem singularem donorum, qui hanc consuetudinem, exercitationemque non adhibent, pie ac diligenter orandi. petitione enim non solum honesta, sed etiam assidua opus est ad impetrandum, quod concupiscas. Nam, ut inquit S. Hieronymus, scriptum est: Omni petenti datur. ergo si tibi non datur, ob id non datur, quia non petis: petite ergo, & accipietis.

**Math. 17**

**Luc. 19**

## DE UTILITATE ORATIONIS.

Habet autem hæc necessitas iucundissimam utilitatem, quæ fructus ex se edit uberrimos: quorum copiam sument Pastores a sacris scriptoribus, cum opus erit illos impertiri fideli populo: nos ex ea copia



pia aliquot elegimus, quos huic tēpori accommo-  
 datos duximus. Primus autem fructus, quem in-  
 de capimus, est is, quod orantes Deo honorem ha-  
 bemus; si quidem est quoddam religionis argumē-  
 tum oratio, quæ in diuinis litteris thymiamati cō-  
 paratur: Dirigatur enim, inquit Propheta, ora- *Psal. 140*  
 tio mea, sicut incensum in conspectu tuo. Qua-  
 re nos hac ratione Deo subiectos esse profite-  
 mur; quem bonorum omnium auctorem agnoscimus,  
 & prædicamus, in quem solum spectamus, quod  
 unum incolumitatis, salutisque præsidium, atque  
 perfugium habemus. Huius fructus illis etiam uer- *Psal. 119*  
 bis admonemur: Inuoca me in die tribulationis;  
 eruam te, & honorificabis me. Sequitur fructus  
 amplissimus, & iucundissimus orationis, cū a Deo  
 preces audiuntur: est enim, ex S. Augustini sen- *S. August.*  
 tentia, cæli clauis oratio. Nam ascendit, inquit,  
 precatio, & descendit Dei misratio: licet alta sit  
 terra, altum cælum, audit tamen Deus hominis  
 linguam. Cuius orandi muneris tanta uis est, tanta  
 utilitas, ut ea re cælestium donorum amplitudinē  
 consequamur. Nam & impetramus nobis, ut du-  
 cem, & adiutorem adhibeat spiritum sanctum: &  
 fidei assequimur conseruationem, & incolumita-  
 tem, & uitationem pœnarum, & diuinum patro-  
 cinium in tentationibus, & ex Diabolo uictoriam.  
 omnino inest in precatione singularis gaudij cu-  
 mulus. quamobrem sic loquebatur Dominus: Pe-  
 tite, & accipietis, ut gaudium uestrum sit plenū. *Ioan. 16*  
 Nec uero, quin huic petitioni præsto sit, & occur-  
 rat Dei benignitas, ullus relictus est dubitandi lo-  
 cus. quod multa comprobant diuinæ scripturæ

1/a. 58

1/a. 63

testimonia: quæ, quia sunt in promptu, illa modo apud Isaiã exempli causa attingemus: Tunc enim inquit inuocabis, & Dominus exaudiet: clamabis, & dicet, ecce adsum. & rursus: Eritque antequam clament, ego exaudiam: adhuc illis loquentibus ego audiã. Exempla autem eorum, qui Deum exorauerunt, quia propemodum sunt & infinita, & posita ante oculos, omittimus. At interdum fit, ut quæ petimus a Deo nõ impetremus. ita est: sed tum maxime prospicit utilitati nostræ Deus: uel quod alia nobis maiora, & ampliora bona imperitur: uel quod nec necessarium nobis est, nec utile, quod petimus: immo uero fortasse superuacaneũ id futurũ sit, si dederit, atq. pestiferum. Quadã enim, S. August. inquit sanctus Augustinus, negat propitius Deus, quæ concedit iratus. Nonnunquam etiam fit, ut adeo remisse, ac negligenter oremus, ut ne ipsi quidem, quod dicimus, attendamus. Cum autẽ sit oratio, mentis ascensus ad Deum: si in orando animus, qui ad Deum referri debet, peregrinatur, nulloque studio, nulla adhibita pietate, temere precationis uerba funduntur; quo modo inanẽ huius orationis sonitum, Christianam precationem esse dicemus? Quare minime mirum est, si Deus nostræ non obsequitur uoluntati: cum uel ipsi nolle id nos, quod petimus, pene probemus, nostræ negligentia & ignoratione precationis: uel postulamus ea, quæ nobis sunt obfutura. Cõtra uero scienter, ac diligenter petentibus multo plus tribuitur, quam a Deo postulauerint. quod & Apostolus testatur in epistola ad Ephesios: & illa prodigi filij similitudine declaratur, qui preclare secũ actum esse

Leu. 15

existimaturus fuit, si in loco mercenarij famuli eū habuisset pater. etsi recte cogitantibus, non solum postulantibus nobis cumulat gratiam suam Deus, nō modo munerum copia, sed etiam celeritate tribuendi. quod ostendunt diuinę litterę, cū illa utuntur loquendi formula: Desiderium pauperū exau- *Psal. 9*  
diuit Dominus. intimis enim, & tacitis gentium studijs, ne expectatā quidē eorū uoce, Deus occurrit. Accedit eo etiam ille fructus, quod orando animi uirtutes & exercemus, & augemus, maxime uero fidem. ut enim rite illi non orant, qui fidem Deo non habent: Quo modo enim, inquit, inuoca- *Rom. 10*  
bunt, in quem non crediderunt? sic fideles, quo studiosius orant, eo maiorem, ac certiozem fidem habent diuinę curę, & providentię, quę potissimū id requirit a nobis, ut ad se de ijs, quę nobis opus sunt, referentes, omnia postulemus. Posset uero Deus non petentibus, ne cogitantibus quidem, abunde nobis omnia dilargiri, quo modo & animātibz rationis expertibus cuncta suppeditat ad usus uitę necessarios; sed beneficentissimus parēs uult a filijs inuocari: uult nos quotidie rite petendo, petere fidentius: uult, impetratis ijs, quę postulam, in dies magis testificari, ac prædicare suam in nos ipsos benignitatem. Amplificatur etiam charitas: nam illum auctorem agnoscentes omnium bonorum, utilitatumque nostrarum, quanta cum possumus maxima charitate amplectimur: & ut amantes, colloquio & congressu magis ad amorem incēduntur; sic pij homines, quo sapius Deo facientes preces, & eius implorantes benignitatem, quasi cum ipso colloquuntur, eo maiori in

singulas preces affectu lætitia, ad eam amandum & colendum incitantur ardentius. Propterea nos hac uti vult exercitatione preces, ut flagrantius petendi studio quod optamus, tantum ea assiduitate, & cupiditate proficiamus, ut digni simus, in quos illa conferantur beneficia, quæ antea ieiunus, & angustus animus noster capere non poterat. Vult præterea nos id, quod est, intelligere, ac præ nobis ferre, si gratiæ cælestis auxilio defermur, nostra opera nihil consequi posse, proptereaque toto animo ad orandum incumbere. Valent autem maxime hæc tamquam orationis arma contra naturæ nostræ hostes acerrimos: ait enim sanctus Hilarius: Aduersus Diabolum, armaque eius, orationum nostrarum sonitu certandum est. Præclarum præterea illum orationis fructum assequimur, quod, cum procliuus simus ad malum, & ad libidinis varios appetitus uitio infirmitatis ingenitæ, patitur, se nostris cogitationibus concipi; ut, dum illum oramus, & mereri eius contendimus munera, accipiamus innocentie uoluntatem, & ab omni labe, delictorum omnium amputatione, purgemus. Postremo ex sancti Hieronymi sententia, iræ diuinæ resistit oratio. Itaque sic ad Moysen locutus est Deus;

Exod. 32

Dimitte me: dum quidem pœnas eum ab illo populo petere uolentem, precibus impediret: nihil enim est, quod æque Deum leniat iratum, aut etiam paratum ad plagas sceleratis inferendas, æque retardet, & reuocet a furore, ac preces piorum hominum.

#### DE PARTIBVS, ET GRADIBVS ORATIONIS.

Exposita necessitate, & utilitate Christianæ preces,  
cationis,



cationis, scire præterea oportet fidelem populum, quot, & quibus partibus ea constet oratio: id enim ad huius officii perfectionem pertinere testatur Apostolus: qui in epistola ad Timotheum cohortans ad pie, sancteque orandum, orationis partes diligenter enumerat: Obsecro, inquit, primum 1. Tim. 2  
 omnium fieri obsecrationes, orationes, postulationes, gratiarum actiones pro omnibus hominibus. 1. Tim. 2  
 Quod uero subtilis quædam est harum differentia partium, si eius explicationem auditoribus Parochi conducere existimabunt, consulent sanctos scriptores, præcipue S. Hilarium, & Augustinum. Sed quoniam duæ sunt præcipue partes orationis, postulatio, & gratiarum actio; a quibus tamquã a capite, manant reliquæ; minime eas prætermittendas duximus. Nam ad Deum accedimus, ut, cultum ei, ac uenerationem adhibentes, uel ab eo aliquid impetremus, uel ipsi de beneficijs, quibus assidue ab eius benignitate ornatur, & augemur, gratias agamus. Vtramque hanc, maxime necessariam partem orationis, Deus ipse pronunciauit ore Dauidis, illis uerbis; Inuoca me in die tribulationis; eruam te, & honorificabis me. Psalm. 49  
 Quântum autem egeamus diuinæ liberalitatis, ac bonitatis, quis ignorat, modo summam hominum egestatē, & miseriam intueatur? Quam uero sit propensa Dei uoluntas in genus humanum, quam effusa in nos benignitas, omnes intelligunt, qui sensu oculorum, & mente præditi sint. Nam quocumque oculos conijcimus, quocumq. nos cogitatione conuertimus, nobis admirabilis lux diuinę beneficentię, ac benignitatis oboritur. Quid enim habent

homines, quod a Dei largitate profectum non sit? & si omnia sunt eius dona, ac munera bonitatis; quid est, quod non omnes pro uiribus beneficentissimum Deum laudibus celebrent, & gratiarum actione prosequantur? Sed utriusq. officij, & petendi aliquid a Deo, & ei gratias agendi, multi sunt gradus: quorū alius alio est altior, atq. perfectior. Ut igitur fidelis populus non solū oret, sed etiam optime fungantur illo munere orationis, proponent ei Pastores summam perfectamq. orandi rationem, & ad eam quam diligentissime poterunt hortabuntur. Sed qui nā est optimus orandi modus, & summus precationis gradus? nempe is, quo pii, & iusti homines utuntur; qui freti ueræ fidei stabili fundamento, quibusdam optimæ mentis orationisq. gradibus in illum locum perueniunt, ex quo infinitam Dei potentiā, immensam benignitatem, ac sapientiam contemplari possunt: ubi etiam in spem certissimā ueniunt, se & quidquid petierint in præsentia, & illam inexplicabilium bonorū uim consecuturos esse, quæ pollicitus est Deus largiturū se ijs, qui diuinum auxilium pie, & ex animo implorarint. His, quasi duabus alis, elata in cælum anima ardenti studio peruenit ad Deum: quem omni gratiarum & laudū honore prosequitur, quod summis ab eo beneficijs affecta sit; tum uero singulari adhibita pietate, ac ueneratione, quasi filius unicus carissimo parenti, quid sibi sit opus, non dubitanter exponit. Quem precandi modum, effundendi uoce, exprimunt diuinæ litteræ. inquit enim Propheta: Effundo in conspectu eius orationem meā, & tribulationem meā ante ipsum pronūcio. Quæ

*Psal.* 141

vox eam uim habet, ut nihil reticeat, nihil occul-  
 tet, sed effundat omnia is, qui ad orandum uenit,  
 fidenter confugiens in sinum amantissimi parentis  
 Dei. ad id enim nos doctrina cælestis hortatur il-  
 lis uerbis: Effundite coram illo corda uestra: & *Psal. 61*  
 Iacta super dominum curam tuam. Hunc autem *Psal. 54*  
 precationis gradū significat sanctus Augustinus,  
 cum inquit in eo libro, qui inscriptus est Enchiri-  
 dion; Quod fides credit, spes & charitas orat. Alius  
 est eorum gradus, qui mortiferis peccatis oppressi,  
 fide tamen ea, quæ mortua dicitur, nituntur se se  
 erigere, & ad Deum ascendere; sed, propter inter-  
 mortuas uires, summamq. fidei imbecillitatem, se  
 altius a terra tollere non possunt: uerumtamen sua  
 peccata recognoscentes, & eorum conscientia, ac  
 dolore cruciati, humiliter, ac demisse, ex illo ma-  
 xime longinquo loco pœnitentes, scelerum a Deo  
 ueniam, & pacem implorant. horum oratio suum  
 obtinet locum apud Deum: nam eorum preces au-  
 diuntur. immo uero huiusmodi homines liberalis-  
 sime misericors Deus inuitat: Venite, inquit, ad me *Matth. 11*  
 omnes, qui laboratis, & onerati estis, & ego refi-  
 ciam uos. Ex horum hominū numero fuit ille pu-  
 blicanus, qui cum oculos ad cælum tollere non au-  
 deret, exiit tamen, inquit, e templo magis iustifi-  
 catus, quam phariseus. Est præterea eorum gra- *Luc. 18*  
 dus, qui nondum fidei lucē acceperunt, uerumta-  
 men, diuina benignitate exiguum illorum naturæ  
 lumen accedente, uehementer excitantur ad stu-  
 dium, cupiditatemque ueritatis; quam ut docean-  
 tur, summis precibus petunt. qui si manent in uo-  
 luntate, a Dei clementia eorum studium non re-

Act. 10

pudiatur. Quod exemplo Cornelij Centurionis comprobatū uidemus. nemini enim, id ex animo petenti, clausæ sunt fores diuinæ benignitatis. Postremus est gradus eorum, quos non modo facinororum, ac flagitiorum non penitentes, sed etiam sceleribus scelera cumulantes, tamen non pudet sæpe a Deo petere peccatorum ueniam, in quibus uolūt perseuerare; qui tali statu ne ab hominibus quidē audere deberent, ut sibi ignoscerent, postulare. horum oratio a Deo non auditur. sic enim de Antiocho scriptum est, Orabat autem hic scelestus Dominum, a quo non esset misericordiam consecuturus. Quare uehementer hortandi sunt, qui in graui illa miseria uersantur, ut, abiecta peccandi uoluntate, uere & ex animo se conuertant ad Deum.

2. Mach. 9

## DE IIS, QVAE PETENDA SVNT.

Sed quoniā, in singulis petitionibus quid postulandum; quid non, suo loco dicetur; satis hic erit fideles uniuerse illud admonere, ut quæ iusta, quæ ue honesta sint, a Deo petant homines: ne, si contra quam deceat, aliquid postularint, illo responso repellantur; Nescitis, quid petatis. Quidquid autem recte optari potest, petere licet: quod illa Dñi uberrima promissa testantur: Quodcumq. uolueritis, peteris, & fiet uobis: omnia enim se concessurum pollicetur. quare primum optatum, ac desiderium nostrum ad eam regulam dirigemus, ut ad Deum, qui summum est bonum, summum studiū, desideriumq. referatur. Deinde cupiemus ea, quæ cū Deo nos maxime cōiungant: quæ uero nos inde

Matth. 20

Ioan. 15

seiu-



seiungant, aut causam aliquam afferant disiunctio-  
 nis, ab omni studio & cupiditate nostra remouenda  
 sunt. Hinc licet colligere secundum illud summū,  
 & perfectū bonum, quo modo reliqua, quæ dicun-  
 tur bona, & optanda sint, & a pariete Deo postulan-  
 da. Nam hæc corporis quæ uocant, & externa bo-  
 na, ut sanitas, robur, pulchritudo, diuitiæ, hono-  
 res, gloria, quia facultatem, ac materiam sepe dāt  
 peccato, (qua re fit, ut non omnino pie, aut saluta-  
 riter petantur) erit illa petitio his præscribenda fi-  
 nibus, ut hæc uitæ commoda postulentur neces-  
 sitis causa: quæ precandi ratio refertur ad Deum.  
 Licet enim nobis ea precibus petere, quæ & Iacob,  
 & Salomon postularunt. ille enim in hunc modū:  
 Si dederis mihi panem ad uescendum, & uestimē- Gen. 28  
 tum ad induendum, erit mihi dominus in Deum.  
 Salomon his uerbis: Tribue tantum uictui meo ne- Prover. 30  
 cessaria. Cum uero nobis Dei benignitate suppedi-  
 tetur ad uictū, & ad cultum, par est, nos illius Apo-  
 stoli cohortationis recordari; Qui emunt tamquā 1. Cor. 7  
 non possidentes, & qui utuntur hoc mundo, tam-  
 quam non utantur: præterit enim figura huius mū-  
 di. Item Diuitiæ si affluant, nolite cor apponere. Psal. 61  
 quarum fructum, & usum tantummodo nostrum  
 esse, sed ita, ut cum ceteris cōmunicemus, ab ipso  
 doctore Deo didicimus. Si ualeamus; si reliquis ex-  
 ternis, & corporis bonis abundamus; eo illa nobis  
 tributa esse meminerimus, ut & facilius Deo infer-  
 uire possimus, & proximo omnia eius generis cō-  
 modare. Ingenij autem bona, & ornamenta, cuius  
 generis sunt artes, atq. doctrinæ, petere non licet,  
 sed ea tantum condicione, si nobis ad Dei gloriā,  
 & ad

& ad salutem profutura sunt. Quod autem omnino, & sine adiunctione, aut condicione optandum, querendum, postulandum est, quemadmodum antea diximus, id Dei gloria est, & deinceps omnia, quæ summo illi bono coniungere nos queant, ut fides, timor Dei, amor, de quibus plenius dicemus in explicatione petitionum.

## PRO QVIBVS ORANDVM SIT.

His autem cognitis, quæ petenda sint, docendus est fidelis populus, pro quibus orare debeat. Continet autem oratio, petitionem, & gratiarum actionem: quare prius de petitione dicamus. Orandum igitur est pro omnibus sine ulla exceptione uel inimicitarum, uel gentis, uel religionis. nam siue hostis sit, siue alienus, siue infidelis, proximus est: quem quia Dei iussu amare debemus, sequitur, ut preces quoque, quod amoris officium est, pro eo facere oporteat. nam eo pertinet illa Apostoli cohortatio: Obsecro fieri orationes pro omnibus hominibus. Qua in oratione primum petenda sunt, quæ salutem animæ complectuntur, deinde quæ corporis. Debemus autem hoc precationis officium primum Pastoribus animarum tribuere, quod ab Apostolo eius exemplo monemur. scribit enim is ad Colossenses, ut orent pro se, ut sibi Deus aperiat ostium sermonis. quod item facit ad Thessalonicenses. Est præterea in Actis apostolorum: Oratio fiebat sine intermissione ab Ecclesia pro Petro. Cuius etiam officij a D. Basilio in libris de moribus admonemur: pro ijs enim orandum esse, inquit, qui præsumunt uerbo ueritatis. Secundo loco pro principibus nos precari

*1. Tim. 2*

*Ad Col. 4.*

*Act. 12*

cari oportet, ex eiusdem Apostoli sententia. quanto enim publico bono principibus pijs, & iustis utamur, nemo ignorat. itaque rogandus est Deus, ut tales sint, quales esse oportet, qui reliquis hominibus præsent. Extant exempla sanctorum hominum, quibus monemur, ut pro bonis etiam, pijsque deprecemur. Egent enim & illi precibus aliorum; quod diuinitus factum est, ne superbia efferantur, dum intelligunt se inferiorum suffragijs indigere. Iussit præterea Dominus precari pro persequentibus, & calumniantibus nos. Illud etiam S. Augustini testimonio celebratum est, hanc esse acceptam consuetudinem ab apostolis pro ijs, qui ab Ecclesia sunt alieni, preces, & uota faciendi, ut infidelibus donetur fides: ut idolorum cultores ab impietatis errore liberentur: ut Iudæi discussa animorum caligine lucem ueritatis accipiant: ut hæretici redeuntes ad sanitatem, catholicæ doctrinæ præceptis erudiantur: ut schismatici, a qua descuerunt sanctissimæ patris Ecclesiæ communione, cum ea iterum ueræ charitatis nodo iuncti copulentur. Quantam autem uim habeant preces pro hominibus factæ ex animo, constat tam multis exemplis omnis hominum generis, quos quotidie, ereptos a potestate tenebrarum, transfert Deus in regnum filij charitatis suæ; & ex uasis iræ, facit uasa misericordiæ. in quo plurimum ualere piorum obsecrationem, nemo, qui recte sentiat, dubitare potest. Preces autem quæ pro mortuis fiunt, ut ab igne Purgatorii liberentur, ex apostolorum doctrina fluxerunt. qua de re satis dictum est, cum de sacrificio Missæ loqueremur, in ijs autem, qui peccare dicuntur

Math. 5

ad mor-

ad mortem, uix quidquam precibus, uotisq. proficitur. Verumtamen est Christianæ charitatis, & precari pro illis, & lacrymis contendere, an eis possint reddere pacatum Deum. Execrationes uero sanctorum hominum, quibus in impios utuntur ex patrum sententia, constat esse uel prædictiones eorum, quæ illis euentura sunt, uel adhibitas contra peccatum, ut, saluis hominibus, peccati uis intereat. In altera parte precationis, maximas Deo gratias agimus pro diuinis eius, immortalibusq. beneficijs, quibus & semper affecit, & quotidie afficit humanum genus. Maxime aut fungimur hoc munere gratiarum actionis sanctorum omnium causa, quoq. in officio singulares Deo laudes tribuimus, & eorum uictoriæ, & triumphi, quem de omnibus & intimis, & externis hostibus eius benignitate deportarunt. Huc pertinet prima illa pars Angelicæ salutationis, cum ea ad precandum utimur. Ave Maria gratia plena: Dominus tecum: benedicta tu in mulieribus. Nam Deum summis & habendis laudibus, & gratijs agendis celebramus, quod sanctissimam uirginem omni cælestium donorum munere cumulauit; ipsiq. uirgini singularem illam gratulamur felicitatem. Iure autem sancta Dei Ecclesia huic gratiarum actioni preces etiam & implorationem sanctissimæ Dei matris adiunxit, qua pie atque suppliciter ad eam confugeremus, ut nobis peccatoribus sua intercessione conciliaret Deum, bonaque tum ad hanc, tum ad æternam uitam necessaria impetraret. Ergo nos exules, filij Eux, qui hanc lacrymarum uallem incolimus, assidue misericordię matrem, ac fidelis populi aduocatam inuocare



uocare debemus, ut oret pro nobis peccatoribus, ab eaque hac prece opem & auxilium implorare, cuius & præstantissima merita apud Deum esse, & summam uoluntatem iuuandi humanum genus, nemo, nisi impie & nefarie, dubitare potest.

## Q V I S O R A N D V S S I T .

Deum autem orandum esse, & eius nomen inuocandum, ipsa loquitur nature uis, insita in hominum mentibus, non solum tradunt diuine littere, in quibus licet audire imperantem Deum, Inuocame in die tribulationis: sed Dei nomine tres personas intelligi oportet. Secundo loco confugimus ad auxilia sanctorum, qui in cælo sunt: quibus etiam preces esse faciendas, ita certum est in Ecclesia Dei; ut pijs nulla de eo dubitatio possit accidere. que res quia separatim suo loco est explicata; eo & Parochos, & ceteros trāsmittimus. sed ut tollatur omnis error imperitorum, opera pretium erit docere fidelem populum, quid intersit inter hanc inuocandi rationem. non enim eodem modo Deum, & sanctos imploramus. nam precamur Deum, ut ipse uel bona det, uel liberet a malis: a sanctis autem, quia gratiosi sunt apud Deum, petimus, ut nostri patrociniū suscipiant, ut nobis a Deo impetrent ea, quorum indigemus. hinc duas adhibemus precandi formulas, modo differentes. ad Deum enim proprie dicimus, Misere nobis, Audi nos: ad sanctum, Ora pro nobis. Quamquam licet etiam alia quadam ratione petere a sanctis ipsis, ut nostri misereantur: sunt enim maxime misericordes.

ricordes. itaque precari possumus eos, ut, conditionis nostrę miseria permoti, sua nos apud Deum gratia, ac deprecatione iuuent. Quo loco illud maxime cauendum est omnibus, ne, quod Dei proprium est, cuiquam præterea tribuant: immo uero, cum ad imaginem sancti alicuius quis Dominicam orationem pronunciat, ita tum sentiat, se ab illo petere, ut secum oret, sibi que postulet ea, quæ Dominicæ orationis formula continentur, & sui denique sit interpret, & deprecator, ad Deum. nam eos hoc fungi officio docuit sanctus Ioannes apostolus in Apocalypsi.

*Apo. 8*

#### DE PRÆPARATIONE ADHIBENDA.

*Eccle. 18*

Est in diuinis litteris: Ante orationem præpara animam tuam, & noli esse quasi homo, qui tentat Deum. Tentat enim Deum is, qui cum bene orat, male agit; & cum loquatur cum Deo, a precibus animus eius aberrat. Quare cum tanti intersit, quo quisque animo Deo preces faciat, tradant Pastores uias precationum pijs auditoribus. Præus igitur gradus ad orationem erit, uere humilis, ac demissus animus, scelerum quoq. recognitio; quibus sceleribus intelligat, qui ad Deum accedit, se non modo dignum non esse, qui quidquam impetret a Deo, sed qui ne in eius quidem conspectum ueniat oraturus. Huius præparationis sæpissime mentionē faciunt diuinæ littæræ: quæ & illud loquuntur: Respexit in orationem humilium, & nō spreuit preces eorum. Item: Oratio humiliantis se, nubes penetrabit. Sed occurrent Pastoribus erudi-

*Psa'm. 101*

*Eccle. 35*

tis loci innumerabiles, qui in eam sententiam con-  
 ueniant: quamobrem plurimum non necessaria cō-  
 memoracione superfedemus. tantum uero, quæ  
 alias attigimus, ne in hac quidem parte, quia sunt  
 apposita ad hanc rationem, duo illa exempla præ-  
 termitteremus. Publicanus est ille notissimus, qui *Luc. 18*  
 longe consistens, oculos humo tollere non aude-  
 bat. Est etiam mulier illa peccatrix, quæ dolore cō *Luc. 7*  
 mota, lacrymis pedes Christi domini perfudit.  
 uterque, quantum afferat orationi pondus humili-  
 tas Christiana, declarauit. Sequitur angor quidam  
 in recordatione delictorum, uel saltem aliquis do-  
 loris sensus ob eam causam, quod dolere non pos-  
 simus: quorum utrumque, uel certe alterum, nisi a  
 penitente adhibearur, uenia impetrari non potest.  
 Sed quia sunt quædam scelera, quæ maxime obstāt,  
 quo minus in precatione Deus postulationi nostræ  
 concedat, ut cædes, & illata uis, manus abstinen-  
 dæ sunt ab hac crudelitate, & uiolentia. de quo fa-  
 cinore sic Isaïæ ore loquitur Deus: Cum extenderi *Isa. 1*  
 ris manus uestras, auertam oculos meos a uobis: &  
 cum multiplicaueritis orationem, non exaudiam:  
 manus enim uestre sanguine plenæ sunt. Fugienda  
 est ira, ac dissidium; quæ magnopere etiam impe-  
 diunt, ne preces audiatur. de quibus est illud Apo-  
 stoli; Volo uiros orare in omni loco, leuantes pu- *1. Tim. 2*  
 ras manus sine ira, & disceptatione. Videndum est  
 præterea, ne nos implacabiles cuiquā præbeamus  
 in iniuria: nam sic affecti, Deum precibus adduce- *Marc. 11*  
 re non poterimus, ut nobis ignoscat. Cū enim sta- *Matth. 6*  
 bitis, inquit ipse, ad orandū, dimittite, si quid habe-  
 tis; & si nō dimiseritis hominibus, nec pater uester  
 dimittet

dimittet uobis peccata uestra. Cauendum quoque  
 est, ne duri simus, & inhumani egentibus. nam in  
*Prouer. 21* eiusmodi homines illud dictum est: Qui obturat  
 aurem suam ad clamorem pauperis, & ipse clama-  
 bit, & non exaudietur. Quid dicemus de super-  
 bia? quæ quantopere Deum offendat, testis est illa  
*Jacobi 4* uox; Deus superbis resistit, humilibus autem dat  
 gratiam. Quid de contemptione diuinorum ora-  
 culorum? in quam extat illud Salomonis: Qui de-  
 clinat aures suas ne audiat legem, oratio eius erit  
*1. Pet. 5*  
*Prouer. 28* execrabilis. Quo tamen loco non excluditur de-  
 precatio factæ iniuriæ, non cædis, non iracundiæ,  
 non illiberalitatis in pauperes, non superbiæ, non  
 despicientiæ diuinæ orationis, nō denique reliquo-  
 rum scelerum, si ignoscendi uenia petatur. Est ue-  
 ro ad hanc quoque præparationem animi, fides ne-  
 cessaria; quæ si desit, neq. de summi Patris omni po-  
 tentia, neq. de illius misericordia; unde tamen orā-  
 ris fiducia oritur. habetur cognitio; quemadmodū  
*Matth. 21* docuit ipse Christus dominus, Omnia, inquit, quæ  
 cumque petieritis in oratione, credentes accipietis.  
 De huiusmodi fide scribit sanctus Augustinus de  
 uerbis Domini: Si fides deficit, oratio perijt. Ca-  
 put igitur est ad rite orandum, quod iam dictum  
 est, ut fide firmi, ac fixi simus. quod Apostolus ex  
*Rem. 10* contrario ostendit: Quo modo inuocabunt, in  
 quem non crediderunt? Itaq. credamus oportet,  
 ut & orare possimus, & ne nos fides ipsa deficiat,  
 qua salutariter oramus. Fides enim est, quæ preces  
 fundit: preces faciunt, ut, omni dubitatione subla-  
 ta, stabilis, ac firma sit fides. In hanc sententiam  
 sanctus hortabatur Ignatius eos, qui ad Deū adiret  
 oratu-



oraturi: Noli dubio esse animo in oratione: Beatus est, qui non dubitauerit. Quare ad impetrandum quod uelimus a Deo, maximum pōdus affert fides, & certa spes impetrandi. quod monet sanctus Iacobus; Postulet in fide, nihil hæsitans. Multa sunt, quibus nos cōfidere oportet in hoc officio precationis. Est ipsa Dei in nos perspecta uolūtas, ac benignitas, cum iubet nos se patrem appellare, ut eius nos esse filios intelligamus. Est prope infinitus numerus eorum, qui Deum exorauerunt. Est summus ille deprecator, qui nobis semper præsto est, Christus dominus; de quo sic est apud sanctum Ioannem; Si quis peccauerit, aduocatum habemus *1. Ioan. 2* apud patrem, Iesum Christum iustum; & ipse est propitiatio pro peccatis nostris. Item Paulus apostolus: Christus Iesus, qui mortuus est, immo qui & resurrexit, qui est ad dexteram Dei, qui etiam interpellat pro nobis. Item ad Timotheum: Unus *1. Tim. 2* enim Deus, unus & mediator Dei, & hominum homo Christus Iesus. Tum ad Hebræos: Vnde debuit per omnia fratribus asfimilari, ut misericors fieret, & fidelis pontifex ad Deum. Quare etsi nos indigni sumus, qui impetremus, tamen optimi dignitate interpretis, ac deprecatoris Iesu Christi sperare, & magnopere confidere debemus, nobis omnia, quæ per illum rite petierimus, concessurum Deum. Denique nostræ auctor est precatio nis spiritus sanctus: quo duce preces nostras audiri necesse est. Accepimus enim spiritum adoptionis filiorum Dei, in quo clamamus, Abba pater. qui quidem spiritus infirmitatem, qui inscitiam nostram adiuuat in hoc orandi munere: immo uero,

II inquit,

Rom. 8

Luc. 17

Marc. 9

Ioan. 15

inquit, ipse postulat pro nobis gemitibus inenarrabilibus. Quod si qui titubant interdum, nec se satis esse firmos in fide sentiunt; utantur illa uoce apostolorum; Domine adauge nobis fidem: & cæci illius, Adiua incredulitatem meam. Sed tum maxime & fide, & spe uigentes, omnia a Deo optata consequemur, cum ad ipsius Dei legem, ac uoluntatem, omnem mentem, actionem, & orationem nostram conformabimus: Si manseritis, enim inquit, in me, & uerba mea in uobis manserint; quodcumq. uolueritis, petetis, & fiet uobis. Quamquam ad hanc impetrandi a Deo omnia facultatem, in primis necessaria est, ut antea diximus, obliuio iniuriarum, & beneuolentia, ac benefica uoluntas in proximos.

Q V A E R A T I O I N O R A N D O  
R E Q V I R A T V R.

Iacobi 4

Ierem. 4

Maxime autem refert, quo modo sacris precibus utamur: nam etsi precatio bonum est salutare, tamen, nisi recte adhibeatur, minime prodest: quod enim petimus, sæpe non assequimur, ut sanctus inquit Iacobus, ob eam causam, quia male petimus. Ergo docebunt Parochi fidelem populum, quæ sit optima ratio bene petendi, & priuatim, ac publice orandi. quæ præcepta Christianæ orationis tradita sunt ex Christi domini disciplina. Est igitur orandum in spiritu, & ueritate. nam cælestis pater tales quærit, qui adorent eum in spiritu, & ueritate. orat autem eo modo, qui intimum, ac flagrans animi studium adhibet. a qua spiritali precandi ratione

ratione uocalē non excludimus: uerum tamen principatum iure tribuendum ducimus illi, quæ a uehementi animo proficiscitur, obsecrationi: quam Deus, cui patent occultæ hominum cogitationes, audit, etiam si non ore proferatur. Audiuit Anna, eius, quæ fuit mater Samuelis, intimas preces; de qua illud legimus, flentem orasse, & tantum labia mouentem. Oravit hoc modo Dauid: *Psalms. 136* ait enim: Tibi dixit cor meum, exquisiuit te facies mea. Huiusmodi exēpla in diuinis libris passim legentibus occurrunt. Habet autem uocalis oratio propriam utilitatem, & necessitatem: nam incendit animi studium, & religionem orantis inflammatur. quod ad Probam scripsit sanctus Augustinus hoc modo: Nonnumquam uerbis & alijs signis ad augendum desiderium sanctum, nos ipsi acrius excitamus. Cogimur interdum uehementi animi cupiditate, & pietate, uerbis efferre sententiam. nam exultante animo lætitia, par etiam est, linguam exultare. & uere decet nos cumulatam illud sacrificium facere & animæ, & corporis. quem Apostolorum orandi morem fuisse, & ex eorum Actis, & ex Apostolo multis locis cognoscimus. Sed quoniā duplex precandi ratio est, priuata, & publica: priuata orationis pronūciatione utimur, ut intimum studium, & pietatem adiuuet; in publica, quæ ad incitandam fidelis populi religionem instituta est, certis, stansq. temporibus lingue officio supersederi nullo modo potest. Hanc uero spiritu orandi consuetudinem, propriam Christianorum hominum, infideles minime colūt: de quibus ita licet Christum dominum loquentem audi-

*Math. 6*

re: Orantes nolite multum loqui, sicut ethnici faciunt; putant enim, quod in multiloquio suo exaudiantur. nolite ergo assimilari eis: scit enim pater uester, quid opus sit uobis, ante quam petatis eū. Cum autem prohibeat loquacitatem; longas tamen preces, quæ a uehementi, ac diuturno animi studio proficiſcantur, tantum abest, ut rejiciat; ut etiam suo exemplo nos ad eam rationem cohor-

*Luc. 6**Math. 26*

tetur, qui non modo noctes in precatione consumpsit, sed ter eundem sermonem repetijt. Tantum igitur statuendum est, inani uerborum sono minime exorari Deum. Nec uero ex animo orant

*Math. 6*

hypocritæ: a quorum nos consuetudine deterret Christus dominus in hanc sententiā: Cum oratis, non eritis sicut hypocritæ, qui amant in synagogis, & in angulis platearum stantes, orare, ut uideantur ab hominibus. amen dico uobis, receperunt mercedem suam. Tu autem cum oraueris, intra in cubiculum tuum, & clauso ostio, ora patrem tuū in abscondito; & pater tuus, qui uidet in abscondito, reddet tibi. Cubiculum, quod hoc loco dicitur, ad cor hominis referri potest, quod non satis est ingredi, sed præterea occludi oportet, ne quid irrumpat, uel influat in animas extrinsecus, quo precationis integritas uiolari possit. tum enim celestis pater, qui omnium mentes, & occultas cogitationes maxime perspicit, orantis postulationi cōcedit. Requirit præterea oratio assiduitatem: quæ quantam uim habeat, iudicis illius exemplo, Dei

*Luc. 18*

filius ostendit: qui cum nec timeret Deum, nec hominem reuereretur, uictus assiduitate, ac diligentia uiduæ, eius postulationi concessit. Itaq. assidue

Deo



Deo preces faciendæ sunt; nec imitandi illi, qui semel, aut iterum orantes, nisi, quod petunt, impetrarint, in oratione defatigantur. nulla enim huius officii lassitudo esse debet: quod nos Christi domini, & Apostoli docet auctoritas. quod si interdum uoluntas in eo defecerit, precibus a Deo petamus perseuerandi uim. Vult etiam Dei filius orationem nostram ad patrem suo nomine peruenire: quæ eius merito, & gratia deprecatoris id pōdus assequitur, ut a cælesti patre audiatur. est enim eius illa uox apud S. Ioannem; Amen amen dico uobis, si quid *Ioan. 16* petieritis patrem in nomine meo, dabit uobis: usque modo non petistis quidquam in nomine meo? petite, & accipietis; ut gaudium uestrum sit plenum. & iterum: Quodcumque petieritis patrem in nomine meo, hoc faciam. *Ioan. 14* Imitemur ardens sanctorum hominum studium, quod illi in orando adhibebant. Gratiarum autem actionem cum precatione iungamus, apostolorum exemplo; qui hanc consuetudinem perpetuo seruauerunt: quemadmodum apud Apostolum licet uidere. Ieiunium uero, & elemosynam ad orationem adhibeamus. Ieiunium quidem certe maxime est cum oratione sociatum. nam qui cibo, & potu sunt onusti, horum mens oppressa est sic, ut neque Deum intueri, neque, quid sibi uelit oratio, cogitare possint. Sequitur Elemosyna; quæ magnam & ipsa cum oratione societatem habet. quis enim, cui facultas sit benigne faciendi ei, qui aliena misericordia uiuat, nec opituletur proximo, & fratri suo, se charitate præditum dicere audeat? aut quo ore is, qui expers sit charitatis, Dei auxilium implorabit? nisi tum:

peccati ueniam precatur simul & a Deo suppliciter postulat charitatem. Quare diuinitus factum est, ut saluti hominum triplici hoc remedio subueniretur. cum enim peccando uel offendamus Deum, uel proximos uiolemus, uel nos ipsos laedamus; sacris precibus placatum reddimus Deum; eleemosyna redimimus hominum offensiones; ieiunio proprias uite sordes eluimus. & quamquam singula prosint ad omnium scelerum genera, tamen proprie singulis ijs peccatis, quæ diximus, apposita, & accommodata sunt.

## P A T E R N O S T E R Q U I E S

I N C A E L I S.



**Q**UONIAM hæc formula Christianę precationis, a Iesu Christo tradita, eam habeat uiam, ut, antequam ad preces, postulationesq. ueniamus, certis uerbis loco præemij nobis utendum sit, quibus pie ad Deum accedentes, fidentius etiã id facere possimus; Parochi officium est, illa distincte, dilucideq. declarare, ut alacrior pius populus ad preces adeat, seque cū patre Deo acturum intelligat. Præemium autem, si spectes uerba, breuissimum est; si res æstimes, grauisissimum, mysteriorumq. plenissimum. Ac prima quidem uox, qua Dei iussu, & institutione utimur in hac precatione, est PATER. nam etsi Saluator noster diuinam hanc orationem prætexere potuit aliquo uerbo, quod plus maiestatis haberet, exēpli causa, Creatoris, aut Domini; tamen hæc omisit, quæ timorem

morem simul nobis afferre possent; illud autem adhibuit, quod orantibus, & aliquid a Deo petentibus, amorem, fiduciamque conciliat. quid enim iucundius est patris nomine? quod indulgentiam sonat, & charitatem. Quibus autem rationibus patris nomen Deo conueniat, suppeditabit facultas docendi fidelem populum, ex locis creationis, gubernationis, ac redemptionis. nam cum Deus hominem creauerit ad imaginem suam, nec illam ceteris animantibus impertiuert; ex hoc singulari munere, quo hominem ornauit, iure omnium hominum, nec fidelium modo, sed etiam infidelium, Pater in diuinis scripturis appellatur. A gubernatione uero sumere poterit argumentum, quod prospiciendo, & consulendo utilitati hominum, præcipuo quodam curæ, & prouidentia modo nobis præstat patriam charitatem. Sed ut in huius explicatione argumenti paternam Dei de hominibus curam melius agnoscat, de custodia angelorum, in quorum tutela sunt homines, aliquid dicendum uidetur. Est enim Dei prouidentia datum hoc negotium angelis, ut custodiant humanum genus, singulisque hominibus præsto sint, ne grauius aliquod detrimentum accipiant. nam ut parentes, si infesta, & periculosa uia filiis iter faciendum sit, custodes adhibent, & periculorum adiutores: sic cælestis parens in hoc itinere, quo ad cælestem patriam contendimus, singulis nobis præposuit angelos, quorum ope, ac diligentia recti, furtim paratos ab hostibus laqueos uitaremus, & factos in nos horribiles impetus repelleremus, iisque ducibus rectum iter teneremus;

mus; ne obiectus aliquis error a fallaci aduersario, nos de uia posset deducere, quæ ducit in cælum. Quam uero habeat utilitatem hæc de hominibus Dei cura, ac prouidentia singularis, cuius munus, & administratio mandata est angelis, quorum inter Deum, & homines media est, & interiecta natura; patet exemplis, quorum copiam suppeditant diuinæ litteræ, quæ testantur, sæpe Dei benignitate factum esse, ut, inspectantibus hominibus angeli mirabiles res efficerent; quibus moneremur, innumerabilia eius generis, quæ sub oculos non caderent, a custodibus nostræ salutis angelis effici utiliter, ac salutariter. Raphael angelus, Tobie comes, & dux itineris diuinitus adiunctus, illum duxit, & reduxit incolumem: cui & adiumento fuit, ne ab immani pisce deuoraretur; &, quanta esset in eius piscis iecore, fele, & corde uis, demonstrauit. Ille dæmonium expulit; eiusque impedita, & colligata potestate, ne Tobie noceret, effecit. Ille uerū, & legitimum matrimonij ius, & usum adolescentem edocuit. Ille Tobie patri, oculis capto, lumina restituit. Angelus item ille, Principis apostolorum liberator, uberem præbebit materiam ad erudiendum pium gregem de admirabili fructu curæ, custodiæque angelorum, cum demonstrabunt Parochi angelum carceris tenebras illustrantem, & Petrum tacto eius latere e somno excitantem, soluentem catenas, dirumpentem uincula, monentem ut surgeret, seque sumptis caligis, & reliquo uestitu sequeretur; cum docebūt ab eodem angelo Petrum per custodias libere eductum e carcere, & aperta denique ianua in tuto collocatum. Huius generis

Tob. 56

Tob. 12

Tob. 6

Tob. 12

Act. 12



generis exemplorum, quemadmodum diximus, referta est sanctarum litterarum historia, quibus intelligimus, quanta sit uis beneficiorum, quæ confert in homines Deus, angelis interpretibus, & internuncijs, nec solum certa aliqua, & priuata de re misfis, sed a primo ortu, nostræ curæ præpositis, & in singulorum hominum salutis præsidio collocatis. Hanc doctrinæ diligentiam illa utilitas consequetur, ut audientium mentes erigantur, & ad agnoscendā, ac uenerandam Dei paternam de se curam, ac prouidentiam excitentur. Commendabit autem hoc loco Parochus, in primisque prædicabit diuitias benignitatis Dei erga genus humanum; quem cum a primo parente nostri generis, & peccati, usque ad hanc diē offenderimus flagitijs, ac sceleribus innumerabilibus, retinet tamen in nos charitatem, neq. præcipuam illam de nobis curam deponit. Quem si quis existimat hominum obliuisci, amens est, & in Deum iacit indignissimam contumeliam. Irascitur Israeli Deus propter eius gentis blasphemiam, quæ se arbitrabatur celesti ope desertam esse. est enim in Exodo: *Tentaue-* Exod. 17  
*runt Dominum, dicentes; Est ne Deus in nobis, an*  
*non? Et apud Ezechielem, succenset eidem populo* Ezech. 8  
*Deus, quod dixerat, Nō uidet Dominus nos; dere-*  
*liquit Dominus terram. Ergo fideles his auctori-*  
*tatibus a nefaria illa opinione deterrēdi sunt, fieri*  
*posse, ut Deum capiat hominum obliuio. In quam*  
*sententiam audire licet cōquerentem de Deo apud*  
*Isaiam Israeliticum populum; contraque, Deum*  
*stultā eius querimoniam benigna similitudine re-*  
*fellentem. Est enim ibi: Dixit Sion: Dereliquit* Isa. 49  
me

me Dominus; & Dominus oblitus est mei. cui Deus: Numquid obliuisci potest mulier infantem suū, ut non misereatur filio uteri sui? & si illa oblita fuerit, ego tamen non obliuiscar tui. Ecce in manibus meis descripsi te. Quibus locis quamquam id li-  
quido confirmatur; tamen, ut penitus fideli populo persuadeatur, nullum posse tempus accidere, quo deponat Deus hominum memoriam, quo eis non tribuat patriæ charitatis officia, Parochi rem clarissimo primorum hominū exemplo comprobabunt: quos, post neglectum, uiolatumque Dei iussum, cum acerbius accusatos, & horribili illa sententia condemnatos audis; Maledicta terra in opere tuo; in laboribus comedes ex ea cunctis diebus uitæ tuæ; spinas, & tribulos germinabit tibi; & comedes herbas terræ: cum uides e paradiso expulsos; &, ut omnis reditus spes adimeretur, cum in aditu paradisi collocatum legis Cherubin flammæum tenentem, & uersatilem gladium: cum ab ulciscente suam iniuriam Deo illos intimis, & externis molestiis conflictatos intelligis: an non actū de homine putes? an nō credas nō modo diuino illum auxilio nudatum, sed etiam cuius iniurię propositum? Verumtamen in tantis diuinę irę & ultionis indicijs oborta est lux quēdā Dei in eos charitatis: Fecit enim, inquit, dominus Deus Adæ, & uxori eius tunicas pelliceas, & induit eos: quod maximum fuit argumentum, hominibus nullo umquam tempore defuturum Deum. Huius etiam sententiæ uim, nō exhauriri Dei amorem uel la hominum iniuria, Dauid expresfit illis uerbis;  
Numquid cōtinebit Deus in ira sua misericordias  
suas?

Gen. 3

Gen. 3

psal. 76

suas? Hanc Habacuc Deum affatus exposuit, dum *Habac. 3*  
 inquit; Cum iratus fueris, misericordiæ recordaberis . Hanc sic Michæas aperuit; Quis Deus simi- *Mich. 7*  
 lis tui? qui aufers iniquitatem, & transfers peccatum reliquiarum hereditatis tuæ: non immitteret ultra furorem suum, quoniam uolens misericordiam est. Omnino res ita se habet: cum maxime perditos nos, & Dei præsidio spoliatos arbitramur, tum maxime, pro immensa sua bonitate, nos quærit, & curat Deus: sustinet enim in ira gladium iustitiæ, nec cessat effundere inexhaustos misericordiæ thesauros. Magnam igitur uim habent ad declarandam præcipuam Dei rationem in amando, tuendoque hominum genere, creatio, & gubernatio. sed tamen illud opus redimendi hominem sic eminet inter duo superiora, ut beneficentissimus Deus, parensque noster summam in nos benignitatē tertio hoc beneficio cumulata illustrarit. Quare trader spiritualibus filiis Parochus, & assidue eorum auribus inculcabit hanc præstatis-  
 simam Dei erga nos charitatem, ut intelligant se, quia redempti sint, admirabilem in modum Dei filios euasisse. Dedit enim, inquit Ioannes, eis pote- *Ioan. 1*  
 statem filios Dei fieri, & ex Deo nati sunt. Quam ob causam baptisimus, quod primū redemptionis pignus & monumentum habemus, sacramentum regenerationis dicitur: inde enim nascimur Dei filij: nam inquit ipse Dominus: Quod natum est ex spiritu, spiritus est: & oportet uos nasci denuo. *Ioan. 3*  
 Item Petrus apostolus, Renati non ex semine corruptibili, sed incorruptibili, per uerbum Dei ui- *1. Petr. 1*  
 ui. Huius pondere redemptionis, & spiritum sanctum

etum accepimus, & Dei gratia dignati sumus. Quo munere Dei filij adoptamur, quemadmodum ad Romanos scripsit Apostolus: Non accepistis spiritum seruitutis iterum in timore, sed accepistis spiritum adoptionis filiorum, in quo clamamus Abba pater. Cuius uim & efficaciam adoptionis explanat.

- Rom. 8* 1. *Epist. 3* sanctus Ioannes ad hunc modum; Videte qualem charitatem dedit nobis pater, ut filij Dei nominemur, & simus. His expositis, admonendus est fidelis populus, quid ipse uicissim debeat amantissimo patri Deo, ut intelligat, quem amorem, ac pietatem, quam obedientiam, ac uenerationem creatori, gubernatori, ac redemptori præstare, qua spe, ac fiducia illum inuocare oporteat. Sed ad erudiendam inscitiam, dirigendamque sententiæ peruersitatem eorum, si qui tantummodo secundas res, & prosperum uitæ cursum argumento esse existimant, Deum conseruare nobis amorem suum, rebus autem aduersis, & calamitatibus, cum a Deo exercentur, id esse signum hostilis in nos animi, & prorsus abalienatæ a nobis diuinæ uoluntatis, demonstrandum erit, cum tangit nos manus Domini, minime id hostiliter facere Dominum, uerum percutiendo sanare, & plagam a Deo uenientem esse medicinam. Castigat enim peccantes, ut ea disciplina meliores faciat, & præsentis animaduersione redimat ab exitio sempiterno. Nam uisitat quidem in uirga iniquitates nostras, & in uerberibus peccata nostra, misericordiam autem suam non aufert a nobis. Quare monendi sunt fideles, ut in eiusmodi castigatione patriam Dei charitatem agnoscant, & illud apud patientissimum Iob in memoria,

*Iob 19*

*Psal. 88*

*Iob. 4*

ria,



riā, & in ore habeant: Ipse uulnerat, & medetur: percutit, & manus eius sanabunt. ut illud usurpēt, quod sub persona Israelitici populi scripsit Hieremias: Castigasti me, & eruditus sum, quasi *Hier. 31* iuuenulus indomitus: conuerte me, & conuertar: quia tu dominus Deus meus. Vt Tobie exemplum *Tob. 12* sibi proponant, qui cum in illa plaga cæcitatē paternam Dei manū cædentem sensisset; exclamauit: Benedico te domine Deus Israel, quia tu castigasti me, & tu saluasti me. In quo maxime cauendum est fidelibus, ne, etiam si quouis incommodo affecti, quauis calamitate afflictī sint, Deum id ignorare existiment: ait enim ipse: Capillus de capite *Luc. 21* uestro non peribit. immo uero se ipsi illo diuini oraculi solatio consolentur, quod in Apocalypsi *Apocal. 3* dictum est: Ego, quos amo, arguo, & castigo. Conquiescant in Apostoli cohortatione ad Hebræos: *Heb. 12* Fili mi, noli negligere disciplinam Domini, neque fatigeris, dum ab eo argueris: quem enim diligit Dominus, castigat; flagellat autem omnem filium, quem recipit: quod si extra disciplinam estis, adulterini estis, & non filij. patres quidem carnis nostræ cruditores habuimus, & reuecebamur eos; non multo magis obtemperabimus patri spirituum, & uiuemus?

NOSTER. Cum patrem inuocamus singuli, & nostrum appellamus, docemur, ex dono, ac iure diuinæ adoptionis consequi necessario, ut fratres sint fideles omnes, & inter se fraterne amare debeant: Omnes, enim inquit, uos fratres estis: unus est enim pater uester, qui in cælis est. *Matth. 23* Quare etiā in epistolis, fideles omnes, apostoli fratres appellant.

lant. Ex quo item cōficitur illa consecutio necessaria, ut eadem adoptione Dei non solum inter se fideles uniuersi fraterna necessitudine cōiungantur, sed, quia homo est unigenitus Dei filius, fratres etiā eius & nominentur, & sint. nam in epistola ad

*Hebr. 2* Hebræos, cum de filio Dei loqueretur, scripsit Apostolus; Non confunditur fratres eos uocare,

*Psal. 21* dicens: Nunciabo nomen tuum fratribus meis. quod tanto ante Dauid de Christo domino prædixerat. Ipse uero etiam Christus sic apud Euangeli-

*Math. 28* stam loquitur ad mulieres: Ite, nunciate fratribus meis, uteant in Galilæam: ibi me uidebunt.

Quod tum ab eo dictū esse constat, cum iam excitatus a mortuis immortalitatem esset consecutus: ne quis existimet fraternam hanc cognationem, eius resurrectione, & in cælum ascensu dissolutam esse. Tantum enim abest, ut hanc coniunctionem, & charitatem Christi resurrectio diremerit, ut ex illa maiestatis, & glorię sede, tum cum de omni-

*Math. 25* bus omnis memorię hominibus iudicabit, fideliū minimos ab eo, fratrum nomine, appellandos acceperimus. Qui autem fieri potest, ut Christi fra-

*Rom. 8* tres non simus, cuius coheredes dicimur? Est enim primogenitus ipse, constitutus heres uniuersorum: nos uero secundo loco geniti, coheredes

*Hebr. 1* eius, pro modo cælestium donorum, pro ratione charitatis, qua præbuerimus nos ministros, & coadiutores spiritus sancti; quo auctore ad uirtutem, salutareque actiones impellimur, & incendimur, ut eius freti gratia in certamen salutis fortiter descendamus; quo sapienter, constanterq. confecto, decursoque huius uitæ spatio, iustum coronæ præ-

mium

mium capimus a cælesti parente, omnibus, qui eundem cursum tenuerint, constitutum. Non enim, ut ait Apostolus, iniustus est Deus, ut obliuiscatur operis nostri, & dilectionis. Quam uero hanc ex animo uocem NOSTER proferre debeamus, S. Chrysostomi sententia declaratur, qui Deū inquit libenter Christianum audire non solum pro se, sed pro altero deprecantem; quod pro se orare naturæ est, pro altero gratiæ; pro se necessitas cogit, pro altero fraterna charitas hortatur. quibus illa subunxit: lucundior est Deo, quam charitas fraterna commendat, quam ea, quæ necessitate pronunciat. In hac tanta materia salutaris orationis, monere, & hortari debet Parochus omnes omnis ætatis, generis, ordinis, ut communis huius fraternæ necessitudinis memores, comiter, & fraterne se gerant, neque se alijs alij præferant insolentius. Nam etsi in Ecclesia Dei diuersi sunt officiorum gradus: tamen illa uarietas graduum, & munerum fraternæ necessitudinis cōiunctionem minime tollit: quemadmodū in hominis corpore uarius usus, & diuersa functio membrorum nihil agit, quam obrere hæc, uel illa corporis pars membri munus, & nomen amittat. Propone tibi eum, qui regia sit potestate: an is igitur, si fidelis est, frater non est omnium, qui Christianæ fidei communionem continentur? maxime: quid ita? quia non est Deus alius is, ex quo diuites, & reges nati sunt, ab eo, a quo pauperes, & qui in regum potestate sunt, extiterunt, sed unus Deus, & parens, & dominus omniū. Itaque una spiritualis ortus omniū nobilitas, una dignitas. unus splendor generis; cum omnes ex eodem spiritu,

tu, ex eodem fidei sacramento nati sumus filij Dei, & eiusdem hereditatis coheredes. Nec uero alium Christum Deum habent copiosi, & potentes homines, alium tenuiores, & infirmi; non alijs sacramentis sunt initiati, nec aliam hereditatem regni cælestis expectant. Fratres sumus omnes, &, ut inquit

*Ad Eph. 5* Apostolus ad Ephesios, membra sumus corporis Christi, de carne eius, & de ossibus eius. Quod idem in epistola ad Galatas significat Apostolus:

*Ad Gal. 3* Omnes filii Dei estis per fidem in Christo Iesu: quicumque enim in Christo baptizati estis, Christum induistis; non est Iudæus, neque Græcus; nō est seruus, neque liber; non est masculus, neque femina: omnes enim uos unum estis in Christo Iesu. Hæc autem accurate uersanda res est Pastoribus animarum, & scienter illis in hac sententia commemorandum: est enim accommodatus locus non minus ad confirmandos, & excitandos inopes, & abiectos homines, quam ad coercendam, deprimendamq. arrogantiam locupletum; atq. potentium. Cui hominum incommodo uti mederetur, urgebat Apostolus fraternā hanc charitatem, & inculcabat fideiū auribus. Cum igitur has Deo preces factururus es, Christiane memineris te tamquam filium ad patrem Deum accedere. Itaq. cum precationem ordiris, & illud, Pater noster, pronuncias, cogita, quem in locum te summa Dei benignitas extulerit, qui non ut seruum ad dominum adire inuitum, ac timidum, sed ut ad patrem filium uoluntarium, securumque confugere iusserit. Quæ in memoria, & cogitatione, quo uicissim studio, & pietate tibi orandum sit, considera: danda enim est



est tibi opera, te ut talem præbeas, qualem esse decet Dei filium, idest ut oratio, & actiones tuæ non indignæ sint diuino genere: quo te dignari uoluit beneficentissimus Deus. Ad hanc officij rationem nos Apostolus cohortatur, cū ait: Estote ergo imitatores Dei, sicut filij carissimi: ut uere de nobis dici possit, quod ipse Apostolus scripsit ad Thessalonicenses: Omnes uos filij lucis estis, & filij diei. Eph. 5  
1. Theß. 5

## QVI ES IN CÆLIS.

Constat inter omnes, qui recte de Deo sentiunt, ubiq. locorum, & gentium esse Deū. quod non ita intelligendum est, quasi ipse distributus in partes, una parte locū unum, alia aliū occupet, ac tueatur. nā Deus spiritus est, omnis expers diuisionis. Quis enim audeat Deum, tamquā in uestigio positum, loci alicuius finibus circūscribere, cum ipse de se dicat; Numquid non cælum & terram ego impleo? Hier. 23  
Quod rursum sic accipiendum est, Deum cælum ac terram, quæque cælo, ac terra cōprehensa sunt, ui sua, ac uirtute complecti, non autem ipsum ullo loco cōtineri. adest enim rebus omnibus Deus, uel creans ipsas, uel conseruans creatas, nulla regione, nullis finibus uel circumscriptus, uel ita definitus, quo minus & naturam, & potestatem suā præsens ubique constituat. quod beatus David expressit illis uerbis: Si ascendero in cælum, tu illic es. Psal. 138  
Verum etsi præsens adsit Deus in locis & rebus omnibus, nullis, ut diximus, terminis definitus, tamen in diuinis scripturis sæpe dicitur habere domicilium suum in cælo. quod ideo factū uidemus, quod cæli, quos suspicamus, sunt nobilissima mū-

di pars, iidemq. manent incorrupti, præstantes ui,  
 magnitudine, ac pulchritudine ceteris corporibus,  
 certisque ac stabilibus motibus præditi. Ergo ut  
 excitaret hominum animos Deus ad contemplan-  
 dam infinitam suam potestatem, ac maiestatem,  
 quæ maxime elucet in opere cælorum, se in diuinis  
 scripturis habitare testatur in cælis: sæpe etiam,  
 quod res est, declarat, nullam esse mundi partem,  
 quæ non præsentis Dei natura, & potestate compre-  
 hensa sit. Quamquam in hac cogitatione fideles  
 non solum cõmunis omnium parentis imaginem  
 sibi proponent, sed etiam in cælo regnantis Dei, ut  
 oraturi meminerint, mentem, animumq. esse refe-  
 rendum ad cælũ; quantumque spei, ac fiducię affert  
 eis patris nomen, tantum Christianę humilitatis, ac  
 pietatis adiungat præstans illa natura, ac diuina  
 maiestas patris nostri, qui est in cælis. Quę uerba  
 præfiniunt etiam orantibus, quid perendum sit:  
 Omnis enim postulatio nostra, quæ ad huius uitæ  
 usum, ac necessitatem pertineat, nisi cum cęlestibus  
 sit coniuncta bonis, & ad illum finem dirigatur,  
 inanis est, & indigna Christiano. Quare monebũt  
 pios auditores Parochi de hac ratione precationis,  
 & admonitiõẽ illa Apostoli auctoritate compro-  
 babunt; Si consurrexistis cum Christo, quę sursum  
 sunt quærite, ubi Christus est in dextera Dei sedes:  
 quæ sursum sunt, sapite, non quæ super terram.

Ad Col. 3

SANCTIFICETVR NOMEN TVVM.

Quid a Deo perendum, quoue ordine id agen-  
 dum sit, magister ipse, ac dominus omniũ docuit,  
 & imperauit. nam cum studij, & desiderij nostri  
 nuncia

nuncia sit, & interpretor oratio, tum recte, & ratione petimus, cum postulationum ordo sequitur ordinem rerum expetendarum. Monet autem nos uera charitas, totum ut animum, ac studium conferamus in Deum: qui quoniam solus est in se ipso summū bonum, iure est præcipuo quodam, ac singulari amore diligendus. Nec uero ex animo, & unice potest amari Deus, nisi rebus ac naturis omnibus eius honor, & gloria præponatur. bona enim, & nostra, & aliena, & omnino omnia, quæcumq. boni uocabulo nominantur, ab illo profecta summo ipsi bono cedunt. Quare ut ordine procederet oratio, Saluator petitionem hanc de summo bono principem, & caput constituit petitionum reliquarum, docens nos, priusquam ea, quæ nobis, aut proximo cuique opus sint, postulemus, quæ propria sint Dei gloriæ, petere debere, ipsique Deo studium, & desiderium eius rei nostrum exponere. Quo facto manebimus in officio charitatis, qua docemur, & plus Deum, quam nos ipsos, diligere, & primum petere, quæ Deo cupiamus, deinde, quæ nobis optemus. Et quoniam desiderium, & petitio sunt earum rerum, quibus caremus; nec uero Deo, idest eius naturæ, fieri accessio potest, aut augeri ulla re diuina substantia, quæ inexplicabilem in modū est omni perfectione cumulata; intelligendum est, extra hæc esse, quæ a Deo, ipsi Deo petimus, & ad externam eius gloriam pertinere. cupimus enim, & petimus, ut Dei nomen notius sit gentibus; ut eius regnum amplificetur; ut plures quotidie obediant diuino numini. quæ tria; Nomen, Regnum, Obedientia, nō in illo ipso sunt in-

timo Dei bono, sed assumuntur extrinsecus. Verum ut, hæ petitiones quam uim habeant, & quid ualeant, planius intelligatur, Pastoris erunt partes, monere fidelem populum, uerba illa, Sicut in cælo, & in terra, ad singulas referri posse primarum trium postulationum; ut, Sanctificetur nomē tuum, sicut in cælo, & in terra. item: Adueniat regnum tuum, sicut in cælo, & in terra. similiter: Fiat uoluntas tua, sicut in cælo, & in terra. Cum autem petimus, ut sanctificetur nomen Dei; id sentimus, ut augeatur sanctitas, & gloria diuini nominis. Quo loco Parochus animaduertet, ac docebit pios auditores, non id dicere Saluatorem, ut eodē modo sanctificetur in terra, quo & in cælo, idest, ut amplitudine terrestris sanctificatio cælestē exæquet: hoc enim fieri nullo pacto potest: sed ut ex charitate, ex intimo animi studio id agatur. etsi uerissimum illud est, sicuti est, diuinum nomen per se sanctificatione non egere, cum sanctum, & terribile sit, quemadmodū ipse Deus suapte natura sanctus est: neque ei ulla sanctitas, qua ab omni eternitate præditus non fuerit, possit accedere: tamen, quod in terris lōge minori honore afficitur, quam par est, nonnumquā etiam maledictis, & nefarijs uocibus uiolatur, propterea cupimus, ac petimus, ut laudibus, honore, gloria celebretur ad exemplum laudum, honoris, & gloriæ, quæ illi in cælo tribuuntur; idest, ut sic honor, & cultus in mente, in animo, in ore uersetur, ut omni ueneratione & intima, & externa prosequamur, omni celebritate excelsum, purum, & gloriosum Deum ad imitationem supernorum, ac cælestium ciuiū



complectamur. Vt enim cælites summa cōsensio-  
ne, gloria, & predicatione efferunt Deum : sic pre-  
camur , ut idem contingat orbi terrarum, & om-  
nes gentes Deum cognoscant, colant, & ueneren-  
tur; ut nulli plane mortales reperiantur, qui non &  
suscipiant Christianā religionem , & se totos Deo  
dicātes credant ex eo omnem sanctitatis fontē exi-  
stere, neque quidquam esse purum , aut sanctum ,  
quod nō a sanctitate diuini nominis oriatur. Testa *Eph. 5*  
tur enim Apostolus mundatam esse Ecclesiam in  
lauacro aque , in uerbo uitæ. significat autem uer-  
bum uitæ , nomen patris, & filij, & spiritus san-  
cti, in quo baptizamur, & sanctificamur . Itaque,  
quoniam nulla cuiusquam expiatio, nulla mundi-  
tia , & integritas esse potest ; super quo non sit in-  
uocatum diuinum nomen ; cupimus, & petimus a  
Deo, ut omne hominum genus, relictis impuræ in-  
fidelitatis tenebris, ac radijs diuini luminis illustra-  
tū , huius uim nominis agnoscat sic , ut in eo uerā  
querat sanctitatem ; & in nomine sancte , & in-  
diuidue Trinitatis baptismi sacramentum susci-  
piens ipsius Dei dextera , perfectā uim sanctitatis  
consequatur . Pertinet uero optatum , & postu-  
latio nostra nō minus etiam ad eos, qui flagitijs, &  
sceleribus cōtaminati, purā baptismi integritatē ,  
& innocentie stolā amiserunt : quare factū est, ut  
in illis miserrimis suā iterū sedē impurissimus spi-  
ritus collocarit. Optamus igit, & precamur a Deo,  
ut in ipsis etiam sanctificetur nomē eius; ut ad cor,  
& ad sanitatem redeuntes, sacramento pæniten-  
tiæ redimant pristinā sanctitatem, seque ipsos pu-  
rum, ac sanctum Deo templum, ac domiciliū præ-  
beant,

Iacob. 1

beant. Oramus denique, lumen ut suū Deus præferat omniū mentibus; quo uidere possint, omne datum optimū, & omne donum perfectū, descendens a Patre luminum, ad nos diuinitus esse delatum; quo temperantiā, iustitiā, uitā, salutē, omnia denique animi, corporis, externa uitalia, ac salutaria bona illi accepta referant; a quo, quemadmodū prædicat Ecclesia, bona cuncta procedūt: si quid luce sua sol, si quid reliqua sidera motu, & cursu profunt hominū generi; si circumfuso hoc alimur spiritu; si terra frugum, & fructuū ubertate uitā sustinet omniū; si opera magistratuū quiete, ac tranquillitate fruimur; & hæc, & huius generis bona, innumerabilia nobis suppeditat immensa Dei benignitas. Quin etiā, quas philosophi secundas causas appellant, interpretari debemus, mirabiliter effectas quasdā, & ad usum nostrū accommodatas Dei manus, quibus nobis sua bona distribuit, ac lōge, lateque diffundit. Quod autē maxime rem cōtinet in hac petitione, illud est, ut omnes agnoscant, & uenerentur sanctissimam Iesu Christi sponsam, & parentem nostram Ecclesiam: in qua una est fons illē amplissimus, atque perpetuus, ad eluendas, & expiandas omnes peccatorum sordes, unde hauriuntur uniuersa salutis, & sanctificationis sacramenta; quibus quasi cēlestibus quibusdam fistulis in nos a Deo ille sanctitatis ros, & liquor effunditur: ad quam solam, & ad eos, quos suo sinu, & gremio complexa est, pertinet diuini illius imploratio nominis, quod unum sub cēlo datum est hominibus, in quo oporteat nos saluos fieri. Verum Parochi maxime hunc locum urgere debebunt, boni esse

A. 4

ni esse filij, non solum patrem Deum orare uerbis,  
 sed re etiam, & actione conari, ut eluceat in ipso  
 sanctificatio diuini nominis. Vtinam non essent,  
 qui, cum oratione hanc Dei nominis sanctificatio-  
 nem assidue postulent, factis, quantum in ipsis est,  
 illud uiolant, atque contaminant: quorum culpa  
 interdū ipsi etiam Deo maledicuntur, in quos dictū  
 est ab Apostolo: Nomen Dei per uos blasphema- *Rom. 2*  
 tur inter gentes. Et apud Ezechielem legimus: In- *Ezech. 36*  
 gressi sunt ad gentes, ad quas introierunt, & pol-  
 luerunt nomen sanctum meum; cum diceretur de  
 eis; populus Domini iste est, & de terra eius egressi  
 sunt. Qualis enim est uita, & ut sunt eorum mo-  
 res, qui religionem profitentur: sic de religione ip-  
 sa, deque eius auctore religionis multitudo imperi-  
 ta iudicare solet. Quare qui uiuunt ex Christiana  
 religione, quam susceperunt, & ad eius regulam  
 orationem, & actiones dirigunt suas, magnam fa-  
 cultatem præbent alijs laudandi nomen cælestis pa-  
 rentis, & omni honore, & gloria celebrandi. No-  
 bis enim ipse has partes imposuit Dominus, ut illu-  
 stribus uirtutis actionibus excitemus homines ad  
 laudem, & prædicationē diuini nominis: ad quos lo- *Math. 5*  
 quitur in hunc modum apud Euangelistam; Sic  
 luceat lux uestra coram hominibus, ut uideant  
 opera uestra bona, & glorificent patrem uestrum,  
 qui in cælis est. Et Princeps apostolorum: Conuer- *Epist. 1. 2.*  
 sationē uestram inter gētes habentes bonam, ut ex  
 bonis operibus uos considerantes, glorificent Deū.

ADVENIAT REGNUM TVVM.

Regnum cæleste, quod altera hac petitione po-

KK 4 stula-

- stulamur, eiusmodi est, ut eo referatur, ac terminetur omnis euangelij prædicatio. nam & inde exorsus est ad pænitentiam cohortari S. Ioannes Baptista, dum, Pænitentiam, inquit, agite: appropinquabit enim regnum cælorum. Nec aliunde fecit initium suæ prædicationis Saluator humani generis; & in illo salutari sermone, quo beatitudinis uias discipulis in monte monstrauit, tamquam proposito orationis argumento principium duxit a regno cælorum: nam, Beati, inquit, pauperes spiritu: quoniam ipsorum est regnum cælorum. Quin etiam eum retinere cupientibus, attulit illam causam necessariæ profectionis: Et alijs ciuitatibus oportet me euangelizare regnum Dei: quia ideo missus sum. Hoc idem postea regnū prædicare iussit apostolos; & illi, qui se ire ad sepe- liendum patrem suum uelle dixerat, respondit; Tu uade, annuncia regnum Dei. Cum uero resurrexisset a mortuis, per illos quadraginta dies, quibus apparuit apostolis, loquebatur de regno Dei.
- Act. 1** Quare Parochi hunc secundæ postulationis locum diligentissime tractabūt, ut fideles auditores, quanta sit in hac petitione uis, ac necessitas, intelligant. Primum autem ipsis ad rem scienter, subtiliterque explicandam magnam facultatem dabit ea cogitatio, quod, etsi hæc petitio coniuncta sit cum reliquis omnibus, eam tamen separatim etiam adhiberi iusserit a ceteris, ut, quod petimus, summo studio quæramus. ait enim:
- Matth. 6** Quærite primum regnum Dei, & iustitiam eius: & hæc omnia adiicientur uobis. Et quidem tanta uis, & copia cælestium munerum hac postula-



postulatione continetur, ut omnia complectatur, quæ ad corpoream, & spiritualem uitam tuendam sint necessaria. quem autem regio nomine dignum dicemus, cui ea curæ non sint, quæ regni salutem contineant? quod si sunt homines de regni sui incolumitate solliciti: quanta regem regum omnium cura, & prouidentia tueri credendum est & uitam, & salutem hominum? Hac igitur regni Dei petitione comprehensa sunt omnia, quibuscumque in hac peregrinatione, uel exilio potius indigemus: quæ concessurum se Deus benigne pollicetur: nam statim illa subiunxit: Et hæc omnia adjicientur uobis. Quibus omnino declarauit, se eum esse regem, qui generi hominum copiose omnia, largeque suppeditat: in cuius infinite benignitatis cogitatione infixus Dauid cecinit; Domine regit me, & nihil mihi deerit. Verum minime satis est, uehementer petere Dei regnum, nisi ad petitionem nostram adhibeamus omnia tamquam instrumenta, quibus illud queritur, & inuenitur. nam & quinque fatuæ uirgines studiose illæ quidem petierunt ad hunc modum; Domine Domine aperi nobis: uerumtamen, quod illius postulationis præsidia non haberent, exclusæ sunt; nec iniuria, est enim illa Dei ore pronunciata sententia; Non omnis, qui dicit mihi, Domine Domine, intrabit in regnum cælorum. Quamobrem haurient animarum curatores Sacerdotes ex uberrimis diuinarum litterarum fontibus ea, quæ fidelibus desiderium studiumque commouent regni cælorum; quæ calamitosam status nostri conditionem illis ob oculos ponant; quæ sic eos afficiant,

afficiant, ut respicientes, & colligentes se in memoriam redeant summę beatitudinis, & inexplicabilium bonorũ, quibus redundat ęterna parentis Dei domus. Exules enim sumus, & plane eius loci incolę, in quo habitant demones; quorũ odium in nos nulla ratione mitigari potest: nā sunt infestissimi, & implacabiles in genus humanũ. Quid domestica, intestinaq. pręlia, quę inter se corpus, & anima,

*Gal. 5* caro, & spiritus assidue gerunt? quibus, perpetuo timendũ est, ne concidamus: timendum autē immo uero statim concideremus, nisi propugnaculo diuinę dexterę defenderemur. Quam uim miseriarum

*Rom. 7* cum sentiret Apostolus: Infelix, inquit, ego homo, quis me liberabit de corpore mortis huius? Hęc infelicitas nostri generis, quamquā per se cognoscitur, tamen ex contentione reliquarũ naturarum, & creaturarum rerũ facilius intelligi potest. In illis siue rationis, siue etiā sensus expertibus raro fieri uidemus, ut aliqua natura a proprijs actionibus, a sensu, uel motu insito declinet sic, ut a proposito, & cōstituto fine deflectat. Hoc apparet in bestijs agrestibus, nantibus, uolucris, ut res declaratione nõ egeat. Quod si celum suspexeris, non ne uerissimũ id esse intelligis, quod a Dauide dictum est? In ęternum, Dñe, uerbum tuũ permanet in cęlo. Nempe illud cōtinenti motu, & perpetua conuersione fertur, ut ne minimũ quidē a pręfinita diuinitus lege discedat. Si terram, & reliquam uniuersitatem cōsideres: facile uideas, aut nulla, aut exigua ex parte deficere. At miserrimum hominum genus sepius sine labitur; raro, quę recte sunt cogitata, persequitur; plerumque susceptas bonas actiones abijcit,

cit, atque contemnit; quę modo placuerat optima sententia, subito displicet, & illa reiecta, ad turpia consilia, sibi que perniciosa delabitur. Quęnam igitur est huius inconstantię, miserięque causa? Contemptio plane diuini afflatus. claudimus enim aures Dei monitis: oculos tollere nolumus ad ea, quę nobis lumina diuinitus pręferuntur, nec cęlestem patrem salutariter pręcipientem audimus. Quare huc incumbendum erit Parochis, ut & misérias oculis subijciant fidelis populi, & commemorent causas miseriorum, & remediorum uim ostendant. quorum omnium illis facultas non deerit, comparata ex uiris sanctissimis, Ioanne Chrysostomo, & Augustino, maxime uero ex ijs, quę in Symboli expositione posuimus. nam, illis cognitis, quis erit e facinorosorum hominum numero, quin adiumento Dei gratię pręeuntis, euāgelico il- Luc. 19 lo prodigi filij exemplo conetur exurgere, & erigere se, atque in cęlestis regis, patrisque conspectum uenire? His explicatis, quę sit fidelium fructuosa petitio, aperient, quid sit, quod his uerbis a Deo postulemus, pręsertim cum uocabulum regni Dei multa significet; quorum declaratio & ad reliquā scripturę intelligentiam non erit inutilis, & est ad huius cognitionem loci necessaria. Communis igitur quędam regni Dei significatio, quę frequens est in diuinis litteris; est non solum eius potestatis, quam habet in omnem hominum, rerumque uersitatem, sed etiam prouidentię, qua cuncta regit, & moderatur. In manu enim eius, inquit Psalm. 94. Propheta, sunt fines terrę. Quibus finibus intelliguntur etiā, quę occulta sunt, & abdita in intimis

timis terre, ac rerum omnium partibus. In hanc sententiam Mardocheus loquebatur illis uerbis:

- Esther* 13 Domine Deus, rex omnipotens: in ditione enim tua cuncta sunt posita; & non est, qui possit tue resistere uoluntati. Dominus omnium es; nec est, qui resistat maiestati tuæ. Item Dei regno declaratur præcipua illa, ac singularis prouidentia ratio, qua Deus pios, & sanctos homines tuetur, & curat. de qua propria, & eximia quadam Dei cura dictum est illud a Dauide: Dominus regit me, nihil
- Psal.* 22 mihi deerit. tum ab Isaia: Dominus, rex noster, ipse saluabit nos. In qua Dei regia potestate et si præcipua ratione sunt in hac uita ij, quos diximus, sancti, ac pij homines: tamen monuit Pilatum ipse Christus dominus, regnum suum non esse ex hoc mundo, hoc est, minime ex hoc mundo, qui & conditus est, & interiturus, ortum habere. nam eo, quem diximus, modo dominantur imperatores, reges, respublicæ, duces, omnesq. ij, qui uel expetiti, ac delecti ab hominibus præsumunt ciuitatibus, atq. prouincijs; uel per uim, & iniuriam dominatum occupauerunt. Christus autem dominus constitutus est rex a Deo, ut ait Propheta: cuius regnum, ex Apostoli sententia, iustitia est. ait enim: Regnum Dei est iustitia, & pax, & gaudium in spiritu sancto. Regnat autem in nobis Christus dominus per uirtutes intimas, fidem, spem, charitatem: quibus uirtutibus regni quodam modo partes efficimur; & Deo peculiari quadam ratione subiecti, ad eius cultum ac uenerationem consecramur: ut, quem admodum dixit Apostolus; Viuo autem, iam non ego; uiuit uero in me Christus; ita nobis dicere li-

ceat;



ceat; Regno ego, iam non ego; regnat uero in me  
 Christus. Id autem regnum iustitia dicitur, quia  
 Christi domini iustitia constitutum est. Ac de hoc  
 regno sic loquitur apud sanctum Lucā Dominus:  
 Regnum Dei intra uos est. Nam etsi Iesus Chri- Luc. 17  
 stus per fidem regnat in omnibus, qui gremio, ac  
 sinu sanctissime matris Ecclesie continentur, præ-  
 cipuo tamen modo regit eos, qui præstanti fide,  
 spe, & charitate præditi, se tamquam pura quæ-  
 dam, & uiua membra, Deo præbuerunt, & in his  
 Dei gratie regnum esse dicitur. Est uero etiam Dei  
 glorie regnum illud, de quo Christum dominum  
 apud sanctum Mattheum loquentem audimus:  
 Venite benedicti patris mei; possidete paratū uo- Matth. 25  
 bis regnum a cōstitutione mundi. Quod idem ab  
 eo regnum apud sanctum Lucam latro admirabi-  
 liter, sua scelera recognoscens, expetebat in hunc  
 modum: Domine, memento mei cum ueneris in Luc. 23  
 regnum tuum. Sanctus etiam Ioannes meminit hu- Ioan. 3  
 ius regni: Nisi quis renatus fuerit ex aqua, & spi-  
 ritu, non potest introire in regnum Dei. Meminit  
 item Apostolus ad Ephesios: Omnis fornicator, Eph. 5.  
 aut immundus, aut auarus, quod est idolorum ser-  
 uitus, non habet hereditatem in regno Christi, &  
 Dei. Eodem pertinent aliquot similitudines Chri- Matth. 13  
 sti domini, loquentis de regno celorum. Neces-  
 se est autem, prius ponere regnum gratie. neque  
 enim fieri potest, ut in ullo regnet Dei gloria, ni-  
 si eiusdem gratia in illo regnarit. Est uero gratia, Ioan. 4  
 ipsius sententia Saluatoris, fons aquæ salientis in  
 uitam æternam. Gloriam autem quid esse dice-  
 mus, nisi gratiam quandam perfectam, & abso-  
 lutam?

lutam? quamdiu enim fragili hoc, & mortali corpore uestiti sumus, dum in hac cæca peregrinatione, & exilio uagi, & imbecilles absumus a Domino, sæpe labimur, & cadimus, abiecto regni gratiæ adminiculo, quo nitebamur: cum autem regni gloriæ, quod perfectū est, lux nobis illuxerit, firmi, ac stabiles perpetuo consistemus. omne enim & uitium, & incommodum exaurietur: omnis infirmitas confirmata roborabitur: ipse denique nostra in anima, & in corpore regnabit Deus. quæ res uberius in Symbolo tractata est, cum de resurrectione carnis ageretur. His igitur expofitis, quæ communem regni Dei sententiam declarant, quid sibi hæc petitio proprie uelit, dicendum est. Petimus autem a Deo, ut regnum Christi, quod est Ecclesia, propagetur; ut se ad fidem Christi domini, & ad accipiendam ueri Dei cognitionē conuertant infideles, & Iudæi, & schismatici, ac hæretici redeant ad sanitatem, & ad Ecclesiæ Dei communionem, a qua desciiuerunt, reuertantur; ut compleatur, & ad exitum perducatur, quod

*Isa. 54* Isaia ore dixit Dominus: Dilata locum tentorij tui; & pelles tabernaculorum tuorum extende; longos fac funiculos tuos, & clauos tuos consolida; ad dexteram enim, & ad læuam penetrabis: quia dominabitur tui, qui fecit te. Et idem: Ambulabunt gentes in lumine tuo, & reges in splendore ortus tui: leua in circuitu oculos tuos, & uide, omnes isti congregati sunt, uenerūt tibi: filij tui de longe uenient, & filiæ tuæ de latere surgent. Verum quia sunt in Ecclesia, qui uerbis cōfidentes Deum, factis negantes, deformatam fidem præferant,

*Ad Tim. 1* in qui-

in quibus propter peccatum dæmon habitat, ac dominatur tamquam in proprijs domicilijs; petimus etiam, ut ad eos ueniat regnum Dei; quo illi, peccatorum discussa caligine, & radijs diuinæ lucis illustrati, restituantur in filiorum Dei pristinam dignitatem; ut, omnibus e suo regno, cælestis parēs, sublati hæreticis, atque schismaticis, eiectioneque offensionibus, ac scelerum causis, aream purget Ecclesiæ, quæ, Deo cultum pie, sancteque adhibendo, quæta, ac tranquilla pace perfruatur. Petimus denique, ut solus in nobis uiuat, solus regnet Deus; ne sit posthac morti locus; sed ut illa absorbeat in uictoria Christi domini nostri, qui, disiecto, ac dissipato omni hostium principatu, potestate, & uirtute suo omnia subijciat imperio. Erit autem curæ Parochis, ut, quod postulat huius ratio petitionis, fidelem populum doceant, quibus cogitationibus, & meditationibus instructus, has pie Deo preces facere possit. Ac primum hortabuntur, ut uim, ac sententiam intueatur illius similitudinis a Salvatore introductæ: Simile est regnum cælorum thesauro abscondito in agro: quem qui inuenit homo, abscondit, & præ gaudio illius uadit, & uendit uniuersa, quæ habet, & emit agrum illum.

*Math. 13*

Nam qui nouerit Christi domini diuitias, is præ illis omnia contemnet, huic facultates, opes, potentia sordescunt. nihil enim est, quod illi summo pretio comparari, immo uero, quod in conspectu eius stare possit. Quare, quibus id nosse conuerit, exclamabunt illi, ut Apostolus; Omnia detrimentum feci, & arbitror ut stercora, ut Christum lucrificiam. Hæc est illa insignis euangelij margarita, in

*Ad Phil. 3*

ta, in quam qui pecuniam, ex omnium bonorum uenditione redactam, erogarit, is beatitudine fruetur sempiterna. O nos felices, si tantum luminis nobis præferret Iesus Christus, ut illam uidere possemus diuinę gratię margaritam, qua ipse regnat in suis: nam & nostra omnia, & nos ipsos uenundaremus, ut emptam illam tueremur. tum enim denique nobis id non dubitanter dicere liberet:

**Rom. 8** Quis nos separabit a charitate Christi? Præstātem uero regni glorię excellentiam, si, quę sit, scire uolumus, eandem de illa, & Prophete, & Apostoli uocem, atque sententiam audiamus: Oculus non uidit, neque auris audiuit, neque in cor hominis ascendit, quę preparauit Deus ijs, qui diligunt illum. Proficiet autem ad impetrandum maxime, quod petimus, si, qui simus, ipsi nobiscum reputemus, idest Adam progenies, iure e paradiso eiekti, & exules; quorum indignitas, ac peruersitas summum Dei odiū, ac sempiternas pœnas postularet.

**Luc. 18** Quare demisso tum, & abiecto animo simus oportet. Nostra etiam erit plena Christianę humilitatis oratio: & omnino nobis ipsi diffidentes, illius more publicani confugiemus in Dei misericordiā; totumq. eius benignitati tribuētes, ipsi gratias agemus immortales, qui nobis suum spiritum sit clarigitus, quo freti clamare audeamus. Abba pater. suscipiemus etiam illam curam, & cogitationem, quid agendum, quid contra uitandum sit, ut ad cēleste regnum peruenire possimus. non enim a

**Matth. 19** Deo ad otium, & ad inertia uocati sumus: quinimo

**Matth. 11** mo inquit; Regnum cēlorum uim patitur, & uiolenti rapiunt illud: &, Si uis ad uitam ingredi, ser-

ua man-



ua mandata . Itaque non est satis , petere regnum Dei, nisi suum ipsi etiam studium, & operam adhibeant homines. nam adiutores sint oportet, & administri Dei gratiæ in eo tenendo cursu, quo peruenitur in cælum . Numquam nos deserit Deus : qui nobiscū se futurū perpetuo pollicitus est: unū ut nobis uidendū sit, ne Deū, & nos ipsos deseramus. Ac Dei quidē sūt in hoc Ecclesiæ regno omnia, quibus & uita tuetur hominum, & salutem illis conficit sempiternam, & quæ sub aspectū nō cadunt, angelorū copię, & plenissimum uirtutis cælestis uisibile hoc munus sacramentorum . In his tantum nobis præsidij est diuinitus constitutū , ut non modo ab acerrimorum hostium regno tuti esse, sed ipsum etiam tyrannum , eiusque nefarios satellites prosterne-  
re, & conculcare possimus . Quare uehementer ad extremum petamus a Dei spiritu, nos ut omnia iubeat e sua uoluntate facere ; Satane ut tollat imperium, nullam ut in nobis summo illo die potestatem habeat ; ut uincat , & triumphet Christus ; ut uigeant eius leges toto orbe terrarum ; ut decreta seruentur, nullus ut proditor, aut desertor eius sit ; sed tales se præbeant omnes, ut in regis Dei conspectum non dubitanter ueniant , & constitutam illis ex omni eternitate possessionem adeant regni cælestis, ubi beati cum Christo sempiterno quo fruatur.

## FIAT VOLUNTAS TUA

Cum a Christo domino dictum sit; Non omnis, *Matth. 7*  
qui dicit mihi, Domine, Domine, intrabit in regnū  
cælorum; sed qui facit uoluntatem patris mei, qui  
in cælis est, ipse intrabit in regnū cælorū; quicumq.

L L in illud

in illud celeste regnum peruenire cupiunt, id a Deo petere debent, ut fiat uoluntas eius. Quamobrem hac loco posita petitio est statim post regni celestis postulationem. Vt autem intelligant fideles, quam necessariū id nobis sit, quod hac prece postulamus, quantamque uim salutarium munerum ex eius impetratione consequamur: demonstrabunt Parochi, quibus miseris, & erumnis oppressum fuerit hominum genus propter peccatum primi parentis. Nam a principio Deus proprii boni appetitionem creatis rebus ingenerauit, ut naturali quadam propensione suum quærerent, & expeterent finem, a quo illæ numquā, nisi obiecto extrinsecus impedimento, declinant. Hæc autem initio fuit in homine expetendi Deum, suæ beatitudinis auctorem, parentemque, eo præclarior, & præstantior uis, quod is compos esset rationis, atque consilij. Sed hunc amorem, sibi naturaliter ingentum, cum reliquæ naturæ rationis expertes conseruassent, quæ ut initio procreate fuerunt natura bonæ, sic in eo statu, & conditione manserunt, hodieque manent; miserum hominū genus cursum nō tenuit: non enim solum bona iustitiæ originalis amisit, quibus a Deo supra naturæ suæ facultatem auctum, ornatumque fuerat, sed etiā insitum in animo præcipuum uirtutis studium obscurauit. Omnes, inquit, declinauerunt, simul inutiles facti sunt. non est, qui faciat bonū, non est usq. ad unum, Nam sensus & cogitatio humani cordis in malū prona sunt ab adolescentia sua: ut inde facile intelligi possit, neminem per se salutariter sapere, sed omnes ad malum esse propensos, innumerabilesq. esse hominū pra-

*Psaln. 52*

*Gen 8*

uas cupiditates, dum proclives sunt, & flagranti studio feruntur ad iram, ad odium, ad superbiam, ad ambitionem, ad omne fere malorū genus. Quibus in malis quamquam assidue uersemur; tamen, quæ summa est nostri generis miseria, per multa ex illis sunt, quæ nobis minime mala uideantur. quæ res insignem arguit hominum calamitatem, qui cupiditatibus ac libidinibus obcæcati non uideant quæ salutaria opinantur, plerumque esse pestifera, immo uero ad illa perniciosa mala, tamquam ad optabile & experendum bonum, rapiantur precipites, ab ijs, quæ uere bona sunt, & honesta, tamquam a contrarijs rebus, abhorreant. Hanc opinionem, corruptumque iudicium detestatur Deus illis uerbis; Væ, qui dicitis malum bonum, & bonum malum, ponentes tenebras lucem, & lucem tenebras, ponentes amarum in dulce, & dulce in amarum. Itaque, nostris ut subijciant oculis nostras misérias, comparant nos diuinæ litteræ ijs, qui uerum gustandi sensum amiserunt: qua re fit, ut a salubri uictu alieni sint, appetantque contrarium. Cum ægrotis præterea nos conferunt. ut enim illi, nisi morbum depulerint, sanorum, & integrorum hominū officia ac munera obire non possunt: sic nos actiones, quæ Deo gratæ sint, suscipere sine diuinæ gratiæ adiumento nequimus. Quod si quædam sic affecti assequimur; leuia illa sunt, & quæ ad consequendam cælestem beatitudinem parum uel nihil momenti habent. At Deum, ut par est, amare, & colere, quod maius quiddam & altius est, quam ut nos humi strati id humanis uiribus assequamur, numquam poterimus, nisi adminiculo

diuinæ gratiæ subleuemur. Quamquam aptissima est etiam illa comparatio ad significandam miserā humani generis condicionem, quod similes esse dicimur puerorū, qui suo relictī arbitrio temere mouentur ad omnia: pueri, inquam, sumus, & imprudentes, ludicris sermonibus, & inanibus actionibus dediti, si a diuino præsidio deferamur. sic enim nos obiurgat Sapientia: Vsq̃uequo paruuli diligitis infantiam, & stulti ea, quæ sibi sunt noxia, cupient? Et in hunc modum hortatur Apostolus: Nolite pueri effici sensibus. Etsi maiori in inanitate, & errore uersamur, quam illa puerilis ætas; cui tantum abest humana prudentia, ad quam tamen per se tempore potest peruenire; cum ad diuinam prudentiam, quæ ad salutem necessaria est, nos nisi Deo auctore, & adiutore, aspirare non possimus. nisi enim præsto nobis sit Dei auxilium, reiectis ijs, quæ uere sunt bona, ad interitum ruimus uoluntarium. Ac si quis, discussa diuinitus animi caligine, has uideat hominum misérias, &, sub lato stupore, sentiat legem membrorum, ac sensus cupiditates, spiritui repugnātes, recognoscat, omnemq; dispiciat naturæ nostræ propensionem ad malum; qui poterit non ardenti studio opportunum tanto huic malo, quo naturæ uitio premimur, remedium quærere, salutaremque illam regulam expetere, ad quam Christiani hominis uita dirigenda, & conformanda sit? Hoc igitur illud est, quod imploramus, cū ita precamur Deū, Fiat uoluntas tua. Cum enim, abiecta obediētia, & Dei uolūtate neglecta, in has misérias inciderimus, unū illud tantorū malorum remedium nobis diuinitus



ritus propositū est, ut ex Dei uoluntate, quā peccati  
 do contēpsimus, aliquando uiuamus, omnesque  
 cogitationes & actiones nostras ea regula metia-  
 mur. quod ut assequi possimus, suppliciter illud  
 a Deo petimus, Fiat uoluntas tua. Id uero illis  
 etiam uehementer petendum est, in quorum ani-  
 mis iam regnat Deus, quique iam sunt radijs diui-  
 ni luminis illustrati; cuius gratiæ beneficio, Dei ob-  
 temperent uolūtati. Quibus licet ita comparatis,  
 proprię tamē cupiditates aduersantur propter pro-  
 cliuitatem ad malum, insitam in hominum sensi-  
 bus; ut, etiam si tales simus, magnum tamen hoc  
 loco nobis periculum sit a nobis ipsis, ne abstracti *Iacob. 4*  
 & illecti a concupiscentijs, quæ militant in mem-  
 bris nostris, iterum de salutis uia deflectamus. de  
 quo nos periculo Christus dominus admonuit illis  
 uerbis: Vigilate, & orate, ut non intretis in ten- *Matth. 26*  
 tationem. spiritus quidem promptus est, caro au-  
 tem infirma. Non enim est in hominis potestate,  
 ne in eius quidem, qui per Dei gratiam est iustifica-  
 tus, ita domitōs habere carnis affectus, ut num-  
 quam illi postea excitentur: quippe cum eorum,  
 qui iustificati sunt, mentem sanet Dei gratia, non  
 etiam carnem: de qua illud scripsit Apostolus: Scio *Rom. 7*  
 enim, quia non habitat in me, hoc est in carne mea  
 bonum. Nam ut semel primus homo iustitiam ori-  
 ginalem, quo tamquam freno quodam cupiditates  
 regebantur, amisit, minime eas postea ratio ita  
 continere potuit in officio, ut ea non appeterent,  
 quæ etiam rationi repugnant. Itaque in ea homi-  
 nis parte peccatum, idest peccati fomité habitare  
 scribit Apostolus, ut intelligamus cum non ad tē-  
 pus,

pus, quasi hospitem, diuersari apud nos, sed, quamdiu uiuimus, tamquam incolam nostri corporis in domicilio membrorum hærere perpetuo. Ergo domesticis & intestinis hostibus assidue oppugnati, facile intelligimus, confugiendum esse ad Dei auxilium, petendumque, ut fiat in nobis uoluntas eius. Iam uero faciendum est, ut sciant fideles, quæ sit huius petitionis uis. quo loco, multis omis- sis, quæ a doctoribus scholasticis de Dei uoluntate utiliter, & copiose disputantur, uoluntatem hic accipi dicimus pro ea, quam signi appellare solent, hoc est, pro eo quod Deus a nobis fieri, aut caueri iusserit, aut monuerit. Quare uoluntatis nomine hoc loco comprehensa sunt uniuersa, quæ nobis ad cælestem beatitudinem comparandam proponuntur, siue illa ad fidem, siue ad mores pertineant; omnia denique, quæcumque nos Christus dominus per se, uel per Ecclesiam suam facere aut imperarit, aut prohibuerit: de qua uoluntate ita scribit Apostolus: *Nolite fieri imprudentes: sed intelligentes, quæ sit uoluntas Dei.* Cum igitur illud precamur, *Fiat uoluntas tua*; petimus in primis nobis, ut Pater cælestis facultatē concedat obtemperandi diuinis iussis, & inseruiendi ei in sanctitate & iustitia omnibus diebus nostris; ut ad nutum & uoluntatem eius omnia faciamus; ut ea colamus officia, de quibus in sacris litteris admonemur; ut ipso duce & auctore reliqua omnia præstemus, quæ eos decet, qui non ex uoluntate carnis, sed ex Deo nati sunt, exemplum Christi domini secuti, qui factus est obediens usque ad mortem, mortem autem crucis; ut parati simus omnia perpeti potius, quam uel

*Eph. 5.*

*1. Pet. 2*

uel minimum ab eius uoluntate discedere. Nec uero quisquam est, qui huius studio, & amore petitionis flagret ardentius, quam is, cui concessum sit, ut summam eorū dignitatem intueatur, qui Deo obediunt. Idem enim illud uerissime dici intelligit; Seruire Deo, & illi obedire, regnare esse. Quicumque, inquit Dominus, fecerit uoluntatem patris mei, qui in cælis est, ipse meus frater, soror, & mater est: hoc est, cum illo sum omnibus amoris, & beneuolentiæ uinculis cōiunctissimus. Nemo fere est ex uiris sanctis, quin præcipuum huius petitionis munus a Deo uehementer postularit: ac præclara quidem omnes, sed uaria per sepe oratione usi sunt: in quibus mirificum & suauissimum Dauidem uidemus illud uarie postulante. modo enim inquit: Vtinam dirigantur uie mee ad custodiendas iustificationes tuas. Interdum: Deduc me in semitam mandatorum tuorum. Nonnumquam: Gressus meos dirige secundum eloquium tuum, & non domineur mei omnis iniustitia. Huc pertinent illa: Da mihi intellectum, ut discam mandata tua. Iudicia tua doce me: da mihi intellectum, ut sciam testimonia tua. Sepe alijs uerbis eandem tractat, uersatque sententiā. Qui loci diligenter animaduertendi sunt, & fidelibus explicandi; ut, quanta sit in prima huius petitionis parte uis, & copia salutarium rerum, omnes intelligant. Secundo loco, cum illud precamur, Fiat uoluntas tua; detestamur opera carnis: de quibus scribit Apostolus: Manifesta sunt autem opera carnis; quæ sunt fornicatio, immunditia, impudicitia, luxuria, &c.

*Psal. 118**Gal. 5*

*Rom. 8*

&c, Si secundum carnem uixeritis, inoriemini. petimusque ne sinat Deus ea nos perficere, quæ sensus, quæ cupiditas, quæ imbecillitas nostra suaserit, sed ut nostram uoluntatem sua uoluntate moderetur. Alieni sunt ab hac uoluntate uoluptuarij homines, qui in terrenarum rerum cura, & cogitatione defixi sunt. Feruntur enim libidine præcipientes ad potiundum, quod concupierunt, & in illo fructu prauæ cupiditatis felicitatem ponunt, ut beatum etiam esse dicant, qui, quodcumque optarit, consequatur. Nos contra petimus a Deo, ut ait Apostolus, ne carnis curam faciamus in desiderijs, sed ut fiat uoluntas eius. etsi non facile adducimur, ut precemur Deum, ut cupiditatibus nostris non satisfaciat. habet enim difficultatē hæc animi inductio: quod ipsi quodā modo, id perentes, nos uidemur odisse: quod etiam stultitiae tribuunt ij, qui toti hærent in corpore. sed nos stultitiæ famam subeamus libenter Christi causa. cuius est illa sententia: Si quis uult post me uenire,

*Rom. 13**Math. 16**Luc. 9*

abneget semetipsum, præsertim cum sciamus, multo præstare, id optare, quod rectum, iustumque sit, quam illud assequi, quod a ratione, a uirtute, a Dei legibus sit alienum. & certe deteriore loco is est, quicumque ad id peruenit, quod temere ac libidinis impulsu cupiebat, quam qui, optime quod optauit, non assequitur. quamquam nō id modo petimus, ne concedatur nobis a Deo, quod ipsi nostra sponte cupimus, cum studium nostrum deprauatum esse constat; sed ne id etiam detur, quod, suasore, & impulsore Dæmone, simulato lucis angelo, tamquam bonum interdū postula-



stulamus, rectissimum illud Principis apostolorum  
 studium uidebatur; pietatisque plenissimum, cum  
 Dominum a consilio proficiscendi ad mortem auoca-  
 re conabatur: & tamen eum, quia humanis sensi-  
 bus, non diuina ratione ducebatur, Dominus acri-  
 ter obiurgauit. Quid amantius in Dominum uide-  
 tur eo postulari potuisse, quod sancti uiri Iacobus,  
 & Ioannes, illis irati Samaritanis, qui magistrum  
 hospitio accipere noluisissent, ab eo petierunt, ut iu-  
 beret ignem ex cælo descendere, qui duros illos, &  
 inhumanos absumeret? At a Christo domino repre-  
 hensi sunt illis uerbis: Nescitis, cuius spiritus estis: Luc. 9  
 Filius enim hominis non uenit animas perdere, sed  
 saluare. Neque uero solum, cum, quod cupimus,  
 malum est, aut mali speciem habet, Deum preca-  
 ri debemus, ut fiat uoluntas eius, sed etiam, cum  
 re uera malum non est; ueluti cum uoluntas sequi-  
 tur primam illam naturæ inclinationem, ut ap-  
 petat ea, quæ naturam conseruant, & reiiciat,  
 quæ ei contraria uideantur. Quocirca, cum in eum  
 locum uentum est, ut aliquid petere uelimus huius  
 generis; tum uero dicamus ex animo, Fiat uolun-  
 tas tua: imitemur illum ipsum, a quo salutem, &  
 salutis disciplinam accepimus; qui cum naturali-  
 ter insito cruciatuum, & acerbissime mortis timo-  
 re commoueretur, tamen in illo horrore summi  
 doloris, suam ad Dei patris retulit uoluntatem:  
 Non mea, inquit, uoluntas, sed tua fiat. Sed Luc. 22  
 mirabiliter deprauatum est hominum genus: qui cum  
 uim etiam suæ attulerint cupiditati, eamque diui-  
 nę uoluntati subiecerint, tamen sine Dei auxilio,  
 quo & a malo protegimur, & ad bonum dirigimur,  
 peccata

peccata uitare non possunt. Ergo confugiendum est ad hanc precationem, & petendum a Deo, ut in nobis ipse instituta perficiat, ut exultantes cupiditatis motus comprimat, ut appetitus rationi obediens efficiat, ut nos denique totos ad suam conformet uoluntatem. Precamur etiam, ut Dei uoluntatis cognitionem totus orbis terrarum accipiat; quo diuinum mysterium, absconditum a sæculis, & generationibus, notum ac peruulgatum sit apud omnes. Formam præterea, & præscriptionem huius obedientię postulamus, ut uidelicet ad eam regulam dirigatur, quam in cælo & seruant beati angeli, & colit reliquus celestium animarum chorûs; ut, quemadmodum illi sponte, & summa cū uoluptate obediunt diuino numini, sic nos Dei uoluntati, quo modo ipse maxime uult, libentissime pareamus. & uero in opera, & studio, quod Deo nauamus, summum a nobis amorē Deus, & eximiam charitatem requirit; ut, etiam si spe celestium præmiorū totos nos ei dicauerimus, tamen ideo illa speremus, quod, ut in eam spem ingrederemur, placuit diuinę maiestati. Quare tota nitatur illo in Deum amore nostra spes, qui mercedem amoris nostro proposuit eternam beatitudinem. Sunt enim, qui amanter alicui seruiant, sed tamen pretij causa, quo amorem referunt. Sunt præterea, qui tantummodo charitate & pietate commoti, in eo, cui dant operam, nihil spectant, nisi illius bonitatem, atque uirtutem; cuius cogitatione, & admiratione se beatos arbitrantur, quod ei suum officium præstare possint. & hanc habet sententiam illa appositio, Sicut in cælo, & in ter-

12. Maxime enim nobis enitendum est, ut Deo si-  
 mus obedientes, quemadmodū beatas mentes es-  
 se diximus. quorum laudes in illo summe obedi-  
 entie munere obeūdo, eo psalmo persequitur David: *Psal. 102*  
 Benedicite Domino omnes uirtutes eius, ministri  
 eius, qui facitis uoluntatem eius. Quod si quis,  
 sanctum Cyprianum secutus, sic illa interpretatur,  
 ut dicat, In cēlo, in bonis, & pijs; In terra, in ma-  
 lis, & impijs: nos uero etiam eius sententiam com-  
 probamus, ut pro cēlo spiritus, pro terra caro in-  
 telligatur; ut & omnes, & omnia in omnibus Dei  
 uoluntati obediant. Gratiarum item actionem cō-  
 tinet hęc petitio. Veneramur enim eius sanctissi-  
 mam uoluntatem, & maximo perfusi gaudio sum-  
 mis laudibus, & gratulationibus omnia eius ope-  
 ra celebramus, qui certo sciamus eum omnia bene  
 fecisse. cum enim constet, esse omnipotentē Deum;  
 necessario sequitur, ut omnia eius nutu facta esse  
 intelligamus. cum uero etiam ipsum, sicuti est,  
 summum bonum esse affirmemus; nihil ex eius  
 operibus non esse bonum, cum omnibus ipse suā  
 impertiuerit bonitatē, confitemur. Quod si in om-  
 nibus diuinam rationem nō assequimur, in omni-  
 bus tamen, & ambigui causa neglecta, & reiecta  
 omni hēsitatione, illud Apostoli profiteamur: in in- *Rom. 11*  
 uestigabiles esse uias eius. Sed ob id maxime etiam  
 Dei uoluntatē colimus, quod ab eo celesti lumine  
 dignati sumus. Ereptos enim de potestate tenebra- *Ad Col. 1*  
 rum, transtulit in regnum filij dilectionis sue. Sed  
 ut extremo loco id explicetur, quod ad meditatio-  
 nem pertinet huius petitionis; redeundum est ad id  
 quod initio attigimus, debere fidelem populum in  
 huius

Psal. 118

huius pronuntiatione petitionis esse demisso, & humili animo, reputantem secum eā, quæ in natura est insita, cupiditatum uim, diuinæ uoluntati repugnantem, cogitantē se in eo officio uinci a naturis omnibus: de quibus ita scriptum est: Omnia seruiunt tibi: maximeque imbecillem esse, qui nullū opus Deo gratū non modo nō perficere, sed ne instituire quidem possit, nisi Dei adiumento subleuetur. Quoniam uero nihil magnificentius est, nihil præstantius, quam, ut diximus, Deo seruire, & uitam ex eius lege, ac præceptis agere: quid optabilius esse potest homini Christiano, quā ambulare in uijs Domini, quam nihil agitare animo, nihil actione suscipere, quod a diuina uoluntate abhorreat? Vt uero eam exercitationem capiat, & illud institutum teneat diligentius, petat ex diuinis libris exempla eorum, quibus, cum illi consiliorum suorum rationem non retulissent ad Dei uoluntatē, omnia male ceciderunt. Moneantur postremo fideles, ut in simplici & absoluta Dei uoluntate acquiescant: ferat æquo animo condicionē suam, qui sibi inferiori loco uidetur esse, quam eius dignitas postulet: ne deferat ordinem suum, sed in ea uocatione maneat, in qua uocatus est, & proprium iudicium subijciat Dei uolūtati, qui nobis melius consulit, quā ipsi optare possimus. si angustia rei familiaris, si corporis ualeitudine, si persecutionibus, si alijs molestijs, & angoribus premimur: certo statuendum est, nihil horum sine Dei uoluntate, quæ summa omnium ratio est, nobis accidere posse; ideoque non debere nos grauius commoueri, sed inuicto animo ferre, sēper illud in ore haberi-



habentes , Domini uoluntas fiat : & illud beati Iob : Sicut Domino placuit, ita factum est : sit nomen Domini benedictum. Iob 1

PANEM NOSTRUM QVOTIDIANVM  
DA NOBIS HODIE.

Quarta petitio, & reliquæ deinceps, quibus animæ, & corporis subsidia proprie, ac nominatim postulamur, ad superiores petitiones referuntur. habet enim hunc ordinem, ac rationem precatio Dominica, ut postulationem rerum diuinarum consequatur earum petitio, quæ ad corpus, & ad hanc uitam tuendam pertinent. nam ut ad Deum, tamquam ad ultimum finem, referuntur homines: sic humanæ uitæ bona ad diuina eadem ratione diriguntur. quæ quidem ideo optanda, ac petenda sunt; uel quod ita diuinus ordo postulat, uel quod illis adiumentis ad diuinorū bonorū adeptiōnem indigemus, ut ijs adminiculis propositū finē consequamur, qui regno, & gloria cælestis patris, atque ijs præceptis colendis, seruandisque contineantur, quæ Dei uoluntatis esse non ignoramus. quare omnem uim, & rationem huius petitionis ad Deum, eiusque gloriam referre debemus. Præstabunt igitur suum officium Parochi fidelibus auditoribus, ut intelligant, in ijs petendis, quæ ad usum, ac fructum pertinent rerum terrenarum, esse intendendum animum, ac studium nostrum ad Dei præscriptionem, nec inde ulla ex parte declinandum. Nam in eo, quod scribit Apostolus; *Quid oremus* Rom. 8 sicut oportet nescimus; maxime peccatur his postulationibus

lationibus terrenarum, & caducarum rerum. Ergo petenda sunt bona hæc, ut oportet; ne, perperam aliquid postulant, responsum illud a Deo fe-

**Matth. 10** ramus; Nescitis quid petatis. Erit autem certa iudicandi nota, quæ praua sit, quæue recta petitio, consilium, & propositum postulantis. Nam si quis terrena petit eo animo, ut illa omnino bona existimet, & in illis, tamquam in optato fine, conquiescens, nihil præterea requirat; sine dubio non orat, sicut oportet. Non enim, inquit sanctus Augustinus, petimus temporalia hæc tamquam bona nostra, sed tamquam necessaria nostra. Apostolus etiam in epistola ad Corinthios docet, omnia, quæ spectant ad usus uitæ necessarios, ad Dei gloriam referri oportere. Siue enim manducatis, inquit, siue bibitis, siue aliud quid facitis, omnia in gloriam Dei facite. Sed ut uideant fideles, quantam habeat hæc petitio necessitatem; commemorabunt Parochi, quanta ad uictum, & ad uitam colendam indigentia sit externarum rerum. quod magis intelligent, si comparatio fiet eorum, quæ primo illi parenti nostri generis, & reliquis deinceps hominibus fuerunt ad uiuendum necessaria. nam etsi ille in amplissimo innocentiæ statu, unde & ipse, & eius culpa omnis posteritas corruit, necesse habuisset adhibere cibum ad reficiendas uires: tamen inter illius, & nostræ uitæ necessitates multum interest. non enim ei uestibus ad tegumentum corporis opus fuisset, non tecto ad perfugium, non armis ad defensionem, non remedijs ad ualitudinem, non alijs multis, quorum subsidio nos ad hanc naturæ imbecillitatem, ac fragilitatem tuendam egemus.

egemus. satis ei fuisset ad immortalem uitam ille fructus, quem felicissima uitæ arbor nullo eius, aut posteriorum labore præbuisset. Neque uero futurus erat homo in tantis paradisi delicijs otiosus, quem ad agendū Deus in eo uoluptatis domicilio collocarat: uerū nulla ei opera molesta, nullum officij munus nō iucundum fuisset. tulisset ille perpetuo suauissimos fructus ex cultura feliciū hortorum; nec eum umquam opera, aut spes fefellisset. At posteriorum proles nō solum fructu priuata uitalis arboris, uerum etiam horribili illa sententia condemnata est; Maledicta terra in opere tuo; in la *Gen. 3* boribus comedes ex ea cunctis diebus uitæ tuæ; spinas, & tribulos germinabit tibi, & comedes herbas terræ: in sudore uultus tui uesceris pane tuo, donec reuertaris in terrā, de qua sumptus es: quia pulvis es, & in puluerem reuerteris. Nobis igitur contraeueniunt omnia, atque illi, & posteris cōtigisset, si Dei dicto audiens fuisset Adam. itaque uersa sunt omnia, & mutata in deterrimam partē. In quo illud grauissimum est, quod maximos sumptus, summum laborem, ac sudorem sæpissime nullus fructus consequitur; cum fruges datę in deterriorem segetem, uel succrescenti agrestium herbarum asperitate opprimuntur, uel nimbis, uento, grandine, uredine, rubigine perculsæ, & prostratę intereunt; ut omnis anni labor, exiguo tempore, aliqua cæli, uel terræ calamitate, recidat ad nihilum. quod accidit immanitate nostrorū scelearum; a quibus auersus Deus, nostris minime benedicit operibus; sed horrenda mar et sentētia, quam de nob. sin. iq pronunciauit. Er, O Pastores in huius

ius loci tractationē incumbēt; ut sciat fidelis populus, sua culpa homines in has angustias, & misérias incidere; ut intelligat de sudandum quidem & elaborandum esse in parandis ijs, quæ ad uiuendum sunt necessaria, uerumtamen, nisi laboribus nostris benedixerit Deus, fallacem spem, & inanem fore omnem contentionem. nam neque qui plantat, est aliquid, neque qui nigrat, sed qui incrementum dat Deus. Et; Nisi Dominus ædificauerit domum, in uanum laborauerunt, qui edificant eam. Docebunt igitur Parochi, esse res pene innumerabiles, quæ si nobis desint, uel uitam amittimus, uel agimus insuauem. Hac enim cognita rerum necessitate, naturæque imbecillitate, Christianus populus cælestem Patrem adire cogetur, & ab eo terrena, & cælestia bona suppliciter petere. Imitabitur prodigum illum filium, qui cum in regione longinqua cepisset egere, nec esset, cum esuriret, qui ei filiquas daret, aliquando ad se rediens, intellexit, malorum, quibus premebatur, nusquam nisi a patre esse expectandū remedium. Quo loco accedet etiam fidentius ad orandū fidelis populus, si in cogitatione diuinæ benignitatis recordabitur, paternas aures perpetuo patere filiorum uocibus. nam dum hortatur nos, ut panem petamus, ea se recte petentibus abunde largitutum pollicetur. docendo enim, quo modo petamus, hortatur; hortando, impellit; impellendo, spondet; spondendo, nos in spem certissimæ impetrationis inducit. Excitatis igitur, & inflammatis animis fidelis populi, sequitur, ut, quid hac petitione postuletur, declarandum sit: primum, qui sit ille panis, quem petimus.

Scien-

1. Cor. 3

Psal. 126

Luc. 15



Sciendum igitur est, in diuinis litteris hoc panis nomine multa quidem significari, sed illa duo præcipue, primum quidquid in uictu, ceterisque rebus ad corpus, uitamque tuendam adhibemus; deinde, quidquid nobis ad spiritus, & animæ uitam, ac salutem Dei munere tributum est. Petimus autem hoc loco huius, quam in terris agimus, uitæ subsidia, sanctorum Patrum ita sentientiū auctoritate. Quamobrem minime sunt audiendi, qui dicunt, nō licere Christianis hominibus a Deo petere terrena huius uitæ bona. Nam huic aduersantur errori, præter consentientem Patrum sententiam, exempla permulta tum ueteris, tum noui testamenti. Iacob enim uouens, sic orabat; Si fuerit Dominus *Gen. 28* mecum, & custodierit me in uia, per quam ego ambulo, & dederit mihi panem ad uescendum, & uestimentum ad induendum; reuersusq. fuero prospere ad domum patris mei; erit mihi Dominus in Deum, & lapis iste, quem erexi in titulum, uocabitur domus Dei; cunctorumque, quæ dederis mihi, decimas offeram tibi. Salomon etiam certū petebat huius uitæ subsidium, cum illud precabatur; Mendicitatem, & diuitias ne dederis mihi; *Prouer. 30* tribue tantum uictui meo necessaria. Quid, quod Saluator humani generis illa iubet petere, quæ nemo negare audeat ad corporis usū pertinere? Orate, inquit, ut non fiat fuga uestra in hieme, uel Sabbatho. Quid dicemus de S. Iacobo? cuius illa *Iacob. 5* sunt. Tristatur aliquis uestrum? oret: æquo animo est? psallat. Quid de Apostolo? qui sic cum Romanis agebat; Obsecro uos fratres per dominum nostrum Iesum Christum, & per charitatem sancti

spiritus, ut adiuueris me in orationibus pro me ad Deum, ut liberer ab infidelibus, qui sunt in Iudea. Quare, cum & diuinitus concessum sit fidelibus, ut petant hæc subsidia rerum humanarum, & perfecta hæc a Christo Domino tradita sit orandi formula: ne illud quidem dubiū relinquitur, unam ex septem hanc esse petitionem. Petimus præterea panem quotidianum, idest uictui necessaria; ut panis nomine, quod satis sit, & uestium ad tegendum, & cibi ad uescendum, siue panis is sit, siue caro, siue piscis, siue quodcumque aliud, intelligamus. uidemus enim usum esse hoc loquendi modo Eli-  
 4. Reg. 6 seum, cum regem moneret, ut præberet panē militibus Assyrijs, quibus magna ciborum copia data  
 Luc. 14 est. Illud etiam de Christo domino scriptū scimus: Ingressus est in domum cuiusdam principis Phari-  
 seorum sabbatho manducare panem. Qua uoce, quæ ad cibum, quæque ad potum pertinent, signifi-  
 cari uidemus. Ad huius petitionis absolutam significationem præterea animaduertendum est, hoc panis uocabulo non abundantem, & exquisitam ciborum, ac uestium copiam, sed necessariam, ac simplicem intelligi debere: quemadmodū scripsit  
 1. Tim 6 Apostolus; Habentes alimenta, & quibus tega-  
 Prover. 30 mur, his contenti simus. Et Salomon, ut dixi-  
 mus: Tribue tantum uictui meo necessaria. Huius quoque frugalitatis, & parsimonix illa uoce, quæ proxime sequitur, admonemur. cum enim, Nostrum, dicimus, panem illum ad necessitatem nostram, non ad luxuriam petimus. non enim Nostrum dicimus, quia eum nobis opera nostra, sine Deo, parare possumus (est enim apud Dauidem;  
 Omnia

Omnia a te expectant, ut des illis escam in tem- *Psal. 103*  
 pore: dante te illis, colligent: aperiente te ma-  
 num tuam, omnia implebuntur bonitate: & alio  
 loco: Oculi omnium in te sperant Domine, & tu  
 das escam illorum in tempore opportuno) sed quia  
 necessarius est, & a parente omnium Deo, qui  
 omnes sua providentia alit animantes, nobis attri-  
 butus. Ob eam quoque causam panis noster appel-  
 latur, quod iure est a nobis acquirendus, non iniu-  
 ria, fraude, aut furto parandus. quæ enim nobis  
 malis artibus conciliamus, nō nostra sunt, sed alie-  
 na, sæpiusque illorum calamitosa est uel adeptio,  
 uel possessio, uel certe iactura. contra uero hone-  
 stis, ac laboriosis piorum hominum lucris, ex Pro-  
 phetæ sententia tranquillitas inest, & magna feli-  
 citas. Labores enim, inquit, manuum tuarum *Psalms. 127*  
 quia manducabis, beatus es, & bene tibi erit.  
 Iam uero ijs, qui iusto labore uictum quærunt,  
 fructum suæ benignitatis eo loco pollicetur Deus;  
 Emitteret Dominus benedictionem super cella- *Deuter. 28*  
 ria tua, & super omnia opera manuum tuarum,  
 benedicetque tibi. Neque solum petimus a Deo  
 nobis, ut illo uti liceat, quod nostro sudore, ac  
 uirtute peperimus eius adiumento benignitatis: id  
 enim uere dicitur nostrum: sed etiam bonam men-  
 tem postulamus, ut recte partis, recte item ac pru-  
 denter uti possimus. **Q V O T I D I A N V M.** huic  
 etiam uoci subiecta est ea notio frugalitatis, ac par-  
 simoniæ, quā proxime diximus. non enim multi-  
 plicem, aut delictatum cibum postulamus, sed eum,  
 qui naturæ necessitati satisfaciat: ut eos pudeat hoc  
 loco, qui, fastidio communis cibi, & potionis, con-

quisitissima escarum, ac uinorū genera persequuntur. Nec minus hac quotidiani uoce improbantur ij, quibus horrendas illas minas proponit Isaias :

*Isa. 5*

Væ, qui coniungitis domum ad domum, & agrum agro copulatis usque ad terminum loci : numquid habitabitis uos soli in medio terre? Etenim est in-  
explebilis horum hominum cupiditas, de quibus il-

*Eccle. 5*

lud scriptum est a Salomone ; Auarus non implebitur pecunia. ad quos dictum etiam illud pertinet

*1. Tim. 6*

Apostoli; Qui uolunt diuites fieri, incidunt in tentationem, & laqueum Diaboli. Quotidianum præterea panē appellamus, quod uescimur eo ad reficiendum uitalem humorem, qui quotidie consumitur ui naturalis caloris. Est denique illa huius ratio nominis, quod assidue petendus est, ut in hac consuetudine amandi, & colendi Deum retineamur; nobisque omnino persuadeamus, id quod est, uitam, ac salutem nostram ex Deo pendere. **DA**

**NOBIS**. Quantam hæc duæ uoces materiam præbeant ad cohortādum fideles, ut infinitam Dei potentiam pie, sancteque colant, & uenerentur, in cuius manu sunt omnia, & ut nefariam illam Sata-næ ostentationem detestentur; Mihi tradita sunt omnia, & cui uolo do illa; nemo non uidet. nam unius nutu Dei distributa cuncta, & conseruantur, & augentur. Sed quæ diuitibus hæc est imposita necessitas, dixerit quispiam, petendi quotidianum panem, cum rebus omnibus abundant? Hæc illis necessitas est orandi in hunc modū, non ut dētur eis, quorum Dei benignitate habent copiam, sed ne, quæ abunde illis adsunt, amittant. Quam-

*Luc. 4*

*1. Tim. 6*

obrem, ut scribit Apostolus, Hinc discant diui-

tes non



tes non sublime sapere, neque sperare in incerto diuitiarum, sed in Deo uiuo, qui præstat nobis omnia abunde ad fruendum. Huius autem necessarię petitionis hanc causam affert sanctus Chrysostomus, non solum ut nobis suppetat cibus, sed ut eū nobis suppeditet Domini manus, quæ, salubrem, atque adeo salutarem uim inferens pani quotidiano, efficit, ut & cibus corpori profit, & corpus animæ seruiat. Sed quid est, quamobrem, DA NOBIS, numero multitudinis dicimus, non autem, mihi? Quia proprium illud est Christianę charitatis, nō ut quisque de se uno sollicitus sit, sed ut præterea de proximo laboret, & in cura suę utilitatis meminerit etiam aliorum. Accedit eo, quod, quæ alicui munera diuinitus tribuuntur, non idcirco tribuuntur, ut solus is ea possideat, uel in illis luxuriose uiuat, sed ut cum alijs communicet, quæ necessitati superfuerint: nam inquit sancti Basilii, & Ambrosii: Esurientium panis est, quem tu detines: nudorum indumentum est, quod tu recludis: miserorum redemptio est, & absolutio, pecunia, quam tu in terram defodis. HODIE. Admonet nos hæc uox cōmunis infirmitatis. quis enim est, qui, si minus sua unius opera prouidere se posse sperat in longinquū tempus necessarios uite sumptus, saltem in diem uictus subsidia paraturum non cōfidat? Sed ne huius quidem fiducię facultas nobis a Deo permittitur, qui nos singulorum etiā dierum cibum a se petere iussit. Quæ sententia habet illam necessariam rationē, quia quotidiano pane egemus omnes, quotidie etiam Dominica precatione singulis utendum esse. Hæc de pane, qui ore.

*Ambrosius  
ex Basilio  
Magno in  
sermone 81*

Matth. 5

perceptus, corpus alit, atque sustentat, qui communis fidelium, & infidelium, piorum, & impiorum, admirabili Dei bonitate, qui solem suum oriri facit super bonos, & malos, pluit super iustos, & iniustos, omnibus impertitur. Reliquus est spiritalis panis: quem etiam hoc loco petimus. Quo significantur omnia, quęcumque in hac uita ad spiritus, & animę salutē, & incolumitatē requiruntur. ut enim multiplex est cibus, quo corpus alitur, & sustentatur: sic nō est unius generis esca, quę spiritus, & animę uitam continet. nam & uerbū Dei cibus

Prou. 9

est animę: Sapientia enim inquit: Venite, comedite panem meum; & bibite uinum, quod miscui uobis, Huius autem uerbi facultatem cum adimit Deus hominibus, quod efficere solet, cum grauius nostris sceleribus offenditur, fame dicitur premere genus humanum. sic enim est apud Amos: Emittam famem in terram, non famem panis, neque sitim aquę, sed audiendi uerbum Domini. Vt autem illud est certum propinquę mortis signum, cum non possint homines uel cibum sumere, uel sumptum retinere: sic magnum est desperatę salutis argumentum, cum uel non quærunt uerbum Dei, uel, si, adsit, non sustinent, & illam impietatis uocem in Deum effundunt; Recede a nobis, scientiam uiarum tuarum nolumus. In hoc furore animi, & mentis cęcitare uersantur illi, qui,

Amos 8

Iob 21

neglectis ijs, qui legitime eis præsunt, catholicis & Episcopis, & sacerdotibus, & a sancta Romana Ecclesia desciscientes, corruptoribus Dei uerbi hæreticis se in disciplinam tradiderunt. Iam uero panis est Christus dominus, animę cibus:

nam

nam inquit ipse de se : Ego sum panis uiuus, qui de *Ioan. 6*  
 cœlo descendi . Incredibile est , quanta uoluptate ,  
 ac lætitia perfundat piorum animas hic panis  
 tum , cum maxime terrenis molestiis , & incom-  
 modis conflictantur. exemplo nobis est sanctus il-  
 le chorus apostolorum , de quibus extat ; Illi qui- *Act. 5*  
 dem ibant gaudentes a conspectu concilij . Referti  
 sunt huiusmodi exemplis libri de uita sanctorum ho-  
 minum : & de intimis his bonorum gaudijs ita lo-  
 quitur Deus: Vincenti dabo manna absconditum. *Apocal. 2*  
 Præcipue autem panis noster est ipse Christus domi-  
 nus , qui in sacramento Eucharistiæ substantialiter  
 continetur. Hoc inexplicabile pignus charitatis de-  
 dit nobis rediturus ad patrem, de quo dixit: Qui man- *Ioan. 6*  
 ducat meam carnem, & bibit meum sanguinem ,  
 in me manet , & ego in illo . Accipite , & mandu- *Matth. 26*  
 cate, hoc est corpus meum. Ea petent Parochi, quæ *1. Cor. 11*  
 ad fidelis populi utilitatem pertinebunt, ex eo loco,  
 quo separatim huius sacramenti uis, ac ratio conti-  
 netur . Et uero dicitur hic panis noster , quia fide-  
 lium modo hominum est, idest eorum, qui charita-  
 tem cum fide coniungentes , penitentiæ sacramen-  
 to sordes eluunt peccatorum ; qui non dimittentes  
 memoriam, se Dei filios esse, diuinum sacramentum  
 sumunt , & colunt quanta maxima possunt san-  
 ctitate , ac ueneratione . Quotidianus uero quam-  
 obrem dicatur , in promptu duplex ratio est , alte-  
 ra , quod in sacris Christianæ Ecclesiæ mysterijs  
 quotidie & offertur Deo , & datur pie sancteque  
 postulantibus: altera, quod quotidie sumendus est,  
 uel certe ita uiuendum , ut quotidie, quoad eius fio-  
 ri possit, digne sumere queamus . Audiant, qui con-

tra sentiunt, nisi longo interuallo salutaribus his  
 epulis animæ uesci nō oportere, quid sanctus dicat  
*S. Amb. in* Ambrosius: Si quotidianus est panis; cur post an-  
*lib. 5. de Sa* num illum sumis? Sed in hac petitione ad illud præ-  
*cram. ca. 4* cipue cohortandi sunt fideles, ut, cum recte & con-  
 silium, & industriam suam posuerint in comparan-  
 dis rebus uitæ necessarijs, rei exitum Deo permit-  
 tant, suumque desiderium ad eius referant uolun-  
*Psal. 54* tatem, qui non dabit in æternum fluctuationem iu-  
 sto. Nam uel concedet Deus, quæ petuntur, &  
 ita suum optatum consequentur; uel non concedet:  
 & id erit certissimum argumentum, nec salutare  
 illud esse, nec utile, quod pijs a Deo negatur, cui  
 magis curæ est de eorum salute, quam illis ipsis.  
 Quem locum instruere poterunt, explicandis ijs  
*S. August.* rationibus, Parochi, quæ a sancto Augustino in epi-  
*Epist. 121* stola ad Probam præclare colliguntur. Extremum  
 illud erit in huius tractatione petitionis, ut memine-  
 rint diuites facultates suas, & copias Deo acceptum  
 referre, cogitentque se idcirco illis bonis esse cumu-  
 latus, ut illa distribuant indigentibus. In quam  
 sententiam conueniunt, quæ in prima epistola ad  
*1. Tim. 6* Timotheum ab Apostolo differuntur: unde magnā  
 uim Parochis petere licebit diuinorum præceptorū  
 ad hunc locum utiliter, ac salutariter illustrandū.

ET DIMITTE NOBIS DEBITA NO-  
 STRA, SICUT ET NOS DIMITTI-  
 MVS DEBITORIBVS NOSTRIS.

Cum ita multa sint, quæ infinitam Dei poten-  
 tiam, cum pari sapientia, ac bonitate coniunctam,  
 significant, ut, quocumque oculos, cogitationemq.  
 con-



conuerteris, certissima signa immensę potestatis, ac benignitatis occurant; nihil profecto est, quod summum eius amorem, & admirabilem in nos charitatem magis declaret, quam inexplicabile mysterium Iesu Christi passionis, unde perennis ille fons ad eluendas peccatorum sordes erupit; quo perfundi, & expiari, Deo duce, ac largitore, exoptamus, cum illud ab eo petimus, Dimitte nobis debita nostra. Continet autem hæc petitio summam quandam eorum bonorũ, quibus per Iesum Christum cumulatam est humanũ genus. Id enim docuit Isaias: Dimittetur, inquit, iniquitas domui Iacob, & iste omnis fructus, ut auferatur peccatum eius. quod Dauid etiam ostendit, beatos prædicans eos, qui salutarem illum fructum percipere potuerunt, his uerbis: Beati, quorum remissa sunt iniquitates. Quare est accurate, ac diligenter Pastoribus huius postulationis animaduertenda, & exponenda sententia, quam ad cælestem uitam consequendam tantum ualere intelligimus. Ingredimur autem nouam precandi rationem. nã hætenus a Deo non solum æterna, & spiritalia bona, sed caduca, & quę ad hanc uitã pertinet, commoda petiimus: nunc uero mala deprecamur & animæ, & corporis, & huius, & sempiternę uitæ. Sed quoniam ad impetrandum, quod postulamus, requiritur recta postulandi ratio; quo modo affectos esse oporteat eos, qui Deum hoc orare uelint, dicendum uidetur. Monebunt igitur Parochi fidelem populum, primũ necesse esse, ut is, qui ad hoc petendum uelit accedere, suum ipse peccatum agnoscat; deinde, ut eius sensu, ac dolore

com-

Gen. 4  
Matth. 27

Psa. 13. 52

Eccle. 7

Prov. 20

1. Ioh. 2

Hier. 2

commoueatur ; tum , ut sibi omnino persuadeat ,  
Deum in hac esse uoluntate, ut ijs, qui peccauerunt,  
ita , ut diximus, affectis , & comparatis, ignoscat ;  
ne forte acerbam delictorum recordationem, ac re  
cognitionem illa uenie desperatio cōsequatur, quæ  
olim Caim , & Iudæ animum occupauit ; qui Deū  
modo uindicem, & ultorem, non etiam mitem, &  
misericordem, existimarunt. Ergo in hac petitione  
sic affecti simus , oportet , ut dolenter peccata no-  
stra recognoscentes , ad Deum , tamquam ad pa-  
rentem , non quasi ad iudicē confugiamus ; a quo,  
non ut ex iustitia nobiscum agat, sed ex misericor-  
dia, postulemus . Facile autem adducemur, ut pec-  
catum nostrum agnoscamus , si ipsum audierimus  
Deum nos in sacris litteris huius rationis admonē-  
tem: est enim illud apud Dauidem: Omnes declina-  
uerunt, simul inutiles facti sunt: non est , qui fa-  
ciat bonum, non est usque ad unum. In eandem sen-  
tentiam loquitur Salomon: Non est homo iustus  
in terra, qui faciat bonum, & non peccet. Quo  
illud etiam pertinet: Quis potest dicere, mundum  
est cor meum, purus sum a peccato? Quod idem a  
sancto Ioanne, ad deterrēdos homines ab arrogan-  
tia, scriptum est: Si dixerimus, quoniam pecca-  
tum non habemus; ipsi nos seducimus, & ueritas  
in nobis non est. Et a Hieremia: Dixisti, absq. pec-  
cato, & innocens ego sum: & propterea auerta-  
tur furor tuus a me: ecce ego iudicio contēdam te-  
cū, eo quod dixeris, non peccaui. Quorū sententias  
omnium idem, qui eas illorum ore pertulerat,  
Christus dominus hoc petitionis præscripto confir-  
mat, quo iubet nos delicta nostra confiteri, id enim  
secus

secus interpretari prohibuit auctoritas Mileuitani *Milevit.*  
Concilij in hunc modum : Placuit, ut, quicumque *Concil.*  
uerba ipsa Dominicæ orationis, ubi dicimus, Di-  
mitte nobis debita nostra, ita uult a sanctis dici, ut  
humiliter, non ueraciter hoc dicatur; anathema  
sit. Quis enim ferat orantem, & non hominibus,  
sed ipsi Domino mentientē, qui labijs sibi dicit di-  
mitti uelle, & corde dicit, quæ sibi dimittantur, de-  
bita non habere? Verū in necessaria recognitione  
peccatorū non est satis, illa leuiter recordari. nam,  
ut acerba nobis sit ea memoria, ut cor pungat, ani-  
mum stimulet, & dolorem inurat, necesse est. Qua-  
re pertractabunt locum hunc diligenter Parochi,  
ut non solum facinorum, ac flagitiorū suorum me-  
minerint fideles auditores, sed ut moleste, dolen-  
terque meminerint, ut, cum angantur intimis  
sensibus, conferant se ad patrem Deum, a quo,  
ut inhærentes euellat scelerum aculeos, suppli-  
citer petant. Nec uero solum erratorum turpi-  
tudinem studebunt subijcere oculis fidelis populi,  
uerum etiā indignitatem, ac sordes hominum, qui,  
cum nihil simus, nisi putida caro, nisi summa fœdi-  
tas, incomprehensibilem illam Dei maiestatem, &  
inexplicabilem præstantiam, incredibilem in mo-  
dum audeamus offendere, præsertim a quo procrea-  
ti, liberati, innumerabilibus, maximisque bene-  
ficijs aucti simus: ut quid? ut ab alienati a patre  
Deo, qui summum bonum est, turpissima peccati  
mercede, Diabolo nos addicamus in miserrimam  
seruitutem. neque enim dici potest, quam crudeli-  
ter ille dominetur in eorū animis, qui, repulsio sua-  
ui iugo Dei, ruptoque charitatis amabilissimo no-  
do,

Ioan. 14  
Ad Eph. 6  
Iob 41

Isa. 26

1. Cor. 3

Psal. 37

Rom. 2

do, quo parenti Deo spiritus noster adstringitur, ad hostem acerrimum descenderunt; qui eo nomine princeps, & rector mundi, & princeps tenebrarum, & rex super uniuersos filios superbiam, dicitur in diuinis litteris. In eos autem, qui Dæmonis tyrannide opprimuntur, uere conuenit illa uox Isaia, Domine Deus noster, possederunt nos domini absque te. Hæc si nos minus mouent rupta fœdera charitatis, moueant certe calamitates, & ærumnæ, in quas per peccatum incidimus. uiolatur enim sanctitas animæ, quæ Christo desponsam esse scimus: profanum fit illud idem templum Domini, quod qui contaminant, in eos dicit Apostolus; Si quis autem templum Dei uiolauerit, disperdet illum Deus. Innumerabilia sunt mala, quæ peccatum inuehit in hominem: quam pene infinitam pestem Dauid his uerbis expresit: Non est sanitas in carne mea, a facie iræ tuæ: non est pax ossibus meis, a facie peccatorum meorum. Nimirum norat hanc plagem uim, cum nullam sui partem pestifero peccato intactam fateretur. peruaferat enim in ossa peccati uirus, id est, rationem, & uoluntatem, quæ maxime solidæ sunt animæ partes, infecerat. hanc late patentem pestem indicant sacræ litteræ, cum peccatores, claudos, furcos, mutos, cæcos, & omnibus membris captos appellant. Sed præter dolorem, quem ex peccatorum quasi scelere sentiebat, magis etiam angebatur Dauid ex ira Dei, quam in se propter peccatum commotam intelligebat. Bellum enim est sceleratis cum Deo, quorum sceleribus incredibiliter offenditur: inquit enim Apostolus: Ira, & indignatio, tribulatio, & angustia in omnem animam



mam hominis operantis malum. nam etsi transie-  
 rit actio peccati, tamen peccatum macula & rea-  
 tu permanet; cui semper imminēs ira Dei illud in-  
 sequitur, tamquam umbra corpus. Cum igitur  
 David his uulneretur aculeis, ad petendam deli-  
 ctorum ueniam excitabatur: cuius & exemplum  
 doloris, & doctrinæ rationem, ex quinquagesimo  
 eius psalmo depromptam, proponēt Parochi fide-  
 libus auditoribus, ut Prophetæ imitatione & ad  
 doloris sensum, idest ad ueram penitentiam, & ad  
 uenię spem erudiri possint. Quantam habeat utili-  
 tatem hæc docendi ratio, ut ex peccatis dolere di-  
 scamus, illa Dei apud Hieremiam declarat oratio,  
 qui cum Israelem ad penitentiam hortaretur, ad-  
 monebat eum, ut malorum sensum perciperet, quę  
 peccatum consequuntur: Vide enim, inquit, quia *Hier. 2*  
 malum, & amarum est, reliquisse te dominum  
 Deum tuum, & non esse timorem mei apud te, di-  
 cit dominus Deus exercituum. Qui carent necessa-  
 rio hoc recognitionis, ac doloris sensu, ij apud pro-  
 phetas, Isaïam, Ezechielem, & Zachariam, cor du- *Isa. 46*  
 rum, lapideum, & adamantinum habere dicun- *Ezech. 36*  
 tur. sunt enim, instar lapidis, nullo dolore molliti, *Zach. 7*  
 nullum uitę, idest salutaris recognitionis sensum  
 habentes. Sed ne peccatorum grauitate deterritus,  
 se populus ueniam impetrare posse desperet, ipsum  
 ad spem uocare Parochi debebunt his rationibus;  
 quod & Ecclesię Christus dominus potestatem do-  
 dit remittēdi peccata, quemadmodum sacrosancti  
 Symboli articulo declaratur, & hac petitione do-  
 cuit, quanta esset Dei bonitas, ac liberalitas in ge-  
 nus humanum. nisi enim promptus esset, ac para-  
 tus

tus Deus ad condonandum peccata pœnitentibus, numquam nobis hanc precandi formulam præscripsisset: Dimitte nobis debita nostra. Quamobrem illud fixum in animis tenere debemus, fore, ut is paternam misericordiã nobis impertiat, qui ipsam his precibus iussit exposcere. nam omnino sub hac petitione, illa est subiecta sententia, sic esse in nos affectum Deum, ut uere pœnitentibus libenter ignoscat. Est enim Deus is, in quem, abiecta obedientia, peccamus: cuius ordinem sapientiæ perturbamus, quantum est situm in nobis; quem offendimus, quem factis, dictisque uiolamus. Verum idem est ille beneficentissimus parens, qui, cum possit omnia condonare, non modo se id uelle declarauit, sed etiam impulit homines, ut a se ueniam peterent, &, quibus uerbis id facerent, docuit. Quare nemini dubium esse potest, quin, illo auctore, in nostra potestate sit, nobis Dei gratiam reconciliare. Et quoniam hæc testificatio propensæ ad ignoscendum diuinę uoluntatis fidem auget, spem alit, charitatem inflamat; operępretium est ornare hunc locum nonnullis diuinis testimonijs, & hominum exemplis, quibus maximorum scelerum pœnitētibz Deus ueniã concesserit. quam sententiam quoniam persecuti sumus, quantum res ferebat, in præmio huius precationis, & in ea Symboli parte, quę est de remittendis peccatis; inde assument Parochi, quę ad hunc locum instruendum pertinere uidebuntur, reliqua haurient ex diuinarum litterarum fontibus: tum uero eodem utantur instituto, quo in ceteris petitionibus utendum duximus, ut intelligant fideles,

quid

quid hic, Debita, significant; ne forte decepti ambiguo, aliud ab eo, quam quod petendum sit, postulent. Primum autem scire oportet, minime petere nos, nobis ut remittatur amor ex toto corde, ex tota anima, & ex tota mente nostra, quem omnino Deo debemus, & cuius debiti solutio est ad salutem necessaria. Neque uero, quia, debiti nomine, etiam obedientia, cultus, ueneratio, & cetera huius generis officia continentur, postulamus, ut non amplius ea debeamus, sed precamur, ut liberet a peccatis: sic enim S. Lucas est interpretatus: *Luc. 11* qui peccata pro debitis posuit, ob eam causam, quod illis committendis rei efficimur Deo, & debitis poenis propositi, quas uel satisfaciendo, uel patiundo pendimus. Huius generis debitum fuit, quod Christus dominus locutus est ore Prophete; *Psalm. 68* Quæ non rapui, tunc exolvebam. Quæ Dei uerbi sententia licet intelligere, non solum nos debitores esse, sed etiam non esse soluendo; cum peccator per se satisfacere nullo modo possit. Quare confugiendum nobis est ad Dei misericordiam: cui quia par iustitia respondet, cuius est retinentissimus Deus, utendum erit deprecatione, & patrocínio passionis domini nostri Iesu Christi; sine qua nemo umquam ueniam delictorum impetrauit; a qua omnis & satisfaciendi uis, & ratio tamquam ex fonte profluxit. nam pretium illud in cruce a Christo domino persolutum, & nobiscum per sacramenta, re, uel studio, ac desiderio adhibita, communicatum, tanti est, ut nobis impetret, & conficiat, quod hac petitione postulamus, ut peccata nostra remittantur. Quo loco non id modo pro leuibus erratis, & facil-

limis

limis ad impetrandam ueniam, sed pro grauibus, & mortiferis peccatis deprecamur. quæ precatio in scelerum grauitate pondus nō habebit, nisi id a pænitentiae sacramento, re, uel certe desiderio suscepto, ut iam dictum est, assumpserit. Dicimus autem, Debita nostra, longe aliter, atque, Panem nostrum, antea diximus. noster enim ille est panis, quia nobis Dei munere tribuitur: at peccata nostra sunt, quia illorum culpa residet in nobis: nā nostra uoluntate suscipiuntur; quæ peccati uim non haberent, nisi essent uoluntaria. Nos igitur, eam culpam sustinentes, & confitentes, ad expiandum peccata necessariam Dei clemētiam implo-  
ramus. In quo non utimur excusatione cuiusquam, nec causam in quemquam transferimus, ut primi homines Adam, & Eua fecerunt; ipsi nos indicamus, illam, si sapimus, Prophetæ precationem adhibentes, Non declines cor meum in uerba malitiæ ad excusandas excusationes in peccatis. Nec uero dicimus, dimitte mihi, sed nobis; quod fraterna necessitudo, & charitas, quæ inter omnes homines intercedit, a nobis singulis postulat, ut de communi proximorū salute solliciti, cum pro nobis preces facimus, pro illis etiam deprecemur. Hunc orandi morem, a Christo domino traditum, deinceps ab Ecclesia Dei acceptum, perpetuoque seruatum, ipsi & maxime tenuerunt Apostoli, &, ut ceteri adhiberent, auctores fuerunt. Huius autem flagrantis studij, & cupiditatis in deprecando pro salute proximorum, habemus in utroque testamento sanctorum Moysis, & Pauli præclarum exemplum: quorum alter sic Deum precabatur;

Gen. 3

Psal. 140



batur; Aut dimitte eis hanc noxam, aut, si non *Exod. 32*  
 facis, dele me de libro tuo: alter in hunc modum;  
 Optabam ego ipse anathema esse a Christo pro fra *Rom. 9*  
 tribus meis.

**S I C V T E T N O S D I M I T T I M V S  
 D E B I T O R I B V S N O S T R I S.**

Illud, Sicut, dupliciter intelligi potest: nam & similitudinis uim habet, cum uidelicet a Deo petimus, ut, quemadmodum nos iniurias, & contumelias remittamus ijs, a quibus læsi sumus, sic ipse nobis peccata cōdonet. Est præterea condicionis nota: in quam sententiam Christus dominus eam formulam interpretatur: Si enim dimiseritis, inquit, hominibus peccata eorum, dimittet & uobis pater uester cælestis delicta uestra; si autem non dimiseritis hominibus, nec pater uester dimittet uobis peccata uestra. Verum habet uterque sensus eandem ignoscendi necessitatem: ut, si uolumus Deū nobis ueniam cōcedere delictorum, parcamus illis ipsis necesse sit, a quibus iniuriam accepimus. sic enim Deus obliuionem iniuriarum, mutuūque studium, & amorem requirit a nobis, ut eorum, qui in gratiā non sunt reconciliati, dona, ac sacrificia reiiciat, & aspernetur. Est etiam naturæ lege sancitum, ut tales nos alijs præbeamus, quales eos in nos esse cupimus: uere ut impudentissimus ille sit, qui postulet a Deo, ut sui sceleris poenā prætermittat, cum ipse in proximum animum retineat armatum. Quare parati, & prompti ad ignoscendū esse debent ij, quibus impositæ sunt iniuriæ; cum & urgeantur hac precandi formula;

NN      & apud

Luc. 17

& apud sanctum Lucam id iubeat Deus: Si peccauerit in te frater tuus, increpa illum; & si penitentiam egerit, dimitte illi; & si septies in die peccauerit in te, & septies in die conuersus fuerit ad te, dicens, penitet me, dimitte illi. Et in euāge-

Matth. 5

Rom. 12

Prouer. 25

Marc. 11

lio sancti Matthei sit: Diligite inimicos uestros. & Apostolus, & ante eum Salomon scripserit; Si esurierit inimicus tuus, ciba illum; si sitit, potum da illi: & sit apud sanctum Marcum euangelistam; Cū stabitis ad orandū, dimittite si quid habebitis aduersus aliquem; ut & pater uester, qui in celis est, dimittat uobis peccata uestra. Sed quoniam, deprauatę naturę uitio, nihil ęgrius sit ab homine, quam ut inferenti condonet iniurias: omnem conferant Parochi animi, & ingenij uim ad commutandos & flectendos animos fidelium ad hanc lenitatem, & misericordiam, Christiano homini necessariam, Commorentur in tractatione diuinorum oraculorum: in quibus audire licet imperantem Deum, inimicis ignoscendum. Predicet id, quod uerissimū est, magno esse argumento hominibus, eos esse Dei filios, si facile remittant iniurias, & inimicos diligant ex animo. Elucet enim in eo, quod inimicos diligimus, similitudo quędam cum parente Deo, qui sibi inimicissimum, & infestissimum genus hominum, filij sui morte ab ęterno exitio redemptū, recōciliauit. Sit autem huius cohortationis, & precepti clausula illud imperiū Christi domini, quod recusare non possumus sine summo dedecore, & perniciē, Orate pro persequentibus, & calumniantibus uos; ut sitis filij patris uestri, qui in celis est. Verum hoc loco non uulgaris Pastorum pruden-

Matth. 5

dentia

dentia requiritur, ne quis, cognita huius difficultate, ac necessitate præcepti, salutem desperet. Sunt enim, qui, cum se debere intelligant contemnere iniurias obliuione uoluntaria, & eos diligere, qui læserunt, id cupiunt, & pro uinibus faciunt, sed uniuersam memoriam iniuriarum sibi exhauriri non posse sentiunt. nam resident in animo quedam reliquie simultatis: quamobrem magnis agitantur conscientie fluctibus, uerentes, ne, parum simpliciter, & candide positis inimicitijs, Dei iussu non obediant. Hic igitur Pastores contraria studia carnis, & spiritus explicabunt; quod illius sensus sit ad uindicationem procliuius, huius ratio propensa ad ignoscendum, hinc inter ipsos perpetuam turbam, ac rixam existere: quare saluti minime dissidendum esse demonstrabunt, reclamitantibus, & aduersantibus rationi, corrupte naturæ appetitionibus, modo spiritus perstet in officio & uoluntate remittendi iniurias, proximumque diligendi. Quod autem aliqui fortasse fuerint, qui, cum nondum animum inducere possint, ut obliti iniurias, ament inimicos, propterea deterriti ea, quæ diximus, condicione huius petitionis, Dominica precatione non utantur; duas has rationes afferent Parochi, quibus exitiosum hunc errorem illis eripiant. Nam quiuis unus e fidelium numero preces has facit totius Ecclesiæ nomine; in qua pios esse aliquot necesse est, qui debitoribus ea, quæ hic commemorantur, debita remisissent. Accedit eo, quod id a Deo petentes, una etiam petimus, quidquid ad illud impetrandum in eâ petitionem a nobis necessario conferendum est. petimus enim & ueniam

peccatorum, & donum ueræ penitentiæ: petimus facultatem intimi doloris: postulamus, ut a peccatis abhorrere, & illa sacerdoti uere ac pie confiteri possimus. Itaq. cum necesse etiam nobis sit parceri ijs, qui damnum, aut malum aliquod dederint, cum, ut nobis Deus ignoscat, precamur, simul oramus, ut facultatem largiatur reconciliandi nos illis, quos odimus. Quare deterrendi sunt ab ea opinione, qui inani, & prauo illo timore commouentur, ne sibi Deum reddant offensiorē hac precatione; contraque etiam cohortandi ad frequentem precationis usum, quo a parente Deo postulent, ut sibi det eam mentem, ut ijs, qui læserint, ignoscant, & inimicos diligant. Sed, ut precatio omnino fructuosa sit; primum hæc in ea est cura, meditatioque adhibenda, nos Deo supplices esse, & ab eo ueniā petere, quæ non datur, nisi pœnitenti: itaque nos ea charitate, & pietate præditos esse oportere, quæ pœnitentibus conueniat, conuenire autē maxime ijs, subiecta quasi oculis propria flagitia, atque facinora lacrymis expiare. Cum hac cogitatione cōiungenda est cautio in posterum earum rerum, in quibus fuit aliqua occasio peccandi, quæque nobis ansam dare possint ad offendendū parentem Deū.

*Psal. 50*

In his curis uersabatur Dauid, cum diceret: Et peccatum meum contra me est semper; Et alio loco:

*Psal. 6*

Lauabo per singulas noctes lectum meum, lacrymis meis stratum meum rigabo. Proponat sibi præterea unusquisque ardentissimum orandi studium eorum, qui a Deo precibus impetrauerunt ueniam delictorum, ut publicani illius, qui longe cōsistēs præ pudore, ac dolore, & oculis humi dehiscentibus;

tantum



tantum pulsabat pectus, eam habens orationem,  
 Deus propitius esto mihi peccatori: Tum illius pec- *Luc. 18*  
 catricis mulieris, quæ Christo domino, retro stans, *Luc. 7*  
 rigatos a se eius pedes, capillis etiam abstersos oscu-  
 labatur: Petri denique Principis apostolorum, qui *Math. 27*  
 egressus foras, fleuit amare. Deinde cogitandum  
 est, quo infirmiores sunt homines, & ad morbos  
 animi, quæ sunt peccata, propensiores, eo pluri-  
 bus, & frequentioribus medicamentis indigere.  
 sunt autem ægrota animæ remedia, pænitentia, &  
 Eucharistia. Hæc igitur sæpissime adhibeat fidelis  
 populus; deinde eleemosyna, quemadmodum tra-  
 dunt diuinæ litteræ, medicina est accommodata sa-  
 nandis animæ uulneribus. quare, qui pie hac prece  
 uti cupiunt, pro uiribus benigne faciant egētibus:  
 quantam enim uim habeat ad delendas scelerū ma-  
 culas, testis est in Tobia angelus Domini sanctus *Tob. 12*  
 Raphael, cuius est illa uox: Eleemosyna a morte  
 liberat, & ipsa est, quæ purgat peccata, & facit  
 inuenire misericordiam, & uitam æternam. Testis  
 est Daniel, qui Nabuchodonosor regē sic admone- *Dan. 4*  
 bat; Peccata tua eleemosynis redime, & iniquita-  
 tes tuas misericordijs pauperum. Optima autem  
 largitio, & impertiendæ misericordiæ ratio, est  
 obliuio iniuriarum, & bona uoluntas erga eos,  
 qui rem, uel existimationem, uel corpus tuum,  
 tuorumue uiolarint. Quicumque igitur cupit in  
 se esse maxime misericordem Deum, is ipsi Deo su-  
 as donet inimicitias, remittatque omnem offensio-  
 nem, & pro hostibus libentissime deprecetur, om-  
 nem captans occasionē de illis ipsis bene promerē-  
 di. Sed quoniam hoc argumentum explicatum est,

cum homicidij locum tractauimus, eo reiicimus Pa-  
rochos, qui tamen hęc petitionem hoc fine conclu-  
dant, nihil iniustius esse, aut fingi posse, quam eum,  
qui cum hominibus durus sit, ut nemini se det ad le-  
nitatem, idem postulet, ut in se sit mitis, & be-  
nignus Deus.

E T N E N O S I N D V C A S I N T E N T A  
T I O N E M.

Non dubium est, quin filij Dei, post impetratam  
delictorum ueniam, cum, incensi studio adhiben-  
di Deo cultum, & uenerationem, cęlestę regnum ex  
optant, & omnia diuino numini tribuentes pietatis  
officia, toti pendent a paterna eius uolūtate, ac pro-  
uidentia; tū eo magis humani generis hostis omnes  
aduersus illos artes excogitet, oēs machinas parer,  
quibus oppugnentur sic, ut uerendum sit, ne, labefa-  
ctata, & mutata sententia, rursus in uitia delaban-  
tur, longeque deteriores euadāt, quam antea fuerint.  
De quibus illud Principis apostolorū iure dici pos-  
sit: Melius erat illis, non cognoscere uiam iustitię,  
quam, post agnitiōē, retrorsū conuerti ab eo, quod  
illis traditū est, sancto mādato. Quare nobis a Chri-  
sto domino datum est huius petitionis pręceptum,  
ut quotidie nos Deo commendemus, eiusque patriā  
curam, & pręsidium imploremus, minime dubi-  
tantes fore, ut, si deseramur diuino patrociniō, uā-  
ferri hostis laqueis irretiti teneamur. Neque ue-  
ro solum in hac orādi regula iussit a Deo petere, ne  
patiatur nos induci in tentationem, sed in illa etiā  
oratione, quam ad sacros Apostolos habuit sub ip-  
sum mortis tempus, cum quidem ipsos mūdōs esse  
dixisset,

2. Pet. 2

Ioan. 13

Matth. 26

dixisset, eos huius officij his uerbis admonuit; Ora-  
te, ut non intretis in tentationem. Quæ iterum a  
Christo domino adhibita admonitio magnū dilige-  
ntiæ onus imponit Parochis excitandi fidelem popu-  
lum ad frequentem huius usum precationis, ut, cum  
tāta hominibus ab hoste Diabolo in singulas horas  
pericula huius generis intenduntur, a Deo, qui so-  
lus illa propulsare potest, petant illud assidue, Ne-  
nos inducas in tentationem. Intelliget autem fide-  
lis populus, quantopere egeat diuini huius adiumē-  
ti, si suæ imbecillitatis, inscitieque meminerit; si  
recordabitur illam Christi domini sententiam; Spi-  
ritus quidem promptus est, caro autem infirma: Matth. 26  
si ei uenerit in mentem, quam graues sint, & exi-  
tiales hominum casus, impellente dæmone, nisi su-  
stineantur dexteræ cælestis auxilio. Quod illustrius  
esse possit humanæ infirmitatis exemplum, quam  
sacer ille chorus apostolorū, qui magno antea ani-  
mo cum essent, primo quoque obiecto terrore, reli-  
cto Saluatore, diffugerunt? etsi illustrius etiam est Matth. 26  
illud Principis apostolorū, qui in tanta professione  
singularis & fortitudinis, & amoris in Christum  
dominum, cum paulo ante, sibi bene fidens, ita di-  
xisset, Si oportuerit me mori tecum, non te nega- Matth. 26  
bo: statim unius uoce mulierculæ perterritus, se  
dominū non nosse, iureiurando affirmauit. nimi-  
rum illi in summa spiritus alacritate non responde-  
bant uires. Quod si uiri sanctissimi humanæ na-  
turæ fragilitate, cui confidebant, grauitè peccau-  
runt: quid non timendum est ceteris, qui ab eorum  
sanctitate absunt longissime? Quare proponat fi-  
deli populo Parochus prælia, ac pericula, in qui-

bus assidue uersamur, dum anima est in hoc mortali corpore, quos undique caro, mundus, & Satanas oppugnant. Quid ira, quid cupiditas in nobis possit, quotusquisque est, qui magno suo malo nō experiri cogatur? Quis non his lacescitur stimulis? quis hos non sentit aculeos? quis subiectis non uritur ardentibus facibus? & quidem tam uarij sunt ictus, tam diuersæ petitiones, ut difficillimum sit grauem aliquam plagam non accipere. Ac, præter hos inimicos, qui habitant, & uiuunt nobiscum, sunt præterea illi hostes acerrimi, de quibus scriptū est; Non est nobis colluctatio aduersus carnem, & sanguinem, sed aduersus principes, & potestates, aduersus mundi rectores tenebrarum harum, contra spiritualia nequitiae in cælestibus. Accedunt enim ad intimas pugnas externi impetus & impressiones dæmonum: qui & aperte nos petunt, & per cuniculos influunt in animas nostras, uix ut ab illis cauere possimus. Illos & principes appellat Apostolus propter naturæ excellentiam: (nam natura hominibus, & ceteris, quæ sub sensum cadunt, creatis rebus antecellunt) & potestates uocat, quod non solum naturæ ui, sed potestate etiam superant: & rectores nominat mundi tenebrarum: non enim clarum, & illustrem mundum regunt, idest bonos, & pios, sed obscurum, & caliginosum, nempe eos, qui flagitiosæ, & facinorosæ uitæ sordibus, ac tenebris obcæcati, duce tenebrarum Diabolo delectantur. Nuncupat etiam dæmones spiritualia nequitie: est enim & carnis, & spiritus nequitia. Carnalis quæ dicitur nequitia, incendit appetitum ad libidines, & uoluptates, quæ perci-

Eph. 6

Eph. 6



percipiuntur sensibus . Spiritualia nequitiae sunt mala studia , & prauae cupiditates , quae ad superiorem pertinent animae partem , quae tanto peiores sunt , quam reliquae , quanto mens ipsa , & ratio altior est , atque praestantior. Quae Satanae nequitia quia maxime spectat illuc, ut caelesti nos hereditate priuet ; propterea dixit Apostolus , In caelestibus . ex quo licet intelligere ; magnas esse hostium vires , inuictum animum , immane in nos , & infinitum odium : bellum etiam perpetuum eos gerere nobiscum , ut nulla pax esse cum illis , nullae indutiae fieri possint . Quantum uero audeant , declarat Satanae apud Prophetam uox , In celum conscendam ; aggressus est primos homines in paradiso : adortus est propheta : appetiuit apostolos, ut, quemadmodum loquitur apud Euangelistam Dominus , Cribraret eos sicut triticum : ne ipsum quidem Christi domini os erubuit. Itaque eius inextinguibilem cupiditatem , & immensam diligentiam sanctus Petrus expresit , cum dixit : Aduersarius uester Diabolus , tamquam leo rugiens , circuit , quarens , quem deuoret . Quamquam non unus modo tentat homines Satan , sed gregatim interdum daemones in singulos impetum faciunt: quod ille confessus est daemon , qui rogatus a Christo domino , quod sibi nomen esset, respondit; legio mihi nomen est ; nempe demonum multitudo , quae miserum illum diuexarat . & de alio scriptum est ; Assumit septem alios spiritus secum, nequiores se, & intrans habitant ibi . Multi sunt , qui , quod impulsus , atque imperus demonum in se minime sentiunt, totam rem falsam esse arbitrantur ; quos ipsos a demonibus

Eph. 6

Isa. 14

Luc. 23

1. Pet. 5

Mar. 9

Luc. 8

Matth. 12

monibus non oppugnari mirum non est, quibus se sponte dediderunt. non est in illis pietas, non charitas, non uirtus illa Christiano homine digna: quare fit, ut toti sint in potestate Diaboli: nec ullis temptationibus opus est ad eos euertendos, in quorum iam animis, ipsis libentibus, commoratur. At uero qui se Deo dicauerunt, in terris caelestem uitam agentes, ij maxime omnium Satanæ incurſibus petuntur, hos acerbissime odit, his in singula temporis momenta struit insidias. plena est historia diuinarum litterarum sanctorum hominum; quos presenti etiam animo stantes, uel ui, uel fraude peruerſit. Adam, Dauid, Salomon, alijque, quos enumerare difficile fit, experti sunt dæmonum uiolentos impetus, & callidam astutiam, cui resisti non possit consilio, aut hominum uiribus. Quis igitur se suo presidio satis tutum existimet? Itaque pie, casteque petendum a Deo est, ne nos tentari sinat supra id, quod possumus: sed faciat etiam cum temptatione prouentum, ut possimus sustinere. Verum hic fideles cõfirmandi sunt, si qui animi imbecillitate, aut rei ignorance dæmonum uim perhorrescunt, ut ipsi temptationum fluctibus agitati, in hunc precationis portum confugiant. non enim Satan in tanta & potentia, & pertinacia, in capitali odio

**1. Cor. 10** nostri generis, nec quantum, nec quam diu uult, tẽrare nos, aut uexare potest; sed omnis eius potestas Dei nutu, & permissu gubernatur. notissimum est exemplum Iob: de quo nisi Diabolo dixisset Deus; Ecce uniuersa, quæ habet, in manu tua sunt; nihil eius Satan as attigisset: contra uero nisi addidisset Dominus; Tantum in eum ne extendas manum

num tuam ; uno Diaboli ictu cum filiis ipse, facul  
 ratibusque concidisset. Ita autem alligata est demo *Matth. 8*  
 num uis, ut ne in porcos quidem illos, de quibus *Marc. 5*  
 scribunt euangelistæ, non permittente Deo inuade *Luce. 8*  
 re potuisset. Sed ad intelligendam huius petitionis  
 uim dicendum est, quid hic tentatio significet, quid  
 item, induci in tentationem. Est autem tentare,  
 periculum facere de eo, qui tēteretur, ut ab ipso, quod  
 cupimus, elicientes, uerum exprimamus. quā ten  
 tandi modus in Deum minime cadit. quid enim est  
 quod nesciat Deus? Omnia enim, inquit, nuda, & *Ad Heb. 4*  
 aperta sunt oculis eius. Est alterum tērandi genus,  
 cum, longius progrediendo, aliud queri solet in bo  
 nam, uel in malam partem ; in bonam, cum ea re  
 tentatur alicuius uirtus, ut, illa perspecta, & co  
 gnita, is commodis, & honoribus augeatur, eiusq.  
 exemplum ceteris imitandū proponatur, ac deni  
 que omnes ob id ipsum ad Dei laudes excitentur.  
 quæ tentandi ratio sola conuenit in Deum. huius  
 exemplum tentationis est illud in Deuteron. Tētat *Deuter. 13*  
 uos dominus Deus uester, ut palam fiat, utrum  
 diligatis eum, an non. Quo modo etiam tentare  
 dicitur suos Deus, cum inopia, morbo, & alijs  
 calamitatum generibus premit: quod probandę eo  
 rum patientiæ causa facit, & ut alijs documentum  
 sint Christiani officiij. In hanc partem legimus *Gen. 22*  
 Abraham esse tentatum, ut filium immolaret. quo  
 facto, fuit is obedientiæ, & patientiæ exemplum  
 singulare ad memoriam hominum sempiternā. In  
 eandem sententiam dictum est de Tobia ; Quia *Tob. 12*  
 acceptus eras Deo, necesse fuit, ut tentatio pro  
 baret te. In malam partem tentantur homines,  
 cum

*Matth. 4*

cum ad peccatum, aut exitium impelluntur: quod proprium Diaboli officium est. is enim eo animo tentat homines, ut decipiat, agatque præcipites. quãmobrem Tentator in diuinis litteris appellatur. In ijs uero tentationibus modo intimos nobis admouens stimulos, animæ affectiones, & commotiones adhibet administras: modo nos exagitans extrinsecus, externis rebus utitur, uel prosperis ad efferendos, uel ad frangendos aduersis: nõnumquam habet emissarios, & excursores perditos homines, in primisque hereticos, qui sedentes in cathedra pestilentie, malarum doctrinarum mortifera semina dispergunt, ut illos, qui nullum delectum aut discrimen habent uirtutis, & uitiorum, homines per se procliues ad malum, nutantes, ac præcipitantes impellat. Dicimur autem induci in tentationem, cum tentationibus succumbimus. Inducimur uero in tentationem dupliciter, primum; cum de statu dimoti, in id ruimus malum, in quod tentando nos aliquis impulerit. At nemo quidem a Deo hoc modo in tentationem inducitur: quia ne mini est peccati auctor Deus, immo uero odit omnes, qui operantur iniquitatem. Sic uero etiam est apud sanctum Iacobum: Nemo, cum tentatur, dicat quoniam a Deo tentatur: Deus enim intentator malorum est. Deinde dicitur nos in tentationem inducere is, qui etsi non tentat ipse, neque operam dat, quo tentemur, tentare tamen dicitur, quia, cum possit prohibere, ne id accadat, aut ne tentationibus superemur, non impedit. Hoc modo Deus bonos, & pios tentari quidem finit, uerum tamen sua gratia sustentatos non

*Psal. 5*  
*Iacobi 1*



non deserit. Nec uero non interdum iusto, & occulto Dei iudicio, nostris id sceleribus postulâtibz, nobis ipsi relictî, concidimus. Præterea nos in tentationem Deus inducere dicitur, cum eius beneficijs, quæ nobis ad salutem dedit, abutimur ad perniciem, & patris substantiam, ut prodigus ille filius, dissipamus, uiuendo luxuriose, nostris cupiditatibus obsequentes. Quamobrem id dicere possumus, quod de lege dixit Apostolus; Inuentum est mihi mandatum, quod erat ad uitam, hoc esse ad mortem. Opportunum rei exemplû est Hierosolyma, teste Ezechiele; quam Deus omni ornamentorum genere locupletarat, ut eius ore Prophætæ diceret Deus; Perfecta eras in decore meo, quem posueram super te. & tamen illa ciuitas diuinis cumulata bonis, tantû abest, ut optime de se merito, ac merenti Deo gratiam habens, cælestibus beneficijs ad beatitudinem consequendâ, cuius gratia ea acceperat, uteretur, ut, ingratisima in parentem Deum abiecta spe, cogitatione cælestium fructuû, tantum præsentî abundantia luxuriose, ac perditè frueretur. quod Ezechiel eodê capite pluribus uerbis persecutus est. Quare sunt eodem loco ingrati in Deum homines, qui præbitam sibi ab eo diuinitus uberem materiam recte factorum, ad uitia, illo permittente, conuertunt. Sed oportet hûc diuinę scripturę morê diligenter attēdere, quę Dei permissionē ijs interdum uerbis significat, quę proprie si accipiantur, tamquam actionem in Deo significāt: nam in Exodo sic est: Indurabo cor Pharaonis. & apud Isaiã: Exceca cor populi huius. & ad Romanos scribit Apostolus: Tradidit illos Deus in passionē

Luc. 15

Rom. 7

Ezech. 16

Exod. 47

Isa. 6.

Rom. 1

siones ignominiae, & in reprobum sensum. Quibus in locis, alijsque similibus, non id omnino esse actum a Deo, sed permissum, intelligendum est. His positis, non erit difficile scire, quid in hac precationis parte postulemus. Nec uero petimus, ne omnino tentemur. Est enim hominum uita, tentatio super terram. Est autem ea res utilis, & fructuosa hominum generi. nam in tentationibus nos ipsos, id est uires nostras, cognoscimus: quamobrem etiam humiliamur sub potenti manu Dei, uiriliterque decertantes, expectamus immarcescibilem coronam gloriae. Nam & qui certat in agone, non coronatur, nisi legitime certauerit; &, ut inquit sanctus Iacobus, Beatus uir, qui suffert tentationem; quoniam, cum probatus fuerit, accipiet coronam uitae, quam repromisit Deus diligentibus se. Quod si urgemur nonnumquam hostium tentationibus; magnae nobis erit leuationi illa cogitatio, habere nos adiutorem pontificem, qui possit compati infirmitatibus nostris: tentatum ipsum per omnia. Quid hic igitur petimus? ne diuino praesidio deserti, tentationibus uel decepti assentiamur, uel cedamus afflicti, ut praesto sit nobis Dei gratia, quae, cum defecerint nos propriae uires, in malis recreet, ac reficiat. Quare & generatim Dei opem implorare debemus in omnibus tentationibus; & nominatim, cum singulis affligimur, ad precationem confugere oportet. quod a Dauide factum legimus pene in unoquoque tentationum genere: nam in mendacio sic precabatur: Ne auferas de ore meo uerbum ueritatis usquequaque. In auaritia ad hunc modum: Inclina cor meum in testimonia tua, & non

2. Tim. 2

Iacob. 1

Hebr. 4

Psalm. 118

Psalm. 118

non in auaritiam. In rebus uero inanibus huius uitæ, & illecebris cupiditatum, hac prece utebatur: Auerte oculos meos, ne uideant uanitatem. *Er- Psalm. 118*  
 go postulamus, ne morem geramus cupiditatibus, ne ue defatigemur in tentationibus sustinendis, ne declinemus de uia Domini, ut tam in rebus incommodis, quam in prosperis, æquitatem animi, constantiamque seruemus, & nullam nostri partem Deus sua tutela uacuam relinquat. *Rom. 16* Petimus denique, ut Satanam conterat sub pedibus nostris. Reliquum est, ut fidelem populum ad ea Parochus cohortetur, quæ in hac precatatione maxime cogitare, & meditari oporteat. in qua erit illa optima ratio, si, quanta sit hominum infirmitas, intelligentes, uiribus nostris diffidemus, &, omni spe nostræ incolumitatis in Dei benignitate collocata, eo freti patrocinio, uel in maximis periculis magnum animum habuerimus, præsertim cogitantes, quam multos hac spe, atque hoc animo præditos ex hiantibus Satanæ faucibus liberarit Deus. *Gen. 39. 41*  
 An non Ioseph undique circumdatum ardentibus insanæ mulieris facibus, e summo ereptum periculo, ad gloriam extulit? non Susannam, a Satanæ ministris obsessam, tum, cū nihil propius esset, quam ut nefarijs sententijs interficeretur, seruauit incolumem? neque mirum: Erat enim, inquit, *Dan. 13* cor eius fiduciam habens in Domino. Insignis est laus, & gloria Iob, qui de mundo, de carne, de Satana triumphauit. Plurima sunt huius generis exempla, quibus Parochus diligenter pium populum ad eam spem fiduciamque cohortari debebit. Cogitent etiam fideles, quem in hostium tentationibus

Luc. 11

Ioan. 16

Apoc. 5. 6

Hebr. 11

1. Ioan. 2

Math. 26

Iacobi 4

nibus ducem habeant, nempe Christum dominū, qui uictoriam ex illo certamine retulit. Vicit ipse Diabolum. est is ille fortior, qui superueniens fortem superauit armatum; quem & armis nudauit, & spolijs. De eius uictoria, quam de mundo reportauit, est apud sanctum Ioannem: Confidite, ego uici mundum. & in Apocalypsi dicitur ipse leo uincens, & exisse uincens, ut uinceret: qua in uictoria suis etiam cultoribus facultatem uincendi dedit. Est Apostoli ad Hebræos epistola plena uictorijs sanctorum hominum, qui per fidem deuicerunt regna, obturauerunt ora leonum: & quæ sequuntur. Ex his uero, quæ sic acta legimus, eas uictorias cogitatione completamur, quas quotidie reportant ex intimis, & externis demonum prelijs homines fide, spe, & charitate prestantes: quæ tam multæ sunt, tamque insignes, ut, si sub aspectum caderent oculorum, nihil frequentius accidere iudicaremus, nihil gloriosius: de quorum hostium clade his uerbis scripsit sanctus Ioannes: Scribo uobis, iuvenes, quoniam fortes estis, & uerbum Dei manet in uobis, & uicistis malignum. Vincitur autem Satanas non otio, somno, uino, comestatione, libidine, sed oratione, labore, uigilia, abstinencia, continentia, castitate. Vigilate, & orate, inquit, ut iam diximus; ut non intretis in tentationem. Qui ijs armis ad illam pugnam utuntur, in fugam conuertunt aduersarios: qui enim resistunt Diabolo, is fugiet ab eis. In his tamen sanctorum hominum uictorijs, quas diximus, nemo sibi placeat, nemo se efferat intolerantius, ut se suis uiribus hostiles demonum tentationes, impetuque



rusque sustinere posse cōfidat. nō est hoc naturę no-  
 strę, non humanę imbecillitatis. hæ uires, quibus  
 prosternimus Satanę satellites, dantur a Deo: qui  
 ponit, ut arcum æreum, brachia nostra; cuius be- 1. Reg. 3  
 neficio arcus fortium superatus est, & infirmi accin-  
 cti sunt robore; qui dat nobis protectionē salutis;  
 cuius nos dextera suscipit; qui docet manus nostras, Psalm. 17  
 ad pręlium, & digitos nostros ad bellum: ut uni Deo  
 pro uictoria sint agendę, & habendę gratię, quo  
 uno & auctore, & adiutore uincere possumus:  
 quod fecit Apostolus. ait enim: Deo autem gra- 1. Cor. 15  
 tias, qui dedit nobis uictoriam per dominum nostrum  
 Iesum Christum. Eundem auctorem uictorię prædi-  
 cat cęlestis illa uox in Apocalypsi: Facta est salus, Apoc. 13  
 & uirtus, & regnum Dei nostri, & potestas Chri-  
 sti eius, quia proiectus est accusator fratrum nostro-  
 rum, & ipsi uicerunt eum propter sanguinem  
 agni. Testatur idem liber, Christi domini, partem ex  
 mundo, carneque, uictoriam eo loco: Hi cum agno Apoc. 17  
 pugnabunt, & agnus uincet illos. Hęc de causa, &  
 de modo uincendi. Quibus expositis, proponent si-  
 deli populo Parochi a Deo paratas coronas, & cō-  
 stitutam uictoribus sempiternam præmiorum am-  
 plitudinem. quorum ex eadem Apocalypsi diuina Apoc. 2. 3  
 proferent testimonia, Qui uicerit, non lædetur a  
 morte secunda. & alio loco; Qui uicerit, sic uestie-  
 tur uestimentis albis, & nō delebo nomen eius de  
 libro uitę. &, Confitebor nomen eius coram pa-  
 tre meo, & coram angelis eius. & paulo post De-  
 us ipse ac Dominus noster ita loquitur ad Ioannem:  
 Qui uicerit, faciam illum columnam in templo  
 Dei mei, & foras non egredietur amplius. Tum in-

Aper. 3

quit: Qui uicerit, dabo ei sedere mecum in throno meo, sicut & ego uici, & sedi cum patre meo in throno eius. Deniq. cum sanctorum gloriā, & perpetuam illam bonorū uim, quibus in cēlo fruētur,

Aper. 21

exposuisset, adiunxit; Qui uicerit, possidebit hæc.

### SED LIBERA NOS A MALO.

Ioan. 17

Postrema hæc petitio est instar omniū, qua Dei filius diuinam hanc orationem conclusit: cuius etiā uim, & pondus ostendens, ea usus est orandi clausula, cum e uita migraturus, Deum patrem pro hominum salute deprecaretur: Rogo, enim inquit, ut serues eos a malo. Ergo hac precationis formula, quam & præcepto tradidit, & exemplo confirmauit, quasi quadā epitome summam complexus est uim, & rationem ceterarum petitionum. Cum enim id, quod ea prece continetur, impetrauerimus; nihil, auctore sancto Cypriano, reliquum est, quod præterea adhuc debeat postulari: cū semel protectionem Dei aduersus malū petamus: qua impetrata, contra omnia, quæ Diabolus & mundus operantur, securi stamus, & tuti. Quare, cum tanti sit hæc petitio, quanti diximus, debebit Parochus in ea fidelibus explicanda summam adhibere diligentiam. Differt autem hæc, & proxima petitio, quod illa uitiationem culpæ, hac puenę liberationem postulamus. Quare non iam monendus est fidelis populus, quantopere & laboret ex incommodis & calamitatibus, & cælestis egeat adiumenti. nam quot & quantis miserijs proposita sit hominum uita, præterquam quod & sacri, & profani scriptores hoc argumentum  
sunt

sunt copiosissime persecuti, nemo fere est, quin intelligat & suo & alieno periculo. persuasum enim id est omnibus, quod exemplum patientiæ Iob memoriam prodidit, Homo natus de muliere, breui *Iob 14* uiuens tempore, repletur multis miserijs; qui quasi flos egreditur, & conteritur, & fugit uelut umbra, & numquam in eodem statu permanet. Nec uero ullum præterire diem, qui propria aliqua molestia, aut incommodo notari non possit, testis est illa Christi domini uox, Sufficit diei malitia sua. *Matth. 6* Etsi condicionem humanæ uitæ declarat ipsius Domini monitum illud, quo crucem quotidie sumi, seque docuit sequi oportere. *Luc. 9* Vtrigitur quisque sentit, quam laboriosa sit & periculosa hæc uiuendi ratio: ita facile persuadetur fideli populo, malorum liberationem a Deo implorandam esse, præsertim cum nulla re magis ad orandum adducantur homines, quam cupiditate, & spe liberationis eorum incommodorum, quibus premuntur, aut quæ impendeant. Est enim hæc insita ratio in animis hominum, ut in malis statim ad Dei auxilium confugiant. Qua de re est illud scriptum; Imple facies eorum ignominia, & quærent nomen tuum Domine. *Psal. 31* Sed si illud fere sua sponte faciunt homines, ut in periculis & calamitatibus inuocent Deum; certe, quo modo id recte facere possint, ab ijs, quorum fidei ac prudentiæ commissa est eorum salus, maxime docendi sunt. Non enim desunt qui contra Christi domini iussum præpostero utantur ordine precationis. nã qui iussit nos ad se confugere in die tribulationis, idem *Psal. 49* orationis ordinem nobis præscripsit: uoluit enim,

ut prius quam precaremur ut nos liberaret a malo, peteremus uti nomen Dei sanctificaretur, & adueniret regnum eius; & reliqua postularemus, quibus, quasi gradibus quibusdam, in hunc locum peruenitur. sed quidam, si caput, si latus, si pes condoluit, si rei familiaris iacturam faciunt, si minæ, si pericula ab inimicis intenduntur, in fame, in bello, in pestilentia, omisis medijs Dominicæ precationis gradibus, tantum petunt ut ex illis eripiantur malis, at huic consuetudini repugnat Christi domini iussu: Querite primum regnum Dei. Itaque qui recte preces faciunt, cum deprecantur calamitates, incōmoda, malorū depulsionem, id referunt ad Dei gloriam. sic Dauid illi precationi; Domine ne in furore tuo arguas me; subiicit rationem, qua se Dei gloriæ cupidissimum ostendit. ait enim; Quia non est in morte, qui memor sit tui: in Inferno autem quis confitebitur tibi? Et idem, cum oraret Deum, sibi ut misericordiā impertiret, subiungit illud: Docebo iniquos vias tuas, & impij ad te conuertentur. Ad hanc orandi salutarem rationem, & ad exemplum Prophetæ incitandi sunt fideles auditores, & simul docendi, quantum intersit inter infideliū, & Christianorum hominum preces. Petunt uehementer illi etiā a Deo, ut possint ex morbis, uulneribusq. conualescere, sibi ut ex urgentibus, uel imminetibus malis euadere liceat; sed tamen illius præcipuam spem liberationis ponunt in remedijs, natura, uel hominum industria comparatis: quin etiam sibi datum a quouis medicamentum, etiam si cationibus, si ueneficijs, si dæmonum opera confectū sit,

*Matth. 6*

*Psalms 6*

*Psalms 50*

fit,



fit, sine ulla religione adhibent, modo aliqua uale-  
tudinis spes ostendatur. Longe alia est ratio Christia-  
norum: qui in morbis, & in omnibus aduersis re-  
bus habent summum perfugium, & præsidium sa-  
lutis. Deum; unum illum omnis auctorem boni, &  
liberatorem suum agnoscunt, ac uenerantur; reme-  
dijs uero quæ inest ad sanandum uis, insitam a Deo  
esse pro certo habent; tantumque illa ægrotis pro-  
desse existimant, quantum ipse uoluerit Deus. est  
enim a Deo data hominum generi medicina, qua  
morbos sanaret. Hinc est illa Ecclesiastici uox; Al-  
tissimus creauit de terra medicinam, & uir pru- Eccle. 38  
dens non abhorrebit illam. Itaque qui Iesu Christo  
nomen dederunt, non in illis remedijs summam spem  
reponunt recuperandæ ualeitudinis, sed ipsi medi-  
cinæ auctori Deo maxime confidunt. Quare etiam 1. Par. 16  
in diuinis litteris reprehenduntur ij, qui, medicine  
fiducia, nullum Dei auxilium requirunt: immo ue-  
ro qui uitam agunt ex diuinis legibus, abstinere  
omnibus remedijs, quæcumque ad curationem a  
Deo non adhibita esse constet. quod si etiam eorum  
usu medicamentorum illis sit explorata spes sanita-  
tis, tamen ab ijs, ut cantionibus & demonum ar-  
tificijs, abhorrent. Ad id autem fideles cohortari  
oportet, ut Deo confidant: ea enim re iussit nos be-  
nificientissimus parens liberationem malorum po-  
stulare, ut in eo ipso, quod iussit, spem etiam impe-  
trationis haberemus. multa sunt in sacris litteris  
huius rei exempla: ut qui minus rationibus addu-  
cuntur ad bene sperandum, exemplorum multitu-  
dine confidere cogantur. Abraham, Iacob, Lot,  
Ioseph, David sunt in oculis, locupletissimi testes

diuinæ benignitatis. sacræ noui testamenti litteræ  
 tam multos enumerant, qui ex maximis discrimi-  
 nibus erepti sunt, piæ pondere precationis, ut res  
 exemplorum commemoratione nō egeat. una igitur  
 illa prophetæ sententia contenti erimus, quæ  
*Psal. 33* uel infirmisimū quemque confirmare potest. Clamauerunt enim, inquit, iusti, & Dominus exaudiuit eos: & ex omnibus tribulationibus eorum liberauit eos. Sequitur huius uis & ratio petitionis, ut fideles intelligant, nō omnino petere nos hoc loco, ut a malis omnibus liberemur. sunt enim quædam, quæ communiter mala putantur; quæ tamen  
*2. Cor. 12* sunt illis fructuosa, qui patiuntur, ut ille stimulus, qui Apostolo erat adhibitus, ut Dei gratia adiuuante uirtus in infirmitate perficeretur. hæc, si cognita sit eorum uis, summa uoluptate pios afficiunt: tantum abest, ut a Deo petant, ut auferantur. Quare tantum ea mala deprecamur, quæ nullam animæ utilitatem asferre possunt, reliqua minime, modo aliquis inde salutaris fructus existat. Omnino igitur huic uoci ea subiecta uis est, ut a peccato liberati, a tentationis etiam periculo, ab intimis, externisque malis eripiamur; ut tuti simus ab aqua, ab igne, a fulgure; ne grandis noceat frugibus; ne annonæ caritate, seditionibus, bello laboremus: petimus a Deo, ut morbos, pestem, uastitatem arceat, uincula, carcerem, exilium, proditones, insidias, ceteraque omnia prohibeat incommoda: quibus maxime terreri, ac premi solet hominum uita; omnes denique flagitiorū & facinorum causas auertat. neque hæc solum, quæ omnium consensione mala sunt, deprecamur: sed illa  
 etiam

etiam, quæ pene omnes bona confitentur, diuitias, honores, ualeitudinem, robur, hanc ipsam uitam; petimus, inquam, ne ad malum & ad animæ nostræ exitium hæc conuertantur. Oramus etiam Deum, ne morte opprimamur repentina; ne in nos iram Dei concitemus; ne, quæ impios manent, supplicia subeamus; ne igne purgatorij torqueamur; a quo ut alij liberentur, pie & sancte precamur. hanc petitionem & in Missa, & in Litanij sic interpretatur Ecclesia, nos uidelicet ea præterita, præsentia, futura mala deprecari. Non uno autem modo Dei nos benignitas eripit a malis: nam impendentes prohibet calamitates: quo modo legimus magnum illū Iacob esse liberatum ab inimicis, quos in illum concitabat Sichiamitarum cedes: extat enim illud, Terror Dei inuasit omnes *Gen. 35* per circuitum ciuitates, & non sunt ausi persequi recedentes. Et quidem beati omnes, qui cum Christo domino in cælis regnant, omnibus malis Dei ope liberati sunt. nos autem, qui in hac peregrinatione uersamur, ab omnibus incommodis solutos esse minime uult, sed eripit a quibusdam. etsi sunt instar liberationis malorū omnium ea solatia, quæ dat interdum Deus ijs, qui rebus premuntur aduersis. His se consolabatur Propheta, cum illa dicebat: Secundum multitudinem dolorum meorum *Psalms. 93* in corde meo cōsolationes tuæ lætificauerūt animā meam. Præterea a malis homines liberat Deus, cū illos in summū discriminē adductos integros seruat, & incolumes; quod & pueris illis in ardentem fornacem coniectis, & Danieli contigisse legimus, *Dan. 3* quem leones nihil læserunt, quemadmodum neque *Dan. 6*

Dm. 3

Amos 3

Isa. 45

pueros flamma uiolauit. Malus uero etiam ex sententia sanctorum Basilij magni, Chrysostomi, & Augustini præcipue dicitur dæmon, quod hominum culpæ, idest sceleris, & peccati auctor fuit: quo etiã ministro utitur Deus in repetendis pœnis a sceleratis & facinorosis: dat enim Deus omne malum hominibus, quod illi peccati causa patiuntur. in quam sententiam loquuntur diuinæ litteræ illis uerbis; Si erit malum in ciuitate, quod Dominus non fecerit? item, Ego dominus, & non est alter, formans lucem, & creans tenebras, faciens pacem, & creans malum. Malus quoque dicitur dæmon ob eam causam, quod, etsi nihil eum læserimus, tamen perpetuum bellum nobis infert, & capitali nos infectatur odio. quod si nobis & fide armatis, & innocentia tectis nocere non potest, tamen nullum finē facit tentandi nos externis malis, & quacumque potest ratione diuexandi. quamobrem Deum precamur, ut nos a malo liberare uelit. Dicimus autem a malo, non a malis, ob id, quod mala, quæ in nos a proximis proficiscuntur, illi assignamus, tamquam auctori, & impulsori. quo minus etiam proximis irasci debemus: quin odium & iracundiam in ipsum Satanam conuerrere oportet, a quo homines ad inferendam iniuriam impelluntur. Itaque si te aliqua re læserit proximus, cum preces facis parenti Deo, pete, ut non modo te liberet a malo, idest ab ijs, quas tibi proximus imponit, iniurijs; sed illum ipsum eripiat proximum ex Diaboli manu, cuius impulsu homines in fraudem inducuntur. Illud denique sciendū est, si in precibus & uotis non liberamur a malis, debere



debere nos, quæ premant, ferre patienter, intelligentes placere diuino numini, ut toleranter ea patiamur. Quare minime nos indignari, aut dolere par est, quod preces nostras non audiat Deus, sed omnia ad eius nutum ac uoluntatem referre oportet, existimantes id utile, id esse salutare, quod Deo placet, ut ita sit, non autem id, quod secus nobis uideatur. Postremo docendi sunt pij auditores, dum in hoc uitæ curriculo uersamur, eos ad omne incommodorum, & calamitatum genus non solum æquo, sed etiam gaudenti animo ferendum paratos esse debere. Omnes enim, inquit, qui pie 2. Tim 3  
uolunt uiuere in Christo Iesu, persecutionem patiē Act. 14  
tur. Item: Per multas tribulationes oportet nos  
intrare in regnum Dei. Rursum: Nonne hæc oportet Luc. 14  
pati Christum, & ita intrare in gloriam suam? Non enim æquum est, seruum maiorem esse domino suo: sicuti turpe est, e sententia S. Bernardi, membra esse delicata sub spinoso capite. Preclarum illud est exemplum Vriæ propositum ad imitandum, qui, adhortante Dauide, domi ut se contineret, inquit: Arca Dei, & Israel, & Iuda habitant in papilionibus, & ego ingrediar domum meam? His instructi rationibus, ac meditationibus, si ad orandū ueniemus, illud assequemur, ut, si minus undique cincti, malisque circumdati, quemadmodū tres illi pueri intacti ab igne, sic nos inuiolati seruemur; certe, ut Machabeï, casus aduersos constanter ac fortiter feramus. In contumelijs, & cruciatibus sacros imitabimur Apostolos, qui cæsi uerberibus, uehementer letabantur, quod digni habiti Act. 5  
essent qui pro Christo Iesu cōtumelias paterentur.

sic

Psalm. 118

fic nos ita cōparati canemus illa summa animi uoluptate: Principes persecuti sūt me gratis, & a uerbis tuis formidauit cor meum: letabor ego super eloquia tua, sicut qui inuenit spolia multa.

A M E N.

Hanc uocem, sicuti est, signaculū orationis Dominicę appellat sāctus Hieronymus in Cōmentarijs in Matthęum. Quare ut admonuimus antea fideles de preparatione, quę adhibenda sit prius quam aggrediantur ad diuinam precationem; sic nunc faciendū duximus, ut clausulę ac finis ipsius precationis causam, rationemque cognoscant. Non enim pluris est diuinas preces diligenter ordiri, quam religiose absoluerē. Sciat igitur fidelis populus multos esse, & eos uberes fructus, quos ex Dominicę orationis fine percipimus: sed omnium uberrimus ac letissimus fructus est, eorum impetratio, quę postulauimus: de quo supra satis dictum est. Non solum autem consequimur postrema hac parte precationis, ut nostrę preces audiantur, sed quędam etiam maiora ac præclariora, quam ut uerbis explicari possint. nam cum orando homines cū Deo colloquantur, ut sanctus Cyprianus ait, sit quodam inexplicabili modo orāti diuina maiestas propior, quam ceteris; quem præterea singularibus ornat muneribus: ut qui pie Deum orant, quodam modo cum ijs, qui ad ignem accedunt, comparari possint: qui si algēt, caleſcunt; si calent, eſtuant: sic illi aſſiſtentes ad Deum pro modo pietatis, ac fidei ardentiores euadunt: inflammatur enim eorum animus ad Dei gloriā, mens illustra-

lustratur admirabilē in modū , omnino cumulan-  
 tur diuinis muneribus. est enim illud proditum san-  
 ctis litteris. Preuenisti eum in benedictionibus dul- *Exod. 34*  
 cedinis. Exemplo est omnibus magnus ille Moses, *Psalm. 20*  
 qui a Dei congressu & colloquio digrediens diuino  
 quodam fulgore collucebat sic, ut Israëlité eius ocu- *2. Cor. 3*  
 los, & os intueri non possent. Omnino qui uehe-  
 menti illo studio preces faciunt, Dei benignitate ac  
 maiestate admirabiliter persfruuntur. Mane astabo, *Psalm. 5*  
 inquit Propheta, & uidebo, quoniam non Deus no-  
 lens iniquitatem tu es. Hęc quo magis noscunt ho-  
 mines, eo Deū uehementiori cultu ac pietate uene-  
 rantur; eo etiam sentiunt iucundius, quam suauis  
 sit dominus, & quā uere beati sint omnes, qui spe-  
 rant in eo: tum uero clarissima illa luce circumfusi,  
 quanta sit eorū humilitas, quanta sit Dei maiestas,  
 considerāt. est enim illa sancti Augustini regula, *S. August.*  
 uerim te, nouerim me. Itaque sit, ut suis uiribus  
 diffidentes, totos se committāt Dei benignitati, mi-  
 nime dubitantes, quin is ipsos paterna illa sua, &  
 admirabili charitate complexus, abundanter ijs  
 omnia suppeditet, quæ sint ad uitam, & salutem  
 necessaria; hinc se ad agendas Deo gratias conuer-  
 tant, quantas animo maximas capere possunt, quā-  
 tas orationes complecti: quod magnum Dauidē se  
 cisse legimus: qui cum ita precationem instituisset:  
 Saluum me fac ex omnibus persequentibus me; sic *Psalm 7*  
 eam absoluit, Confitebor Domino secundū iusti-  
 tiam eius, & psallā nomini Domini altissimi. Sunt  
 eiusmodi sanctorū preces innumerabiles, quarum  
 exordiū est timoris plenum, clausula spei bonę, læ-  
 titięque referta. sed mirabile est, quam eo in gene-

Psal. 3

re eniteant Dauidis ipsius preces. nam cum metu perturbatus sic orare esset exorsus, Multi insurgunt aduersum me, multi dicunt animæ meæ, non est salus ipsi in Deo eius: confirmatus aliquando, gaudioque perfusus, subiunxit paulo post: Non timebo millia populi circumdantis me. alio etiam psalmo, suam cum deplorasset miseriam, ad extremum Deo confisus, in-

Psal. 4

credibiliter lætatur spe sempiternæ beatitudinis; In pace, in idipsum, inquit, dormiam & requiescam.

Psal. 6

Quid illa? Domine ne in furore tuo arguas me, neque in ira tua corripas me; quanto cum tremore, & pallore Prophetam dixisse credendum est? contra, quæ deinceps sequuntur, quam fidenti ac lætanti animo? Discedite a me, inquit, omnes, qui operamini iniquitatem: quoniam exaudiuit Dominus uocem fletus mei.

Psal. 53

Cum uero Saulis iram, furoremque pertimesceret, quam humiliter ac demisse Dei opem implorabat: Deus in nomine tuo saluum me fac, & in uirtute tua iudica me. & tamen hilare ac fidenter in eodem psalmo subiecit: Ecce enim Deus adiuuat me, & Dominus susceptor est animæ meæ. Quare qui se confert ad sacras preces fide, speque munitus, parentem adeat Deum, ut se id cōsequi possit, quod ei opus sit, nullo modo diffidat. Sunt autem in extremo hoc diuinæ preces uerbo, A M E N, multa quasi semina quædam earum rationum cogitationumque, quas diximus. & quidē adeo frequens fuit hæc Hebræa uox in ore Saluatoris, ut spiritui sancto placuerit, ut in Ecclesia Dei retineretur. cui uoci illa quodā modo sub-

iecta



iēcta sententia est: Scito tuas auditas esse preces.  
 habet enim uim respondentis, & illum, qui preci-  
 bus, quod uelit, impetrarit, cum bona gratia dimit-  
 tentis Dei. Hanc sententiam perpetua Ecclesię Dei  
 consuetudo comprobauit, quę in sacrificio Missę,  
 cum pronuntiatur oratio Dominica, non rei sacrę  
 ministris, quorum partes sunt illa dicere, Sed libera  
 nos a malo, attribuit hanc uocem A M E N, sed ipsi  
 sacerdoti, accommodatam, reseruauit: qui cum  
 Dei & hominum sit interpres, Deum exoratum es-  
 se populo respondet. Nec tamen hic ritus commu-  
 nis est omniū precationū, quippe cū in ceteris mi-  
 nistrorū sit munus respondēdi, Amen; sed proprius  
 Dominicę orationis. nam in alijs precibus consen-  
 sum modo, desideriumque significat; in hac respōsio  
 est, Deum orantis postulationi consensisse. Ac ua-  
 rie quidem a multis est interpretatum hoc uerbum  
 Amen. Septuaginta interpretes uerterunt, fiat: alij  
 reddiderunt, uere: Aquila, fideliter, conuertit. sed  
 parui refert, hoc, an illo modo sit redditum; modo  
 habere intelligamus eam uim, quā diximus, confir-  
 mantis sacerdotis concessū id esse quod petebatur.  
 cuius sententię testis est Apostolus in epistola ad  
 Corinthios. Quotquot enim, inquit, promissiones 2. Cor. 1  
 Dei sunt, in illo est, ideo & per ipsum Amen Deo,  
 ad gloriam nostram. Est etiam hęc nobis accōmo-  
 data uox, in qua inest confirmatio quædam earum  
 petitionum, quas adhuc adhibuimus: quę etiam eos  
 reddit attentos, qui dant operam sacris precibus: sit  
 enim sepe, ut in precatione distracti homines uarijs  
 cogitationibus, alio traducantur: immo uero sūmo  
 studio petimus hac ipsa uoce, ut omnia fiant, id est  
 con-


*Psalm. 53* concedantur, quæ antea petijmus, uel potius intelligentes nos iam impetrasse omnia, ac sentiētes præsentem uim diuini auxiliij, illud una cum Propheta canimus; Ecce enim Deus adiuuat me, & Dominus succesor est animæ meæ. Nec est, quod quisquam dubitet, quin & nomine filij sui, & uerbo, quo sepiissime is usus est, moueatur Deus, qui semper, ut ait *Ad Heb. 5* Apostolus, exauditus est pro sua reuerentia.



# INDEX

## CATECHISMI.

### A

|  |  |   |
|--|--|---|
|        | BBATIBVS per-<br>missum est ut in-<br>terdū minores or-<br>dines administrēt.<br>folio 337 | Adulterium quid 435<br>Adulterij interdictio quæ peccata<br>prohibeantur 435<br>Adulterij detestatio 435<br>Adulteriū quare prohibitū 436 |
| Abrahæ peregrinatio  | 366  | Adulterij interdictio omne im-<br>puritatis & impudicitie genus   |
| Abrahæ sinus   | 62   | quo corpus polluitur, prohi-<br>betur 436   |
| Absolutionis forma   | 268  | Adulterio intima animi libido<br>prohibetur 436   |
| Absoluendi qui sint  | 297  | Adulterium insignem turpitu-<br>dinis notam inurit 438  |
| Absoluendi potestas quibus da-<br>ta   | 287  | Adulterorum supplicium & dā-<br>na 438  |
| Absolutio quando pœnitentibus<br>deneganda   | 297  | Affectus carnis ita domitos ha-<br>bere, ut omnino nō excitetur,<br>non est in hominis etiam iu-<br>stificati potestate 533               |
| Absolutio peccatorum est effe-<br>ctus pœnitentie                                      | 283  | Affinitas patrinoꝝ cū quibus<br>contrahatur 174   |
| Accidentia in Eucharistiæ sacra-<br>mēto manēt sine subiecto                           | 240  | Amen quid significet 588  |
| Actiones Deo gratas sine adiu-<br>mento diuinæ gratiæ suscipere<br>non possumus        | 531  | Amen interpretatio 589  |
| Actio gratiarum erga Deum quo<br>modo fiat in petitione de fa-<br>cienda Dei uoluntate | 539  | Amen cur in sacrificio missæ re-<br>seruetur sacerdoti pronuntiā-<br>dum 589  |
| Actio gratiarum est una de par-<br>tibus orationis                                     | 485  | Amor Dei in redemptione erga<br>homines ostensus 507  |
| Adam sibi & posteris donum iu-<br>stitiæ originalis amisit                             | 542  | Angelorum creatio 26  |
| Adam cibo indigebat in statu in-<br>nocentiæ ad reficiendas uires                      | 542  | Angeli ab ortus sui initio gratia<br>præditi 26   |
| Inter Adam necessitates & no-<br>stas multum interest                                  | 542  | Angeli sapientia & potentia or-<br>nati 26  |
| Adam non indignisset multis re-<br>bus quibus nos indigemus, si<br>non peccasset       | 542  | Angelice salutationi adiunxit<br>Ecclesia preces & imploratio-<br>nem beatæ Virginis 492  |
| Adā in paradiso uoluptatis ocio-<br>sus non erat futurus                               | 543  | Angelorum plurimi ex celesti-<br>bus sedibus deturbati. 26  |
| Adam in paradiso nulla mole-<br>stia affectus fuisset                                  | 543  | Angelorum potestas 26   |
| Adam posteritas fructu uitalis<br>arboris priuata, & horribili<br>sententia maledicta  | 543  | Angelorum scientia 26   |
| Adam & Christi comparatio  | 45   | Angeli quare uirtutes dicti 26  |
|  |  | Angelus multa edocuit Tobia-  |

|                                   |     |                                   |     |
|-----------------------------------|-----|-----------------------------------|-----|
| Angeli quo modo adorētur          | 347 | re etiam reclamantibus Scad-      |     |
| Angeli quare humana specie ef-    | 372 | versantibus, voluntas remittē     |     |
| tingantur                         | 377 | di iniurias sufficit              | 562 |
| Angelica salutatione Deus lau-    |     | Argumentum desperatæ salutis      |     |
| datur.                            | 492 |                                   | 550 |
| Angelica salutatio est actio gra- |     | Artibus malis quæ acquiruntur     |     |
| tiarum                            | 492 | nostra non sunt                   | 547 |
| Angelorum custodia erga homi-     |     | Articuli quare dicti              | 12  |
| nes                               | 503 | Ascēdit Christus vt homo & cor    |     |
| Angelorum obedientia erga de-     |     | pore & anima in celos             | 7   |
| um                                | 539 | Ascendens Christus in celum se-   |     |
| Angeli nō adorātur ut Deus        | 372 | det ad dexteram patris, & quo     |     |
| Angelorum opera quotidie a ma-    |     | modo intelligatur                 | 72  |
| ximis periculis liberamur         | 373 | Ascendit Christus propria virtu-  |     |
| Ab anima Christi numquam se-      |     | te                                | 72  |
| parata est diuinitas              | 53  | Ascensio Christi tamquam finis    |     |
| Anima Christi re & præsentia ad   |     | ad quem cetera mysteria re-       |     |
| inferos descendit                 | 62  | feruntur                          | 73  |
| Anima Christi descendens ad in-   |     | Articuli fidei, primus fol. 11    |     |
| feros communicauit meritū         |     | Secundus fol. 29. Tertius. f. 39  |     |
| passionis animabus patrū          | 63  | Quartus fo. 48. Quintus f. 60     |     |
| Anima est immortalis              | 118 | Sextus fol. 71 Septimus           | 78  |
| Animæ piorum ante Christi         |     | Octauus fol. 86. Nonus fol        | 93  |
| mortē ad sinum Abraham de-        |     | Decimus fo. 111. Vndecimus        | 117 |
| ferebantur                        | 62  | Duodecimus                        | 118 |
| Anima quæ peccauerit, quomo-      |     | Articulus de ascensione Christi   |     |
| do moriatur                       | 383 | cuius maiestatem & gloriam        |     |
| Animæ non nihil deest ad sum-     |     | declarat                          | 74  |
| mam felicitatem, dum est se-      |     | Ascensionis Christi in celum      |     |
| parata a corpore                  | 120 | causa                             | 74  |
| Anima separata a corpore propē    |     | Beneficia quæ ex ascensione Chri- |     |
| sionem habet ad corpus            | 120 | sti nobis donantur                | 75  |
| Anima duabus alis ad celum p-     |     | Assentatio uitū deterrimū         | 461 |
| uenit                             | 486 | Assentatores homines uitio ob-    |     |
| Apostoli quare a Christo dati     | 1   | trestationis peccant              | 459 |
| Apostolorū auctoritas eis a Chri- |     | Auari reprehenduntur              | 470 |
| sto data                          | 2   |                                   |     |
| Apostoli duodecim articulis di-   |     |                                   |     |
| stinctum symbolum compo-          |     |                                   |     |
| suerunt                           | 11  |                                   |     |
| Apostoli matrimoniarum institu-   |     |                                   |     |
| tores                             | 193 |                                   |     |
| Apostoli a domino Chrismæ cō-     |     |                                   |     |
| pensationem didicerunt            | 203 |                                   |     |
| Appetitus proprii boni rebus      |     |                                   |     |
| omnibus ingeneratur               | 530 |                                   |     |
| Appetere Deum a principio ho-     |     |                                   |     |
| mini datum                        | 530 |                                   |     |
| Appetitionibus corruptæ natu-     |     |                                   |     |

**BAPTISMI** cognitio maxi-  
me necessaria 159  
Baptismus quare a Parochis sic  
docendus 151  
Quo tempore a Parochis de ba-  
ptismo differendum 160  
Baptismi uox quid significet 160  
Baptismi sacramentum quibus  
nominibus significatur 161  
Baptismi, ut sacramentum est,  
definitio 162  
Baptismi sacramentum quibus  
rebus conficiatur 166

Aqua



# I N D E X

|  |           |  |     |
|--|-----------|--|-----|
| Aqua, quæ in sacro fonte ad baptismum conficiendum asseruatui, non est sacramentum | 162       | lint baptizari   | 180 |
| Baptismi materia est aqua elementaris  | 162       | Quando baptizandi amentes & dormientes                                       | 180 |
| Baptismi figura  | 163       | Ad baptismi gratiam consequendam fides est necessaria                        | 181 |
| In baptismo quare chrisma addatur  | 163. 165. | Baptizandum peccatorem paritateat oportet                                    | 181 |
| Baptismi forma   | 165       | Baptismi sacramento omne peccatum condonatur                                 | 183 |
| Baptismi forma apud Græcos uaria   | 166       | In baptismo prorsus tolluntur peccata, & radicibus euelluntur                | 183 |
| Cur baptizabant apostoli in nomine Iesu  | 63. 167   | In baptizatis concupiscentia remanet, sed peccatum non est                   | 184 |
| Baptismus tribus modis confici potest  | 168       | Baptismi proprius effectus peccatorum omnium remissio                        | 185 |
| In baptismo unica an trina ablutio fiat, nihil refert                              | 168       | Peccata & peccatorum poenæ per baptismum remittuntur                         | 185 |
| In baptismo caput abluendum  | 169       | Poenæ civilibus iudicijs persoluenda baptismum non condonantur               | 186 |
| In baptismo uerba simul cum ablutione proferenda                                   | 169       | Post baptismum quare non restituamur in statum nature integræ                | 186 |
| Baptismus a Christo domino institutus, & quando                                    | 169       | Baptismi fructus   | 188 |
| Quando uis sanctificandi aquis fuerit tributa                                      | 170       | Baptismus characterem imprimit   | 190 |
| Baptismi lege quo tempore homines teneri cœperunt                                  | 170       | Baptismum iterari, sacrilegium est   | 190 |
| Baptismi ministri  | 171       | Baptismus cæli aditum patefacit  | 192 |
| Baptizare sacerdotes quare præsentente etiâ episcopo possunt                       | 172       | Cerimoniarum & precesiones, quæ in baptismo fiunt, ad tria capita rediguntur | 192 |
| Oratio inter baptismi ministros seruandus  | 173       | Fons baptismi consecratur addito oleo mysticæ unionis                        | 193 |
| Baptizandos suscipere quibus non liceat  | 176       | Certi dies expectantur ad consecrandam baptismi aquam                        | 194 |
| Baptismus necessarius ad salutem   | 176       | Baptizatis quæ nomina imponenda  | 197 |
| Baptismi sacramentum pueris dandum   | 177       | Beatitudo essentialis in quo sita  | 133 |
| Baptizantur pueri in fide parentum & ecclesiæ                                      | 178       | Beati lumine gloriæ eleuantur ad diuinam essentiam uidentiam                 | 134 |
| Baptizandi sunt filij quamprimum   | 178       | Beatitudinis imagines & similitudines  | 135 |
| In baptizandis adultis diuersa ratio est seruanda ab ea, quæ in pueris             | 178       | Beatitudo accidentalis in quo consistat                                      | 135 |
| Baptismus adultis quando sit statim conferendus                                    | 180       |  |     |
| Baptizandi quo modo affecti esse debeant   | 180       |  |     |
| Baptizandi interrogantur an uelint baptizari                                       |           |  |     |

|                               |     |                                |     |
|-------------------------------|-----|--------------------------------|-----|
| Bella intestina hominis       | 522 | Cerimoniz quæ ad penitentiz    |     |
| Bellum sceleratis cū Deo      | 556 | sacramentum adhibentur         | 269 |
| Benedictionibus Dei opera no- |     | Cerimoniz quæ sacramento ex-   |     |
| stra prospere cedunt          | 544 | treme unctionis adhibētur      | 322 |
| Benignitas Dei non uno modo   |     | Cibus multiplex & delicatus nō |     |
| eripit nos a malis            | 583 | postulandus a Deo              | 547 |
| Blasphemare nomen Dei & san-  |     | Cibus multiplex animæ          | 550 |
| ctorum, detestabile scelus    | 396 | Clerici nomen unde deductum    |     |
| Bona humanæ uitæ quare optā-  |     |                                | 327 |
| da & petenda                  | 541 | Clericorum corona vnde ortum   |     |
| Bona temporalia quomodo pe-   |     | habuerit, & quid significat    | 227 |
| petenda                       | 541 | Communio unum ex nomini-       |     |
| Bona humanæ uitæ ad bona di-  |     | bis Eucharistiz                | 214 |
| uina dirigunt                 | 541 | Ante communionem præpara-      |     |
| Bona humanæ uitæ adiumenta    |     | tio qualis esse debeat, & quam |     |
| sunt ad diuinorum bonorum     |     | sit necessaria                 | 246 |
| adeptionem                    | 541 | Præparatio ad communionē est,  |     |

## C

## CATECHISMI necessitas

2. 4

|                                  |     |                                  |     |
|----------------------------------|-----|----------------------------------|-----|
| Catechismi doctrina ad captum    |     | Communione sumpturus amo-        |     |
| cuiusque accommodata             | 7   | rem erga Deum habeat             | 248 |
| Character trium sacramentorū     |     | Communicandum omnibus es-        |     |
| effectus                         | 157 | se saltem in paschate            | 249 |
| Character quid præstet           | 157 | Communicandi sub una specie      |     |
| Characterem baptismus impri-     |     | quare ecclesia consuetudinem     |     |
| mit                              | 190 | approbauerit                     | 258 |
| Characterem imprimi confir-      |     | Communia tribus personis diui-   |     |
| matio                            | 210 | nis, & non communia              | 42  |
| Characterem imprimi ordinis      |     | Clauium necessitas in ecclesia   |     |
| sacramentum                      | 325 |                                  | 112 |
| Charitatis præcepta duo          | 412 | Clauium dignitas & amplitudo     |     |
| Charitas proximi a charitate     |     |                                  | 113 |
| Dei ortum habet                  | 412 | Concupiscentia in renatis rema-  |     |
| Charitas uera quid moneat        | 515 | net, sed peccatum non est        | 184 |
| Castitas non solum uirginibus,   |     | Concupiscentia praua, stirps ma- |     |
| sed qui celibem uitam agunt,     |     | lorum omnium                     | 468 |
| & ijs qui matrimonio iuncti      |     | Concupiscentia rerum aliena-     |     |
| sunt, conuenit                   | 436 | rum & uxorū quid inter se        |     |
| Castitatis remedia               | 437 | differant.                       | 469 |
| Castitatis remedia quæ in actio- |     | Concupiscentia quid              | 470 |
| ne consistunt                    | 439 | Concupiscendi uis non semper     |     |
| Cautio adhibenda in peccatorū    |     | in uitio ponenda                 | 470 |
| occasionibus uitandis            | 571 | Concupiscendi uis recta Deo au-  |     |
| Cerimoniz, & preces quæ          |     | ditore a natura nobis insita est |     |
| in baptismo sunt, ad tria capi-  |     |                                  | 471 |
| ta rediguntur                    | 192 | Concupiscentia primorum pas-     |     |
| Cerimoniz & ritus, quibus sa-    |     | tum peccato deprauata            | 472 |
| cramentū confirmationis con-     |     | Concupiscentiæ uis, si moderata  |     |
| fertur                           | 211 | est, quas nā utilitates afferat  | 472 |
|                                  |     | Concupiscentia quare a Paulo     |     |
|                                  |     | peccatum sit dicta               | 472 |

Non

|  |     |  |     |
|--|-----|--|-----|
| Non concupisces, quem sensum habeat  | 473 | quare chrisma appellatū  | 202 |
| Concupiscenda non est aliena uxor  | 475 | Chrsimatis materia   | 202 |
| Concupiscere alienam uxorem quam periculosum sit                                       | 475 | Chrsima episcopi consecratione conficitur                              | 202 |
| Concupiscendi uitio qui maxime laborent  | 478 | Chrsima quare ex oleo & balsamo conficiatur                            | 203 |
| Confessio peccatorum & eius necessitas   | 282 | Chrsima a quibus cerimonijs & quando conficiatur                       | 203 |
| Confessio quare instituta  | 283 | Sacris precationibus chrsima conficiendum                              | 204 |
| Confessionis utilitas  | 283 | Confirmationis sacramenti forma  | 204 |
| Confessio accusatio dicitur, & quare   | 284 | In confirmatione tria obseruanda                                       | 204 |
| Iudiciū ecclesiasticū quod sit in confessione, longe dissimile est forentibus iudicijs | 284 | Confirmationis sacramenti minister proprius                            | 205 |
| Confessio a Christo ob eius bonitatem & misericordiam instituta                        | 284 | Ad confirmationem quare pater noster uocetur                           | 206 |
| Confessionis figuræ  | 285 | Affinitas quæ cum patrinis confirmationis contrahitur                  | 206 |
| Confessionis legi quinam parere debeant  | 287 | Confirmandi quæ ætate esse debeant                                     | 207 |
| Confessio quo tempore puero in dicta   | 288 | Cōfirmationis sacramentū quomodo sit necessarium                       | 207 |
| Confessio quando iteranda  | 291 | Cōfirmationis sacramentū ad uniuersos fideles eque pertinet            | 207 |
| Confessionis minister idoneus & legitimus  | 292 | Cōfirmationis sacramentū suscipientes adulti dolere debent de peccatis | 208 |
| In confessione scelera non excusanda   | 295 | Cōfirmationis sacramentū prece dere debet cōfessio i adultis           | 208 |
| Culpa eorum qui uerecūdia impediri peccata confiteri non audent                        | 296 | Confirmatiōis sacramentū nouam gratiam tribuit                         | 209 |
| Peccata diligenter peruestiganda   | 296 | Confirmatiōis uocabulum unde deductum                                  | 209 |
| Confessor quando a se penitentes dimittere debeat                                      | 297 | Confirmatiōis effectus   | 210 |
| Confidere oportet in officio precandi  | 493 | Cōfirmatio nō potest iterari   | 210 |
| Confirmatiōis sacramentū   | 198 | Confirmatiōis sacramenti cerimoniz & ritus                             | 211 |
| Confirmatiōis nomen  | 199 | Cōfirmatiōis sacramentū quomōdo potissimū administretur                | 211 |
| Confirmatio est uere sacramentum   | 199 | Contritio quid   | 273 |
| Cōfirmatiōis sacramentū a baptismo maxime disiunctū                                    | 200 | Contritionis uis & efficacia   | 274 |
| Confirmatiōis sacramenti origo   | 202 | Contritionis proprius dolor ad singula peccata mortalia adhibendus     | 280 |
| Confirmatiōis sacramenti Christus auctor   | 202 | Ad cōtritionem ueram quæ sint necessaria                               | 277 |
| Confirmatiōis sacramentum  |     | Ad contritiōem excitandum eum qui de peccatis nō doleat                | 255 |

|   |     |   |     |
|---|-----|---|-----|
| Coronia uincentibus parata a Deo  | 577 | um auctor   | 152 |
| Creationis opus ab ijs facilius creditur, qui de Dei omnipotia non dubitant                         | 25  | Christus totus in sacramento Eucharistiae continetur                              | 233 |
| Quare Deus creauit omnia  | 25  | Christus qua ratione sit in sacramento  | 239 |
| De creatione angelorum  | 26  | Christus qua ratione penitentiae sacramentum instituerit                          | 66  |
| Deus creator uisibilium & inuisibilium  | 27  | Christi & eius matris & sanctorum imagines pingi, non interdicitur precepto legis | 376 |
| Deus quae creauit conseruat   | 28  | Christus frater noster  | 209 |
| Creatura noua in Christo quae Verbi huius, Credo, in materia fidei euangelicae acceptio & professio | 13  | Christi resurrectio fraternitatem Christi cum hominibus non dirimit               | 510 |
| Quis sit qui credat   | 13  | Christi diuinitas numquam a corpore seiuncta                                      | 51  |
| Quid primo credendum  | 21  | Christus pro peccatoribus passus  | 54  |
| Credens inquirendi curiositate est liber  | 13  | Christiani quare sancti dicantur  | 102 |
| Credendum esse Deo  | 35  | Christus quo modo in nobis regnet   | 524 |
| Credens interiorum fidei actum aperte fidei professione proferre debet                              | 14  | Christi causa libenter stultitiae fama subeunda                                   | 536 |
| Christianorum omnium unus spiritalis ortus  | 511 | Christus imitandus in referenda nostra uoluntate ad uoluntatem Dei                | 537 |
| Christiani hominis scientia uno capite comprehenditur   | 5   | Christus dominus, panis   | 550 |
| Christiani doctoris opera in quo praecipue uersari debeat   | 5   | Christi passionis mysterium maxime Dei potentiam & benignitatem ostendit          | 553 |
| Christiani uita non in otio degenda   | 6   | Christi passionis patrocinio ueniam peccatorum impetramus                         | 559 |
| Christiana philosophia & saeculi sapientia in quo differat  | 14  | Circumstantiae peccatorum in confessione narrantur                                | 290 |
| Christianus homo quantum Christo debeat   | 38  | Clauius ecclesiae aditus in celum aperiri   | 283 |
| Christi regnum spirituale   | 35  | Clericorum corona, quid significet  | 327 |
| Christus a diuersis naturis diuersas proprietates accepit   | 37  | Concio sacra a fidelibus attente audienda   | 408 |
| Christus quare dominus noster dicendus  | 37  | Contra eos, qui medicamentis utuntur daemonum arte compositis                     | 580 |
| Christus non est dicendus filius Dei adoptione, sed natura  | 43  | Creatio omnibus personis Trinitatis communis                                      | 28  |
| Christus a Davide originem trahit secundum carnem   | 44  | Creatura noua in Christo est, qui mandata dei obseruat                            | 364 |
| Christus quare nouissimus Adam appellatus   | 45  | Crucis Christi pretium quantum sit  | 512 |
| Christus nascenti salutari doctrina nos instituit   | 46  |   |     |
| Christi sanguine scelera nostra expiantur   | 115 |   |     |
| Christus sacramentorum omni-  |     |   |     |



|  |     |   |         |
|--|-----|---|---------|
| Colere Deos alienos quare deus prohibuerit   | 376 | data  | 182     |
| Cultus diuini cupidos homines esse oportet   | 381 | De. census Christi ad inferos cau-<br>sa                                  | 62      |
| Cultus externus deo præcipitur<br>adhiberi tertio præcepto   | 398 | Ante Christi mortem animæ pio-<br>rum ad sinum Abrahamæ defe-<br>rebantur | 64      |
| Cultus sabbathi quo tempore tol-<br>lendus erat  | 399 | Deus suis numquam defuit  | 2       |
| Cultus diei festi quare institui-<br>tus   | 401 | Deum unum solum esse non<br>plures confitendum est                        | 18      |
| Cupiditas uitiosa quare prohi-<br>beatur   | 472 | Deus quare pater uocatur.   | 18. 20  |
| Cupiditates propriæ etiam iu-<br>stis aduersantur  | 533 | Deo omnipotens uis tribui-<br>tur   | 32      |
| D  |     | Deus omnium creator   | 25. 27. |
| <b>D</b> ÆMONVM Modium in ho-<br>mines   | 522 | Deus quæ creauit conseruat  | 28      |
| Dæmon, simulato lucis angelo,<br>quæ bona non sunt, tamquam<br>bona postulare persuadet                      | 526 | Deo, & non sanctis, sacrificium<br>offertur                               | 256     |
| Dæmonum externi impetus &<br>impressiones  | 568 | Deus est legis auctor   | 361     |
| Dæmones quare principes appel-<br>lati & rectores mundi tene-<br>brarum                                      | 568 | Deum amare facile est   | 37      |
| Dæmones perpetuum bellum ho-<br>biscum gerunt  | 569 | Deus quare zelotes appellat <sup>9</sup>                                  | 381     |
| Dæmones quos non oppugnet  | 570 | Deus quare poenam ad tertiam<br>& quartam generationem ef-<br>finitur     | 382     |
| Dæmonum uis alligata   | 570 | Dei bonitas superat eiusdem iu-<br>stitiam                                | 383     |
| Dæmon quare malus præcipue<br>dicatur  | 584 | Dei nomen quo modo hono-<br>retur   | 385     |
| Dæmoni assignamus omnia ma-<br>la, quæ in nos a proximis prohi-<br>ciscuntur, tamquam auctori &<br>impulsori | 584 | Deo multa imposita nomina   | 385     |
| Debita, quæ dimitti postulamus,<br>quæ sint  | 559 | Deus quib <sup>9</sup> modis laudandus                                    | 386     |
| Cuius debiti solutio sit ad salu-<br>tem necessaria  | 559 | Deus non habebit infontem eū,<br>qui nomen eius frustra assu-<br>pserit   | 397     |
| Debita quare dicantur nostra   | 560 | Deus primus diligendus, dein-<br>de parentes                              | 413     |
| Decalogi præcepta  | 359 | Deus desideria exaudit  | 499     |
| Decalogus legum omnium sum-<br>ma & epilogus   | 359 | Deus omnium hominum pater<br>uocatur                                      | 503     |
| Decalogi præcepta decem ex<br>duobus charitatis pendet   | 60  | Dei prouidentia erga homines  | 503     |
| Decalogi deum esse auctorem<br>credere, maximam uim habet<br>ad eam legem seruandam                          | 361 | Deus hominum non obliuisci-<br>tur  | 505     |
| Decalogi lex quanta maiestate  |     | Dei benignitas & misericordia<br>erga homines                             | 507     |
|  |     | Dei amor erga homines in re-<br>demptione ostensus                        | 507     |
|  |     | Dei manus cum nos tangit, id<br>non hostiliter facit, sed aman-<br>ter    | 508     |
|  |     | De <sup>9</sup> quare castigat quos amat                                  | 508     |
|  |     | Deus calanitates nostras non<br>ignorat                                   | 508     |
|  |     | Deus omnium deus est  | 511     |
|  |     | PP 3 Deus   |         |

|                                    |     |                                    |     |
|------------------------------------|-----|------------------------------------|-----|
| Deus est ubique, & quomodo         | 513 | Deus quomodo nos in tentati-       | o-  |
| Deus quare scelis esse dicatur     | 513 | nem inducere dicitur               | 573 |
| Deo quomodo ex animo amet          | 515 | Deus dat vires ad Satanam pro-     | 577 |
| A Deo quid primo petendum          | 515 | sternendum                         | 577 |
| Dei gloria quo modo petatur        | 515 | Dei benignitas non uno modo        | 583 |
| Dei nomen quo modo sanctifica-     | 516 | eripit nos a malis                 | 583 |
| ri peramus                         | 516 | Deus non unct nos ab omnibus       | 583 |
| Dei nomen sanctum & terribile      | 516 | incommodis solutus esse            | 583 |
| sanctificatione non eget           | 516 | Deus dat solatia ijs, qui aduersis | 583 |
| Dei nomen re, non uerbis tantum,   | 519 | premiuntur                         | 583 |
| sanctificandum                     | 519 | Deus uritur demone ministro in     | 584 |
| Dei prouidentia erga hominum       | 521 | reperedis penis a sceleratis       | 584 |
| salutem                            | 521 | Diaboli crudelis dominatus         | 585 |
| Dei potentia & prouidentia         | 523 | Diabolus quare mundi princeps      | 586 |
| Deus non ad orium & inertiam       | 528 | & tenebrarum dicatur               | 586 |
| nos uocauit                        | 528 | Diaboli proprium officium          | 572 |
| Deus nunquam nos deserit           | 529 | Diabolus quo animo teneat ho-      | 572 |
| Deus adminicula nobis concedit     | 529 | mines                              | 572 |
| ad regnum celorum consequen-       | 529 | Diabolus quare tentator dica-      | 572 |
| dum                                | 529 | tur                                | 572 |
| Deum amare, ut par est, sine diui- | 531 | Diabolus quibus modis utatur       | 572 |
| næ gratiæ adminiculo non pos-      | 531 | ad tentandum                       | 572 |
| sumus                              | 531 | Dei dñico quid agere & a quibus    | 402 |
| Ad christianam prudentiam, ni-     | 532 | abstinere fideles oporteat         | 402 |
| si Deo auctore & adiutore, nos     | 532 | Diuitiæ non amanda                 | 476 |
| aspirare non possumus              | 532 | Diuites quare panem quotidia-      | 548 |
| Deus in iustificatis mentem sa-    | 533 | num petere debent                  | 548 |
| nat, non carnem                    | 533 | Diuites facultates suas Deo acce-  | 552 |
| Deus requirit summum amorē         | 538 | ptas referant                      | 552 |
| in opera & studio quod ei na-      | 538 | Diuites quare bonis cumulatur      | 552 |
| uiamus                             | 538 | a Deo                              | 552 |
| Dei opera omnia bona               | 539 | Doctores legitimi fidelis opera    | 3   |
| Deus omnibus operibus suis suā     | 539 | necessaria                         | 3   |
| bonitatem impertuit                | 539 | Doctrina Catechismi ad captum      | 7   |
| Dei uoluntatem quare maxime        | 539 | cuiusque accommodata               | 7   |
| colamus                            | 539 | Doctrina fidei catholice quibus    | 8   |
| Dei iuxta inuestigabiles           | 539 | rebus contineatur                  | 8   |
| Deus nobis melius consulit quā     | 540 | Doctrinæ Christianæ capitula quæ   | 8   |
| nos optare possumus                | 540 | tuor                               | 8   |
| Ad dei gloriā omnia ad usus ui-    | 542 | Dolor ex peccatorum cognitio-      | 556 |
| næ necessaria sunt referenda       | 542 | ne                                 | 556 |
| Dei infinita potētia colenda       | 548 | Dubitare in oratione non debe-     | 496 |
| Deus promptus & paratus ad cō-     | 558 | mus                                | 496 |
| donandum peccata peniten-          | 558 |                                    |     |
| tibus                              | 558 |                                    |     |
| Deus beneficentissimus parēs       | 558 |                                    |     |
| Deus iustitiæ retinētissimus       | 559 |                                    |     |
| Deus quo modo tētet suos           | 571 |                                    |     |
| Deus quo modo tentari sinit ho-    | 571 |                                    |     |

E  
ECCLESIAE nomine quid  
sit proprie intelligendū 94  
Propheæ planius de ecclesia quā  
de Christo locuti sunt 93  
Ecclesiæ & synagoga differen-  
tia 95

|  |         |  |          |
|--|---------|--|----------|
| <b>Ecclesia multis nominibus uocatur</b>                                       | 96      | <b>Eucharistia usu qui aliquandiu carét, plurimū dāni patiūt</b>         | 119      |
| <b>Ecclesia militans &amp; triumphans quare dicatur</b>                        | 96      | <b>Eucharistia institutio</b>  | 213      |
| <b>Ecclesia militantis &amp; triumphantis differentia</b>                      | 97      | <b>Eucharistia dignitas &amp; excellentia</b>                            | 213      |
| <b>Ecclesie figuræ &amp; similitudines</b>                                     | 98. 105 | <b>Eucharistia sacramentum pluribus nominibus appellatū</b>              | 213      |
| <b>Quinam ab ecclesia excludantur</b>  | 99      | <b>Eucharistia quare dicatur communio</b>                                | 214      |
| <b>Ecclesie catholicæ proprietates &amp; prerogatiue</b>                       | 100     | <b>Eucharistiam post cibum &amp; potum sumere non licet</b>              | 215      |
| <b>Ecclesie caput uisibile</b>   | 100     | <b>Eucharistia uere est sacramentū &amp; unum ex septem</b>              | 215      |
| <b>Ecclesie unitas</b>   | 100     | <b>In eucharistia sacramento adoramus corp⁹ &amp; sanguinē Xpi</b>       | 216      |
| <b>Ecclesia sancta appellatur</b>  | 102     | <b>Quæ proprie sacramenti rationē habeant in Eucharistia</b>             | 216      |
| <b>Ecclesia catholica</b>  | 104     | <b>Eucharistie cum ceteris sacramētis differentia</b>                    | 216      |
| <b>Ecclesie uera dignoscendæ a falsa certissima regula</b>                     | 105     | <b>Eucharistia sacramentum perfectum facit materiæ consecratio</b>       | 216      |
| <b>Ecclesia est apostolica</b>   | 105     | <b>Eucharistia est unum tantum sacramentum, &amp; non plura</b>          | 217      |
| <b>Ecclesia non potest errare</b>  | 105     | <b>Eucharistia sacramentum tria significat</b>                           | 217      |
| <b>Extra ecclesiam uerus cultus nō reperitur</b>                               | 106     | <b>Eucharistia sacramenti materia duplex</b>                             | 218      |
| <b>Ecclesia originē suæ ueritatis traxit ab Apostolis</b>                      | 105     | <b>Aqua modica uino quare admisceatur</b>                                | 220      |
| <b>Ecclesiam uniuersalem omnes, tenere debent qui salutem consequi cupiunt</b> | 104     | <b>In eucharistia sacramēto quid significet panis &amp; uinum</b>        | 221      |
| <b>Ecclesie auctor Deus</b>  | 106     | <b>Eucharistie sacramēti forma</b>                                       | 222      |
| <b>Ecclesiam clauēs regni celorum habere, fide intelligimus</b>                | 107     | <b>Forma cōsecrationis uini &amp; eius declaratio</b>                    | 224      |
| <b>Quare credere sanctam ecclesiā, &amp; non in sanctam, dicatur</b>           | 107     | <b>In sacramento eucharistie tria sunt maxime admiranda</b>              | 228      |
| <b>Eleemosynę necessitas</b>   | 450     | <b>In Eucharistia uerū corpus Christi &amp; sanguinem contineri</b>      | 228      |
| <b>Cohortatio ad eleemosynam faciendam</b>                                     | 450     | <b>Eucharistia sacramentum non est tantum signum corporis Christi</b>    | 229. 240 |
| <b>Labore ac manibus ea quęrenda quibus inopum indigentia leuari possit</b>    | 451     | <b>Eucharistie fructus</b>   | 232      |
| <b>Eleemosyna orationi addenda</b>   | 501     | <b>In Eucharistie sacramento totus Christus continetur</b>               | 233      |
| <b>Eleemosyna medicina est accommodata sanandis animarū uulneribus</b>         | 565     | <b>In Eucharistie sacramento quæ sint ex concomitantia</b>               | 234      |
| <b>Episcopi tantum &amp; sacerdotes potestatem habent remittēdi peccata</b>    | 113     | <b>Dux cōsecrationes quare separatim fiant in sacramento Eucharistie</b> | 234      |
| <b>Episcopi administratio quę</b>  | 317     |  |          |
| <b>Episcop⁹ tantū ordines cōfert</b>   | 37      |  |          |
| <b>Isacarum conquistissima genera persequi non licet</b>                       | 548     |  |          |

|   |     |   |     |
|---|-----|---|-----|
| In quavis utriusque speciei particula Eucharistiae totus Christus continetur  | 235 | Eucharistiae communio, septem iteranda  | 249 |
| Panis & uini substantia post consecrationem, in sacramento Eucharistiae non remanet   | 235 | Eucharistiae sacramento quotidie alenda est anima                                     | 250 |
| Post consecrationem quare Eucharistiae sacramentum panis uocatur  | 237 | Eucharistiam oporteret fideles quotidie sumebant                                      | 250 |
| Conuersio admirabilis in sacramento Eucharistiae, transubstantiatio uocatur   | 238 | Ab Eucharistiae communione excipiuntur qui per aetatem rationis usum non habent       | 251 |
| Eucharistiae sacramentum non curiose scrutandum   | 239 | Eucharistia quare infantibus negetur  | 251 |
| Qua ratione Christus sit in Eucharistiae sacramento   | 239 | Eucharistiae sacramentum amen tibus non datur   | 252 |
| Panis & uini species in sacramento Eucharistiae sine aliqua re subiecta manent  | 240 | Eucharistia sub utraque specie laicis sumere non licet                                | 252 |
| Eucharistiae sacramentum quare sub panis & uini specie administrari Christus instituit  | 240 | Quare ecclesia consuetudinem communicandi sub utraque specie prohibuerit              | 253 |
| Eucharistia fons omnium gratiarum   | 241 | Solis sacerdotibus potestas tradita est sacramentum Eucharistiae conficiendi          | 254 |
| Eucharistia quo modo gratiam tribuat  | 242 | Qui non est consecratus, sacra uasa tangere non audeat                                | 254 |
| Prima gratia nemini tribuitur nisi prius Eucharistiae sacramentum uoto perceperit   | 243 | Eucharistia est sacrificium   | 255 |
| Eucharistia omnium sacramentorum finis  | 243 | Eucharistia uictima deo gratissima  | 255 |
| Eucharistiae figura est manna   | 243 | Eucharistia a Christo instituta duabus de causis                                      | 255 |
| Eucharistiae utilitates   | 244 | Eucharistia, ut sacramentum est, non solum merendi, sed etiam satisfaciendi uim habet | 256 |
| Eucharistiae sacramenti sumendi tres rationes   | 245 | Eucharistiae sacrificium quando institutum  | 256 |
| Maximis bonis se praeferunt qui cum parati sint sacramentaliter sumere corpus Domini, spiritum tantum accipiunt                               | 246 | Eucharistiae figurae & oracula  | 258 |
| Eucharistia accipere nemini licet ante sacramentalem confessionem, si sacerdotis facultas data sit, si peccati mortalis conscientiam stimulet | 248 | Eucharistiae sacramentum inexplorable pignus charitatis                               | 258 |
| Ieiunium ad Eucharistiae sacramentum accedere debemus   | 249 | Eucharistiae sacramentum quare dicatur quotidianus panis                              | 258 |
| Aliquot dies ab uxoribus abstinendum ab iis qui matrimonio iuncti sunt, cum ad communionem accedere uolunt                                    | 249 | Exempla quae ad bene sperandum nos inducere possunt                                   | 258 |
|   |     | Exempla humanae infirmitatis  | 257 |
|   |     | Exitus rerum deo permittendus   | 258 |
|   |     | Extrema unctio  | 309 |

F

|   |     |
|---|-----|
| FALSVM testimoniū quid  | 458 |
| Falsi testimonij damna  | 458 |
| Falsum testimonium non solum in iudicio, sed extra iudicium uocatur |     |



|  |     |  |     |
|--|-----|--|-----|
| Veratur  | 458 | saria  | 68  |
| Falsum testimonium dicere contra se non licet  | 457 | Figure conceptionis & natiuitatis Iesu Christi                                       | 45  |
| In falsis testimonijs mendacium numeratur  | 458 | Figure crucis Christi  | 52  |
| Festorum dierum preceptum  | 398 | Figure confessionis  | 186 |
| Festi dies cultus quare institutus   | 401 | Filius Dei & uere deus Iesus Christus  | 35  |
| Festi dies preter sabbathum alij apud Iudaeos  | 405 | Filius Dei quomodo generatur   | 35  |
| Festi dies preter diem dominicum quare instituti ab Ecclesia   | 405 | Forma sacramenti Eucharistiae declaratur   | 222 |
| Dies celeberrimi in Ecclesia   | 406 | Forma sacramenti penitentiae   | 268 |
| Festis diebus quibus operibus Christiani se exercere debeant   | 408 | Forma sacramenti extremae unctionis  | 312 |
| Felicitas in quo consistit   | 131 | Forma confirmationis sacramenti  | 204 |
| Felicitas semel adepta nunquam amittitur   | 131 | Formula orandi diuersa ad Deum & sanctos   | 493 |
| Fides ad salutem consequendam necessaria   | 10  | Fornicationis peccati calamitas propria  | 437 |
| Fidei multi gradus   | 11  | Frugalitati consulendum  | 41  |
| Quid primo credendum   | 12  | Fructus arboris uitae  | 543 |
| Notitia quae fidei disciplina comparatur, multo certior est quam quae humanis est rationibus comprehensa | 16  | Furti precepti uis auditoribus inculcanda  | 442 |
| Fides de omnipotentia Dei quam necessaria & utilis   | 22  | Furti precepto dei benignitas erga nos maxime percipitur                             | 442 |
| Fides redemptionis ad salutem necessaria semper fuit   | 30  | Furti preceptum in duas partes diuisum   | 443 |
| Fides ueterum & nostra eadem   | 22  | Furti nomine quid intelligatur   | 443 |
| Fides penitentiam antecedit oportet  | 263 | Rapina maius peccatum quam furtum  | 443 |
| Fides quid significet  | 13  | Quare septimum preceptum furti nomine, non rapine, notatum sit                       | 443 |
| Fides non uere dicitur pars penitentiae  | 263 | Furtum, quod est iniusta possessio, & usus rerum alienarum, uarijs nominibus notatur | 443 |
| Fideles ad complectendam caelestem doctrinam, quando sint propensiores                                   | 368 | Furandi etiam animus lege Dei prohibetur   | 444 |
| Fides necessaria in oratione   | 496 | Furtum quam graue scelus sit   | 444 |
| Fide firmos esse caput est ad rite orandum   | 496 | Furti immanitatem declarant quae furtum consequuntur                                 | 444 |
| Fiducia de Deo unde ortum habeat   | 496 | Furtorum multa genera  | 444 |
| Fiduciam conciliat nomen patris in oratione  | 544 | Rapine latius patet quam furta   | 447 |
| Fiducia orationis unde in nobis oriatur  | 544 | Rapaces qui sunt, & rapinarum uaria genera   | 447 |
| Fides ad iustificationem necessaria  |     | Furti excusationem nullam accipit Deus   | 448 |
|  |     | Excusationes quibus se homines defensionunt in furtis                                | 448 |
|  |     | Fur diuinum nomen dedecorat  | 453 |

|   |          |  |          |
|---|----------|--|----------|
| <b>G</b>  |          | immortalis   | 27       |
| GAUDIA intima sanctorum                                       | 551      | Prima hominis ruina  | 29       |
| Gloria inenarrabilis sanctorum                                | 551      | Homo christianus quantum Christo debeat  | 38       |
| Gloria Dei quo modo in oratione petatur                       | 515      | Homines diuini cultus cupidos esse oportet   | 382      |
| Gloria quid   | 525      | Homo quid debeat Deo   | 507      |
| Gratus quibus ad orationem accedimus                          | 494      | Hominum miseriam propter peccatum primi parentis   | 330      |
| Gratia quid   | 189. 515 | Homo quare bona per peccatum amiserit  | 530      |
| Gratiam quo modo Eucharistia conferat                         | 243      | Homines comparantur agnis & ijs qui gustum amiserunt   | 531      |
| Gratiarum actio cum oratione iungenda                         | 501      | Homo pueris comparatur   | 532      |
| Gravitas relabentium  | 55       | Homo etiam iustificatus non ita habet dominos carnis affectus, ut illi postea excitari non possint | 533      |
| <b>H</b>  |          | Homines voluptuosi a diuina voluntate alieni   | 536      |
| HÆRETICORUM artes quibus sunt vsi ad impia dogmata infundenda | 3        | Hominis instabilitas   | 522      |
| Hæreticus qui dicatur   | 94       | Hominis imbecillitas   | 540      |
| Hæreticorum pessis quo irrepserit                             | 3        | Homo qua maledictione condénatus post Adæ peccatum   | 543      |
| Hebræorum gentem quare Deus delegit                           | 367      | Hominis insensitia & imbecillitas  | 567      |
| Hebræi populi liberatio ab Aegypto                            | 366      | Præceptum de honorando Deo   | 384      |
| Hebræos durissima seruitute premi quare Deus permiserit       | 367      | Præceptum de honore parentum   | 416      |
| Hebræo populo promissa præstita post 400 annos quare          | 368      | Honorare quam vim habeat   | 414      |
| Locus & tempus in quo Israel legem a Deo accepit              | 368      | Honoris vox rite in præcepto posita  | 414      |
| Homicidium prohibens præceptum auditu iucundum                | 424      | Honorandi a nobis patres cuiuscunque generis   | 414. 418 |
| In præcepto, Non occides, duo continentur                     | 424      | Honoris officia quæ in parentes conferri debent  | 416      |
| Homicidium quod hoc præcepto non vetatur                      | 425      | Honor mortuis parentibus tribuendus  | 417      |
| Occidere vetitum est oibus                                    | 426      | Improbis etiam Pastoribus obediendum   | 418      |
| Omnes homines huius legis vi, Non occides, defenduntur        | 426      | Regibus parendum   | 419      |
| Se ipsum non licet occidere                                   | 426      | Honorantes parentes quos fructus percipiant  | 420      |
| Lex non occidendi, non solum manus sed animum cohibet         | 427      | Hostes humani generis, omnes aduersus nos artes excogitant   | 566      |
| Homicidium peccatum est nefarium                              | 428      | Hypocritæ animo non orant  | 500      |
| Homo ad imaginem & similitudinem Dei formatus                 | 27       | Hypocritarum mos in oratione fingendus   | 500      |
| Homo postremo creatus non vi naturæ, sed diuino beneficio     |          |  |          |

## I

**I**ESVM Christum filium Dei credentes, quam utilitatem capiant  
Iesus

# I N D E X

|  |  |
|--|--|
| Iesus Dei filius solus potuit nos      | Inhumanitas in egenos fugienda         |
| Deo reconciliare 30                    | ab eo q a deo vult exaudiri 496        |
| Iesus quid significet 32               | Iniuria remittenda ab eo, qui          |
| Iesus Christus, Rex, sacerdos,         | vult vt Deus sibi ignoscat 495         |
| & propheta supremus 33                 | Iniuriarum obliuionem a nobis          |
| Iesus filius Dei & verus Deus 35       | requirit Deus 561                      |
| Incaratio verbi 40                     | Iniurias condonare nolentes, in        |
| Incarationis mysterium non             | quz incommoda incidant 432             |
| vna persona confecit 41                | Remedia ad deponendas iniurias         |
| Incarationis verbi opus, quare         | 433                                    |
| spiritui scto peculiari quadam         | Iniurias remittendi voluntas           |
| ratione tribuitur 41                   | sufficit reclamantibus corrupte        |
| Incarationis mysterio quedam           | naturæ appetitionibus 563              |
| supra naturæ ordinem, quædã            | Iniurias nõ obliuisci in animo         |
| naturæ vi effeda 42                    | habentes vti debent hac precationis    |
| Mirabilia quæ in verbi incarnatione    | cõditione, dimitte nobis               |
| acciderunt 42                          | debita nra, sicut & nos 565            |
| Simul Christi corpus formatum          | Inimicis parcendum, si volumus         |
| atq; animatũ, & corpori & animæ        | nobis peccata dimitti 562              |
| diuinitas coniuncta 42                 | Inimici diligendi 562                  |
| Anima Christi vberissimam spiritus     | Inimicis non parentes quida            |
| sancti copiam accepit 43               | Deo perere debeant 564                 |
| Christus non est filius Dei adoptione, | Inimici inuisibiles 568                |
| sed naturæ 43                          | Instrumenta quibus queritur &          |
| Maria virgo vera Christi mater         | inuenitur regnum Dei 521               |
| 44                                     | Interpretatio Cypriani verborũ,        |
| Maria Euae respondet 45                | sicut in celo & in terra 539           |
| Incarationis Iesu Christi mysterium    | Interpretatio huius vocis, Amen,       |
| quãto pietatis studio recolendum 47    | 586                                    |
| Ieiunũ orationi sociandũ 501           | Iudicium finale 78                     |
| Imagines venerari vt Deum, prohibitum  | Tria Christi officia ad suam ecclesiam |
| est 375                                | decorandam 78                          |
| Imagines in ecclesia habere non        | Dies Domini Christi aduentus           |
| solum licet, sed maximo fidelium       | nouissimus dicitur 78                  |
| bono factum est 378                    | Quare Christus ad iudicandum           |
| Ad imaginem sanctorum cum              | uenturus 78                            |
| quis oratione dominicã enunciat,       | Duplex Christi ad nos aduentus         |
| quid sentiendum 494                    | 78                                     |
| Incommoda omnia quo animo ferenda      | Iudicij generalis necessitas 81        |
| 585                                    | Iudex omnium Christus quare            |
| Indignari nõ debem⁹ cũ nostras         | futurus 82                             |
| preces non exaudit Deus 585            | Iudicium precedentia signa 83          |
| Indigentiam habemus externarum         | Iudicij forma, & ratio 83              |
| rerum ad victum vitæque excolendam     | Iudicantis Christi sententia &         |
| 542                                    | verba 83                               |
| Infelicitas hominis quo modo cognosci  | Iudicij vniuersalis articulus quã      |
| possit 522                             | utilis 84                              |
| Inferni significatio 62                | Iudicia forensia iure & ex legibus     |
| Ingratitudo hoĩum erga Deũ 571         | administranda 452                      |
|  | Iustificari non potest qui nõ est      |
|  | paratus                                |

Apparatus ad omnia Dei præcepta seruanda 364  
 Iustitia originalis supra naturæ facultatē homini a Deo data 27  
 Iurandi lex quæ iubeat, & quæ prohibeat 385  
 Iurandi frequens usus minime laudandus 387  
 Iurare quid 388  
 Iurare per creaturas, iusiurandum est 388  
 Iusiurandum per execrationē 389  
 Iusiurandum assertorium & promissorium 389  
 Iusiurandum ut rectum sanctūque sit, quæ requiruntur 390  
 Iuraturus quæ considerare debet 390  
 Iusiurandum non exigitur a pueris ante pubertatem 391  
 Iustificatio ipsi, magnū opus 114  
 Iustificatur impius per sacramenta tanquam per instrumenta 113  
 Iustitia maxime in promissis requiritur 391  
 Iurando peccat qui iniustum aliquid promittit 391  
 Iurare cui non liceat 391  
 Iusiurandum quando sit laudabile 392  
 Iusiurandum a fide originem ducit 392  
 Iusiurandum ad quem finem tendere oporteat 392  
 Quodnam iusiurandum a Christo prohibeatur 393  
 Iurandi necessitas excusationem habet 393  
 Iurandi nimia consuetudo multa mala parit 393  
 Graui peccato se adstringit, qui temere iurat 394  
 Iurare falsum, prohibitum est secundo præcepto 394  
 Iurare falsum, est peierare, & quorū modis peierāt hoīes 394  
 Iurandi præcepto quare minime adiuncta 397  
 Summa hominum procliuitas ad peierandum 397

Propter periurium diuersis supplicijs affligimur 397

L

**L**ACRYMÆ in penitentiā summo opere optandæ 377  
 Lex naturæ a lege scripta non diuersa 361  
 Lex in decalogo contenta non est noua lex, sed naturæ lex illustrata 361  
 Legis iussa difficultatem nō habent 363  
 Legi obtemperandum 363  
 Legis obseruantie fructus 364  
 Ad legem obseruandam propensiores nos reddit, scire Deum esse dominum nostrum 370  
 Lex omnis ad præcepta seruanda homines præmio, aut poena inducit 370  
 Legis seruandæ modus & ratio 383  
 Lege non concupiscendi præscripta quid a Deo promissum sit 468  
 Lex Dei intimo animi sensu seruanda 470  
 Differentia inter diuinas & humanas leges 470  
 Lex diuina quasi speculū quoddam est, in quo naturæ nostræ initia intuemur 470  
 Loquacitas uitanda 466  
 Liberum arbitrium homini datum 27  
 Lingue uitiū cōmunissimū 455  
 Loquacitas in oratione prohibetur non longæ præces 300  
 Lucris honestis tranquillitas inest 347  

M

**M**ALA cum patimur, ad Dei auxilium confugimus 379  
 Malorum omnium liberationē non petimus 382  
 Mala quædam, quæ communiter mala putantur, sunt tamen fructuosa 382  
 Mala illa deprecamur, quæ nullam animæ utilitatem afferre possunt 382  
 A quibus malis liberari petendum



|  |     |  |     |
|--|-----|--|-----|
| dam sit  | 583 | matrimonium coniungendū  | 343 |
| Mala quæ in nos a proximis proficiscuntur, dæmoni assignanda                   | 584 | satis esse non potest  | 343 |
| Malorum liberatio a Deo impetranda   | 579 | Matrimonium non contrahitur per uerba futurum tempus significantia                     | 344 |
| Mala animæ & corporis deprecari debemus  | 553 | Verborum loco in matrimonio nutus & signa sufficiunt                                   | 344 |
| Maria Dei & hominis mater uere & propriè dicitur                               | 42  | Præter consensum ut uerum matrimonium existat, cœcubitus necessarius non requiritur    | 345 |
| Maria uere mater Dei quare   | 42  | Matrimonij duplex ratio, ut est in officium naturæ, & ut est sacramentum               | 345 |
| Mariæ perpetua & incorrupta uirginitas   | 44  | Matrimonium, ut est officium naturæ, a Deo institutum                                  | 346 |
| Mariæ in partu spiritus sanctus affuit   | 44  | Matrimonium indissolubile  | 346 |
| Maria cum Eua confertur  | 45  | Matrimonium quibus causis institutum   | 347 |
| Maria ex regibus orta  | 44  | Matrimonij natura ut sacramentum est   | 348 |
| Mariæ felicitatem gratulamur, cum eam angelica salutatione salutamus           | 492 | Matrimonium quid significet  | 349 |
| Mariam iure oramus, ut nobis peccatoribus ueniam suam intercessionem conciliet | 492 | Matrimonium sacramentum esse, & unum de septem legis euangelicæ sacramentis            | 349 |
| Maria mater misericordiæ   | 492 | Matrimonij sacramentum a Christo institutum  | 349 |
| Maria aduocata nostra  | 492 | Matrimonium gratiam significat & tribuit   | 350 |
| Mariæ merita apud Deum præstantissima  | 493 | Matrimonij sacramentum quantum præstet matrimonijs ante legem                          | 350 |
| Mariæ summa uoluntas adiuuandi humanum genus                                   | 591 | Matrimonia Iudæorum  | 351 |
| Maledictio qua condēnatus est homo post Adæ peccatum                           | 543 | Quare antiqui patres plures simul uxores dicerent                                      | 351 |
| Materia sacramenti Eucharistiæ duplex  | 218 | Libellus repudij quare in lege Moysi concessus   | 351 |
| Materia sacramenti penitentiæ  | 433 | Matrimonium duorum tantum & non plurium coniunctione definitur                         | 351 |
| Materia sacramenti extremæ unctionis   | 311 | Infidelis ad ueram religionem conuersus primam, ceteris relictis, pro uxore habeat     | 352 |
| Matrimonium unde dictum  | 342 | Matrimonij uinculum nullo diuortio dissolui potest                                     | 352 |
| Matrimonij sacramentum uarijs nominibus appellatum                             | 342 | Matrimonium dissolui non potest se utilissimum est                                     | 353 |
| Matrimonij differentia & eius declaratio                                       | 342 | Fidelium cōiugia perfectione & nobilitate gentiliū & Iudæorum matrimonij longe præstāt | 354 |
| Matrimonium inire nō possunt qui legibus a matrimonij consortio excluduntur    | 243 | Matrimonij bona tria   | 354 |
| Matrimonij uis & natura in quo consistit                                       | 343 |  |     |
| Cōsensus matrimonium efficit   | 343 |  |     |
| Consensus uerbis, quæ præfens tempus significant, exprimitur                   | 343 |  |     |
| Consensus alterius tantum ad   |     |  |     |

|  |     |  |     |
|--|-----|--|-----|
| Matrimonia clandestina neque<br>vera neque rata esse                   | 357 | to clariorem reddit  | 304 |
| Matrimonij impedimenta   | 357 | Merendi ampla occasio, patien-<br>ti animo labores & incommo-<br>da ferre                                | 306 |
| Matrimonij contrahentes quo<br>modo affecti esse debeant               | 358 | Merentur opera nostra exaudi-<br>ri per meritum Christi  | 301 |
| Matrimonij vs <sup>9</sup> esse debeat                                 | 358 | Mereri possumus cum diuina<br>gratia vitam æternam   | 305 |
| A matrimonij officio interdum<br>orandi causa abstinendū               | 359 | Minister sacramenti baptismit<br>proprius  | 171 |
| Mœchia prohibitum est præ-<br>cepto sexto                              | 434 | Ministorum baptismit ordo qui<br>seruandus est   | 175 |
| Mœchia quare post homicidiū<br>prohibeatur                             | 434 | Minister proprius sacramenti<br>confirmationis   | 206 |
| Præceptum de mœchia quibus<br>verbis tractandum                        | 434 | Ministrum confessionis scien-<br>tia & prudentia præditum esse<br>oportet                                | 293 |
| Mœchiæ præcepti duplex vis   | 435 | Ministri sacrificium facientes<br>Christi personā suscipiūt  | 258 |
| Medicina a deo hoībus data   | 381 | Miseriæ humanæ causæ   | 322 |
| In medicinæ remedijs quo mo-<br>do spes ponenda                        | 381 | Miseriæ hominis propter pec-<br>catum primi parentis   | 330 |
| Meditationes de Xpi passione   | 33  | Miseria summa humani generis<br>quæ mala sunt nō vt mala iu-<br>dicare                                   | 332 |
| Mendacium plenissimum im-<br>pietatis                                  | 461 | Miseriæ hominum vnde   | 335 |
| Mendacio fallere ioco, & officij<br>causa indignum est                 | 461 | Misæ sacrificium idem cum eo<br>quod in cruce oblatū est   | 258 |
| Mendacij summa miseria & tur-<br>pitudine                              | 464 | Misæ sacrificium non est nuda<br>compensatio sacrificij in<br>cruce peracti, sed vere propi-<br>tatorium | 259 |
| Mendacij pater Dæmon   | 464 | Misæ sacrificium pro mortuis<br>offertur, & illis prodest  | 259 |
| Mendaciū quæ mala consequun-<br>tur                                    | 464 | Misæ sacrificium propitiatori-<br>um sacrificium   | 259 |
| Mendacij vitium est fere insana-<br>bile                               | 465 | Misæ sacrificium pro mortuis<br>offertur & illis prodest   | 259 |
| Mendacij vitium latissime pa-<br>tet                                   | 465 | Misæ oēs cōmunes dicendæ   | 259 |
| Mendacia excusare, error   | 466 | Misæ ritus non sunt inanes, &<br>superuacanei  | 260 |
| Mendacio nemo studeat  | 468 | Cur Christus in ligno mortem<br>perpeffus  | 49  |
| Mēs bona a Deo postulāda   | 347 | Christus vere mortuus & sepul-<br>tus  | 1   |
| Meritum nostrum diuina gra-<br>tia adiuuatur                           | 304 | Christus locum, modum & tē-<br>pus suæ mortis elegit   | 52  |
| Meritis paria redduntur præ-<br>mia in cælis                           | 137 | Anima Christi quo ad inferio-<br>rem partem cruciata   | 48  |
| Meretur fructum passionis qui<br>sacrificium Eucharistiæ offe-<br>runt | 256 | Mulier quare ex altere viri for-<br>mata   |     |
| Meritum præmij gloriæ immor-<br>talis operibus nostris tribui-<br>tur  | 304 |  |     |
| Meritum operum nostrorum ex<br>merito passionis Christi pen-<br>det    | 304 |  |     |
| Meritum nostrum non obscu-<br>rat Christi passionem, sed mul-          |     |  |     |

|   |     |  |     |
|---|-----|--|-----|
| mata non ex pedibus, aut ex ca<br>pite  | 356 | Pro quibus orandum   | 496 |
| Mulier nro subdita sit  | 356 | Orandi sancti, & qua ratione<br>ut nostri misereantur                                      | 493 |
| Mulier libenter se domi conti-<br>neat  | 356 | Orandi ratio   | 498 |
|   |     | Orandum est in spiritu & veri-<br>tate   | 498 |
| <b>N</b>  |     | Orandi in spiritu consuetudi-<br>nem infideles nō habent                                   | 499 |
| <b>NATVRAE</b> rationis exper-<br>tes in eo statu & cōditione,<br>qua creati sunt, māserunt | 330 | Orandū in nomine Christi   | 501 |
| Necessitate nostrā cognita, ad pa-<br>trem adire cogimur                                    | 344 | Orandus Deus, cū proximis nos<br>lædat, quo modo   | 384 |
| Necessitati nostræ quæ supersūt,<br>cum alijs communicanda                                  | 349 | Orātes Deo honorē habemus  | 481 |
| Nequitia carnis & spiritus  | 368 | Oranti maiestas diuina sit pro-<br>pior  | 386 |
| Noia imponenda baptizatis   | 197 | Orantes cum Deo colloquuntur   | 386 |
| Nomina gentiliū imponētes ba-<br>ptizatis reprehenduntur                                    | 197 | Orantiū fructus & munera   | 386 |
| Nomen Dei Tetragrammaton nō<br>pronunciare, inanis est super-<br>stitio                     | 385 | Orare sicut oportet debemus, &<br>qui non sic orant  | 341 |
| Nomina Deo imposita   | 385 | Multi sūt gradus petēdi aliquid<br>a Deo, & gratias agendi                                 | 486 |
| Nomini diuino quam uerus ho-<br>nor attribuitur   | 386 | Modus precandi uocem effundē-<br>do  | 486 |
| Nomé clerici unde deductū   | 327 | Quos peccatores in oratione De-<br>us exaudiat & iuuat                                     | 487 |
| Nomen Dei quo modo sanctifi-<br>cari petatur  | 316 | Petenda a Deo quæ  | 488 |
| Nomen Dei sanctum & terribile<br>sanctificatione non eget                                   | 316 | Quid sit sine adiunctione peten-<br>dum  | 490 |
| Nomen Dei quo modo sanctifi-<br>catur in omnibus  | 317 | Execrationes sanctorum in im-<br>pios sunt prædictiones                                    | 492 |
| Nomen Dei re, non uerbis tantū<br>sanctificandum  | 319 | Oratio ad Deū necessaria   | 479 |
| Nota certa iudicandi quæ sit pra-<br>ua, quæ recta petitio                                  | 342 | Christus i orōne pnoctabat   | 479 |
| <b>O</b>  |     | Orationis utilitas & fructus   | 480 |
| <b>O B E D I R E</b> debent omnia di-<br>uina uoluntati                                     | 340 | Oratio est quoddam religionis<br>argumentum  | 481 |
| Obtrectatio uitā pessimū  | 459 | Observatio legis necessaria ad sa-<br>lutem  | 364 |
| Obtrectatorū multa genera   | 460 | Omnis doctrinæ ratio, fidelibus<br>tradenda, in scripturam & tra-<br>ditionem distribuitur | 8   |
| Odiū Dæmonum in nos inhi-<br>tum  | 369 | Opibus cū gratia Dei factis diui-<br>ne legi satisfacere possumus                          | 305 |
| Officium Parochi, quod audito-<br>ribus præstare debet                                      | 341 | Operibus nostris uitam æternā<br>consequi possumus   | 305 |
| Opus redimendi hominum ge-<br>nus eminet inter opera guber-<br>nationis & creationis        | 307 | Opera, quæ sine fide & charitate<br>hūi, grata esse nō possunt                             | 305 |
| Operibus regnū Dei cōparat  | 319 | Oratione Deo subiectos nos esse<br>prophitemur   | 481 |
| Orandus primo Deus, deinde san-<br>cti  | 493 | Oratio est cæli clauis   | 481 |
| Orandi optimus modus  | 485 | Orationis usus, & utilitas   | 481 |
|   |     | Oratio   |     |

|   |     |
|---|-----|
| Oratio quib <sup>9</sup> partibus cōstet                                    | 485 |
| Orōnis partes præcipue duę  | 485 |
| Oratio eorum qui nondum fidei lucem acceperunt                              | 487 |
| Oratio quorum non exaudiatur a Deo  | 489 |
| Orationes pro impijs factę  | 491 |
| Orationes pro mortuis in purgatorio ab Apostolis fluxere                    | 491 |
| Orationes pro peccantibus ad mortem non proficiunt                          | 491 |
| Orationē dominicani ante imagines sanctorum pronuntians quid sentire debeat | 494 |
| Oratio humilis  | 494 |
| Orationis præparatio  | 494 |
| In orōne q uult exaudiri, a quibus ei scelerib <sup>9</sup> abstinendū      | 495 |
| Orationē nostrā facit execrabile contemptus diuinę legis                    | 496 |
| Oratio dubitationem nō admittit   | 496 |
| Oratio mentalis uocalem non excludit  | 499 |
| Oratio mentalis principem locū tenet  | 499 |
| Orationis uocalis propria utilitas & necessitas                             | 499 |
| Oratio priuata & publica  | 499 |
| Orōnis dominicę expositio   | 502 |
| Orationis pro altero facta oranti prodest                                   | 511 |
| Oratio ne inanis sit, quid requirat   | 514 |
| Orationes sunt arma contra satanam  | 576 |
| Orationes in principio timoris plene, in fine exultationis                  | 588 |
| Ordo seruandus in oratione  | 579 |
| Ordo quid   | 325 |
| Ordinis sacramētū multos habet gradus & uarias fūctiones                    | 325 |
| Ordo sacer inter ecclesię sacramēta quare enumerandus                       | 325 |
| Ordo sacer characterem imprimat   | 326 |
| Ordines septem  | 326 |
| Ordines maiores & minores   | 327 |
| Prima confusa   | 326 |
| Quo ostiarij, munus   | 328 |

|   |     |
|---|-----|
| Ordo lectoris, officium   | 329 |
| Ordo exorcistarum, munus  | 328 |
| Ordo acolytorum, munus  | 329 |
| Ordo subdiaconi, officium   | 330 |
| Ordinibus sacris lex perpetua continentię imponitur               | 330 |
| Ordo diaconi, munus   | 331 |
| Ordo sacerdotij   | 338 |
| Ordines sacri quibus sint dandi                                   | 337 |
| Opera nostra ex Christi gratia merentur                           | 305 |
| Ordines sacri sunt statis diebus, quibus etiam ieiunia indicuntur | 338 |
| Ordinādi prius sacramēto penitentię conscientia purgetur          | 338 |
| Ordinis sacramentum pueris & furiosis non conferendū              | 339 |
| Qui etatis annus in singulis ordinibus expectandus                | 339 |
| Ordinis sacramentum gratiam confert                               | 340 |
| Ordinis sacramentum characterem imprimat                          | 340 |
| Originalis iustitię donū hominib <sup>9</sup> datum               | 27  |

P

|  |     |
|--|-----|
| PANIS nomine multa in diuinis litteris significari                         | 545 |
| Panem petendo quid a Deo petamus   | 546 |
| Panis ad necessitatem, non ad luxuriam petendus                            | 546 |
| Panis a nobis iure acquirendus, non iniuria, uel fraude                    | 547 |
| Panis quare quotidianus appellatus   | 548 |
| Panis assidue a Deo petendus quare   | 552 |
| Panem quotidianum quo modo diuites petere debeant                          | 548 |
| Panis spiritualis, petendus  | 549 |
| Panis spiritualis qd significet  | 550 |
| Panis, qui Christus est, increduli letitia perfundit piorum animos         | 551 |
| Panis noster substantialis Christus in Eucharistia sacramentato continetur | 551 |



# I N D E X

|   |          |   |     |
|---|----------|---|-----|
| Passionis Christi mysteriū ma-<br>xime Dei potentiam & beni-<br>gnitatem ostendit | 553      | Adam ad nos permanuit   | 29  |
| Passionis Christi; tempus quare<br>obseruatur                                     | 49       | Peccata quādam remitti non pos-<br>se, quō modo intelligatur                                | 271 |
| Anima Christi, quō ad inferio-<br>rem partem, cruciata                            | 48       | Peccata cognitionis confiteri<br>debemus  | 289 |
| Passionis Christi causa   | 55       | Peccata diligenter peruestigan-<br>da   | 297 |
| Passus est Christus penas gra-<br>uissimas  | 56       | Peccatum, cōsequuntur duo   | 300 |
| Passiones Christi acerbiores, quā<br>sanctorum                                    | 57       | Peccati fomes   | 470 |
| Passio Christi quare commoda no-<br>bis conferat                                  | 58       | Peccatum & peccati fomes ubi<br>habitet   | 533 |
| Passio Christi nobis ueniam pec-<br>catorum impetrat                              | 59       | Peccatorū nostrorum immanita-<br>re auersus a nobis Deus operi-<br>bus nostris nō benedicit | 543 |
| A passione Christi omnis satisfā-<br>ctionis uis & ratio fluxit                   | 59       | Peccato omnes addictos esse   | 554 |
| Pastorum ecclesiæ uerba tamquā<br>Dei uerba recipienda                            | 2        | Peccatorum recognitio qualis ef-<br>se debet  | 555 |
| Patris uox qd i Deo significet  | 18       | Peccatorum turpitudine  | 555 |
| Pater quare dicatur prima per-<br>sona in diuinis                                 | 20       | Peccati pestis  | 555 |
| Parentum honor  | 411      | Peccatum, etsi eius actio transie-<br>rit, macula tamē, & reatu per-<br>manet               | 557 |
| Patris nomine qui uocentur  | 414      | Peccatum semper insequitur ira<br>Dei   | 557 |
| Patres cuiuscunq; generis a no-<br>bis honorandi                                  | 414. 419 | Peccatorum dolor & sensus quā<br>sit necessarius  | 557 |
| Parentum officia erga filios  | 421      | Peccata penitentibus condona-<br>re semper promptus est & pā-<br>ratus Deus                 | 558 |
| Parentes nimiam seueritatem &<br>indulgentiam fugiant                             | 422      | Peccatis Deus offenditur  | 556 |
| Pater quare in principio oratio-<br>nis positum                                   | 502      | Peccata quare debita dicantur   | 559 |
| Pater omnium Deus   | 503      | Peccatorū remissionem petentes<br>exultatione non utimur                                    | 560 |
| Patrini baptizandorum   | 173      | Peccata sine Dei auxilio uitare<br>non possumus   | 537 |
| Patrini quare adiuncti ad bap-<br>tismi præter sacramenti mi-<br>nistros          | 173      | Peierat is qui iurando iusticiam<br>deserit   | 395 |
| Patrinorum affinitas cum qui-<br>bus contrahitur                                  | 174      | Peierare uarijs modis solemus   | 395 |
| Patrini partes  | 174      | Summa hominū procliuitas ad<br>peierandum   | 397 |
| Quibus non liceat baptizandos<br>inspicere  | 176      | Prophete falsi exierūt in mūdū  | 3   |
| Patrinus quare ad confirmatio-<br>nem uocetur                                     | 206      | Prophetarum falsorum impie-<br>tas quam longe sit progressa                                 | 3   |
| Patrini confirmationis quam af-<br>finitatem contrahant                           | 206      | Purgatorius ignis ante Christi<br>aduentum  | 61  |
| Patroni causarum officia  | 463      | Propter periurium diuersis sup-<br>plicijs affligimur                                       | 397 |
| Patriarcharum gradus  | 336      | Pœnz grauissimæ quas Christus<br>perpessus est  | 56  |
| Patriarchæ quattuor   | 336      |   |     |
| Peccatum, & peccati pœna ex   |          |   |     |

|                                  |         |                                      |     |
|----------------------------------|---------|--------------------------------------|-----|
| Pœnæ postulâda est liberatio     | 579     | iro potestatem habet                 | 100 |
| Pœnitentiæ necessitas            | 111     | Pericula in quibus assidue ver-      |     |
| Pœnitentiæ usu carere, plurima   |         | samur, ante oculos ponenda           |     |
| damna affert                     | 159     |                                      | 567 |
| Pœnitentiæ sacramentum est ne-   |         | Permissio in Deo quo modo in-        |     |
| cessarium                        | 261     | telligatur                           | 574 |
| Pœnitentia reieterari debet      | 261     | Personarum diuinarum proprie-        |     |
| Pœnitentia secunda naufragij ta- |         | tates                                | 20  |
| bula                             | 261     | Persona prima in diuinis quare       |     |
| Pœnitentiæ varia notio, & po-    |         | pater dicatur                        | 20  |
| testas                           | 261     | Quæ ad diuinas personas perti-       |     |
| Pœnitentia multiplex             | 262     | nent subtilius exquirere non         |     |
| Pœnitere Deum, per translatio-   |         | oportet                              | 20  |
| nem dicimus                      | 262     | Petitores & accusatores quo mo-      |     |
| Pœnitentiæ variæ significatio-   |         | do sint monendi                      | 464 |
| nes in quo differant             | 262     | Petere quid primum a Deo de-         |     |
| Pœnitentiâ fides antecedat       | 263     | beamus                               | 515 |
| Pœnitentia intima quare sit uir- |         | Petere regnum Dei non satis est      |     |
| tus                              | 264     | ad illud acquirendum                 | 521 |
| Pœnitens uere quid sibi propo-   |         | Petere ut Deus nostris cupidita-     |     |
| nat                              | 264     | tibus non satisfaciatur, diffici-    |     |
| Quibus gradibus ad pœnitentiâ    |         | lius animum inducimus                | 536 |
| licer ascendere                  | 264     | Petere non debemus abundantē         |     |
| Pœnitentiæ regnum celorum sa-    |         | & exquisitâ copiâ ciborū             | 546 |
| cræ literæ pollicentur           | 265     | Petere subsidia rerum humana-        |     |
| Pœnitentia exterior est sacramē- |         | rum a Deo possumus                   | 545 |
| tum                              | 265     | Petere nō sibi, sed omnib⁹, est pro- |     |
| Pœnitentiæ sacramentum quare     |         | priū Christianæ charitatis           | 549 |
| Deus instituerit                 | 266     | Petere dimitti debita, quid sibi     |     |
| Pœnitentiæ sacramenti materia    |         | uelit                                | 553 |
| & forma                          | 267.268 | Petere non debemus ut omnino         |     |
| Pœnitentiæ ceremoniæ & ritus     | 269     | non tentemur                         | 574 |
| Pœnitentiæ sacramenti fructus    | 270     | Petere non debemus, omnino ab        |     |
| Pœnitentia nos in Dei gratiam    |         | omnibus malis liberari               | 582 |
| restituit                        | 270     | Petere debemus, ut Domini ma-        |     |
| Pœnitentiæ partes integrales     | 272     | nus cibos suppediet                  | 549 |
| Pœnitentia quare ex partibus     |         | In petendis his quæ ad usum re-      |     |
| constet                          | 272     | rum terrenarum pertinet, ani-        |     |
| Pœnitentia publica quare publi-  |         | mus ad Dei præscriptionem            |     |
| co peccato indicatur             | 302     | intendatur                           | 541 |
| In pœnitentia duo animaduер-     |         | Petentibus pijs hominibus si         |     |
| tenda                            | 303     | quid negat Deus, argumentū           |     |
| Pœnitentiæ pœna a nobis susce-   |         | est id eis utile non fuisse          | 585 |
| pta Dei animaduersionem an-      |         | Petitio de regno Dei cum om-         |     |
| teuerit                          | 304     | nibus coniungenda & separa-          |     |
| Petrus summus pontifex, & ca-    |         | tim facienda                         | 522 |
| put omnium apostolorum           | 100     | Petitio, fiat uoluntas tua, quem     |     |
| Petrus a Christo caput Ecclesiæ  |         | ordinem habeat                       | 530 |
| constitutus                      | 101     | Petitiones quibus corporis &         |     |
| Petri successor eandem cum Pe-   |         | animæ subsidia petuntur              | 541 |

# I N D E X

|  |     |  |                |
|--|-----|--|----------------|
| Philosophia Christiana a seculari sapientia quid differat  | 14  | Preces cum non audiat Deus, in dignari non debemus   | 585            |
| Philosophi qd de Deo sēserint  | 15  | Preces, quæ in litanijis fiunt, quare institutæ      | 583            |
| Pontifex romanus catholicæ ecclesiæ pontifex   | 336 | Pretium crucis Christi quæti sit                     | 559            |
| Pōtifici romano sūma dignitas & iurisdicctio diuinitus data  | 336 | Prædicatio diuini uerbi numquam intermittenda        | 3              |
| Pontifex romanus moderator uniuersalis Ecclesiæ, Petri successor, & Christi uerus & legitimus Vicarius | 337 | Prædicare non debet aliquis nisi mittatur            | 2              |
| Postulatio de regno Dei magnâ uis donorum & copiâ cōtinēt  | 520 | Prædicatio uerbi Dei fidem nobis acquirit            | 1              |
| Postulatio dimittendi debita de quibus intelligatur  | 559 | Prædicantium uerbum Dei auctoritas                   | 2              |
| Precactione dominica singuli quodidie uti debent   | 549 | Premia uictoribus poposita                           | 577            |
| Precales omnes ecclesiæ nomine precantur   | 563 | Preparatio ad orationem in quo consistat             | 494            |
| Decem præcepta ex duobus pendunt   | 360 | Preparatio ante communionem qualis & quàm necessaria | 246            |
| Præceptum primū decalogi   | 366 | Preparatio ad communionē requirit ut ieiuni accedam⁹ | 249            |
| Præceptorum ordinis ratio  | 370 | Pronidentia Dei erga homines                         | 503. 521. 524. |
| Præceptum duplex continetur in uerbis primi præcepti   | 370 | Proximus qui   | 457            |
| Præceptum omnium primum & maximum  | 371 | Pudicitia & continentia omni studio colenda          | 456            |
| Præcepti primi transgressores  | 371 | Purgatorius ignis                                    | 61             |
| Præcepto primo non prohibetur ars sculpendi, pingendi, & fingendi                                      | 376 | R  |                |
| Præceptum primum quare a secundo separatur   | 384 | RAPINAE & quot earum genera                          | 443. 445       |
| Præcepti secundi lex quid prohibeat, & quid iubeat   | 384 | Ratio impetrandi quod a Deo petimus.                 | 528            |
| Præcepti de diligendis parentibus usus latissime patet   | 411 | Redempcionis pondere quid acceperimus                | 507            |
| Præcepta decalogi duabus tabulis incisa, & quare   | 412 | Regnum celeste                                       | 520            |
| Præceptū de diligendis parentibus quare matrem explicet  | 415 | Regnum Dei ante omnia postulandum                    | 520            |
| Præcepta ultima duo quare simul coniuncta  | 468 | Regni Dei postulatio magnam donorum uini continet    | 521            |
| Præceptorum duorum ultimorum duplex necessitas   | 469 | Regni Dei multæ significationes                      | 523            |
| Preces Deo assidue faciendæ  | 501 | Regnum Christi non est de hoc mundo                  | 524            |
| Preces etiam pro proximis faciendæ   | 560 | Regnum Dei quid sit                                  | 524            |
| Preces Christianorum & infidelium in quo differant   | 580 | Regnum Dei intra nos                                 | 524            |
|  |     | Regnum Christi quare iusticia dicatur                | 525            |
|  |     | Regnū gratia Dei i quibus sit                        | 525            |
|  |     | Regnum gloriæ Dei quid                               | 525            |
|  |     | Regnum gratiæ prius ponendū, quam gloria             | 525            |

|   |     |  |     |
|---|-----|--|-----|
| Regnū Christi q̄ est ecclesia   | 526 | Resurrectionis spiritualis signa   | 97  |
| Regni ecclesie propagatio   | 526 | Resurrectionis mortuorum fides   | 117 |
| Regnum Dei quo modo ueniat<br>in peccatores   | 527 | Resurrectio hominis quare re-<br>surrectio carnis dicatur                        | 118 |
| Regnum Christi quo modo pe-<br>tatur  | 527 | Resurrectio carnis exemplis & te-<br>stimonijs comprobatur                       | 118 |
| Regni celorum excellentia   | 528 | Resurgentiū uaria conditio   | 121 |
| Regni celorū consequēdi admi-<br>nicula a Deo nobis cōcessa                                   | 541 | Resurrecturi, omnes morituri<br>sunt nemine excepto                              | 122 |
| Regnum celorum ingredi cu-<br>pientes potere debēt a Deo, ut<br>fiat uoluntas eius            | 530 | Resurgent corpora nostra im-<br>mortalia   | 125 |
| Remedia ad diuersas noxias cu-<br>piditates   | 476 | Resurrectio mortuorū probat  | 121 |
| Remedia agrotantis animæ, pæ-<br>nitentia, & Eucharistia                                      | 565 | Eorum qui resurgent dotes  | 126 |
| Remissio peccatorum in ecclesia<br>reperitur  | 111 | Ex resurrectionis articulo qui<br>fructus capiantur                              | 127 |
| Remissionis peccatorum bene-<br>ficiū quantō studio sit susci-<br>piendum                     | 116 | S  |     |
| Remittendi peccata potestatem<br>Christus episcopis & sacerdo-<br>tibus in Ecclesia concessit | 115 | SABBATHI celebritas qua-<br>re in sacris litteris sepiissime<br>præcipitur       | 399 |
| Peccata nostra Christi sangui-<br>ne remittuntur  | 115 | Sabbathum quid significet  | 402 |
| Remissionē peccatorū nemo sine<br>pœnitentia consequitur                                      | 271 | Sabbathi sanctificatio quid  | 403 |
| Remissa culpa, non semper pœ-<br>na quæ peccato debetur, con-<br>donatur                      | 300 | Sabbathum quare Domino con-<br>secratum  | 404 |
| Quare pœna omnis in pœniten-<br>tiæ sacramento aque ac in ba-<br>ptismo non remittitur        | 301 | Sabbathum signum fuit  | 404 |
| Restitutio pœnitenti est necessa-<br>ria  | 380 | Sabbathum celeste  | 405 |
| Qui cogēdi sunt ut restituant   | 308 | Sabbathum quare in diem Do-<br>minicum translatum                                | 405 |
| Restitutionis definitio   | 449 | Sabbathum qua ratione colen-<br>dum  | 406 |
| Resurrectio Christi, & de eius<br>glorioso mysterio   | 64  | Sacerdotibus solis data est facul-<br>tas sacramentum eucharistiæ<br>conficiendi | 254 |
| Christ⁹ sua uirtute resurrexit  | 65  | Sacerdotes quando Christus in-<br>stituerit                                      | 257 |
| Resurrectionis beneficio Christ⁹<br>primus omniū est affectus                                 | 66  | Sacerdos silentio peccata in con-<br>fessione audita cōprimat                    | 294 |
| Resurrexissē Christum tertia die<br>quo modo intelligatur                                     | 66  | Sacerdotes Dij & angeli uocāt  | 320 |
| Resurrectionis Christi mysteri-<br>um maxime necessarium                                      | 68  | Sacerdotes noui testamenti ce-<br>teris omnib⁹ præstantiores                     | 321 |
| Resurrectionis Christi finis  | 68  | Sacerdotū potestas maxima  | 321 |
| Resurrectio Christi quæ nobis<br>exempla sumēda proponat                                      | 70  | Sacris initiandi quem finem sibi<br>præponere debent                             | 323 |
|   |     | Sacerdotes mercenarij  | 322 |
|   |     | Sacerdotes per os solum ecclesiæ<br>ingredientes                                 | 322 |
|   |     | Sacerdotes in omni lege  | 324 |
|   |     | Sacerdoti ab episcopo quādo po-<br>testas tradatur                               | 326 |
|   |     | In sacerdotibus ordinandis ceri-<br>monie  |     |



|   |     |   |     |
|---|-----|---|-----|
| monia   | 334 | ratio constare non potest   | 149 |
| Sacerdotalis ordo tamen vnus  |     | Sacramentorum ceremoniarum sine   |     |
| est, varios tamen & dignitatis  |     | peccata prætermitti non pos-  |     |
| & potestatis gradus habet   | 335 | sunt  | 149 |
| Sacerdotes simplices  | 335 | Sacramentorum ceremoniarum si omittuntur, nihil reuera de sacramenti ratione minuitur             | 150 |
| Quid in eo, qui sacerdos creandus est, requirendum  | 337 | Sacramenta quare sollemnibus ceremonijs ministrantur  | 150 |
| Sacerdos quam cognitionem habere debeat   | 338 | Sacramentorum numerus   | 150 |
| Sacerdotis duo munera   | 338 | Sacramentorum differentia inter se  | 151 |
| Sacerdotij nobilitas & excellentia  | 320 | Sacramentorum auctor Christus   | 153 |
| Sacerdotij onus nemini tenere imponendum  | 321 | Sacramenta quare per homines deus ministrari voluerit   | 153 |
| Qui ad sacerdotium vocari dicantur  | 321 | Sacramentorum ministri Christi personam gerunt  | 153 |
| Sacerdotij potestas duplex  | 324 | Sacramenta nouæ legis impura conscientia ministrare quâ punitiosum sit ipsis ministris            | 154 |
| Sacerdotij legis evangelicæ potestas plurimum præstat sacerdoti legis naturæ scriptæ      | 325 | Sacramentorum effectus  | 155 |
| Sacerdotij evangelici potestas a Christo ortum habet                                      | 325 | Sacramenta gratiam iustificantem conferunt  | 155 |
| Sacerdotij munus  | 334 | Sacramentorum nouæ legis excellentia ad uetera comparatorum                                       | 157 |
| Sacerdotij functio præcipua   | 325 | Sacramenta tria characterem imprimunt   | 157 |
| Sacramenti nomē quo modo accipiat   | 138 | Sacramentorum usu Christiani adificium fulcitur   | 159 |
| Sacramentum quid  | 139 | Sacramentum Eucharistiæ soli sacerdotes conficiunt  | 154 |
| Sacramentis salus & iustitia comparatur   | 139 | Sacramenta per improbos, si quæ ad eorum rectâ rationē attineant, rite se seruentur, conficiuntur | 154 |
| Sacramenti definitio ex Augustino   | 140 | Sacramenti & sacrificij differentia   | 156 |
| Sacramenta inter eas res, quæ significant, referuntur                                     | 140 | Sacrificium vni Deo & non sanctis offertur  | 156 |
| Sacramenta sunt signa rei factæ   | 140 | Sacrificium vnum sunt cruenta & incruenta hostia  | 158 |
| Sacra res est gratia Dei  | 143 | Sacrificiū idē est quod in missa & quod i cruce oblatū est  | 159 |
| Sacramentum sanctitatem significat & efficit  | 141 | Sanctorum communio quam utilis, & quid significet   | 109 |
| Sacramenta non sunt, imagines sanctorum & cruce   | 143 | Sanctorum communione omnes Christiani unum corpus fiunt   | 109 |
| Sacramēta plures res significant  | 145 | Sanctorum cultus, in sanctis venerandis dei gloria non minuitur,                                  |     |
| Sacramenta legis evangelicæ quare instituta   | 145 |   |     |
| Sacramentū quodlibet ex duobus cōficiet, ex materia, & forma                              | 148 |   |     |
| Verba inter omnia signa maximam vim habent  | 149 |   |     |
| Sacramenta nouæ legis formam uerborum præscriptam habent, a qua si discedatur, sacramenti |     |   |     |

|   |     |   |     |
|---|-----|---|-----|
| nuitur, sed augeatur  | 373 | tio compenſabit   | 308 |
| Sanctorum patrocinium non eſt<br>ſuperuacaneum  | 374 | Satisfactionis opera, a ſacerdote<br>indicta pœnitens ſæpe etiam<br>ultra ſuſcipiat | 308 |
| Chriſtus, eſſi mediator propoſi-<br>tus ſit, non propterea ſequitur<br>quin ad ſanctorum gratiam<br>conſugere liceat                  | 374 | Seruire Deo, nihil magnificen-<br>tius  | 340 |
| Sanctorum imagines pingi non<br>prohibet diuino præcepto  | 376 | Sancti quo modo a nobis inuo-<br>centur   | 493 |
| Satanæ auſus  | 369 | Sanctiones Eccleſiaſticae ſacerdo-<br>tem confeſſionis miniſtrum<br>eſſe, declarant | 292 |
| Satanæ incurſibus qui maxime<br>omnium perantur   | 370 | Schiſmatici qui ſunt  | 350 |
| Satan non poteſt tentare, quan-<br>do & quantum uult, ſed quan-<br>do, & quantum a Deo permit-<br>titur                               | 370 | Sepulturæ Chriſti cur ſit expreſſa<br>mentio  | 33  |
| Satan quibus rebus uineatur   | 376 | Sepultura, paſſio, & mors Chri-<br>ſto ut homini, non ut Deo<br>conuenit            | 33  |
| Satisfactionis neceſſitas   | 298 | Signa a natura adinuenta & di-<br>uinitus data                                      | 142 |
| Satisfactionis nomen unde   | 298 | Signa que dicantur  | 142 |
| Satisfactio marie accipitur   | 298 | Signa ante iudicium   | 82  |
| Satisfactio que nobis Deum pla-<br>carum reddit, quæ ſit  | 298 | Sicut in celo & in terra, ad tres<br>primas poſtulationes referri                   | 116 |
| Satisfactio canonica  | 299 | Inter omnia ſigna uerba maxi-<br>mam uim habent                                     | 149 |
| Satisfactio a nobis ſumpta  | 299 | Signaculum totius orationis do-<br>minicæ   | 386 |
| Satisfactio quæ eſt ſacramenti<br>pars  | 299 | Spes impetrandi maximum pon-<br>tus ad impetrandû affert                            | 497 |
| Satisfactionis definitio & neceſ-<br>ſitas  | 300 | Spe celeſtium præmiorum quo<br>modo nos Deo dicare debeat-<br>mus                   | 338 |
| Satisfactionis uis  | 300 | Spes noſtra in amore in Deum<br>tota nitatur  | 338 |
| Satisfactio noſtra Chriſti ſatis-<br>factione nõ obſcurat, ſed mul-<br>to elatiorem reddit  | 304 | Spem habere debemus impetran-<br>di ueniam peccatorum                               | 557 |
| Satisfactio uera que requirit   | 305 | Spes in tentationibus ex quibus<br>noſcatur   | 574 |
| Qui ſatisfacit iuſtus eſt   | 305 | Spes habenda, cum tentamur in<br>Dei patrocinio                                     | 575 |
| Opera pœnalia & afflictiua ſu-<br>ſcipiuntur in ſatisfactione   | 305 | Superbia magnopere Deum of-<br>fendit   | 496 |
| Omneſatisfactionis genus ad tria<br>præcipue conſertur  | 305 | Spiritus ſancti perſonam non de-<br>bemus ignorare                                  | 386 |
| Satisfaciendi uim habent incõ-<br>moda & labores, a Deo immiſi<br>patienter animo ferantur  | 306 | Spiritus ſancti propria ſignifica-<br>tio   | 86  |
| Satisfacere unus pro altero po-<br>teſt   | 306 | Quare perſonæ tertie in diuinis<br>proprium nomen tributum<br>non ſit               | 87  |
| Satisfacturum ſe proximo, ſi quid<br>de re aut exiſtimatione detra-<br>xerit, polliceri debet pœnitens<br>priuſq̃ a peccatis abſoluat | 307 | Spiritus ſanctus patri & filio in<br>omni-  |     |
| In ſatisfactionis pœna irrogan-<br>da quid ſit ſeruandum  | 308 |   |     |
| Satisfactionis modum culpæ ra-  |     |   |     |

# I N D E X

omnibus omnino æqualis 38  
 Spiritus sanctus est Deus 38  
 Spiritus sanctus a patre filioque procedit 90  
 Spiritus sancti admirandi effectus 91-93  
 Spiritus sanctus quare donum appellatus 92  
 Symbolū ab apostolis compolitū & quare sic appellatum 11  
 Symbolum in tres partes distributum 12

## T

**T**ENTATIO quid 171  
 In tentatione ne inducamur, uocandus est Deus 566  
 Tentationum fluctibus agitati in precationis portum confugiamus 570  
 Tentandi genera multa 571  
 Tētari homines ī malā partē 571  
 Tētor quare diabolus dicat 572  
 In tentationem quando inducimur 572  
 Tentat, qui non impedit tentationem 572  
 Tentatio est uita hominis super terram 574  
 Tēnationes æquo aio ferendę 574  
 Terra in media mundi parte consistit 27  
 Testimonij falsi non dicendi præceptum 456  
 Testimonij falsi non dicendi præceptū linguarū cohibet 456  
 Testimonij falsi nō dicendi præcepto duplex cōtinētur, una iubens, altera prohibens 456  
 Quid præcepto nō dicendi falsū testimonium prohibetur 456  
 Testem iuratum iudex reiicere non potest 457  
 Testimonium falsum in se dicere non licet 457  
 Testimonium falsum quid 458  
 Testimonij falsi damna 459  
 Testimonium falsum nō solum in iudicio sed extra iudicium uetatur 458  
 Quot modis falsa dicendo existi-

matio hominis offenditur 459  
 Testimonium est confessio laudis Dei 463  
 Testimonij ueri in rebus humanis maximus usus 463  
 Testes i iudicio caueāt, ne, quod exploratum non habent, pro certo affirmant 463  
 Tondendi caput in coronę speciē, consuetudinem Petrus primus induxit 527  
 Traditione apostolica declaratur Purgatorius ignis 61  
 Traditione patrum peruenire ad nos formam uerborum extremę unctionis 512  
 Traditione apostolica capilli in coronę speciē clericis tondentur 527  
 Traditio apostolorum, qua Episcopus a tribus Episcopis consecratur 337  
 Traditio de numero sacramentorum 150  
 Traditione apostolica Episcopus est minister ordinandi ad sacros ordines 337

## V

**V**ERBA pastorum Ecclesię tanquam Dei uerba recipienda 2  
 Verbi diuini prædicatio nunquam intermittenda 3  
 Verba inter omnia signa maximam uim habent 149  
 Verbi prædicatione & sacramentorum usu Christiani adificium fulcitur 159  
 Verbi incarnatio 49  
 Verbu Dei eibus est anime 550  
 Verbi Dei fames, quare a Deo mittatur 550  
 Verum confiteri debent rei & fontes, cū ex iudicij forma interrogantur 463  
 Verum tacere interdum licet, sed extra iudicium 463  
 Vicarius potestatis Episcopi Ecclesię prepositus 101  
 Vigilię tēnationes uincunt 576  
 Vir quare uxorem diligere debet

|  |     |  |     |
|--|-----|--|-----|
| beat   | 350 | Vnctionis extreme minister   | 316 |
| Viri officium erga uxorem  | 356 | Vnctionis extreme utilitas   | 317 |
| Vita eterna quid significet  | 128 | Vnctionis extreme tempus op-<br>portunissimum  | 317 |
| Vita eterna magis explicat homi-<br>nis felicitatē quā beatiitudo                  | 129 | Vnctionis extreme sacramētum<br>suscipientes agroti quare nō<br>sanantur                     | 318 |
| Vita hominis tentatio  | 574 | Voluntas Dei, ut fiat, quare pe-<br>tamus  | 312 |
| Vita & salus nostra ex Deo pen-<br>det   | 548 | Voluntas Dei quā fieri petimus,<br>est uoluntas signi  | 334 |
| A uitio linguæ innumerabilia<br>mala proficiscuntur                                | 456 | Voluntas Dei ut fiat, qui maxi-<br>me petere debeant   | 333 |
| Vnctionis extreme sacramētum,<br>quare sic dictum                                  | 310 | Voluntas signi quæ   | 334 |
| Vnctionis extreme sacramento,<br>in assidua mortis meditatione<br>uersamur         | 309 | Voluntas Dei ut fiat, maxime<br>desiderandum   | 336 |
| Vnctio extrema est uere sacra-<br>mentum   | 313 | Voluntas tua fiat, quo modo<br>Deo ex animo dicendum   | 337 |
| Vnctio extrema est unum sacra-<br>mentum tantum                                    | 311 | Voluntatē suā Christus ad patris<br>uoluntatē retulit in maximo<br>acerbissime mortis dolore | 337 |
| Vnctionis extreme materia, &<br>forma, & ritus                                     | 312 | Voluntatem diuinā totus mun-<br>dus cognoscere debet   | 338 |
| Vnctionis extreme sacramētum<br>quibus sit conferendum                             | 314 | Voluntas Dei in terra seruanda,<br>sicut in celo seruatur                                    | 338 |
| Vnctionis extreme sacramētū<br>a Christo institutum                                | 313 | Voluntas Dei summa est om-<br>nium ratio   | 340 |
| Vnctionis extreme sacramētū<br>quo tempore adh beatur                              | 317 | Volūtate Dei omnia eueniūt   | 340 |
| Vnctionis extreme sacramētū<br>suscepere apti nō sunt qui ra-<br>tionis usu carent | 314 | Voluntatem Dei quare maxime<br>colamus   | 340 |
| Quæ partes corporis sint ungen-<br>dæ  | 315 | Vxorem uir diligere debet  | 350 |
| Vnctionis extreme sacramētum<br>potest iterari                                     | 316 | Vxoris & uiri mutua officia  | 356 |
| Vnctionis extreme præparatio   | 316 | Vxoris partes eiga uirum   | 357 |
|  |     | Vxor uiro subdita sit  | 356 |

F. I. N. I. S.

## Series Chartarum.

† A B C D E F G H I K L M N O P Q R S T V X  
Y Z, A A B B C C D D E E F F G G H H I I K K L L  
M M N N O O P P Q Q.

Omnes sunt quaterniones, præter †, & Q Q,  
qui sunt duerniones.

